





BOSTON MEDICAL LIBRARY
in the Francis A. Countway
Library of Medicine ~ *Boston*



M A G N I
H I P P O C R A T I S
C O I
O P E R A O M N I A.

M. G. M.

HILLIERS

LA FAMILIA

THE PROPOSAL



HIPPOCRATIS COI

*Genuina effigies ex antiquo numismate
græco Constantinopoli reperto*

M A G N I
HIPPOCRATIS

C O I
OPERA OMNIA,

LATINE TANTUM

E D I T A

Secundum Editionem Lugduno-Batavam anni MDCLXV.

Industria & diligentia

JOAN. ANTONIDÆ VANDER LINDEN,

Doct. & Professoris Medicinæ Practicæ primi in Academia Lugduno-Batava,

A C C O M M O D A T A.

TOMUS PRIMUS.



NEAPOLI MDCCLVII.

PUBLICA AUCTORITATE

EXCŪDEBAT JOSEPHUS RAYMUNDUS

SUMPTIBUS ANTONII CERVONE.

MARINO FRANCISCO

MARIÆ CARACCIOLÒ ARCELLÆ,

ABELLINARUM PRINCIPI , ATRIPALDENSIUM DUCI , SANSEVERINENSIVM
MARCHIONI , GALERATENSIVM , VESPOLATENSIVM , ET SERINENTIIVM
COMITI , MONTISFRIGIDI , CANDIDÆ , SALSULÆ , LANGUSII ,
BARONISII , SARIGNANI DOMINO , HISPANIARVM PRIMÆ
CLASSIS MAGNATI , SAC. ROM. IMPERII PRINCIPI ,
ET NEAPOLITANI REGNI MAGNO , AC
PERPETVO CANCELLARIO &c.

S.



IPPOCRATIS Opera cum typis excudenda statuissem ,
EXCELLENTISSIME DOMINÆ , viri , quem Medico-
rum facile Principem in omni ævo haud dubitabunt
viri eruditi asserere , ac in Cœlum laudibus efferre:
ea Tibi dicare in animum induxi meum ; ut aliquot post me erga Te
pietatis & obsequii publicum extaret monumentum ; & eisdem ipsis in
hac

*hæc nova propriis impensis facta editione contra malevolorum livorem
 talem advocatum & precatorem pararem, qui eodem Græco sanguine edi-
 tus, quo eorum auctor; immo pro majoribus suis eos agnoscit, qui un-
 dique olim in Græciam regnasse haud dubium est. Porro hæc autem
 præcipua, & prima ratio habenda, cur hæc opera Tibi pernecessariò
 dicanda censeam, EXCELLENTISSIME PRINCEPS, ubi quoque nullum mei
 obsequii erga Te monumentum posteritati relinquendi in me extaret cu-
 pido. Quippe nemo est, qui ambigere audet CARACCIOLORUM familiam
 eandem prorsus esse, quam CARACIDARUM [1], quorum primus stipes
 fuit ÆACUS, PELEI Pater, ACHILLISQUE Avus; quique usque a crea-
 tionis anno 2700. præcipuam Græciæ partem dominabantur (2). Et cui
 quidem ignoti, ac inauditi sunt duo ex CARACCIOLIS Excellentissimi
 Viri, ac mari, terraque summi Imperatores? AMBUSTUS, & ANASTA-
 SIUS, in quam, ex quibus CARACCIOLI RUBEI descendunt; quorum alter sub
 Commeno tantam gloriam armis consecutus est, ut & a militibus ultro
 ei Imperii clavum oblatum magna animi virtute recusavit, & ab ipso
 Imperatore præter alias dignitates, Antiochiæ Regnum obtinuit (3).
 Alter Irene imperante rebus quoque militaribus adeo excelluit, ut &
 illa occasione bellorum contra Bulgaros, & reliqua administratione Im-
 perii usa est; & libentissime etiam Leo, & alii Iconomachi usi fuissent,
 si eo-*

[1] Agatarch. Gnid. l. 9. hist. Asiaticæ. Serg. hist. Constantinopol. l. 3. Ammirat. &c. Dufresne de Stemma Comnenorum.

(2) Zernes. 133. Chiliad. 7. Strab. 8. Diod. l. 5. c. 5. & 10. Rainer. in appendic. ad primum Tom. & histor. de familia Caracidarum; Cedren. Zonar. Si moerit. &c.

(3) Zonar. Teofil. Simac. aliique.

si eorum dogmatibus de tollendis imaginibus assensum præbuisset (4) ;
Omitto alios , de quibus luculenta extant tum Græcorum , tum Latino-
rum Scriptorum testimonia , & in veteribus Neapolitanorum Tabulario-
rum monumentis nuper a Basilianis Patribus in CARACCIOLORUM Mo-
nasterium super monte Athos ab AMBUSTO olim erecto [5] degentibus ,
diligenter collectis , & Romano Pontifici pro reparatione ejusdem propo-
sitis passim fit mentio . Nec est cur verbum ullum percurram de LAN-
DULPHO , LIGORIO , RICCARDO , BERARDO Cardinali , JOHANNE , aliis-
que , qui in Regno Neapolitano VIII , IX , X , & XI , ac XII seculo ; vel
de OTTINO , GUALDERIO , & GIARLETTA qui sub Johanna II ; vel
de DOMITIO , MARINO Cardinali , CAMILLO , aliisque Tuis Majoribus ,
qui sub posterioribus Neapolitanis Regibus omnibus & naturæ , & do-
ctrinæ bonis æque cumulati , atque instructi , & in Regni administratio-
ne , muneribusque civilibus , & militaribus assidue , & cum laude ver-
sati , ut Rerum Neapolitanarum Scriptores testantur (6) , solidarum vir-
tutum exempla posteris reliquerunt . Quapropter & Te , MAGNIFICEN-
TISSIME PRINCEPS , qui summo judicio , prudentiaque ornatus , tanquam
in speculum eorum vitas inspiciens , eorundem virtutes non solum imi-
tari , sed etiam superare assidue conaris ; & studiorum honestorum omnium
Mæcenas ab omnibus existimaris , etiam atque etiam rogo , ut munuscu-
lum hoc qualecunque sit , tanquam Tibi proprium , Tua Magnificencia
æquo animo , ac serena fronte acceptet ; Tibique persuade , me vota pro
sa-

(4) Sergius lib. 3. historiar.

(5) Bellon. observat. l. i. c. 39.

(6) Ælius tract. de Sapient. Ammirat. Sansovin. Theod. Genealog. de
 Petris Laurent. Miniati &c.

*salute Tua quotidie concipere ; Deumque Optimum Maximum precari ;
ut diutissime Te servet incolumen ; ac Posteris Tuis pristinum Regium
decus in Gracia denuo largiatur . Ita vale , VIR EXCELLENTISSIME ;
¶ nec in posterum me gratia Tua indignum judica . Neapoli decimo
Kalendas Februarias MDCCLVII.*

MAGNIFICENTIÆ TUÆ

*Addictissimus, Devotissimusque
Antonius Cervone.*

E L E N C H U S

Librorum in Primo Volumine Hippocratis contentorum .

| | | |
|---|---|-----|
| <i>Genus & Vita Hippocratis ex Sorano .</i> | <i>De Ætate fragmentum .</i> | 141 |
| <i>XV. ex variis .</i> | <i>XVI. De Humoribus .</i> | 141 |
| <i>Fragmenta & Elogia ex Authoribus Me-</i> | <i>De Aëribus , aquis , locis .</i> | 147 |
| <i>dicis & non Medicis .</i> | <i>XXVII. De Locis in Homine .</i> | 162 |
| <i>Consentientia ex Galeno .</i> | <i>XXXVI. De Flatibus .</i> | 178 |
| <i>Contradicta & Defensa .</i> | <i>L. De Glandulis .</i> | 185 |
| <i>Operum Magni Hippocratis Censura .</i> | <i>LVIII. De Significatione vitæ & mortis .</i> | 189 |
| <i>De Arte .</i> | <i>I. De diebus Judicatoriis .</i> | 197 |
| <i>De veteri Medicina .</i> | <i>7 De Judicationibus .</i> | 200 |
| <i>Lex .</i> | <i>18 Prænotiones .</i> | 204 |
| <i>Jus jurandum .</i> | <i>19 Prædictorum lib. I. .</i> | 214 |
| <i>De Medico .</i> | <i>20 lib. alter. .</i> | 221 |
| <i>De Decenti ornatu .</i> | <i>23 Coactæ Prænotiones .</i> | 237 |
| <i>Præceptiones .</i> | <i>27 De Dentitione .</i> | 266 |
| <i>Aphorismi , I. .</i> | <i>31 De Alimento .</i> | 267 |
| <i>De Principiis aut Carnibus .</i> | <i>49 De Humidorum usu .</i> | 270 |
| <i>De Genitura .</i> | <i>55 De Purgantibus .</i> | 274 |
| <i>De Natura pueri .</i> | <i>59 De Veratri usu .</i> | 275 |
| <i>De Septimestri , liber spurius .</i> | <i>72 Antidotum .</i> | 276 |
| <i>De Septimestri , liber genuinus .</i> | <i>74 Antidotum aliud .</i> | 277 |
| <i>De Octimestri partu .</i> | <i>77 Officina Medici .</i> | 277 |
| <i>De Dieta , liber I. .</i> | <i>79 De salubri Dieta .</i> | 282 |
| <i>lib. II. .</i> | <i>93 De Insomniis .</i> | 285 |
| <i>lib. III. .</i> | <i>106 De Sanitate tuenda , ad Demetrium .</i> | 291 |
| <i>De Natura humana .</i> | <i>ad Antiochum .</i> | 292 |
| <i>Democritus Hippocrati de natura homi-</i> | <i>ad Mæcenatem .</i> | 295 |
| <i>nis .</i> | <i>124 Popularium lib. I. .</i> | 298 |
| <i>Hipp. de structura hominis .</i> | <i>Lib. II. .</i> | 312 |
| <i>De Resectione .</i> | <i>Lib. III. .</i> | 324 |
| <i>De Corde .</i> | <i>Lib. IV. .</i> | 337 |
| <i>De Ossium natura .</i> | <i>Lib. V. .</i> | 348 |
| <i>De Venis .</i> | <i>Lib. VI. .</i> | 361 |
| <i>De Ætate .</i> | <i>Lib. VII. .</i> | 373 |

Die 28. Decembris 1756.

REIMPRIMATUR

JOSEPH CAN. SPARANUS DEP.

Die 9. Mensis Augusti 1756.

REIMPRIMATUR

FRAGGIANNI.

Carulli.

Novam Editionem Operum Magni

H I P P O C R A T I S,

Orthodoxorum Medicorum Principis,

A Viro Cl.

J O A N N E A N T. vander L I N D E N

Eximio Doctore restauratam.



Um Dictatoris summi lex mystica tradat,
Fallere vel falli, grande nefas Medico,
 Multa laude librum cumulandum censeo, nam qui
 Spectat Lindanum, spectat & Hippocratem.

GUIDO PATIN, Bellovacus, Doct. Med. Paris.
 & Profess. Regius.

Consummatissimi Parentis gloriose æmulo Filio,

D. D. H E N R I C O vander L I N D E N,

Cum Hippocratem sollicita beati Patris cura emendatum publicaret.

A Svere te, Medicum jam longa ab origine germen,
 Cygneumque Patris profer in ora melos:
 Suave melos, doctis quod & os titillat & aures,
 Antequæ Sirenas, Ambrosiamque placet.
 Nectar suave Diis, & terræ mella colonis,
 Suave exsurdata lacryma Thusca gule.
 Suave coloratus mittit quod saccharon Indus,
 Suave Calabrimi rosida manna soli.

*Suavius Antoni sapit ultima cura cerebri,
 Et modulis ultra lusciniam exit olor.
 Phillyridum restor genios; animasque Pelasgum,
 Illa Machaonii prima elementa chori.
 Jam demum Hippocrates proprio exsplendescit in ostro,
 Ipse nitor Grajus, formaque prima redit.
 Vere novo brutam ponit cum pelle senectam
 Arguis, & in juveni veste volumen agit;
 Cœus at in squammis tot secula dormiit iisdem,
 Rara avis, exuvias quæ removeret, erat:
 Foësum supra nemo assurrexit, at ille,
 Proh superi! quam infra mascula cœpta jacet.
 Illius a nitida vitalior exiit ulna,
 Spemque resurgendi semineci ore bibit;
 Oraculo propior tamen exiit: aspera multa,
 Multa abrupta, situ trunca & hiulca vides:
 Sed merito Hippolyti se collectore Batavus
 Jactitat, Oedipodæ nomina, LINDE, meres.
 Mens immixta Diis, Te per sine veste Diana
 Cernitur, & Cœi quicquid Eleusis habet:
 Pelle nova in priscum spirarum Epidaurius aurum
 Voce tua, & calamo suppetiante redit.
 Quin, nisi spe citius lacerassent stamina Parcæ
 Doctorem Antiquis reddere nata diem,
 Ipso se Hippocrates sapientior iisset in auras,
 Ipso se Celsus celsior usque foret.
 Patris adi pluteos celebrati nominis hæres,
 Fac præli excipiant Dia reperta stylum,
 Cantemusque: Pater fuerat cos maxima Cœo,
 Cosque simul Patri maxima Natus erat.*

l. m. q. p.

OLAUS BORCH, Med. Doct. & in Acad.
 Hafn. Profess. Regius.

Novam Hippocratis editionem.

JOH. ANTONIDÆ vander LINDEN

Viri Cl. Studio adornatam,

O D E.

M Orborum dubias quisquis origines,
 Et casus varios, & medicamina,
 Nostri nosse cupit munera Cynthii;
 LINDANI tumulo purpureas gemens
 Inspergat violas, albaque lilia,
 Auditumque procul nomen ad æthera
 Certet perpetuis tollere laudibus.
 Quem nuper Batavum terra opibus potens,
 Multumque ingenuis artibus inclyta,
 Admirata choros inter amabiles
 Doctorum, gravido quos alit ubere.
 Coi pressa senis dicta recludere,
 Curandique vias pandere doctior
 Ecquis, moribus aut sanctior extitit?
 Solers quin etiam secta refingere
 Summi Asclepiadæ membra habilem in modum,
 Quo gestare sinu fit facile omnibus,
 Quem vasto prius haud corpore mobilem
 Servabant plutei; ceu tepidus gravi
 Victum membra situ lectulus alligat.
 Nunc postquam senium & pondus inutile
 LINDANI eximiis artibus exiit
 (Vernus ceu positus exuviis draco
 Segni carcere prorumpit alacrior)
 Musarum exiliet sedibus intimis,
 Quo fors cumque feret, perpetuus comes
 Doctorum, irrequies quos amor ingeni
 Noctes atque dies sollicitos tenet.

Singularis amici memorie dicabat

P. PETITUS, Medicus Paris.

Ι Π Π Ο Κ Ρ Α Τ Ο Υ Σ ,

μεγίστῳ Λινδάνῳ ἔκδοσιω .

Ιπποκράτης Κῶν ποτ' ἐρύσατ' Ἐρεχθέῳ ἀσῆς ,
 Δημοβόρον παύων νῆστον ἐπισαμένως .
 Πηλυτελεῖ δ' αὐτοῖ σίτησιω ἐνὶ Πρυτανείῳ
 Ἰπποκράτει χρυσέω δῶκαν ἀνά σφάλλω ;
 Κῶν δ' Ἰπποκράτης σῶτας Σωτῆρα Βαταυός ,
 Ἄξι' εἰς τελέθει ἄξια δῶρα φέρει ;
 Ἄξια δῶρ' οἴση , Μακαρείτης , αἰὲν εἶοντα
 Οὐνομά τ' ἠδ' αἴνον , ἢ κλέῳ ἀθάνατον .
 Τῆτο γάρ ἐσι γέρας χαλκέντων ἐσθλόν ἰητρῶν ,
 Φαῦλ' ἄγαν χρυσός , φαῦλα τράπεζα πέλει .

Μ Α Τ Θ Α Ι Ο Σ Σ Λ Α Δ Ο Σ ,
 ἰατρὸς Ἀμσελοδαμῶν .

Ad Cl. Virum

HENR. ANTONIDEM vander LINDEN,

JOH. FIL. Med. Doct.

Beati Parentis sui posthumum opus edentem .

ACceptam Patri reddis cum fœnore vitam ,
 Parte sit extinctus ne meliore caves :
 Spirat adhuc certe simili Te prole relicta
 Quam vultu Patrem , pulchrius arte , refers .
 Extabant alii fœtus , servasse decorum
 Hippocratem , binos sic periisse vetas .
 Posthumus hic lucem , veteri jam pœne sepulto
 Addere cum Patris nomine dignus eras .

Lut. Paris. 14. Octobr.

LXIV.

L. M. A.

CHR. CONSTANTINUS ROMPE.
 Med. Doct.

XIII

C E L E B E R R I M I V I R I,
JOH. ANTONIDÆ vander LINDEN

M E M O R I Æ S.

J O H A N N E S A N T O N I D E S
V A N D E R L I N D E N
M O R T U U S E S T.

An mortuus?

SI MORI EST QUIESCERE A LABORIBVS, MORTVVS.
SI VIVERE EST FRVI ASPECTV DEI NON MORTVVS EST
SED VIVIT.

Urbi ereptus sed non Orbi ablatus.

VETAT HOC INCLYTA VIRI VIRTVS
MENS COELO RECEPTA.

Terra in terram rediit.

Manet

PIETAS APVD CONSCIOS
MEMORIA APVD GRATOS
FAMA APVD POSTEROS

Anima inter Myriadas sanctorum gloriose in Cœlo triumphat.

IS NON SEGNI OTIO TORPESCENS
OMNES DIES ANNOS HORAS REBVS
SEMPER PROFVTVRIS, IMPENDIT.

Legit ut intelligeret, scripsit ut legeretur.

Erecturus sibi industriæ, posteris utilitatis, omnibus imitandum monumentum.

NON ARENAS AVT VANA COGITATIONVM,
DVBITATIONVM, SVSPICIONVM

Sed marmora materiarum sumpsit

Inscripturus quæ perennarent literas non quæ delerentur lituras.

SECVLA ELEGIT VICTVRVS IN SECVLA.

Semperne dubitantes & Platonicos Mundos instaurantes?

O semper pueri! Hoc Ægyptii ad Solonem, hoc tibi a nostro dictum sit:
Quisque scilicet novum sibi mundum, elementa, causas, remedia, morbos, mortes,
omnia nova struit: mox destructurus iterum omnia:

Et hoc seculum vocatur.

SED IACES!

KEITAI KAI ΠΑΤΡΟΚΛΟΣ

Commune id tibi cum parvis, medioxumis, magnis.

Sola

Sola hæc regula exceptionem non habet

SED IACES IN TVMVLO SALVTIS QVIA DEVM COLVISTI.
IN TVMVLO FAMÆ QVIA VIRTVTEM AMASTI.

Mors nihil abstulit nisi quod suum erat, peritura brevi, mox resurrectura omnia,
ERAT IN TE HOFMANNI ILLVD PENETRANS ET ACVTVM
PERSPICVITAS MONTANI EXPERIENTIA CRATONIS
ET MAIOR COI SENIS CVLTVS QVAM IN FOESIO.

Quanta reconditæ Lectiois Copia!

Nec medicos modo in numero habebas sed quicquam uspiam eruditi & solidi
sive antiquitas reliquit sive recentior ætas superaddidit.

SCRIPTA MEDICORVM QVOT MILLIA DESCRIPSISTI, TOTIDEM
MENTE PECTORE MEMORIA VSV TVA REDDIDERAS.

Ita aliena legebas diligenter, ut accurate simul intelligeres.

Obscuris & nulli hæctenus intellectis fax eras præfulgida:

Omnes dispellebas tenebras luce ingenii & perspicuitate dictionis
RESTITVISTI DIVINO SENI CIRCIVITVM SANGVINIS
QVEM INCVRIOSA VETERVM HÆC ÆTAS,

PROH STVPOR!

ALIIS ADSCRIPSERAT

Repererant Margaritam in fimeto ignari a quo recondita fuisset.

Et quid hoc ad illos novos Herostratos?

Maneat illa laus qui primus scripsit Hippoc. Lindano qui primus rescripsit perennis gloria.

TIBI VERO TVMVLVM ERIGET ACADEMIA

Non Memphiticæ Pyramides

QVIPPE SIMPLEX FVIT TVA PROCVL FVCO

PROCVL VANITATE CONVERSATIO!

Non Mausoli luxuriosam molem

MENS TVA ET FAMA TOTO ORBE SPARSA NON CAPITVR ILLO
QVANTVMVIS MAGNIFICO ARTEMISIÆ APPARATV

Non Colossum Rhodium

MAIORA TIBI LABORIOSVM TVVM OTIVM ET HIPPOCRATES
REDIVIVVS PRÆSTITIT.

Studiofa juvenus quæ viventem copiosa frequentia coluit eadem sublatum ex
oculis gemebunda sæpe & errabunda quæret.

VTINAM PAREM INVENIAT!

Sed reliquisti quæ absentis vicem fungantur opera tua emenda semper & amanda
IN ILLIS TOTVS QVALIS QVANTVS FVIT LINDANVS SVPEREST.

Pos. G. HORNIUS.

H I P P O C R A T I S^{xv} G E N U S E T V I T A ,

Secundum Soranum .



HIPPOCRATES genere Cous fuit, Heraclidæ & Praxitheæ filiæ Phenaretis filius. Ad Herculem autem & Æsculapium originem generis sui referebat, ab altero se vigesimum, ab

altero decimumnonum se numerabat. Ejus autem genealogiæ Eratosthenes mentionem facit, & Pherecydes, & Apollodorus, Arius item Tarsensis. Cæterum parentis sui Heraclidæ discipulus fuit, deinde Herodici, & ut quidam tradunt, Gorgiam Leontinum rhetorem audivit, & Democritum philosophum Abderiten; floruit temporibus Peloponnesiacis, natus (velut Istomachus in primo de Hippocratis secula tradit) primo octogesi-mæ Olympiadis anno. Soranus vero Cous, qui Coorum bibliothecas perscrutatus est, addit, sub Abriadæ monarchia, Agriani mensis septima & vicesima die, in qua etiam usque in hunc diem Coos Hippocrati omnia sacra facere tradit. Porro quum in arte medica totoque disciplinarum orbe exercitissimus esset, functis vita parentibus, ex patria discessit, ut quidem maligne de eo Andreas in eo, quem de Medicinæ origine scripsit libro, prodit, propterea quod publicam Cnidiorum bibliothecam igne concremasset. Alii autem eo proposito eum patriam reliquisse dicunt, ut rei medicæ effectus & successum per multos locos cognosceret, & in his variis modis exercitaretur. Quemadmodum vero Soranus Cous narrat, Somnus deus eum per somnium admonuit, quo se ad Thessalorum regionem inhabitandam conferret.

II. Cæterum per omnem Græciam Medicinæ gloria omnibus admirationi fuit, adeo ut etiam a Perdicca Macedonum rege, qui tabe laborare putabatur, vocatus publice sit, ad ipsumque una cum Euryphonte, qui ipso ætate major erat, pervenit, animique hunc

regis affectum esse certis signis deprehendit. Post mortem enim Alexandri parentis unam ex pellicum ejus numero Phylam nomine Perdiccas deperibat, ad quam quum rem ipsam Hippocrates detulisset, postea ex illius conspectu omnino illum mutari observavit, atque ita morbo depulso regem conservavit. Vocatus est & Abderam, quo præsens ipse Democritum ab insania liberaret, atque eo sanato a tota urbe pestem depelleret. Quin & in Illyricum plurimasque barbaras terras peste ingruente, & illarum gentium regibus ipsum ad se vocantibus, quum a legatis ipsorum, qui venti in illis regionibus vigerent, didicisset, ipsos re infecta dimisit. At vero quum prudenti ratiocinatione pestem in Atticam grassaturam prævidisset, futurum id prædixit, & tum civitatum, tum discipulorum curam gessit, intantumque Græciæ amator fuit, ut, quum ipsius nominis celebritas usque ad Persas divulgaretur, atque ea gratia ab Artaxerxe per Histanidem Helle-sponti præfectum magnis muneribus & precibus, ut ad ipsum veniret, invitaretur, ob honestatem argentique contemptum, ac Græciæ amorem, regi id denegarit, quemadmodum & hoc ex epistola ejus ad illum manifeste ostenditur. Propriam porro patriam liberavit, quum Athenienses ei bellum illaturi essent, Thessalis ad auxilium ferendum rogatis. Quapropter splendidos honores apud Coos consequutus est: imo & apud Thessalos Argivosque & Athenienses, qui eum Eleusiniis sacris secundum ab Hercule publice initiarunt, & civem conscripserunt, atque in Prytaneo alimenta tum ipsi, tum posteris ejus dederunt. Liberaliter autem & minime invidiose studiosos artem edocuit, decenti jurejurando prius adstrictos.

III. Vita functus est apud Larissas, quando & Democritus obiisse traditur, atque alii quidem nonagesimo ætatis suæ anno, alii octo-

octogesimo quinto, alii centesimo quarto, quidam vero centesimo nono, decessisse tradunt. Sepultus autem est inter Gyrtone & Larissam, ubi usque in hunc diem monumentum ejus cernitur, in quo sane ad multum tempus examen apum mellificantium erat, quo melle ad infantium oris ulcuscula juxta tumulum illito, nutrices ea facile persanabant. Porro in multis imaginibus velato capite pingitur, ut quidam ajunt pileo, quod nobilitatis signum est: nam hoc modo etiam Ulysses Pileatus cernitur: Alii autem pallio velatum dicunt, atque ex his aliqui decoris gratia id fieri asserunt, quandoquidem calvus erat: alii vero ob capitis imbecillitatem id fieri perhibent, alii autem significanter id ab eo factum volunt, nimirum, quod principem rationalis animæ sedem probe munitam & contactam esse oporteat. Alii signum peregrinationes amantis esse ferunt: alii vero rursus obscuritatem scriptorum ipsius per hoc significari contendunt. Alii postremum in testificationem id fieri volunt, quod etiam sanitatis tempore ea, quæ lædere possunt, cavere debeamus. Quanquam quidam affirmant, quod in ad-

ministracione rerum gerendarum, ne quid a circumfluo pallio manus ipsius impedirentur, id ipsum complicatum in caput rejicere consueverit.

IV. Cæterum de scriptis ipsius multa dissensio est; quare fit, ut quum alia alii opinentur, non facile sit de ipsis certum quid pronunciare, ob multas præsertim causas, quæ judicii certitudinem obfuscant: velut est primum quidem cognomen. Secundo quod dictionis characterem possibile sit servare. Tertio quod unus & idem modo robustiore, modo remissiore dictione per ætatem utatur: neque desunt etiam aliæ præter has causas, si referre libeat. Pecuniarum autem penitus contemptor fuit, moribusque sanctis, ac Græcorum amator; quare etiam gentiles suos summa diligentia curavit, adeo ut a peste omnes ipsorum civitates liberavit, quemadmodum supra dixi. Unde & splendor honores non apud Coos tantum, sed & apud Argivos & Athenienses est consequutus. Filios a morte reliquit duos, Thessalum & Draconem, discipulorum vero magnum numerum. Clarissimi vero ipsius filii fuisse perhibentur,

HIER. HENNINGES Theat. geneal. to. I. pag. 300. 423. 425.

APOLLO.

- Æsculapius.
- Machaon.....
- Podalirius.
- Hippolochus.
- Sostratus I.
- Dardaus.
- Cleomitides,
- Chrysamis I.
- Theodorus I.
- Sostratus II.
- Chrysamis II. rex.
- Cleomittades.
- Theodorus II.
- Sostratus III.
- Nebrus.
- Gnosidicus Cous,
- : Hippocrates I.
- Chrysos.
- Elaphus.
- Hippolochus,

- Hygea. —
- Panacea. —
- Aceso. —
- Iaso. —
- Ægle. —

HIPPOCRATES I.

- Heraclides Cous.
- Hippocrates. II. Cous, sive,
- . Magnus cognominatus.
- . Thessalus.
- . Gorgias.
- . Hippocrates III.
- . Thymbræus.
- . Hippocrates V.
- . Hippocrates VI.
- . Praxyanax.
- . Hippocrates VII.
- . Draco II.
- . Draco III.
- . Draco I.
- . Hippocrates IV.
- . filia ἀνάγης & nupta.
- . Polybo.
- Sofander.

REIN. REINNECCIUS Hist. Iuliæ, sive Syntagm. Heroici to. I. qua de Stem. p. 64.

Æsculapius. --- Epione, Herculis F.

Machaon --- Anticlia, Dioclis F.

. Nicomachus

. Nicomachus -- Phæstias.

. * * *

. Aristoteles Philosophus --- Pythias uxor

. Nicanor.

. Pythias

. Erasistratus

. Nicomachus --- Herpyllis
concupina

Hygea.

Ægle.

Iaso.

Aceso.

Panacea.

Podalyrius, Rex Cariæ.

Hippolochus.

Sostratus I.

Dardanus.

Crisamis I.

Cleomittades I.

Theodorus I.

Sostratus II.

Crisamis II. Rex,

Cleomittades II.

Theodorus II.

Sostratus III.

Nebrus.

Gnosidicus.

. Hippocrates I.

. . Heraclides --- Praxithea.

. . Hippocrates II. cognomento Magnus.

. . . Thessalus. Tzetzes VIII. 155.

. . . Gorgias, apud Suidam.

. . . Hippocrates III. Suid. Gal. in I. de Nat. hum. II.

. . . Draco II. Suidas.

. . . Draco III. Suidas. Rhoxanis medicus.

. . . Draco. I. Thessalus in Orat. ad Athenienses.

. . . Hippocrates IV. Suidas.

. . . * * *

. . . Thymbræus

. . . Hippocrates V. Suidas

. . . Hippocrates VI.

. . . * * *

. . . Praxyanax.

. . . Hippocrates VII.

. . . * * * Critodemus. Arrianus in 6.

. . . Sofander

. . . Xenophon, Asclepiadarum ultimus.
 . . . Æneus. N. Filia *αἰώνιος* Polybus.
 . . . Podalirius.
 Chrysus.
 Elaphus

 Hippolochus.

JOA. TZETZES

Histor. VII. Chiliad. CLV. 945.

PAULUS LACISIUS,

Veronensis, *Interpres.*

*Iste Cous Medicus, magnus Hippocrates,
 Patre quidem erat Heraclida; matre autem
 Phenareta,
 Existens septimus decimus, ex Æsculapii
 progenie.
 Post enim Troje captionem, in trajectione
 Rhodi,
 Podalirius filius Æsculapii existens,
 Hippolochum genuit, ex quo Sostratus na-
 tus est,
 Ex quo Dardanus, ex quo Crisamis, ex
 quo Clemyttades,
 Cujus filius Theodorus, ex hoc autem Sostra-
 tus alius,
 Ex quo Sostrato Crisamis secundus natus est.
 Crisamide Theodorus secundus rursus natus est.
 Ex Theodoro hoc autem Sostratus tertius,
 Ex quo Nebrus, ex quo Gnosidicus, ex quo
 Hippocrates.
 Primi Hippocratis autem, filii Gnosidici,
 Filius erat Heraclidas: ex quo, & Phenareta,
 Ille magnus, qui & secundus, fuit Hip-
 pocrates.
 Quem pater Heraclidas, quæ medicorum sunt,
 docet:
 Quique ex Selybria Herodicus, cum hoc.
 Gorgias Leontinus vero artem rhetorum,
 Philosophiam post ipsos Democritus ille.
 In Coe autem librorum custos designatus Hip-
 pocrates,
 Antiquos medicorum exussit libros,*

*Et librorum armamentarium, quapropter
 fugiens illinc*

*In Hedonis moratus est, Gracia, Thessalia,
 Artaxerxæ contemporaneus existens, & Per-
 dicca.*

*Filii Hippocratis autem, Thessalus atque
 Dracon,*

*Quos, & Praxagoram Coum, atque alios,
 Medicinam docuit, scripsitque libros*

*Tres & quinquaginta. Deinde moritur au-
 tem,*

*Annorum existens centum simul atque qua-
 tuor.*

*Mortuus autem sepultus est medio inter La-
 rissam atque Gyrtionem.*

Septem Hippocrates autem scito fuisse:

*Gnosidici primum quidem, Heraclida autem
 secundum,*

*Illum Thessali, illum Draconis, duos filios
 Thymbræi,*

*Et illum Praxianactis septimum Hippocra-
 tem.*

*Septem Hippocrates quidem: iste autem pin-
 gebatur*

*Contegens suum caput suo cum vestimento.
 Quatuor autem causas hujus dicunt esse:*

*Vel enim dolens caput, vel velut peregrinus,
 Vel tamquam ostendens ratiocinationis in-
 strumentum id esse,*

*Vel quo modo in chirurgiis oporteat caput o-
 perire,*

Hoc faciebat vir, & sic depingitur.

*Male autem quidam dicunt, empyricum vi-
 rum.*

*Ex Ephesio Sorano res Hippocratis exposui.
 Qui Hippocrates medicus, Heraclida, Cous,*

*Jubebat (sententiis erudiebat medicorum ge-
 nera)*

*In alienis calamitatibus proprias vindemiare
 tristitias.*

VI. 2. SUIDAS

Lexico.

VI. ÆM. PORTUS,

Interpres.

Cos : insula . Unde Hippocrates medicus . Quæ & Meropis vocatur .

STEPHANUS

De Urbibus.

J. A. VANDER LINDEN,

Interpres.

Coos urbs , & insula . Hinc vero cognomen Hippocrates & Erasistratus medici acceperunt . Erat autem Hippocrates ex Nebridis dictis . Nebrus enim fuit nobilissimus Asclepiadarum : cui & Pythia testimonium perhibuit ; cujus, Gnosidicus : Gnosidici, Hippocrates, & Ænius, & Podalirius . Hippocratis, Heraclides ; cujus, Hippocrates ille celeberrimus, qui & admirabiles libros reliquit .

ISIDORUS HISPALENSIS,

Geograph. sive Orig. XIV. 5.

Coos insula , adjacens provinciæ Atticæ , in qua Hippocrates medicus natus : quæ , ut Varro testis est , arte lanificii prima in ornamento scæminarum inclauit .

SUIDAS

Lexico.

ÆM. PORTUS,

Interpres.

Hippocrates Coos , medicus , Heraclidæ filius , artis medicæ peritissimus . Præfertur enim etiam avo , (&) patri Heraclidæ , quamvis ejusdem nominis esset , quod tamquam sidus , & lumen fuerit medicinæ , quæ vitæ est utilissima . Fuit autem unus ex posteris Chrysi , & Elaphi , illius filii , qui & ipsi fuerunt medici . Hic primum quidem fuit discipulus patris , postea vero Herodici Selvbriani , & Gorgiæ Oratoris ac philosophi . Ut vero quidam tradunt , Democri-

ti Abderitæ . Ipsum enim adolescentem ad illum jam senem accessisse ferunt . Ut vero quidam dicunt , fuit & Prodicti discipulus . Commoratus autem est in Macedonia Regi Perdicæ admodum charus . Duos habuit filios , Thessalum & Draconem . Obiit autem ætatis anno civ . Sepultus est Larissæ in Thessalia . In imaginibus autem traditur ipsum habere caput veste involutum , & tectum : vel quod hic esset ejus mos ; vel propter peregrinandi studium , quo flagrabat , vel ob peculiarem in chirurgia morem . Hic multa scripsit , & apud omnes clarus evasit , adeo ut magnus ille Persarum rex , qui vocabatur Artaxerxes , scriptis ad Hystanem literis , hujus viri sapientiam expetiverit . Rex regum , & cetera . Libri autem ab Hippocrate scripti omnibus medicinæ studiosis sunt notissimi , eosque adeo amplectuntur ; tantique faciunt , ut divinas , non autem ex humano ore progressas voces esse putent . Præcipuos tamen & ipsi recensebimus . Primus igitur liber est ille , qui *medicum* jusjurandum continet . Secundus vero , qui prædictiones explicat . Tertius , Aphorismorum , qui superat ingenium humanum . Quartum locum teneat celeberrimum illud , & valde admirabile opus , quod a LX. librorum numero vocatur Hexecontabiblus , quod omnem medicam scientiam & sapientiam continet .

Hippocrates , Gnosidici filius , Coos , pater Heraclidæ , patris Hippocratis , medicus & ipse , è familia Asclepiadarum , Artem medicam scripsit .

Hippocrates , Thessali F. Coos medicus , nepos Hippocratis secundi , filii Heraclidæ . Scripsit & ipse medica .

Hippocrates quartus Draconis F. Coos medicus , ejusdem & ipse generis , qui curavit Roxanen . Sub Cassandro autem , Antipatri filio , de vita decessit . Scripsit & ipse medica .

Hippocrates duo , quintus , & sextus , medici , Thymbræi filii , Coi & ipsi ejusdem generis . Scripserunt ambo in eandem scientiam .

Hippocrates septimus , Coos , & ipse medicus , Praxianaëtis filius , ejusdem & ipse generis . Scripsit & ipse de eadem arte .

JOH. TZETZES

*Histor. x. Chil. CCCXLIX. 722. ut & XII.
Chil. CCCCXXXIV. 638.*

PAULUS LACISIUS,
Veronensis, *Interpres.*

*Asclepiadae igitur vocantur quidem proprie,
Quotquot trahunt seriem a genere hoc,
Sive medici, sive aliam exercentes vitam,
Quemadmodum Hippocrates, atque alii com-
plures.*

*Medici vero dicuntur magis abusive,
Asclepiadae omnes, ab arte hujusmodi:
Quemadmodum & Nicomachus, pater Ari-
stotelis.*

A. CORN. CELSUS
Praef. pag. meae edit. 3. lin. 3.

Democriti autem, ut quidam crediderunt,
discipulus Hippocrates Cous, primus ex
omnibus memoria dignis ab studio sapien-
tiae disciplinam hanc separavit, vir & arte,
& facundia insignis.

SUIDAS.
Gorgia.

ÆM. PORTUS,
Interpres.

Gorgias Charmantidae filius, Leontinus,
Rhetor, Empedoclis discipulus, magister
Poli Agrigentini, & Periclis, & Isocratis,
& Alcidasantis Eleatae, qui & in schola
ipsi successit. Frater autem fuit Herodici
medici.

SUIDAS
Democrito.

ÆM. PORTUS,
Interpres.

Ipsius vero discipulus insignis fuit Metro-
dorus Chius. Cujus vicissim auditores fue-
runt Anaxarchus, & Hippocrates medicus.

EUSEB. PAMPHILUS
Chronic. lib. I, pag. edit. Scal. 53. l. 8. 12. 17.

V. L.

Interpres.

Sub Artaxerxe Longimano etiam Pello-
ponnesiacum bellum fuit patratum. Tunc
Hippocrates Cous medicus innotuit.

IDEM *ibidem p. 53. l. 28.*

Macedonibus imperante Perdicca, Hip-
pocrates Cous medicorum optimus innotuit,
genus Asclepiada.

EUSEB. PAMPHILUS
Chron. can. p. ed Scal. 172.

D. HIERONYMUS,
Interpres. lib. II. p. ed. Scal. 133.

Olymp. LXXXVI. Democritus Abderites,
& Empedocles, & Hippocrates medicus,
Gorgias, Hippiasque, & Prodicus, & Ze-
no, & Parmenides Philosophi insignes ha-
bentur.

LUCIANUS.
Philopseuda p. m. 483. B.

JOH. BENEDICTUS,
Interpres.

Et mihi, o Eucrates, est æreus Hippo-
crates, magnitudine ferme cubitali, qui
duntaxat extincta lucerna, totam domum
in orbem ambit, strepens, & pyxides ever-
tens, & pharmaca commiscens, & ostium
subvertens, imprimis si sacrificium differa-
mus, quod ei quotannis facimus. Postulat
ergo, inquam ego, etiam Hippocrates me-
dicus jam ut sibi sacrificetur, indignatur-
que nisi in tempore justorum sacrificiorum
epulis accipiatur? quem boni consulere o-
portebat, si quis ei libaret, aut mulsum
infunderet, aut caput coronaret.

MAX. TYRIUS
Serm. VII.

COSMUS PACCIVS,
Interpres.

Horum igitur aliquis si figulum audiat
dicentem, homines hujusmodi, quod ea ra-
tione compositi essent, ut nequaquam Hip-
po-

pocratis curationibus egerent, oportere Hippocratem ipsum coronatum velleribus ac delibutum unguentis, in alium locum amandare, ubi vigentes morbi, ejus operam exposcerent, & medicinam honorabilem redderent.

S T R A B O

Geogr. XIV. p. m. 657.

ΦΑΣΙ ὁ Ἱπποκράτης μάρισα ἐκ τῶν ἀνακειμένων θεραπειῶν ἐνταῦθα γυμνάζεσθαι τὰ περὶ τὰς εὐχάϊας. ἔπος σε δὴ ἐστὶ τὸ ἐνδύξων Κῶος ἀνὴρ.

PLINIUS SECUNDUS

Hist. nat. XXIX. I.

Diis primum inventores suos assignavit, & cœlo dicavit. Nec non & hodie multifariam ab oraculis medicina petitur. Auxit deinde famam etiam crimine, ictum fulmine Æsculapium fabulata, quoniam Tyndaridem revocasset ad vitam. Nec tamen cassavit narrare alios revixisse opera sua, clara Trojanis temporibus, quibus fama certior, vulnerum tamen dumtaxat remediis. Sequentia ejus (mirum dictu) in nocte densissima latuere usque ad Peloponnesiacum bellum: tunc eam revocavit in lucem Hippocrates, genitus in insula Coo, imprimis clara ac valida, & Æsculapio dicata. Is, cum fuisset mos, liberatos morbis scribere in templo ejus Dei, quid auxiliatum esset, ut postea ea similitudo proficeret, exscripsisse ea traditur, atque (ut Varro apud nos credit) jam templo cremato, instituisse medicinam hanc, quæ Clinice vocatur.

ISIDORUS HISPALENSIS

Orig. IV. 3. 4.

Medicinæ autem artis auctor ac repertor apud Græcos perhibetur Apollo. Hanc filius ejus Æsculapius laude vel opere ampliavit. Sed postquam fulminis ictu Æsculapius interiit, interdicta fertur medendi cura, & ars simul cum auctore defecit, latuitque per annos pene quingentos usque ad tempus Artaxerxis regis Persarum. Tunc eam revocavit ad lucem Hippocrates Asclepio patre genitus in insula Coo.

Itaque tres viri totidem hæreses invenerunt. Prima Methodica inventa est ab A-

polline, quæ remedia sedatur & carmina. Secunda Empirica, id est, experientissima, inventa est ab Æsculapio, quæ non indiciorum signis, sed solis constat experimentis. Tertia Logica, id est, rationabilis, inventa ab Hippocrate. Iste enim discussis ætatum, regionum, vel ægritudinum qualitatibus, artis curam rationabiliter perscrutatus est.

A U C T O R

Medici, c. I.

J O. A N D E R N A C U S,

Interpres.

Perfectam medicinam & omnibus numeris absolutam, illam divinam scilicet, Æsculapius solus invenit. Illam vero, quæ inter homines versatur, hujus successores, Asclepiadæ posteri veluti hæreditario acceptam tradiderunt, maxime Hippocrates, qui omnibus facile præcelluit, primusque perfectam apud Græcos medicinam in lucem protulit.

P H I L O S T R A T U S

De Vita Apollon. Tyanci III. 14.

F E D. M O R E L L U S,

Interpres.

Jarchas multa bona erga homines divinationem efficere dixit. Inter quæ præcipuum est medicinæ donum. Non enim, inquit, ii, qui sapientes in hac arte habiti sunt, Æsculapii filii tam multum profecissent, nisi Apollinis filius Æsculapius, juxta patris vaticinia morbis proficua remedia composuisset: quæ ille deinceps filios docens, atque illi nepotibus posterisque tradentes, amicis tandem, familiaribusque eadem demonstrarunt.

S O R A N U S E P H E S I U S

Præf. in Artis med. Isag.

Medicinam quidem invenit Apollo, amplificavit Æsculapius, perfecit Hippocrates: quem mihi hominis ducem, & judicem omnium causarum & questionum oportet accipere, tamquam parentem & inventorem omnium bonorum operum, per quem Logica nobis juxta rationem est facta traditio.

A U-

A U C T O R

l. de Catharticiis c. 1.

Hippocrates libros, amore medicinæ per diversas civitates, provincias & singulas regiones proficiscens, experimento cognoscitur collegisse, & artificiose vitam & theoremata consummasset: & quomodo ordinando nobis medicinam derelictam, voluisset perquirere, ut posteris traderet.

Æ L I A N U S

Varia hist. IV. 20.

J U S T U S V U L T E I U S,

Interpres.

Dicunt etiam in primo congressu cum Democrito Hippocratem de ipso tamquam de stulto sensisse. Postquam vero ipsis familiaritas intercesserat, mirum in modum admiratum esse hominis sapientiam.

J O A. T Z E T Z E S

Histor. I. Chil. LXI. 978.

P A U L U S L A C I S I U S,

Veronensis, Interpres.

Abderites Democritus, filius Hegesistrati, Leucippi autem discipulus, discipuli Melissi, Tamquam vere philosophus, omnia pulchre sciens,

Semper vanitatem vitæ deridebat.

Abderitæ autem arbitrati insanire virum,

Decem talentis dono missis Hippocrati,

Rogabant curatum venire medicum Coum.

Medicus autem profectus navi, & absque pecuniis,

Conspicatus Democritum ipsum, iterum reversus est,

Plus ipse curatus, quam qui curasset hunc:

Confessusque gratias omnibus Abderitis,

Quod talem propter sapientem virum agnovit.

D I O G E N E S L A E R T I U S

Democrito l. IX. p. m. 656.

F R. A M B R O S I U S,

Interpres.

Refert autem Athenodorus in VIII. De-

ambulationum libro, quum ad Democritum Hippocrates venisset, jussisse afferri lac, inspectoque lacte dixisse. Et capellæ primi partus & nigræ est. Unde maximum diligentia suæ miraculum Hippocrati fecisse. Sed & puellam Hippocratis comitem, primo die ita salutasse, salve virgo: postridie vero, salve mulier. Fuerat enim puella nocte illa vitiata.

S U I D A S

Democrito.

Æ. M Y L. P O R T U S,

Interpres.

Democritus Abderites non adiit Athenas, sed tantam urbem contempsit. Nam non a loco gloriam accipere volebat: sed loco gloriam conciliare studebat. Cum autem Hippocrates ad Democritum venisset, ajunt jussisse lac adferri: quod cum vidisset, dixisse, lac esse capræ primiparæ & nigræ. Hippocratem vero admiratum fuisse ipsius accuratam rerum cognitionem. Quinetiam puellam, quæ cum Hippocrate ad ipsam accesserat, primo quidem die ab ipso sic salutatam: salve puella. Postridie vero, salve mulier. Illa enim puella noctu fuerat stuprata.

P L I N I U S

Hist. nat. VII. 37.

Hippocrates (enituit) medicina: qui venientem ab Illyriis pestilentiam prædixit, & discipulos ad auxiliandum circa urbes dimisit: quod ob meritum honores illi, quos Herculi, decrevit Græcia.

V A R R O

De Re rust. I. 4.

Annon ille Hippocrates medicus in magna pestilentia, non unum agrum, sed multa oppida, scientia servavit?

B A R T H O L. S Y L V A N I U S,

Interpres.

Hippocratis apud Græcos omnes memoria in ævum durabit, quandoquidem publice est

est de omnibus benemeritus .

JOH. ACTUARIUS
Meth. med. v. 6. qua de Antid.

AETIUS AMIDENUS
terr. ab. II. ferm. I. cap. 94.

CORN. HENR. BRUGESIUS,
Interpres.

JANUS CORNARIUS,
Interpres.

Sed & rogo ingenti exstructo & incenso aerem ad caliditatem & siccitatem transmutare quis potest, humidum & frigidum factum; quemadmodum Hippocratem Athenis fecisse dicunt, itemque Acronem Agrigentinum.

N I C O M E D I S,
Sive ut alii,

B A S S I

In Hippocratem disticum recurrens,
Ex Anthol. Epigrammat. l. I. c. 39.

*Hippocrates fuit arx miseris, ac gentibus agris
Reddidit hic vires: Dis, tibi pauperies.
Recurrans.*

*Pauperies tibi, Dis: vires hic reddidit agris
Gentibus, ac miseris arx fuit Hippocrates.*

JOH. COCCIJUS.

A U C T O R
l. de Ther. ad Pison. c. 16.

JUL. MART. ROTA,
Interpres.

Quocirca summis laudibus prosequor admirandum Hippocratem, qui pestem illam ex Æthiopia ad Græcos venientem non alio præsidio repulit, quam aerem purum faciendo, ne ab hominibus (qualis tunc erat) infectus hauriretur. Præcepit itaque ut per totam civitatem ignis accenderetur, qui non solum e simplici materia constaret, sed bene olentes coronas & flores haberet. Talia siquidem ignibus alimenta subministrari consuluit, ut & unguenta quam pinguisima infunderent, & id genus alia bonum odorem fundentia: ut hoc pacto civis aerem purum inspirantes ab imminente lue tuti forent.

Antidotum Hippocratis, quo usus corona Athenis est donatus; fronti ex vino illitum capitis dolorem mitigat, & aurium dolori prodest, ex oleo vellium flocco injectum, nec secus ore detentum, ejus dolorem sedat. Dandum est autem ex hydromelite, nucis avellanæ magnitudine, tussientibus, lienosis, jecinorosis, sanguinem exspuentibus, calculosis, laterum inflammationibus, Ægyptiæ fabæ magnitudine, ex oxymelite mero, cyathis tribus, ischiadicis, intestinorum dolore vexatis, lupini magnitudine in decocto pæoniæ, à prima luna usque ad extremam: a larvis demoniisque occupatis, nucis Ponticæ magnitudine, in lacte asinino: quartana laborantibus ex aceto mulso, desinente luna.

Calami odorati, junci odorati, sabinæ singulorum triens: feminis viticis, cardamomi, cyperi, crocomagmatis, singulorum quincunx, nardi Celticæ selibra, aspalathi septunx, ammoniaci uncia, pilularum cupressi quadrans, rosarum triens, ladani, myrrhæ, thuris, singulorum libra, baccæ juniperi minoris quadraginta: hæc simul privatim tundito: spicæ nardi selibra, costi triens, folii bes, casisæ selibra, amomi quadrans: hæc quoque privatim tundito: mastiches triens, & hoc seorsum in mortario teritur: styracis dextans, styrax paulatim bellariis in mortario adjicitur: terebinthinæ libræ tres, mellis Attici libræ quinque, vini veteris quod ad bellaria maceranda satis est, munde & sedulo melle excipiens confice.

G A L E N U S
l. Quod opt. med.

LUD. BELLISARIUS,
Interpres.

An nostris seculis quemquam memorare possumus, qui tantum habere cupiat, quantum sit ad usum vitæ necessarium? qui non verbis tantum effingere, sed etiam pro-

propriis vitæ exemplis docere possit divitiarum terminum, qui quidem sit secundum naturam, nec ultra, quam ut fames, sitis, frigus absit, progredi. Sed, si quis tamen ejusmodi est, is & Artaxerxis & Perdicæ potestatem contemnet, nec unquam in conspectum hujus ibit: huic vero sic ægrotanti, ut Hippocratis artem desideret, medebitur quidem, non tamen semper cum eo esse volet, sed Cranonem & Thasum, aliaque ad oppida multa proficiscetur, ut pauperibus his locis ægrotantibus curationes adhibeat. Cois hominibus civibusque suis Polybum aliosque discipulos relinquet: ipse Græciam peragrans omnem perquiret, (vel occupabit) ut naturam locorum, sicut ratione (vel narratione) didicit, sic experimentis comprobet.

S C R I B O N I U S L A R G U S

Epist. ad C. Jul. Callistum.

Hippocrates conditor nostræ professionis initia disciplinæ ab Jurejurando tradidit: in quo sanctum est, ne prægnanti quidem medicamentum, quo conceptum excutitur, aut detur, aut demonstretur a quoquam medico, longe præformans animos discipulorum ad humanitatem.

O C T A V I A N U S H O R A T I A N U S

ad Victoriam III. 6.

Abortivum dare nulli umquam fas est. Ut enim Hippocratis attestatur adjuratio, tam duri reatus conscientia medicorum innocens officium non debet maculari.

T E R T U L L I A N U S

de Anima cap. 25. p. m. 328. B.

Atquin & in ipso adhuc utero infans trucidatur, necessaria crudelitate, quum in exitu obliquatus denegat partum; matricida, ni moriturus. Itaque & inter arma medicorum & organon est, quo prius patefcere secreta coguntur, tortili temperamento, cum anulo cultrato, quo intus membra cæduntur, anxio arbitrio; cum hebetate unco, quo totum facinus extrahitur violento puerperio. Est etiam æneum spiculum, quo

jugulatio ipsa dirigitur, cæco latrocinio: *ἐμβρυοφάκτιν* appellant: de infanticidii officio utique viventis infantis peremptorium; hoc & Hippocrates habuit, & Asclepiades, & Erasistratus, & majorum quoque professor Herophilus, & mitior ipse Soranus, certi animal esse conceptum, atque ita miserti infelicissimæ hujusmodi infantia, ut prius occidatur, ne viva lanietur.

S O R A N U S E P H E S I U S

Isag. Art. med. cap. 3.

Memor etiam sit juramenti Hippocratis, ut ab omni culpa se absteineat, maxime venereo & corruptibili actu. Ea, quæ in domibus aguntur & dicuntur, tamquam mysteria celanda existimet. Sic enim sibi & arti ampliorem laudem acquireret. Habeat etiam digitorum elegantiam & subtilitatem, ut suavis omnibus videatur, & in tangendo subtilior appareat; hæc enim & ipse Hippocrates dixit.

D. H I E R O N Y M U S

ad Nepotianum de Vita Clericorum c. 18.

Hippocrates adjurat discipulos, antequam doceat, & in verba sua jurare compellit, extorquet sacramento silentium, sermonem, incessum, habitum, moresque præscribit: quanto magis nos, quibus animarum cura commissa est, omnium Christianorum domos debemus amare quasi proprias?

A V E N Z O A R

II. Theisir. I. 5.

Quilibet medicus tenetur observare præcepta Hippocratis: quæ sunt, quod Medicus non debet discipulum docere, nisi prius juvare ipsum faciat, ne utatur medicinis mortiferis, vel venenosis ullo modo.

M. A N T O N I N U S

Imp. de Rebus suis lib. III. §. 3.

T H O. G A T A K E R U S,

Interpres.

Hippocrates, ubi multos sustulerat morbos, morbo tandem & ipse sublatus est.

Ignor-

IGNOTI *Epitaphium*

Hippocratis .

Ex Anthol. Epigrammat. sect. III. cap. 15.

THESSALUS Hippocrates , *Cons genere , hac
cet urna ,
Phæbi immortalis semine progenitus .
Crebra trophæa tulit morborum armis me-
dicinæ ,
Laus cui magna , nec id sorte , sed arte
fuit .*

THO. MORUS, *Anglus .*

Æ L I A N U S .

Var. hist. IV. 20.

J U S T U S V U L T E J U S ,

Interpres .

Dicunt præterea , Hippocratem fuisse Do-
riensem : sed in gratiam Democriti Jonica
lingua suos libros scripsisse .

C. P L I N I U S S E C U N D U S

Nat. hist. XXVI. 2.

Hippocrates certe , qui primus medendi
præcepta clarissime condidit , referta herba-
rum mentione invenimus volumina .

M. A U R . C A S S I O D O R U S

Divin. lect. cap. 31.

Post hæc legite Hippocratem , atque Ga-
lenum Latina lingua conversos , id est ,
Therapeutica Galeni ad philosophum Glau-
conem destinata . Deinde Cælii Aurelii de
Medicina , & Hippocratis de Herbis &
curis .

D. A U G U S T I N U S

Contra Manichæum , xxxiii. 5.

Nonne , ut alios omittam , sub Hippo-
cratis medici nobilissimi nomine quidam
libri prolati in auctoritatem a medicis
non recepti sunt ? Nec eos adjuvit nonnul-
la similitudo rerum atque verborum , quan-
do comparati eis , quos vere Hippocratis
esse constaret , impares iudicati sunt , &
Tom. I.

quod ab eo tempore , quo & cetera scripta
ejus , non innotuerunt , quod vere ejus es-
sent . Hos autem libros , quibus illi , qui
de transverso proferuntur , comparati re-
spuuntur , unde constat esse Hippocratis ,
unde si quis hoc neget , nec saltem refelli-
tur , sed ridetur , nisi quia sic eos ab ipso
Hippocratis tempore usque ad hoc tempus ,
& deinceps successionis series commendavit ,
ut hinc dubitare dementis sit .

A. C O R N . C E L S U S

De Medic. VIII. 4. p. m. ed. 515. l. r.

A futuris se deceptum esse , Hippocrates
memoriæ prodidit , more scilicet magno-
rum virorum , & fiduciam magnarum re-
rum habentium . Nam levia ingenia , quia
nihil habent , nihil sibi detrahunt . Magno
ingenio , multa que nihilominus habituro ,
convenit etiam simplex veri erroris confes-
sio ; præcipueque in eo ministerio , quod
utilitatis causa posteris traditur ; ne qui
decipiantur eadem ratione , qua quis ante
deceptus est . Sed hæc quidem alioquin me-
moria magni professoris , uti interponere-
mus , effecit .

M. F A B . Q U I N C T I L I A N U S

Inst. orat. III. p. m. 45. G.

Nam & Hippocrates clarus arte medici-
næ , videtur honestissime fecisse , qui quos-
dam errores suos , ne posterii errarent , con-
fessus est .

P L U T A R C H U S

De Prof. in virtute p. m. 82. D.

Qui vero re ipsa proficit , exemplum Hip-
pocratis sibi imitandum ducet , qui erro-
rem suum de futuris capitis professus est ,
inque litteras retulit ; existimabitque indi-
gnum fore , si (cum tantus vir , ne alii
eodem erroris venirent , suam testatam fe-
cerit ignorantiam) ipse salutis suæ studio
non audeat stultitiam inscitiamque suam de-
tegere atque confiteri .

P A U S A N I A S

Phocic. x. p. m. 612. l. 51.

d

Ro-

ROMULUS AMASÆUS,
Interpres.

Phocenses ejus fratri Phayllo summa cum potestate imperium decreverunt. Ei vix dum ad imperandum aggresso talis oblata est per somnium species. Inter Apollinis donaria pervetus effigies quædam fuit, ex ære, hominis, cui diuturniore morbo carne consumpta, sola essent reliqua ossa; agebant Delphi ab Hippocrate medico dedicatam. Huic Phayllus se similem factum videre visus est: ac paucis post diebus macie contabescens somnii eventum implevit.

SUIDAS
Lexico.

ÆM. PORTUS,
Interpres.

Thessalus, Cous medicus, illius illustris Hippocratis filius. Cujus iterum filii fuerunt Gorgias & Hippocrates. Scripsit libros de re medica sex.

Dracon, nepos Hippocratis illius insignis medici, ex Thessalo f. pater Hippocratis, ex quo rursus natus est Dracon, & ipse medicus, qui Rhoxanen Alexandri Macedonis conjugem curavit.

GALENUS

De Vict. rat. in morb. acut. III. 42.

JOA. VASSÆUS,
Interpres.

Erasistratus malitiose satis criminatur Hippocratem, discipulos ipsius prope accusans, Apollonium & Dexippum: quos ait cereos cyathos duodecim in sextantali cotylæ cyatho effinxisse, atque unum ex illis aut duos febrientibus admetiri. Verum Erasistratus de Apollonio quidem & Dexippo mentionem facit, nec ullum eorum librum ostendere potest.

SUIDAS
Lexico.

ÆMIL. PORTUS,
Interpres.

Dexippus, Cous, medicus Hippocratis discipulus. Qui arcessitus ab Hecatomo Carum rege, ut ipsius filios desperatos, Mausolum & Pixodarum, curaret, eos ea conditione sanavit, ut bellum, quod tunc adversus Caras gerebat, deponeret. Scripsit unum medicum librum, & de præcognitionibus duos.

PLUTARCHUS
De Stoic. repugn. p. m. 1047. C.

Enimvero nobilissimi medicorum testimonium Platoni perhibent, Hippocrates, Philistio, Dixippus Hippocraticus.

JOH. de MANDEUYLE
In Itinerario cap. 6. De Filia Hippocratis mirabile.

Exinde itinerando itur ad insulam de Orecia, & postea ad insulam, quæ Stanco dicitur, & ad insulam, de Lango; de quibus insulis Hippocrates extitit dominus. Et dicitur adhuc, quod in insula de Lango restat adhuc filia Hippocratis, in effigie magni Draconis, qui centum toysas continet longitudinis, sicut dicitur (nam ipse non vidi) inclusa; quam habitatores dictæ insulæ vocant Dominam patriæ. Jacet autem in quodam castello antiquo: & aliquando ostendit se quibusdam personis, eis minime nocendo, nisi eam aliquis læserit. Fuit autem dicta filia aliquando mutata de pulchra puella in draconem, per unam deissam, quæ Diana vocabatur, & dicitur quod aliquando reduceretur ad gradum pristinum. Quando videlicet inventus aliquis miles, in tantum audax, quod osculetur eam ore ad os. Sed quando conversa fuerit in mulierem, non vivet ulterius.

Unde modico tempore transacto quidam miles de hospitali de Rodes, valens & audax dixit, quod eam deoscularetur: & ascendens cursorium suum transtulit se ad dictum castrum. Et ingrediendo cavernam Draconis, incepit Draco caput suum contra militem

tem erigere. Cernens igitur miles Draconis vultum horribilem atque terribilem nimis, rediit de caverna: at equus militis horrore tanto perterritus, super ripam altam profiliens ascensorem projecit in mare, & ita cum equo suo demersus interiit.

Iterum juvenis quidam Draconem prædictum ignorans, exiens de navi per medium insulæ incedens & dictum ingrediens castellum & cavernam Draconis processit ulterius, & in quadam interius caverna vidit puellam capillos capitis parantem præmissis speculo ante faciem dictæ domicellæ. Circa quam thesaurus non modicus erat appositus. Cogitansque penes se credit eam fuisse mulierem communem. Exspectans tandem juvenis, quousque ejus umbram cerneret, puella quæsit, quis esset juvenis ille. Qui respondebat, quod intendebat esse sponsatus tam pulchræ puellæ. Quæ quæsit a juvene, si miles esset? & respondit, non. Quæ dixit, nullo modo amicitiam eum ab eadem prius se obtinere, quousque ordini adscriptus fuisset militari. Et dixit, redeundo ad sodales tuos facias te militari ordini adscribi,

& cras exeundo cavernam præcedam te, & veniens dabis mihi osculum, & de turpitudine mea noli terri, quod non tibi nocebo, & quantumcumque conspexeris me horribilem, ne timeas, quod per incantationes transfigurationem talem recepi & deformitatem, quam cernis. Quod si osculari me poteris, thesaurum, quem vidisti, recipies, & sponsus meuseris, & istius insulæ dominus. Rediens tandem ad consocios suos & ordinem assumens militarem in crastinum ad puellam redit cupiens osculari. Ipsa vero in deformitate horribilissima exeunte perterritus fugam cepit & usque ad navem properans puella persequitur, cernensque militem redire ad eam nolle, clamare terribiliter cœpit, & quasi tristis ad cavernam suam reversa est, & miles in continenti moriebatur: nec ausus fuit quiscquam ex illa die dictam puellam aspicere, quin statim moriatur. Quando vero aliquis fuerit audax eam osculari, non morietur, sed convertetur puella in pulchritudinem, & osculator erit dominus patriæ.

FRAGMENTA ET ELOGIA,

Ex authoribus medicis & non-medicis.

PLATO

Phædro. p. m. 1237. C.

MARSILIUS FICINUS,

Interpres.



OCR. Animæ vero naturam absque totius natura sufficienter cognosci posse existimas? PHÆD. Si Hippocrati Æsculapii successori credendum est, neque etiam corporis naturam, sive do-

ctrinam hujusmodi comprehendere posse putabimus. SOCR. Scite loqueris, o amice. Oportet autem præter Hippocratem considerare, utrum disputationis nobis ratio consonet. PHÆD. Assentior. SOCR. De naturæ igitur

perscrutatione quid Hippocrates, & vera ratio dicat, attende.

IDEM *Protagora p. 217. D.*

Dic age, o Hippocrates, si ad Hippocratem tibi cognominem Coum illum, Æsculapii stirpe natum, proficisci velles, pro te mercedem erogaturus, & aliquis quæreret. Dic mihi, o Hippocrates, mercedem Hippocrati dabis? Qualinam homini, & cujus ratione? quid responderes? HIP. Ut medico. SOC. Qualis & ipse futurus, id est cujus gratia? HIP. Ut medicus evasurus.

ARISTOTELES

Politic. VII. 4.

Quemadmodum Hippocratem non hominem,

nem, sed medicum quis eo majorem dixerit, qui illum corporis magnitudine superat.

CLEMENS ALEXANDRINUS

Stromat. II. p. m. 415. A.

GENTIANUS HERVETUS.

Fit autem exercitatio, ex sententia Cuius Hippocratis, non solum corporis sanitas, sed etiam animæ, impigra laborum susceptio, & non nimia nutrimenti exsaturatio.

IDEM *Strom. VI. p. 627.*

Quinetiam cum medicus scripsisset Hippocrates, Respicere oportet & tempus, & regionem, & ætatem, & morbos, dicit Euripides in hexametro,

*qui volunt mederier,
Ut unaquæque poscit urbs & incolæ,
Hos terram oportet nosse, sic morbo manus
Demum admovere.*

THEODORETUS

De Nat. hom. serm. V. p. m. 546.

JACOBUS SIRMONDUS.

Quanta item inter eos controversia sit in collocanda principaliori animæ vi, facile est videre. Hippocrates enim, & Democritus, ac Plato, in cerebro sitam esse affirmant.

GREG. NAZIANZENSIS

Orat. fun. Cesarii fratris X. II.

JAC. BILLIUS PRUNÆUS,

Interpres.

Qui cum ob pudicitiam & temperantiam omnibus charus esset, eaque de causa pretiosarum curam susciperet, nec adiutore Hippocrate ullo modo opus haberet, adeo ut nihil prorsus esset Cratetis simplicitas, si cum illius simplicitate conferretur.

ISIDORUS PELUSIOTA

Epist. II. 16.

JAC. BILLIUS PRUNÆUS.

Medicus Hippocrates incurabili morbo correptis manum admovere vetat.

IDEM *Epist. II. 79.*

Verum Hippocrati morem gerens, ut incurabili morbo laboranti manum haudquam admoves. Quamvis in corporibus verum hoc esse quidam existiment (etsi alioqui persæpe falsum inventum sit: complures enim medici, admota manu iis, qui incurabili morbo affecti esse videbantur, rem ex sententia gesserunt) in animis tamen hoc magis adhuc falsum esse reperitur.

PLUTARCHUS

De Plac. Philos. V. 18.

GUL. XYLANDER,

Interpres.

Hippocrates dicit, si uterus impleatur septem mensibus, tunc fœtum se exserere, ac in lucem edi; quod si se exserens non alatur ob umbilici languorem, laboriose gestato fœtu, tunc eum non nutriri: si vero novem menses in utero maneat, tunc se promere, integrumque nasci.

IDEM *L. Non posse suaviter vivi sec. Epicuri decr. p. m. 1090. C.*

Est enim, inquit Hippocrates, ad summum progressa corporis bona affectio periculosa.

IDEM *ibidem p. 1098. D.*

Sed, sicut inquit Hippocrates, e duobus doloribus minorem a majore obscurari: sic voluptates etiam corporeæ a voluptatibus agendo & honesti studio partis ob animi lætitiâ ingentem ac incomparabilem obditerantur & extinguuntur.

AUCTOR

Prog. de Decub. ex Mathem. c. I.

JAC. ANTON. MARISCOTTUS.

Hippocrates igitur, & vetustate admouendam

dum notus, & scientia admirandus, inquit: Quicumque exercentes medicinam, Physiognomonix sunt expertes, horum mens in tenebras devoluta torpet.

A U C T O R

1. de Spermate c. 14. De Concept. pueri alterata. Græca desunt.

Philosophi indubitanter asserunt, teste Hippocrate, quod omnis substantia corporea animata juncta sit & ligata in planetis & signis, quatuorque elementorum nexibus.

IDEM cap. 22. De qualit. & efficacia planetarum. Græca desunt.

Dicit Hippocrates in Physica, quod terra est appositata generare naturam corporum.

IDEM cap. 23. De natura conjunct. & adjunct. quatuor elementorum. Græca desunt.

Dicit Hippocrates: sicut nulla substantia incorporea habet nutrimentum a differentia corporea, sic nulla substantia corporea potest nutrirî a differentia incorporea.

S E X T U S E M P I R I C U S

Adv. Mathem. VII. p. m. 146. D.

Virum autem, hominem: specie abutens pro genere. Speciem namque hominis constituit vir. Solet vero etiam Hippocrates hoc loquendi modo uti: ut quum dicit, Mulier ambidextra non nascitur: hoc est, fœminæ in dextris partibus uteri non consistunt.

IDEM Pyrrhon. hypot. I. p. m. 15. B.

Sed & (canis) Hippocraticum præceptum valde bene observat. Quum enim pedis medela sit quies: siquidem vulnus in pede habuerit, eum sublimem ponit, quantumque potest, immotum servat.

J O H. S T O B Œ U S

Serm. CCXLIII. 801.

Cibi, potus, somni, venus, omnia mo-

derata sint, inquit Hippocrates.

I D E M Serm. XIII. p.

Apophtegma.

Hippocrati suadebat quis ad Xerxem proficisci, bonum esse regem dicens. At ille, non est opus mihi, inquit, bono domino.

Aliud Serm. CXCI. p. 661.

Veruntamen aliquo opus habet mulier, a quo castigetur. Habet enim in natura lasciviam, quæ nisi quotidie amputetur, luxuriatur, & silvescit instar arborum.

J O H. T Z E T Z E S

Histor. VII. c. 84.

J. A. V A N D E R L I N D E N,

Interpres.

Moxore quotquot occupantur, quibus & mens labat,

Tum quotquot indomitum furunt, ut Hippocrates notat,

Hominem exuunt, & procul ab hominum notis degunt,

Æque perosi notos ut vultus incognitos.

J U L. P O L L U X

Onom. IX. 6.

R U D. G U A L T H E R U S.

Et sane, cum Hippocrates inquit, Frigidum infestum est nervis, ossibus, dentibus, & cerebro: manifestum est, quod calida dentibus offerenda sunt.

N E M E S I U S

De Nat. hom. cap. 2.

Galenus videtur probare magis, animam esse temperamentum: id enim sequitur morum differentia; quod ex Hippocratis dictis confirmare nititur.

IDEM cap. 22.

Veteres tamen etiam os ventris cor usurpant,

pant, ut Hippocrates & Thucydides in descriptione pestis.

ALEXANDER TRALLIANUS
lib. i. cap. 16.

INTERPRES

JOH. GUNTER. ANDERNACUS.

Quemadmodum divus Hippocrates ait :
Confluxus unus, conspiratio una, omnia
contentientia.

IDEM VII. 2.

Et, siquidem intra thoracem pus illa-
psum diutius intus manserit, & non fue-
rit expurgatum, ut divinissimus ait Hip-
pocrates, in phthisin pervenit.

IDEM IX. 3.

Nam, quæ Hippocraticæ artis methodi
vocantur, hæ sunt: nempe contraria con-
trariorum semper esse remedia.

DEMETRIUS PEPAGOMENUS
De Pedogra, in Proëm.

HADRIANUS TURNEBUS.

Ut diu multumque recusare non potue-
rim, cum præsertim scirem, que maximus
omnium magister Hippocrates dicat, Na-
turæ a naturis multum differunt, & a lo-
cis loca.

A T H E N Æ U S
Deipnos. II. 7.

JAC. DALECHAMPIUS.

Vinum subdulce caput non gravat, inquit
Hippocrates libro de Ratione victus, quem
quidam inscripserunt De morbis acutis,
alii vero, Adversus Cnidias sententias. Ejus
hæc verba sunt: Vinum dulce capiti gra-
ve minus est quam vinosum, mentemque
minus tentat: per intestina citius meat,
& excernitur alio quovis.

IDEM *ibidem.*

Hippocrates leviosem semper illam esse
judicat, quæ promptius incalescit ac refri-
geratur: malam, qua tardius coquantur le-
gumina, nimirum quia falsa vel nitrosa
sit. Idem auctor libro de Aquis, optimam
esse statuit multum exercitatum, & agita-
tam, noxias autem residues & pigras, qua-
les sunt paludum & stagnorum: præterea
fontium aquas esse maxima ex parte du-
riores.

Et mox.

Hippocrates libro de locis optimam esse
aquam pronuntiat e locis sublimibus, & ari-
dis tumulis profluentem, ut, quæ candida
sit, dulcis, nec limi trahere multum pos-
sit, & æstate frigida, hyeme tepeat. Idem
aquam maxime laudat, cujus procurfus ori-
entem solem versus erumpit, præsertim,
æstivum, quia levis, limpida, & naribus
grata sit.

IDEM l. II. 16.

Hippocrates vero Cocalos, in libro de
Ptisana, cujus pars dimidia spuria est, &
ut quidam censent, totum opus.

IDEM l. IX. 13.

ἘΤΩΝ quoque meminit sanctissimus Hip-
pocrates.

O R I B A S I U S

Ad Aphor. II. 28.

Novenarius, qui criticus sine dubio est,
a Galeno non immerito additus est: non
quod ab Hippocrate hoc ignoratum sit
(nihil enim in hominis natura tantum
philosophum latuit) sed quod inter cætera
ab eo prætermisum sit: Non enim, quid-
quid prætermittitur, etiam ignoratur.

T H E O P H I L U S

De Urinis p. 52.

F E D. M O R E L L U S,

Interpres.

Ergo primum aggrediamur optimæ sub-
stan-

stantiæ præparationem. Optimum autem est a sapientissimo Hippocrate hanc ordiri.

A. CORN. CELSUS

De Medic. l. i. præf. p. m. ed. 17. l. 28.

Ergo etiam vetustissimus author Hippocrates dixit, mederi oportere, & communia, & propria intuentem.

IDEM *l. ii. præf. p. m. edit. 41. l. 23.*

Instantis autem valetudinis signa complura sunt. In quibus explicandis non dubitabo authoritate antiquorum virorum uti, maximeque Hippocratis: cum recentiores quoque medici, quamvis in curationibus mutarint, tamen hæc illum optime prælagisse fateantur.

IDEM *ii. cap. 14. p. 88. l. 7.*

Neque dubitari potest, quin latius quidem, & dilucidius, ubi & quomodo frictione utendum esset, Asclepiades præceperit: nihil tamen reperit, quod non a vetustissimo authore Hippocrate paucis verbis comprehensum sit: qui dixit: Frictione, si vehemens sit, durari corpus: si lenis, molli: si multa, minui: si modica, impleri.

IDEM *viii. 15. p. 549. l. 18.*

Multas esse alias rationes, scire facile est, uno Hippocrate lecto; sed non alia magis usu comprobata est.

IDEM *viii. 20. p. 554. l. 4.*

Sed Hippocrates, & Diocles, & Philotimus, & Nileus, & Heraclides Tarentinus, clari admodum authores.

A P U L E J U S.

Asclepiades ille, inter præcipuos medicorum, si unum Hippocratem excipias, ceteris princeps.

CÆLIUS AURELIANUS

Acut. morb. l. 12. p. 34.

Hippocrates igitur solum nomen videtur

tetigisse passionis, libro quem de pituitana scripsit. Item libro prædictivo, quem propheticum appellavit: nam curationem nullam tradidit.

IDEM *Acut. morb. iii. 15. p. 205.*

Item Hippocrates magis phreneticos memoravit; non hydrophobas, parvibulos. Nam inquit ebs, quod in quibusdam phreneticis frequentare videmus, aut fastidio possessos, non solum cibum, verumetiam potum refugere: vel certe traductos visis, quæ Græci phantasia appellat (ut ait Eudemus) ut accipiendum non existiment potum: vel suspitione delirationis affecti, admixta putent venena liquori.

IDEM *Tard. pass. ii. i. 330. qua de Paralyti.*

Veterum autem medicorum Hippocrates, atque Erophili sectatores, memorant ea quæ in passione constitutos sequuntur, curationem vero nullam tradiderunt.

IDEM *Tard. ii. 10. p. 357.*

Alii vero eruptiones, ut Hippocrates, Eurypho. Sed Hippocrates solarum venarum, Eurypho vero etiam arteriarum.

IDEM *Tard. v. 1. p. 497.*

Utilem inquit Hippocrates ischiadicis dysenteriam. Habet enim imitationis quiddam recorporationis faciundæ, quamquam plurima vexatione corpus afficere videatur.

S O R A N U S E P H E S I U S

Præf. in Isag. artis med.

Medicinam quidem invenit Apollo, amplificavit Æsculapius, perfecit Hippocrates: quem mihi hominis ducem, & judicem omnium causarum & quæstionum oportet accipere, tamquam parentem & inventorem omnium bonorum operum; per quem Logica nobis, juxta rationem, est facta traditio, & tamquam visibilis facta doctrina; ut per eam meliores fiant & acutiores, qui introducuntur ad Medicinam; quos Græci *διανοητικὸν* appellant.

IDEM.

IDEM *Isag. Artis med. c. 14.*

Hippocrates quoque ait : Medici quidem fama multi , sed opere valde pauci . Vult enim Hippocrates , & præterita medicos cognoscere , & præsentia scire , & futura prædicere .

PLINIUS VALERIANUS
De Re med. IV. 17. 20.

Suffito allio foeminarum secundas evocari Hippocrates auctor est , Porro capitato ad multa corporis vitia Hippocrates usus est ,

OCTAVIUS HORATIANUS
Ad Euporist. II. 7.

De his igitur Hippocrates noster , hujus professionis autor , sic sua sententia judicavit . Apoplecticos , inquit , graviter occupatos , nullo penitus pacto curari posse ; leviores autem , licet difficile , liberari .

Ad Euseb. fil. IV. p. m. 104. B.

Hippocrates , quem primarium medicorum appellamus .

Et mox p. 105. B.

Ut beatissimus Hippocrates affirmat .

GARIOPONTUS
III. 43.

Hoc enim nostri Hippocratis docuit auctoritas , quia nervorum causis omnia semper frigida nocuerunt .

IDEM VI. II.

Similiter decimum diem Hippocrates omnium peritissimus in uno tantum invenit creticum , & ideo etiam ipsum incertum observamus .

CICERO
De Orat. III. 33.

An tu existimas , cum esset Hippocrates

ille Cous , fuisse tum alios medicos , qui morbis , alios , qui vulneribus , alios , qui oculis mederentur .

De Nat. deor. III. 38.

Nec ego multorum ægrorum salutem non ab Hippocrate , quam ab Æsculapio datam judico .

Ad Attic. XVI. 15.

Sed desperatis etiam Hippocrates vetat adhibere medicinam .

L. A. SENECA
Epist. xcv.

Maximus ille medicorum , & hujus scientiæ conditor , feminis nec capillos defluere dixit , nec pedes laborare . Atqui hæc jam & capillis destituuntur , & pedibus ægræ sunt . Non mutata foeminarum natura , sed vita est ; nam cum virorum licentiam æquaverint , corporum virilium vitia æquaverunt , Non minus pervigilant , non minus potant , & oleo & mero viros provocant : æque invitis ingesta visceribus per os reddunt , & vinum omne vomitu remetiuntur : æque nivem rodunt , solatium stomachi æstuantis . Quid ergo mirandum est , maximum medicorum ac naturæ peritissimum , in mendacio prehendi , cum tot foeminae podagricæ calvæque sint ? Beneficium sexus sui vitiiis perdiderunt : & quia feminam exuerunt , damnatae sunt morbis virilibus .

IDEM *de Brevit. vita c. 1.*

Maximi medicorum exclamatio est , Vitam brevem esse , longam artem .

IDEM *ibidem .*

Itaque alia est Hippocratis secta , alia Asclepiadis , alia Themisonis .

PLINIUS
Hist. nat. VII. 51.

Jam signa lethalia : in furoris morbo risum : sapientiæ vero ægritudine , fimbriarum

rum curam & stragulae vestis plicaturas, a somno moventium neglectum, praefandi humoris e corporis effluviū: . . . quaeque alia Hippocrati principi medicinae observata sunt.

IDEM *Hist. Nat.* XXIX. I.

Diis primum inventores suos assignavit, & caelo dicavit: nec non & hodie multifariam ab oraculis medicina petitur. Auxit deinde famam etiam crimine, istum fulmine Aesculapium fabulata, quoniam Tyndaridem revocavisset ad vitam. Nec tamen cessavit narrare alios revixisse opera sua, clara Trojanis temporibus, quibus fama certior, vulnerum tamen duntaxat remediis. Sequentia ejus (mirum dictu) in nocte densissima latuere usque ad Peloponnesiacum bellum: tunc eam revocavit in lucem Hippocrates, genitus in insula Coe, in primis clara ac valida, & Aesculapio dicata. Is cum fuisset mos, liberatos morbis scribere in templo ejus Dei, quid auxiliatum esset, ut postea similitudo proficeret, exscripsisse ea traditur, atque (ut Varro apud nos credit) jam templo cremato, instituisse medicinam hanc, quae Clinicae vocatur.

TERTULLIANUS

L. de Anima c. 15. p. m. 316. C.

Sed plures . . . Medici adversus Andream & Asclepiadem, Herophilus, Erasistratus, Diocles, Hippocrates, & ipse Soranus . . . & esse principale in anima, & certo in corporis recessu consecratum. Si enim scrutatorem & disceptorem Cordis Deum legimus . . . simul utrumque dilucet; & esse principale in anima, quo intentio divina conveniat, id est, vim sapientialem atque vitalem; quod enim sapit vividum est; & in eo thesauro corporis haberi, ad quem Deus respicit, ut neque extrinsecus agitari putes principale istud secundum Heraclitum, . . . neque in cerebro cubare secundum Hippocratem.

Tom. I.

AUGUSTINUS

De Civit. Dei. v. 2.

Cicero dicit Hippocratem nobilissimum medicum scriptum reliquisse, quosdam fratres cum simul agrotare coepissent, & eorum morbus eodem tempore ingravesceret, eodem levaretur, geminos suspicatum. Quos Posidonius Stoicus multum Astrologiae deditus, eadem constitutione astrorum natos, eademque conceptos solebat asserere. Ita quod medicus pertinere credebat ad simillimam temperiem valetudinis: hoc philosophus astrologus ad vim constitutionemque syderum, quae fuerat quo tempore concepti natiqque sunt. In hac causa multo est acceptabilior, & de proximo credibilior conjectura medicinalis: quoniam parentes ut erant corpore affecti dum concumberent, ita primordia conceptorum affici potuerunt, ut consecutis ex materno corpore prioribus incrementis paris valetudinis nascerentur: deinde in una domo eisdem alimentis nutriti, ubi aërem, & loci positionem, & vim aquarum, plurimum valere ad corpus vel bene, vel male accipiendum medicina testatur: eisdem etiam exercitationibus assuefacti tam similia corpora gererent, ut etiam ad agrotandum uno tempore eisdem causis similiter moverentur. Constitutionem vero caeli ac syderum, quae fuit, quando concepti sive nati sunt, velle trahere ad istam agrotandi parilitatem, cum tam multa diversissimi generis animalia diversissimorum affectuum & eventuum eodem tempore in unius regionis terra eidem caelo subdita, potuerunt concipi & nasci: nescio cujus sit insolentiae. Nos autem novimus, geminos non solum actus & peregrinationes habere diversas, verum etiam dispares aegritudines perpeti. De qua re facillimam, quantum mihi videtur, rationem redderet Hippocrates, diversis alimentis & exercitationibus, quae non de corporis temperatione, sed de animi voluntate veniunt, dissimiles eis accidere potuisse valetudines.

CYPRIANUS

Epist. LXXVI.

Porro autem, quod quidem eos salutari

e

aqua

aqua & fide legitima Christi gratiam consecutos, non Christianos sed Clinicos vocant, non invenio unde hoc nomen assument; nisi forte qui plura & secretiora legerunt apud Hippocratem, vel Soranum, κλινικὸς istos deprehenderunt.

POLLUX
Onom. II. I.

RUD. GUALTHERUS,
Interpres.

Septem sunt ætates secundum Hippocratem. Prima, ab anno primo ad Septimum. Secunda, a septimo ad decimumquartum annum. Tertia, a decimoquarto usque ad vicesimum primum. Quarta, a vicesimoprimo usque ad vicesimum octavum. Quinta, a vicesimo octavo ad tricesimum quintum. Sexta, a tricesimo quinto ad quadragesimum secundum. Septima, a quadragesimosecundo ad quadragesimum nonum. Prima quidem, Puerulus: secunda, Puer: tertia, Adolescens: quarta, Juvenis: quinta, Vir: sexta, Senex: septima, Decrepitus dicitur.

MOSCHOPULUS

περὶ χερῶν p. m. 134.

Ἐστὶ δὲ ἡλικία ἐπτὰ, ὡς φησὶν Ἱπποκράτης. ἐπτὰ εἰσὶν ὥραι, αἱ ἡλικίαι καλεούμεναι παίδιον, παῖς, μεράκιον, νεανίσκος, ἀνὴρ, πρεσβύτης, γέρων. Καὶ παίδιον μὲν ἄχρῃς ἐπτὰ ἐτέων, ἐδόντων ἐκβολῆς. Παῖς δὲ, ἄχρῃς (γονῆς) ἐκφύσεως, ἐς τὰ δὲ ἐπτὰ. Μεράκιον δὲ ἄχρῃς γενεῖς λαχνώσεως, ἐς τὰ τετρεῖς ἐπτὰ. Νεανίσκος δ' ἐς ἄχρῃς αὐξήσεως ὅλη τῆ σώματι, ἐς τὰ τετράκις ἐπτὰ. Ἀνὴρ δὲ, ἄχρῃς ἐνός δέοντος (πεντήκοντα) ἐς τὰ ἐπτάκις ἐπτὰ. Πρεσβύτης δὲ, ἄχρῃς ἐτῶν πενήκοντα ἕξ, ἐς τὰ ἐπτάκις ἐπτά. Τὸ δὲ ἐντεῦθεν, γέρων.

PHILO JUDÆUS
l. de Mundi opif. p. m. 24. D. &

JULIUS POLLUX
Onomast. II. I.

eadem & eisdem pene verbis habent.

MARTIALIS
Epigr. IX. 96.

DE HIPPOCRATE.

Santonica medicata dedit mihi pocula virga:
Os hominis, mulsam me rogat Hippocrates.
Tam stupidus nunquam nec tu, puto, Glaucē,
fuiſti,
Chalcea donanti Chrysea qui dederas.
Dulce aliquis munus pro munere poscit amaro?
Accipiat, sed si potat in helleboro.

INCERTI AUCTORIS.
GALENUS.

Dempseris Hippocratem, medicorum primus
habebor.
Debeo multa illi, debet & ille mihi.
Nam, quæ nota parum reliquis dedit, omnia
feci
Mille libris clara lucidiora die.

I D E M.

Hippocratem magnum brevis insula, me dedit
ingens
Terra Asia, plus nos scripsimus, ille minus:
Ille elementa dedit, nos inde extruximus
aram,
Quam servat medici præsul Apollo chori.

In Iconem
HIPPOCRATIS,

Ex Floril. Epigramm. Sect. IV. cap. XIII.
SYNESII Scholastici.

Unde is, qui posuit? quo nomine? Byzantinus
Eusebius. Tu quis? Coius Hippocrates.
Quare is te pinxit? Pro verbis patria munus
Pictura nostræ grata rependit ei.
Et cur ille suam non protulit icona? Major
Illi honor est proprio prætulisse meum.

I N C E R T I.

Vel vocem Pæan tibi finxit vel medicina
II-

Illius testis magnus es, Hippocrates.

J. A. VANDER LINDEN.

A N O N Y M I.

*Ille vias meruit rectas aperire medendi,
Ille hominum Pæan Cœius Hippocrates.*

J. A. VANDER LINDEN.

A M B R O S I U S,

Epist. VII. 39.

Celebretur itaque hebdomas, eo quod per septem ætatum cursus vita hominum usque ad senectutem transcurritur, sicut Hippocrates medicinæ magister scriptis explicuit suis. Prima ætas infantia est, secunda pueritia, tertia adolescentia, quarta juvenus, quinta virilis ætas, sexta ævi maturitas, septima senectus. Est ergo infans, puer, adolescens, juvenis, vir, veteranus, senex. Ergo Hippocrates vel septem ætates, vel hebdomadas ætatum novit, in illis se hebdomas præferet.

M A C R O B I U S

In Somn. Scip. I. 6.

Hoc cum a Physicis deprehensum sit, Hippocrates quoque ipse, qui tam fallere, quam falli nescit, experimenti certus asseruit, referens in libro, qui de natura pueri inscribitur, tale seminis receptaculum de utero ejus ejectum, quam septimo post conceptum die gravidam intellexerat. Mulierem enim semine non effuso, ne gravis maneret, orantem, imperaverat saltibus concitari; aitque septimo die saltum septimum ejiciendo cum tali folliculo, qualem supra retulimus, suffecisse conceptui; hæc Hippocrates.

A G E L L I U S

Noct. Attic. III. 16.

Mense nonnunquam cæstavo editum esse partum M. Varro in lib. XIV. rerum divinarum scriptum reliquit. Quo in libro, undecimo mense aliquando nasci posse hominem dicit. Ejusque sententiæ, tam de VII. quam de XI. mense, Aristotelem lau-

dat autorem. Sed hujus de mense VIII. diffensionis causa cognosci potest in libro Hippocratis, qui inscriptus est περί τρωφῆς. Ex quo libro verba hæc sunt: ἔσπ δὲ καὶ οὐκ ἔστιν ἀκρίτως γένεσις. Id tam obscure, atque præcise, tamque adverse dictum Sabinus medicus, qui Hippocratem commodissime commentatus est, his verbis enarravit: ἐστὶ μὲν φαινόμενα ὡς ζωὰ μὴ τῶν ἐκ τρωφῆσιν· οὐκ ἔστι δὲ ὡς δύσκοντα μὴ ταῦτα, καὶ ἔστιν ἐν φαντασίᾳ μὲν ἀδυσπικὰ ὄντα, δυνάμει δὲ οὐκ ἔστι.

Et postea.

Hippocrates autem in eo libro, de quo supra scripsi, cum & numerum dierum, quibus conceptum in utero coagulatum conformatur, & tempus ipsius partionis nono aut decimo mense definisset: neque id tamen semper eadem esse fini dixisset, sed alias ocius fieri, alias serius; hisce ad postremum verbis usus est: γίνεται δὲ ἐν πάτοις καὶ πλείω, καὶ ἐλάσσω, καὶ ἴσον καὶ μέρος, καὶ ὑπομειν δὲ καὶ πλείω πλείωνων, καὶ ἐλάσσω ἐλασσόνων. Quibus verbis significat, quod aliquando ocius fieret, non multo tamen fieri ocius: neque quod serius, multo serius.

C E N S O R I N U S

De Die natali cap. 6.

Nec Hippocrates Cœus decimo partum posse fieri contendit.

I D E M cap. II.

Hippocrates quoque, aliique medici, in corporum valetudinibus non aliud ostendunt.

I D E M cap. 14.

Hippocrates Medicus in septem gradus ætates distribuit; finem primæ potavit VII. annum: secundæ XIV. tertiæ XXI. quartæ XXXV. quintæ XLII. sextæ LVI. septimæ novissimum annum vitæ humanæ. Solon autem partes fecit decem: & Hippocrates gradum tertium, & sextum, & septimum, singulos bifariam divisit, ut unaquæque ætas annos haberet septenos.

JUS CANONICUM

III. *Decret. ex Hieronymi adversus Jovinianum lib. II. dist. v. c. 29. Ne tales.*

Hippocrates in aphorismis docet, crassa & obesa corpora, quæ crescendi mensuram compleverint, nisi cito ablatione sanguinis imminuantur, in paralyfin, & pessima morborum genera erumpere: & idcirco esse necessariam demptionem, ut rursus habeant, in quæ possint crescere; non enim manere in uno statu naturam corporum, sed aut crescere semper, aut decrescere, nec posse vivere animal, nisi crescendi capax sit.

PAULUS Ictus
l. 12. ff. de Statu hominum.

Septimo mense nasci perfectum partum,

jam receptum est propter auctoritatem doctissimi viri Hippocratis: & ideo credendum est, eum, qui ex justis nuptiis septimo mense natus est, justum filium esse.

ULPIANUS Ictus
l. 3. §. 12. ff. de Suis, & legit. her.

De eo autem, qui centesimo octogesimo secundo die natus est, Hippocrates scripsit, & D. Pius Pontificibus rescripsit, justo tempore videri natum, nec videri in servitutem conceptum, cum mater ipsius ante centesimum octogentesimum secundum diem esset manumissa.

BARTOLUS Ictus
l. III. ff. Si certa pet.

Standum est libris Hippocratis tamquam authenticis.

CONSENTIENTIA, EX GALENO.

GENUS
l. de Articul. IV. 42.

VIDUS VIDIVS,
Interpres.



Hippocrates, quemadmodum & Ctesias Cnidius cognatus ejus, genere Asclepiades erat.

l. de Victu in morb. acut. II. 18.

JO. VASSEUS,
Interpres.

Loquor autem de Hippocrate Heraclidæ filio, qui librum hunc confecit. Nam avus ipsius Gnosidici filius Hippocrates, quorundam judicio, nihil omnino scripsit.

l. I. Prorrhēt. III. 18.

JO. VASSEUS,
Interpres.

Duo magni Hippocratis filii fuisse per-

hibentur, Draco & Thessalus: quorum utriusque rursus filius Hippocrates.

l. de Respir. diffic. II. 18.

JANUS CORNARIUS,
Interpres.

Quintus vero Epidemiorum non magis Hippocratis, Heraclidæ filii, sed junioris filii Draconis est.

l. de Nat. hum. I. I.

VICT. TRINCAVELLIUS,
Interpres.

Thessalus illius filius, vir & ipse admirabilis: is tamen in patria non est, ut Polybus, diu moratus: Archelao etenim Macedoniæ regi adhæsit.

l. III. Epidem. II. init.

HERM. CRUSERIUS,
Interpres.

Erat ille Hippocratis filiorum clarissimus, Thes-

Theſſalus nomine , qui exacte ſententiam utilia tentantes , reprehendant .
patris eſt æmulatus .

P A T R I A , habitatio .
L. de Sanit. tuenda 11. 7.

T H O . L I N A C E R ,
Interpres .

Optime temperata eſt Hippocratis patria ;
etenim ea tum hieme , tum æſtate medio-
crem temperiem exhibet .

L. de Articul. 1. 22.

V I D . V I D I U S ,
Interpres .

Eſt autem Smyrna urbs multo major il-
la , cujus ubique meminit Hippocrates ,
ut qui ut plurimum in ea verſaretur .

In l. de Artic. 1. 23.

V I D . V I D I U S ,
Interpres .

Urbes , quarum meminit Hippocrates ,
ubi diu iuſegit , non plures incolunt , quam
Romæ vicum unum .

Æ T A T I S , ſeu ſeculi mos .
L. de Artic. 1. 22.

V I D . V I D I U S ,
Interpres .

Hippocratis ſeculo medici optime artis
præcepta diſcebant , atque ea præſertim ,
quæ ad manus operam pertinent : ea nunc
a medicis vel nullo modo addiſcuntur , vel
certe exiguo temporis ſpatio .

L. Quod opt. med. ſit philoſ.

L U D . B E L L I S A R I U S ,
Interpres .

Noſtræ ætatis medici ita ab ſtudio ra-
tionalis medicinæ averſi ſunt , ut eos etiam ,
qui in ea re operam conſumunt , quaſi in-

L I N G U A .

L. de Humor. 1. 2. f.

J O . B A P T . R A S A R I U S ,
Interpres .

Atticorum lingua Hippocrates aliqua ex
parte utitur .

In l. de Fractur. 1. 1.

V I D . V I D I U S ,
Interpres .

Atticis enim hoc prorsus eſt uſitatum ,
quorum linguam Hippocrates aliquantum
uſurpat , ita ut ejus ſermo a nonnullis priſ-
cus Atticus exiſtimetur . Nos autem in alio
parvo libello , quid de ſermone Hippocratis
judicemus , ſeorſum demonſtravimus .

P H R A S I S .

In l. III. Epidem. III. 32.

H E R M . C R U S E R I U S ,
Interpres .

Non eſt Hippocratis inſtitutum , inuſita-
tis & infrequentibus uti nominibus .

Ibidem , initio .

I D E M .

Etenim Hippocrates , cujus etiam Apho-
riſmos eſſe , & præſagia autumant , uſita-
tiſſimis eſſe uſus , & proinde claris voca-
bulis videtur , quæ vocare rethorici civilia
ſolent .

l. Expoſ. obſolet. voc. Hipp.

M A R I U S N I Z O L I U S ,
Interpres .

Sic & Hippocrates ex nominibus , quæ
uſitata non ſunt , aliqua aſſumit , aliqua &
ipſe facit , aliqua autem novis adjunctis
ſententiis mutat .

In l. de Offic. med. II. 23.

V I D. V I D I U S,
Interpres.

Quod ab Hippocrate effertur, præcise dicitur, nisi quid aliud subintelligitur.

In l. Aphor. VII. 63.

N I C. L E O N I C E N U S,
Interpres.

Dicta Hippocratis exquisita sunt.

In l. de Artic. I. 69.

V I D. V I D I U S,
Interpres.

Solet Hippocrates quasdam figuras ac linguarum proprietates usurpare, quamvis consuetam locutionem sequatur.

In l. Aphorism. VI. 58.

N I C. L E O N I C E N U S,
Interpres.

Commune huic cum aliis ab Hippocrate dictis, ut perpetuum quiddam ex figura dictionis ostendatur: quamvis res ipsæ non semper eodem modo eveniant, sed, licet raro, interdum etiam aliter eveniant.

LIB. de Comate cap. 3.

GRÆCA desunt: etiam in iis, quæ Jo. Cajus edidit.

A U G. G A D A L D I N U S,
Interpres.

Somnolenta tentabo distinguere, ut possis invenire dictam ab Hippocrate differentiam. Non enim vir iste erat eorum, qui vane imponunt nomina: neque stulte adjicit cataphoræ, pigra: neque dicit, sicut Homerus, lac album: sed unumquodque vocabulum, & syllaba omnis rem aliquam significat apud eum.

In lib. de Vict. acut. VI. 67.

J O. V A S S Æ U S,
Interpres.

Dictio, quæ symptomatum multorum, quæ non in omni ægro coeunt & conveniunt, complicationem habet, utilis est: cum doctrina ab universalibus recipiat commoditatem; quo Hippocrates modo facere consuevit.

In l. de Vict. acut. IV. 10.

J O. V A S S Æ U S,
Interpres.

Legitimi appellationem secundum morborum ideas inferre consueverunt cum alii medicorum probatissimi, tum Hippocrates ipse.

S C R I B E N D I M O S.
In l. VI. Epidem. I. 3. f.

J U N. C R A S S U S,
Interpres.

Hippocrates sibi ipsi, ut memoriæ subveniret, nonnulla scripsit, prout unumquodque aut experientia comprehendisset, aut rationali meditatione excogitasset.

In l. I. Epid. 37.

H E R M. C R U S E R I U S,
Interpres.

Solet Hippocrates frequenter antedicta in summam colligere.

In l. de Humorib. I. 7.

Græca desunt.

J O. B A P T. R A S A R I U S,
Interpres.

Hippocrates omnibus in locis adferre demonstrationes conatur.

In l. de Nat. hum. I. 9.

VICT. TRINCAVELLIUS,
Interpres.

Semper sane Hippocrates ea sectatur,
quæ evidentia sunt.

In l. de Nat. hum. II. 7.

VICT. TRINCAVELLIUS,
Interpres.

Hippocratem videmus non modo omnia
ad amissim in commentarios retulisse, quæ
cunctis plane conspicua sunt; verum etiam
ea, quæ ad videndum sunt difficiliora.

l. de Diffic. respir. II. 8.

JAN. CORNARIUS,
Interpres.

Hippocrates nihil eorum, quæ etiam aliis
manifeste cognoscuntur, scribit.

l. de Dieb. decret. II. 13.

JO. GUINThERIUS,
Interpres.

Hippocrates aliquando solum id, quod
creberrime oculis usurpatum est, nihili fa-
ciens id, quod raro evenit, pronunciat.

l. de Venæs. adv. Erasistratos, c. 4.

JOS. TECTANDER,
Interpres.

Hippocrates cum in plurimis suis operi-
bus brevitati summopere studeat, tamen
quod ad venæ sectionem attinet, non est
gravatus scribere, tum partem corporis, in
qua secari vas oporteat, tum evacuationis
mensuram, una cum occasione ipsa.

l. de Offic. med. III. 8.

VIDUS VIDIVS,
Interpres.

Hippocratis mos est, ex unius vel alte-

rius rei exemplo res universas complecti,
quum id, quod proponitur, evidentia an-
tecellit ea, quæ sunt ejusdem generis, sic
ut ex ipso intelligantur.

l. de Elem. I. 3.

VICT. TRINCAVELLIUS,
Interpres.

Hippocrates si aliquando unum quippiam
ex eorum numero proferat, quæ eandem
naturam continent, reliqua deinde, quæ
eandem vim habent, nobis ad rationem
addenda relinquit.

l. I. Prorrhet. III. 7.

JOH. VASSÆUS,
Interpres.

Medecinalis speculationis doctrina ab Hip-
pocrate in legitimis omnibus libris per
universalia facta est, expromente etiam ali-
quando particularia quædam, gratia exem-
pli, ad eorum, qui discunt, perspicuitatem.

l. Aphorism. VI. 25.

NIC. LEONICENUS,
Interpres.

Videtur Hippocrates dixisse multa veluti
exempla sermonum universalium, a quibus
ejus, quod solet evenire, experientiam pos-
sumus habere manifestiorem. Talia etenim
exempla oportet esse.

l. de Diffic. resp. II. 8.

JANUS CORNARIUS,
Interpres.

Hippocrates, quum consueta species sym-
ptomatum extiterint; tunc sane solo uni-
versali morbi nomine contentus est: quum
vero aliquid ex raris incidit, post univer-
salem & communem totius morbi appella-
tionem, statim illud ipsum discriminat.

l. de Fractur. II. 71.

V I D U S V I D I U S ,
Interpres.

Solet Hippocrates, ubi de una specie pertractat, complura docere ex iis, quæ communia sunt ac generalia, monens ea non esse propria unius speciei, sed ad omnes, vel multas, vel aliquot pertinere.

l. De Artic. II. 35.

V I D U S V I D I U S ,
Interpres.

Consuetudo est Hippocratis in iis præceptis, quæ singulis communia sunt, cum semel unius mentionem facit, exponere vim rei communem esse omnium similium.

l. de Diffic. respir. II. 7.

J A N. C O R N A R I U S ,
Interpres.

Existimant veteres, omnia, quæ ægris contingunt, Hippocratem conscribere, velut Thucydidem: verum res non ita habet; sed hoc ipsum est, in quo vel maxime contraria sunt Hippocratis & Thucydidis scripta. Thucydides enim omnia scribit, etiam idiotis nota, nihil ipsorum penitus prætermittens. Hippocrates vero pauca ex iis, quæ ad totam affectionem pertinent, circa quam ægrotus est periclitatus: multa vero alia ab idiotis quidem neglecta, artificiosam vero & exactam cognitionem exhibentia, & quæ optimos medicos sæpe latere possunt.

Et mox.

Thucydides quidem, quæ circa ægros contingunt, velut idiota, idiotis conscripsit: Hippocrates vero ut artifex, artificibus.

In l. de Victu acut. II. 18.

J O H. V A S S Æ U S ,
Interpres.

Medicos culpat Hippocrates, qui lan-

guentes ipsos in absoluta ciborum abstinentia servant: non tamen mentionem eorum facit, qui cibos validiores ante morbi concoctionem ministrant. Consuevit siquidem interdum, prætermittis, quæ maxima sunt, erratis, culpæ minora; & eam, quæ ex illis oritur, demonstrare offensam.

l. de Diffic. respir. II. 8.

J A N. C O R N A R I U S ,
Interpres.

Hippocrates, cum breviloquus sit, huac morem habet, ut ad unum nomen & caput partialia semper reducat. Neque verisimile eum in præsentis fortuito scribere, qui haud unum aliquod temere scribat.

D O C T R I N A .
In l. de Alim. III. 12.

J O. B A P T. R A S A R I U S ,
Interpres.

Hippocrates cum in aliis rebus omnibus ornandus est laudibus, tum vel maxime in hoc, quod censet, usque eo progredi medicum oportere, quousque pervenire ipsius ars potest.

in l. de Vict. acut. I. 17.

J O H. V A S S Æ U S ,
Interpres.

Ob id juste venit laudandus Hippocrates, qui de sola secundum rei veritatem meminit controversia: quam, qui aliquam constituere artem volunt, patiuntur, cum secum suoque in animo differenter opinantur, & non verbo tenus simulate ac subdole id agunt, ob gloriæ vel lucri cupiditatem.

In l. de Humorib. I. 7.

* * *
Græca desunt.

In l. de Artic. I. 3.

J O. B A P T. R A S A R I U S ,
Interpres.

Hippocrates, vir admirabilis, multa potius

tius experientia quam ratione videtur cognovisse.

In l. de Artic. I. 3.

V I D. V I D I U S,
Interpres.

Hippocrates, quum quid numquam vidit, commentitias causas scribendas esse minime credit, ubique magis fide dignum existimans, quod evidenter apparet, quam quod a ratione ducitur. Sic &, quaecumque ipse ad curationem excogitavit, priusquam nos doceat, experimento comprobatur: non, sicut nonnulli ex junioribus medicis, qui in scriptis de ratione medendi nobis ea imperarunt, quæ ipsi numquam ante sunt experti.

In l. i. Prorrh. III. 33.

Videtur Hippocrates ex multa experientia, quam ex particularibus sibi fecit, universalialia collegisse.

l. de Dieb. decret. II. 4.

J O. G U I N T E R I U S,
Interpres.

Hippocrates non ratione quadam persuasus decimum septimum decretorium esse statuit, vigesimo autem primo efficaciam admittit, sed usu & experientia doctus.

In l. Aphor. I. 15.

N I C. L E O N I C E N U S,
Interpres.

Verum est, quod quidam hieme non modo melius concoquant cibum, sed etiam, quod pauca assumentes refrigerantur, atque ideo offenduntur: si vero plura assumerint, in nullos plethoricos morbos incidere, ipse eventus ostendit manifeste. Cujus causæ inquisitio cum omnes fatiget, tu animadvertite, numquid hac in parte aliis quidem omnibus ratio sit inexplicabilis, soli vero Hippocrati atque ejus sectatoribus explicabilis.

Tom. I.

I N V E N T A.
In l. de Humorib. II. 20.

* * *
Græca defunt.

J O. B A P T. R A S A R I U S,
Interpres.

Hippocrates omnium bonorum inventor.

l. de Crisib. III. II.

N I C. L E O N I C E N U S,
Interpres.

Hippocrates nobis omnium fuit dux, atque auctor optimarum disciplinarum.

l. Quod animi mor. 7.f.

J U N. P A U L. C R A S S U S,
Interpres.

Sed ad divinum Hippocratem medicorum omnium philosophorum primum hujusce contemplationis inventorem accedere licet.

In l. de Humorib. I. I.

* * *
Græca defunt.

J O. B A P T. R A S A R I U S,
Interpres.

Hippocrates princeps omnium eorum, quorum nomen fama ad nos pertulit, principia demonstrationum, quibus postea Aristoteles usus est, ipse prior monumentis mandavit literarum.

in l. Aphorism. IV. 76.

N I C. L E O N I C E N U S,
Interpres.

In his itaque, sicuti & in aliis, Hippocrates dignus est admiratione, cum ipse eorum inventor exstiterit, quæ ne pluribus
f qui-

quidem medicis ad hunc usque diem fuere comperta.

l. de Arte cur. ad Glaucl. 1.

N I C. L E O N I C E N U S ,
Interpres.

Artifex plus aliquid, quam ii, qui arte carent, assequitur. Quid vero hoc ipsum plus sit, primus omnium, quos novimus, & hoc memoravit Hippocrates.

l. de Dieb. decret. 1. 2.

J O. G U I N T. A N D E R N A C U S ,
Interpres.

Pulchrum omne, & ordinatum, & artificiosum ex supernis innasci; inordinatum contra & erraticum ex materia, quæ hic versatur, provenire, primus omnium, quorum memoria ad nos pervenit, græcorum Hippocrates credidit; post eum philosophorum præcipui.

l. de Elem. 1. 9.

V I C T. T R I N C A V E L L I U S ,
Interpres.

Primus profecto omnium Hippocrates videtur naturæ rerum omnium elementa excogitasse, atque, quantum satis esse possit, demonstrasse.

l. de Natur. facult. 1. 2.

T H O. L I N A C E R ,
Interpres.

Hippocrates primus omnium tum medicorum, tum philosophorum, quorum utique fama ad nos pervenit, demonstrare tentavit, quatuor esse omnes, quæ mutuo in se agerent, qualitates: a quibus quæ genitum interitumque agnoscunt, omnia gignantur ac perimantur. Quin etiam misceri eas mutuo totas per totas, primus omnium, quorum fama ad nos percrebuit, Hippocrates novit: principiaque demonstrationum, quas Aristoteles postea pertraxit, scripta apud eum priorem invenias.

In l. de Alim. III. 22.

J O. B A P T. R A S A R I U S ,
Interpres.

Hippocrates, ut qui primus Naturæ opera novit, hanc admiratur & perpetuo prædicat, & justam nominat, & solam animalibus ad omnia sufficere dicit, & ipsam ex se sine doctore, quæ opus sunt, efficere.

l. Meth. med. 1. 2.

T H O M. L I N A C E R ,
Interpres.

Audisti Platonem simili methodo Animæ naturam inveniendam esse censere, qua Corporis naturam Hippocrates. An adhuc vis, multas hominis dictiones ex multis librorum ejus locis deligam, in quibus ille Hippocratem omnium, qui ante se fuerunt, maxime admiratur?

l. Quod an. mores. c. 8. f.

J U. P A U L. C R A S S U S ,
Interpres.

Hippocrates primus consuetudini, quæ postea increbuit, initium dedit, omnium, quisquis esset, arteriarum motum, pulsam nominans.

l. de Format. fœt. c. 1.

J O. B E R N. F E L I C I A N U S ,
Interpres.

Hippocrates primus omnium, quos scimus, de Formatione fœtuum vera conscripsit, non ratione tantum nixis opinionibus quæstionem hanc persecutus, sed sensui expositis evidentiis, atque his non paucis.

l. de Decr. Hipp. & Plat. VIII. 1.

J O. B E R N. F E L I C I A N U S ,
Interpres.

Et Hippocrates, & Erasistratus, Eudemus,

mus, Herophilus, Marinus, omnes post veterum memoriam dissectoriam speculationem, negligentia posteritatis interlapsam, pro se quisque restituerunt.

l. de Præcogn. ad Posth. c. 1.

JUL. MART. ROTA,
Interpres.

Præcognoscendi ars ab antiquorum multis, & in primis ab Hippocrate, qui nobis bonorum omnium auctor existit, conscripta est.

l. de Theriaca ad Pis. c. 4.

JUL. MART. ROTA,
Interpres.

Magistrum Hippocratem exactissimum medicinarum, ut reliquorum omnium, artificem fuisse, multa probant.

In l. vi. Epidem. viii. 1.

* * *

Græca desunt.

JO. BAPT. RASARIUS,
Interpres.

Quemadmodum Hippocrates bonorum omnium, quæ ad faciendam medicinam, quæque ad morbos cognoscendos, & causas indagandas pertinent, omniumque, quibus ad tuendam sanitatem opus est, & ad recuperandam eam, quæ jam perdita sit, inventor fuit: ita etiam ipse princeps fuit, quem victus rationem recte instituisse cognovimus.

l. de Hipp. & Plat. decret. ix. 6.

JO. BERN. FELICIANUS,
Interpres.

Atque has utraq; methodos ex omnibus veteribus medicis & philosophis pulcherrime atque optime Hippocrates & Plato invenerunt, multaque opera ab authoribus, qui communia a propriis distinguere nesciebant, falso fuisse conscripta, demonstrarunt.

l. de Temper. ii. 14.

THO. LINACER,
Interpres.

Sane ejuscemodi signorum author æque, ut reliquorum omnium, mirus est Hippocrates.

In l. iii. Epidem. i. 8.

HERM. CRUSERUS,
Interpres.

Omnium, quæ ad prædictionem, princeps est divinus ille Hippocrates.

In l. Prognost. iii. 1.

LAUR. LAURENTIANUS,
Interpres.

Ceterum cognovit non primus solum, sed etiam maxime, admirandus Hippocrates decretorium dierum naturam.

l. de Dieb. decret. i. 2.

JO. GVINT. ANDERNACUS,
Interpres.

Cum igitur non solum mihi, tot annis observanti, hujusmodi quædam dierum differentia, sed Archigeni etiam in artis operibus diligenter admodum versato, inventa sit: insuper hoc superiori Tarentino Heraclidi, qui experientia speculationem collegit: postremo etiam Philotimo & Doeli, aliisque veteribus: tum ante hos universos Hippocrati divinissimo: quomodo non quis jure in dierum numero differentiam quamdam statuat?

In l. i. Prorrh. iii. 69.

JO. VASSÆUS,
Interpres.

Hippocrates quantum superiores suos in virium cujuslibet simplicis medicamenti inventionem superaverit, in omnibus suis libris demonstratum est.

l. de Comp. κ. γένν. IV. 5.

J O. A N D E R N A C U S,
Interpres.

Rite fasciandi primus, quorum ad nos memoria pervenit, Hippocrates inventor existit, quum in ea omnes ante ipsum peccarent.

l. Meth. med. VII. 2.

T H O. L I N A C E R,
Interpres.

Cum ab Hippocrate discefferis, qui nobis omnium salutarium præceptorum semina præbuit, reliquorum certe nemo vel conatus est methodo curare. Postulant autem, quæ ipse Hippocrates reliquit, non malos agricolas, qui ea tum seminant commode, tum augeant, tum Perficiant.

l. Meth. med. IX. 8.

T H O. L I N A C E R,
Interpres.

Hippocrates omnem ad medicationem viam aperuisse videtur, sed ita, ut ea curam & diligentiam ad absolutionem desideret.

l. de Atra bile c. I.

B A R T. S Y L V A N I U S,
Interpres.

Hippocrates primus id, quod ad artis officia pertinet, prodidit.

l. Meth. med. v. 10.

T H O. L I N A C E R,
Interpres.

Omniun methodorum nobis author Hippocrates.

l. Meth. med. IV. 6.

T H O. L I N A C E R,
Interpres.

Hippocrates omnium, quos novimus,

primus Indicationem adinvenit.

l. Meth. med. XI. 15.

T H O. L I N A C E R,
Interpres.

Hippocrates ab ipsa rei natura idoneum curationis modum invenit.

l. Med. med. v. 3.

T H O. L I N A C E R,
Interpres.

Nam & hæc, derivatio & revulsio scilicet, Hippocratis quoque inventa sunt, omnis scilicet immodicæ vacuationis communia remedia.

l. de Comp. κ τόν. VI. 3.

J A N U S C O R N A R I U S,
Interpres.

Omnia enim respectu ad aliquid, tum emolumentum, tum detrimentum in se habent. Quod ipsum etiam cum Hippocrates dixerit primus omnium, quos sciam, ii, qui post ipsum fuerunt, insequuti sunt.

l. de Resp. diff. II. I.

J A N U S C O R N A R I U S,
Interpres.

Hippocratem inventorem, ac veluti patrem dogmatum venerabimur. Hoc est enim justum, simulque decens præmium eorum, qui quodcumque tandem in vita bonum invenerunt, ut videlicet inventa ipsorum non occultentur, neque hominibus sint ignota, sed tum ipsa appareant, tum ratio, & methodus, quæ ipsa invenit, cognoscatur. Sic enim & pro dignitate ipsos in admiratione constitui continget.

D I L I G E N T I A.
In l. de Alim. III. 25.

J O. B A P T. R A S A R I U S,
Interpres.

Hoc autem non omnes medici norunt:
cum

cum tamen Hippocrates & hoc ipsum, & alia multa perspicue docuerit.

l. de Nat. hom. 11. 7.

Hippocratem videmus non modo omnia ad amissum in commentarios retulisse, quæ cunctis plane perspicua sunt, verum etiam ea, quæ ad videndum sunt difficiliora.

l. de Dieb. decr. 11. 13.

JO. GUINT. ANDERNACUS,
Interpres.

Siquid optime dividi potest, Hippocrates præter ceteros hoc mihi fecisse videtur.

l. de Natur. fac. 11. 8.

THO. LINACER,
Interpres.

De succorum generatione, haud scio, an aliquis exactius quicquam afferre in medium possit iis, quæ Hippocrates, Aristoteles, Praxagoras, Philotimus, aliique veterum non pauci reliquerunt.

In l. 1. Prorrhet. 11. 40.

JOH. VASSÆUS,
Interpres.

In agris utilissimum est omnia contemplari, nihilque prætermittere: quod utrumque fecit Hippocrates.

l. de Resp. diff. 11. 3.

JAN CORNARIUS,
Interpres.

Apparet enim Hippocrates confessione ac suffragio omnium medicorum, ad eorum, quæ agris accidunt, observationem diligentissimus fuisse.

In l. de Humorib. 1. 12.

Græca desunt.

JO. BAPT. RASARIUS,
Interpres.

Hippocratis diligentiam cum in aliis rebus omnibus, tum vel maxime in eo commendo, quod scopum eum, qui non in uno, alterove morbo solum, sed in omnibus ad purgationem indicandam præstet ceteris, non omiserit.

l. Meth. med. 1v. 6.

THO. LINACER,
Interpres.

Hippocratem sane diligentiam nomine admiror, cum in aliis omnibus, tum vero quod scopum, qui medico ad indicationem, non in uno alterove, sed prorsus omni morbo sit spectandus, non omiserit.

l. de Decr. Hipp. & Plat. 1x. 2.

JO. BERN. FELICIANUS,
Interpres.

Hippocrates & Plato exempla nobis & ad artes & ad omnes vitæ actiones utilia tradidere.

l. de Atra bile c. 7.

BARTHOL. SYLVANIUS,
Interpres.

Hippocrates ergo vir quidam honestus bonusque videtur fuisse, non honoris aut gloriæ, sed veritatis amator.

L A U S .

l. de Hipp. & Plat. decr. 1x. 5.

JO. BERN. FELICIANUS,
Interpres.

Diocles, Hippocrates, Empedocles, aliique complures ex veteribus, humanitate & benignitate hominibus medebantur.

l. de Subfig. empir. 13.

Græ.

Græca defunt.

I N C E R T U S
Interpres.

His enim officiis Hippocrates omnium posteriorum iudicio Æsculapii gloriam adeptus est.

l. Defin. medic. c. 1.

BARTHOL. SYLVANIUS,
Interpres.

Veteres quidem, quique ante Hippocratem fuere, in quorum nos volumina incidimus, nec aliqua finiverunt, quæ ad artem pertineant, nec libros complures, sed paucos admodum reliquere. His igitur iure laus debetur, quod animum applicuerint primi, ac vitæ emolumentum aliquod invenire studuerint. Post hos vero exortus Hippocrates medicinam literis prodidit: ille nimirum, qui semper bonorum auctor ac princeps fuit.

l. de Decr. Hip. & Plat. III. 4.

JO. BERN. FELICIANUS,
Interpres.

Hippocrates consensu omnium medicorum facile princeps.

In l. de Fracturis I. 1.

VIDUS VIDIUS,
Interpres.

Magnus Hippocrates maximus inter Græcos habitus est & auctor, & medicus.

l. de Subfig. empir. c. 13.

* * *

Græca defunt.

I N T E R P R E S .

Maximus artis medicæ exornator Hippocrates.

l. de Semine I. 9.

JO. BERN. FELICIANUS,
Interpres.

Hippocrates in omnibus admirabilis.

l. ad Thrasyb. c. 47.

JUN. PAUL. CRASSUS,
Interpres.

Hippocrates, & Diocles, Praxagoras, Philotimus, atque Herophilus totam corporis præsidem artem, ut ipsorum testantur volumina, callebant.

l. de Dieb. decret. I. 3.

JO. GUINThERIUS,
Interpres.

Hippocrates, vir verax.

l. de Natur. fac. I. 13.

THOM. LINACER,
Interpres.

Dogmata Hippocratis recta veraque sunt.

In l. de Victu acut. I. 44.

JO. VASSÆUS,
Interpres.

Omnia Hippocratis dogmata verissima sunt.

l. Meth. med. III. 2.

THO. LINACER,
Interpres.

Nosti quam longo tempore Aphorismum xxxi. libri vi. consideraverim, quamque ex reliqua Hippocratis diligentia speraverim, ne in hoc quidem vel falsum quippiam, vel quod fieri non possit, præcipi: idque fuisse quod me ad inquisitionem incitavit, quoad ipsa Hippocratis insistens via, inveni.

l. de

l. de Atra bile c. 5.

BART. SYLVANIUS,
Interpres.

Qui in artis operibus versatus est, vera dicere Hippocratem affirmabit.

l. de Subfig. empir. c. 10.

* * *

Græca desunt.

I N T E R P R E S .

Si Hippocratem & Andream conferas, illum peritissimum & studiosissimum veritatis invenies, hunc rudem & temerarium, prorsusque ab Hippocratis gravitate alienum.

l. Meth. med. IV. 4.

THO. LINACER,
Interpres.

Empirici nec antiquis maledicunt, nec Hippocratem pro nihilo habent; immo vero ipsum laudant, fereque omnia vere dixisse affirmant.

l. de Diffic. respir. I. 4.

JAN. CORNARIUS,
Interpres.

Etiam in hac parte, quæ ad respirationum notitiam spectat, longe reliquos omnes Hippocrates antecellit.

S E C T A .

l. Medicus, sive Isag. c. 4.

JO. ANDERNACUS,
Interpres.

Rationalis sectæ auctor Hippocrates Causus fuit: qui & princeps sectæ existit, & primus constituit rationalem sectam.

l. Quod opt. med. sit philos.

LUD. BELLISARIUS,
Interpres.

Quod per genera speciesque ignota sit morborum divisio, idcirco medicis a curandi scopis errare contingat, animadvertit Hippocrates, cum nos ad rationalem contemplationem adhortatur.

In l. de Articul. III. 28.

V I D . V I D I U S ,
Interpres.

In quo Empiricorum impudentiam cognosces, qui audent Hippocratem appellare empiricum. Fuit enim omnium, qui medicinam exercuerunt, maxime experiens, maximeque experimentorum spectator, iisque omnia comprobavit, quæ multis fretus rationalibus argumentis invenit: potissimumque rationi corporum incidendorum operam dedit, ut quæ mirum in modum ad artem conferat.

In l. de Vict. acut. III. 62.

JO. VASSÆUS,
Interpres.

Quæ medicum, ait Hippocrates, ante animadvertisse, ægro non referente, oportet, plurima sunt. Hæc, qui Hippocratem dogmaticum esse putant, locos affectos esse dixerunt, & affectiones ipsas, & causas. Sed qui Hippocratem empiricum esse existimant, anni tempora esse, regiones, ætates, & ambientis nos aeris condiciones, affirmarunt.

In l. de Offic. med. I. 4.

V I D U S V I D I U S ,
Interpres.

Nonnullis placet, ex opinionibus, quas videntur sectarum auctores invenisse, nullam esse novam, sed, quæ priori seculo

tradita fuerunt, una cum aliorum mente interiisse. Si quis in opinione ad res ipsas animum advertat, neque Pyrrhonis sectam, neque Academicam, Stoicam, Peripateticam, nec quamvis aliam, post Hippocratem summisse initium judicabit, quum Pyrrhonii ad vetustissimos auctores suam referant sectam. Quocirca verisimile est, vel adeo non verisimile, sed necessarium, Hippocratis seculo de naturalibus judicandi potentiis disceptatum esse, & quosdam nullam talem potuisse, quemadmodum postea Pyrrhonii: quosdam sensum dumtaxat: alios nihil huic tribuentes, id verum putasse, quod vulgatum est. Mens videt, mens audit, cetera surda sunt, & cæca: alios utramque dedisse judicandi potentiam, sensum in iis, quæ sensibus subjiciuntur, mentem in iis, quæ comprehenduntur intelligentia: quosdam alias animi nostri potentias concepisse. Hippocrates igitur, ut eorum vitaret importunitatem, generatim duarum potentiarum meminit, sensus & mentis: quas solas in nobis docet cognoscendi ac judicandi vim habere.

A U C T O R I T A S .

l. de Atra bile c. 7.

BARTHOL. SYLVANIUS,
Interpres.

Hippocrate posteriores insatiabiliter immeritæ gloriæ libidine vexati, contradictionibus adversus se vetustiores adductis, proprias sectas pravas constituerunt.

In l. de Victu acut. I. 44.

J O. V A S S Æ U S,
Interpres.

At potius culpa eos, qui, cum ea, quæ ab Hippocrate bene præcepta sunt, elaborare & conficere deberent, laudis appetentia ducti sectam aliam constituunt, Verum nos, qui veritatem honoramus, laudamus Hippocratem cum in ceteris omnibus, tum quod in unoquoque opere proprium scopum ita docuerit, ut huic attentus omnino quispian definitam certamque inventionis auxiliorum habeat viam.

l. An anim. quod in ut. c. 3.

HOR. LIMANUS,
Interpres.

Hippocrates antiquus est.

l. Meth. med. I. 2.

T H O. L I N A C E R,
Interpres.

Si Stoicis philosophis in confessum admittis judicium permittetur, ex iis placitis, quæ ipsimet statuunt, Hippocrati palmam dabunt.

Ibidem paulo post.

Quare Platonis, & Peripateticorum, & Stoicorum judicio, Hippocratis physiologiæ victoria dabitur.

Et mox.

Quid si Geometris, Astronomis, Musicis, aut Rhetoribus judicium concedet, putemusne hos, Hippocrate prætermisso, ulli alii palmam duros?

In l. Prognost. III. I.

L A U R. L A U R E N T I A N U S,
Interpres.

Quæcumque arti utilia ab Hippocrate didicisse oportet.

l. de Dieb. decret. II. I.

J O. G U I N T E R I U S,
Interpres.

Hippocrates, vir ut ceteris fide dignior, ita omnium consensu decernendi peritissimus.

l. de Ufu part. I. 9.

Hippocratis diætio velut Dei vox est.

l. de Dieb. decret. III. 12.

Nihil quicquam ab Hippocrate frustra scriptum invenio.

l. de

l. de Decr. Hipp. & Plat. VIII. 5.

J O. G U I N T E R I U S ,
Interpres.

Quod sane pituita alba appareat, eo quod in generatione ipsius exiguae multae bullae excitantur, Hippocrates dicere aulus non est, ceu quid ulterioris contemplationis, quam ad artem medicam pertineat.

l. de Respir. diff. II. I.

J A N C O R N A R I U S ,
Interpres.

Ne quis Hippocraticae famae ac nomini honore habito flectatur, ac citius dictis fidem praebet prius, quam per demonstrationes cogatur.

In l. I. Epid. III. 7.

Neque Hippocrati decet diffidere (praese fert enim oculis arbitrata haec conscribere) neque mentiri convenit, dicereque etiam sese vidisse. Quare observandum nobis est sedulo, & experientia de veritate existimandum.

l. Quod animi mor. c. 9.

J U N. P A U L. C R A S S U S ,
Interpres.

Hippocrates testis sane fide dignus, atque gravissimus est, si quisquam testibus, ut nonnullis mos est, decretorum suorum veritatem asserat. At ego viro huic non tamquam testi, ut plerique assolent, sed quoniam ejus rationes firmas invenio, idcirco fidem adhibeo, eumque laudo.

l. contra Julian. c. 5.

J U L. A L E X A N D R I N U S ,
Interpres.

Hippocrati, praeter optimos medicos, philolophorum etiam optimi consentiunt.
Tom. I.

l. de Usu part. I. 8.

Imitator, si quis alius umquam, Hippocratis Plato fuit, & ab illo dogmata mutuatus est maxima.

l. de Decr. Hipp. & Plat. VIII. 5.

J O. B E R N. F E L I C I A N U S ,
Interpres.

Neque solus Plato, sed & Aristoteles, & Theophrastus, aliique cum Platonis, tum Aristotelis discipuli Hippocratis de Humoribus rationem aemulati sunt. Quin etiam ex medicis gravissimi quique, Diocles, Plistonius, Mnesitheus, Praxagoras, Herophilus.

l. Meth. med. I. 2.

T H O. L I N A C E R ,
Interpres.

Rationum Hippocratis de natura Aristoteles interpres est.

in l. de Alim. III. 22.

J O. B A P T. R A S A R I U S ,
Interpres.

Si quis in Aristotelis ac Theophrasti libris sit versatus, is ceu commentarios physiologiae Hippocratis illos conscriptos esse, arbitrabitur.

l. de Natur. fac. II. 4.

T H O. L I N A C E R ,
Interpres.

Haec omnia, atque etiam alia quamplurima, tum de praedictis facultatibus, tum de morborum generatione, tum remediorum inventionem Hippocrates, omnium post hominum memoriam primus recte dixit: Aristoteles post eum recte est interpretatus.

l. Meth. med. I. 2.

T H O. L I N A C E R ,
Interpres.

Testis coetus Peripateticus, qui & ipse
g Hip-

L
Hippocratis Physiologiae principia confirmat.

C O N S E N T I E N T I A .

l. Quod opt. Med. initio

REN. CHARTERIUS,
Interpres.

Quod moris patiuntur Athletarum plerique, cupientes quidem Olympiorum victores evadere, nihil autem moliri, quo id consequantur studentes: Idem & multis medicis accidit. Nam Hippocratem quidem laudant, ac omnium principem existimant: ut autem fiant illi inter similes, ipsi omnia potius quam id agunt.

I M I T A T I O .

l. Quod opt. med. sit phil. f.

LUD. BELLISARIUS,
Interpres.

Certe nos primum studium debemus in philosophia consumere, si veri Hippocratis æmuli esse volumus. Quod si fecerimus, nihil impediet, quo minus eo meliores efficiamur, nedum similes, si, cognitis iis, quæ ab illo bene dicta sunt, cætera, quæ arti desunt, ipsi inveniamus.

In l. de Vict. acut. i. 17.

JO. VASSÆUS,
Interpres.

Nam, quæ ab Hippocrate scripta sunt, ea in prudentibus viris, qui vere artem constituere student, reperiri possunt.

l. de Tot. morbi temp. c. 8.

JO. GUINTERIUS,
Interpres.

Præstat vero artem Hippocratis excolere, quod nemo prope factitavit.

l. de Usu part. i. 8.

NIC. RHEGINUS,
Interpres.

Cur itaque Plato (præsertim cum Hippocratis imitator, si quis alius unquam, fuerit, & ab illo dogmata mutuatus sit maxima) tam negligenter de unguum utilitate locutus est?

C O N T R A D I C T A ,
E T D E F E N S A .

A R I S T O P H A N E S
Nubibus, p. m. 180. c.

JO. ANT. VANDER LINDEN,
Interpres.



*L*E filiis Hippocratis
Similem, blitum vocant iners.

EUPOLIS ἐν Δίπνοις,
Citante Schol. Aristoph. ibi.

JO. ANT. VANDER LINDEN,
Interpres.
Hippocratis suere filii nothi,

Suboles insulsa, nullius frugi bone.

Etymologicon in Σόκρ.

JO. ANT. VANDER LINDEN,
Interpres.

Sues Hippocratis filios dicunt, cum Pannatio & Memnone suillum ingenium cavillantes.

A T H E N Æ U S
Deipnos. III. 17. p. m. 96. F.

ISAC. CASAUBONUS,
Interpres.

Deinceps illata est vulva, metropolis re-
vera

vera & mater filiorum Hippocratis, quos aperte ex eo, quod subjicitur, indicare.

l. de Resp. diff. III. 5.

GALENUS

l. Quod an. mores c. 4.

JAN. CORNARIUS,
Interpres.

JO. GUINT. ANDERNACUS,
Interpres.

Hippocratis autem filii ob calorem immodicum stulti Comitorum fabulis ridentur.

l. adv. Lycum, initio.

JUL. ALEXANDRINUS,
Interpres.

Qui Hippocratem accusare, aut pro eo respondere vult, priusquam facit, exerceri eum oportet in sententia Senis.

l. de Elem. I. 9.

VICT. TRINCAVELLIUS,
Interpres.

Hippocrates solita antiquorum brevitate utitur.

l. de Usu part. I. 9.

NIC. RHEGINUS,
Interpres.

Multa Hippocrates verbis paucis eos docet, qui ipsius dicta assequi possunt.

l. de Crisib. III. II.

NIC. LEONICENUS,
Interpres.

Multi priscam breviter assequi minime conculsi, quædam deficere arbitrantur.

In l. de Fractur. III. 4.

VIDUS VIDIVS,
Interpres.

Brevitatis Hippocratis proprium est, id, quod in proposito sermone desideratur,

Quæ est igitur via facultatis? oportet enim inde initium sumere. Una quidem communis illa omnibus veteribus familiaris brevilocuentia. Altera vero peculiaris illa Hippocratis animi altitudo. Monstratum enim nobis est, quam gravis sit sæpenuero hic vir, ut qui ea, quæ aliis medicis nota sunt, prætereat, velut quæ a nomine eorum, qui artem exercent, ignorari queant: quæ vero talibus ignota sunt, omnia diligenter simulque perspicue exponat.

In l. de Artic. IV. 16.

V I D. V I D I U S,
Interpres.

Iis, qui hæc requirunt, respondendum est, Hippocratem eo tantum intendere, ut propositam rem exprimat, quod & ipse Plato faciendum nobis præcipit.

l. de Elem. II. 3.

VICT. TRINCAVELLIUS,
Interpres.

Oratio Hippocratis brevis & concisa est, quia id, quod evidenter apparet, absque ulla probatione scripsit, aut suspicatus fore, qui hæc ignoraret aut negaret.

l. de Purg. facult. c. 5.

JUL. MART. ROTA,
Interpres.

Sunt, qui omnia potius, quam verba Hippocratis, vera esse volunt.

l. de Diffic. respir. I. 4.

Sententiam Hippocratis exponere, ac veritatis, quæ in ea est, certitudinem iis,

qui in nostra inciderint , exhibere multo melius est , quam præoccupare tempus existimationi ac famæ venerandi senis .

l. de Succ. bon. & mal. c. i.

JUL. ALEXANDRINUS,
Interpres .

Eorum , qui ab Hippocratica doctrina desicere , apud me nonnulli clam confessi sunt , manifesto se quidem cernere cupiditatem contendendi adversus Hippocratem , interim pudore affici , si post quinquagesimum demum annum ad Hippocratem deficiant .

In l. Aphor. v. 64.

NIC. LEONICENUS,
Interpres .

Non simpliciter , neque semper servare brevitatem videtur Hippocrates , sed in quibus magnum aliquod periculum imminet si negligentius , quod ab ipso docetur , accipitur , in his bis terve repetere eadem non veretur .

l. Meth. med. ix. 8.

THO. LINACER,
Interpres .

Hippocrates , ceu primus inventor , nec debitum omnibus ordinem dedit , nec cuiusque indicationis dignitatem ad unguem finivit , & quasdam in ipsis discretionem omisit , obscureque plurima pro antiqua dicendi brevitate est interpretatus .

In l. de Vitu acut. ii. 36.

JO. VASSEUS,
Interpres .

Fieri nequit , ut uno libro omnia ad medendum pertinentia , bene scriberet Hippocrates , atque ordine doceret : præcipue cum ipse primus horum inventionem sit molitus .

In l. de offic. med. i. 10.

V I D U S V I D I U S ,
Interpres .

Hippocrates breviter loquitur , quum quid existimat evidens futurum , si qui id ipsum invenire studeant . Non enim rudes docuit , quemadmodum nos nunc , sed admodum in disciplinis assuefactos , sic , ut ex eorum , quæ prius ostensa sunt , consequutione , talia per se nullo negotio assequantur .

In l. de Artic. iii. 49.

V I D U S V I D I U S ,
Interpres .

Si quis prima lectione non intelligit , quæ clare ab Hippocrate scribuntur , iterum & tertio & sæpius diligenti animadversione relegat : quod si faciat , quæ plane ab ipso traduntur , omnino intelliget .

l. de Pracogn. ad Posth. c. 12.

JUL. MART. ROTA,
Interpres .

Solam pulsuum scientiam Hippocrates non excoluit .

In l. de Humorib. ii. 28.

* * *

Græca desunt .

JO. BAPT. RASARIUS,
Interpres .

Notitiam a pulsibus profectam , vel non habuit Hippocrates , vel certe non exercuit .

In l. de Artic. iii. 37.

V I D U S V I D I U S ,
Interpres .

Quædam Hippocrates prætermisit , vel quod non ex toto universam eorum naturam fuerit intuitus , vel quod tam diligentem inquisitionem ad propositum pertinere non existimaret .

In l. de Fractur. 1. 9.

V I D. V I D I U S,
Interpres.

Sagittariorum exemplum transferre ad vincendum, existimari debet prorsus factum, satiusque fuisset eos ab Hippocrate nullo modo commemorari, quam acerrime refelli. Nam quæ prorsus stulta sunt, deridenda magis sunt quam a scriptoribus confutanda. Non tamen prohibeo, quo minus, dum in vivis agunt, redarguantur: ac præsertim, ubi, qui hæc nugatur, audientibus persuadet, ut sibi hominis curationem committant. Fit etiam interdum, ut nos quoque in scribendo stultis opinionibus contradicamus, ubi multos videmus illis credere, quasi veræ sint; quod & nunc accidit Hippocrati, nihil esse commune sagittariis & vincendis, ostendenti.

In l. de Visu acut. 1.

J O H. V A S S Æ U S,
Interpres.

Logicam magis speculationem sapere videtur, quod ab Hippocrate in quæstionem disceptationemque ponitur; cum & sine hujusmodi speculationibus recte sanare queamus. Nempe morbos recte sanare inest medicis ex faciendorum cognitione, & non ex investigatione causæ: ob quam sunt controversi, qui varias in hujusmodi morbis scripserunt curationes. Est vero secundum veritatem id non commodissimum modo, verum quoque & omnium primum, atque quæsitum necessarium, ut procedente exponam sermone: quod enim quæstione dignum sit quod proponit, & quo solvit modo.

l. de Dieta Hipp. in acut. c. 11.

Desunt Græca.

A U G. G A D A L D I N U S,
Interpres.

Temere Hippocrati adversantur, qui ad

ejus scripta imparati accedunt, priusquam literas didicerint. Suam enim ipsorum ignorantiam inculcare cum debuissent, obscuritatem Hippocratis reprehendunt: quippe qui ob propriam imbecillitatem non possint magnitudinem Hippocraticæ virtutis assequi. Ita enim opinor affectæ sunt ad Hippocratis scripturas insipientium abjectorumque hominum animæ, ut oculi ad solem, dum in ipsum intuentur. Ut enim illi de propria imbecillitate redarguantur a Solis pulchritudine, convincunturque; quippe qui haud possint perseveranter citra laborem in ipsum intueri, sed tandem cæcutientes ad tenebrosa se vertunt: ita animæ profanorum hominum, quæ prius in encyclopædiis non fuerint educatæ, a pulchritudine scripturarum Hippocratis, & fulgure circumcirca percussæ, ac dogmatum lumine vallatæ, quodam modo cæcæ fiunt, & ab iis, quæ majora sunt, quam ut ipsæ ferre possint, averstæ, ad parva quædam & obscura, suæque ipsarum ignorantioni accommodata, accedunt.

l. Meth. med. XI. 15.

T H O. L I N A C E R,
Interpres.

Sed aliqui sunt (ut Hippocrates ait) qui ex eo, quod ignorant, non parum lucrifaciunt.

l. de Venes. adv. Erasistr. c. 3.

J O S. T E C T A N D E R,
Interpres.

Asclepiades adeo contentionis studiosus fuit, ut mortis medicationem cum Hippocratis, tum veterum medicinam nominare non sit veritus.

In l. 1. Epid. 11. 50.

H E R M. C R U S E R I U S,
Interpres.

Posteaquam non parum multos vidi claros medicos jure ob id reprehensos, quod vel in mittendo sanguine, vel lavando,

vel

vel medicamento dando, aut vino propinando, aut frigida, offendissent, cogitavi mecum fortasse etiam ipsi Hippocrati tale quid usu venisse: necessario itaque multis etiam aliis ejus æqualibus medicis.

A. CORN. CELSUS

III. 4. p. m. edit. 121. l. 9.

Igitur sic ægros nutriebant, ut dierum imparium accessiones expectarent; deinde postea cibum, quasi levioribus accessionibus instantibus, darent: adeo ut Hippocrates, si alio die febris desisset, recidivam timere sit solitus.

Id Asclepiades jure ut vanum repudiavit; neque in ullo die, quia par imparve esset, ægris vel majus, vel minus periculum esse dixit. Interdum enim pejores dies pares fiunt; & opportunius post febrium accessiones cibus datur. Nonnunquam etiam in ipso morbo, dierum ratio mutatur; fitque gravior, qui remissior esse consueverat. Atque ipse quartus decimus par est, in quo esse magnam vim antiqui fatebantur.

A. CORN. CELSUS

III. 4. edit. m. p. 121. l. 34.

Est etiam apud Hippocratem, ei, quem septimus dies liberaturus sit, quartum esse gravissimum. Ita, illo authore, in die pari & gravior febris esse potest, & certa futuri nota.

Atque idem alio loco quartum quemque diem, ut in utrumque efficacissimum apprehendit; id est, quartum, septimum, quartumdecimum, decimumseptimum, in quo ab impari ad paris rationem transit. Et ne in hoc quidem propositum conservavit; cum a septimo die undecimus, non quartus, sed quintus sit. Adeo apparet, quacumque ratione ad numeros respexerimus, nihil rationis, sub illo quidem authore, reperiri. Verum in his quidem antiquos tum celebres admodum Pythagorici numeri sefellerunt.

CÆLIUS AURELIANUS,

Acut. Morb. 11. 29. p. m. 125.

Hippocrates libro regulari (quem diæ-

teticum vocavit) peripneumonicæ inquit remedium aptandum ex cocco, atque galbano, atque attico melle, vel abrotano, ex aceto mulso atque pipere admixto, & helleboro nigro. Summum (inquit) est etiam panacem in mulso ex aceto confecto decoquere, & liquatum dare bibendum.

Sed hæc omnia Soranus esse judicavit, & propterea reprobanda, adjiciens, quod mulsum ex aceto factum constringat, & sit inconveniens tumori.

I T E R U M

Acut. III. 4. p. 168.

Antiquorum Hippocrates libro quem ad sententias Cnidias conscripsit, ex utroque oportere inquit brachio synanchicos phlebotomari.

Sed hoc erit evitandum. Siquidem coærcervata sanguinis effusio animi facit deflectionem, & propterea prohibet tantum detrahi, quantum sufficiat ad relaxandam stricturam.

I T E R U M

Acut. morb. III. 6. p. m. 185.

Febrem vero secundum Hippocratem in spasmum venientem, salutarem accipimus. Spasmum autem in febrem, perniciosum: quamquam ejus excludant sententiam, dicentes, quia secundum ipsum febres corpora gravant, multo magis geminant incommodum, cum vehementibus doloribus. Laxat enim, inquiunt, tumorem naturalis ac mediocris fervor: febrium vero acer, & contra naturam immodicus, vexat.

I T E R U M

Acut. III. 7. p. 189.

Hippocrates libro, quem ad sententias Cnidias scripsit, cerotario inquit unguentos opisthotonicos, & aqua calida eorum crura fovenda. Jacere jubet in lineis stramentis, utens ad ventrem movendum collyriis, quæ appellavit balanos, & potiones ex radice bryoniæ, & dauco, atque vino confectis. Offert præterea farinam coctam tepentem in partem cibi, ut sæpissime facit, permittens etiam vinum superbibendum, quan-

quando voluerint ægrotantes. Tetanico vero non advertens adhibendam vere phlebotomiam, sed non solam. Non enim dignum atque sufficiens tantæ passionis unum adjuvatorium esse probatur. Item collyria, sive balani, & potiones supra memoratæ, & vinum intemporaliter datum patientibus, contrarium atque saluti noxium monstratur. Alia enim tempore importuna nervis officiant.

IDEM *Acut.* III. 8. p. 190.

Item secundo libro, quem de morbis scripsit, ait esse aliquando conducibile tetanico sive vulnere effecto, atque primævo corpore, & habitudine vigenti, æstatis tempore plurimæ frigidæ ablutionem, siquidem fervorem reclamet ac revocet. Dat etiam nigrum helleborum cum pipere, & lacte asinino carne concocto potat, atque sternutamentum commovet.

Mirandum igitur, quod in his, qui tali passione afficiuntur, frigida utendum existimat Hippocrates, qui jamdudum ait frigida quæque esse inimica ossibus, nervis, dentibus, & cerebro. Sternutamenta etiam commovere tumores nulli non dubium est. Item asininum lac nulla ratione laxare tumentia probatur. Dehinc stomachum evertet: si quidem sit tetri odoris & saporis. Item helleborum nigrum nervos obsidet, atque purgando, vel deducendo corpus exagitat.

IDEM *Acut.* III. 17. p. 215.

Veterum autem medicorum, Hippocrates secundo libro de morbis, communiter inquit refrigeranda superiora, particulariter autem adhibenda vomifica medicamina, & phlebotomia ex brachio, & capite. Tunc sacculum aqua calida plenum deponendo jubet ægrotantes: facere etiam collyrium decem digitorum, quem appellavit balanum; atque hunc summo tactu felle taurino ungendum: tunc si nihil perfecit clysterem adhibendum. Vel si hoc quoque minus valuerit, folliculo artis ærariæ immittendum inquit ventum per podicem, quo distantia ventris intestinorum replicatis folliculis fiat, tunc statim adhibendum clysterem probat, detracto supradicto folliculo, & podicem cum

spongia obstruendum, atque in aquam calidam ægrotantem deponendum. Utendum inquit primo tempore passionis melle decocto, atque vino.

Secundo libro epidemion multum vini meraci, atque frigidi dari jubet, donec somnus vel dolor fiat crurum, suspitione causarum sollicitatus: existimat enim vel constituit fieri passionem incendio superiorum & frigore inferiorum.

Contrarias igitur virtute materias adhibendas judicavit, non intuens passionem ex tumore fuisse confectum. Denique principio vomitus, quem adhibendum probat, asperat ejus celeritatem: si quidem disjiciendo corpora commovet. Phlebotomare autem convenit non post vomitum, sed laxamenti causa, non ut Hippocrates affectandum putat, ob frigidandum corpus. Dehinc ex brachio, non ex capite, neque simul ex multis partibus phlebotomare oportet. Etenim repentina sanguinis effusio virium defectum faciens, non sinit congruam fieri detractio-nem, vel quantum magnitudini passionis est conveniens. Collyrium autem felle taurino perunctum, omnifariam nocens accipimus. Etenim ob acrimoniam fellis atque mordicationem tumentia provocat in fervorem, & ob longitudinem digitorum decem immissum premit eas partes, quæ neque tenuem liquorem sine gravatione accipere, vel ferre valent. Nam ex ærario folliculo quid dicere oportet, si ubi inflationis metus est, immittendum extrinsecus existimat ventum, atque, quod est maximi peccati, frigidum his partibus, quæ etiam naturali tactu prægravantur, non aliter, quam si quemquam in tetanica passione constitutum cum sit potestatis laxativis curare virtutis, eundem organis distendere contendamus. Advertendum igitur, quod magis roborat vexationem, vel duplicat corporis inflationem adjiciens graviora, quo etiam per clysterem liquoribus magis prægraves corpus, ut tumentia importune vento vexata, etiam liquoris percussu intemporaliter feriantur. Item spongia apponenda quam probat, extenta magis premit. Utitur autem vino, malis quidem, sed sui similibus consiliis. Neque enim temporaliter declinationem passionis observavit. Præterea usu immodico, siquidem

dem plurimum dari jubet, & intemperato, quod sæpe in sanitate constitutos alienari mente perficit, tunc etiam incongrue, siquidem frigidum. Omne etenim frigidum tumentia auget. Repugnanti ergo iudicio vinum dare perspicitur, effectum somno atque dolori crurum ascribens, somnus etenim levigata atque soluta passione efficitur: dolore autem pejorante, & asperato tollitur. Quod ita manifestum est ut demonstratione non indigeat.

IDEM *Tard.* IV. 3. p. 472.

Hippocrates enim libro quam ad sententias Cnidias scripsit, helleborandos principio ægros ordinavit, ultimum adjutorium cæteris anteponebat. Dat præterea panem ita curatum, ut neque ab hominibus recte valentibus posse digeri facile videatur. Item pulentum, atque foenigræci semina.

Cum sint hæc qualitate contraria: alia enim astringunt, alia relaxant, & nulli adjutorio tempus adjunxit.

IDEM *Tard. pass.* IV. 8. p. 485. 486.

Hippocrates libro Prognostico significare inquit lumbricos interfectionem ægrotantis, quoties mortui fuerint exclusi omnibus in morbis.

Herophilus vero libro quem ad Hippocratis Prognosticum scripsit, sive vivos, sive mortuos excludi negat incongruum.

Et mox:

Chrysippus Asclepiadis sectator, libro tertio de lumbricis, sic inquit Hippocratem ferri, dicentem suo libro, eos qui in ægritudinis declinatione cum stercorebus egeruntur, nihil grave significare.

Sed neque inquit Dioclem Hippocrati contrariam protulisse sententiam, dicendo mortuos vel inanes esse meliores: siquidem hic in febribus solutionum hoc dixisse videtur, Hippocrates autem mortem significare in febribus structuræ.

IDEM *Tard.* V. 1. p. 502.

Hippocrates vero libris, quos ad senten-

tias Cnidias scripsit, magis utendum dicit egestate atque vaporatione, & continentia, & danda sicca vel arida quæque, & aciora mandenda. Si enim æquibilibis æger fiat, hoc est, urina facilior, ac si spiratio difficilis fuerit, quam dyspnœam vocant, & tempus ætatis, & ætas media, dicit ex brachio phlebotomandos, & post detractio- nem factam dat panem calidum vino infusum atque oleo, & carnem suillam ex aceto decoctam. Dat etiam cantharides tres detracto capite & pedibus, & primis in tribus cyathis aquæ comtritas.

Sed neque quo tempore exercitio utendum sit manifestat, neque usque quo mandenda sint aciora, vel quando vaporationes adhibendæ. Dehinc si phlebotomare oportuerit, non solum æstivo tempore, ac media æstate, sed etiam omni tempore atque ætati convenire phlebotomiam probamus. Est præterea importunum vinum, ac repugnans eo tempore commodis phlebotomiæ. Item cantharides humorem commovent. Carnis quoque offerendæ tempus significare neglexit.

HENR. CORN. AGRIPPA
De Van. scient. c. 82.

Jam vero & Hippocrates, quem ipsi pro Deo colunt, ab aliis in plerisque non tam diversum sentit, quam turpiter erravit. Nam in libro de Natura infantis ait: Generatur ex luteo ovi avis, nutrimentum autem & augmentum habet album, quod in ovo est:

Quod falsum probat Aristoteles in libro de Animalibus & in libro de Generatione animalium, disputans contra Alcmaeonem, qui cum Hippocrate sentiebat, concludit: origo pulli in albumine est, cibus per umbilicum ex luteo petitur; cui sententiæ adhæret etiam Plinius, inquiring: Ipsum animal ex albo liquore ovi corporatur, cibus ejus in luteo est.

Et mox:

Nonne etiam ille Hippocratis aphorismus mendax est? Mulier non podagrizat, nisi menstrua illi defecerint:

Cum multæ scemina, quibus etiam menstrua fluunt, podagras patientur.

JUL. CÆS. SCALIGER

De Subtil. adv. Card. CI. 18.

Tueris enim, atque etiam profiteris nefandum illud Hippocratis deliramentum, a quo non absunt Galeni trepidationes. Animam nihil aliud esse, quam cœleste calidum. Absurdior ejusdem sententia in primo de ratione victus. *ἰσέρπει ἐς ἀνδραπον ψυχὴ πυρὸς καὶ ἰδατὸς σύγκρησιν ἔχουσα.* Itaque etiam illa ausus est. *ἢ ἀνδράπε ψυχὴ ἐν ἀνδράπω αὐξάνεται, ἐν ἄλλῳ δὲ ὀδενί.*

Sed sibi contradicit: *ἢ ψυχὴ τὸ αὐτὸ πᾶσι τοῖς ἐμφύχοις.* Si enim est idem in homine, & cane, ergo anima hominis augebi-

tur in cane, & canis anima in homine vicissim.

Sed & alia ibidem contradictio: *ἢ ψυχὴ αἰεὶ ὁμοίῃ· ἢ γὰρ ἀμοιβῆται, ἢ διὰ φύσιν, ἢ περὶ ἀνάγκην.* Similia superioribus in sexto Epidemion: *ἀνδράπε ψυχὴ αἰεὶ φέεται μέγιστα δα-νάτε.*

JUL. CÆSAR SCALIGER

De Subtil. ad Card. CCCVII. 5.

Neque mens ægrotat, ut falso voluit Hippocrates, cum dolorem, quo cruciamur, non sentimus.

Sed quoniam dolentem ad locum, subsidii ergo, distracti spiritus, non repræsentantur imaginationi.



O P E R U M M A G N I H I P P O C R A T I S

C E N S U R A .

Ex illa, quam Hieronymus Mercurialis erudite admodum, atque fusius conscripsit, suæque Interpretationi Editionis Juntarum Venetæ, Anni MDXXCVIII. præfixit, excerpta.

DOCTISSIMUS Hieronymus Mercurialis Opera omnia, quæ sub Hippocratis nomine circumferuntur, in quatuor Classes distribuit; idque, ut opinor, vel maxime fecerit, ut unusquisque, quæ vera essent Hippocratis opera, & quæ adulterina, uno veluti oculi obtutu, cernere posset. Quanti momenti sit vera Antiquorum opera a spuris internoscere jamdudum iis omnibus notissimum est, qui veterum librorum lectioni operam serio impendunt. Hinc ne tanta utilitate hæc nostra Neapolitana Editio privaretur, qua, nescio quo fato, perpulcra illa Lugduno-Batava, Anni MDCLXV. privata prodit, hic dilucide, atque concise hanc Censuram apponi curavi.

Prima igitur Classis illos omnes libros amplectitur, qui ab Hippocrate conscripti castigati, atque editi fuerunt, aut saltem quos ille composuit, ut ederentur; nam in istis sententiæ, ac hippocraticæ phrasæ adamussim inveniuntur.

DE NATURA HUMANA. Huic enim libro, ut Galenus in Commentariis testatur, adjectus fuit alius Polybi DE DIÆTA. Ex hoc enim nonnulla Philosophiæ suæ semina Aristoteles excerptis.

DE AERE, AQUIS, & LOCIS.

APHORISMI. Inter istos nonnulli spurii videntur undique intertexti, ac præcipue in Septima Sectione, ut in Commentariis suis Galenus edocuit.

PROGNOSTICA. Hisce enim Mercurialis præstantiam, ac divinitatem tribuit.

DE MORBIS EPIDEMICIS, SIVE POPULARIBUS. Primus liber, & Tertius sunt Hippocratis genuini.

DE MORBIS ACUTIS. Trium priorum librorum, usque ad tractationem de Balneis, Galenus, in Commentariis, Auctorem æstimat Hippocratem.

DE VULNERIBUS CAPITIS. Huic libro quædam adulterina adjuncta fuisse, Galenus, 4. de Articulis, diserte fatetur.

DE FRACTURIS.

DE ARTICULIS.

DE OFFICINA MEDICI. Genuinus Hippocratis liber, etsi, eo vivente, nunquam editus. Imo, scribit Mercurialis, non desuerunt (ut Galenus perhibet) qui, quod hic liber totius medicinæ Præmium habet, ante omnes alios Hippocratis Commentarios collocari, & legi debere putarint.

MOCHLICUM, sive VECTIARIUS. In hoc libro de Articulis, & Fracturis Hippocrates iterum, ac summatim pertractat. Hunc autem Cornarius, ut Mercurialis advertit, nescio quo spiritu, cum libro de Ossibus confudit, nec, ut debebat, totum latinis tradidit, hunc enim Galenus inter receptissimos tradidit.

DE ALIMENTO. Quamquam nonnulli Philistioni, vel Pherecydi hunc librum tribuant, Galenus, cujus iudicium omnibus præfero, genuinum Hippocratis opus iudicat. Agellius quoque L. III. cap. 15. sub Hippocratis nomine citat.

DE HUMORIBUS.

DE ULCERIBUS.

Secunda Classis illos omnes Hippocratis libros

libros continet, qui ab ipso memoriae tantum causa, sed non castigati, conscripti fuerunt; qui quidem postmodum vel a Thessalo filio, vel a Polybo, vel ab aliis discipulis editi sunt, sed in multis locis immutati, imminuti, vel adaucti.

DE MORBIS EPIDEMICIS, sive POPULARIBUS. Præter Primum, & Tertium Librum, omnes fere alii hic sunt collocandi; nam Mercurialis, ex Galeni sententia, ita scribit: Primum, & Tertium legitimos esse; Quintum, & Septimum vere spurios; alios autem partim ab ipso Hippocrate, esse conscriptos, partim a Thessalo ejus filio immutatos, & auctos Quare mirari solem, cur Celsus, & plerique alii scribant, Hippocratem suos errores interdum esse ingenue confessum, quod id ex uno Epidemiorum quinto colligatur, quem tamen omnes ab Hippocratis Officina minime exiisse opinantur.

DE LOCIS IN HOMINE. A Celso, Cælio Aureliano, Rupho Ephesio, atque ab ipso Galeno citatur.

DE FLATIBUS. Hic quoque citatur a Celso, Erotiano, Alexandro Aphrodisiense, Gregorio Nazianzeno, Plutarcho, atque Galeno.

DE SEPTIMESTRI PARTU.

DE OCTIMESTRI PARTU.

DE OSSIBUS.

Tertia Classis illos libros comprehendit, qui quamquam ab Hippocrate non fuerunt conscripti, sed vel ab ejus Filiis, vel a suis Discipulis; tamen quia plurimas hippocraticas sententias a genuinis operibus excerptas, vel ab ejusdem ore prolatas, vel forsitan a suis Adversariis collectas continent; quasi germani habendi sunt. Idque vel maxime credendum, quod ut Galenus multis in locis memoriae mendarit, tam Filii, quam Discipuli, Patris, & Præceptoris decreta, vel tantillum non immutarunt; attamen in istis libris nonnulla ex intervallo leguntur, quæ solidam hippocraticam doctrinam non redolent.

DE CARNIBUS. De Principiis rectius inscribendum esse hunc librum Mercurialis judicat, atque diserte fatetur, habere nonnulla de partium, & membrorum corporis generatione, de nutrimento Fœtus, de Fœtus productione & de hominis vita nimium a veritate remota, potiusque occultam quamdam, & enigmaticam philosophiam referentia.

DE GENITURA.

DE NATURA PUERI. Unus ne, an duo sint hi libri dubitari potest. In istis enim citantur libri de Morbis Muliebribus, ac de Natura Muliebri; unde facillime crediderim unum idemque istorum omnium librorum auctorem fuisse. Galenus, & Erotianus sub Hippocratis nomine citant; citat quoque Macrobius L. I. cap. 6. Somn. Scipion., ubi dicit: Hippocratem neque fallere, neque falli posse. At Mercurialis suspicatur esse Polybi.

DE AFFECTIONIBUS. Hippocratis ne sit, an Polybi, adhuc dubium est.

DE AFFECTIONIBUS INTERNIS. Hic liber, si Galeni judicium sequamur, pro eo habendus est, quem Veteres Majorem de Morbis, vel de Empyis inscribebant.

DE MORBIS. Hujus Operis liber quartus Dioscorides, ut asserit Galenus VI. Epidem. Com. I. Hippocrati Thessali filio; Galenus vero alibi, & alii Polybo potius tribuunt.

DE NATURA MULIEBRI.

DE MORBIS MULIEBRIBUS.

DE STERILIBUS, Forsan libri præcedentis pars posterior.

DE FOETATIONE, ET SUPERFOETATIONE. Licet ipsius Auctor ignoretur, nec citatus hic liber facile reperiat; quamplura tamen hippocraticis dogmatibus consentanea continet.

DE VIRGINUM MORBIS.

DE MORBO SACRO. In codicibus græcis invenitur hoc super libro censura, in qua hunc non esse Hippocratis apertissime asseritur; sed utcumque sit (scribit Mercurialis) doctrina illius libri minime despicienda est, neque ex toto habenda ab hippocraticis aliena, etsi nonnulla contineat neque vera, neque maeno aliquo ingenio digna.

DE HUMORIBUS.

DE FISTULIS. Hi duo libri sortassis antiquitus unus fuerunt.

DE SALUBRI DIÆTA. In initio Commentarii Galenus Polybo tribuit, sed in primo *de Victu Acutor.* vel Euriphontem, vel Phaontem, vel Philistionem, vel Aristonem, vel Antiquum alium, librum hunc conscripisse autumat. Perpauca futilia, quamplurima solida continet.

DE DIÆTA. In tres libros hoc Opus dividitur, quorum primus est prorsus Hippocrate indignus; in reliquis duobus nonnulla quammaxime digna inveniuntur.

DE USU LIQUIDORUM.

DE JUDICATIONIBUS. Mercurialis æstimat ex Aphorismis, & Prognosticis hunc librum esse conflatum.

DE DIEBUS JUDICATORIIS.

PRORRHETICA, sive Prædicta. Quamquam Galenus multis in locis testetur Hippocratis non esse, imo nonnullis erroribus scaterere; attamen suis Commentariis illa illustrare non fuit dedignatus: quod sane faciendum non erat, si ex toto ea pro spuris habuisset.

COACÆ PRÆNOTIONES. Jacotius in Præfatione ad istas Prænotiones ita scribit: *Mihi sane placere non potest, quandoquidem nec sermonis proprietas, nec dogmatum puritas, nec rerum veritas ejusmodi sunt, ut ex media Hippocratis officina manasse quis jure existimare queat.*

DE INSOMNIIS. Julius Cæsar Scaliger, in Commentariis, quos ad hunc librum scripsit, utrum is sit germanus, minime disputandum duxit, & tamquam genuinum supposuit. Mercurialis contra, cum nunquam a Galeno invenerit citatum, ab operibus Hippocratis ablegavit.

Quarta postremo Classis libros illos continet, qui vere spurii habendi sunt; nam neque dictionem, neque seriam rationem cogitandi, neque doctrinam hippocraticam ob oculos afferunt.

DE MORBIS EPIDEMICIS, sive POPULARIBUS. Liber quintus, & Septimus hujus operis, forsan ab Hippocrate Draconis filio fuerunt conscripti.

JUS JURANDUM. Forsan ab Hippocrate dictatum, sed ab aliis conscriptum.

PRÆCEPTIONES.

DE ARTE.

DE ARTE VETERI. Forsan Dexippi Cei Hippocratis discipuli. Ab Erotiano citatur.

DE LEGE. Ex hoc libro fortassis Plinius illam sententiam mutuatus fuit, *soli Medico licere hominem interimere.* A nullo fere probato Auctore sub Hippocratis nomine citatur.

DE MEDICO. Dioscoridi ab aliquibus tribuitur.

DE DECENTI ORNATU. Tam hic, quam præcedens liber ridiculis rebus pleni videntur.

DE EXSECTIONE FOETUS.

DE CORDE. In hoc libro mentis sedem in Corde collocare annititur Auctor.

DE DENTITIONE.

DE VISU. Hi quatuor libri prorsus inter spurios reponi debent, non solum (verba sunt Mercurialis) quod nemo ipsorum testimonio utatur, verum etiam quia absurda non pauca, & ab hippocratica gravitate, atque doctrina longe aliena habent.

DE GLANDULIS.

DE RESECTIONE CORPORUM.

EPISTOLÆ. Forsan Auctoris *De Sacro Morbo, & de Morbis Muliebribus*, a quo citantur. Galenus nusquam eorum mentionem habet, neque Antiquorum aliquis earum testimonium usurpat.

DE MEDICAMENTIS PURGANTIBUS.

DE HOMINIS STRUCTURA. Hi duo libri in Codicibus Græcis non reperiuntur.

HIPPOCRATIS DE ARTE.



UNT quidam, qui artem putant, reliquas artes turpiter incessendo dehonestare: atqui id quidem, veluti putant, non transigunt, ut ego sane assero, sed pro-

priam cognitionem ac scientiam ambitiose ostentant. Mihi vero invenire aliquid eorum, quæ nondum inventa sunt, quod ipsum notum, quam occultum esse præster, scientiæ votum ac opus esse videtur: similiterque & semiperfecta ad finem perducere & absolvere. At vero verborum inhonestorum arte ad ea, quæ ab aliis inventa sunt, confundenda promptum esse, nihil quidem corrigendo: eorum vero, qui aliquid sciunt, inventa apud ignaros calumniando, non sane scientiæ votum aut opus esse videtur, sed proditio magis naturæ suæ, aut ignorantia artis. Solis enim artis ignaris hoc ipsum factum convenit, qui contentiose quidem gestiunt ac conantur, nequaquam vero possunt maliciæ sufficere, ad hoc ut aliorum opera, quæ quidem recta sunt, reprehendant. Eos quidem igitur, qui in alias artes hoc modo irruunt, quibus hæc curæ sunt, quorumque id interest, & præstare hoc possunt, prohibeant. Præsens vero sermo his, qui medicinam eo modo invadunt adversabitur, confidens quidem & animatus propter utilitatem eorum, quos infestatur: copiosus vero ob artem, qua præstat & auxiliatur: potens autem ob

sapientiam, qua est eruditus.

2. In universum itaque nulla videtur mihi ars esse, quæ non existat, absurdum enim est, aliquid esse putare, quod non est: quoniam eorum, quæ non sunt, quam essentia conspecta aliquis denunciare possit, quod sint. Si enim non existentia videre non datur, quemadmodum existentia, haud equidem scio, quomodo quis mente concipere queat ea, quæ non sunt, quemadmodum ea, quæ sunt, quæ certe oculis videre est, mentequè intelligere quod sunt. Verum ut ea nec videas, nec intelligas, non similiter contingere potest. Sed existentia quidem semper videntur ac cognoscuntur: non existentia autem, neque videntur, neque cognoscuntur.

3. Cognoscuntur itaque demonstratis jam artibus, & nulla est ars, quæ non ex specie quadam rerum videatur: arbitrorque sane ego etiam nomina artibus ex speciebus accipi & imponi. Absurdum enim est, existimare ex nominibus species rerum germinare & provenire: imo etiam impossibile existit. Nomina enim lege quadam naturæ indita sunt: species autem rerum non lege sancitæ sunt, sed naturæ germina existunt. Atque hæc quidem, si quis ex prædictis non ad plenum intelligat, in aliis sermonibus fortassis clarius edocbitur.

4. De medicina vero, utpote de qua hic institutus est sermo, claram demonstrationem faciam: & primum sane definiam, quod sentio: Medicinam esse

morbos ab ægris in totum tollere, & morborum vehementes impetus obtundere, & eorum, qui a morbis victi sunt, curationem non aggredi, quum id in confesso sit, quod medicina tales sanare non possit. Quomodo igitur hæc medicina faciat, & quali omnino facultate præstet, de hoc jam reliquum sermonem institutam. Cæterum in artis demonstratione, simul etiam sermones illorum, qui eam dehonestare contendunt, quatenus quisque eorum sibi quid transegisse visus est, revellam. Principium itaque sermonis hoc erit, cui omnes assensuros scio.

5. Quod quidem aliqui a medicina curati sanitati restituuntur, confitentur: quod vero non omnes, ob hoc jam ars ipsa vituperatur: ajuntque hi, qui eam pejus incessunt, quod hi, qui a morbis apprehenduntur, eosque evadunt, fortunæ ope evadant & non auxilio ipsius artis. Ego vero non privabo quidem ipse fortunam, tanquam nihil operæ precii faciat; puto enim morbis, qui male curantur, ut plurimum infortunium accedere: qui vero bene, eos bonam fortunam nancisci. Postea vero interrogo, quomodo possibile est, sanatos aliud quam artem causari, siquidem ejus usu & ministerio sunt sanati? Nudam enim fortunæ speciem eos respicere ac sequi noluisse, ex hoc apparet, quod seipsum arti concrediderunt; quare a gratia fortunæ referenda liberi sunt: ab ea vero, quæ arti debetur, minime se vindicare possunt, quo minus ei sanitatem acceptum ferant. In hoc enim, quod ei se commiserunt ac concrediderunt, palam est, ipsos speciem ejus esse contemplatos: vim vero ejus patrato opere cognoverunt. Dicit sane hic adversarius, quod multi jam ægri etiam citra medicorum usum sint sanati: & ego id dicentibus

credo. Videtur autem mihi omnino fieri potuisse, ut & qui medicis non usi sunt, in medicinam inciderint, non tamen ut scierint, quod in ipsa rectum fuerit, & quod non rectum: alioqui contigisset, ut seipsum eodem penitus modo curassent, quo curati fuissent, si medicos adhibuissent. Et hoc tandem magnum signum est essentiæ ipsius artis: nempe artem esse, & quidem magnam, quando sane etiam hi, qui eam esse non putant, per ipsam servati apparent. Valde enim necessarium est, nosse eos, qui medicis etiam non sunt usi, si ægrotaverunt & convaluerunt, quod aut facientes aliquid, aut non facientes sanati sunt.

6. Aut enim inedia, aut edacitate, aut uberiore potu, aut siti, aut balneis, illuvie, aut laboribus, aut quiete, aut somnis, aut vigilia, aut his omnibus promiscue utentes convaluerunt. Et sane propterea quod opem senserunt, valde necessarium est ipsos nosse, quod fuerit aliquid quod opem tulerit. Et rursus si quid detrimenti acceperunt, necesse est & detrimentum nosse, & quod fuerit aliquid quod damnum dedit ac læsit. Non enim quivis cognoscere potest ea, quæ commoditate & detrimento sunt disparata. Si igitur is, qui ægrotavit, sive laudare, sive vituperare noverit quid ex diæta, per quam convaluit, omnia hæc medicinæ esse comperiet: & sunt nihil minus ea, quæ damno fuerunt, quam ea, quæ opem tulerunt, in testimonium arti, quod ars ipsa sit.

7. Quæ enim profuerunt, ob rectum usum profuerunt: quæ vero nocuerunt, ob id quod non recte usurpata sunt, nocuerunt. Atqui ubi rectum, & non rectum utrunque suum finem habet, quomodo quis hoc artem esse neget? Hoc enim

enim ego artis expertus esse dico, ubi neque rectum, neque non rectum aliquid existit. Vbi vero utrumque horum inest, quomodo hoc non artis opus, sed potius inartificialitatis existat?

8. Amplius autem, si ex pharmacis purgantibus, & alvum sistentibus solum tum medicina, tum medici sanationem facerent, infirmus sane sermo meus merito judicaretur. Nunc vero hi, qui inter medicos maxime laudati sunt, & diæta, & aliis medicaminum formis sanant, quasne idiota quidem artis ignarus si audiat, nedum medicus, artis esse negare queat.

9. Ubi igitur nihil neque in ipsis bonis medicis, neque in arte medica inutile est, sed in plurimis eorum, quæ ex terra nascuntur, & eorum etiam, quæ fiunt, species & formæ insunt medelarum & pharmacorum: non est quod amplius aliquis eorum, qui sine medico convaluerunt; casum spontaneum vero sermone vehere possit, tanquam causam suæ sanationis. Spontaneum equidem nihil esse apparet ac deprehenditur. Omne enim quod fit, propter quid fieri comperitur, atque etiam in singulis adeo propter quid fieri videtur: spontaneum vero nullam essentiam habere comperitur, sed nudum tantum nomen. Medicina autem tum ex his, quæ propter quid de industria excogitata sunt, esse apparet, tum essentiam amplius habere conspicitur. Quare his quidem, qui fortunæ sanitatem acceptum ferunt, atque derogant, hæc quæ dixi respondere quis possit.

10. Caterum eos, qui ob morientium calamitatem, artem demoliri contendunt, miror quam memorabili ratione commoti, intemperantiam quidem morientium causam mortis non statuunt:

scientiam vero eorum, qui medicinam exercent, accusant, tanquam sane medici quidem ea, quæ non convenient, imperare possint: ægri vero, quæ imperata sunt, transgredi non possint. Atqui longe magis rationi consentaneum est, ægros non posse facere quæ imperantur, quam medicos non convenientia jubere.

11. Medici namque sana mente, sanoque corpore rem aggredientes, & præsentia considerant, & de præteritis similiter juxta præsentia ratiocinantur, in tantum etiam, ut aliquando palam gloriari soleant ægri, se illorum opera sanitati restitutos esse.

12. Ægri vero, neque qua parte laborent, neque ob quam causam laborent, neque quid ex præsentibus futurum sit, neque quid ex horum similibus fiet scientes, medici imperio subjacent, dolentes quidem ob præsentia, timentes autem futura: & pleni quidem morbo, inanes autem ciborum, ea quæ morbo grata sunt, quam quæ ad sanitatem faciunt, assumere malunt, mori quidem non amantes, sed tolerare tamen non potentes. Hoc modo autem affectos, utrum verisimilius est, hos a medicis imperata facere, an alia facere, quæ medici non jusserunt: aut medicos tales, quales superiori sermone declaravi, non convenientia imperare? Nonne multo magis hos quidem, quæ convenient, jubere: illos autem temere & impotenter nolle obedire: atque sic inobedientes in mortem incidere? Quæ sane qui non recte considerant, causas ad hos, qui inculpabiles sunt, referunt; eos vero, qui maxime accusandi sunt, a culpa liberant & defendunt.

13. Porro sunt item quidam, qui ob eos, qui victis a morbis curam adhibere nolunt, medicinam ipsam reprehendunt.

hendunt, dicuntque, quod morbi, quos sanare aggrediuntur illi, per seipsum fuissent sanati. Qui vero auxilio opus habent, eos non contingunt. Oportebat autem, inquiunt; siquidem ars erat, omnibus æque morbis sanitatem afferre. Qui igitur hæc dicunt, si medicis indignarentur, quod ipsorum talia dicentium, non ut delirantium, curam habeant, merito sane succensuerint magis, quam quod illa reprehendunt. Si quis enim ab arte potentiam in ea, quæ non proficitur, aut a natura facultatem in ea, ad quæ nata non est, exigat: is ignorat insaniam dementiæ potius, quam ignorantiam convenire. Quorum enim instrumentorum, sive naturæ, sive artium, facultatem obtinemus, per ea sane opifices esse possumus, per alia vero minime licet; quum igitur homo morbo afficitur, qui vehementior est quam medicinæ instrumenta; ne sperare quidem oportet, ut a medicina exsuperetur. Exempli enim gratia: Inter ea, quæ in medicina urendi vim habent, ignis extreme urit, verum eo minus etiam alia multa. An vero ex eis præstantiora leviores morbos curare non possint, nondum satis constat, valentissimos autem morbos potentissima etiam instrumenta curare non posse, quomodo non sit manifestum? Quæ enim ignis non efficit, quomodo ea, quæ ab illo non sunt domita, non ostendant, quod alia arte opus habeant, & non ea, in qua ignis instrumentum existit?

14. Idem sentio & de aliis instrumentis, quæcunque medicinæ opus adjuvant, quorum omnium singulatim successum si non assequitur medicus, vim affectionis accusare oportet, mea quidem sententia, non ipsam artem. Qui igitur eos reprehendunt, qui victis a morbo manum adhibere recusant, hortantur etiam ut ea,

quæ non conveniunt, attingant, non minus quam ea, quæ contingere interest artis: quod quum faciunt, his quidem, qui nomine medici sunt, admirationi sunt, ab his vero, qui arte præstant, deridentur.

15. Nec vero adeo desipientes hujus artis experti sunt, neque vituperatoribus, neque laudatoribus indigent, sed ratione, ad quam sane actiones opificum absolutæ, plenæ sunt, & quæ ab ea destitutæ, mancæ. Amplius vero etiam defectus aliquos quidem opificibus imputare oportet, aliquos vero ipsis operibus. Quæ quidem igitur ad alias artes pertinent, aliud tempus, aliumque sermonem requirunt. Quæ vero ad medicinam, qualia sunt, & quomodo judicanda, partim quidem superiori sermone ostendimus, partim vero præfati oratione docebimus.

16. Sunt enim his, qui hanc artem probe norunt, morbi partim non in obscuro positi, & non multi: partim non in manifesto loco hærentes, & multi sunt. Qui enim ad interna vertuntur, in obscuro siti sunt: qui vero ad superficiem corporis erumpunt aut tumescunt, manifesti sunt; exhibent enim sese ut tum visu, tum tactu, & soliditas & humiditas ipsorum percipiatur, & qui calidi sint, quique frigidi sentiatur: qui sane singulorum aut præsentia, aut absentia tales existunt. Atque horum quidem omnium in omnibus certas ac infallibiles medelas esse oportet, non ob id, quod faciles sint, sed quod certo invento consentent. Neque vero a quibusvis volentibus inveniuntur, sed ab his, qui volunt, itemque possunt; possunt autem, quibus tum disciplina non eminus, sed prope & largiter contigit, tum natura non infelix liberaliter accessit. Ad manifestos quidem igitur morbos hoc modo artem divite facul-

cultate præditam esse oportet. Neque vero ad minus manifestos eam inopem ac dubiam hæere convenit.

17. Sunt autem morbi minus aperti, quique ad ossa, quique ad ventriculum sunt conversi. Habet autem corpus non unum ventriculum, sed plures. Duo enim sunt, qui cibum suscipiunt & demittunt, aliique præter hos plures, quos norunt hi, quibus hæc res curæ fuit. Quæcunque enim membra carnem in orbem circumsitam habent, quam musculum appellant, ea omnia ventriculum habent. Omne enim inconcretum, & quod non coaluit sive pellicula, sive carne contegatur, cavum est. Impletur autem, dum sanum est, flatu, dum ægrotat, sanie. Habent itaque brachia talem carnem, habent & femora, habent tibiæ. Quin & in macilentis, & excarnibus partibus ejusmodi caro inest, similiter ut in carnis esse demonstratum est. Nam & qui thorax appellatur, in quo hepar continetur, & capitis circulus, in quo cerebrum concluditur, ipsumque adeo dorsum, ad quod pulmo vergit: horum membrorum nullum est, quod non & ipsum vacuum sit, ac multis segmentis plenum ac quasi discriminatum existat, quæ parum abest ut vasa existant, quorum tamen aliqua habentem lædunt, aliqua vero etiam prosunt.

18. Præter hæc autem & venæ multæ, & nervi, non in carne sublimes, sed ad ipsa ossa protenti ligamentum sunt articulorum. Ipsi etiam articuli, in quibus ossium, quæ moventur commissuræ involvuntur, & horum nullum est, quod non subspumosum sit, & circa se forulos habeat, quos sanies prodit: quæ, deductis ipsis, multa & magno multorum mærore egreditur.

19. Ex prædictis itaque omnibus nul-

lum est, quod oculis conspicienti videre ac cognoscere contingit: quapropter etiam obscura mihi appellata sunt: & ab arte quoque obscura esse judicata sunt: non tamen, quod obscura permanent & nos vincant, sed, quantum possibile est, cognoscantur & superentur. Possibile autem est, quantum ægrorum naturæ ad considerandum conferunt, & quantum eorum, qui perscrutaturi sunt, naturæ ad perscrutandum aptæ sunt. Cum multo enim labore, & non modico tempore præ oculis videntur & cognoscuntur. Quæcunque enim oculorum conspectum effugiunt, ea mentis oculis obtinentur & superantur. Quæcunque vero ob id, quod non statim cognoscantur, ægri mala perpetiuntur: ea non ad medicos curantes ipsos, tanquam ad ipsorum autores referenda sunt, sed ad naturam ipsius ægri, itidemque ipsius morbi. Medicus enim, quum non possit malum neque visu assequi, neque audiendo ex aliorum narrationibus cognoscere, ratiocinatione ipsum persequitur. Etenim ipsi quoque ægri, qui obscuro morbo laborant, si contentur medicis de morbis suis narrare, ex opinione magis quam scientia narrant. Nam si scivissent, in ipsos sane medicos non incidissent, cum ejusdem scientiæ sit, morborum causas nosse, & morbos ipsos omnibus medicamentis, quæ augescere morbum prohibent, curare posse. Quando igitur neque ex ægri narrationibus ad infallibilem certitudinem pervenire possit, alio certe respicere medicum necesse est. Quare hujus tarditatis, non ars ipsa, sed corporum natura, causa existit.

20. Hæc enim malum sentiens, mæderi magnopere gestit, considerans tamen, ne temeritate magis quam consilio,

lio, & ut facultate magis quam violentia medeatur. Medicus vero, siquidem suffecerit ad cognoscendum, sufficet etiam ad sanandum. Si vero is, in quo morbus cognoscitur, superetur, ob id sane quod ferius medicum accessit, aut ob morbi celeritatem peribit. Si enim ex æquo processerit morbus cum medicina, velocior non est. Si vero præoccupaverit, velocior omnino existit; præoccupat autem tum propter corporum angustiam, in qua non in conspicuo inhabitant morbi, tum propter ægrorum negligentiam. Differunt enim & cunctantur, atque ubi jam a morbis ipsis apprehensi sunt, tum demum curari volunt ac expetunt.

21. Quare artis potentiam magis ex merito admiremur, si quem ex clandestino morbo ægrum restituat, quam si impossibilibus & desperatis opem ferre molliatur. Nequaquam vero in ulla aliqua jam inventarum artium tale quiddam inest: sed quæ ex eis igne opificium exercent, igne non præsentem, ociosæ sunt: ubi vero illum contigerunt, operosæ. Quæ item tractabilium rerum materia artem suam exercent, veluti aliæ quidem lignis, aliæ coriis, aliæ sculpendo tum ære, tum ferro, aliisque similibus rebus earum quam plurimæ. Opera porro, quæ ex hac materia, & cum hujus materiæ instrumentis fiunt, tametsi facile retractari ac corrigi possint, tamen non magis velocitate quam, velut decet, perficiuntur, neque defunctorie transfiliuntur, verum si quod instrumentum desit, interim quiescunt, quanquam etiam illis cunctatio & tarditas ad opus commodius absolvendum impedimento sit, attamen opus laudatur & præfertur. Medicina vero aliquibus quidem ex suppuratione thoracis, aliqui-

bus vero juxta hepar & renes, aliis autem per omnes corporis ventriculos ægrotantibus, eorum omnium inspiciendi potentia privata est: quod ipsum apud omnes in confesso existit, alias tamen facultates coadjutrices adinvenit. Vocis nimirum claritatem & tarditatem, itemque fluxiones, quæ singulis locis, per quos exitus eis dantur, destillare consueverunt: quarum modo odores, modo colores, deinde etiam ponderatam tenuitatem ac crassitiam observat, ex eisque signa tum eorum, quæ ægri jam perpetiuntur, tum quæ perpeti possint, colligit. Quum vero hæc significationem de se præbeant: neque ipsa natura voluntaria dimittat, vires amplius ac necessitates medicina ipsa invenit, quibus natura coacta, indemnitas concedat.

22. Natura autem stimulata & impulsiva, artis peritis, quæ faciendæ sunt, demonstrat. Cogit autem partim coalitum in nobis calorem, pituitam per ciborum ac potuum acrimoniam diffundere, quo intelligat, quid sibi visum sit de illis, quæ, ut viderentur, ipsa machinata est: partim vero spiritum, velut delatorem tum viis arduis, tum cursibus accusare ac prodere cogit. Quin & sudores per prædicta ducens ac excludens, humorum calidorum exhalationem perficit. Sunt præterea, quæ per vesicam pergressa, magis morbum ostendere possunt, quam quæ per carnem exhalantur. Invenit igitur & tales potiones, itemque cibos, qui calidiores alias calefacientibus existentes, illaque & eliquant, & profluere faciunt, quæ sane non profluxissent, si non hoc modo tractata fuissent. Alia itaque ex aliis, & alia per alia prodeunt, quæ corpus pergressa, morbum ipsum produunt.

23. Ut nihil miri sit, ipsis ferius fidem haberi, & medendi conatus ac aggress-

gressiones tardiores esse, quum sic per peregrinas interpretationes ad medendi scientiam ac cognitionem medici perveniant ac erudiantur. Quod igitur & rationes in seipsa plenas, & ad ferendum auxilium abundantes habeat medicina, & quod morbis, qui corrigi non possunt, merito auxiliares manus negat, aut si forte opem ferre molita est, citra culpam

eam exhibet, id ipsum tum jam habitus sermo manifestum facit, tum etiam artis peritorum demonstrationes palam documentum præbent. Quas sane ex operibus jucundius, quam ex sermonibus ostendunt: utpote qui dicendo non magnopere exercitati, multitudini fidem sinceriolem ex his, quæ videat, quam quæ audiat, facere malint.

H I P P O C R A T I S

D E

V E T E R I M E D I C I N A .



QUICUNQUE de medicina dicere aut scribere aggressi, dicendi scopum sibi ipsis ac fundamentum supposuerunt, calidum aut frigidum, aut

humidum aut siccum, aut aliud quodcunque voluerint, rem in compendium contrahentes, principium causæ tum morborum, tum mortis, hominibus idem, unum aut duo proponentes: hi in multis quidem, quæ dicunt, manifesto errasse deprehenduntur. Justior autem querela est de arte, quæ est qua omnes in maximis utuntur, & bonos artifices maxime colunt.

2. Sunt autem opifices alii viles, alii longe præstantes: quod sane si non esset omnino medicina, neque in ipsa observationes essent, neque quicquam inventorum, non utique extaret, sed omnes æqualiter ejus ignari & inexperti essent, & per fortunam omnes ægrotorum res gubernarentur. Nunc vero res non sic se habet, sed quemadmodum aliarum omnium artium opifices multum inter se differunt tum manu, tum mente, sic

etiam in medicina. Quapropter non censeo ego ipsam inani fundamento indigere, velut obscuræ & dubia, de quibus si quis dicere conetur, necesse est fundamento uti.

3. Velut si quis de sublimibus in aere rebus, aut de subterraneis dicat, & quomodo habeant sciat, tamen neque dicenti, neque audientibus manifestum factis fuerit, vera ne sint, an secus. Neque enim est ad quod quis se conferat, cuique innitatur ut veritatem cognoscat. Medicina autem jam ab antiquo existit, & principium & via inventa, per quam inventa & multa & probe habentia comperta sunt, per multum adeo tempus & reliqua deinceps invenientur, si quis idoneus sit, & jam inventorum gnarus, ex his ad perquirendum procedat. Quicunque vero his rejectis ac omnibus reprobatis, alia via, aliaque forma inquirere conatur, & quid invenisse gloriatur, falsus est & fallitur. Impossibile enim id est.

4. Verum ob quas necessitates impossibile sit, ego demonstrare conabor; do-

docens ac demonstrans, quod ars existat. Ex hoc autem palam fiet, impossibile esse aliquo alio modo inveniri. Videtur autem mihi maxime, de hac arte didicisse oportere vulgo ac plebeis hominibus nota dicere. Neque enim de alio quopiam, neque quærere, neque dicere convenit, quam de affectionibus, ex quibus illi ipsi ægrotant.

5. Ipsos quidem igitur suas ipsorum affectiones condiscere, quomodo fiunt ac desinunt, & quibus occasionibus auferunt ac deficiunt, quum idiotæ sint, non est facile, verum ab alio inventas ac proditas, proclive. Nihil enim libentius quisque recordatur, quam quæ sibi ipsi accidisse audit. Si quis autem idiotarum sententia destituatur, & audientes non afficiet, ille etiam veritatis compos non fiet, & propterea neque fundamento, neque scopo opus habet. Etenim Ars medica neque inventa ab initio fuisset, neque quæsita. Nihil enim ea opus erat ægrotis hominibus, si eadem diætâ uterentur, & assumerent, quæ sani edunt ac bibunt, imo etiam alterius cujusdam diætæ usus eis profuisset, si non alia fuissent his meliora.

6. Nunc autem ipsa necessitas homines coegit Medicinam inquirere ac invenire. Quoniam ægrotis eadem in cibo assumentibus, quæ sani solent, non fuit utile, velut neque nunc utile existit. Quin ut rem alius expendamus, neque ipsam sanorum diætâ ac alimoniam, qua nunc utuntur, inventam fuisse censeo, si suffecisset homini idem cibus ac potus, qui bovi ac equo, & omnibus aliis præter hominem, veluti sunt ex terra nascentia, fructusque ac herbæ & fœnum. Ex his enim nutriuntur, & auferunt, & illæsi degunt, non indigentes alia diætâ.

7. Quanquam ego sane ab initio etiam hominem tali victu usum esse putem. Quæ vero nunc inventa sunt edulia, multa arte excogitata, & multo tempore producta esse mihi videntur, quum multa & gravia ex robusto ac ferino victu homines paterentur, qui intemperatus, & magnas vires habens ingerebatur; qualia sane etiam nunc ex ipso paterentur, doloribus vehementibus & morbis obnoxii, & brevi etiam morti. Verisimile est autem hæc mala tunc minus perpeffos ipsos esse, propter consuetudinem: quanquam etiam tunc vehementer afflicti sint, & consentaneum est, plurimos & debiliore natura præditos periisse, eos vero, qui victum illum superare poterant, longiori tempore durasse ac restitisse. Quemadmodum etiam nunc ex validis eduliis aliqui facile liberantur, aliqui cum multis doloribus ac malis. Ob hanc itaque necessitatem etiam illi mihi videntur quæsivisse victum naturæ convenientem, & invenisse hunc, quo nunc utimur.

8. Ex tritico igitur macerato, & a cortice purgato, molitoque ac cribrato, & subactò ac affato, panem fecerunt. Ex hordeo vero mazam, aliaque multa ex hoc excogitantes, coxerunt, & affarunt, & miscuerunt, fortiaque & intemperata debilioribus temperarunt, effingentes omnia juxta hominis naturam ac vires, quæ quidem fortiora essent, ab ipsa natura non posse superari, si ingesta essent, existimantes: ab his ipsis quoque dolores & morbos ac mortes oriri judicantes: contra ab his, quæ natura domare posset, alimentum & augmentum & sanitatem. Porro invento huic, quodnam justius aut magis conveniens nomen quis imposuerit, quam medicinæ? quandoquidem ad homi-

minis sanitatem alimentumque ac salutem inventum est, in permutationem illius victus, ex quo dolores & morbi fiunt.

9. Si vero ars ipsa esse non putatur, nihil absurdi est. Nam cujus nemo ignarus est, sed scientes omnes, ob usum & necessitatem, ejus non convenit aliquem artificem appellari. Atqui inventum ipsum & magnum & multæ artis ac considerationis existit. Quinetiam in hunc usque diem exercitiorum & reparandarum virium curam gerentes, semper aliquid amplius adveniunt, juxta eandem viam investigantes, quod quis edens ac bibens maxime superet, ac seipso fortior evadat.

10. Consideremus itaque & confessam ab omnibus Medicinam, eam videlicet, quæ propter ægros inventa est, an & nomen & artifices habeat, & ipsa dominari ipsis velit, & unde tandem initium sumpsit. Mihi equidem, velut in principio dixi, nemo ne quævisse quidem Medicinam videtur, si idem victus & ægrotis & sanis convenisset. Itaque usque in hunc diem hi, qui Medicina non utuntur, Barbari ac Græcis confines, eodem modo quo sani victitant, ad voluptatem, & a nulla re, quam concupiscunt, abstinere, neque quicquam devitant. Cæterum qui Medicinam quæviserunt ac invenerunt, eandem cum illis, de quibus superiori sermone dictum est, sententiam habuerunt, & primum quidem ex his ipsis cibis copiam detraxerunt, & pro multis paucos statuerunt.

11. Quum vero ipsis aliquando hoc ad aliquos ægros sufficeret, palamque fieret, quod prodesset, non tamen omnibus, sed essent quidam ita habentes, ut neque modicos cibos superare pos-

sent, imbecilliore sane quopiam tales indigere illis vili sunt, sorbitionesque invenerunt, pauca ex fortibus multa aqua permiscentes, & robur ipsum temperatura ac coctura detrahentes.

12. Quod si qui neque sorbitiones superare possent, his detraxerunt etiam ipsas, & ad potiones pervenerunt, observaruntque ut & hæ tum usum, tum copia moderate haberent, & neque plures quam oportet, neque meraciores & intemperatiores, neque defæctuosiores offerentes. Probe autem nosse oportet, quibus sorbitiones in morbis non conducunt. Nam statim ubi hoc fecerint, exacerbantur ipsis febres ac dolores, & manifestum fit, quod assumptum morbo quidem alimentum ac incrementum præbet, corpori vero tabes & infirmitas existit.

13. Quicumque vero homines in hac affectione existentes, siccum cibum assument, aut mazam, aut panem, etiamsi valde modicum, decuplo magis & manifestius læduntur, quam si sorbitione usi essent, ob nullam aliam causam, quam fortitudinem edulii ad affectionem, in quo sorbere conducit, edere autem non. Si enim plura comederit, plus utique lædetur: si vero pauca, dolebit tamen omnino. Omnes itaque doloris causæ ad idem reducuntur, nimirum fortissima edulia maxime & manifestissime hominem lædere sive sanus sit, sive ægrotus. Quid igitur aliud cogitasse videri queat hic appellatus medicus, & confessus artifex, qui ægrorum diætam ac victum adinvenit, quam ille, qui ab initio omnibus hominibus victum, quo nunc utimur, ex agresti illo ac ferino reperit ac subornavit? Mihi equidem videtur idem modus, & unum quoddam ac simile esse inven-

ium. Hic enim ea, quæ natura humana sana superare non potuit, incidentia & ingesta; propter feritatem intemperantiamque: ille vero, qualicunque tandem unusquisque affectione teneretur, ut superare non posset, eadem detrahere quæsit ac insitit. Quid hoc ab illo differt? præterquam quod multiplicior & variegatior ac majoris negotii est hæc species. Verum principium fuit illa, quæ prius est producta.

14. Si vero quis consideret, quæ sit ægrotorum diætã, comparatione ad sanorum diætã factã, is inveniet hanc ægris nocentiorẽ, quam eam, quæ sanorum est, & aliorum animalium, sanis. Etenim vir laborans morbo, neque difficili & intolerabili, neque rursus levi & despicibili, (imo qui neque ipsi peccanti futurus sit manifestus) si panem, aut carnem, aut aliud quid ex his, quæ sani edentes juvantur, comedere volet, non multum, sed multo minus quam sanus poterat, contingat autem ut nec sit qui eum delinquere admoneat: alius contra sanus, naturam habens non omnino debilem, neque rursus fortem, si comederit quid eorum, quæ bos aut equus comedens juvatur, & edat sane ervum aut hordeum, aut aliud quid hujuscemodi, non multum, sed multo minus quam potest: sanus utique qui hoc fecerit, minus & dolebit & periclitabitur, quam ægrotus ille, qui panem aut mazam intempestive ingessit. Hæc itaque omnia signa sunt, quod ipsa ars medica via aut methodo quæsitã, inveniri possit.

15. Siquidem igitur simpliciter, velut aliqui putant, quæ fortiora sunt, nocerent, quæ debiliora, prodesse & nutrent tum ægrum, tum sanum, facilis sane res erat. Multum enim de securo detrahere oportebat, ut ad debilis-

simum deduceretur. Nunc autem non minus delictum, nec minus lædit hominem, si pauciora & defectuosiora, quam satis est, assumantur. Fames enim magnam potentiam in naturam hominis habet & sanandi, & debilitandi, & occidendi. Multa vero etiam alia mala, diversa quidem ab his, quæ ex repletionibus fiunt, non minus autem gravia vacuationibus sunt: quapropter multo variegatior est, & majorem diligentiam requirit. Oportet enim modum aliquem conjectare.

16. Modum autem, neque pondus, neque numerum aliquem, ad quem referas, cognosces: certitudinem enim exactam non reperies aliam, quam corporis sensum. Quapropter operosum est ita exacte condiscere, ut parum in alterutram partem delinquas: quanquam ego etiam eum medicum vehementer laudarem, qui parum delinquat. Certitudinem autem exactam raro videre contingit.

17. Quare plerique medici eadem, quæ mali gubernatores in se admittere mihi videntur. Etenim illi, quum in tranquillitate gubernantes delinquant, non fiunt manifesti: quum vero deprehenderit ipsos ventus magnus & tempestas, palam jam conspicui sunt omnibus hominibus, quæ ignorantia & culpa erroris sui navem perdiderunt. Sic sane etiam mali & plurimi medici, quum curant homines nihil grave patientes, in quos si quis etiam maxime delinquat, nihil grave faciat. Sunt autem multi tales morbi, & multo sæpius, quam graves, hominibus accidunt. In talibus sane delinquentes, non fiunt manifesti idiotis hominibus. Ubi vero obtigerit magnus & fortis & periculosus morbus, tunc ipsorum delicta & ars omnibus in conspicuo sunt. Neque enim longe absunt singulorum poenæ

pœnæ ac cruces, sed brevi adsunt.

18. Quod autem non minores afflictiones ab intempestiva vacuatione, quam a repletionem hominibus contingant, probe discemus, si in sanis rem expendimus. Sunt itaque aliqui ipsorum, quibus semel in die cibum capere conducit, & hoc propter utilitatem sic observant. Alii etiam prandent, propter eandem necessitatem: sic enim ipsis conducit. Sed & quidam non propter utilitatem, sed aut ob voluptatem, aut ob alium aliquem casum, alterutrum faciunt. Plurimorum enim hominum nihil interest, utrum tandem faciant, sive semel tantum edant, sive etiam prandeant, hac consuetudine uti.

19. Sunt autem quidam, qui non possint extra utilitatem facientes facile degere, sed contingit utrisque ipsorum, per diem unum atque eum non ociose permutantibus, immensa afflictio. Alteri enim si pransi fuerint, idque eis non conducit, statim graves, & corpore se-gnes fiunt, itemque mente pigri, hiatuque ac oscitatione & dormitatione & siti pleni. Si vero etiam insuper cœnaverint & flatus, & tormina, & alvus effringitur, & multis magni morbi principium hoc fuit, si eosdem cibos, quos semel insumere consueverunt, his assument, & nihil his amplius. Alteri vero si prandere consueverunt, idque ipsis conducit, & non pransi fuerint, mox ubi tempus præterierit, statim impotentia vehemens, tremor, animi deliquium, postea oculi pallidi, urina crassa & calida, os amarum, & viscera pendere ipsis videntur, vertigo, iracundia, tristitia; hæc autem omnia, ubi cœnare tentaverint; deinde autem pransuri consumere non possunt, quæ prius cœnarunt; atque hæc ipsa cum tormine ac strepitu descen-

dentia, alvum concludunt, ipsique ægre dormiunt, insomniæque conturbata ac tumultuosa habent, plerisque vero etiam horum hoc morbi principium fuit. Considerare porro oportet, ob quas causas hæc ipsis acciderunt.

20. Et sane puto his, qui cibum sumere consueverunt, quod non expectaverunt tempus justum, donec ipsorum venter pridie ingestos cibos perfecte consumpsisset, & exsuperasset evacuatusque esset ac quievisset, sed in ferventem adhuc & fermentatum novos ingesserunt. Eiusmodi autem ventres multo tardius concoquant, & majori opus habent cessatione ac quiete. His vero, qui prandere assueti fuerunt, quod non ubi citissime alimento corpus indigebat, & jam priora consumpta erant, nec habebat aliquam amplius fruitionem, statim ipsi novum alimentum suppeditatum est; deficit autem & consumitur præ fame. Nam omnia, quæ tales homines perpeti dixi, fami imputo.

21. Dico autem etiam alios omnes homines, qui duos aut tres dies inediam pertulerint, eadem passuros esse, quæ de impransis dixi. Cæterum tales naturas, quæ cito & fortiter eiusmodi delictis offenduntur, imbecilliores aliis esse censeo, proximus est autem imbecillis languenti: verum imbecillior est languens, & plus laborare contingit ipsum, ubi iustum tempus non est assequutus. Quum itaque eiusmodi exacta certitudo circa artem existat, difficile est semper, quod rectissimum est, assequi. Multæ autem species in Medicina ad tantam certitudinem perveniunt, de quibus dicetur. Non censeo itaque propter hoc artem, velut non existentem, neque probe investigatam, veterem oportere rejici, quod non habeat circa omnia certitudinem exactam.

nam. Verum multo magis, propterea quod propinqua est reëto, simulque ratione possit ad ipsum pervenire, admirari oportere cenſeo ea, quæ ex multa ignorantia ſunt eruta & inventa; quod probe & reëte adinventata ſunt, & non a fortuna aut caſu.

22. Porro ad eos, qui novo modo artem ex ſcopis ac fundamentis ſuppoſitis quærunt, ſermonem reducere volo. Si enim calidum eſt, aut frigidum, aut ſiccum, aut humidum, quod hominem lædit, & oportet reëte medentem auxiliari, calido quidem in frigidum permutato, frigido autem in calidum, ſiccum in humidum, humido in ſiccum: contingat mihi homo non fortis naturæ, ſed ex debilioribus, hic autem triticum edat, quod ex area ſuſtulit crudum & non elaboratum, & carnes crudas, & bibat aquam. Hoc viëtu utens, ſatis ſcio, quod multa & gravia perpetietur. Nam & doloribus vexabitur, & corpus debile evadet, & venter corrumpetur, & multo tempore vivere non poterit. Quod igitur auxilium præparare oportet ſic habenti? calidum, an frigidum, vel ſiccum, vel humidum? ſimplex enim eſt, quodcumque ex iſtis. Si enim id, quod iſtum lædit, aliquod ex his eſt, contrario ſolvere oportet ac liberare, quemadmodum iſtorum ſermo teſtatur. Atqui certiffimum & maniſteſtiffimum medicamentum eſt, viëtum, quo utebatur, auferre, & pro tritico panem dare, pro crudis vero carnibus coëtas, inſuperque vinum propinare. His permutatis, impoſſibile eſt, non fieri ſanum, niſi penitus fuerit tempore ac viëtu corruptus. Quid itaque dicemus? Num quod iſti a frigido afflicto calida hæc oblata auxilium tulerunt, aut contra? Equidem opinor me multam hæſitationem interrogato præbiturum eſſe.

23. Nam qui panem ex tritico paravit, calidum, aut frigidum, aut ſiccum, aut humidum abſtulit: panis enim & in ignem & in aquam datur, & multis aliis elaboratus eſt, quorum ſingula propriam vim & naturam habent, & aliqua quidem a natura in ipſo exiſtentia abjicit, aliis autem temperatur ac permiscetur. Sed & hoc ſcio, quod in corpus hominis refert, panis purus, aut cui nihil furfurum deceſſit, & ex tritico non decorticato, aut decorticato, & multa aqua ſubactus, aut contra, & ſuperaffatus aut crudior, aliaque præterea infinita. Similiter etiam de maza, & ſingulorum adeo vires magnæ, alteraque alteri nihil ſimile habet. Quicumque autem hæc non conſiderans, non novit, quo modo ille affectiones in homine cognoſcere poſſit? ab unoquoque enim horum afficitur & alteratur homo, vel hoc, vel alio modo, & ex his omnis vita & ſano, & ex morbo convaleſcenti, & ægroto.

24. Nihil igitur utilius, neque magis neceſſarium, quam hæc cogoviſſe: quod & probe, & convenienti ratiocinatione inveſtigantes, juxta hominis naturam hæc primi inventores invenerunt. Judicaveruntque artem dignam, quæ Deo adſcriberetur, quemadmodum etiam eſt receptum. Non enim ſiccum, neque humidum, neque calidum, neque frigidum, neque aliud quicquam ex his putaverunt hominem lædere, neque aliquo horum homini opus eſſe opinati ſunt, ſed quod in unoquoque forte, & humana natura potentius eſt, quodque non poſſit ſuperare, hoc iſtum lædere duxerunt, & hoc auferre quæſiverunt. Fortiſſimum autem eſt inter dulcia, dulciſſimum, inter amara, amariffimum, inter acida, acidiffimum, & in omnibus adeo rebus vigor ipſe ac ſummum. Hæc enim & in ho-

mi-

mine inesse viderunt, & hominem lædere. Inest enim in homine & amarum, & falsum, & dulce, & acidum, & acerbum, & fluidum, & alia infinita, omnigenas facultates habentia, copiamque ac robur. Atque hæc quidem mixta ac inter se temperata, neque conspicua sunt, neque hominem lædunt.

25. Ubi vero quid horum secretum fuerit, atque ipsum in seipso fuerit, tunc & conspicuum est, & hominem lædit. Quin & ex cibis quicumque nobis incommodi sunt, & ingesti hominem lædunt, horum unusquisque aut amarus est, & meracus ac intemperatus, aut falsus, aut acidus, aut alius quis intemperatus & fortis: & propterea turbamur ab ipsis, quemadmodum etiam ab his, quæ ex corpore excernuntur. Omnia autem quæ edit aut bibit homo, talia edulia palam est minime hoc intemperato, & dissidente ac excedente succo participare, velut sunt panis & maza, & his similia, quibus adsuetus est homo plurimis & semper uti.

26. Exceptis his quæ ad voluptatem ac delicias condiuntur ac præparantur: & ab his plurimis in hominem ingestis turbatio ac secretio corporis facultatum minime contingit. Verum robur & augmentum, ac alimentum præsertim, per nihil aliud contingit, quam quod probe temperatum est, & nihil habet intemperatum, neque forte, sed totum unum factum est, & simplex, & non forte. Et valde sane dubito ego, quonam modo hi qui talem sermonem proferunt, & artem ex hac via ad scopum abducunt, curaturi sint homines, quemadmodum proponunt. Non enim est ipsis, velut ego opinor, inventum quid, ipsum in seipso calidum; aut frigidum, aut siccum, aut humidum, quod nulla

alia specie communicaret. Verum arbitror eosdem potus ac cibos ipsis esse, quibus omnes utimur. Apponunt autem alii quidem, quod sit calidus, alii frigidus, alii quod siccus, alii humidus.

27. Quoniam illud sane dubium est, imperare ægroto calidum quid assumere; statim enim interrogabit quid sit illud, ut nugas producere necesse sit, aut ad aliquid eorum quæ fiunt confugere. Si autem est calidum quoddam acerbum existens, aliud vero calidum fluidum, aliud calidum tenue (sunt enim & alia calida etiam alias vires subcontrarias sibiipsis habentia) quod igitur ipsorum assumere oportebit? calidum & acerbum, an calidum & fluidum, aut simul frigidum & acerbum? Nam & hoc est, itemque frigidum & fluidum. Etenim quod ego scio, totum contrarium ab utroque ipsorum evenit, idque non solum in homine, sed etiam in corio ac ligno, & aliis multis rebus, quæ magis stupidum sensum habent quam homo. Non enim calidum est, quod magnam vim habet, sed ipsum acerbum & fluidum, & alia quæ a me relata sunt, tum in homine, tum extra hominem, sive edantur, sive bibantur, sive forinsecus illinantur, aut quomodocunque formata adhibeantur. Frigiditatem autem & caliditatem ego omnium facultatum minime potentes esse in corpore existimo, ob has sane causas.

28. Quo equidem tempore ipsa inter se permixta simul frigidum ac calidum fuerint, non lædunt. Temperamentum enim & moderatio contingit frigido a calido, & vicissim calido a frigido. Ubi vero seorsum utrunque secretum fuerit, tunc affligit. In hoc itaque tempore, quum frigidum intus generatur,
& ci-

& cito hominem affligit, primum propter hoc ipsum adest calidum inde adeo ex homine ipso, nullo alio auxilio, neque præparatione opus habens; atque hoc & in sanis hominibus & in ægrotis operatur.

29. Itaque si quis sanus hyeme corpus perfrigerare velit, aut frigida lotionem, aut alio quopiam modo, quanto id amplius fecerit, si modo non omnino corpus congeletur, ubi vestimenta acceperit, & sub tegmen venerit, magis & amplius corpore calefcit. Rursus si quis fortiter calefieri velit, aut calido lavacro, aut multo igne, inde vero eandem vestem habens in eodem loco conversari, in quo perfrigeratus, multo apparebit frigidior, & longe horridior, quam aliquis qui præ æstu ventilationem admittit & sibi ipsi frigus præparavit, atque sic ex hoc modo recreatus est. Nam qui hoc facit, decuplo majorem æstum ac ardorem percipit, quam is qui nihil tale facit. Verum sunt adhuc testimonia multo majora. Quicumque per nivem aut aliud frigus iter facientes, excellenter frigescent aut pedibus, aut manibus, aut capite, ubi se continerint in noctem, quum cooperti fuerint & in tepore existerint, ab æstu & pruritu vexantur, quibusdam etiam bullæ velut ambustis ab igne exsurgunt, neque prius hoc patiuntur quam calefiant: adeo prompte utrunque ipsorum ad alterum accedit; posse & alia innumera recensere. Cæterum circa ægrotos, nonne quibus rigor contingit, his acutissima febris relucet? sed non adeo fortiter, verum pauco tempore quiescens, & alias fere innoxia, & quo tempore affuerit, percalida, & per totum corpus penetrans, desinens maxime in pedes, ubi sane ri-

gor & frigus validissimum diutissime duravit. Rursus cum sudor prodierit & febris decefferit, multo magis frigescit æger, quam si ne apprehendisset quidem ab initio. Cui igitur brevi adeo contrarium accedit, cuique vis adimitur sua sponte, quidnam ab hoc magnum aut grave fiat? aut quid opus est multo ad hoc auxilio?

30. Verum dixerit aliquis. Qui ardenti febre febricitant, itemque peripneumoniis, & aliis fortibus morbis, non cito ex calore liberantur, neque adest hic frigidum adversus calidum. Atqui ego hoc maximum signum esse puto, quod non propter calidum simpliciter homines febricitent, neque hoc sit simpliciter afflictionis causa: sed est & amarum ac calidum idem, & calidum ac acidum, & salsum ac calidum, & alia infinita, & rursus frigidum cum aliis facultatibus conjunctum; hæc itaque sunt quæ lædunt, si simul adest autem & calidum robore participans, nimirum ducens & exacerbans & augens simul cum illis; verum nullam potentiam, majorem quam convenit videlicet, habens. Atque hæc quidem sic se habent.

31. Signa porro primum quidem manifestissima producemus, quorum omnes jam sæpe experientiam sumpsimus. Itaque quibuscumque nostrum gravedo innascitur, & fluxus per nares movetur, hic ut plurimum acrior est eo qui prius erat, & quotidie ex naribus prodibat, & tumescere facit nasum, & exurit calentem & extreme ignitum: si vero manum admoveas, & diutius perseveraverit, etiam exulceratur locus minime carnosus & durus existens. Sedatur autem aliquo modo ardor in naribus, non quum fluxus prodit, & inflammatio consistit: sed postquam fluxus crassior & minus acris,

acris, concoctusque & magis permixtus priore fuerit, tunc sane jam etiam ardor cessat. Rursus autem aliis ex frigiditate ipsa sola manifeste gravedo fit, nullo alio accedente. Omnibus autem liberatio hæc est, ut ex frigiditate quidem affecti percalefiant, ex ardore vero perfrigerentur, atque hæc brevi accedunt, & concoctione nulla opus habent. Reliquæ autem omnes fluxiones, quas propter humorum acrimonias & intemperantias ego fieri sentio, restituntur & curantur, ubi temperatæ fuerint & concoctæ.

32. Rursus quæcunque fluxiones ad oculos vertuntur, ut fortes & omnigenas acrimonias habentes, exulcerant quidem palpebras, erodunt autem aliquorum genas, & sub oculis partes, ad quæcunque tandem influxerint, rumpunt etiam & peredunt eam, quæ oculum ambit tunicam; dolores autem & ardor, & inflammatio extrema adsunt aliquandiu, donec fluxiones fuerint concoctæ, & crassiores redditæ, & lemæ ab ipsis extiterint. Fit autem concoctio ex permixtione, temperaturaque mutua, & quasi coctura.

33. Quinetiam fluxiones in fauces delabentes, ex quibus raucedines fiunt, anginæ, erysipelata, peripneumonix: omnes hæc primum salis quidem & humidæ acresque descendunt, & in talibus morbi firmantur. Ubi vero crassiores & maturiores factæ fuerint, & ab omni acrimonia liberatæ, tunc jam & febres, & alia hominem lædentia solvuntur. Oportet autem utique causas uniuscujusque ea putare, quæ quum adsunt, talem modum fieri necesse est, quum permutantur in aliud temperamentum, cessare. Quando igitur ab ipsa caliditate sincera, aut frigiditate fluxiones conti-

gerint, & nulla alia facultate participaverint, sic sane sedabuntur, ubi ex frigido in calidum permutatæ fuerint, & ex calido in frigidum. Permutantur autem eo, quem dixi, modo.

34. Amplius porro etiam alia quæcunque mala homo patitur, omnia a facultatum potentiis proficiunt. Itaque quum amaritudo quædam diffusa fuerit, quam bilem flavam appellare solemus, quales statim anxietates, & æstus, & impotentia occupant? Verum ubi liberati fuerimus ab illa, & purgati aut sponte, aut per medicamentum, si modo tempestive quid ipsorum fiat, manifeste & a doloribus, & a calore liberamur. Quanto autem tempore eadem elevata fuerit & cruda & meraca ac intemperata, nulla arte neque dolores, neque febres sedare possis. Et quos quidem acuta acrisque ac æruginosa bilis affligit, quales mox rabies, & morsus viscerum ac pectoris, & desperatio? Non sedantur autem hæc priusquam eadem expurgetur & prosternatur, & aliis permisceatur.

35. Concoqui autem, & permutari, attenuarique ac crassescere in humorum speciem, per multas & omnigenas species contingit. Quapropter & iudicationes, & numeri temporum, in talibus multum possunt. Hæc vero omnia minime contingit calidum aut frigidum perpeti; neque enim hoc putrescere, neque crassescere poterit. Quid autem ipsum esse diceremus? & temperamentum ipsorum est, veruntamen inter ipsa mutuo vim habens, quoniam nulli alii permixtum calidum, definit esse calidum, quam frigidum: sic rursus non permutatur alio frigidum, quam calido. Reliqua omnia in homine, quanto pluribus miscentur, tanto mitiora ac melio-

liora fiunt. At vero homo omnium optime dispositus est, ubi concoquit & in quiete est, nullam peculiarem vim præ se ferens. De his igitur videor mihi abunde demonstrationem fecisse.

36. Porro Medici quidam, itemque Sophistæ dicunt, quod impossibile est medicinam cognoscere eum, qui non novit quid sit homo, & quomodo primum factus & compactus sit? Ego vero ea, quæ alicui sophistæ aut medico, de natura dicta sunt aut scripta, minus censeo medicæ arti convenire, quam pictoriæ. Judico autem de natura aliquid manifestum ac evidens cognoscere, ex nulla parte aliunde contingere quam ex Medicina. Atque hoc tunc condiscere possibile est, ubi quis ipsam Medicinam totam recte comprehenderit. Verum quatenus illi prodiderunt, multi mihi cognovisse videntur; cognovisse autem dico, narrationem scilicet hanc: quid est homo, & ob quas causas nascitur, & reliqua diligenter. Atqui mihi necessarium esse videtur, ut omnis medicus de natura sciat, & omni studio annitatur ut cognoscat, si modo aliquid eorum, quæ fieri debent, recte præstare velit, quid est homo ad ea, quæ comeduntur ac bibuntur, comparatus, & quid cuique ab unoquoque continget ac accidet, & non simpliciter sic existimare, quod malum edulium est caseus. Dolorem enim affert repletio ex ipso. Sed quem dolorem, & propter quid, & cui parti intra hominem existenti incommodum existit. Nam & alia multa edulia ac pocula natura mala sunt, & afficiunt hominem non eodem modo.

37. Proferatur autem mihi verbi causa aliquid, velut vinum meracum multum potum hominem aliquo modo de-

bilem reddit, & omnes qui viderint hoc fatentur & cognoscunt, quod hæc est vis vini, & quod ipsum est causa, & in quas in homine partes maxime possit novimus. Talem itaque veritatem etiam de aliis ostendere volo. Etenim caseus (quandoquidem hunc in exemplum adsumpsi) non omnes homines lædit, sed sunt qui ex ipso repleti, ne tantillum quidem offenduntur, imo gracilibus mirabiliter etiam conferre proditur. Sunt autem qui difficulter summoventes ipsum ab eo liberantur. Horum vero naturæ differunt, differuntque etiam juxta hoc, quod est in corpore caseo contrarium. Nam a caseo excitatur & commovetur in his, quibus ejusmodi humor multus in corpore existit, & quo magis hic potens est, eo magis verisimile est ipsos male affigi. Si vero toti humanæ naturæ malus esset, omnes utique læderet. Hæc autem si quis novisset, non incurreret ea, neque sane pateretur. In refectionibus porro convalescentium ex morbis, insuperque in longis ægritudinibus, multæ conturbationes & prævaricationes fiunt partim sua sponte, partim a quibuslibet temere admissis.

38. Novi autem medicos multos veluti idiotas, qui ubi illi die aliqua novi quippiam fecissent, velut si lavissent, aut deambulassent, aut quid alienum comedissent, atque hæc omnia melius esset adhibuisse quam non: nihilo minus tamen causam alicui ex his contributebant, veram quidem causam ignorantes, & fortassis id, quod commo-
dissimum erat, damnantes. Quod ipsum certe facere non oportet, sed scire, quid balneum intempestive adhibitum operetur, quid item fatigatio & lassitudo. Nunquam enim eadem afflictio ab his pro-

provenit, neque ab alio, neque etiam ex repletionem, neque ex cibo tali vel tali. Quisquis igitur hæc non cognoscet, quomodo singula se habeant ad hominem comparata, is neque cognoscere, quæ ab ipsis fiunt, potest, neque recte uti.

39. Cæterum & hæc cognoscere oportere mihi videtur, nimirum quæ affectiones homini ex facultatibus ac potentiis, quæ item ex figuris adveniunt. Quod autem dico tale est. Nempe facultatem quidem esse, humorum summas vires ac robur nosse. Figuras autem dico, quæ in ipso homine insunt. Aliæ enim cavæ sunt, & ex amplitudine in arctum coactæ, aliæ expansæ, aliæ solidæ & rotundæ, aliæ latæ & pensiles, aliæ extentæ, aliæ longæ, aliæ densæ, aliæ raræ & hiantes, aliæ spongiformes ac molles. Quæ igitur ex his trahere ad sese allicereque humiditatem ex reliquo corpore maxime possunt? Num cavæ & expansæ, an solidæ & rotundæ, aut cavæ & in arctum ex amplitudine coactæ? Equidem puto tales esse, quæ ex cavitate & amplitudine in arctum sunt coactæ? Id quod ex manifestis forinsecus condiscere oportet, partim quidem quod ore hians nihil sane humoris attraxeris, ubi vero labra foras produxeris, contraxerisque ac compresseris, insuperque fistulam admovearis, facile sane attraxeris quicquid volueris; partim vero quod cucurbitæ, quæ corpori adponi solent, ex amplitudine in angustiam arctatæ ad hoc factæ sunt, ad trahendum videlicet & alliciendum ex carne. Sunt autem & alia multa ejuscemodi. Verum intra hominem natura & figura talia, sunt vesica, & caput, & uterus in mulieribus: atque hæc manifeste maxime trahunt, & semper plena sunt attractæ humidi-

Tom. I.

tatis. At vero cavæ & expansæ figuræ, influentem quidem humorem maxime omnium susceperint, non autem similiter attraxerint. Solidæ autem & rotundæ neque attraxerint, neque susceperint: dilabitur enim & non habet sedem, in qua maneat.

40. Spongiformes vero & molles, velut lien, pulmo, & mammæ, ubi admotæ maxime fuerint & adhæserint, ebibunt, duraque fiunt ac auferunt humore accedente, maxime pulmo. Non enim in ventriculo inest, in quo humorem extrinsecus contineat ipse ventriculus, in quo est humor, ut quotidie exhauriatur: sed quum biberit & susceperit ipse in seipsum humorem, & vacua, & rara, ac parva penitus explentur, & pro raro ac molli, durus ac densus evadit, & neque concoquit, neque dimittit. Atque hæc patitur propter figuræ naturam. Quæcunque autem flatum & revolutiones operantur in corpore, ea in cavis ac amplis, veluti ventre ac pectore, strepitum ac sonitum facere solent. Etenim quod non sic repleant ut stent, sed habent transmutationes & motus, necesse est ut ab ipsis & strepitus, & manifestæ commotiones fiant. Quæcunque vero carnosa sunt & mollia, in talibus torpores & excrescentia, velut in trucidatis fiunt.

41. Cæterum quum inciderit flatus in latum ac renitens, & aliquid ipsi restiterit, idque natura fuerit neque forte, ut adversus violentiam durare possit, & nihil mali pati, neque molle & rarum, ut excipere ac cedere queat: verum tenerum & floridum & sanguineum ac densum, velut hepar, quod propter densitatem quidem ac latitudinem resistit ac non cedit, flatus vero subiens auferunt ac fortior evadit, & ad-

C

ver-

versum reluctans maxime impetum facit. Propter teneritudinem autem & sanguineitatem, absque doloribus esse non potest, & propter has causas dolores acutissimi ac frequentissimi circa eum locum contingunt, suppurationesque ac tubercula plurima. Fiunt etiam circa septum transversum fortiter, sed multo minus. Distentio enim septi transversi lata est & renitens, natura autem nervosior & robustior, quapropter minus dolore affligitur; fiunt tamen & dolores, & tubercula circa ipsum. Multæ vero etiam aliæ & extra, & intra corpus figurarum species sunt, quæ magnopere inter se differunt, quod ad affectiones pertinet tum ægroto, tum sano: velut capita parva aut magna, colla tenuia aut crassa, longa aut brevia, ventres longi aut rotundi, pectoris & costarum latitudines aut angustia, & alia infinita, quæ om-

nia nosse oportet quatenus differant, quod causas singulorum cognitas probe observes.

42. De potentiis autem humorum quid singuli ipsorum in homine facere possint, perspectum habere oportet, quemadmodum etiam prius dictum est, quomodo cognationes inter se habeant. Quod dico tale est. An videlicet dulcis humor in aliam speciem mutetur, non a contemperamento, sed ipse desciscens & immutatus ab eo, qualis primum fuerat, amarus, aut falsus, aut acerbus, aut acidus. [Sit sane acidus.] Ergo acidus humor reliquos præcellens maxime incommodus fuerit: si utique dulcis, omnium commodissimus existit. Id quod si quis forinsecus quærens consequi possit, is semper, quod melius est, ex omnibus eligere queat. Optimum autem est, quod longissime ab incommodo abest.

H I P P O C R A T I S

L E X.



MEDICINA omnium artium præclarissima est. Verum propter ignorantiam eorum, qui eam exercent, & ob vulgi ruditatem, quod tales pro medicis iudicat & habet, jam eo res devenit, ut omnium artium longe vilissima censeatur. At vero hoc peccatum ob hanc potissimum causam mihi committi videtur. Soli namque Medicinæ nulla pœna in Rebuspublicis statuta est, præterquam ignominia: verum hæc ipsa non afficit, neque contingit eos, qui ex composito personam ipsius induerunt. Simillimi enim huiusmodi medici sunt personis, quæ in tragædiis introducuntur. Quemadmodum enim illi figuram

quidem & habitum ac personam eorum, quos referunt, habent, illi ipsi autem vere non sunt: sic & medici fama quidem & nomine multi, re autem & opere valde pauci.

2. Quisquis enim Medicinæ scientiam sibi vere comparare volet, eum his duobus voti sui compotem fieri oportet. Natura, doctrina, loco studiis apto, institutione a puero, industria, & tempore. Primum quidem igitur omnium natura opus est. Natura enim repugnante, irrita omnia fiunt. Si vero natura ad optima viam demonstrat, artis doctrina facile contingit: quam sane cum prudentia sibi comparare oportet, ita ut a puero institutio accedat, atque id in loco

loco a natura ad disciplinam apto. Amplius autem & industriam adhibere oportet: eamque ad multum omnino tempus, quo disciplina ipsa insita, feliciter & cum profectu fructus suos producat. Qualis enim eorum, quæ terra producit, consideratio est, ejusmodi etiam disciplinæ medicinæ per omnia similiter existit. Natura enim nostra, velut ager est: dogmata præceptorum, velut semina sunt. Institutioni a puero cum eo convenit, quod opportuno tempore semina in arvum cadere oportet. Locus autem, in quo disciplina contingit, est velut ambiens aër, a quo e terra nascentibus nutrimentum accedit. Industria autem, cultura est. Tempus postremum hæc omnia corroborat, ut perfecte enutrientur.

3. His igitur ad artem medicam allatis; & vera ipsius cognitione comparata, tandem per urbes obambulando, non sermone tantum, sed & opere medicos haberi convenit. Imperitia vero malus thesaurus est, & infelices opes his, qui eam repositam habent, & insomnium, aut potius somnium diurnum, & maxime verum, alacritatis fiduciaque ac veræ exultationis expers, timiditatisque & audaciæ nutrix. Timiditas equidem impotentiam, audacia vero ignorantiam artis significat. Duo enim sunt, Scientia & Opinio, quarum altera quidem scire facit, altera vero ignorare. Cæterum res sacræ sacris hominibus demonstrantur: profanis id fas non est, priusquam scientiæ orgiis initientur.

H I P P O C R A T I S

J U S J U R A N D U M.



URO per Apollinem Medicum, & Æsculapium, Hygeamque ac Panaceam, deosque omnes, itemque deas testes facio, me hoc jusjurandum, & hanc contestationem conscriptam pro viribus & judicio meo integre servaturum esse. Præceptorem sane, qui me hanc edocuit artem, parentum loco habiturum, vitam communicaturum, eaque quibus opus habuerit, impertiturum: eos item, qui ex eo nati sunt, pro fratribus masculis judicaturum, artemque hanc, si discere voluerint, absque mercede & pacto edoctrum: præceptionum, ac auditionum, reliquæque totius disciplinæ participes facturum tum meos, tum præceptoris mei filios, imo & discipu-

los, qui mihi scripto caverint, & medico jurejurando additi fuerint, alii vero, præter hos, nulli.

2. Cæterum quod ad ægros attinet sanandos, diætam ipsis constituam pro facultate & judicio meo commodam, omnique detrimentum & injuriam ab eis prohibebo. Neque vero ullius preces apud me adeo validæ fuerint, ut cupiam venenum sim propinaturus, neque etiam ad hanc rem consilium dabo. Similiter autem neque mulieri talum vulvæ subdititium, ad corrupendum conceptum vel fœtum, dabo. Porro [caste] & sancte vitam & artem meam conservabo. Nec vero calculo laborantes secebo, sed viris chirurgiæ operariis ejus rei faciendæ locum dabo. In quascunque autem domos ingrediar, ob utilita-

tem ægrotantium intrabo: ab omnique injuria voluntaria inferenda, & corruptione, cum alia, tum præsertim operum venereorum, abstinebo: sive muliebria, sive virilia, liberorumve hominum aut fervorum corpora mihi contigerint curanda.

3. Quæcunque vero inter curandum videro aut audiero, imo etiam ad medicandum non adhibitus, in communi

hominum vita cognovero, ea, siquidem efferre non contulerit, tacebo, & tanquam arcana apud me continebo. Hoc igitur jusjurandum mihi integre servanti, & non confundenti, contingat & vita, & arte feliciter frui, & apud omnes homines in perpetuum gloriam meam celebrari. Transgredienti autem & pejeranti, his contraria eveniant.

H I P P O C R A T I S

D E

M E D I C O.



ic liber Medici gubernatio est, & præceptum quomodo officinam medicam instruere oportet. Medici equidem gubernationem esse putamus, ut videat quo bono colore, & bona ac carnosam corporis habitudine præditus sit, juxta existentem in ipso naturam. Vulgus enim existimat eos, qui non sic bene dispositum corpus habent, neque aliis bene prospicere posse. Deinde ut opinionem captet apud ipsum vulgus vestitu decore, & unguentis odoratis, non suspectum odorem ad omnia habentibus. Inde enim ægrotos jucunde affici contingit. Postea animadvertere ipsum oportet, ut animum habeat modestum, non solum quod ad taciturnitatem attinet, sed etiam circa reliquam vitam probe compositum. Maxime enim ad opinionem ac auctoritatem comparandam conducit, bonis ac honestis moribus præditum esse. Nam quum talis fuerit, omnibus venerandus ac humanus judicabitur. Promptitudo enim temeraria, & facilitas contemnentur, etiamsi valde com-

moda existant. Scopum autem præfigere oportet potestatem facultatum suarum. Nam eadem ab iisdem non abundantibus boni consuluntur. Figuram faciei habeat meditabundam ac subtristem, non tamen amarulente. Contumax enim esse videbitur & homines odio habens. Qui vero in risum exolutus est, ac nimium hilaris, onerosus judicatur. Hoc itaque vitandum est vel maxime. Justum autem ad omnem conversationem esse convenit. Justitia enim multum auxiliatur. Non exigua autem commercia ægris cum Medico sunt. Nam seipsum Medicis subditos faciunt, & omni hora uxoribus, virginibus, & opibus maximi precii illi occurrunt; continenter igitur ad omnia hæc se habere oportet. Animo itaque ac corpore sic dispositum esse convenit.

2. Porro præcepta ad artem medicam, per quæ artificiosus esse videbitur, ab initio considerabimus, ex quo primum homo discere incipit. Quæ igitur in officina medica curantur, fere ad discentes pertinent. Primum quidem locum do-

mus

mus habere oportet, qui sane talis sit, ut neque ventus ad ipsum accedens molestus sit, neque sol, neque splendor infestet. Lux enim splendida medentibus quidem non est molesta, non similiter autem ægrotantibus. Itaque talem splendorem penitus fugere oportet, per quem oculos ægrotare contingit. Tale igitur præceptum de luce observetur. Deinde ut nequaquam faciem adversam splendori habeat. Infestat enim visum debilem. Omnis autem occasio sufficiens est ad debiles oculos conturbandos. Luce itaque hoc modo utendum est. Sellæ autem æquales altitudine sint, quantum ejus fieri potest, ut in ipsis ægri collocentur.

3. Æramento, exceptis instrumentis, nullo utatur. Ornatus enim onerosus mihi esse videtur, talibus vasis uti. Aqua exhibenda est ægris potabilis & pura. Exterforiis utendum est puris ac molliibus, ad oculos quidem, linteis, ad vulnera vero, spongiis; hæc enim per se probe auxiliari videntur. Omnia autem rite fabricata ad usum esse oportet, magnitudine, gravitate, ac tenuitate. Quæ vero offeruntur, omnia considerare oportet, ut conferant, maxime si ægroræ parti adhibebuntur. Talia autem sunt ligamenta & medicamenta, & lintea circa vulnus, & cataplasmata; hæc enim longissimo tempore circa ægrotantes locos sunt. At vero ablatio horum, refrigeratioque ac mundificatio & aquarum affusio, pauco tempore absolvuntur. Diligenter autem considerare, quid horum faciendum sit, oportet, & ubi magis aut minus ea adhibere, convenit. Utrorumque enim usus opportunus, itemque negligentia magnam differentiam habet.

4. Est autem propria & genuina medicinæ deligatio, ex qua æger opem sentit. Maxime autem profunt duo hæc,

quibus utendum est, comprimere videlicet ubi oportet, & remisse deligare. Juxta horæ vero tempus, quando integere oporteat & non, videndum est, ut neque debili, neque fortiore alterutro horum utaris. Concinnas autem deligationes ad spectaculum comparatas, & nihil juvantes, reprobare oportet. Onerosæ enim sunt & omnino petulantes, sæpe vero etiam damnum dederunt. Quærit autem æger non ornatum, sed auxilium. Cæterum in chirurgiis, quæ per sectionem aut ustionem fiunt, velocitas ac tarditas æqualem laudem merentur. Est enim utriusque usus. Nam in quibus per unicam sectionem chirurgia absolvitur, velocem dissectionem facere oportet; quum enim contingat eos, qui secantur, dolere, id quod dolorem affert, quam minimo tempore adesse convenit, quod ipsum continget veloci sectione facta. Ubi vero multas sectiones fieri necesse est, tarda chirurgia utendum est. Velox enim continuum & multum dolorem inducit. Tardus vero & intermittens, requiem aliquam his, qui curantur, exhibet.

5. Idem de instrumentis quoque dici potest. Gladiolis enim acutis ac latis uti, non in omnibus similiter præcipimus. Nam partes quædam sunt corporis, quæ celerem sanguinis fluxum habent, & non facile est eum sistere. Tales autem sunt varices, & quædam aliæ venæ. Itaque in talibus angustas sectiones facere oportet. Neque enim possibile est, ut fluxus in his sistatur. Conducit autem aliquando a talibus sanguinis detractionem facere. At vero ad locos non periculosos, & circa quos non est tenuis sanguis, latioribus gladiolis utendum est: sic enim sanguis prodierit, aliter nequaquam. Valde autem est, non contingere a chirurgia, quod velis.

6. Cucurbitarum porro duo modi commodi existunt. Quando enim fluxus procul ab apparente carne compactus fuerit, circulum ipsius brevem esse oportet, ipsamque non ventrosam, sed prolixam parte ad manum vergente, non gravem. Quæ enim talis est, in directum trahet, & serosos humores separatos ac distantes probe ad carnem adtrahet. Majore autem dolore per carnem disperso, in reliquis quidem consimilem cucurbitam esse oportet, sed circulum magnum. Sic enim ex plurimis partibus id, quod dolorem facit, educere comperies ad locum convenientem. Neque enim magnum esse circulum putant, si non ex pluribus locis caro comprehendatur ac contrahatur. At si gravis sit, ad supernos locos repit, inferne autem magis detractionem facit, ut sæpe morbi relinquuntur. Lati itaque circuli, una cum incumbentibus fluxionibus & longe distantibus a supernis locis, multa simul adtrahunt de alia carne. Contingit igitur humiditatem inde detractam, apponi collecto inferne sub cucurbita seroso humori, & quæ quidem infestant, relinqui: quæ vero nihil molestant, detrahi. Magnitudinem porro cucurbitæ quæ commoda sit, juxta corporis partes quibus admoveere oportuerit, conjectare oportet.

7. Ubi vero scarificationem subter cucurbitam adhibere velis, sanguinem scarificandorum locorum conspicuum esse oportet, alias neque circulum adtractum scarificare ac pertundere oportet. Debilior enim est caro loci dolore affecti. Scalpris autem incurvis, in summo non valde angustis utendum est. Aliquando enim serosi ac saniosi humores viscosi ac crassi veniunt: periculum igitur est, ne in fissuris substent, ubi arctæ fuerint incussæ. Porro venas in brachiis, funicu-

lorum apprehensionibus constringere oportet. Caro enim contegens in multis non probe coaptata est venæ. Ubi enim lubrica fuerit caro, non contingit sectiones utrorumque juxta seipsas fieri. Nam venam contectam insufflari contingit, & sanguinis fluxum impediri; multis vero etiam propter hoc pus congregatur. Quapropter duo nocumenta talis chirurgia inducit, secto quidem dolorem; secanti vero multam ignominiam. Idem in omnibus venis fieri præceptum est. Hæc quidem igitur necessaria sunt in officina medica instrumenta, & circa quorum usum artificiosum esse oportet addiscentem. Volsellis autem tum dentium, tum uvarum, quilibet uti potest; simplex enim usus ipsorum esse videtur.

8. Cæterum de tuberculis & ulceribus, quæ majorum morborum sunt, amplius videndum est. Tubercula equidem deprehendere & dissolvere posse, maxime artificiosum habetur, itemque collectiones ipsorum impedire. Consequens est, ea in conspicuum & quam brevissimum locum contrahere, & compagem ipsam æqualem per totum tuberculum facere. Ubi enim inæqualiter se habuerit, periculum est ut rumpatur, & ulcus ægre curabile reddatur; exæquare itaque oportet, similiterque totum maturum facere, & neque prius diducere, neque sinere ut sponte rumpatur. Quæ vero maturum facere æqualiter possint, in aliis libris relata sunt.

9. At vero ulcera quatuor vias habere videntur. Unam in profundum. Hæc autem sunt fistulosa, & quæ sanie plena sunt, ac intus excavata. Alteram in altum; quæ videlicet carne superexcrescunt. Tertia via est in latitudinem: atque hæc sunt, quæ appellantur serpigiosa. Quarta via est, quæ sola se-

secundum naturam motus esse videtur. Carnis itaque calamitates hæ sunt. Omnes autem communem rationem habent ad hoc, quod ipsis conducit: & signa quidem horum in aliis relata sunt, itemque qua utendum sit curatione, per quæ autem concretum dissolvatur, similiterque id quod carne excrecente repletum, aut cavum factum est, aut quod in latitudinem iter fecit, de his omnibus in aliis scriptis nostris abunde dictum est.

10. Amplius vero de Cataplasmatibus sic res habet. Linteorum quæ imponuntur ac induntur alicubi in morbo, usus exactus esse videtur, & est sane ulceri conveniens linteolorum impositio. Verum cataplasmate per ambitum ulceris utaris. Nam hic usus cataplasmatibus & artificiosus est, & multum prodesse potest. Videtur enim ulceri opitulari vis eorum, quæ circumponuntur. Linteum autem conterendum est ac emolliendum. Verum partibus extra vulnus circumstitis cataplasma prodest. Talem igitur ipsorum usum esse oportet.

11. Porro de temporum occasionibus, quando singulis horum utendum est, & quomodo præscriptorum vires condiscere

oportet, in præsens relictum est. Talia enim longe præstantissima in studio Medicinæ sunt, & procul in arte jam progressi existunt. His consequens est chirurgia vulnerum in militia accipitorum, circa extractionem telorum. Nam in urbanis conversationibus modicus horum usus existit. Raro enim per omne tempus civiles ac hostiles expeditiones fiunt, hujusmodi autem sæpe ac frequentissime circa externas militia fieri solent. Qui igitur hac chirurgia uti volet, eum militare oportet, & externos exercitus sequi. Sic enim exercitatus fieri poterit ad ejusmodi usum ac necessitatem.

12. Quod vero circa hæc artificiosissimum esse mihi videtur, referetur. Etenim signa exquirere ac invenire telorum in corpore existentium, maxima artis & chirurgiæ huc pertinentis pars existit. Ubi enim hoc cognitum fuerit, non relinqui potest vulneratus ex ignorantia neglectus, quum non convenienter tractetur. Solus autem is, qui signorum expertus est, hanc chirurgiam rite aggredietur. Verum de his omnibus in aliis scriptum habetur.

H I P P O C R A T I S

D E

DECENTI ORNATU.



ON sine ratione faciunt, qui sapientiam ad multa utilem esse prætendunt, eam videlicet quæ inter homines existit. Multæ enim ad superfluum curiositatem factæ apparent. Dico autem eas, quæ de nulla re utili

differunt. Assumi autem utique possunt etiam harum partes ad illas, vel propterea quod neque otiositas est, neque malitia. Ocium enim & ignavia malitiam quærunt, & ad eam distrahuntur: vigilantia vero & mens ad aliquid intenta, trahunt ad se quid eorum, quæ ad

ad vitæ honestatem pertinent, etiam ex disputationibus nihil utile tractantibus. Gratiōsior est enim sapiētia, & ab aliis quibusdam in artem constituta, artem videlicet ad parandum honestum ornatum ac opinionem. Omnes enim non cum turpi lucro & turpitudine consistunt. Et illis methodus quædam est artificialis, quæ operatur; quod si non innocenter fiat, raptōres sunt. Adolescentes enim in ipsos incidunt, verum in vigore constituti, propter verecundiam, videntes ipsos idiotas ducunt. Senes vero, propter amarulentiam, legislationem in ipsos constituunt, ex civitatibus videlicet expulsionem. Hi enim sunt, qui fora frequentant, ruditate ac incētia sua imponentes, & in circulis civitatum versantes.

2. Cognoverit autem quis ex vestitu & aliis lineamentis. Quamvis enim fuerint splendide ornati, multo magis fugiendi sunt, & a conspicientibus odio habendi. Qui vero contrario modo se gerunt, frugi homines judicandi sunt, quibus non est excogitatus apparatus, neque superflua curiositas. Ex vestitu enim cognosces, & decenti in ipso ornatu, ac frugalitate, non ad superfluitatem parato, sed magis ad bonam opinionem, & meditationem, animumque intra se compositum, & ad profectiōem. Imo quocunque vestitu ac ornatu, tales sunt minime diffuentes, non curiosi, amarulenti ad occursum & obviam itiones, appositi ad responsiones, graves adversus resistentes, ad sui similes solertes & familiares, ac affabiles, temperati ad omnes, ad seditiones taciturni, ad tacendum animo obfirmato & continentes, ad tempus appositi, & ad occasionem arripiendam accommodati, ad victum frugales & contenti, patientes ad temporis ex-

pectationem, ad sermones expediti, omne demonstratum proferentes, suaviloquentia utentes, gratiis affecti, & gloria horum omnium corroborati ac fortificati, ad veritatem ac demonstrationem audentes ac confisi.

3. Principalissimum quidem igitur horum omnium prædictorum est Natura. Nam si hæc affuerit his, qui artibus animum applicant, per omnia prædicta penetrare poterunt. Incognita enim utilitas tum in sapiētia, tum in arte adhibita, ad principium capiendum edoceri potest. Natura autem defluit & confunditur cum sapiētia, ad cognoscendum ea, quæ ab ipsa natura facta sunt. Etenim in utrisque sermonibus multi convicti, nullatenus utrisque rebus usi sunt ad demonstrationem. Postquam igitur quispiam ipsorum expendit ad veritatem ea, quæ retulimus, nullatenus naturæ bona ipsis procedent. Comperiuntur itaque hi non consimili cum illis via progressi; quapropter denudati, omnem induunt malitiam ac ignominiam. Honestus est enim ex opere, quod quis edoctus est, sermo. Quicquid enim artificiose factum est, ex ratione prolatum est ac productum. Quicquid autem artificiose dictum est, non autem factum, methodi inartificialis demonstrativum existit. Nam putare quidem, non autem facere, ignorantix & inartificialitatis signum est.

4. Opinio enim maxime in Medicina, in crimen vertitur eam adhibentibus: his vero, qui ea in se usi sunt, perniciem affert. Etenim si sibi ipsis in sermonibus persuaserint, & opus ex disciplina se scire putaverint, quemadmodum aurum adulterinum in igne judicatum, tales seipsum esse demonstrant; quanquam talis prædictio nihil commo-

vet ad prudentiam eos, qui sunt ejusdem generis; quod autem rectus sit finis, cognitio manifestum facit. Tempus porro etiam artem facilem ac per viam facit, aut in consimilem viam incidentibus processus manifestos facit. Quapropter singula prædicta suscipere oportet, & sapientiam transferre ad medicinam, & medicinam ad sapientiam.

5. Medicus enim philosophus est Deo æqualis. Neque enim multa est inter ipsas differentia. Nam omnia, quæ ad sapientiam requiruntur, insunt in medicina: argenti contemptus, reverentia, verecundia, habitus submissus, auctoritas, judicium, quies, obviam itio, mundicia, doctrina, cognitio ad vitam utilium ac necessariorum purificacionum, alienitas a mercimoniis, alienitas a superstitione, præminencia divina. Habent enim quæcunque habent ad coercendam intemperantiam, insipientiam, avaritiam, concupiscentiam, rapinasque ac impudentiam. Hæc enim est cognitio accedentium, & usus eorum, quæ ad amicitiam pertinent, & quomodo ad liberos, ac quascunque res se gerere oporteat. Quatenus igitur cum hac societatem habet, sapientia quædam est.

6. Nam & plurima ex his etiam medicus habet. Etenim scientia de Diis vel maxime animo ipsius implexa est. Etenim in aliis affectionibus & in symptomatis accidentibus, Medicina erga Deos valde reverenter se habere comperitur. Medici vero Deis concedunt. Non enim est potentia in ipsa redundans. Nam & hi multa quidem aggrediuntur, multa vero etiam per se ipsa superantur. Quæ vero nunc possidet Medicina, hinc exhibebit. Quæ enim via ipsius sit in sapientia, ha-

tenus dictum est. Nam & illis ipsis hoc modo se res habet. Quæ vero putant, & confitentur ac profitentur, sic habent. Quæ circa corpora adsunt & adveniunt, quæ sane per omnem ipsam artem procedunt, dum illa transformantur aut transmutantur. Quæ item per chirurgiam sanant. Et quæ auxiliis & medelis aut victu curantur. Summa vero horum omnium tendat ad horum cognitionem.

7. Quum igitur relata omnia tali modo se habeant, convenit ut medicus comitatem quandam sibi adjunctam habeat. Austeritas enim & sanis, & ægris difficilem accessum præbet. Maxime vero ad servare ipsum seipsum convenit, ut ne multas corporis partes ostendar, neque cum imperitis multa fabuletur, sed necessaria. Hoc enim violentia esse consuevit ad curationis provocationem. Facere autem nihil horum debet valde curiose, neque ex imaginatione. Hæc vero omnia considerato, quo tibi præparata sint ad abundantiam, prout opus fuerit. Sin minus, instante necessitate semper penuria fuerit. Procurare autem oportet hæc in medicina, cum omni submissione, defractione, & illitione, & perfusione, ad manuum concinnitatem: de linamentis vulsis, de spleniis, de ligamentis, de his, quæ pro temporis constitutione requiruntur, de medicamentis ad vulnera, & ocularia, & ex his ea, quæ ad singula genera pertinent: quo tibi præparata sint, & instrumenta, & machinæ & consequenter ferrum. Nam in his penuria detrimentosa est, & artem mancam facit.

8. Sit autem tibi alter apparatus simpliciter ad peregrinationes instructus, ad manus promptus. Expeditissimus autem per methodi rationem. Neque enim

enim fieri potest, ut medicus omnia percurrat. Firma item memoria teneto medicamenta, & simplices facultates, & descriptas, si modo tales extant. Sint & in memoria tibi morborum curationes, & harum modi, quotupliciter, & quomodo in singulis se habent. Hoc enim principium est in Medicina, & medium, & finis. Præparata quoque tibi sint malagmatum genera ad singulos usus. Potiones quæ incidere possunt, ex descriptione præparatæ juxta genera. In promptu sint & quæ ad medicationem pertinent, ad purgationes, sumpta de locis congruis, & parata eo quo convenit modo, juxta genera, & magnitudines, ad vetustatem ferendam curata. Recentia vero juxta temporis occasionem, & alia juxta rationem. His autem tibi præparatis hoc commodi erit, ut ubi ad ægrotum introieris, animo incertus non sis, quum apposite habeas singula ad id, quod faciendum est.

9. Antea vero hoc cognitum habeas quod facere oportet, quam ad ægrum ingrediaris. Pleraque enim non rationatione, sed auxilio rerum opus habent. Itaque eventum ex experientia prius discernere oportet. Est enim hoc gloriosum, & facile cognosci potest. In ingressu vero meminisse convenit & sessionis, & habitus submissi, amictus compositi, auctoritatis, breviloquentiæ, ut nihil cum perturbatione facias, affectus, diligentia, responsionis ad ea, quæ occurrunt, & ad tumultus oborientes compescendos constantiæ apud teipsum, increpationis ad turbas castigandas, promptitudinis ad ministeria. Et ad hæc memor sis primi apparatus. Sin minus, reliqua citra errorem fiant, quæ ad promptitudinem parandam præcipiuntur.

10. Ingressu utere frequenter, visita diligentius, his quæ a deceptis per errorem fiunt occurrens, ut mutantur. Facilius enim cognosces, simulque expeditior eris. Instabilia enim sunt, quæ in humidis consistunt. Quapropter etiam facile & a natura, & a fortuna transmutantur. Neglecta enim ea, quæ circa temporis occasionem administrare oportebat, impetu suo progressa occupant ac perimunt. Non enim est, quod opem ferat. Multa enim sunt, quæ simul mali aliquid faciunt. Nam quod singulatim juxta consequentiam fit, magis opportunum & frequentius est. Observare autem oportet ægrotorum quoque peccata, per quæ multi sæpe mentiti sunt, in assumendis his quæ ingerenda exhibentur, postquam exosas potiones non accipientes, aut pharmacis datis, aut alia curatione adhibita, perempti sunt. Et factum quidem hoc non ad ipsorum confessionem vertitur, verum medico culpa impunitatur.

11. Considerare vero oportet etiam decubitus, quosdam ex ipsis juxta anni tempus, quosdam juxta genera. Quidam enim in altis sedibus, quidam in subterraneis ac tenebrosis decumbunt. Strepitus quoque & odores, maxime vini (deterior enim hic est) fugere ac transmutare oportet. Et omnia hæc facere placide, expedite, cum ministerio, ita ut pleraque ægroti occultes, & hilari ac sereno vultu ipsum consolers: quo a suis illum cupiditatibus avertas, simul cum amarulentia & contraria instantia increpando, simulque cum commonefactione ac dexteritate suscipiendo ac consulendo, non tamen ut quicquam futurorum aut præsentium ipsis indices. Plerique enim ob hanc causam, in utramlibet partem compulsi sunt,

sunt, propter relatam videlicet prædictionem præsentium aut futurorum.

12. Sit autem ex discipulis aliquis præfens, qui instet ut præceptis non amarulente utatur, & quod mandatum est faciat. Deligito autem ex ipsis eos, qui jam in arte progressum fecerunt, quo ea, quæ utilia sunt, addant, aut secure offerant, ut & in intervallis nihil te lateat. At vero imperitis nunquam quicquam procurandum committes. Sin minus, ejus quod male factum est, vituperium in te recidet, si non ambigue res habeat; ex quibus id, quod recta methodo tractatum est, procedet, & vituperationem tibi non afferet: sed & quod factum fuerit, ad

genus referetur. Proinde omnia hæc prædicito in his, quæ fiunt, his quibus ea cognovisse propositum est. His igitur ita habentibus, ad bonam existimationem ac decentem ornatum, & in sapientia, & in medicina, & in aliis artibus: oportet medicum distinctis partibus, de quibus diximus, semper utrisque amictum, ea conservare ac custodire, & tradere ac facere. Quum enim apud omnes homines inclyta sint, conservantur. Et qui per ipsa procedunt, celebres sunt a parentibus & liberis. Etsi quidam ipsorum non multa cognitione præditi sint, ab ipsis tamen rebus ad intelligentiam deveniunt.

H I P P O C R A T I S

P R Æ C E P T I O N E S.



TEMPUS est, in quo occasio est. Occasio vero, in qua tempus non multum. Medela tempore, aliquando etiam occasione contingit.

Hæc sane nosse oportet, & non ratiocinationi prius probabili intentum curam aggredi, sed exercitationi cum ratione. Ratiocinatio enim memoria quædam est, quæ componit ea, quæ per sensum sunt percepta. Imaginatione enim concepta est evidenter. Sensus autem perpeffus jam delegator est eorum, quæ subjacent ac obveniunt ad ipsam cogitationem. Qui vero sensus sæpe mala perpeffus est, & susceperit, quibus, quando, qualiter læsus sit observans, & in seipsum reponens recordatur. Collaudo quidem igitur etiam ratiocinationem, siquidem ex fortuita

occasione initium faciat, & delationem in morbum ex apparentibus persequatur. Si enim ex his, quæ palam perficiuntur, ratiocinatio initium iecerit, in mentis potentia esse comperitur, ita ut ipsa ab aliis singula assumat.

2. Proinde statuendum est, naturam a multis ac omnigenis rebus moveri, ac doceri, ita ut violentia quædam subsit. Mens autem, ubi accipit, velut dixi, postea ad veritatem perducit. Si vero non ex evidenti aggressionem, verum ex probabili rationis figmento, sæpe gravem & molestam invehit affectionem. Tales autem inviam viam arripiunt. Quid enim tandem erat mali, si mercedem auferrent hi, qui medicinæ opera male administrant? Nunc vero agrotis, qui extra culpam sunt, non sufficiens esse appa-

ret violentia morbi, nisi medici quoque imperitia accedat. Et de his quidem hæc dicta satis sint. At his, quæ ex sola ratione perficiuntur, frui non datur: verum his, quæ ex operis indicatione. Fallax enim est & ad errorem proclivis affirmatio, quæ fit cum garulitate. Quapropter in universum his, quæ fiunt, inhærere oportet, & circa hæc vel maxime versari, si quis facilem ac minime delinquentem habitum, quem sane Medicinam appellamus, sibi comparare volet. Valde enim magnam utilitatem afferet tum ægrotantibus, tum horum artificibus. Non tamen cunctandum est & ab idiotis inquirere, si quid conferre visum fuerit ad curationis occasionem. Sic enim arbitror universam artem commonstratam esse, eo quod ex unoquoque sine observatio facta est, & consonantia in idem concurrerit.

3. Attendere igitur oportet fortuitæ occasione, quæ plerumque se offert, atque hoc cum utilitate ac leni progressionem potius, quam cum promissione, & excusatione ea quæ fit cum actione. Vtilis est autem & varia prædestinatio eorum, quæ ægroto offeruntur. Non enim asseverare oportet, quod aliquid solum exhibitum proderit. Omnes enim affectiones, propter multas casuum circumstantias ac mutationes, mora quadam diutius adhærent.

4. Et hoc sane admonitione opus habuerit, ad diligentem considerationem faciendam. Si enim a mercede inceperis (conducit enim hoc universo negotio) ægroto quidem huiusmodi cogitationem inducis, quod videlicet non, ipso relicto, abibis. Si vero non pacisceris, quod ipsum negliges, & de quibusdam in rem præsentem non admonebis. Curare igitur oportet de constituenda mer-

cede. Inutilem enim esse putamus eiusmodi ægroti ipsius cogitationem, multo autem magis in morbo acuto. Morbi autem celeritas temporis occasionem non præbens ad reversionem, non impellit bonum medicum ad quærendum suam commoditatem, sed ut magis existimationis suæ rationem habeat. Itaque tunc melius est, ut servatis exprobre, quam ut lethaliter affectos præconturbet. Quanquam aliqui ægroti id expetunt, hospitii jus, & facilem mali depulsionem producentes, digni quidem qui negligantur, non tamen qui affligantur. Quapropter his te merito oppones, cum bolidis jactu in maris turbati fluctibus iter facientibus. Qui enim bonus medicus est, is per Jovem fide magis quam duritia medetur. Quare in principio totam affectionem indagare oportet, & quædam suggerere conducentia ad curationem, curareque ægroto, & non negligere. At vero remunerationis exigendæ acerbiter, absq; præparante ad disciplinam cupiditate, hortor ut ne valde inducas, sed & ad opulentiam & facultates respicias.

5. Quandoque vero etiam gratis cures, ita ut gratitudinis memoriam potiore, quam præsentem existimationem auferas. Si vero occasio ferendæ opis se obtulerit, & peregrino, & egeno, maxime talibus opituleris. Si enim affuerit erga homines amor, adest etiam amor erga artem. Quidam enim ægrotantes, ubi perceperunt affectionem circa se non esse in tuto, per medici probitatem ac mansuetudinem gloriantur sanitati restitutos se esse. Laudabile est autem, ægrorum quidem curam gerere, gratia sanitatis: sanorum vero curam suscipere, ea gratia ut sine morbis degant. Sed & sanorum cura habenda est gra-

gratia boni ac decori ornatus .

6. Qui igitur in profundo ignorantiae artis versantur, praedicta minime perceperint . Nam hi, quum sint non initiati, miserabilesque ac subito exaltati, fortunae tamen indigi, a divitibus quibusdam, ex angustiis remissionem acquirunt, semperque ob opera gloriantes, & in deterius dilabentes delician- tur, artis operum sinceritatem negligentes, ob quam bonus medicus, qui ab artis conjunctione socius artis appellatur, in vigore esse possit . Hic autem medelas citra delictum facile perficiens, nihil horum transilierit, non praefacultatis inopia . Non enim infidus est, velut in injustitia . Nam ad curationem hi non accedunt, ubi affectionem perniciosam esse vident, vitantes aliorum medicorum superinductionem, laudantes aegrotos propter pravi auxilii odium . At aegrotantes afflicti natant in utraque improbitate, eo quod potiori in arte curationi seipsos non commiserunt ad finem usque . Remissio enim morbi alicujus magnum aegroto solatium praebet . Quapropter sanam affectionem cupientes, eundem usum semper admittere non volunt . Medici varietati se assimilantes . Sumptuum equidem opulencia aegroti carent, morum improbitate adorantes, & ingrati evadentes . Quum autem consequi possunt ut dicentur, de mercede asseveranter affirmant, sani esse volentes, quaestum nimirum ex usura, aut agricultura affore producentes, & postea de ipsis quaestum facere negligentes . Et de hujusmodi quidem declaratione haec sufficient . Remissio enim & intensio aegrotantis, medicam administrationem requirunt .

7. Nec vero indecore se ille geret medicus, qui in rei praesentis angustia

circa aegrum aliquem, & imperitia tenebras offundente, alios quoque arces- sere jusserit, quo ex communi consideratione res circa aegrum inquirantur ac cognoscantur, & illico operatores fiant ad auxilii ferendi facultatem . Nam in afflictionis assiduitate, augescente affectione, ob consilii inopiam, plurima ad rem praesentem effugiunt . In ejusmodi igitur temporis occasione confidendum est . Nunquam enim ego tale quid decerno, quod ars ipsa judicat . Et de hoc nunquam contendere oportet affirmando, ac mutuis inter se conviciis decertando . Hoc enim jurejurando affirmare possim, quod medici ratiocinatio nunquam alteri invidere poterit . Imbecillis enim hoc modo apparuerit . Sed haec magis expedite faciunt hi, qui circa forensia negotia ac quaestus versantur . Quanquam neque falso hoc cognitum fertur, quod in omni copia, inopia inest .

8. At vero cum his omnibus magnum signum essentiae artis apparuerit, si quis recte medicans, ab ejusmodi compellatione non destiterit, jubens aegrotos mente non turbari, in eo quod ad salutis tempus pervenire gestiunt . Hoc enim non inutile esse dicimus, & hoc sane praecipiens non peceabit . Ipsi enim aegroti propter dolorificam affectionem desperantes, seipsos vita exuunt . Qui vero aegrum sibi commissum habet, si artis inventa demonstraverit, conservans non mutans naturam, praesentem auferet remunerationem, aut contra, fidem suam statim amittet .

9. Hominis enim bonus habitus natura quaedam est, quae motum non alienum ex natura acquisivit, sed valde congrua est & spiritu, & calore, & humorum concoctione undiquaque, & universa victus ratione, & aliis omni- bus

bus composita ac constructa si non aliquis ex nativitate, aut ab initio defectus fuerit. Si vero etiam quis fuerit, is si exilis est, conandum est ut subjectæ naturæ affimiletur; præter naturam enim est id quod imminutum est, etiam per tempus. Porro fugienda est & frictio per lintea sudaria, propter parandam medendi autoritatem. Itemque odor curiose ascitus. Propter multam enim peregrinitatem, in calumniam incidet: propter modicam vero, decentem ornatum consequeris. In parte enim, dolor modicus: in toto, multus. Gratiâ autem qua hominibus complaceas, non tollo. Digna enim est medico præsidio. At vero appositionis per instrumenta, & indicationis eorum, quæ significant, & ejusmodi rerum memoriam adesse oportet. Si vero etiam vulgi gratia velis dissertationem ad audiendum te facere, non valde gloriose id captes: non tamen cum testimonio ac ostentatione poëtica. Impotentiam enim industrii laboris ostendit. Aversor enim ad alium usum transferri industriam cum labore partam, quæ propterea in seipsa sola gratiosæ sectæ electionem habet. Consequeris enim instar fuci promptam cum comitatus deductione elationem.

10. Optanda est & ejusmodi dispositio, quæ aliena sit ab eo quod quis grandis jam natus discat. Hoc enim præsentium quidem nihil perficit, absentium vero tolerabilis memoria existit. Fit itaque omnia tentans infortunium, cum recenti pernicie, quæ negligit decorum, & in præfinitis terminis, & in professione, & in maximis juramentis Deorum gratia factis: dum medicus præest morbo, cum assidua lectione, instructioneque imperitorum fugitivorum, ita ut sermones translaticios imitetur, qui etiam antea quam in morbo incer-

tus animo esset, collecti fuerunt. Taliū igitur ubi etiam præfatus essem, non sane in collectitia curatione id facerem. Verum confidenter auxilium peterem. Cognitionis enim decoræ scientia in his dispersa est. Quum igitur hi necessario sint inscii ac imprudentes, hortor eos, ut commodam habeant exercitationem, post dogmatum cognitionis penuriam. Quis enim multifidam dogmatum sectionem se vere cognoscere posse sperarit, citra exercitationis constantiam?

11. Quapropter hoc admoneo, ut dicentibus quidem attendant, facientibus autem incumbant, & contractam virtus rationem non diu præscribant. Ægrotantis enim diuturnam concupiscentiam erigit indulgentia quoque in morbo diuturno. Si quis cæco animum advertat, velut res magni timoris cavendus est, & gratia desperanda, per quam unitas constat. Aëris repentina turbatio vitanda est. Vigor ætatis omnia habet gratiosa. Decrepita vero ætas, vice versa.

12. Obscuritas linguæ non satis claræ fit, aut propter affectionem, aut propter aures, ita ut priusquam priora enunciarit, alia adjiciat: aut priusquam id, quod mente concepit, dicat, alia insuper cogitet, & quæ quidem citra affectionem visibilem appellatam, contingit linguæ obscuritas, his maxime, qui artium studio tenentur, accidit. Ætati etiam, quum parvum est aliquando subjectum, valde magna vis inest. In morbo tranquillitas, longitudinem significat. Judicatio vero est morbi exolutio. Parva causa medelis exsolvitur, nisi quid circa locum principalem affectum fuerit.

13. Quandoquidem affectio per consensum a tristitia inducta vexat, quidam

dam sane ex alterius consensu vexan- ris studium subterfugiendum est. Ma-
tur. Vociferatio affligit. Fortis labo- ritimus locus ad sanitatem commodus est.

H I P P O C R A T I S

A P H O R I S M I.



ITA brevis, ars longa, tem-
pus præceptus, experimen-
tum periculosum, iudicium
difficile. Oportet autem

non solum seipsum exhi-
bere quæ decent facientem, sed etiam
ægroto, & præsentem, & quæ exter-
na sunt.

2. In perturbationibus alvi, & vo-
mitibus, sponte contingentibus, siqui-
dem qualia purgari oportet, purgen-
tur, confert, & leviter ferunt: sin-
minus, vice versa. Sic & vasorum va-
cuatio, si quidem talis fuit, qualis fie-
ri debet, confert, & bene ferunt: sin-
minus, vice versa. Inspicere itaque
oportet regionem, & tempus, & æta-
tem, & morbos, in quibus convenit,
aut non.

3. In exercitantibus boni habitus ad
summum progressi periculosi sunt, si
in extremo fuerint. Non enim mane-
re possunt in eodem, neque quiescere.
Quum vero non quiescant, non am-
plius in melius augescere possunt: re-
liquum est igitur ut in deterius. Ob
has igitur causas bonam habitudinem
non tarde solvere confert, quo corpus
rursum renutritionis principium sumat.
Neque vero collapsiones ad extremum
ducere oportet, periculosum enim est.
Sed qualis natura est ejus qui perferre
debet, ad hoc ducere convenit. Simi-
liter autem & evacuationes ad extre-
mum ducentes, periculosæ sunt: & rur-
sus renutritiones in extremo existentes,
periculosæ sunt.

4. Tenuis & exacti victus, & in
longis semper affectionibus, & in acu-
tis, ubi non expedit, periculosi sunt:
& rursus victus ad extremam tenuita-
tem progressi, difficiles sunt. Et re-
pletiones ad extremum progressæ, dif-
ficiles sunt.

5. In tenui victu delinquentes ægro-
tantes, magis læduntur. Omne enim
delictum, quod committi poterit, ma-
gis magnum committitur in tenui quam
in paulo pleniore victu. Quapropter
etiam in sanis periculosus est valde te-
nuis, & constitutus, ac exactus victus:
quoniam delicta gravius ferunt. Ob
hoc igitur tenuis & exactus victus pe-
riculosus est magis quam paulo plenior.

6. Ad extremos morbos, exacte ex-
tremæ curationes optimæ sunt.

7. Ubi quidem peracutus est mor-
bus, statim etiam extremos labores ha-
bet, & extreme tenuissimo victu uti
necesse est. Ubi vero non, sed plenio-
re victu uti licet, in tantum subde-
scendendum est, in quantum morbus
extremis mollior fuerit.

8. Quum in vigore fuerit morbus,
tunc tenuissimo victu uti necesse est.

9. Simul autem conjectare oportet,
an æger ex victu durare possit ad mor-
bi vigorem: & utrum ille prius defi-
ciet, & ex victu durare non possit:
aut morbus prius deficiet ac obtundetur.

10. Quibus igitur statim vigor est,
his statim tenuis victus exhibendus est.
Quibus vero vigor posterius, his ad
illud, & paulo ante illud tempus, sub-
tra-

trahendus est. Antea vero mitius æger victu tractandus est, quo durare possit.

11. In exacerbationibus subtrahere victum oportet. Nam apponere noxa est. Et quibus per circuitus exacerbationes fiunt, in exacerbationibus subtrahere oportet.

12. Exacerbationes & constitutiones indicabunt morbi, & tempora anni, & circuituum inter se collata incrementa, sive quotidie, sive alternis diebus, sive per amplius temporis intervallum fiant. Sed ex apparentibus indicia fiunt, velut in pleuriticis, si sputum statim appareat incipiente morbo, ipsum abbreviat: si vero posterius appareat, producit: & urinæ, & alvi egestionis, & sudores apparentes indicant & ægre, & facile judicandos, & breves & longos morbos.

13. Senes facillime jejunium ferunt: deinde ætate consistentes. Minime adolescentibus, omnium vero minime pueri, & inter hos ipsos qui ipsi seipsis acriores fuerint.

14. Qui crescunt, plurimum habent innatum calorem: plurimo igitur opus habent alimento: sin minus, corpus consumitur. Senibus autem modicus est calor: quapropter paucis fomitibus opus habent, a multis enim extinguuntur. Ob hanc etiam causam febres senibus non similiter acutæ fiunt. Frigidum est enim ipsorum corpus.

15. Ventres hyeme & vere natura calidissimi sunt, & somni longissimi. Quapropter in his temporibus alimenta plura exhibenda sunt. Nam innatum calorem amplio tunc habent: alimento igitur ampliore opus habent. Signum sunt ætates, & athletæ.

16. Victus humidi omnibus febricitantibus conferunt: maxime vero pueris, & aliis ita ali aduetis.

17. Et quibus semel aut bis, & plus aut minus, & ex parte exhibere oportet, considerandum est. Dandum vero etiam aliquid est consuetudini, & tempori, & regioni, & ætati.

18. Æstate & autumno cibos difficillime ferunt, hyeme facillime, deinde vere.

19. His, qui in circuitibus exacerbantur, nihil dare oportet, neque cogere: sed auferre de appositionibus ante judicationes.

20. Quæ judicantur, & judicata sunt integre, neque movere oportet, neque novare, neque medicamentis, neque aliis irritamentis, sed sinere.

21. Quæ ducere oportet, quo maxime repunt, eo ducere oportet, per convenientes locos.

22. Concocta medicamentis aggredi oportet, & movere, non cruda, neque in principiis, si non turgeant. Plurima vero non turgent.

23. Quæ prodeunt, non multitudine æstimare oportet, sed quamdiu prodeant qualia oportet, & facile æger ferat. Et ubi opus est, usque ad animi deliquium ducere oportet: & hoc facere, si sufficiat æger.

24. In acutis affectionibus raro etiam in principiis medicamentis uti oportet: atque hoc facere diligenti prius æstimatione facta.

25. Si qualia oportet purgari, purgantur, confert, & facile ferunt: contraria vero, difficulter.

SECTIO SECUNDA.

IN quo morbo somnus laborem facit, mortale: si vero somnus proficit, non lethale.

2. Ubi somnus delirium sedat, bonum est.

3. So-

3. Somnus, vigilia, utraque modum excedentia, malum.

4. Non satietas, non fames, neque aliud quicquam bonum est, quod naturæ modum excedat.

5. Lassitudines spontaneæ denunciant morbos.

6. Quicumque aliqua corporis parte dolentes, plerunque dolores non sentiunt, his mens ægrotat.

7. Quæ multo tempore attenuantur corpora, lente reficere oportet. Quæ vero brevi, brevi.

8. Si ex morbo cibum capiens quis non fiat validus, significat quod corpus uberiore alimento utitur. Si vero cibum non accipienti hoc contingat, nosse oportet, quod evacuatione opus habet.

9. Corpora quæcunque quis purgare voluerit, fluida facere oportet.

10. Non pura corpora quanto plus nutries, tanto magis lædes.

11. Facilius est repleti potu, quam cibo.

12. Quæ relinquuntur in morbis post judicationem, recidivas facere solent.

13. Quibuscunque judicatio fit, his nox gravis ante exacerbationem. Quæ vero sequitur, plerumque tolerabilior est.

14. In alvi fluxionibus mutationes egestionum profunt, si non ad pravas mutantur.

15. Ubi fauces ægrotant, aut tubercula in corpore nascuntur, excretiones considerare oportet, si enim biliosæ fuerint, corpus simul ægrotat, si vero similes sanis fiant, tutum est corpus nutrire.

16. Ubi fames, non oportet laborare.

17. Ubi cibum præter naturam copiosior ingressus fuerit, morbum facit. Ostendit autem sanatio.

18. Eorum, quæ acervatim & velo-

citer nutriunt, veloces etiam egestionnes sunt.

19. Acutorum morborum non omnino tutæ sunt prædictiones neque mortis, neque sanitatis.

20. Quibus dum juvenes sunt, ventres humidi sunt, his senescentibus reficcantur. Quibus vero dum juvenes sunt, ventres sicci sunt, his senescentibus humectantur.

21. Famem vini potus solvit.

22. Quicumque morbi ex repletione fiunt, evacuatio sanat. Et quicumque ex evacuatione, repletio. Et aliorum contrarietas.

23. Acuti morbi in quatuordecim diebus judicantur.

24. Septimæ quarta index est. Alterius hebdomadæ octava principium est. Consideranda vero est undecima. Hæc enim quarta est secundæ hebdomadæ. Consideranda rursus decimaseptima. Ipsa enim est quarta quidem a decimaquarta, septima vero ab undecima.

25. Æstivæ quartanæ plerunque sunt breves. Autumnales vero longæ, & maxime quæ ad hyemem pertingunt.

26. Febrem in convulsionem fieri melius est, quam convulsionem in febre.

27. His, quæ non secundum rationem levant, non oportet credere, neque valde timere ea, quæ prava fiunt præter rationem. Pleraque enim extalibus inconstantia sunt, & non valde permanere, neque morari solent.

28. Febricitantium non omnino leviter, permanere, & nihil minui corpus, aut etiam magis quam pro ratione colliquari, malum est. Illud enim morbi longitudinem, hoc vero debilitatem significat.

29. Incipientibus morbis si quid movendum videtur, move: vigentibus vero, quietem agere melius est.

30. Circa principia & fines, omnia debiliora sunt: circa vigores vero, fortiora.

31. Ex ægritudine bene cibum accipienti, nihil augescere corpus, malum est.

32. Plerunque omnes male habentes, ab initio cibum bene capientes, & nihil augescentes, ad finem rursus cibos fastidiunt. At ab initio quidem valde cibum averfantes, postea vero bene cibum capientes, melius liberantur.

33. In omni morbo valere mente, & bene se habere ad ea, quæ exhibentur, bonum: contrarium vero, malum.

34. In morbis minus periclitantur, quorum naturæ, & ætati, & habitui, & tempori morbus magis affinis fuerit, quam hi quibus non affinis in aliquo horum existit.

35. In omni morbo partes circa umbilicum & pectinem crassitudinem habere, melius est. At vehemens tenuitas & eliquatio, prava est. Periculosa vero talis est etiam ad infernas purgationes.

36. Sana habentes corpora, dum medicamentis purgantur, cito exolvuntur. Itemque qui pravo cibo utuntur.

37. Qui bene habent corpore, eos operosum est medicamentis purgare.

38. Paulo deterior & potus, & cibus, verum jucundior, melioribus quidem, sed injucundioribus, præferendus est.

39. Senes juvenibus plerunque minus ægrotant. Quicumque vero ipsis fiunt morbi diuturni, ut plurimum commoriuntur.

40. Raucedines & gravedines in valde senibus non concoquantur.

41. Qui exolvuntur sæpe & fortiter absque manifesta causa, derepente moriuntur.

42. Siderationem fortem quidem solvere, impossibile est, debilem vero, non facile.

43. Ex his, qui strangulantur, & submerguntur, nondum autem mortui sunt, non reconvalescunt, quibus spuma circa os fuerit.

44. Crassi admodum secundum naturam, magis cito moriuntur, quam graciles.

45. Juvenibus comitialium liberationem faciunt mutationes, maxime ætatis, & regionum, & victuum.

46. Duobus doloribus simul instantibus, non secundum eundem locum, vehementior obscurat alterum.

47. Circa generationem puris, dolores & febres magis contingunt, quam facta jam ipso.

48. In omni corporis motu, quum inceperit dolere, quiescere statim lassitudinem eximit.

49. Adsueta consuetos labores ferre, etiamsi fuerint debiles, aut senes, non adsueta fortibus ac juvenibus facilius ferunt.

50. Ex multo tempore consueta, etiamsi deteriora fuerint, inconsuetis minus molestare solent. Oportet igitur etiam ad inconsueta transmutationem facere.

51. Multum & repente evacuare, aut replere, aut calefacere, aut frigidificare, aut omnino quomodocunque corpus movere, periculosum est. Et omnis multitudo naturæ contraria est. Quod vero paulatim fit, tutum est, tum alias, tum si ex altero ad alterum transitus fit.

52. Omnia secundum rationem facienti, si non secundum rationem fiant, non transire oportet ad aliud, manente eo, quod visum est ab initio.

53. Quicumque ventres humidos habent,

bent, dum quidem juvenes sunt, melius degunt quam hi, qui siccos habent. Verum ad senectutem deterius degunt. Resiccantur enim plerunque senescentibus.

54. In corporis magnitudine juventutem quidem degere, liberale est & non indecorum. Senectutem vero degere, inutile, & deterius parvitate.

SECTIO TERTIA.

Mutationes temporum maxime pariunt morbos, & in temporibus magnæ mutationes frigoris aut caloris, & reliqua juxta rationem hoc modo.

2. Naturarum aliæ quidem ad æstatem, aliæ vero ad hyemem, bene aut male se habent.

3. Morborum alii ad alia tempora, bene aut male se habent: & ætates quædam ad tempora, & regiones, & victus.

4. In temporibus quum eadem die, modo calor, modo frigus fit, autumnales morbos expectare oportet.

5. Austri auditum gravantes, caliginosi, caput gravantes, torpidi, dissolventes. Quum hic prævaluerit, talia in morbis patiuntur. Si vero Aquilo fuerit, tusses, fauces, alvi duræ, urinæ difficultates, horrores, dolores costarum, pectoris. Quum hic dominatur, talia in morbis expectare oportet.

6. Quum æstas fit veri similis, sudores in febribus multos expectare oportet.

7. In siccitatibus febres acutæ fiunt: & siquidem annus amplius talis fuerit, qualem constitutionem fecerit, plerunque tales etiam morbos expectare oportet.

8. In constantibus temporibus, si tempestive tempesta reddantur, mor-

bi constantes & judicatu facillimi fiunt. In inconstantibus autem, inconstantes, & qui difficulter judicantur.

9. In autumno morbi acutissimi, & omnino mortiferi. Verum autem saluberimum & minime lethale.

10. Autumnus tabidis malus.

11. De temporibus, si quidem hyems sicca & aquilonaris fuerit, verum autem pluviosum & australe, necesse est æstate febres acutas, & lippitudines, & dysenterias fieri, maxime mulieribus, & viris natura humidioribus.

12. Si vero hyems australis, & pluviosa, ac clemens fiat, verum autem siccum & aquilonare, mulieres quidem quibus partus ad verum instat, ex omni occasione abortiunt: quæ vero pariunt, impotentes ac morbosos pueros pariunt, ita ut aut statim pereant, aut tenues ac morbofi vivant. Aliis autem dysenteriarum, & lippitudines sicca fiunt. Senioribus vero defluxiones brevi perimentes.

13. Si vero æstas sicca fiat & aquilonaris, autumnus autem pluviosus & australis, capitis dolores ad hyemem fiunt, & tusses, & raucedines ac gravedines: quibusdam etiam tabes.

14. Si vero aquilonaris & aquarum exors autumnus fuerit, his quidem, qui humidam naturam habent, & mulieribus commodus erit. Reliquis vero fiunt lippitudines sicca, & febres acutæ, & gravedines. Quibusdam vero etiam atræbiles.

15. Ex anni vero constitutionibus, in summa siccitates pluviosis salubriores sunt, & minus lethales.

16. Morbi in pluviosis quidem plerunque fiunt, febres longæ, & alvi fluxiones, & putredines, & comitiales, & siderationes, & angina. In siccitatibus vero, tabes, lippitudines, arthritides,

urinæ stillicidia, & dysenteria.

17. Quotidianæ vero constitutiones, aquilonares quidem corpora compingunt, & robusta, & ad motum idonea, & bene colorata, & melius audientia faciunt, & ventres resiccant, & oculos mordent, & si circa thoracem aliquis dolor prius est, magis affligunt. Australes autem corpora dissolvunt, & humectant, & gravem auditum, ac capitis gravitatem, & vertigines in oculis, & corporibus ægrum motum, & ventres humectant.

18. Secundum tempora, vere quidem & prima æstate, pueri, & qui his ætate cohærent, optime degunt, & maxime sani sunt. Æstate vero & autumno aliquandiu, senes. Reliquo autumno & hyeme, mediam ætatem habentes.

19. Morbi omnes quidem in omnibus temporibus fiunt: quidam tamen magis in quibusdam ipsorum & fiunt, & exacerbantur.

20. Vere etenim insaniam, & atræ bilis, & comitiales, & sanguinis fluxiones, & anginæ, & gravedines, & raucedines, & tusses, & lepræ, & impetigines, & vitiligines, & pustulæ ulcerosæ plurimæ, & tubercula, & morbus articularis.

21. Æstate vero & quidam ex his, & febres continuæ, & ardentes, & tertianæ plurimæ, & quartanæ, & vomitus, & alvi profluvia, & lippitudines, & aurium dolores, & oris exulcerationes, & pudendorum putredines, & papulæ sudorosæ.

22. Autumno autem, & ex æstivis multi, & febres quartanæ, & erronæ, & splenes, & hydropes, & tabes, & urinæ stillicidia, & intestinorum levitates, & dysenteria, & coxendices, & anginæ, & anhelationes, & volvuli, & comitiales, & insaniam, & atræ bilis.

23. Hyeme vero pleuritides, peripneumoniam, lethargi, gravedines, raucedines, tusses, dolores pectorum, laterum ac lumborum, capitis dolores, vertigines, siderationes.

24. In ætatibus autem talia contingunt. Parvis ac recens natis pueris fervida oris ulcera, vomitus, tusses, vigilia, timores, umbilici inflammationes, aurium humiditates.

25. Ad dentitionem vero accedentibus, gingivarum pruritus, febres, convulsiones, alvi profluvia, & maxime ubi dentes caninos producant, tum crassissimis pueris, tum his qui duros ventres habent.

26. Senioribus autem evadentibus, verticuli in occipitio intro luxationes, anhelationes, calculorum generationes, lumbrici rotundi, ascarides, verrucæ, tumores glandularum circa aures oblongi, satyriasmii appellati, strumæ, & alia tubercula, maxime vero prædicta.

27. Adhuc vero senioribus, & ad pubertatem accedentibus, pleraque ex his, & febres diuturnæ magis, & ex naribus sanguinis fluxiones.

28. Plurimæ vero affectiones pueris judicantur, partim in quadraginta diebus, partim in septem mensibus, partim in septem annis, partim ad pubertatem accedentibus. Quæ vero permanserint pueris affectiones, & non exolutæ fuerint circa pubertatem, aut foemellis circa mensium eruptiones, diuturnæ fieri solent.

29. Juvenibus autem sanguinis spuitiones, tabes, febres acutæ, comitiales, & alii morbi, maxime vero prædicti.

30. His vero, qui hanc ætatem exceperunt, anhelationes, pleuritides, peripneumoniam, lethargi, phrenitides, febres ardentes, alvi profluvia diuturna, bilis

bilis sursum ac deorsum effusiones, dysenteriae, intestinorum laxitates, haemorrhoides.

31. Senibus autem spirandi difficultates, & defluxiones cum tussi, urinæ stillicidia, urinæ difficultates, articularum dolores, nephritides, vertigines, siderationes, mali habitus, pruritus totius corporis, vigiliae, alvi, oculorum, & narium humiditates, visus hebetudines, glaucedines, auditus gravitates.

SECTIO QUARTA.

Praegnantes medicamentis purgare oportet, si turget humor, quarto mense, & usque ad septimum: minus vero has. Juniores autem & seniores foetus vereri oportet.

2. In medicamentorum usu, talia ex corpore ducere oportet, qualia etiam sponte prodeuntia commoda sunt. Contrario autem modo prodeuntia, sedare.

3. Si qualia oportet purgari, purgentur, confert, & facile ferunt. Contraria vero difficulter.

4. Medicamentis purgare oportet aestate quidem, superiores magis: hyeme vero inferiores.

5. Sub canem, & ante canem, operosa sunt medicamentorum purgationes.

6. Graciles, & facile vomentes, sursum purgare oportet, vitantes hyemem.

7. Difficulter vomentes, & moderate carnosos, deorsum, vitantes aetatem.

8. Tabescentes autem, vitantes superiores.

9. Atrabiliarios vero plenius inferiores. Eadem ratione contraria apponentes.

10. Purgare oportet in valde acutis, si humor turget, eadem die. Morari enim in talibus malum est.

11. Quibus tormina; & circa umbilicum dolores, & lumborum dolor,

qui neque a medicamento, neque alias solvitur, in hydropem siccum firmatur.

12. Quibus alvi intestinorum levitate affecti, eos hyeme sursum purgare, malum est.

13. Ad veratrum, his qui non facile sursum purgantur, ante potionem corpora humectare oportet ampliore cibo, ac quiete.

14. Ubi biberit quis veratrum, ad motus quidem corporum magis ducere oportet, ad somnos autem, & quietem minus. Declarat autem navigatio, quod motus corpora turbat.

15. Ubi volueris magis ducere veratrum, corpus moveto: ubi vero sistere, somnum facito, & ne moveto.

16. Veratrum periculosum est sanas carnes habentibus. Convulsionem enim inducit.

17. Sine febre existenti cibi fastidium, & oris ventriculi morsus, & vertigo, & os amarescens, medicamento sursum purgante opus habere significat.

18. Dolores supra septum transversum, qui purgatione opus habent, sursum versus purgatione indigere significant: qui vero infra, deorsum.

19. Qui in medicamentorum potionibus, dum purgantur non sitiunt, non cessant prius quam sitierint.

20. Non febrientibus si fiat tormen, & genuum gravitas, & lumborum dolor, deorsum medicamento purgante opus habere significat.

21. Egestiones alvi nigrae, velut sanguis niger, sua sponte prodeunt & cum febre; & sine febre, pessima sunt; & quanto plures fuerint peiores colores, tanto magis malum est. Cum medicamento vero, melius: & quanto plures fuerint colores, non malum est.

22. Quibuscunque morbis incipientibus,

bus, si atra bilis aut sursum, aut deorsum prodierit, lethale est.

23. Quibuscunque ex morbis acutis, aut ex diuturnis, aut ex vulneribus, aut alias attenuatis, atra bilis, sive qualis sanguis niger, postridie moriuntur.

24. Dysenteria, si ab atra bile inceperit, lethalis est.

25. Sanguis sursum quidem qualiscunque fuerit, malus est: deorsum vero bona sunt nigra subeuntia.

26. Si a dysenteria occupato, veluti carnes subierint, lethale est.

27. Quibus in febribus sanguinis multitudo erumpit undecunque, his in refectionibus alvi humectantur.

28. Quibus biliosæ sunt egestiones, sorditate oboriente cessant. Et quibus sorditas, biliosis egestionibus contingentibus cessat.

29. Quibus in febribus sexta die rigores fiunt, difficulter judicant.

30. Quibus exacerbationes fiunt, quacunque tandem hora febris dimiserit, si postridie eadem qua antea hora corripuerit, difficulter judicant.

31. Delassatis in febribus, ad articulos, & circa maxillas maxime, abscessus fiunt.

32. Quibuscunque resurgentibus ex morbis, si quid doluerit, isthic abscessus fiunt.

33. Sed & si ante morbum quid doluerit, isthic morbus incumbit.

34. Si a febre occupato, tumore non existente in faucibus, suffocatio repente contingat, lethale est.

35. Si a febre occupato collum repente obversum fuerit, & vix deglutire poterit, tumore non existente, lethale est.

36. Sudores febricitanti si inceperint, boni sunt tertia die, & quinta, & septima, & nona, & undecima, & deci-

maquarta, & decima septima, & vigesima prima, & vigesima septima, & trigesima prima, & trigesima quarta. Hi enim sudores morbos judicant. Qui vero non sic fiunt, dolorem significant, & longitudinem morbi, & recidivas.

37. Frigidi sudores cum acuta quidem febre, mortem significant: cum mitiore vero, morbi longitudinem.

38. Et ubi in corpore sudor est, illic morbum esse declarat.

39. Et ubi in corpore caliditas aut frigiditas, isthic morbus est.

40. Et ubi in toto corpore mutationes, & si corpus perfrigeretur, aut rursus calefiat, aut color alius ex alio fiat, longitudinem morbi significat.

41. Sudor multus ex somno, citra manifestam causam oboriente, corpus multo alimento uti significat. Si vero cibum non capienti hoc fiat, significat quod evacuatione opus habet.

42. Sudor multus, frigidus, aut calidus semper fluens: frigidus majorem, calidus minorem morbum significat.

43. Febres quacunque non intermittentes, per tertiam fortiores fiunt, magis periculosæ sunt. Quocunque vero modo intermiserint, quod sine periculo sint, significant.

44. Quibus febres longæ, his tubercula, aut ad articulos, dolores fiunt.

45. Quibus tubercula, aut ad articulos dolores, ex febribus longis fiunt, hi pluribus cibis utuntur.

46. Si rigor incidat febre non intermittente, aegroto jam debili, lethale est.

47. Excreationes in febribus non intermittentibus lividæ, & cruentæ, & graveolentes, & biliosæ, omnes malæ sunt. At probe scedentes, bonæ, & per alvi egestiones, & per urinas. Si vero non aliquid ex conducentibus excernatur per hos locos, malum est.

48. In

48. In non intermittibus febribus, si externæ quidem partes frigidæ fuerint, internæ vero ardeant, ac sitim habeant, lethale est.

49. In febre non intermittente, si labium, aut palpebra, aut oculus, aut nasus distorqueatur: aut non videat, aut non audiat, æger jam debilis existens, quicquid horum fiat, propinqua mors est.

50. Ubi in febre non intermittente, difficultas spirandi, & delirium fit, lethale est.

51. In febribus abscessus, qui non solvuntur ad primas judicationes, longitudinem morbi significant.

52. Quicumque in febribus, aut aliis ægitudinibus, voluntate lachrymantur, nihil absurdi est. Qui vero non ex voluntate, absurdum.

53. Quibus circa dentes in febribus viscosa adhærent, his fortiores febres fiunt.

54. Quibus plerumque tusses sicca, parum irritantes, in febribus ardentibus, hi non ita valde siticulosi sunt.

55. Ex glandularum tumoribus febres omnes malæ sunt, exceptis diariis.

56. Febricitanti sudor oboriens, febre non remittente, malum. Moram enim trahit morbus, & multam humiditatem significat.

57. A convulsione, aut distentione nervorum vexato, febris accedens morbum solvit.

58. A febre ardente occupato, rigore accedente, solutio fit.

59. Tertiana exacta in septem circuitibus ad summum judicatur.

60. Quibus in febribus aures obsuerunt, his sanguis e naribus effusus, aut alvus exturbata, morbum solvit.

61. Febricentem si non in diebus imparibus febris dimiserit, recidivare solet.

62. Quibus in febribus morbus re-

gius fit ante septimum diem, malum: (nisi conversi humores ad ventrem fuerint.)

63. Quibus in febribus quotidie rigores fiunt, quotidie febres solvuntur.

64. Quibus in febribus morbus regius septima, aut nona, aut decima-quarta accedit, bonum, si non præcordium dextrum durum fiat: sin minus, non bonum.

65. In febribus circa ventrem æstus vehemens, & cordis (sive oris ventriculi) morsus, malum.

66. In febribus acutis convulsiones, & circa viscera dolores fortes, malum.

67. In febribus, ex somnis timores, aut convulsiones, malum.

68. In febribus spiritus offendens, malum. Convulsionem enim significat.

69. Quibus urinæ crassæ, grumosa, pauca, non sine febribus, ubi copia ex his successit tenuis, prodest. Tales autem maxime prodeunt his, quibus ab initio, aut brevi subsidentiam habent.

70. Quibus in febribus urinæ conturbata, velut jumenti, his capitis dolores aut adsunt, aut aderunt.

71. Quibus septima die morbi judicantur, his nubeculam habet urina quarta die rubram, & alia secundum rationem.

72. Quibus urinæ pellucidæ albæ, malæ. Maxime autem in phreniticis comparent.

73. Quibus præcordia elevata, per-murmurantia, lumborum dolore accedente, his alvi humectantur, si non flatus erumpant, aut urinæ copia prodeat. In febribus autem hæc.

74. Quibus spes est abscessum fore ad articulos, eos liberat ab abscessu urina multa, & crassa, & alba prodiens, qualis in febribus laboriosis quarta die quibusdam fieri incipit. Si vero etiam

ex naribus sanguis eruperit, brevi admodum solvitur.

75. Si quis sanguinem aut pus mingat, renum aut vesicæ ulcerationem significat.

76. Quibus in urina crassa existente, carunculæ parvæ, aut veluti pili simul exeunt, his de renibus excernuntur.

77. Quibus in urina crassa existente, furfuracea quædam simul minguntur, his vesica scabie affecta est.

78. Qui sponte sanguinem mingunt, his in renibus venæ ruptionem significat.

79. Quibus in urina, arenosa subsidunt, his vesica calculo laborat.

80. Si quis sanguinem mingat, & grumos, & urinæ stillicidium habeat, & dolor incidat in imum ventrem, & ani ac scroti intercapedinem, partes circa vesicam affectæ sunt.

81. Si quis sanguinem & pus mingat, & squamas, & odor gravis sit, vesicæ exulcerationem significat.

82. Quibus in urinaria fistula tuberculum nascitur, his suppuratione facta, & eruptione, solutio fit.

83. Mictio noctu multa contingens, modicam alvi egestionem significat.

SECTIO QUINTA.

Convulsio ex veratro lethalis est.
2. Ex vulnere convulsio lethalis est.

3. Sanguine multo effuso, convulsio aut singultus accedens, malum.

4. Ex superflua purgatione, convulsio aut singultus accedens, malum.

5. Si quis ebrius repente voce privetur, convulsus moritur, si non febris corripuerit, aut ubi ad horam, qua crapulæ solvuntur, pervenit, loquatur.

6. Quicumque a distentione antrorsum ac retrorsum corripuntur, in qua-

tuor diebus pereunt. Si vero has effugerint, sani fiunt.

7. Quibuscunque morbi comitiales ante pubertatem fiunt, transmutationem habent. Quibuscunque vero viginti quinque annos natis fiunt, his plerunque commoriuntur.

8. Quicumque pleuritici facti, in quatuordecim diebus non repurgantur, his ad suppurationem transitio fit.

9. Tabes maxime fit ætatibus, ab anno decimo octavo, usque ad trigessimum quintum.

10. Quicumque anginam effugiunt, his ad pulmonem vertitur, & in septem diebus moriuntur. Si vero has effugerint, suppurati fiunt.

11. Qui tabe infestantur, si sputum quodcunque tussiendo rejecerint, grave olet, dum prunis injicitur, & capilli de capite defluunt, lethale est.

12. Quibuscunque tabe laborantibus capilli de capite defluerint, hi alvi profluvio accedente moriuntur.

13. Quicumque sanguinem spumosum spuunt, his ex pulmoneeductio fit.

14. A tabe occupato alvi profluvium accedens, lethale est.

15. Quicumque ex pleuritide suppurati fiunt, si in quadraginta diebus repurgati fuerint, ab ea die, qua ruptio facta fuerit, liberantur. Si vero non, ad tabem transeunt.

16. Calida, frequenter ea utentibus, has noxas inducit, carniū effœmationem, nervorum impotentiam, mentis torporem, sanguinis eruptiones, animi deliquia. Hæc quibus mors.

17. Frigida vero convulsiones, antrorsum ac retrorsum distentiones, nigrores, & rigores febriles.

18. Frigida inimica ossibus, dentibus, nervis, cerebro, spinali medullæ. Calida vero, grata.

19. Qua-

19. Quæcunque perfrigerata sunt, excalefacere oportet, præterquam a quibus sanguis erumpit, aut erupturus est.

20. Ulceribus frigida mordax, cutem obdurat, dolorem non suppurantem facit, nigrefacit, rigores febriles inducit, convulsiones, distentiones.

21. Quandoque vero in distentione sine ulcere, juveni carnosio, æstate media, frigida multæ affusio, caloris revocationem facit. Calor autem hæc solvit.

22. Calida suppuratoria est, non in omni ulcere, maximum signum ad securitatem, cutem mollit, attenuat, dolores eximit, rigores, convulsiones, distentiones mitigat, capitis gravitatem solvit. Plurimum autem confert ad ossium fracturas, maxime denudatas. Ex his autem maxime his, qui in capite ulcera habent, & his quæ a frigiditate moriuntur, aut ulcerantur, & herpetibus exedentibus, sedi, pudendo, utero, vesicæ. His calida grata est & judicans. Frigida vero inimica & occidens.

23. In his frigida uti oportet, unde sanguis erumpit, aut erupturus est: non super ipsas partes, sed circa ipsas unde fluit. Et quæcunque inflammationes, aut flammei ardores, ad ruborem & subcruentum colorem ex novo sanguine tendunt, ad eas ipsas: nam veteres nigrefacit: & ad sacrum ignem non exulceratum, nam exulceratum lædit.

24. Frigida, velut nix, glacies, pectori inimica sunt, tusses movent, & sanguinis eruptiones, ac defluxiones inducunt.

25. Tumores in articulis, & dolores absque ulcere, & podagricas affectiones, & convulsiones. Horum plurima frigida multa affusa levat, & attenuat, & dolorem solvit. Torpor enim moderatus dolorem solvit.

26. Aqua, quæ cito calefcit, & cito perfrigeratur, levissima est.

27. Quibus bibendi appetentiæ non est valde sitientibus, si obdormierint, bonum est.

28. Menses ducit aromatatum suffitus. Multis autem modis etiam ad alia commodus esset, si non capitis gravitatem induceret.

29. Prægnantes medicamentis purgare oportet, si turget humor, quarto mense, & usque ad septimum. Minus vero has. Juniores vero & seniores foetus vereri oportet.

30. Mulierem uterum gerentem ab aliquo acuto morbo corripit, lethale est.

31. Mulier uterum gerens secta vena abortit, & magis si major fuerit foetus.

32. Mulieri sanguinem vomenti, mensibus erumpentibus solutio fit.

33. Mulieri mensibus deficientibus, sanguinem ex naribus fluere, bonum est.

34. Mulieri, uterum gestanti si alvus multum fluxerit, periculum est ut abortiat.

35. Mulieri, quæ ab uteri strangulationibus vexatur, aut difficulter parit, sternutatio accedens, bonum.

36. Mulieri menses decolores, & non eodem tempore semper prodeuntes, purgatione opus esse significant.

37. Mulieri uterum gestanti, si mammae repente graciles fiant, abortit.

38. Mulieri uterum gestanti, si altera mamma gracilis fiat, gemellos gestans, alterum abortit. Et si quidem dextera gracilis fiat, masculum: si vero sinistra, foemellam.

39. Si mulier, quæ neque prægnans est, neque peperit, lac habet; menses ipsius defecerunt.

40. Mulieribus quibuscunque ad mammas sanguis colligitur, insaniam significat.

41. Mulierem si velis cognoscere, an prægnans sit, ubi dormire volet,

(incoenatae) aquam mulsam bibendam dato . Et siquidem tormen habuerit circa ventrem , praegnans est : si vero non , praegnans non est .

42. Mulier praegnans siquidem masculum gestat , bene colorata est : si vero foemellam , male colorata .

43. Si mulieri praegnanti ignis facer in utero fiat , lethale est .

44. Quaecunque praeter naturam tenues existentes , uterum gestant , abortiunt priusquam crassescant .

45. Quaecunque vero moderate corpus habentes , abortiunt bimestres & trimestres , sine causa manifesta , his uteri acetabula mucos plena sunt , & non possunt foetum continere praegravitate , sed abruptitur .

46. Quaecunque praeter naturam crassae existentes , non concipiunt in utero , his omentum osculum uteri comprimit , & priusquam attenuentur , non concipiunt .

47. Si uterus in coxam incumbens , suppuratus fuerit , necesse est curationem ex medicamentis , per linamenta ipsi adhibere .

48. Foetus masculi quidem dextris , foeminae vero in sinistris magis .

49. Ut secundae excidant , sternutatorio indito , nares & os apprehendito .

50. Mulieri menses si cohibere voles , cucurbitam quam maximam ad mammam appone .

51. Quaecunque uterum gestant , his osculum uterorum clausum est .

52. Mulieri uterum gestanti si multum lac ex mammis fluat , debilem foetum significat . Si vero solidae fuerint mammae , saniolem foetum significant .

53. Quae corrupturae sunt foetus , his mammae graciles fiunt . Si vero rursus durae fiant , dolor erit aut in mammis , aut in coxis , aut in oculis , aut in ge-

nibus , & non corrumpunt .

54. Quibus os uterorum durum est , his necesse est osculum uterorum clausum esse .

55. Quaecunque in utero habentes , a febribus corripiuntur , & fortiter attenuantur sine manifesta occasione , difficulter pariunt & periculose : aut abortum facientes periclitantur .

56. In fluxu muliebri , convulsio & animi deliquium si accedat , malum est .

57. Mensibus pluribus prodeuntibus morbi fiunt , & non prodeuntibus , ab utero morbi contingunt .

58. Ex intestino recto , & utero inflammato , & ex renibus suppuratis urinæ stillicidium accedit . Verum ex hepate inflammato , singultus accedit .

59. Si mulier in ventre non concipit , velis autem scire an conceptura sit , vestimentis circumtectam ex infernis suffito . Et si quidem odor per corpus tibi procedere videatur ad nares & ad os , scito quod ipsa non propter seipsam infœcunda est .

60. Si mulieri uterum gestanti purgationes prodeunt , impossibile est foetum sanum esse .

61. Si mulieri purgationes non prodeunt , neque horrore , neque febre accedente : verum cibi fastidia ipsi accidunt , hanc in ventre habere existimato .

62. Quaecunque frigidos ac densos uteros habent , non concipiunt : & quaecunque humidos habent uteros , non concipiunt . Extinguitur enim in ipsis genitura . Et quaecunque siccos magis & adustos . Prae inopia enim alimenti corrumpitur semen . Quaecunque vero ex utrisque temperamentum habent moderatum , tales foecundae fiunt .

63. Similiter autem in masculis . Aut enim propter corporis raritatem , spiritus extra fertur , ut semen non deducatur :

cat : aut propter densitatem , humor non procedit foras : aut propter frigiditatem non concalescit , ut ad hunc locum congregetur : aut propter caliditatem , hoc idem contingit.

64. Lac dare caput dolentibus , malum . Malum etiam febricitantibus , & quibus præcordia elevata permurmurantia , & siticulosi . Malum & quibus biliosæ alvi egestiones in febribus acutis sunt , & quibus sanguinis multi egestio facta est . Convenit autem exhibere tabescentibus , non valde multum febrientibus , & in febribus longis , debilibus , nullo ex prædictis signis præsentate , sed præter rationem consumptis .

65. Quibus tumores in ulceribus apparent , non valde convelluntur , neque infaniunt . His autem derepente dissipatis , retrorsum quidem convulsiones & distentiones fiunt : antrorsum vero , insanix , lateris dolores acuti , aut suppuratio , aut dysenteria , si rubicundi magis fuerint tumores .

66. Si in vulneribus fortibus ac pravis tumor non appareat , magnum malum .

67. Tumores laxi , boni : crudi , mali .

68. Dolenti posteriorem capitis partem , vena recta in fronte secta prodest .

69. Rigores incipiunt , mulieribus quidem ex lumbis magis , & per dorsum ad caput . Verum & viris magis posteriore corporis parte quam anteriore , velut ex cubitis ac femoribus . Sed & cutis rara est . Indicat autem pilus .

70. Qui a quartanis corripuntur , non ita valde a convulsionibus corripuntur . Si vero prius corripiantur , & quartana insuper accedat , cessant .

71. Quibus cutis circumtenditur arida ac dura , hi sine sudore moriuntur . Quibus vero laxa ac rara , cum sudore moriuntur .

72. Morbo regio laborantes , non ita valde flatuosi sunt .

S E C T I O S E X T A .

IN diuturnis intestinorum lævitatibus , ructus acidus accedens , qui prius non erat , signum bonum .

2. Quibus nares natura humidiores , & genitura humidior , morbosius sani sunt : quibus vero vice versa , salubrius .

3. In longis intestinorum lævitatibus , cibi fastidium , malum : & cum febre , pejus .

4. Ulcera circumglabra , maligna sunt .

5. Dolores in lateribus , & in pectoribus , & in aliis partibus , an multum differant , considerandum est .

6. Renum affectiones , & quæ circa vesicam consistunt , operose sanantur in senibus .

7. Dolores circa ventrem oborientes , sublimes quidem leves sunt , non sublimes autem , fortiores .

8. Hydropicis facta ulcera in corpore , non facile sanantur .

9. Latæ pustulæ non valde pruriginosæ sunt .

10. Caput dolenti & circumdolenti , pus , aut aqua , aut sanguis fluens per nares , aut os , aut aures , solvit morbum .

11. Atrabiliis , & phreniticis , hæmorrhoides accedentes , bonum .

12. Hæmorrhoidas sananti diuturnas , si non una servata fuerit , periculum est hydropem , aut tabem accedere .

13. A sigultu detento , sternutationes accedentes solvunt singultum .

14. Ab hydropede detento , ubi aqua in venis ad ventrem confluit , solutio fit .

15. A profluvio alvi longo correpto ,

vomitus sponte accedens , solvit alvi profluvium .

16. A pleuritide ; aut peripneumonia occupato , alvi profluvium accedens , malum .

17. Lippientem alvi profluvio corripit , bonum .

18. Vesicam dissectam habenti , aut cerebrum , aut cor , aut septum transversum , aut tenue aliquod intestinum , aut ventriculum , aut hepar , lethale est .

19. Ubi dissectum fuerit os , aut cartilago , aut nervus , aut genæ pars tenuis , aut præputium , neque augetur , neque coalescit .

20. Si in ventrem sanguis effusus fuerit præter naturam , necesse est suppurari .

21. In infanientibus , varicibus aut hæmorrhoidibus accedentibus , insanix solutio fit .

22. Quicumque dolores ex dorso ad cubitos descendunt , venæ sectio solvit .

23. Si timor & tristitia multo tempore perseveret , atrabilarium hoc signum est .

24. Si ex intestinis tenuibus aliquod dissectum fuerit , non coalescit .

25. Ignem sacrum ab externis intro converti , non bonum : ab internis vero extra , bonum .

26. Quibus in febribus ardentibus tremores facti fuerint , mentis emotio solvit .

27. Quicumque suppurati aut hydrofici , secantur aut uruntur , hi pure aut aqua acervata effluente , omnino moriuntur .

28. Eunuchi non laborant podagra , neque calvi fiunt .

29. Mulier non laborat podagra , si non menses ipsi defecerint .

30. Puer non laborat podagra , ante veneris usum .

31. Oculorum dolores meri potus , aut balneum , aut fomentum , aut venæ sectio , aut medicamenti potio solvit .

32. Balbi ab alvi profluvio longo maxime corripuntur .

33. Acidum ructum habentes , non ita valde pleuratici fiunt .

34. Quicumque calvi sunt , his varices magni non fiunt . Quibuscunque vero calvis varices accedunt , hi rursus hirsuti fiunt .

35. Hydropicis tussis accedens , malum .

36. Urinæ difficultatem solvit venæ sectio . Secare vero oportet internas .

37. Ab angina detento tumorem fieri foris in collo , bonum est (foras enim morbus vertitur) .

38. Quibuscunque occulti cancri fiunt , eos non curare melius est . Si enim curantur , citius moriuntur . Si vero non curentur , multum tempus perdurant .

39. Convulsio fit aut a repletionem , aut evacuationem . Sic autem & singultus .

40. Quibuscunque circa præcordium dolores fiunt , absque inflammatione , his febris accedens dolorem solvit .

41. Quibuscunque suppuratum quid in corpore existens , significationem de se non præbet , his propter puris aut loci crassitudinem sui significationem non exhibet .

42. Morbo regio laborantibus hepar durum fieri , malum est .

43. Quicumque splenici a dysenteria corripuntur , his longa accedente dysenteria , aut hydrops accedit , aut intestinorum lævitas , & percunt .

44. Quibuscunque ex urinæ stillicidio volvulus accedit , hi in septem diebus pereunt , si non febre accedente urina satis fluxerit .

45. Ulcera quæcunque annua fiunt ,
aut

aut diutiore tempore durant , necesse est os abscedere , & cicatrices cavas fieri .

46. Quicumque gibbosi ex anhelatione aut cussi fiunt ante pubertatem , pereunt .

47. Quibuscunque venæ sectio , aut medicamentum conducit , his vere venam secare , aut medicamentum purgans exhibere convenit .

48. Splenicis dysenteria accedens , bonum .

49. Quicumque podagrici morbi fiunt , hi sedata inflammatione , in quadraginta diebus decedunt .

50. Quibus cerebrum dissectum fuerit , his necesse est febrem , & bilis vomitum accedere .

51. Quibuscunque sanis derepente dolores fiunt in capite , & statim voce intercepta jacent , ac stertunt , in septem diebus pereunt , si non febris apprehendat .

52. Considerare vero oportet etiam sub oculis apparitiones in somnis . Si enim albæ partis quid subapparuerit , non commissis palpebris , si id non ex alvi profluvio , aut medicamenti potione fuerit , malum signum , & valde lethale est .

53. Desipientiæ cum risu quidem oborientes , securiores sunt : cum studio vero serio , periculosiores .

54. In acutis affectionibus , quæ cum febre fiunt luctuosæ respirationes , malum .

55. Podagricæ affectiones vere & autumno ut plurimum moventur .

56. Atrabiliis morbis periculosi humorum a loco ad locum decubitus , aut siderationem corporis , aut convulsionem , aut insaniam , aut cæcitatem significant .

57. Siderationes vero maxime fiunt , ætate a quadagesimo anno usque ad sexagesimum .

58. Si omentum exciderit , necesse est putrefieri .

59. Quibuscunque a coxendicum morbo vexatis , coxa excidit , & rursus incidit , his mucii accedunt .

60. Quibuscunque a coxendicum morbo diuturno vexatis , coxa excidit , his crus tabescit , & claudicant , si non usti fuerint .

SECTIO SEPTIMA .

IN acutis morbis frigiditas extremarum partium , malum .

2. Ex osse ægrotante , caro livida , malum .

3. Ex vomitu singultus , & oculi rubicundi , malum .

4. Ex sudore horror , non bonum .

5. Ex insaniam , dysenteria , aut hydrodrops , aut mentis emotio , bonum .

6. In morbo diuturno cibi fastidium , & meracæ alvi egestionis , malum .

7. Ex multo potu rigor , & delirium , malum .

8. Ex tuberculi intus ruptione , exolutio ; vomitus , & animæ deliquium fit .

9. Ex sanguinis fluxu delirium , aut etiam convulsio , malum .

10. Ex volvulo vomitus , aut singultus , aut convulsio , aut delirium , malum .

11. Ex pleuritide peripneumonia , malum .

12. Ex peripneumonia phrenitis , malum .

13. Ex ardoribus vehementibus convulsio , aut distentio , malum .

14. Ex plaga in caput , stupor , aut delirium , malum .

15. Ex sanguinis sputo , puris sputum , malum .

16. Ex puris sputo , tabes , & fluxus , malum . Postquam vero sputum supprimitur , moriuntur .

17. Ex hepatis inflammatione singultus , malum .

18. Ex

18. Ex vigilia convulsio, aut delirium, malum.

19. Ex offis denudatione ignis facer, malum.

20. Ex igne sacro putrefactio, aut suppuratio, malum.

21. Ex forti pulsu in ulceribus, sanguinis eruptio, malum.

22. Ex dolore diuturno partium circa ventrem suppuratio, malum.

23. Ex meraca alvi egestione dysenteria, malum.

24. Ex offis dissectione delirium, si ad vacuum usque processerit.

25. Ex medicamento potione convulsio, lethale.

26. Ex dolore forti partium circa ventrem, frigiditas extremarum partium, malum.

27. Mulieri uterum gerenti, tenuis accedens abortire facit.

28. Quodcumque os præsectum fuerit, aut cartilago, aut nervus in corpore, neque augetur, neque coalescit.

29. Si a pituita alba detento, vehementis alvi profluvium accedat, solvit morbum.

30. Quibuscunque spumosa alvi egestiones sunt in alvi profluviiis, his de capite pituita defluit.

31. Quibuscunque febricitantibus, in urinis subsidentia crassiores farinae partes referentes fiunt, longum morbum significant.

32. Quibus vero biliosa subsidentia, superne tenues, acutum morbum significant.

33. Quibuscunque disparatae urinae sunt, his vehementis turbatio in corpore est.

34. Quibus in urinis bullae superstant, renum affectiones significant, & morbum fore longum.

35. Quibus pingue est id, quod su-

perstat, & acervatum, his renum affectiones, easque acutas significat.

36. Quibus vero jam nephriticis ex renibus affectis prædicta signa accidunt, doloresque circa musculos spinales fiunt, siquidem circa externos locos fiunt, etiam abscessus extrinsecus futuros expectata. Si vero dolores magis circa internos locos fiunt, etiam abscessus magis intus fore expectata.

37. Quicumque sanguinem vomunt, sine febre quidem, salutare est: verum cum febre, malum. Perfrigerantibus autem & adstringentibus curare oportet.

38. Defluxiones in ventrem supernum, in viginti diebus suppurantur.

39. Si quis sanguinem mingat, & grumos, & urinæ stillicidium habeat, & dolor incidat in ani ac scroti intercapedinem, & imum ventrem ac pectinem, partes circa vesicam agrotare significat.

40. Si lingua derepente impotens fiat, aut aliqua corporis pars siderata, atrabiliarium tale existit.

41. Si senioribus nimium purgatis singultus accedat, non bonum est.

42. Si febris non a bile habeat, aqua multa calida in caput affusa, febris solutio fit.

43. Mulier ambidextra non est.

44. Quicumque suppurati uruntur, (aut secantur,) siquidem pus purum fluat & album, evadunt. Si vero subcruentum, & cœnosum, ac graveolens, pereunt.

45. Quicumque hepar suppuratum uruntur, siquidem pus purum fluat, & album, superstites evadunt. In tunica enim pus his inest. Si vero velut amurca fluat, pereunt.

46. In doloribus oculorum, ubi merum bibendum dedisti, & multa calida

lida lavisti, venam secato.

47. Hydropicum si tussis vexet, desperatus est.

48. Urinæ stillicidium, & urinæ difficultatem, vini potus & venæ sectio solvit. Secare vero oportet internas.

49. Ab angina detento, tumor & rubor in pectore accedens, bonum. Foras enim vertitur morbus.

50. Quibuscunque corruptum fuerit cerebrum, in tribus diebus pereunt. Si vero has effugiunt, sani fiunt.

51. Sternutatio fit ex capite, percalescente cerebro, aut vacuo quod est in capite perhumescente. Aër enim qui intus est, foras erumpit. Strepitum vero edit, quia transitus est ipsi per angustum.

52. Quibuscunque hepar circumcirca dolet, his febris accedens solvit dolorem.

53. Quibuscunque sanguinem de venis auferre conducit, his vere venam secare convenit.

54. Quibus inter ventrem & septum transversum pituita conclusa est, & dolorem exhibet, non habens exitum ad neutrum ventrem, his per venas ad vesicam conversa pituita, morbi solutio fit.

55. Quibus hepar aqua repletum, ad omentum eruperit, his venter aqua impletur, & moriuntur.

56. Anxietatem, oscitationem, horrorem, vinum æquali mensura aquæ ammixta potum solvit.

57. Quibus in urinaria fistula tubercula fiunt, his suppuratione facta & eruptione, solvitur dolor.

58. Quibus cerebrum concussum fuerit ex aliqua causa, eos statim voce privari necesse est.

Si febre detento collum intorqueatur, & deglutire non possit, nullo tumore existente in collo, lethale.

59. Corporibus humidis carnes habentibus, famem inducere oportet; fames enim corpora siccant.

60. Ubi in toto corpore mutationes, & corpus perfrigeratur, & rursus calefit, aut color alius ex alio mutatur, longitudinem morbi significat.

61. Sudor multus, calidus aut frigidus, semper fluens, humorem abducere oportere significat, forti quidem superne, debili vero, inferne.

62. Febres non intermittentes si per tertiam fortiores fiant, periculosæ sunt. Quocunque vero modo intermiserint, sine periculo esse significat.

63. Quibus febres longæ sunt, his aut tubercula, aut ad articulos dolores fiunt.

64. Quibus tubercula diutina, aut ad articulos dolores ex febribus fiunt, hi cibis pluribus utuntur.

65. Si quis febricitanti cibum det, sano quidem robur, ægroto vero morbus est.

66. Quæ per vesicam prodeunt, inspicere oportet, an qualia sanis prodeunt. Quæ igitur minime similia his sunt, ea morbosiora sunt. Quæ vero similia sanis, ea minime morbosa.

67. Et quibus alvi egestionem, si stare permiseris, & non moveris, subsistunt veluti ramenta, si paucæ fuerint, modicus morbus est: si multæ, multus. His confert subpurgare alvum. Si vero non purgata alvo sorbitiones dederis, quanto plures dederis, magis lædes.

68. Quibuscunque cruda deorsum secedunt, ex atra bile sunt; si plura, copiosiore: si pauciora, pauciore.

69. Excreationes in febribus non intermittentibus lividæ, & cruentæ, & graveolentes, & biliosæ, omnes malæ sunt. At probe secedentes, bonæ, & per

per alvum, & per vesicam, & ubi sane quid secedens constiterit non purgatum, malum.

70. Corpora quæcunque quis purgare voluerit, fluida facere oportet. Et si quidem sursum, sistere alvum. Si vero deorsum, humectare.

71. Somnus, vigilia, utraque modum excedentia, morbus.

72. In non intermittentibus febribus, si externæ quidem partes frigidæ fuerint, internæ vero ardeant, & sitis habeat, lethale est.

73. In febre non intermittente, si labium, aut nasus, aut oculus, aut supercilium distorqueatur: aut non videat, aut non audiat æger jam debilis existens: quicquid horum fiat, propinqua mors est.

74. Ex pituita alba, hydrops accedit.

75. Ab alvi profluvio, dysenteria.

76. A dysenteria, intestinorum lævitas accedit.

77. Ex corruptione, abscessus ossis.

78. Ex sanguinis vomitu, tabes, & puris purgatio sursum. Ex tabe, fluxus ex capite. Ex fluxu, alvi profluvium. Ex alvi profluvio, suppressio purgationis sursum versus. Ex suppressione, mors.

79. Qualia etiam sint in vesicæ ac alvi egestionibus, inspicere oportet, & in his, quæ per carnes excernuntur, & sicubi alibi a natura recedat corpus, si parum, parvus est morbus: si multum, multus: si vero valde multus sit recessus, lethale hoc est.



A P H O R I S M I

Interjecti.

S E C T I O O C T A V A.

QUicunque supra quadraginta annos phrenitici fiunt, non ita valde sani fiunt. Minus enim periclitantur, quorum naturæ, & ætati, morbus affinis fuerit.

2. Quibuscunque in ægreditudinibus oculi ex voluntate lachrymantur, bonum. Quibus vero citra voluntatem, malum.

3. Quibus in febribus quartanis sanguis ex naribus fluxerit, malum est.

4. Sudores in diebus judicatoriis oborientes, vehementes, & veloces, periculosi sunt, qui expelluntur ex fronte velut guttæ, & aquæ salientes, & frigidi valde ac multi. Neceffe est enim talem sudorem prodire cum violentia, & doloris excessu, ac expressione diuturna.

5. Ex morbo diuturno, etiam alvi defluxus, malum.

6. Quæcunque non sanant medicamenta, eâ ferrum sanat. Quæ ferrum non sanat, ea ignis sanat. Quæ ignis non sanat, ea incurabilia putare oportet.

7. Tabes iis maxime ætatibus fiunt quæ a decimo octavo sunt usque ad tricesimum quintum.

8. Quæ secundum naturam ad tabem vergunt, omnia quidem vehementia, quædam vero etiam lethalia. Secundum autem erat, si eo tempore ægrotet, quo tempus ipsum morbo opem fert, quemadmodum febre ardenti ætas, hydro-pico hyems; id enim quod est a natura, victoriam obtinet, at spleni plus affert timoris.

9. Lin-

9. Lingua nigra atque cruenta, cum quid horum signorum abest, non admodum malum; morbum enim minorem significat.

10. Hæc igitur in febribus acutis observare oportet, uti noscamus quando quis moriturus sit, & quando evasurus.

11. Testis dexter frigidus convulsusque, mortiferum est.

12. Ungues nigri, & digiti manuum ac pedum frigidi, contracti vel remissi, mortem proximam esse significant.

13. Labra livida, aut etiam resoluta, & inversa, & frigida, mortifera.

14. Aures frigida, pellucida, contracta, lethales sunt.

15. Et tenebricosa vertigine laborans, & lucem averfans, & somno ac ardore multo detentus, desperatus est.

16. Et qui paulatim rabie agitari

incipit, & non agnoscit, neque audit, neque intelligit, exitio proximus est.

17. Morituris signa hæc multo fiunt manifesta, & venter attollitur, atque inflatur.

18. Terminus vero mortis est, cum animæ calor supra umbilicum ad locum septo transverso superiorem ascendit, & omnis humor exurit. Cum autem pulmo & cor calore in mortiferis locis coacervato humorem amiserint, caloris spiritus confertim exhalat, cujus ope totum cum toto compactum erat. Præterea partim per carnes, partim per capitis spiracula, unde vivere dicimus, relinquens anima corporis domicilium, frigidum & mortale simulacrum, una cum bile, sanguine, pituita, & carne, deditioe reddit.

H I P P O C R A T I S

D E

PRINCIPIIS aut CARNIBUS.



Go ad hunc usque sermonem communibus sententiis utor, tum aliorum qui me præcesserunt, tum etiam meis. Neesse enim est commune principium sententiis supponere eum, qui velit hanc de arte medica tractationem componere. Verum de rebus sublimibus in aëre ac cælo, neque opus habeo dicere, nisi quod quantum ad hominem & reliqua animantia, quæ sunt, & nata sunt, pertinet, demonstrabo, & quod anima sunt, & quod sanitas, & quod morbus, & quod in homine malum ac bonum, & unde

moritur. Nunc autem ipse meas sententias profero.

Et videtur sane mihi id quod calidum vocamus, immortale esse, & cuncta intelligere, & videre, & audire, & scire omnia tum præsentia, tum futura. Hujus igitur plurima pars, quum turbata essent omnia, in supernam circumferentiam secessit. Et videntur mihi ipsum veteres Æthera nominasse. Altera pars inferna, appellatur Terra, frigidum quid & siccum, & multis motionibus obnoxium, & in hac sane multum calidi inest. Tertia pars Aëris, medium locum occupavit, calidum quid ac hu-

midum existens. Quarta vero pars terræ proximum locum cepit, humidissimum quid, ac crassissimum.

2. Hæc itaque quum turbata essent, & in orbem circumvoluerentur, multa calidi pars in terra conclusa est, alibi major, alibi minor, alibi valde pauca, alibi copia multa: & temporis progressu terra a calido arefacta, hæc conclusa in ipsa putredines faciunt veluti tuniculas, & quantum quidem ex putredine terræ pingue fuit, & minimum humoris habuit, id ipsum per multum tempus calefcens, celerrime exustum est, & in ossa mutatum. Quæ vero glutinosiora fuerunt, & frigiditate participarunt, ea calefacta exuri non potuerunt, neque vere liquida fieri, propterea speciem alieniorem ab aliis acceperunt, & nervi solidi facti sunt. Neque enim multum frigiditatis ipsis inerat. Verum venæ frigiditatis multum habebant, atque ejus frigidi quantum circumcirca glutinosissimum erat, a calido exassatum, membrana evasit; frigidum vero, quod erat a calido superatum, dissolutum est, & ob id liquidum factum.

3. Juxta eandem autem rationem etiam fauces, & stomachus sive gula, & venter, & intestina in podicem usque, cava facta sunt. Quum enim frigidum semper calefcit, quantum ejus circumcirca glutinosum erat, exassatum est, & membrana tunica facta est. Quod vero intra frigidum erat, colliquatum est, & factum est liquidum. Non enim erat in ipso neque pingue, neque glutinosum multum. Juxta eandem rationem etiam vesica. Multum frigidum, quod ipsam circumcirca conclusit, a calido calfactum, dissolutum est, & evasit liquidum, quum neque pingue, neque glutinosum in ipso esset: quod vero

supererat, tunica evasit. Sed & de aliis, quæ cava sunt, eodem modo res se habet. Ubi enim plus glutinosi quam pinguis erat, membrana tunica facta est. Ubi vero pinguis plus quam glutinosi, ossa facta sunt.

4. Eadem ratio & ossium est. Ubi quidem non inerat glutinosi, verum pinguis & frigidi, citius exusta sunt propter pinguitudinem, atque hæc ossa durissima & rigidissima existunt. Ubi vero pingue & glutinosum similia sunt, hæc ossa antrosa sunt. Et de his quidem sic habet. Frigidum quidem congelat. Calidum autem diffundit; in multo vero tempore etiam exsiccat. Ubi autem pinguitudinis aliquid affuerit, citius exurit, & siccat. Ubi vero glutinosum affuerit frigido, citra pinguitudinem, exuri non vult, sed tempore calefcens congelatur. Cæterum cerebrum sedes & metropolis est frigidi ac glutinosi. Calidum vero pinguis sedes & metropolis est. Quod enim calefcit, primum omnium, quum diffunditur, pingue fit. Et propterea cerebrum, quia minimum pinguitudinis habet, plurimum vero glutinositatis, a calido exuri non potest, sed tempore tunicam, membranam crassam accepit, circum membranam vero ossa, quantum calidum superavit, & in quibus pinguitudo erat.

5. Sed & medulla spinalis appellata, a cerebro descendit, & non est in ipsa neque pinguis, neque glutinosi multum, quemadmodum & cerebro: & propterea neque nomen medullæ juste possidet. Non enim est alii medullæ similis, quæ in aliis ossibus inest. Sola enim membranas habet, quas alia medulla non habet. Signa porro horum manifesta sunt. Si quis enim nervosa & glutinosa, itemque alia affare velit, alia

alia quidem cito affantur: verum nervosa & glutinosa affari non volunt, minimum enim pinguitudinis habent. Pinguissimum autem & unguinosum celerime affatur. At vero viscera sic mihi constituta esse videntur: nam de venis prius a me dictum est.

6. Cor multum glutinosi ac frigidi habet, & a calido calfactum, caro evasit dura & viscosa, & membrana circum ipsum, & cavum factum est, non quemadmodum venæ: situm est in capite venæ cavissimæ. Duæ enim sunt cavæ venæ a corde, alteri nomen est arteria, alteri vena cava, juxta quam cor situm habet. Et plus habet calidi arteria, quam vena cava, & spiritum condit ac conservat. Verum præter has duas venas, etiam aliæ in corpore sunt. Cavissima autem vena, ad quam cor situm est, per ventrem omnem transit, & per septum transversum, & in utrumque renem finditur, & in lumbis finditur, & exilit tum in alias partes, tum in crus utrumque. Sed & supra cor ad cervicem, partim in dextram, partim in sinistram: & tunc in caput ascendit, & in temporibus finditur utrinque. Possunt autem & numero maximæ venæ dici. Verum in summa, a vena cava, & ab arteria, aliæ venæ per totum corpus fissæ sunt: cavissimæ autem sunt prope cor, & cervicem ac caput, & infra cor usque ad coxendices.

7. Et calidum plurimum in venis ac corde inest; & propterea spiritum cor trahit, utpote quod omnium intra hominem membrorum calidissimum existat. Proclive est autem condiscere, quod spiritus calidus est. Cor & venæ cavæ semper moventur. Potest etiam aliter cognosci. Si quis ignem in domo accendere velit, quum ventus

non inspirat, flamma movetur, aliquando magis, aliquando minus. Sed & lucerna accensa & ardens, eodem modo movetur, modo magis, modo minus, vento nullo movente, quem sane nos spirantem cognoscere possimus, & alimentum calido frigidum existit.

8. Cæterum puer in utero comprimens labra ex utero matris fugit, & tum alimentum, tum spiritum; cordi intro trahit, ubi sane mater respiravit. Est enim hoc calidissimum in puero, & hoc calidum etiam reliquo corpori, & aliis omnibus partibus motum præbet. Si vero quis interroget, quomodo hoc quis sciat, quod puer in utero trahit & fugit: illi sic respondendum est. Pueri nascuntur stercus in intestinis habentes: & ubi nati fuerint, celerime ventrem tum homines, tum pecora exonerant. Atqui non haberent stercus, nisi in utero suxissent. Imo neque mammam statim ut natum est sugere nosset, si non in utero suxisset. Et de motu cordis ac venarum sic habet.

9. Porro pulmo juxta cor ita natus est. Cor ex humido quod glutinosissimum erat calfaciens cito exsiccavit, veluti spumam, fecitque antrosum, & venulas multas in ipso. Venulas autem ideo fecit. Quantum enim in glutinoso inerat frigidi, id ipsum quidem a calido colliquatum est, & liquidum evasit. Ab ipso vero glutinoso tunica facta est. At vero jecur sic compactum est. Quum una cum calido multum humidi conclusum esset, citra glutinosum ac pingue, frigidum superavit calidum, & congelatum est. Hujus signum hoc est. Quando quis victimam mactat, donec calidus fuerit, liquidus est sanguis: postquam autem perfrigeratus est, congelatur. Si vero quis ipsum conquasset, & fibras eximat,

non congelatur, fibræ enim frigidae sunt & glutinosæ. Splen autem hoc modo constitutus est. Cum calido & glutinoso conclusum fuit, calidum quidem plurimum, frigidi autem minimum, tantum solummodo quantum ad glutinosi compactionem satis erat: sunt autem id fibræ in splene existentes, & propter has fibras, mollis est splen, & fibrosus.

10. Renes porro sic producti sunt. Parum glutinosi, parum calidi, multum frigidi conclusum fuit, & ab hoc congelatum est, & durissimum viscus evasit & minime rubrum, quia non multum calidi simul constitit. Eadem de carnibus ratio est. Frigidum quidem constituit & compegit ac fecit carnem, glutinosum autem in foramina transit. In foraminibus autem his humidum est, velut in venis magnis. Calidum autem in toto corpore est, plurimum vero & humidum in corpore est, & frigidi multum in humido: tantum autem est frigidi, quantum congelare humidum ac liquidum potest, sed superatur a calido, quare etiam ab ipso diffunditur. Quod vero humidum calidum est hac demonstratione confirmatur. Si quis corpus hominis secet, ubicunque velit, sanguis calidus fluet, & quamdiu sane calidus fuerit, liquidus erit: postquam vero refrigeratus est, tum ab intrinseco frigido, tum extrinseco, pellicula fit & membrana: & si quis hac pellicula detracta, modico tempore sinat, aliam pelliculam factam videbit: si vero quis hanc semper adimat, alia rursus pellicula a frigido generatur. Cæterum ea gratia plura dixi, ut ostenderem, quod extremum corporis ad ærem conversum, necessario pelliculam induit, præ frigido & ventis impetentibus.

11. At vero articuli sic generati sunt. Quum ossa facta essent, quæcunque quidem ex ipsis pinguia erant, celerime exusta sunt, quemadmodum etiam prius dictum est superiore sermone. Quantum autem ex ipsis glutinosum erat, id ipsum exuri non poterat, sed medio inter ustum & siccatum loco contentum, a calido in nervos, salivam ac mucum transivit; quantum autem ex glutinoso liquidissimum erat, hoc calfactum crassius redditum est, utpote liquidum existens, & ex hoc saliva facta est. Verum ex illo glutinoso ungues producti sunt. Etenim ab ossibus & articulis semper liquidissimum ipsorum discedens, & glutinosum redditur, & a calido siccatum ac arefactum, foras in ungues delegatur.

12. Dentes autem posterius generantur ex hac causa. Ex ossibus capitis ac maxillarum incrementum fit glutinosi, & quod ex pingui inest, a calido siccatum exurit, & fiunt dentes reliquis ossibus duriores: quia nihil frigidi inest. Et primi quidem dentes nascuntur a victu in utero, & postquam natus fuerit, puero lactenti a lacte. Ubi vero hi exciderint, a cibis & potibus. Excident autem, ubi ad annos primi alimenti pervenerint. Quibusdam etiam prius, si a morbido alimento nati fuerint. Plurimis vero quum septem annos impleverunt. Qui vero postea enascuntur, simul consenescent, nisi præ morbo perforentur. Cæterum dentes propterea posterius aliis nascuntur. In maxilla venæ sunt, & hæ huic ossi soli inter omnia ossa, ex inferno ventre alimentum præbent. Ossa vero tale augmentum dant, qualia existunt: sed & alia omnia tale augmentum reddunt, qualia ipsa existunt. Etenim venæ ex ventre ac intestinis, in quæ cibi ac potus

potus colliguntur, postquam hi fuerint calfacti, tenuissimum ac liquidissimum trahunt, crassissimum autem & fex isthic relinquitur, computrescitque & fit stercus in inferioribus intestinis.

13. Tenuissimum vero trahunt venæ ex ventre ac intestinis, quæ supra jejunum intestinum existunt, atque hoc calfactis jam cibus. Ubi autem jejunum intestinum transierint, & in inferiora intestina collecti fuerint, stercus fiunt. At vero alimentum ubi accesserit, unumquodque talem speciem unicuique reddit, qualia sane erant. Singula enim ab alimento irrigata augmentum capiunt, calidum, & frigidum, & glutinosum & pingue, & dulce, & amarum, & ossa, & alia universa, quæ in homine insunt. Et ob id dentes posteriori nascuntur. Dictum autem a me prius est, quod solæ ex ossibus maxillæ, ipsæ in seipsis venas habent: & ob id alimentum amplius in ipsas quam in alia ossa trahitur; & quia uberius alimentum, & densiorem influxum habent, augmentum ipsæ a seipsis tale pariunt, quales sane ipsæ existunt, atque hoc donec homo integer augetur. Augescit autem ubi conspicuus evadit, conspicuus vero fit maxime a septennio, usque ad decimum quartum annum; & in hoc tempore tum maximi ex dentibus, tum alii omnes nascuntur, postquam exciderint hi, qui ab alimento in utero nati sunt.

14. Augescit autem & in tertium annorum septenarium, in quo adolescens fit, usque ad quartum & quintum septenarium. Quin & in quarto septenario dentes enascuntur, plerisque hominibus duo, qui sapientiæ dentes appellantur.

15. Porro capilli sic nascuntur. Ossa sunt & cerebrum a quibus tale augmentum venit, utpotè glutinoso cir-

cumcirca existente, quemadmodum & nervis, & pinguitudinis nihil inest. Si enim pinguitudo affuisset, ex calido sane exusta esset. Fortassis autem mirabitur quis, quod etiam sub alis & in pube pili multi, & quibusdam in toto corpore existunt. Verum hic sermo de eo est, quod ubicunque in corpore glutinosum est, ibi pili a calore fiunt.

16. Auditus autem inde contingit. Foramina aurium ad os durum & siccum lapidi simile pertingunt. Jam vero ad ipsum os est cavitas antrofa. Strepitus autem ad durum firmantur, os autem cavum resonat per durum. Pellicula vero in aure juxta os durum tenuis est, velut aranei tela, & omnium pellicularum siccissima. Quod autem id quod siccissimum est maxime resonat, multa signa sunt. Quum igitur plurimum resonat, maxime audimus. Et sunt quidam, qui de natura scribentes prodiderunt, quod cerebrum est quod sonum edit. Hoc autem fieri non potest. Ipsum enim cerebrum humidum est, & membrana sive tunica circum ipsum humida est & crassa, itemque circum tunicam ossa. Nullum igitur humidum resonat, sed sicca: resonantia autem auditum faciunt.

17. Olfacit porro cerebrum humidum existens, aridorum odorem una cum aëre, per corpuscula cartilaginosa ipsum trahens. Cerebrum in cavitatem nasi pertingit, atque hac parte non est ante ipsum os aliquod, sed cartilago mollis velut spongia: neque caro, neque ossiculum. Et ubi quidem cavitas nasi sicca fuerit, ipsum seipso exactius arida olfacit. Aquam enim non olfacit. Humidior est enim quam cerebrum, nisi sit putrefacta. Putrefacta enim aqua crassior fit, & alia omnia. Quum vero nares humectæ fuerint, olfacere non pos-

possunt. Non enim aerem attrahit cerebrum ipsum ad seipsum. Similiter etiam ubi cerebrum ipsum de seipso plurimum liquefecerit, in palatum, & fauces, & pulmonem ac reliquum ventrem: cognoscunt autem hoc homines, & ex capite destillare dicunt: destillat autem & in reliquum corpus. Et est modus ejus calidus.

18. At vero visus propterea contingit. A cerebri membrana vena in utrunque oculum per os descendit: per has duas venulas, quod est glutinosissimi tenuissimum de cerebro percolatur, & propterea ipsam circum ipsum oculum tunicam talem facit, quale est ipsum oculi pellucidum, quod ad aërem vergit, ad quod venti ac flatus irruunt, eadem plane ratione, quemadmodum de aliis membranis ac tunicis dixi. Sunt autem multæ hæ tunicæ præ oculis pellucidæ, quales ipsi existunt. Huic enim pellucido lumen & omnia splendida relucet, per hoc igitur relucens videt: quod vero non splendidum est, neque relucet, per hoc non videt. Verum reliquum quod circum oculos est album, caro est. Quæ vero pupilla oculi appellatur, nigra apparet, ob id quod in profundo est: & tunicæ circum ipsam nigræ sunt. Tunicam autem appellamus id, quod velut pellicula inest. Est autem non nigra si quis inspiciat, sed alba ac pellucida. Humidum vero oculi, glutinosum existit. Sæpe enim vidimus in oculo rupto exire humorem glutinosum: & siquidem adhuc calidus fuerit, liquidus est: postquam vero refrigeratus est, ficcus evadit, velut thus transparent. Atque hoc & in hominibus & in brutis similiter habet. Cæterum oculum molestia afficit omne quod inciderit, & venti irruentes, & alia quæ splendidiora sunt, quam ipse est.

Et si quis interroget, respondere licet, propterea quod consimilis coloris existunt. Quemadmodum os, & lingua, & reliquus venter, humida sunt.

19. Sermonis porro facultas inde est. Totum corpus spiritum intro trahit, plurimum vero in cavitates sibi ipsi accumulatur. Is autem, qui per inane foras currit, strepitum facit, caput enim resonat, lingua vero articulatur, occurrens in faucibus, obturansque ac pellens ad palatum & dentes, claritatem ejus facit. Si autem lingua semper occurrens non articuletur, non posset homo clare differere, sed singula a natura unam vocem haberent. Hujus signum est. Muti ex nativitate differere non possunt, sed unam tantum vocem sonant, etiam si quis spiritum efflans sermonem proferre conetur. Manifestum autem hoc est. Homines ubi voluerint magnam vocem edere, attrahentes spiritum externum, eum foras propellunt, & magnam vocem edunt, prout spiritus durat, postea vero vox contabescit. Sed & citharædi, quum ipsos vocem intendere oportuerit, spiritum quamplurimum intro trahentes, prononciationem extendunt, & vociferantur, ac vocem magnam edunt, prout spiritus duravit: ubi vero spiritus defecerit, desinunt. Ex quibus manifestum est, quod spiritus est, qui vocem edit. Vidi autem jam quosdam, qui sibi ipsis manu illata guttur penitus persecuerant, atque hi vivunt quidem, verum nullam vocem edunt, nisi quis guttur constringat, hi autem sermonem proferunt. Manifestum vero & hoc est, quod præfecto gutturo spiritum attrahere intro in cavitates non possunt, sed per præfectam partem exhalat. Sic sane res de voce ac sermone se habet.

D E G E N I T U R A .



Ex quidem omnia corroborat . Verum genitura viri provenit ab omni humido, quod in corpore existit, ita ut id quod robustissimum est secernatur . Argumentum autem ejus, quod robustissimum secernitur, hoc est: quod a veneris usu paucula adeo re emissa, imbecilles reddimur . Habet autem res hoc modo . Venæ & nervi ab omni corpore in pudendum vergunt, quibus dum aliquantulum teruntur, & calescunt ac implentur, velut pruritus incidit, & ex hoc toti corpori voluptas ac caliditas accidit . Quum vero pudendum teritur, & homo movetur, humidum in corpore calescit, ac diffunditur, & a motu conquassatur, ac spumescit: quemadmodum etiam alii humores omnes conquassati spumescunt .

2. Sic autem in homine ab humido spumescente id, quod robustissimum est ac pinguißimum, secernitur, & ad medullam spinalem venit . Tendunt enim in hanc ex omni corpore viæ, & diffundunt ex cerebro in lumbos, ac in totum corpus, & in medullam: & ex ipsa medulla procedunt viæ, ut & ad ipsam humidum perferatur, & ex ipsa secedat . Postquam autem ad hanc medullam genitura pervenerit, procedit ad renes, hac enim via tendit per venas: & si renes fuerint exulcerati, aliquando etiam sanguis simul defertur: a renibus autem transit per medios testes in pudendum . Procedit autem non qua urina, verum alia ipsi via est illi con-

tigua . Et sane qui somnia venerea habent, propterea per somnum genituram effundunt, quum humidum in corpore diffusum & calfactum fuerit, & sive ex labore, sive alia quapiam re spumuerit, dum ab ipso secernitur, coitus imaginem repræsentat . Habet enim humiditas hæc similiter ut in coëuntibus . Sed non est mihi de his, qui per somnum semen emittunt, & de toto morbo quid est, & quæ operatur, & quare coitus locum expleat, sermo; atque hæc quidem de hoc dicta sufficiunt .

3. Cæterum eunuchi propterea non coëunt, quia genituræ transitus ipsis sublatus est . Est enim per ipsos testes via ejus, & nervi tenues ac crebri ex testibus in pudendum tendunt, quibus & elevatur, & demittitur: atque hi nervi in exsectione dum castrantur, rescinduntur; quapropter non sunt utiles eunuchi . Nam nervis ipsorum extritis, genituræ via obturata est . Callus enim obducitur testibus, & nervi duri ac torpentes a callo facti, pudendum neque tendere, neque laxare possunt . Quibuscunque vero juxta aures venæ sectæ sunt, hi coëunt quidem, & genituram emittunt, verum modicam & debilem ac infœcundam . Nam plurima genituræ pars a capite juxta aures in spinalem medullam procedit . Ipse autem transitus, cicatrice sectioni inducta, consolidatus est .

4. At vero pueris venulæ tenues, & repletæ existentes, genituræ transitum impediunt, & pruritus ipsis non similiter accedit, & propterea neque conquaf-

quassatur in corpore humidum ad genituræ secretionem. Quin & virginibus quousque juvenulæ fuerint, menses non procedunt, propter eandem causam. Postquam autem adoleverint & virgo, & puer, venæ in pudendum pueri tendentes, itemque virginis uterum, amplæ fiunt præ augmento, & oscula ipsarum aperiuntur, & via ac transitus per angustias contingit, & humidum tunc etiam agitationem habet. Nam spatiositas ipsi tunc ab agitatione ac conquassatione contingit: & puero sane procedit genitura ubi plene puber fuerit ob hanc causam, itemque virgini menses; atque hæc mihi sic demonstrata sunt.

5. Porro genituram dico a toto corpore secerni, & a solidis, & a molli- bus partibus, & ab humido omni in toto corpore. Sunt autem humidi species quatuor, sanguis, bilis, aqua, & pituita. Tot enim species congenitas homo in seipso habet, & ab his morbi fiunt, aut etiam ex morbis discretionibus. Et hæc quidem dicta sunt a me de genitura, unde fiat, & quomodo, & quare, & quibus genitura non est, & quare non est, & de mensibus virginum, & quod mulieribus in coitu, dum confricatur ac teritur pudendum, & uteri moventur, velut pruritus in ipsos incidat, & quod reliquo corpori voluptas ac caliditas accedat.

6. Emittere autem & mulier a corpore genituram, aliquando in ipsum uterum, qui sane inde humidus evadit: aliquando foras, si uterus magis, quam opportunum est, hiarit. Et delectatur mulier ubi coire inceperit per omne tempus, donec vir semen emiserit. Et si quidem appetit viro commisceri, prius quam vir emittit, & de cætero non similiter delectatur. Si vero non appetit, simul cum viro delectari desinit;

& habet res hoc modo, quemadmodum si quis in ferventem aquam, alteram frigidam infundat, illa fervere cessat. Sic genitura viri in uterum illapsa, caliditatem & voluptatem mulieris extinguit. Exilit autem voluptas & caliditas simul cum genitura in uteros illabente, deinde desinit; quemadmodum si quis in flammam vinum infundat, primum quidem contingit flammam exilire, & per modicum tempus augeri, ad vini infusionem, deinde desinere. Ita etiam mulieri caliditas exilit ad genituram viri: deinde desinit. Cæterum multo minus delectatur fœmina, quam vir in coitu, & vir etiam tempore longiore. Propterea autem quod vir magis delectatur, secernitur ipsi de repente ab humido, fortiori turbatione ac agitatione quam mulieri.

7. Habet autem & hæc res hoc modo. Mulieres si cum viris coeant, magis sanæ sunt: si non, minus. Nam & uteri simul humidi fiunt in commixtione: qui enim sicci sunt magis quam convenit, fortiter contrahuntur, ubi vero fortiter contrahuntur, dolorem corpori afferunt: & simul coitus sanguinem calefaciens ac humectans, viam faciliorem mensibus facit. Mensibus autem non procedentibus, corpora fœminarum morbosa fiunt. Quapropter autem morbosa fiunt, in muliebribus morbis referetur. Et de his quidem hæctenus. Postquam autem coivit mulier, si quidem conceptura non est intra seipsam, pro more foras procedet genitura ab utrisque, ubi fœmina volet. Si vero conceptura est, non procedit foras, sed manet in utero genitura. Nam uteri susceptam & conclusam in sese continent, osculo nimirum ipsorum præ humiditate contracto & concluso, simulque permiscetur,
tum

tum quæ a viro venit, tum quæ a muliere emissa est. Quod si fœmina partus perita sit, & cognoverit quando genitura non exciderit, sed intus manserit, sciet qua die intra seipsam concepit. Habet autem & hoc sic. Quandoque quidem fortius est semen a muliere emissum, aliquando vero debilius. Similiter etiam quod vir emisit. Et est tum in viro fœmineum itemque masculum semen, tum itidem in muliere. Fortior autem masculus fœmina est; necesse igitur est ipsum a fortiore semine generari, habetque res hoc modo. Si ab utrisque semen fortius prodierit, masculus erit partus: si vero debile, fœmina nascetur. Utrum autem multitudine ac copia prævaluerit, juxta illud ipsum partus nascetur. Si enim multo plus fuerit debilis feminis quam fortioris, superatur forte, & debili permixtum, in fœminam transit. Si vero plus fuerit fortis feminis quam debilis, superatur debile, & in marem transit. Quemadmodum si quis ceram & adipem misceat, & de adipe tamen plus conjiciat, eaque ad ignem liquefaciat, quandoque quidem liquida fuerint, non apparet utrum tandem horum superet: ubi vero congelata fuerint, tunc jam conspicuum est, quod adeps ceram copia exuperat. Sic habet etiam masculi ac fœminæ genitura. Quod vero & in fœmina, & in viro, genitura fœminea sit ac mascula, ex factis manifestis conjectare licet. Multæ enim mulieres jam fœminas pepererunt ex propriis viris, verum ad alios viros transgressæ, masculos genuerunt. Et viri illi ipsi apud quos mulieres fœminas pepererunt, ad aliarum mulierum mixturam progressi, masculos genuerunt; & quibus masculus sexus gignebatur, aliis fœminis permixti fœmineam sobolem genuerunt.

Tom. I.

Atque hæc sane ratio declarat tum virum, tum fœminam, & fœmineam & masculam genituram habere. Nam apud quos viros, fœminas pariebant, superabatur fortius semen a copia debilioris, & gignebantur fœmellæ. Apud quos vero masculos pariebant, superabatur debilius, & gignebantur mares. Procedit autem non semper ab eodem viro genitura fortis, sed neque semper debilis, sed alias alia: atque sic etiam in muliere res habet: ut minime mirandum sit, easdem fœminas, eosdemque viros, sobolem masculam & fœmineam producere. Habet autem & in brutis genituræ fœmineæ ac masculæ ratio eodem modo: Et in ipsa genitura egreditur & fœmineum, & masculinum, ab omni corpore, & a debilibus debilis, & a fortibus fortis: & necesse est sic in partum distribui.

8. Et ex quacunque corporis viri parte plus prodierit in genituram, quam mulieris, partus ille magis similis erit patri. Undecunque vero a corpore mulieris plus venerit, magis assimilabitur matri. Est autem impossibile, partum per omnia matri similem esse, & patri nihil, aut vice versa, neque alteri quicquam similem esse: sed utrisque necesse est in aliquo similem esse, siquidem ab utrisque corporibus semen in partum procedit. Uter autem tandem plus contulerit ad similitudinem, & a pluribus corporis regionibus, illi magis similis est. Contingitque aliquando ut filia nata, majori ex parte magis similis sit patri quam matri, & filius natus aliquando magis similis est matri quam patri. Atque hæc tam multa a me relata declarant superiorem sermonem, quod & in muliere, & in viro tum mascula, tum fœminea genitura existat. Contingit autem & hoc. Quan-

H

do-


doque partus tenues & debiles generantur, ex patre & matre crassis ac robustis. Et siquidem (multis jam generatis pueris) tale quid contingat, manifestum est quod fœtus in utero ægrotavit, & ab utero quid de suo ipsius incremento foras prodiit, utero nimirum amplius hiante: & propterea debilis factus est. Unumquodque autem animal juxta proprium robur ægrotat. Si vero omnes pueri nati debiles fuerint, uteri ipsi in causa sunt, angustiores quam oportet existentes. Si enim non habuerint spatiositatem, in qua fœtus nutriri possit, necesse est ipsum tenuem fieri, utpote qui non habeat satis amplum locum ad incrementum capiendum. Si vero habeat satis amplum locum, & non ægrotet, verisimile est ex magnis parentibus magnam sobolem generari. Habet autem res hoc modo. Quemadmodum si quis cucumerem, qui jam defloruit, sit autem adhuc tenellus, & in cucumerario adhuc adhæreat, ponat ac immittat in vas angustum, æqualis ac similis evadet cavitati ipsius vasis. Si vero quis eundem in vas amplum indet, quod verisimile sit cucumeris capax esse, sed non valde multo majus quam pro cucumeris natura, æqualis itidem ac similis erit cucumis vasis ampli cavitati. Nam in augescendo cum vasis cavitare contendit; & ferme omnia nascentia sic habent, quo modo quis ipsa cogat. Sic sane & in puero se res habet. Si enim spatiositas ipsi contigerit in augescendo, major evadet: si vero angustia, minor. At vero

mutilum in utero puerum, sentio aut contusum ex matris uterum gestantis plaga, aut ejusdem lapsu, aut alio quopiam violento affectu matri accidente, mutilatum esse. Qua vero parte mater plagas acceperit, ea puer mutilatur.

9. Si vero amplius contundatur fœtus, ita ut pellicula ipsum continens rumpatur, perditur fœtus. Quin & alia hujuscemodi causa pueri mutilantur. Quum in utero juxta locum, in quo mutilatus est fœtus, angustia fuerit, necesse est corpus, quod in angustia movetur, mutilari, juxta illum locum. Quemadmodum etiam arbores quæcunque in terra sunt, & non habent satis amplum locum, verum a lapide, aut aliqua alia re impediuntur, quum emergunt, obliquæ ac tortuosæ sunt, aut hac parte crassæ, altera tenues: sic accidit etiam circa puerum, si in utero juxta aliquam corporis partem, angustior altera uteri pars altera fuerit. Cæterum quod ex mutilatis hominibus sani & integri gignantur pueri, ut plurimum contingere solet. Habet enim mutilatum, numero omnia quæ sanum. Ubi vero morbus aliquis ipsis, & humido ipsorum acciderit, a quo semen provenit (quatuor sane quum species sint humidi, quæ naturaliter in corpore existunt) genituram non totam exhibent, debiliorem autem, juxta mutilatam partem. Quare nihil miri mihi videtur, si etiam mutilentur, quemadmodum parens. Et hæc mihi de hoc dicta sufficiant. Redibo autem rursus retro ad sermonem, quem dicere reliqui.



N A T U R A P U E R I .



I genitura ab utrisque permanferit in utero mulieris, primum quidem fimul mifcetur, utpote muliere non quiefcente, coacervatur ac craffa per calorem evadit. Deinde fpiritum concipit, nempe in calido exiftens, & pofttea matre fpirante. Deinde ubi fpiritu repleta fuerit, viam hic ipfe fibi ipfi foras facit, & per mediam genituram fpiritus erumpit. Quum autem fpiritu calido via foras facta eft, rurfus alius frigidus a matre infpirat, atque hoc facit per omne tempus. Calefcit enim utpote in calido exiftens, & frigidum fpiritum concipit a matre fpirante. Omnia autem, quæ calefcunt, fpiritum habent. Spiritus autem erumpit & fibi ipfi viam facit, ac foras procedit. Id autem, quod calefcit, rurfus in feipfum alium fpiritum frigidum trahit, per fiffuram unde nutritur. Atque hoc contingit etiam in lignis, & in foliis, cibisque ac potibus fi fortiter calefciant. Ejus rei notionem ligna ardentia exhibent: omnia enim ligna hoc faciunt, maxime vero fubviridia. Emitunt enim fpiritum juxta fectionem; fpiritus autem quum foras procedit, circum cafuram volutatur, id quod femper fieri videmus.

2. Manifefta igitur eft ratiocinatio de fpiritu, quod calidus exiftens in ligno, attrahit alterum frigidum a quo nutritur, & a feipfo dimittit. (Nam fi non alterum pro eo quem a fe dimittit attraheret, non volutaretur fpiritus foras

prodiens. Omne enim calidum frigido moderato nutritur). Et ubi percalfactum fuerit humidum, quod eft in ligno, in fpiritum mutatum foras procedit: & qua parte foras exit, ea ipfa calidus, qui ineft adhuc in ligno, alterum frigidum fpiritum ejus loco attrahit, a quo nutritur. Idem faciunt & folia viridia. Quum enim incenduntur fpiritum concipiunt, deinde erumpit fpiritus & viam facit, forasque prodit & circumvolutatur: procedens autem ftrepitum facit, qua parte infpirationem præbet. Quin & legumina, & frumenta, & arborei fructus nucum generis calefacta fpiritum habent, qui fiffura facta foras prodit: & fi humida fuerint, amplio- rem fpiritum emittunt, & rimam majorem faciunt. Et quid multis verbis opus eft? Omnia quæcunque calefcunt, fpiritum emittunt, & alium frigidum viciffim ejus loco attrahunt, a quo nutrimentum fumunt.

3. Atque hæ neceffitates ea gratia a me productæ funt, ut cognofcatur quod genitura in utero calfacta fpiritum habet, & emittit. Simul autem & a matre fpirante, genitura fpiritum habet. Quum enim mater frigidum attraxerit ex aëre in feipfam, fruitur eo etiam genitura. Calida autem eft, utpote in calido exiftens, & tunc fane fpiritum habet, ac emittit, atque ipfa genitura inflata pelliculam acquirit. Circumtenditur enim quod forinfecus circum ipfam eft, continuumque evadit, utpote vifcofum exiftens. Quemadmodum in

pane dum torretur, tenue quiddam pelliculæ specie in superficiem abscedit ac extat. Calefcens enim panis & inflatus elevatur: qua parte vero inflatur, isthic pelliculæ species excitatur & consistit.

4. Genituræ autem calfactæ ac inflatæ ex toto, pellicula forinfecus circumdatur. Verum juxta medium genituræ, spiritui transitus extra ac intro fit per pelliculam, & hac parte tenuitas pelliculæ a genitura distat, & paucissimum quid de genitura inest. Ipsa autem reliqua genitura rotunda est in pellicula. Atqui genituram, quæ sex diebus in utero mansit, & foras prolapsa est, ipse vidi, & qualis tum animo meo observabatur, ex illis ipsis reliquorum conjecturam facio. Ut vero ego viderim genituram sex dierum existentem, enarrabo. Mulieris nobis familiaris famula cantrix magnæ existimationis ex virorum consuetudine erat, quam in ventre concipere non conveniebat, ut ne minoris existimationis redderetur. Audierat autem cantrix ipsa, qualia mulieres inter se dicunt, quod quando mulier conceptura est in ventre, genitura non egreditur, sed intus manet. Auditis autem his atque intellectis, hoc semper observavit, & quum quandoque sentiret genituram non exeuntem, dominæ exposuit, & sermo statim ad me pervenit. Ego vero quum audissem, jussi ipsam ad terram saltare, & postquam septies jam exiliisset, genitura in terram profluxit, & strepitus factus est, atque illa conspecta ipsa admirata est. Qualis autem erat ego referam: velut si quis ovo crudo externam testam circumcirca adimat, in interna vero pellicula inclusus liquor pellucescat. Modus quidem talis erat, & ut abunde dicam, ruber erat liquor & rotundus. In pellicula vero fibræ quædam

albæ ac crassæ inesse videbantur, cum cruore crasso & rubro obvolatæ: circum autem pelliculam foris cruenta vestigia instar sugillatorum, juxta medium vero tenue quid eminebat, quod mihi umbilicus esse videbatur, & per illum sane spirationem extra & intro primum facere apparebat: quin & pellicula genituram ambiens ac completens, tota ex illo tendebatur. Talem sane ego genituram sex dierum existentem vidi. Referam autem & aliam ditionem, omni cupienti de hoc scire, quæ mihi paulo post hanc manifeste apparuit, & testimonio esse potest omni meo sermoni, quod verus est, quantum homini de hujusmodi re dicere datur.

5. Atque hæc mihi de hoc dicta sunt, quod genitura in pellicula est, & spiritum habet intro & foras, & augetur a matre, sanguine in uterum descendente. Menses enim non prodeunt, ubi mulier conceperit intra seipsam, si puer sanus fuerit, & permanere debet, nisi in quibusdam primo mense modicam sui indicationem faciant. Verum sanguis a toto corpore mulieris descendens, in orbem forinfecus pelliculam circumstat, simulque cum spiritu sanguis intra per pelliculam trahitur, qua parte perforata est, & genitura distat, congelaturque & futuro animali augmentum præbet. Quum autem tempus accesserit, rursus aliæ pelliculæ intra primam pelliculam tenues & multæ circumtenduntur, eo modo quo prima pellicula facta fuit. Sunt autem & hæc ab umbilico extentæ, & inter se mutua ligamenta habent. Quum vero jam hoc factum est, ex descendente a matre sanguine & congelato, caro fit. Juxta mediam autem carnem umbilicus distat, per quem spirat, & alimentum ac incrementum capit.

6. At vero mulier quum uterum gerit, a mensibus non prodeuntibus propterea non dolet, quod sanguis non conturbatur, acervatim abire solitus singulis mensibus, sed procedit sensim & modice citra dolorem, quotidie in utero ipsum, & quod inest intus in utero augetur. Singulis autem diebus ea gratia procedit, & non semel per mensem, quod genitura in utero existens semper a corpore trahit, prout vires tum ipsa, tum spiratio habet. Et primum quidem modica spiratio fit, & sanguis modicus a matre procedit. Quum vero spiratio amplior redditur, magis sanguinem trahit, & uberius in utero descendit. Atqui uterum non gestantibus ubi menses non prodierint, propterea dolor oboritur. Primum quidem sanguis in corpore singulis mensibus turbatur ab hujusmodi necessitate, quod mensis a mense multum differt, & secundum frigiditatem & caliditatem: atque hoc percipit mulieris corpus; humidius enim est quam virile. Ubi autem turbatus est sanguis, & venas implevit, ab ipso descendit, qualis ab initio naturæ fuit.

7. Quare siquidem evacuatur a sanguine mulier, in ventre concipit: si vero repleta fuerit, non. Nam vacuis uteris & venis a sanguine factis, mulieres in se fœtus concipiunt. Etenim post menstrui sanguinis purgationem mulieres in ventre concipiunt. Causa jam dicta est. Quando autem conturbatus & secretus sanguis foras non procedit, sed in uteros, uteri autem non hiaverint, tunc sane a sanguine diutius immorante uteri calefcentes, reliquo corpori calorem transmittunt, quandoque etiam sanguinem in venas corporis distribuunt, ut & venæ repletæ doleant, & tumores laxos producant.

Quandoque etiam periculum est ne claudicatio ex hoc inducatur. Aliquando & vesicam obsident, premuntque ac claudunt vesicam, & urinæ stillicidium inducunt. Aliquando pleni quoque sanguinis existentes uteri procidunt, aut ad coxendices, aut lumbos, & dolorem exhibent. Aliquando ubi sanguis quinque aut sex menses in uteris moram traxit, putrefactus pus fit, & quibusdam pus per pudendum exit. Sunt etiam quibus circa inguen velut tuberculum fit, illicque suppuratum exit. Sed & alia multa hujusmodi mala mulieribus fiunt, ubi lunares purgationes non procedunt. Sed quid opus est ea hic recensere? Referentur enim in muliebribus morbis. Verum jam repetito eo quod reliqui, sermonem absolvam.

8. Quum autem generatur caro, tunc pelliculæ, augetur in utero sanguine, etiam ipsæ augetur ac sinuantur, & præsertim externæ. Et sanguis a matre descendens, quem sane caro spirans attraxerit, in incrementum cedit, & si utilis non sit, in sinus pellicularum fecernitur: & ubi sinuata facta fuerint, ac sanguinem susceperint, tunc jam secunda appellatur. Et tantum de hoc mihi dictum sit. Cæterum caro augetur a spiritu articulatur, & abit in hac unumquodque simile ad simile, densum ad densum, rarum ad rarum, humidum ad humidum, & unumquodque in propriam regionem abit, juxta cognationem, ad id a quo genitum est, & quæcunque a densis genita sunt, densa sunt: & quæcunque ab humidis, humida: & reliqua juxta eandem rationem fiunt in incremento.

9. Et ossa durefcunt a calore conglutinata. Et sane ramificantur velut arbor, & tum interna, tum externa

corporis, adhuc melius articulantur: ipsumque caput distantiam acquirit ab humeris, & brachia ac cubiti a lateribus: & crura inter se disparantur: & nervi exiliunt circum naturas articulorum: & os per se diducitur, & nasus, & aures eminent in carne, ac perforantur: & oculi implentur humore puro, & pudendum conspicuum fit utrum tandem fit: & viscera coarticulantur: & jam etiam supernis partibus spirationem facit, tum ore, tum naribus: & venter inflatur, & intestina inflata superne, per umbilicum spiritum afflunt, ac disperdunt: & in podicem via fit a ventre ac intestinis foras, & in vesicam via foras. Atque hæc omnia a spiritu coarticulantur. Nam inflata disparantur omnia, juxta cognationem. Etenim si velis fistulam vesicæ alligare, & per fistulam immittere in vesicam, terram & arenam, & plumbi tenuia ramenta, insuperque infusa aqua in fistulam inflare, primum quidem illa aquæ permiscentur, deinde vero temporis progressu inflata secedent, & abibit plumbum ad plumbum, arena ad arenam, terra ad terram. Et si quis ipsa arefieri permittat, & diffracta vesica contempletur, inveniet simile ad simile progressum esse. Sic sane etiam genitura & caro coarticulatur, & unumquodque in ipsa simile ad simile abit. Atque hæc mihi de hoc dicta sunt.

10. Et factus jam est puer, & ad hoc pervenit fœmella quidem in quadraginta & duobus diebus ut longissime, primam coagmentationem ac coarticulationem accipiens, masculus vero ut longissime, in triginta diebus. Ut plurimum enim hoc tempore, aut paulo breviori, aut paulo longiori, articulatione ipsis contingit. Nam & purgatio fit a partu ut plurimum, in fœmel-

lis quidem, diebus quadraginta & duobus, (atque hæc tardissima est, & perfecta. Vacaverit autem periculo, etiam si in viginti quinque diebus purgetur). In masculo vero purgatio fit diebus triginta: atque hæc tardissima est, & perfecta. Citra tamen periculum fuerit, etiam si in viginti diebus mulier purgetur. Postremo autem tempore purgatio quam paucissima procedit, & in junioribus paucioribus diebus purgantur, in senioribus vero pluribus.

II. Cæterum maxime laborant ac dolent in partu, & partus purgationibus mulieres primiparæ, & quæ rarius pariunt magis dolent, quam quæ sæpius. Atqui purgationes a partu mulieribus ea gratia fiunt, quod primo tempore usque ad dies quadraginta duos in fœmella, in masculo vero ad dies triginta, paucissimus sanguis in augmentum pueri descendit: ab hoc autem tempore copiosior, donec pariat. Oportet itaque purgationem reddi in toto puerperii tempore: & foras exire ac respondere pro dierum ratione ac proportione.

12. Principium autem hujusmodi purgationis tale mulieri fit. Dum ex partu laborat, conturbatur sanguis mulieri, & a forti pueri motu vehementer calefcit. Conturbatus autem, primus quidem foras prodit: deinde puer: post puerum vero, mucus crassus sanguinolentus: & deductio contingit huic, quem admodum aquæ effusæ in mensa. Postea post illum per omnes dies purgatio procedit, usque ad prædictum tempus, copia Atticæ heminæ unius & dimidiæ primum, aut paulo plus minusve, pro ejus temporis ratione, donec desinat. Procedit autem sanguis velut a victima, si sana est, & sana futura est mulier, & statim congelatur. Si vero mulier sana non est, neque sana fu-

futura est, purgatio paucior procedit, & specie deterior, & non cito congelatur. Id vero hoc modo habet. Si mulier uterum gestans morbum habuerit non cognatum, in puerperii purgatione perit. Si vero non purgetur in prioribus diebus uterum gerens, statim sana existens, aut etiam non, commoveatur autem ipsi purgatio sive a pharmacis, sive sua sponte derepente, juxta dierum rationem procedet, quibus non una vice procedit.

13. Si enim non purgetur mulier a purgationibus partus, morbus magnus ipsam corripit, & periculum vitæ incurret, nisi cito curetur, & quis convenientem ipsi purgationem inducat. Hæc propterea produxi, ut ostenderem quod in pueris membrorum discretio longissima contingit, in fœmella in quadraginta duobus diebus, in masculo in triginta. Argumento est purgatio a partu, quæ in fœmella fit in quadraginta duobus diebus, in masculo in triginta, ut tardissime contingat. Repetam autem iterum eandem rem iisdem verbis, majoris lucis, ac declarationis gratia. Dico enim rationem rependi, quod genituræ in utero existenti paucissimus sanguis a matre in uterum venit, si fœmineam genituram habeat, in quadraginta duobus diebus, in his enim coarticulantur puerorum membra: ab hoc vero tempore copiosior sanguis venit. Et in masculo rursus juxta rationem dierum triginta. Quod vero hæc vera sint, etiam alterum testimonium adest, hoc modo habens.

14. Primis diebus ubi genitura in uteros illapsa est, paucissimus sanguis a muliere in uteros venit, deinde copiosior. Si enim acervatim & multus semel veniret, genitura spirationem habere non posset, sed sanguine multo

accedente suffocaretur. Rependitur autem in purgatione vice versa; purgatio enim puerperii in primis diebus plurima procedit, deinde paucior, donec desinat. Multæ autem mulieres puerum masculum jam perdiderunt paulo ante trigessimam diem, & inarticulatus apparuit. Qui vero posterius perditum sunt, aut simul cum trigesimo die, omnes articulati apparuerunt. In fœmella itidem juxta rationem quadraginta duorum dierum habet. Nam ubi his absolutis perditur, articulatio membrorum apparet. Sive autem prius, sive posterius perdetur puer, juxta hanc rationem apparet. Nam & secundum rationem & necessitatem, articulatio contingit in fœmella, in diebus quadraginta duobus, in masculo, in triginta. Testimonium enim præbent abortus puerorum, & a partu purgationes. Quod autem fœmella posterius conformatur ac coarticulatur, causa hæc est: quod genitura fœminea debilior est ac humidior quam mascula, & juxta hanc rationem necesse est posterius conformari fœmellam quam masculum, atque ea gratia etiam purgatio diuturnior est in fœmella quam masculo. Redibo autem rursus retro unde digressus sum.

15. Postquam jam articulatus fuerit puer, speciebus membrorum ipsius augetur, tunc & ossa duriora fiunt, & cavantur, atque hæc a spiritu fiunt. Cava autem existentia trahunt ad sese a carnibus quod in sanguine est pinguisimum: & progressu temporis ramificantur rursus extremitates ossium. Quemadmodum arboris extremitates postremum ramos spargunt, sic & in puero digiti manuum ac pedum inter se disparantur. In ipsis autem extremitatibus ungues enascuntur.

16. Desinunt autem venæ hominis om-

omnes in digitos manuum ac pedum. Et crassissimæ quidem sunt venæ totius corporis, venæ capitis, deinde crurum, & brachiorum ac cubitorum. In pedibus autem & manibus tenuissimæ ac densissimæ & plurimæ venæ sunt. Nervi item tenuissimi ac densissimi & plurimi, & ossa magnitudine minima, atque hæc maxime in digitis manuum ac pedum existunt. Verum ex digitis, utpote ossa densa ac parva habentibus, venas itidem ac nervos, sic etiam ungues tenues ac densi nascuntur, & intercipiunt ac concludunt venarum extremitates, ut ne amplius augetur, neque altera alteri præmineat: ut nihil miri sit ungues in extrema corporis parte densissimos esse, ex densissimis enim constant. Simul autem cum unguibus etiam capilli in capite radican- tur.

17. Cæterum pilorum natura hoc modo se habet. Oriuntur equidem maximi ac plurimi, qua corporis parte cuticula rarissima est, & ubi pilus moderatum humorem in alimentum habet: & ubi cuticula posterius rara fit, ibi etiam pili posterius nascuntur, velut in mento, & pube, & sicubi alias pili nascuntur. Simul enim ut genitura prodit, etiam caro rarefcit, & cuticula, & venæ aperiuntur magis quam priori tempore. Nam dum adhuc puer est, & venæ tenues existunt, non procedit per ipsas genitura, (eadem ratio de mensibus verginum est). Simul autem ut via fit & genituræ, & menstruis virginibus, etiam pilos emittit pubes, tum pueri, tum virginis, rara nimirum cuticula reddita, simulque pilus moderatum humiditatem in alimentum habet, & non paucio- rem. Sic vero & in mento viri contingit. Rara enim fit cuticula, procedente in ipsam de capite humiditate. Simul enim & in coitu, si-

mulque interjecto tempore, pilus moderatum humiditatem in alimentum habet, & tunc maxime, quum tempus contingit humiditati de capite descendenti in coitu, ad mentum a pectore distans.

18. Signum autem ejus quod in rarissimis cuticulæ partibus pili enascuntur: si quis velit inurere cutem, & pustulam tantum facere, eamque sanare, cutis densa reddita per cicatricem pilos non producet. Quicumque vero eunuchi, dum pueri sunt, fiunt, propterea neque in pube, neque in mento pilos producant, levesque toti existunt, quod via genituræ non facta, cuticulam non rarefacit per totam superficiem. Intercepta est enim ac conclusa genituræ via, quemadmodum paulo ante a me relatam est. At vero mulieres leves fiunt, & mento, & corpore, quod in coitu ipsarum humiditas non similiter agitata velut viri, cuticulam raram non facit. Quicumque autem calvi fiunt, hi sane pituitosi sunt: & pituita in capite ipsorum simul cum coitu agitata & calfacta, ad cuticulam allabens pilorum radices exurit, & defluunt pili.

19. Verum eunuchi propterea calvi non fiunt, quod vehementem motum non faciunt, neque pituita in coitu calfacta pilorum radices exurit. Cæterum cani ob id fiunt, quod longo tempore pertranseunte in homine humiditate, albissimum ejus secernitur, & ad cuticulam allabitur, & pilus albidior humiditatem trahens, albidior fit quam priori tempore, itemque ipsa cuticula, præsertim ubi cani sunt, albidior alia evadit. Et quicumque ex nativitate canum quid in capite habent, etiam illis cuticula summa, ubi cani sunt, reliqua albidior existit. Hic enim albissima est humiditas. Habet autem res hoc

hoc modo. Qualemcunque humiditatem caro attraxerit, sive albam, sive fulviam, seu nigram, tali colore etiam pilus inficitur. Atque hæc de hoc dicta sunt. Redibo autem rursus ad sermonem relictum.

20. Quum itaque extremitates corporis pueri foras ramos sparserint, & unguis ac pili radices egerint, tunc jam etiam movetur, & tempus ad hoc fit, masculo quidem menses tres, foemellæ vero quatuor. Sic enim ut plurimum contingit. Sunt autem aliqui pueri, qui ante hoc tempus moventur. Movetur autem primum masculus, quia fortior est quam foemella: & primum quoque conformatur masculus; nam a fortiore & crassiore genitura fit. Quum autem movetur foetus, tunc sane lac indicationem sui, matri præbet. Mammæ enim attolluntur, & papillæ gliscent ac turgent, lac vero non prodit. Et in mulieribus densam carnem habentibus, lac posterius significationem de se præbet, ac prodit: in raram vero carnem habentibus, prius.

21. Lac autem ob hujusmodi necessitatem fit. Quum uteri tumidi præ puero sunt, ventrem mulieris comprimunt: ejus autem pleni ubi compressio contigerit, pinguisimum de cibis ac potibus foras profilit, in omentum ac carnem. Quemadmodum si quis corium illinat multo oleo, & imbiberi permittat, & ubi imbibit, corium ipsum premat, oleum utique exilierit foras ex corio compresso: sic etiam si venter pinguitudinem in se habeat a cibis ac potibus, comprimaturque ab uteris, pinguitudo profilit in omentum ac carnem. Et si raræ carnis mulier fuerit, citius percipit ejus persultationem: si non, posterius. Quin & pecora prægnantia si non ægrotent, ab eodem potu ac ci-

Tom. I.

bo pinguiora propterea fiunt. Similiter autem & mulier. Et a pinguitudine calfacta ac alba existente, quod edulcatum est a caliditate, quæ ab uteris accessit, expressum venit in mammæ, & in uteros quoque parum venit, per easdem venas. Tendunt enim & in mammæ, & in uteros venulæ hæ, & consimiles aliæ. Et ubi pervenerit in uteros de lacte, puer ipso paululum fruitur, mammæ vero suscepto lacte impletæ attolluntur.

22. Et ubi peperit mulier principio motu facto, lac in mammæ ipsas procedit, si lactaverit. Sic enim res habet. Dum mammæ lactant ac exuguntur, venulæ in mammæ ampliores fiunt: ampliores autem factæ, a ventre pinguitudinem trahentes, in mammæ distribuunt. Nam & vir si multum coeat, venæ ampliores redditæ, venerem magis inducunt. Habet autem & hoc eo modo. Alimentum & augmentum puerorum fit, ubi ea, quæ a matre veniunt, in uteros processerint, & prout mater habet juxta sanitatem aut debilitatem, sic & puer habet.

23. Quemadmodum etiam quæ in terra crescunt, a terra nutriuntur, & prout terra habuerit, sic etiam nascentia in terra habent. Etenim semen ubi dejectum fuerit in terram, humiditate quadam ab ipsa impletur. Habet enim in se terra omnigenum humorem, ut nascentia nutrire possit. Impletum autem humore semen, inflatur & intumescit: & vis quæ in semine levissima est, ab humore condensari cogitur: condensata autem a spiritu vis, & humore folia producente, semen rumpit, & primum folia foras emergunt. Ubi vero emerferint, quum non amplius ab humore in semine existente folia nutriri possint, rumpitur in-

I

fer-

ferne semen, itemque folia: & semen a foliis coactum, vim suam ad inferna demittit, quæ videlicet in ipso restat propter gravitatem, & fiunt radices ex foliis distentæ. Postquam autem planta jam firmiter radices inferne egerit, & alimentum a terra sumit, tunc sane totum evanescit, & in plantam consumitur, præter corticem, qui solidissimus existit. Rursus autem cortex in terra putrefactus progressu temporis evanidus fit, & quædam folia ramos producant. Ex semine itaque tanquam ex humido nata planta, donec quidem tenera & aquosa fuerit, in augmentum superne ac inferne procedens, fructum excludere non potest. Non enim vim habet fortem ac pinguem, ex qua semen condensari queat. Ubi vero solidior facta est, & progressu temporis radices egerit, tunc jam & venas habet amplas, tum ad supernam, tum ad infernam partem: & tunc sane non amplius aquosum ex terra trahit alimentum, sed crassius & pinguius ac copiosius, quod calfactum a sole effervescit in extremitates, & fit fructus juxta cognationem, ex quali etiam generatus est. Multus autem ex modico propterea fit, quod singula ex terra nascentia majorem vim ex terra, quam ex eo unde generata sunt, trahunt, & effervescunt non secundum unum, sed secundum multa. Quum autem fructus prodierit, a planta sua nutritur. Planta enim a terra trahens, fructui transmittit. Sol autem fructum coquit, & solidum facit, quod aquosius in ipso est, ad sese trahens. Atque hæc mihi dicta sunt de his, quæ ex semine nascuntur a terra & aqua.

24. Cæterum ex plantariis ab arboribus arbores fiunt, hoc modo. Ramus vulnus habet, qua parte arbore

defractus est, in infima ad terram parte, unde radices prodeunt. Pangitur autem, & in terram demittitur, hoc modo. Quum planta, quæ in terra existit, humorem acceperit a terra, tumescit & spiritum habet: quæ vero pars supra terram eminet, nondum. Spiritus autem & humor condensans in inferna plantæ parte vim, quantum ejus gravissimum est, in infernam partem erumpit, & ex ipso radices teneræ fiunt. Postquam autem in infernam partem receptus fuerit, tunc jam ex radice humorem trahit, & parti supra terram eminenti transmittit: & tunc sane rursus superna pars intumescit, ac spiritum habet: & quantum ex vi in planta leve inest, id ipsum congregatum germinat, ac folia producit, & jam in supernam partem augmentum facit, itemque in infernam.

25. Sic itaque contrarium contingit circa germinationem, in his quæ ex semine, & in his quæ ex plantariis proveniunt. Ex semine enim prius folium emergit, deinde radices in infernam partem demittuntur. Verum arbor primum radices agit, deinde folia acquirit, propterea quod in semine ipso humoris copia inest: & in terra quum totum inest; alimentum inest primum folio sufficiens, unde folium nutritur donec radicetur. Verum in ramo non sic fit. Non enim gignitur ex altero, unde folium primum alimentum habeat, sed ipse ramus est, & velut arbor habet, & multa ejus pars supra terram eminet. Quare quum supra terram existat, humore impleri non potest, nisi ex inferna parte magna quædam vis procedens, in supernam humorem distribuat. Et plantarium primo necesse est sibi ipsi alimentum sufficere a terra in radices, deinde ubi sic a terra attraxit, sur-

furfum distribuere, & folia ad germen & augmentum concitare.

26. Quum autem augmentum cepit planta, a tali neceffitate ramos fpargit, quam referam. Quum plus humoris ipfi accefferit ex terra attraeti, erumpit præ multitudine, qua parte quam plurimus fuerit, & hac parte planta ramos emit. Augetur autem & in amplitudinem, & in supernam, & in infernam partem propterea, quod inferna terræ pars hyeme quidem calida eft, æftate autem frigida. Atque hoc propterea contingit, quod terra humida eft in hyeme, præ aqua de cælo delabente, & comprimitur in feipfam, utpote humore graviore existente: denfior autem ab hoc ipfo eft, & nullam tranfpirationem habet. Non enim amplius magna raritas ipfi ineft: & propter hoc inferna terræ pars hyeme calida eft. Nam & fimum denfius accumulatum, intus calidius eft, quam quod rarum exiftit: & alias humecta ac compressa, a feipfis concalefcunt, & brevi a calore valde exufta putrefcunt; neque enim permeat fpiritus per ipfa, nimirum quum denfa exiftunt. Si vero ficca fuerint, ac rare pofita, multo minus calefcunt ac putrefcunt. Atque fic fane frumentum ac hordeum humidum ac madefactum, intus calidius eft, quam fi ficcum fit, & rare pofitum.

27. Et vestes pelliceæ colligatæ ac fortiter compactæ, a feipfis comburuntur, velut ego vidi, quemadmodum ab igne exuftæ. Sed & alia, fi quis velit confiderare, omnia quæ comprimuntur a feipfis, calidiora reperiet, quam quæ rare pofita funt. Non enim habent unde frigiditatem inpirent a ventis. Sic etiam inferna terræ pars quum plena fit, & ipfa a feipfa comprimatur, nimirum gravis ac denfa

exiftens, ab humiditate in hyeme calefcit, nullam enim caliditatis perfpirationem habet. Sed ubi de cælo aqua cadit in ipfam, quum fpiritus prodierit ab ipfa in terra, non ulterius penetrat, utpote terra denfa existente, fed fpiritus retro ad aquam abit: & propterea fontes ac marinæ aquæ, hyeme calidiores funt, & auctiores quam æftate, quia fpiritus dum exhalat, retro abit ad aquam, quum terra denfior exiftat, & per fe fpiritum non tranfmittat. Et aqua multa exiftens quæ contigerit, ea perrumpens procedit, & viam fibi ipfi ampliorem facit quam fi modica exiftat.

28. Aqua enim in terra non confiftit, fed femper in declive procedit. Si autem fpiritum ab aqua prodeuntem terra per fe hyeme tranfmittat, paucior aqua ex ipfa procederet, & fontes hyeme magni non effent. Atque hæc omnia in hoc dicta a me funt, quod terræ inferna pars calidior effe apparet hyeme, quam æftate. Nunc autem dicere volo, quod æftate frigidior quam hyeme, inferna terræ pars effe videtur.

29. Terra æftate rara eft & levis, nimirum fole vehementius irruente, & ab ipfa humiditates ad fe trahente. Habet autem terra in fe femper aquam plus aut minus. Spiritus autem omnes nobis funt ab aqua. Id quod fic fe habere, unde conjectare poffis, demonftrabo. Etenim ab omnibus fluminibus ac nebulis fpiritus femper procedunt. Eft autem nebula aqua in aëre cohærens & continua. Et tunc fane terra rara eft ac levis æftate, & aquam in fe habet, & aqua in declive fluit, procedente autem aqua, femper inde alius ex alio fpiritus exhalat. Qui vero exhalat, per terram abit levem ac raram exiftentem, & frigiditatem ter-

ræ inducit, & ipsa aqua simul perfrigeratur. Habet autem sic, quemadmodum si quis aquam in utre existentem fortiter comprimatur, & per puncturam acus, vel paulo majorem, perpirationem aquæ faciat, & ipsum utrem in sublimi suspendat, nullus spiritus per foramen procedet, sed aqua; non enim habet spatiositatem per quam aqua spiritum emittat. Sic sane se habet etiam hyeme aqua in terra. Si autem aquæ in utre locum satis amplum feceris, & utrem in sublimi suspenderis, spiritus per foramen procedet. Locum enim spiritus habet ab aqua mota, procedendi per utrem, & propterea per foramen spiritus transit. Sic sane se habet etiam æstate aqua in terra. Satis amplum enim locum habet, nimirum terra rara existente, & sole ab ipsa humorem ad se trahente, & pertransit spiritus, utpote qui frigidus existit, ab aqua per ipsam raram existentem ac levem. Ob hoc itaque inferna ipsius pars æstate frigida existit, & aqua ipsa adhuc magis quam spiritus, qui in terra frigidus existit, & ipsa in seipsam, & in terram, spiritum emittit.

30. Sed & aqua quæ hauritur in puteo, spiritum semper movet, velut flabellum, atque hoc ipsum aquæ frigiditatem inducit. Quæ vero non hauritur æstate, sed stans densa existit, non similiter spiritum in se a terra suscipit, neque in terram a seipsa distribuit, & simul a sole, & aëre in puteo non disperso, sed stante ac firmato, primum superficies ipsius calefit, deinde alia ejus pars ad aliam deorsum caliditatem distribuit; & propterea aqua, quæ æstate non hauritur, calidior est ea, quæ hauritur.

31. Quin & fontes valde profundi æstate semper frigidi existunt: & aqua

hausta hyeme, terra calida existente; ex tali fonte, statim quidem calida est, ubi vero tempus progressum fuerit, frigida est, ab aëre videlicet frigido existente talis facta. Perflatur enim a vento, & spiritus per ipsam pertransit. Quemadmodum etiam aqua, quæ æstate hauritur, ubi hausta fuerit, statim frigida est, calida autem fit propterea, quod terra rara existente, & spiritu in ipsa existente, perfrigeratur. Ubi autem haustæ tempus accesserit, stabilis fit, & calida conspicitur. Calefit enim ab aëre calido existente, quemadmodum & aqua, quæ non hauritur in puteo æstate, ob hoc ipsum calida redditur. Atque hæc a me de hoc dicta sunt. Repetam autem rursus quod æstate inferna terræ pars frigida est, hyeme vero calida: superna autem vice versa.

32. Et oportet arbori non duo calida simul accedere, neque duo frigida simul, si sana esse debet. Verum si quidem ex superna caliditas accesserit, ex inferna frigiditatem ipsi accedere oportet: & vice versa, si ex superna parte accedat frigiditas, ex inferna caliditatem ipsi contingere oportet. Et radices ubi attraxerint, arbori transmittunt, & arbor vicissim radicibus; atque sic & frigidi, & calidi conservatio contingit. Quemadmodum homini ingestis cibis in ventrem, qui dum concoquuntur calfaciunt, perfrigerationem a potu facere oportet: sic & arbori contrariam rependi oportet, ex inferna parte ad supernam, & vicissim: & augetur arbor & in supernam, & in infernam partem, propterea quod alimentum ex inferna & superna ipsi accedit.

33. Et quamdiu quidem vehementer tenera fuerit arbor, fructum non producit. Non enim est in ipsa pinguis vis, neque crassa, quæ ad fructum conferre

ferre possit. Progressu autem temporis venæ in ipsa dilatata, pinguem ac crassam influxionem ex terra in ipsam faciunt, sol autem ipsam diffundens, ebullire facit utpote levem existentem, in extremitates, & fructum producere; & tenuem quidem humiditatem a fructu sol aufert, crassam autem concoquens & calfaciens edulcat. At vero arbores non fructiferæ, in se pinguitudinem tantam non habent, quantum ejus in fructum est expendendum. Omnis autem arbor quum per tempus solida facta fuerit, & ex inferna parte radices firmarit, jam penitus constanter auferere desinit.

34. Quicumque vero in arbores, ab aliis arboribus oculos indiderunt, & arbores in arboribus enatæ vivunt, & fructificant non similem fructum arboribus, quibus insitæ. Id ipsum tali modo contingit. Oculus primum quidem germinat. Alimentum enim habet primum ab arbore, ex qua ablatus est, deinde ab ea, in quam insitus est. Ubi autem germinaverit, sic in arborem radices tenues a se demittit, & primum humore fruitur in arbore, in quam insitus est, existente: deinde tempore accedente, demittit radices in terram, per eam in quam insitus est, & fruitur humore, quem a terra trahit, & alimentum inde ipsi contingit: ut non mirum sit, insitas arbores, alios fructus producere; a terra enim vivunt. Hæc mihi de arboribus & fructibus dicta sunt ea gratia, quod indignum mihi factum videbatur, & ne poteram quidem hanc tractationem semiperfectam relinquere. Redibo nunc rursus retro ad illum sermonem, cujus gratia a me hæc de istis relata sunt.

35. Censeo enim terræ nascentia omnia vivere ex terræ humore, & qualem

terra humorem in seipsa habet, talem etiam nascentia ex ipsa habere. Sic etiam puer vivit de matre in utero, & quali mater sanitate prædita est, talem etiam puer habet. Quod si quis considerare velit ea, quæ de his dicta sunt, ab initio usque in finem, inveniet naturam omnem consimilem esse, & ex terra nascentium, & hominum. Et hæc mihi de hac dicta sunt. Cæterum puer in uteris existens, manus apud genas habet, caput autem prope pedes: & non datur probe ac certo cognoscere, etiamsi puerum in utero videas, utrum caput sursum habeat, an deorsum. Verum ex umbilico pelliculæ tentæ sunt ipsum continentis. Nunc autem referam dignotionem, quam paulo ante me demonstraturum dixi, quantum humanæ menti possibile est manifestam illam, omni qui de hoc cognosse velit, quod genitura in pellicula est, & quod juxta medium ipsius umbilicus est, & per illum sane primo spiritum in seipsam trahit, & foras emittit, & quod ex umbilico pelliculæ tentæ sunt. Sed & aliam pueri naturam, quam dixi, sic totam habere usque in finem reperiet, quomodo videlicet a me in his sermonibus declaratum est, si quis testimoniis, & ocularibus inspectionibus a me producendis uti velit.

36. Etenim si quis ova viginti aut plura, quo pulli ex ipsis excludantur, gallinis duabus aut pluribus subjicere velit, & singulis diebus a secunda exordiando, usque ad ultimam, qua excludetur pullus ex ovo, subtrahere, confringere, ac videre, inveniet omnia se habere juxta meum sermonem, quomodo volucris naturam, ad humanam conferre oportet. Quod enim pelliculæ ex umbilico tentæ sunt, & reliqua, quæ de puero dicta sunt, sic se habere in

ovo volucris reperies, ab initio in finem. Atqui si quis nondum vidit, mirabitur in volucris ovo umbilicum inesse. Atque hæc sic habent, & sic a me relata sunt.

37. Quando vero mulieri partus appropinquat, tunc puero se movente, & manibus ac pedibus calcitrante, pelliculam quandam internam rumpi contingit: rupta autem una, etiam aliæ debiliorem vim habent, & rumpuntur primum quidem illi contiguæ & cohærentes, postea extrema. Quum autem ruptæ fuerint pelliculæ, tunc fœtus a vinculo exolvitur, & agitated foras procedit. Neque enim amplius robur habet pelliculis amissis, neque uteri amplius puerum continere possunt, pelliculis velut dixi amissis, & ab ipsis abruptis. Cohærent enim pelliculæ etiam uteris, ubi circum puerum obvolvuntur, non adeo vi valida ac multa. Quando autem procedit puer, violat & dilatat uteros in exitu, utpote teneros existentes. Procedit autem in caput, si secundum naturam prodierit. Gravissimæ enim sunt ipsi supernæ partes, si ex umbilico perpendantur. Quum autem in uteris est, magis continens existit usque ad pellicularum rupturam simul cum decimo mense, quando partus matri propinquat, & adest.

38. Si vero violentam affectionem perpetiatur puer, etiam ante præfinitum tempus ruptis pelliculis procedit. Quin & si alimentum a matre prius puero defecerit, etiam sic partus matri prius advenit, & ante decimum mensem puer prodit. Cæterum, quæ longius quam decem mensium tempus uterum gestare sibi visæ sunt (nam hoc jam sæpe audivi) illæ ipsæ hoc modo quem dicturus sum deceptæ sunt. Quum uteri spiritum acceperint in seipsos, a

ventre flatum exhibente, elevantur ac intumescunt (contingit enim hoc) videntur sane sibi mulieres tunc concepisse. Præterea si menses non procedentes, congregati fuerint in utero, & diutius manserint, semper perfluunt in uteros, aliquando una cum flatu a ventre, aliquando etiam calescentes: & sane tunc quoque in utero habere mulieres sibi videntur, nimirum mensibus non prodeuntibus, & uteris elevatis.

39. Deinde aliquando menses sua sponte erumpunt, aut aliis supervenientibus a corpore in uteros, & priores protrudentibus, & flatus egreditur: & multis jam statim post mensium purgationem uteri hiant, & ad pudendum vertuntur, & tunc viris permixtæ, ad se genituram concipiunt, eadem die aut omnino in paucis. Existimant autem inexpertæ harum rerum ac rationum, etiam illo tempore se in utero habuisse, quando menses non prodibant ipsis, & uteri erant elevati ac tumentes.

40. Quod autem non diutius quam decem mensibus contingat uterum gestare, ego demonstrabo. Alimentum & augmentum quod a matre descendit, non amplius sufficiens est puero, ubi decem menses præterierint, & fœtus auctus fuerit. Trahit enim quod dulcissimum est in sanguine ad sese, simulque etiam lacte modice fruitur. Quum autem hæc ipsi rariora ac pauciora sint, & puer plenus ac maturus existat, copiosius alimentum desiderans calcitrat, ac pelliculas rumpens, initium partus matri inducit; & hoc perpetiuntur magis mulieres primiparæ: deficit enim pueris alimentum, ut ad decimum usque mensem sufficere non possit; deficit autem per hunc modum. Sunt quædam mulieres, quibus sufficientes menses purgantur, quædam quibus pau-

pauciores : hoc ipsum si semper fiat , in natura , & genere , maternum ipsis existit . Quæ vero menses paucos demittunt , hæ etiam pueris postremo tempore , ubi jam maturi fuerint , alimentum rarius exhibentes , ipsos calcitrare faciunt , ut & ante decimum prodire festinent . Modicus enim sanguis a juvenulis ac novellis matribus procedit : ut plurimum vero contingit tales mulieres etiam sine lacte esse , quæ paucos menses demittunt . Sicciores enim sunt , & densiorem carnem habent .

41. Huic autem rationi , quod videlicet deficiente alimento prodit puer , etiamsi non aliqua violenta affectio ipsi accidat , etiam hoc testimonio esse potest . Volucris ex ovi luteo nascitur , hoc modo . Incubante matre ovum calefcit , & quod in ovo inest , a matre movetur : calefcens autem id , quod in ovo inest , spiritum habet , & alterum frigidum ab aëre per ovum attrahit . Ovum enim adeo rarum est , ut spiritum , qui attrahitur , sufficientem ei , quod intus est , transmittat : & augetur volucris in ovo , & coarticulatur modo eodem ac consimili velut puer , quemadmodum jam antea a me relatum est . Nascitur autem ex luteo ovi volucris , alimentum vero & augmentum habet ex albo , quod in ovo est ; atque hoc jam omnibus manifestum factum est , qui animum adverterunt . Ubi autem deficit alimentum pullo ex ovo , non habens id sufficiens unde vivat , fortiter movetur in ovo uberius alimentum quærens , & pelliculæ circumdirumpuntur , & ubi mater sentit pulum vehementer motum , putamen exscalpens ipsum excludit , atque hæc fieri solent in viginti diebus , & manifestum est quod ita se habent . Ubi enim exclusa est volucris , nullus humor in

ovi testis inest , qui sane memorabilis existat , expensus est enim in pullum . Sic etiam ubi auctus fuerit puer , mater non amplius sufficiens alimentum ipsi exhibere potest . Uberius itaque præsentem alimentum puer quærens , calcitrando pelliculas dirumpit , & a vinculo exolutus simul foras prodit , atque hæc , ut longissime in decem mensibus fiunt .

42. Et secundum hanc rationem etiam pecoribus ac feris partus advenit , in tempore quo singula pariunt , non tardius . Etenim unicuique animali necesse est tempus esse , in quo alimentum foetui rarius erit , & deficiet , & partus adest . Et quæ quidem paucius alimentum pueris præbent , citius pariunt : quæ vero uberius , posterius . Atque hæc mihi de hoc dicta sunt . Porro disruptis pelliculis , si pueri momentum in caput inclinatum prædominabitur , mulier facile parit . Si autem obliquus , aut in pedes procedet , contingit enim hoc sæpe , si momentum huc inclinarit , sive præ uterorum spatiositate , sive si mater in labore ex partu primum non quievit : & si sic procedet , mulier difficulter pariet . Multæ autem vel ipsæ perierunt , vel puer , aut simul matres una cum foetibus .

43. Cæterum ex parientibus ac puerperis maxime laborant primiparæ , propter inexperientiam dolorum , & dolent quidem totum corpus , maxime vero lumbos ac coxendices . Nam coxendices ipsarum disparantur . Verum expertæ jam partus , minus primiparis dolent . Quæ vero multoties pepererunt , multo minus dolent . Si porro in caput processerit puer , caput primum foras prodit , deinde alia membra consequuntur , postremus autem umbilicus . Ex umbilico autem secunda tenta est . Post hæc

aquo-

aquositas & mucus sanguinolentus tum a capite, tum a reliquo corpore secretus, præ violentia & dolore ac calore: atque hic viam struit purgationi a partu consequenti. Post exitum autem ejus muci cruenti, purgatio fit per tempus antea relatum. Et tum mammæ, tum reliqua membra, quæ humidiora sunt, mulieribus rumpuntur, minime quidem in primo partu: postea vero prout plures pariunt, ita amplius rumpuntur, evacuatis venis præ partus purgatione. Atque hæc a me de hoc dicta sunt.

44. Gemelli autem fiunt ab uno coitu, hoc modo. Uteri sinus frequentes & curvos habent, alios remotiores, alios propinquiores pudendo. Et animalia, quæ multa gignunt, plures sinus habent, quam ea, quæ pauca. Similiter autem habent & pecora, & feræ, & volucres. Ubi itaque contigerit genituram findi, & in duos sinus pervenire, & uteri genituram susceperint, & sinus alter ad alterum non hiaverit, nec dimiserit, segregata genitura in utroque sinu pelliculas induit, & vivificatur eodem modo, quo unus foetus; quapropter vero id fiat, diximus. Quod vero ab uno coitu gemelli gignantur,

hoc testimonio constat. Est canis, & sus, & alia animalia, quæ ab uno coitu pariunt & duo, & plura, & unumquodque animal in utero in sinu ac pellicula existat: atque hæc ipsi fieri videmus, & hæc omnia eadem die ut plurimum pariunt. Sic autem & mulieri ab uno coitu gemelli facti, uterque in sinu & pellicula est, & eadem die utrunque parit, & alter prius foras procedit, & pellicula ipsius sive secunda.

45. Quod autem gemelli, foemella & masculus generantur, hoc causæ esse sentio. In muliere & in viro, & in omni animali, in singulis & debilior, & fortior genitura inest, & non semel ac simul genitura procedit, sed & bis, & ter ebullit ac ejaculatur: & non est possibile omnem esse fortem, tum quæ prius exiit, tum quæ posterius. In utrum autem sinum, crassiorem ac fortiorem genituram ingredi contigerit, illic masculus gignitur: in utrum vero rursus humidioram ac debiliorem, illic foemella generatur. Si vero in utrunque fortis ingrediatur, ambo masculi fient: si debilis, ambo foemellæ. Atque hic sermo sic relatus totus finem habet.

H I P P O C R A T I S

D E

S E P T I M E S T R I

Liber Spurius.



DE septimestribus quidam sic dicit, quod negotium oculis nondum vidi, sed tantum audivi. Quo autem modo mihi fieri posse videatur, declarabo. Multæ naturæ mutationes, conversiones, & excessus in

animalibus, & arbutis, cæterisque factis, sponteve nascentibus ævo perpetuo longoque fiunt. Nam alicubi jam femina, & mas multis manibus, oculis, auribusque conformati nati sunt, variisque aliis formis, concreta ora & ossa alii habentes, mirandam naturæ præ-

prævaricationem, mutationem, & excessum; cuncta enim temporibus labentibus & discreta, & confusa, & peculiariter perficiuntur. Nam secundum primam generationem, cum omnia animantia condita & creata sunt, sic conformata fuerunt, scitoque etiam nunc eodem modo, & per eadem secundum leges, cuncta conformari nascique posse. Mihi vero (quemadmodum homini circa septimestria definiendi datur) hæc statuta specie, pro cœli, terræque benignitate, quemadmodum fructus, oriri videntur. Quod videre est in Ægypto, ubi omnia perfecta nascuntur, & perficiuntur, multa etiam & per annum totum, omnique tempore terræ benignitate, calorisque circum aggeratione, Nilive inundatione scaturiunt. Simili modo & circa animantia, septimestriaque, perfecta, vitaliaque illic omnia nascuntur. Quamobrem si quæ conceptura est, uti sibi successionem pariat, bene habeat, virque ad eam rem demittendam promptus; præstoque sit, corpus sive corporis alveus creatur, & perficitur. Collatio enim & concordia, validaque necessitas, & vis cogit, uti perficiatur, & adolescat suo satori non dissimile. Nam si major, minorve, & dissimilis forma, & figura sit, illi unde orta est, perfecta non haberetur. Quare dicito, statuitove, medium quid esse in magno negotio, conformationem, rhytmumve. Si ergo conformatio aliqua ad homines perventura est,

leni & miti modo perveniat necesse est, perque hominum commoda, si minus, quidam præpubescunt, & præsenescunt, quemadmodum, qui præsanescunt, & si rite, & secundum legem fiat. Conformatioque contabescit, & ad ossium commoda, fibrarum, venarum, nervorum, viscerum, intestinorum, uteri, cæterorumque perfectionem convertitur. Sed forsitan aliqui petent, cur octimestria, & trimestria non vivant? quoniam fluxi parvulique sunt; quædam enim sic ævum, & ætatem nacta sunt, & per similia conformari, & discerni consueverunt, quemadmodum, quæ in terra feruntur, & plantantur; quædam enim pluribus, quædam paucioribus diebus nascuntur, secundum tempus; tempus autem solis, & lunæ circuitu perficitur, & sequitur, nec etiam undecimestres, nec duodecimestres, secundum eandem rationem horum vivent, donec pueruli sunt; nihil enim præter sua vestigia, & naturam fit, aut adolescit, nec etiam si quid fabulentur. Sed cujusque conformatio, forma, figurave, & similitudo, sive rhythmos secundum naturalem legem perficitur, & rite finitur. Nam naturalis machinatio cuncta in oculos, vel aures, vel nares, vel os transfert, quæ conformationibus his continetur, vel per alias concreciones, syncrisive absumit. Quare nunc periti cum sint, conceptus omnes noscent, quæ prius excogitavi.





SEPTIMESTRES autem nascuntur diebus centum & octoginta duobus ac dimidio, & insuper accedente diei particula. Si enim primi mensis dies quindecim supputaveris, deinde quinque mensium, dies centum quadraginta septem ac dimidium: in undesexaginta enim diebus quam proxime duo menses perficiuntur; his igitur sic habentibus, ad septimum mensem supersunt dies plus quam viginti. Et est tota summa dimidii anni, una cum aliquantula diei parte. ad partem accedente. Quum itaque ad hoc perfectionis principium partus pervenerit, maturescente foetu, & robore multum augescente, in perfectione magis quam aliis temporibus, pelliculae in quibus ab initio nutritus fuit [quemadmodum spicarum membranae laxantur, ad id coactae anteaquam fructus perfecte maturescat], & fortissimi ac plenissimi foetus violantes ac dirumpentes pelliculas, partum fieri cogunt, & plurimi ex his pereunt. Quum enim parvi sint, transmutatione majore quam alii utuntur, & quadraginta dierum afflictionem perferre coguntur, ex utero egressi, id quod etiam ex decimestribus multos peremit. Sunt autem ex his septimestribus, qui etiam superstites manent, ex multis pauci. Propterea quod ratio & tempus in quod enutriti sunt in utero, constitit, ut omnium participes sint,

quorum etiam perfectissimi participes existunt, maxime qui superstites manent, & processerunt de matre prius pariente, utpote in octavo mense aegrotaturi. Si enim in his laboribus succedant, ut in conspicuum prodeat puer, impossibile est superstitem esse, ob praedictas affectiones, quas ego octimestres perimere dico, imo etiam multos decimestres. Caeterum multi foetus septimestris aetatis, quum pelliculae laxantur, secedunt in id quod cedit, & hic alimentum sumunt, primos quidem quadraginta dies laborantes, alii plus, alii minus: propter permutationem autem ex locis & pelliculis quae ipsos aluerunt, transmutantur, & pro umbilico trahunt & transumunt etiam per matrem labores: Pelliculae enim dum tenduntur, & umbilicus convulsus, dolores matri inducunt. Et foetus ex antiquo vinculo exsolutus, gravior redditur. Multae vero mulieres etiam febricitant his contingentibus, quaedam etiam pereunt una cum foetibus, verum omnes in brevi ex hoc contaminantur ac inquinantur.

2. Ajunt autem & octonos menses difficillime uteros ferre, recte id dicentes. Est autem octavus mensis non solum hoc tempus, sed & dies accedunt a septimo mense, & a nono, & ab ipso anno. Verum dies non similiter neque dicunt, neque cognoscunt mulieres. Decipiuntur enim ex eo quod non eodem modo fiunt, sed aliquando a septi-

septimo mense plures dies accedunt ad quadraginta, aliquando a nono. Tunc enim fieri necesse est, prout contigerit mulierem in ventre concipere, tum mense, tum tempore. Mensis autem octavus minime dubius est, secundum hunc enim contingit, ut judicatio difficilis existat. Et mea sententiâ pars etiam in undecimo mense, mensis est, ut hic satis memorabilis existat. Porro mulieribus de partibus fidem derogare non oportet, dicunt enim omnia, & semper dicunt, & semper proferunt. Neque enim aut opere, aut sermone persuasæ sunt, sed ex eo quod cognoverunt in corporibus suis contigisse. Licet autem & volentibus aliud dicere. Quæ vero iudicio præditæ sunt, & victoriam de hac sententiâ pronunciant, semper dicunt ac testantur, nasci septimestres, & octimestres, & novimestres, & decimestres, & undecimestres: & ex his octimestres non superstites manere.

3. Dicunt autem & abortus plurimos in primis quadraginta diebus fieri, sed & reliqua conscripta his accidere, in quadragenariis, ac in singulis mensibus fieri dicunt. Quum autem septimo mense pelliculæ dirumpantur, & fœtus secesserit, labores qui circa octavum mensem & sextum quadragenarium, in partu fieri traduntur, corripunt. Hoc autem tempore præterito, quibus bene futurum est, inflammationes tum fœtus, tum matris exolvuntur, ut venter molliatur, & tumor a præcordiis & laterum mollitudine descendat ad locos inferiores, ad facilem partus tempore progressionem; & septimo sane quadragenario plurimo tempore fœtus isthic existunt. Nam loci ipsis molles sunt, & transmutationes ipsis faciliores ac frequentiores fiunt, & propterea ad partum magis solubiles consistunt, & mu-

lieres per hos ultimos dies ex toto quadragenario facilius uteros ferunt, donec contigerit fœtum verti. Postea vero dolores partus ac labores incumbunt, donec a puero & a secunda mulier liberetur.

4. Quæcunque vero mulieres multos pueros pepererunt, & quidam ex ipsis claudus natus est, aut cæcus, aut aliud quoddam malum habens, ajunt in hoc puero octavum mensem ipsas difficilius transegisse, quam in his quos pepererunt nihil mali habentes. Fœtus enim mancus in octavo mense fortiter ægrotavit, ut etiam morbus abscessum fecerit, quemadmodum etiam viris fortes morbi faciunt. Qui vero fœtus in alio tempore fortiter ægrotant, pereunt prius quam ipsis abscessus ejusmodi fiat. Quicunque autem octimestres fœtus non valde ægrotant, sed juxta unam aliquam partem, ex secessu afflictionem pertulerunt, quadraginta quidem dies in imbecillitate transigunt, ut plurimum in utero, propter prædictas necessitates: sani autem fiunt. Quicunque autem natus fuerit in his quadraginta diebus, eum impossibile est superstitem manere; ægrotanti enim adhuc ipsi in utero transmutationes & afflictiones post partum accedunt.

5. Quicunque vero ægrotans in utero ad nonum mensem pervenerit, & in hoc mense natus fuerit, superstes erit. Et supervivunt quidem non minus hi quam septimestres, verum pauci etiam ex his educantur. Neque enim crassitudinem habent, quam perfectissimi habent, & labores in utero non diu ante toleraverunt, ut tenues evaserint. Servabitur autem vel maxime talis puer, si novem mensium fuerit in exitu: fortior autem evadet etiam is, ut qui plurimum abest a morbis,

qui octimestribus accidere solent. Qui enim in septem quadragenariis nascuntur, decimestres appellati, ob id maxime educantur, quod fortissimi sunt, & plurimum a vulgariis puerorum tempore absunt, in quo affliguntur quadraginta ægotantes diebus, circa octavum mensem. Declarant autem de morbis & afflictionibus octimestrium, etiam novimestres tenues nascentes. Juxta multitudinem enim temporis, etiam magnitudò corporis contingit, ex morborum afflictionè progressis: & non velut septimestres carnosi gignuntur, & crassitudinem probe coalitam habentes, ut qui tempus, quo in utero gestabantur, sine morbis transfegerunt.

6. Verum enim vero conceptus, & abortus, & partus mulieribus in eo tempore, in quo etiam morbi, & sanitas, & mors omnibus hominibus, fiunt. Hæc vero omnia partim secundum dies, partim secundum menses, partim secundum dierum quadragenarios, partim secundum annum, significationem sui præbent. In omnibus enim his temporibus insunt ad unumquemque, & utilia multa, & hostilia multa. Ex utilibus igitur, sanitas & augmentum contingit: ex contrariis, morbi & mors. Dies quidem igitur maxime insignes in plurimis sunt, primi & septimi, multum potentes in morbis, & multum in fœtibus. Nam plurimi abortus in his diebus fiunt, nominantur autem tales effluxus, non abortus. Verum alii dies intra quadragesimum insignes quidem minus sunt, multi vero judicant.

7. Cæterum in mensibus, eadem quæ in diebus fiunt, juxta rationem insunt. Menses enim mulieribus sanis singulis mensibus apparent, tanquam peculiarem in corporibus vim mensis habeat.

Unde sane septimi menses his, quæ uterum gestant, fœtus in principium perfectionis constituunt. Pueris vero, ubi septem menses a nativitate impleverunt, tum alia utilia in corporibus fiunt, tum dentes in eo tempore apparere incipiunt.

8. Eadem ratio est etiam in decretoriis diebus, siquidem fortassis unum cum his, quos recensui, conjungere quis velit, historiæ ac cognitionis gratia referentur. Etenim Medicum, qui ægrotorum salutem recte conjectare volet, animadvertere quidem oportet & contemplari omnes dies, ex paribus vero decimumquartum, & vigesimum octavum, & quadragesimum secundum. Hic enim terminus ponitur a quibusdam pro harmoniæ ratione, & integer ac perfectus numerus: verum ob quam causam, longius fuerit in præsentem exequi. Contemplari autem sic oportet per ternarios ac quaternarios, ternariis quidem omnibus copularis, quaternarios autem duobus disjunctis, duobus connexis. At vero quadragenarii primum in fœtibus judicant. Quisquis enim primos quadraginta dies transmiserit, abortus effugit ex omni causa contingentes: plures autem fiunt in primo quadragenario abortus, quam in aliis omnibus. Hoc autem tempore præterito, fœtus fortiores sunt, & ipsorum corporis per singula membra discretio fit: & masculorum quidem partes omnes valde conspicuæ fiunt: fœmellæ vero in hoc tempus, carnes apparent exortus ac processus solum habentes. Similia enim longius tempus in similibus sunt, & tardius discernuntur, propter consuetudinem & amicitiam: quanquam alias quum a matre segregatæ fuerint, filiæ citius quam filii pubescant, & sapiant, ac senescant, propter corporum imbecillitatem, & victus rationem.

9. Alter quadragenarius est, in quo circa octavum mensem fœtus in utero ægrotant, de quibus hic totus sermo institutus est. Tertius est, in quo ubi nascantur pueri etiam male afflicti, si effugerint quadraginta dies, apparent magis robusti ac sapientes. Nam & splendores clarius vident, & strepitum audiunt, quod prius non potuerunt, tanquam incrementum habeat hoc tempus, cum juxta alia, tum juxta sapientiam ex corpore elucescentem. Peculiarem quidem sapientiam in corpore inesse manifestum est, in prima sane die. Nam in somnis, statim ubi nati sunt pueri, ridere & plorare videntur. Vigilantes quoque sua sponte statim rident ac plorant, prius quam quadraginta dies transeant. Non rident au-

tem, etiamsi titillentur ac irritentur, priusquam hoc ipsum tempus transeat; hebetantur enim vires in muccis.

10. Quamquam mors etiam per factum sit sorte designata; ut hoc exemplo omnibus sit, quod omnia existentia, quæ naturam ex iisdem habent, transmutationes per tempora venientia habeant. Declaratur autem in singulis, quum alia nascantur, alia corrumpantur. Porro anno finiente multi quidem morbi fiunt, multæ etiam sanitates, juxta temporis rationem ad menses, & ad singulos dies. Septenariis autem annorum, cum alia multa insignia corporibus fiunt, tum dentes pueris excidunt, & alii nascuntur. Quæ enim in corporibus fiunt; ea scribam.

H I P P O C R A T I S

D E

O C T I M E S T R I P A R T U .



DE octimestri partu sic sentio. Impossibile esse ut duas consequenter succedentes afflictiones pueri ferre possint, & propterea octimestris non superstites manere. Contingit enim ipsos consequenter affligi, tum ea quæ in utero fit afflictione, tum ea quæ in partu accedit, & ob id nullus octimestris vitalis est. Insuper & decimestres appellatos, in septem quadragenariis dierum magis in lucem edi sentio, & maxime contingere ut educentur. Nam perfectissimus est fœtus in primis quadraginta diebus: ubi vero plures accesserint, perit. Coguntur enim multa in paucis tempore allumentes ac per-

ferentes, multum ægrotare, ex quibus mors consequitur.

2. Incipit autem laborare puer ante partum, & interitus periculum subit, quum in utero vertitur. Producentur enim omnes sursum habentes caput. Pariuntur autem multi in caput, & securius discedunt ac liberantur his, qui in pedes pariuntur. Flexibiles enim corporis partes non impedimento sunt, puero in caput exeunte. Verum quum in pedes prodierit, obturamenta contingunt: Versiones scilicet in utero, & alia pericula, & umbilici puerorum jam sæpe circa colla apparuerunt. Si enim juxta partem quamcunque umbilicus fuerit in utero porrectus, magis
hac

hac parte puer umbilici circumactionem, dum vertitur, faciet, quam circa cervicem. Si vero juxta humerum, umbilici circumactionem retrahit; hoc autem ubi fit, etiam matrem magis laborare necesse est, & puerum aut perire, aut difficilius exire. Quare multi jam pueri principium morbi intus nati prodire, & consequenter alii perierunt, alii morbidi supervixerunt.

3. Quicumque vero probe ac tuto prodierint, & in conspicuum exierint, derepente ex necessitate in ventre liberati, & crassiores ac majores quam pro ratione statim existunt, his non ex augmento, sed laxo tumore id contingit, & multi sani ex his pereunt. Si enim tumor non residat citius quam tertio die, aut paulo serius, morbi ex ipso fiunt. Quare etiam alimenta ac respiraciones periculose mutantur. Si quid enim morbidum inducunt, per os & per nares inducunt: & pro eo quod tanta ingerantur edulia, quanta sufficiunt, & ea etiam non superentur, multo plura ingeruntur: ut necesse sit & cogantur præ ingestorum copia, & præ ipsa adeo affectione, qua pueri corpus afflictum est, alia quidem per os & nares rursus exire, alia vero per intestinum ac vesicam inferne transire, antea nullo horum ita contingente. Sed & pro flatibus ac spiritibus, & humoribus ita cognatis, cum quibus necesse est in utero consuetudinem ac benevolentiam habuisse, omnibus peregrinis utitur, crudioribus ac ficcioribus, & minus mansuetis, ut necesse sit dolores oboriri multos, plerisque etiam mortes: quandoquidem etiam viris transmutationes locorum ac victus, morbos faciunt. Eadem ratio est & de vestibus. Pro eo enim quod carne & humoribus induti fuerunt, iisque tepidis

ac liquidis & cognatis, tales vestes pueri induunt quales ipsi viri.

4. At vero umbilicus per quem alimenti ac spiritus ingressus pueris contingunt, solus ex omni corpore utero adhæret, & per hunc introitus ac ingressus ingredientium particeps fit, reliquæ partes connivent, & non prius apertæ sunt, quam ubi in exitu fuerit puer ex ventre. Quum autem in exitu fuerit, reliquæ omnes aperiuntur, verum umbilicus attenuatur, & connivet ac resiccatur. Quemadmodum autem in his, quæ ex terra nascuntur, fructus pleni ac maturi secernuntur ac decidunt, juxta discriminationem qua parte inhærent: sic etiam pueris maturis ac perfectis, umbilicus quidem connivet ac clauditur, reliqua vero aperiuntur, ut & ingredientia suscipiant, & exitus habeant secundum naturam, quibus necesse est viventes uti. Singula enim separantur, juxta modum quo agmina congregantur repentina: optima autem sunt, quæ maxime soli connutrita sunt.

5. Cæterum decimestres & undecimestres partus, ex septem quadragenariis eodem modo fiunt, velut ex dimidio anno septimestres. Plurimis enim mulieribus necessarium est in ventre concipere, post menstrua purgamenta, ubi ab his exsolutæ fuerint. Oportet igitur mulieri tempus dare mensis, in quo ipsa purgatio continget: & hoc tempus quibus brevissimum fit, tres sunt dies; plerisque autem multo plures. Sunt autem & alia multa impedimenta, etiam in viris, ex quibus conceptus retardatur. Oportet autem vel maxime hoc considerare, quod novilunium, quod dies unus existit, exactissime trigesima mensis pars est: duo autem dies, ferme quindecima mensis pars sunt. Tres vero dies, pars mensis decima sunt, & reli-

reliqua juxta horum rationem ; & non est possibile in paucioribus partibus fieri , neque menstruorum solutionem , neque fœtum conceptionem .

6. Ex his igitur omnibus necessarium est plerasque mulieres circa plenilunium , & ultra in ventre concipere , ut ducen-

ti & octoginta dies , sæpe undecimum mensem apprehendere videantur ; tot enim dies septem quadragenarios constituunt . Nam quum ultra plenilunium mulier concipit , necesse est eum conceptum undecimum mensem attingere ac apprehendere , quoad ultimum circuitum perveniat .

H I P P O C R A T I S

D E

D I Æ T A

Liber primus .



S I quis mihi ex prioribus , qui de diata humana ad sanitatem conferente scripserunt , recte cognovisse ac omnia per totum , quantum humanæ menti possibile est , conscripsisse videretur : satis esset mihi aliorum laboribus , quos nossem , recte habere , uti , prout singula utilia esse viderentur . Nunc vero multi quidem jam scripserunt , nullus autem recte novit , quidnam fuerit ipsis scribendum . Et alii quidem aliud assequuti sunt : verum totum nullus adhuc ex prioribus . Immerito autem ullus aliquis ipsorum reprehendatur , propterea quod invenire non potuerint . Imo laudandi potius omnes quod investigare conati sunt . Itaque redarguere ea , quæ non recte dicta sunt , minime institui : verum his quæ sufficienter cognita sunt , testimonium præbere animus est . Quæcunque quidem igitur recte a prioribus dicta sunt , ut non sit possibile me aliter conscribere , recte conscribam . Quæcunque vero non recte dixerunt , siquidem redarguam hæc quod non sic se habent , nihil perfece- ro : verum exponendo qua de caussa sin-

gula ipsorum recte mihi habere videntur , declarare volo . Propterea vero hunc sermonem præpono , quæ multi homines ubi audierint aliquem prius de re aliqua exposuisse , eum qui de his posterius differit non recipiunt , non cognoscentes quod ejusdem intelligentiæ est , ea quæ recte dicta sunt posse judicare , (& non recte dicta declarare) . Ego igitur velut dixi , recte quidem dictis testimonium præbebo ; quæ vero non recte dicta sunt ac cognita , qualia sint declarabo . Quæ autem nullus ex prioribus explanare tentavit , ea etiam ipsa qualia sint demonstrabo .

I. Porro eum , qui de victu humano scripturus est , censeo primum quidem totius hominis naturam nosse ac dijudicare oportere . Nosse quidem ex quibus ab initio constitutus est , dijudicare vero quæ in ipso partes dominium obtineant . Si enim constitutionem ab initio non cognoscet , & id quod in corpore dominatur , non poterit ea quæ homini conducunt offerre : hæc igitur scriptorem cognoscere oportet . Deinde vero ciborum ac potuum omnium , ex quibus victum habemus , facultatem ,
quam

quam tandem singula habent & secundum naturam, & secundum necessitatem ac artem humanam. Oportet enim scire quomodo fortium natura vim detrudere oporteat, & quomodo debilibus robur per artem addere oporteat, prout singulorum occasio se obtulerit. Et si relata jam etiam cognoverit, nondum sufficiens est hominis curatio, propterea quod homo edens sanus esse non potest, nisi etiam laboret.

2. Contrarias enim inter se vires habent cibi & labores: Verum inter se mixti conferunt ad sanitatem. Labores enim ea quæ infunt consumere solent, cibi autem & potus ea quæ evacuata sunt explent. Oportet autem, velut par est, laborum vim pernoscere, tum naturalium, tum eorum qui per vim fiunt, & qui ex ipsis carnes in augmentum præparant, & qui in defectum: & non solum hæc, sed etiam mensuram ac proportionem laborum ad multitudinem ciborum, & hominis naturam, & corporum staturas ac ætates, & ad tempora anni, & ad mutationes ventorum, & ad situs regionum, in quibus degunt, & ad anni constitutionem ac statum. Sed & astrorum ortus & occasus cognoscere oportet, quo mutationes & excessus ciborum ac potuum, & ventorum, & totius mundi, ex quibus sane morbi hominibus oriuntur, observare sciat.

3. Quum autem hæc omnia cognoverit, nondum sufficiens inventum est. Siquidem enim supra hæc inventa fuerit ciborum mensura, & laborum ad unamquamque naturam numerus, ita ut excessus neque supra, neque infra modum fiat, inventa sane exacte fuerit hominibus sanitas. Nunc vero prædicta quidem omnia inventa sunt, qualia sint, hoc vero invenire impossibile est. Siquidem igitur præsens quis sit, & in-

spiciat, cognoverit utique hominem exuentem se & in gymnasiis exercitantem, ut custodire sanum possit, alia detrahendo, alia opponendo. Verum non præsentis impossibile est cibos ac labores exacte præscribere. Nam quantum possibile est invenire a me jam relatum est. Etenim etiamsi valde parum defectuosiora quam alia fiant, in multo tempore necesse est corpus ab excessu superari, & ad morbum pervenire. Alii itaque hucusque inquirere conati sunt, & neque hæc dixerunt ac prodiderunt. A me vero hæc inventa sunt priusquam homo ægrotet, ut ab excessu in utram tandem partem factus fuerit, prænotio contingat. Non enim derepente morbi hominibus accedunt, sed paulatim collecti, acervatim apparent. Priusquam igitur in homine sanitas a morbo superatur, quæ perpetuantur homines a me inventum est, & quomodo hæc in sanitatem restituere oportet. Hoc autem ubi accesserit ad ea quæ scripta sunt, ratiocinationum hujus doctrinæ conatus perficitur.

4. Constituuntur quidem igitur tum animantia alia omnia, tum homo ipse ex duobus, differentibus quidem facultate, concordibus vero & commodis usu, igne inquam, & aqua. Hæc autem ambo simul sufficientia sunt, tum aliis omnibus, tum mutuo sibi ipsis: utrumvis vero seorsum, neque sibi ipsi, neque ulli alteri sufficiens est. Vim igitur ac facultatem utrumque ipsorum talem habet. Ignis enim omnia per omnia movere potest. Aqua vero omnia per omnia nutrire. Particulatim vero utrumque superat & superatur, ad summum ac minimum, quantum ejus fieri potest. Neutrum enim superare penitus potest, ob hanc sane causam. Igni quidem ubi ad extremitatem aquæ per-

pervenerit, deficit alimentum: avertitur igitur eo unde nutriri potest. Aquæ vero ubi ad extremitatem ignis pervenit, deficit motus. Sistitur itaque in hac: quum vero steterit, non amplius potens est, sed ab illabente igne in alimentum consumitur: & propterea neutrum penitus superare potest. Si vero etiam alterutrum superetur, nihil sane ex his, quæ nunc sunt, fuerit velut nunc habet. Quum autem sic semper se habeant, erunt & eadem, & neutra, & neque simul deficient. Ignis igitur & aqua [velut a me dictum est] sufficientia sunt omnibus per omnia ad summum ac minimum similiter.

5. Cæterum utrique horum hæc adsunt. Igni quidem caliditas & siccitas, aquæ vero frigiditas & humiditas. Habent autem inter se mutuo, ignis ab aqua humiditatem: inest enim ab aqua humiditas; aqua vero ab igne siccitatem: inest enim in aqua ab igne siccitas. Quum autem hæc sic habeant, multas & omnigenas formas ac species, tum seminum, tum animalium, inter se secernunt, quæ nihil inter se simile habent, neque visu, neque facultate. Etenim quum nunquam simul in eodem consistant, sed semper alterentur, necessarium est etiam ea, quæ ab ipsis secernuntur ac producuntur, dissimilia fieri. Equidem nullum omnino corpus perit, neque fit quod prius non erat: verum permixta & discreta alterantur. Homines autem putant hoc quidem ex orco in lucem auctum generari, illud vero ex luce in orcum imminutum perire ac corrumpi. Oculis autem magis credere oportet quam opinionibus. Ego vero hæc ex sententia exponam. Animalia enim sunt & illa, & hæc: & neque animal mori possibile est non cum omnibus: (unde enim moriatur?) ne-

Tom. I.

que quod non est generari, quum non sit unde generetur. Sed augentur omnia ac minuuntur, ad summum & ad minimum, quantum ejus fieri potest.

6. Quid vero dicam generari & perire, vulgi gratia interpretabor. Hæc autem commisceri & discerni significare declaro. Habet autem res hoc modo. Generari & perire, sive corrumpi, idem est. Idem est commisceri & secerni. Generari idem est quod commisceri. Perire corrumpique ac minui idem est quod secerni: unumquodque ad omnia, & omnia ad unumquodque idem sunt. Consuetudo enim in his naturæ contraria est. Scorsum autem omnia & divina, & humana sursum ac deorsum vicissitudinem habent ac transeunt: dies & nox ad summum ac minimum: sic & luna ad summum ac minimum. Ignis accessus est & aquæ. Sol ad longissimum ac brevissimum. Rursus hæc, & non hæc. Lux jovi, tenebræ orco. Lux orco, tenebræ jovi. Accedunt & transmutantur illa huc, hæc illuc. Omni tempore transigunt illa res horum, hæc autem illorum: & quæ quidem faciunt, non sciunt, quæ vero faciunt, scire sibi videntur: & quæ quidem vident, non cognoscunt. Attamen omnia ipsis fiunt per divinam necessitatem, & quæ volunt, & quæ non volunt. Accedentibus autem illis huc, his vero illuc, & inter se permixtis, unumquodque destinatum fatum explet, & ad majus, & ad minus.

7. Corruptio autem omnibus mutuo inter se est, majori a minore, & minori a majore. Et augetur majus a minore. Reliqua autem omnia, & hominis anima, & corpus velut anima, ornantur ac gubernantur. Irrepunt autem in hominem partes partium, tota totorum temperaturam habentia, ignis vi-

L

deli-

delicet & aquæ, partim acceptura, partim datura: & quæ quidem accipiunt, plus faciunt, quæ vero dant, minus. Secant homines lignum per ferram, alter trahit, alter protrudit. Idem autem hoc faciunt: & minus facientes, plus laborant ac faciunt. Sic & hominis natura, aliud protrudit, aliud trahit, aliud dat, aliud accipit, & alii dat, ab alio accipit, & alii quidem tanto plus dat, ab alio vero nihil minus accipit. Locum autem unumquodque suum servat, & quæ quidem ad minus eunt, ad minorem locum secernuntur; quæ vero ad majus vadunt, permixta in majorem ordinem mutantur. Peregrina vero non eosdem mores habentia, ex aliena regione protruduntur. Semper autem anima & majora, & minora habens, suas ipsius partes circumambulat, non appositione, neque detractione partium indigens, verum augmento & decremento earum, quæ jam sunt opus habens. Locum vero unicuique perficit, ad quem perveniant, & allabentia suscipiant. Non enim potest id quod non similes mores habet, in discordibus locis permanere. Oberrant enim velut ignota, permixta vero inter se cognoscuntur. Concors enim concordia adheret ac affidet, discordia autem rebellant, & pugnant, atque inter se diffident.

8. Quapropter anima hominis, in homine augetur, in alio vero nullo, & aliorum magnorum animalium similiter. Quæcunque vero aliter ab aliis per vim secernuntur, de aliis quidem animalibus prætermittam, de homine vero declarabo. Irrepat in hominem anima, ignis & aquæ temperamentum habens, partem corporis humani. Fœmellæ autem & masculi, & multi & omnigeni nutriuntur. Nutriuntur autem & auferuntur per diætam, qua homo utitur.

Neceffe est autem omnia, quæ ingrediuntur, partes habere. Cujuscunque enim pars non inerit a principio, augeri non poterit, neque multo, neque modico alimento ingrediente. Non enim habet quod auferere faciat. Id vero quod omnia habet, auferuntur, unumquodque in suo loco. Alimento autem ingrediente ab aqua & igne, sicco & humido, alia quidem intro coguntur, alia vero foras protruduntur.

9. Quemadmodum fabri lignarii lignum ferra dissecant, & alter quidem trahit, alter protrudit, idem sane facientes: & qui deorsum premit, superiorem trahit, neque enim alias admitteret deorsum ire. Si vero violenter cogant, toto opere aberrabunt. Similiter & circa hominis alimentum se res habet: aliud trahit, aliud protrudit: intro autem coactum, foras repit. Si vero importune & violenter cogatur, omni successu privabitur. Singula autem tanto tempore eundem ordinem habent, donec locus non amplius suscipiat, neque alimentum aquarum ac ignis sufficiens ad summum habeat. Postea ad externam regionem transeunt & fœmellæ & masculi, eodem modo præ violentia & necessitate impulsæ. Quæcunque autem destinatum fatum expleverint, ea primum secernuntur ac simul commiscuntur. Singula enim secernuntur, omnia autem hæc commiscuntur. Postquam vero regionem permutaverint, & nacti fuerint harmoniam recte habentem symphonias tres comprehensim penetrantes per omnia, vivunt & auferuntur iisdem quibus etiam antea. Si vero harmoniam non affecti fuerint, neque gravia acutis consona fiant, prima symphonia perit. Et si etiam secunda generetur, propterea quod unus per omnia corruptus est, omnis

omnis tonus vanus est. Non enim concentum habuerit, sed transitio fit ex majore ad minus, ante destinatum fatum: quod qui faciunt, non sciunt quid faciant.

IO. Cur autem utrique tum masculus, tum foemina fiant, in sermonis progressu declarabo. Uter autem ipsorum harmoniam assequetur humidus existens, movetur ab igne, motus autem vivificatur, & alimentum attrahet ingredientibus in mulierem cibus ac spiritu, primum quidem undiquaque similiter, donec recenter rarus est: a motu autem & igne siccatur ac consolidatur: consolidatus autem & firmatus circumcirca densatur. Et ignis inclusus non amplius sufficiens alimentum attrahere potest, neque spiritum expellit, propter ambientis corporis densitatem. Consumit enim humorem intus existentem. Quæ igitur solida natura sunt in compacto ac sicco, ea non consumuntur ab igne in alimentum: sed valida ac robusta fiunt, & consistunt humore deficiente, atque hæc sane ossa ac nervi nominantur. Ignis autem ex commixto ac moto humore corpus secundum naturam ordinat ac disponit, propter talem necessitatem. Nam per solidum & siccum non potest diutinos transitus facere, quia alimentum non habent: per humida vero & mollia potest, hæc enim ipsius sunt alimentum. Inest autem & in his siccitas, quæ ab igne non consumitur. Hæc autem inter se congregantur mutuo.

LI. Ignis igitur penitissime ad intima obturatus, & plurimus est, & maximum exitum facit. Plurimus enim humor in ea parte inest, quæ venter appellatur, & excidit inde ubi alimentum non habet foras, & exitum facit. Plurimus autem humor in ventre inest,

tum propter alimenti ingestionem, tum propter concoctionem. Qui vero in reliquum corpus conclusus est ignis, triplices circuitus facit. Etenim quod humidissimum est in igne, in his locis, quæ venæ cavæ appellantur, existit. In media autem horum id quod reliquum est aquæ congregatum stabilitur, atque ea vocantur carnes. In summa, ignis omnia quæ in corpore sunt, secundum suum ipsius modum exornavit, ad universi imitationem, parva ad magna, & magna ad parva. Ventrem quidem maximum, sicco & humido promptuarium, ut det omnibus, & accipiat ab omnibus, juxta maris facultatem, quod est animalium in ipso nutritorum ac nutriri solitorum alimentum, discordium vero perniciens. Circum hunc autem aquæ frigida & humida congregatio, transitus spiritus frigidi & calidi, ad terræ imitationem, omnia quæ in ipsam incidunt alterant. Et alia quidem consumens, alia vero augens, aquæ tenuis ac ignis dispersionem fecit, insuperque non obscuri & apparentis a compacto secretionem, in quo delata omnia, in apertum perveniunt, singula juxta destinatum fatum. In hoc vero triplices circuitus ignis fecit, inter se mutuo intro ac foras terminantes, alios quidem ad cavitates humorum lunæ facultate, alios vero ad externam circumferentiam, ad ambientem soliditatem astrorum facultate. Medii vero & intro, & foras terminantes, calidissimum ac fortissimum ignem habent, qui sane omnibus dominatur, omnia secundum naturam gubernans, sine strepitu, tum ad visum, tum ad tactum. In hoc anima, mens, prudentia, augmentum, motus, imminutio, permutatio, somnus, vigilia. Hic omnia per omnia gubernat,

& hæc, & illa, nunquam quiescens.

12. At vero homines ex manifestis obscura considerare non noverunt. Quum enim artibus utantur similibus humanæ naturæ, idipsum ignorant. Divina enim Mens edocuit ipsos sua ipsorum imitari, ita ut cognoscant, quæ faciunt, & non cognoscant, quæ imitentur. Omnia enim similia sunt, dissimilia existentia, & omnia concordia, discordia existentia: quæ comprobamus, non comprobamus: æquitatem habentia, iniqua sunt: contrarius est modus singulorum ei quem confitentur. Lex enim & natura, quibus omnia transfigimus, non confitentur quæ confitentur. Legem enim posuerunt ac tulerunt homines ipsi sibi ipsis, non cognoscentes de quibus tulerunt. Naturam vero omnes Dii exornaverunt. Quæ igitur homines sanciverunt, nunquam eodem modo habent, neque recte, neque non recte. Quæ vero Dii sanciverunt, semper recte habent. Et recta ac non recta in tantum differunt. Ego vero artes hominis manifestas, affectionibus & manifestis, & obscuris, similes esse declarabo. Vaticinatio tale quid est: Ex manifestis quidem cognoscere obscura, ex obscuris vero manifesta, & ex præsentibus futura, & ex mortuis viventia. Et ea, quæ intelligi non possunt, vates intelligunt: qui quidem doctus est, semper recte; qui vero non doctus est, alias aliter. Naturam hominis etiam hæc, quantum possibile est, imitantur. Vir mulieri concumbens puerum facit: hoc manifesto obscurum cognoscere datur, quod sic futurum est. Mens hominis obscura, cognoscens manifesta, ex puero in virum transit, hoc præsentem futurum cognoscit. Non simile a morte ullum aliquod animal existit, neque mortuo animal vivum. Venter, quod intelligi

non potest, novit: per hunc enim intelligimus quod sitit aut esurit. Hæ artes vaticinandi & humanæ naturæ affectiones, cognoscentibus quidem semper recte habent, verum non cognoscentibus alias aliter.

13. Artis fabriliis ferrariæ instrumenta ferrum circumliquant, flatu ignem fabri cogunt, & alimentum jam præsens auferunt, ubi vero rarefecerint, feriunt ac tundunt. Aquæ autem alimento ferrum rursus roboratur. Eadem patitur homo a pædotriba: præsens enim alimentum igne detrahitur, quum præ spiritu homo cogatur, rarefactus autem tunditur, atteritur, subvertitur. Aquæ autem aliunde accessione corroboratur ac fortis evadit.

Et fullones idem transfigunt, calcitrant, feriunt, destruentes tundunt, trahunt destruentes, robustiora faciunt, deradentes supereminentia, & attexentes pulchriora reddunt. Eadem etiam homo perpetitur.

Sutores coriarii tota in partes dissecantes, scindentes, & pungentes, marcida ac lacera, sana & integra faciunt. Et homo idem patitur. Ex totis partes secantur, & ex partibus compositis tota fiunt. Punguntur & secantur a medicis marcida, sananturque ac vivit homo.

14. Medicina id, quod molestat, tollit, & id, a quo homo ægrotat, auferens, sanum facit. Natura eadem sua sponte novit. Desidens conatur resurgere, currens conatur requiescere, & alia ejuscemodi natura habet, quæ medicinæ sunt.

Fabri lignarii ferra secantes, alter trahit, alter protrudit. Idem autem uterque facit, & in utranque partem tendit. Iidem terebrant, alter trahit, alter protrudit: & qui premit,

supe-

superiorem deorsum trahit, & minus facientes plus faciunt, naturamque hominis imitantur. Spiritus alter trahit, alter protrudit. Idem autem uterque facit, & in utranque partem tendit. Cibi partim deorsum premuntur, partim sursum vergunt. Ab una anima divisa, plures & majores, & minores & pauciores fiunt.

Ædificatores ex diversis rebus unam concordem facientes, sicca quidem humectantes, humida vero siccantes, & tota dividentes, divisa vero componentes (si enim non sic contingeret, nihil privatim ac proprium constitui posset): diætam humanam in hoc imitantur. Nam & in hac, sicca humectantes, & humida resiccantes, tota quidem dividunt, divisa vero componunt. Hæc omnia diversa ac discordia existentia, cum natura concordant.

15. Musices autem organum primum producere oportet, in quo harmonia quæ vult declarabit. Constructiones ex iisdem non eadem sunt, ex acuto, ex gravi, nomine quidem similibus, sono autem non similibus. Quæ plurimum diversa sunt, maxime concordant, & quæ minimum diversa sunt, minime concordant. Si vero quis similia omnia faciat, non inest delectatio. Plurimæ ac multiformes transmutationes maxime delectant.

Coci obsonia hominibus parant, omnis generis diversa commiscentes, ex iisdem non eadem, ad hominum cibum ac potum. Quod si omnia similia facerent, non haberent delectationem: & si in eodem etiam omnia construerent, non utique recte haberent.

Pulsantur toni in musica, partim superne, partim inferne. Lingua musicam imitatur, cognoscens quidem dulcedinem & acorem eorum, quæ alla-

buntur, itemque dissonantia: pulsat autem sonos superne ac inferne, & neque ea, quæ superne pulsantur, si inferne pulsentur, recte habent, neque quæ inferne, si superne. Quum autem lingua probe fuerit attemperata, symphoniæ delectatio contingit: si vero discors fuerit ac incongrua, molestia.

Pellium tinctorum tendunt, terunt, peccinant, lavant. Eadem est puerorum curatio.

Plicatores ac textores ducentes in orbem fila plicant, a principio in principium desinunt. Idem circuitus in corpore est: unde incipit, in hoc desinit.

Aurum operantes, tundunt, lavant, molli igne liquant: forti autem non conflatur: Ubi vero elaborarunt, ad omnia utuntur. Homo frumentum tundit, lavat, molit, & ubi igne coxit, utitur: & forti quidem igne in corpore non conflatur, verum molli ac lento.

Statuarii imitationem corporis faciunt, anima excepta, mentem autem habentia non faciunt; ex aqua & terra humida siccantes, & sicca humectantes, ab his quæ superabundant detrahunt, & ad ea quæ deficiunt apponunt, ex minimo ad maximum augentes. Eadem patitur homo, augetur a minimo ad maximum, ex superabundantibus detrahens, & deficientibus apponens, sicca humectans, & humida siccans.

Figuli rotam versant, & neque retrorsum, neque antrorsum procedit, sed simul in utranque partem. Universi hæc imitatrix circularis existit. In eadem autem quum jam circumfertur, omnis generis opera efficiunt, ut alterum altero in nulla re simile existat: Ex iisdem homines eadem patiuntur, itemque reliqua animalia in eadem circumferentia omnia operantur, & ex iisdem nihil simile, iisdem instrumentis

ris ex humidis sicca facientes, & ex siccis humida.

16. Grammatica tale quid est, figurarum compositio, quæ signa ac notæ sunt humanæ vocis, facultas revocandi in memoriam præterita, & quæ facienda sunt declarandi. Per septem figuras notitia contingit. Eadem omnia homo transigit sive sciens literas, sive literarum rudis. Per septem figuras etiam sensus hominibus contingit, auditus sonorum, visus manifestorum, nalus odoris, lingua voluptatis & injucunditatis, os sermonis, corpus tactus calidi aut frigidi, spiritus transitus in- tro ac foras. Per hæc cognitio hominibus contingit.

17. Palæstra & pædotribæ tale quid- dam docent, prævaricari secundum le- ges, injuriam facere juste, defraudare, furari, rapere, violare honestissima ac turpissima. Qui hæc non facit, malus: qui hæc facit, bonus est. Ostentatio multorum ac vulgi est; desipientiæ hæc esse vident, & unum ex universis bo- num judicant, reliquos vero malos. Multi mirantur, pauci cognoscunt.

Homines in forum progressi ea- dem perpetrant, defraudant vendentes & ementes. Qui plurimum defrauda- vit, in admiratione est.

Bibentes & insanientes eadem per- petrant, currunt, luctantur, pugnant, furantur, defraudant. Unus ex omni- bus præfertur.

Simulatores & deceptores alia ad- scientes dicunt, & alia sentiunt. Iidem ereptant, & irrepunt non iidem. Inest autem homini, alia dicere, alia face- re, & eundem non esse eundem, & nunc aliam habere mentem, nunc rur- sus aliam. Sic quidem artes omnes cum humana natura communicant.

18. Cæterum anima hominis, quem-

admodum etiam antea a me dictum est, ignis & aquæ temperamentum ha- bens, partes autem hominis, irrepit in omne animal quod sane spirat, item- que in omnem hominem, & junio- rem, & senio-rem. Non autem simili- ter in omnibus augetur, sed in juve- nibus corporibus, utpote celeri circum- volutione existente, & corpore auxili, expassæ & attenuatæ partes illæ animæ, in corporis augmentum consumuntur. In senioribus autem, utpote tardo exi- stente motu, & corpore frigido, in decrementum hominis consumuntur. Quæcunque autem corpora in vigore sunt, & in ætate fœcunda, eos nutri- re & augere possunt. Potentes autem homines, ut quisque plurimos homi- nes alere potest, ita fortis judicatur ac potens: ubi vero defecerint quos alat, imbecillior censetur. Sic etiam circa singula corpora res se habet. Quæcunque plurimas animas nutrire possunt, ea fortiora sunt, ubi vero hæ discefferint, imbecilliora. Quicquid igitur in aliud corpus ingressum fuerit, non augetur; quicquid vero in fœmi- nam, augetur, si ea, quæ ipsi con- grua sunt, contingant.

19. Discriminantur autem partes, & augetur simul omnes, & neque prius alteræ alteris, neque posterius. Verum majores natura priores apparent mino- ribus, quum non priores existant. Non autem in æquali temporis spatio omnes fœtus exornantur, sed alii citius, alii tardius, prout singuli & ignem, & ali- mentum fuerint nacti. Aliqui itaque in quadraginta ac tribus diebus scatu- riunt ac formantur, alii in quatuor mensibus. Similiter etiam vitales fiunt, ac gignuntur, alii citius, septimo mense perfecte: alii tardius, perfe- cte nono mense in lucem prodeunt, & osten-

ostendunt se temperamentum habere , quod semper habebunt . Masculi igitur & fœmellæ hoc modo gignuntur , quantum ejus fieri potest . Cæterum fœmellæ ab aqua magis , & a frigidis ac humidis & mollibus auferuntur tum cibis , tum potibus , itemque studiis ac exercitiis . Masculi vero magis ab igne , a siccis videlicet ac calidis cibis & reliqua diætâ .

20. Si igitur fœmellam parere velit , diætâ ad aquam vergente utendum est . Si vero masculum , exercitiis ac victu ad ignem tendente utetur . Et non solum virum hoc facere oportet , sed etiam mulierem . Non enim solum quod a viro secernitur auctile est , sed etiam quod a muliere , ob hanc sane causam . Utraque quidem pars sufficientem motum non habet ad humoris multitudinem , ut quod influit consumat , & propter ignis debilitatem coaugmentantur . Quum vero ambæ in idem coinciderint , mutuo inter se incurrunt & obvolvuntur , ignis ad ignem , & aqua similiter . Siquidem igitur in sicco loco circumvolvitur ignis , coillapsam aquam superat , & ab hoc ignis auferuntur , ne ab illabente unda extinguatur , aliamque accedentem prior illa suscipiat ac sibi consociet . Si vero in humorem incidit , statim ab initio extinguatur ab illabente unda , & in minorem ordinem dissolvitur . In una autem die uniuscujusque mensis , consociare ac superare ea , quæ accedunt potest , & hoc si coinciderint ab utrisque in unum locum .

21. Consistere autem possunt inter se & fœmella , & masculus , propterea quod anima quidem idem est in omnibus animatis : corpus autem uniuscujusque differt . Anima quidem igitur semper similis , & in majore , & in minore . Non enim alteratur neque per na-

turam , neque per necessitatem . Corpus autem nunquam idem in ullo aliquo est , neque secundum naturam , neque ex necessitate , propterea quod partim secernatur in omnia , partim permisceatur ad omnia . Siquidem igitur mascula corpora ab utrisque secreta fuerint , auferuntur pro re præsentis , & fiunt hi viri animis splendidi , & corpore fortes , si non a diætâ postea detrimentum sentiant . Si vero a viro quidem masculum secernatur , a muliere vero fœmineum , & superaverit , si ita contingat masculum , (Genitura enim ammiscetur ad fortiorem aut debiliorem , non enim habet ex præsentibus aliquid ad quod familiarius secedere possit . Suscipit enim parva majorem , & major minorem . In commune autem super hæc quæ adsunt dominium exercent) corpus sane masculum auferuntur , fœmineum vero minuitur , & in aliam sortem secernitur . Et hi quidem minus prioribus splendidi fiunt , tamen quia masculum a viro superaverit , viriles evadunt , & hoc nomen merito habent . Si vero a muliere quidem masculum secretum fuerit , a viro autem muliebri , superaverit autem masculum , auferuntur eodem modo sicut prius , fœmineum vero minuitur . Et fiunt hi androgyni , id est viri effœminati , atque sic recte appellantur .

22. Tres quidem igitur hæc sunt generationes hominum , differentes in eo quod magis aut minus tales sint , propter partium aquæ temperamentum , & alimenta , & institutiones , ac consuetudines ; declarabo autem in progressu sermonis etiam de his . Cæterum fœmella eodem modo gignitur . Si enim ab utrisque fœmineum secretum fuerit , fœminosissimæ ac ingeniosissimæ fient . Si vero a muliere quidem fœmineum , a viro autem masculum , superave-

verit autem fœmineum, audaciores quidem prioribus fient, veruntamen ornatae ac moderatae etiam ipsae. Si vero a viro quidem fœmineum, a muliere vero masculum secretum fuerit, & fœmineum superaverit, augetur eodem modo, & fiunt hæ audaciores adhuc prioribus, & viriles ac viragines nominantur. Si autem quis non credat animam animæ ammisceri, demens est. Si quis enim carbonem ardentem ad ardentem adjiciat, fortes ad debiles, & alimentum ipsis præbuerit, simile corpus omnes exhibebunt, & alter præ altero non cognoscitur, sed in qualicumque corpore ignem susceperint, tale in omnibus erit: ubi vero præsens alimentum consumpserint, fecernuntur ac obscurantur: Idem hoc anima hominis patitur.

23. At vero quomodo gemini nascantur, hoc sermone declarabo. Equidem natura uterorum in fœminis ut plurimum in causa est. Si enim similiter in utramque partem juxta osculum dispositi a natura fuerint, & similiter hiaverint, & a purgatione siccantur, alere possunt, si semen viri conceperint ita ut statim discindatur. Sic enim necesse est dispergi in utrumque uterum similiter. Siquidem igitur multum semen ab utrisque & forte secretum fuerit, in utrisque locis augeri potest, dominium enim habet in alimentum quod accedit. Si vero aliter contingat, gemini non fiunt. Quum itaque masculum ab utrisque secretum fuerit, necessarium est in utrisque masculos gigni: quum vero fœmineum ab utrisque, fœmellæ fiunt: quum autem alterum fœmineum, alterum masculum fuerit, utrum altero prævalet, id ipsum augetur pro ea ratione. Similes porro inter se fiunt gemelli, ob hanc causam. Primum quidem quod æquales sunt loci, in qui-

bus augetur: Deinde quod simul secreti sunt: Postea quod iisdem alimentis augetur, vitalesque in lucem prodeunt.

24. Cæterum superfœtationes hoc modo fiunt. Quum uteri calidi & siccæ natura fuerint, ipsaque mulier ejusmodi, & semen calidum ac siccum illapsum fuerit, non fit amplius ulla aliqua humiditas in utero, quæ semen superillabens contineat. Quapropter consistit ab initio ac vivit, perseverare autem non potest, sed etiam id quod jam adest insuper corrumpit, quia non eadem utrisque conferunt. Etenim quod tenuissimum est in aqua, & quod rarissimum in igne, si in hominis corpore temperamentum acceperint, sanissimum habitum constituunt. Propterea quod neque in temporum anni maximis mutationibus, aqua densissima evadit in aquæ impetuosis incurribus, neque ignis in ignis impetu, neque in regionum permutationibus, neque in ciborum ac potuum alterationibus. Possunt enim ambo & generationem, & satietatem plurimam suscipere. Æs mollissimum ac rarissimum, plurimum temperamentum suscipit, ac optimum evadit. Eodem modo etiam quod tenuissimum est in aqua, ac rarissimum in igne, ubi temperamentum acceperint. Qui igitur hanc naturam habent, sani perseverant omni tempore usque ad quadragesimum annum, aliqui vero etiam usque ad extremam senectutem. Qui vero a quadragesimo anno, a morbo aliquo correpti fuerint, nunquam ferme evadunt.

25. Quæcunque autem corpora ignis fortissimi, & aquæ densissimæ temperamentum acceperint, fortia & robusta fiunt, verum multa custodia opus habent. Magnas enim transmutationes in utranque partem habent, & in aquæ incur-

incurfibus in morbos incidunt, & in ignis confimiliter. Qui igitur ejuſmodi naturam habet, cum victu uti conducibile eſt temporibus anni contrario. Et aquæ quidem incurſu contingente, (qui ad ignem; ignis vero incurſu contingente, qui ad aquam defleſtat,) uti oportebit eum ab his, quæ ab aqua ſunt, paulatim pro temporum ratione diſcedendo. Porro ubi aquæ craſſiſſimæ & ignis tenuiſſimi in corpore mixtura facta eſt, talia contingunt, ex quibus frigidam & humidam naturam cognoſcere oportet. Talia enim corpora in hyeme morboſiora ſunt, quam in æſtate, & in vere, quam in autumnno. Cæterum quod ad ætates attinet, ſaniſſimi ex talibus pueri ſunt: deinde adoleſcentes: morboſiſſimi autem ſenes, & his vicini; & hæ naturæ cito ſeneſcunt. Talibus in victu conferunt, quæ calfaciunt ac ſiccant, tum in cibis, tum in exercitiis: & externas corporis partes magis quam internas exercere conducit. Si vero humidiffimum in igne, & denſiſſimum in aqua, in corpore mixturam acceperint, ex his humidam ac calidam naturam cognoſcere oportet. Laborant quidem ex morbis huiusmodi maxime in vere, minime in autumnno: quia in vere exceſſus eſt humiditatis, in autumnno vero ſymmetria & moderatio ſiccitatis. Ex ætatibus vero morboſiſſimæ ſunt juniores: corpora autem cito augeſcunt, & tales diſtillationibus obnoxii ſunt. His conducit exhibere quæcunque ſiccant ac frigeſciant, & in cibo, & in potu ac laboribus. Verum labores intra corpus his facere maxime confert.

26. Si vero mixturam acceperint, fortiffimum in igne, & tenuiſſimum in aqua, ſicca & calida eſt natura, & talibus morbus in ignis acceſſionibus con-

tingit, ſanitas vero in aqua. Et in ætatibus vigentibus ad carnis bonam habitudinem, morboſiſſimi ſunt, ſaniſſimi autem ſenes. Ita etiam utriſque proximi. Diætæ, quæ frigeſciant ac humectant, & ex laboribus qui minime excaſciant ac colliquant, plurimam frigiditatem exhibebunt. Huiusmodi naturæ vivaciſſimæ ac ſaniſſimæ exiſtunt.

27. Si autem mixturam acceperint corpora ignis rariſſimi, & aquæ ſicciſſimæ, ſicca & frigida talis natura eſt: morboſa quidem in autumnno, ſana vero in vere, & vicinis temporibus. Similiter ætates ad annos quadraginta morboſæ, pueri ſaniſſimi, ita & utriſque proximi. Diætæ his conferunt, quæ calidæ exiſtentes humectant, & labores ſenſim adhibiti, leniter calefacientes, & non multum ab his quæ adſunt auferentes. De naturæ igitur cognoſcitione ſic a prima conſtitutione cognoſcere oportet.

28. Cæterum ætates ipſæ ad ſeipſas hoc modo habent. Puer itaque ex calidis & humidis temperatus eſt, quia ex his conſtitutus eſt, & in his augmentum accepit. Humidiſſima igitur & calidiſſima ſunt corpora proxima generationi, & augeſcunt quam plurimum, & quæ his proxima ſunt eodem modo. Adoleſcens autem calidus quidem eſt, quia ignis impetus aquæ dominatur: ſiccus autem, quia humidum ex puero conſumptum eſt, partim in augmentum corporis, partim in motum ignis, partim præ laboribus ac exercitiis. Vir quum ſteterit jam corpus, ſiccus eſt & frigidus, quia caliditatis impetus non amplius dominatur, ſed ſtat corpus ab augmento quieſcens, ac perfrigeratum: verum ex adoleſcenti ætate, ſiccitas in eſt: ab inſequenti autem ætate & aquæ acceſſu, humiditatem non habet; qua-

propter ex ficcis & frigidis exuperatus est. Senes autem frigidi sunt & humidi: quia ignis quidem recessus contingit, aquæ autem accessus, & siccorum quidem iublatio, humidorum autem status. Ex omnibus autem masculi calidiores sunt & ficciores, fœminæ vero humidiores ac frigidiores. Propterea quod ab initio utriusque in talibus geniti sunt, & a talibus auferuntur. Ubi vero in lucem editi sunt masculi, victu ac diætâ laboriosiore utuntur, ut excalescant ac resiccentur. Fœminæ vero humidioribus ac pigrioribus diætis utuntur, & caliditatis purgationem ex corpore singulis mensibus faciunt.

29. Porro de animæ sapientia ac desipientia, hoc modo se res habet. Quod humidissimum est in igne, & ficcissimum in aqua, si in corpore temperamentum acceperint, sapientissima sunt. Quia ignis quidem habet humiditatem ab aqua, aqua autem ficcitatem ab igne: uterque autem sic sufficientissimus est. Neque ignis alimenti indigentior multum procedit, neque aqua motus indiga multum levis redditur. Sic itaque utraque & per se sufficientissima sunt, & inter se permixta. Quod enim minime vicinis indiget, hoc maxime præsentibus obtemperat, velut ignis qui minime movetur, non præ necessitate: & aqua quæ maxime, non præ violentia. Ex his autem anima temperata, sapientissima est, & memoria valentissima prædita. Si vero aliquo ascitamento utens, alterutrum horum auferat aut contabescat, desipientissima redditur, propterea quod quum sic habeant, sufficientissima existunt.

30. Si autem ignis sincerissimi, itemque aquæ temperamentum anima fortitur, sit autem ignis paulo inferior ac defectuosior quam aqua, sapientes

quidem sunt etiam hi, verum defectuosiores quam in priore temperamento: propterea quod ignis ab aqua superatus, & tardiores motum faciens, segnius sentibus allabatur; constantes autem cum mansuetudine sunt ejusmodi animæ, ad quamcunque tandem rem animum applicuerint. Si vero recto victu utantur, & sapientiores & acutiores præter naturam fieri queant. Talibus confert victu uti ad ignem magis tendente, & non repletionibus, neque ciborum, neque potuum. Cursibus itaque utendum est velocibus, quo & corpus humore evacuetur, & humor amplius citius fistatur. Luctis autem & fricationibus & ejusmodi exercitiis uti non conducit, ut ne meatus caviore redditi repleantur. A talibus enim animæ motum gravari necesse est.

31. Confert & deambulationibus uti, tum a cœna, tum mane, itemque a cursibus. A cœna quidem, quo alimentum ficcius anima suscipiat ab ingredientibus ac ingestis. Mane vero, quo transitus humoris evacuentur, & meatus animæ non obturentur. Ab exercitiis vero, ut ne in corpore relinquatur quod secretum est a cursu, neque animæ commisceatur, ne quid transitus obturet, neque alimentum conturbet. Confert & vomitibus uti, quo corpus depurgetur, si quid defectuosius labores transegerunt: a vomitu autem paulatim adjiciendo cibus offerendus est, minimum ad quatuor dies. At vero ungi conducibilis est quam lavari. Coitu utendum est, aquæ accessibus contingentibus, frequentiore, in ignis autem impressionibus, pauciore.

32. Porro si in aliqua anima defectuosiore vim ignis accipiat quam aqua, eam tardiores esse necesse est: & appellantur tales stolidi. Nam &

tardiore existente circuitu, sensus paulatim allabuntur, & qui acuti existunt, parum commiscentur, propter circuitus tarditatem. Sensus enim animæ, qui per visum ac auditum contingunt, acuti sunt: qui vero per tactum, tardiores & facilius percipiuntur; hos quidem igitur percipiunt etiam tales nihilominus, velut sunt frigida & calida ac consimilia. Quæ vero per visum aut auditum percipere oportet, quæ non prius sciunt, percipere non possunt. Si enim non commota fuerit anima ab igne illabente, non percipere poterit quale quid tandem sit. Tales igitur animæ non perpetiuntur hoc ob celeritatem. Si autem recta diætâ utatur, etiam talis homo melior fieri possit. Conferunt itaque huic eadem quæ priori. Verum siccoribus ac paucioribus cibis utetur, laboribus autem pluribus & acutioribus ac velocioribus. Conferunt & fomentis uti, & vomitibus a fomentis, & exhibitionibus ciborum a vomitibus ex longiori tempore, si defectuosius contigerint vomitus. Et sane hæc faciens, sanior ac sapientior fuerit.

33. Si vero amplius adhuc superetur ignis a præsentis aqua, hos jam alii desipientes, alii attonitos sive stupidos appellent; Et hæc insaniam quædam species tardior existit; hi plorant nemine molestante aut verberante, formidantque non formidanda, & tristantur in rebus nihil ad se pertinentibus, & sentiunt ea, quæ non conveniunt sapientibus. Conferunt itaque his, fomentis uti, & a fomentis veratris expurgari, ac diætâ uti quam prius dixi, indigetque talis homo attenuatione pulmonis ac siccitate.

34. Si autem aqua defectuosorem vim accipiat quam ignis, quum alias sincerum temperamentum habeant, sa-

ni sunt homines corporibus, & sapientes. Talis autem anima cito percipit allabentia, & non sæpe ab una re ad aliam transit. Natura quidem igitur talis, animæ bonæ est. Melior autem reddetur rectæ diætæ usu, & pejor prævæ. Conferunt huic, diætæ usus ad aquam magis vergentis: ita ut excessus vitet & ciborum, & potuum, & laborum. Utetur & curvis & rectis revertentibus, luctisque ac reliquis exercitiis, ita ut in nullo excessum faciat. Si enim sanum fuerit corpus, & non ab aliquo alio perturbetur, animi temperamentum sapiens existit.

35. Si vero amplius aquæ vis ab igne superetur, tali homini necesse est tanto acutiorem animam esse, quanto citius movetur, & ad sensus citius allabi, verum minus constantem priore, propterea quod iudicat ea, quæ obveniunt, & in pulmonem procedit ob celeritatem. Conferunt tali homini diætâ uti magis ad aquam vergente, quam priori, & maza magis quam pane, & piscibus magis quam carnibus, & potu aquosiore, & venere rarius utetur, & laboribus, qui sunt maxime secundum naturam quam plurimis, violentis autem uti non est necesse. Utetur & vomitibus paucioribus ex repletionibus, quo corpus quidem evacuetur, quam minime vero caleseat. Conducit etiam talibus ad sapientiam, ut minime carnosissimi sint. Nam ad carnis bonam habitudinem, ardoris inflammationem fieri necesse est. Quum autem tale quid huiusmodi anima perpetitur, ad insaniam adigitur, ex superata aqua adacta. Talibus conferunt actiones obire ac transigere a cibo accepto magis quam jejunis. Stabilior enim redditur anima alimento commodo ammixto, quam alimenti indiga.

36. Si vero adhuc amplius superetur aqua ab igne, talis anima valde acuta est, & tales necesse est somnia videre, vocant autem ipsos subfuriosos. Nam res valde propinqua insanix est. Etenim a brevi & incommoda inflammatione insaniunt, & in ebrietatibus, & carnis bona habitudine, & præcarnium esu. Verum talem oportet ab his omnibus abstinere, itemque a reliqua repletionem, ac exercitiis violentis. In vitu utendum est maza vino dulci non subacta, & oleribus coctis, sed non purgantibus, & pisciculis ex muria, & aquam bibere præstantissimum est, si fieri possit: sin minus, vinum molle & album, quod aquæ sit proximum. Deambulationibus quoque multis mane utendum, a cœna vero satis est exsurgere, quo cibi quidem non reficentur a deambulationibus post cœnam, corpus autem evacuetur a matutinis. Lavare autem magis conducit aqua tepida circumaffusa, quam ungi. Confert & in æstate interdium somno uti brevi non multo, ut ne corpus ab anni tempore reficetur. Conveniens est etiam vere veratris purgare, fomentis antea præparatos, deinde sensim ad diætam inducere, & neque hunc jejunum actiones obire oportet. Et ex hac sane cura, hujusmodi anima sapientissima fue-

rit. Sapientis quidem igitur ac desipientis animæ hoc temperamentum causa est, quemadmodum a me scriptum est, potestque ex diætâ & melior, & deterior fieri.

37. Cæterum cursus impetu igne prævalente, impossibile forte fuerit aquæ aliquid apponere: similiterque aqua prævalente in temperamento, ignem augere. Ex his vero & sapientiores, & desipientiores animæ fiunt. At vero talium non amplius temperamentum est, qualis est, iracundus, segnis, dolosus, simplex, infestus, benevolus. Talium omnium, natura meatuum per quos anima meat, causa est: per qualia enim vasa fecedit, & ad qualia allabitur, & qualibus ammiscetur, talia sapiunt. Ob id itaque impossibile est, talia ex diætâ transmutare. Naturam enim obscuram transformare non est possibile.

38. Similiter autem & vocis, qualiscunque tandem fuerit, meatus spiritus causa sunt: per qualescunque enim aër movetur, & ad qualescunque allabitur, talem necesse est esse vocem: & hanc quidem tum deteriorem, tum meliorem facere possibile est, quia læviores ac breviores meatus spiritus facere possibile est. Verum illa ex diætâ alterare, impossibile existit.



H I P P O C R A T I S ⁹³

D E

D I Æ T A

Liber secundus.



REGIONUM singularum situm & naturam hoc modo cognoscere oportet. Et in summa res hoc modo se habet. Regio ad meridiem sita calidior est, & siccior quam ea, quæ ad septentriones jacet, propterea quod soli propinquior est. Et in his regionibus necesse est & hominum genera, & nascentia ex terra, sicciora ac calidiora & fortiora esse, quam in contrariis: velut Libyca gens ad Ponticam, & utrisque vicinæ. Ipsa autem loca juxta seipsa hoc modo habent. Alta & squallida, & ad meridiem sita, sicciora sunt quam campestria, & æqualiter sita, propterea quod pauciores humores habent. Illa enim stationem pro aqua pluvia non habent, hæc habent.

2. At vero lacustria ac palustria humectant & calfaciunt. Et calfaciunt quidem, quia cava sunt & circumdata, & non perflantur: humectant autem, quia nascentia ex terra, quibus homines aluntur, humidiora sunt: & spiritus quem attrahimus crassior est, propter aquæ stationem ac immobilitatem. Verum cava loca & non aquosa, siccant, & calfaciunt. Et calfaciunt quidem, quia cava sunt & circumdantur. Siccant autem, tum propter alimenti siccitatem, tum quod spiritus quem inspiramus siccus existens, humorem ex corporibus trahit in alimentum sibi ipsi, quum non habeat alium

humorem, ad quem allapsus nutriatur. Ubi autem regionibus montes adjacent ad austrum, in his squallidi austri & morbose afflant. Ubi autem ab aquilone montes adjacent, in his aquilones perturbant ac morbos faciunt.

3. Ubi vero ab aquilone cava loca urbibus adjacent, ab æstivis ventis calida & morbosa hæc regio existit, propterea quæ neque aquilo perflans puram spiritus inductionem exhibet, neque ab æstivis ventis perfrigeratur. Cæterum insulæ propinquæ continenti tempestuosiores sunt, & ægre in ipsis hybernamus: marinæ vero hyeme tepidiores sunt, propterea quod nives & glacies in continenti stationes habent, & ventos frigidos in vicinas insulas mittunt. Verum insulæ intra pelagus positæ non habent in hyeme nivium stationem.

4. Porro de ventis quam naturam ac facultatem singuli habent, hoc modo cognoscere oportet. Naturam quidem habent omnes venti humectandi ac frigefaciendi, tum animalium corpora, tum nascentia ex terra, ob hanc causam. Necesse est omnes ventos spirare a nive, a glacie, & gelu vehementi, & fluminibus, & stagnis, terraque humecta ac perfrigerata. Et fortiores quidem ventos, a majoribus & fortioribus, debiliores vero a minoribus & debilioribus. Quemadmodum enim animalibus spiritus inest, sic etiam aliis omnibus, aliis quidem minor,

nor , aliis vero juxta magnitudinem. Naturam quidem igitur habent humectandi ac frigefaciendi omnes venti: verum propter situm regionum ac locorum , per quæ venti ad singulas regiones accedunt , diversi inter se fiunt, frigidiores , calidiores , humidiores , sicciores , morbosiores , salubriores . Singulorum autem causam sic cognoscere oportet .

5. Boreas sive aquilo frigidus spirat ac humidus , quia progreditur a talibus regionibus , meatque per tales locos , ad quos non accedit sol ipse , neque aërem resiccans , humorem ebibit ac exhaurit . Quare ad terram habitabilem accedit suam ipsius vim habens , ubi non per regionis situm corrumpitur : & his quidem qui proxime habitant frigidissimus est , qui vero remotissime , minime .

Auster autem a similibus aquiloni natura regionibus spirat . Ab australi enim polo spirans , & a nive multa glacieque ac gelu fortibus procedens , necessario his , qui prope ipsum illic habitant , talis spirat , qualis nobis est aquilo : verum omnem non item similis accedit regionem . Nam quum per solis iter & in meridiem spiret , humiditas ipsius a sole ebibitur , & resiccatus rarefcit : quapropter necesse est ipsum calidum ac siccum huc accedere . In proximis igitur regionibus necesse est ipsum talem vim calidam ac siccam exercere ; & hoc sane in Libya facit , nam & terræ nascentia exarescunt , & homines latenter resiccant . Quum enim non habeat nec mare , nec fluvium unde humiditatem accipiat , ex animantibus ac plantis humorem exhaurit . Ubi vero pelagus transit , tanquam calidus & rarus existens , multa humiditate regionem in quam illa-

bitur implet : & necesse est ipsum calidum ac humidum esse , ubi non regionum situs alterius qualitatis causa existat . Eodem modo etiam aliorum ventorum facultates se habent .

6. Cæterum juxta singulas regiones venti hoc modo se habent . Venti ex mari in regiones illabentes , sicciores quodammodo sunt : Qui vero a nive aut glacie , aut stagnis , aut fluminibus procedunt , omnes humectant ac frigefaciunt , tum plantas , tum animantia , & sanitatem corporibus exhibent qui non frigiditate super excellunt . Hi enim lædunt , propterea quod magnas mutationes calidi ac frigidi in corporibus inducunt . Hæc autem perpetiuntur hi , qui in regionibus habitant palustribus ac calidis prope flumina magna . Reliqui vero venti , qui a prædictis spirant , utiles sunt , tum aërem purum ac sincerum exhibentes , tum animæ calori humiditatem præbentes . Quicumque vero venti ex terra accedunt , eos necesse est sicciores esse , tum a sole , tum a terra resiccatos . Quum autem non habeant venti unde alimentum trahant , a viventibus humorem trahentes , & plantas & animalia omnia lædunt . Et quicumque venti relictis montibus ad urbes accedunt , non solum siccant , sed etiam turbant spiritum quem inspiramus , & corpora hominum morbosa faciunt . Naturam quidem igitur & vim singulorum sic cognoscere oportet . Quomodo autem ad singulos se præparare oporteat , in sermonis progressu declarabo .

7. At vero ciborum ac potuum singulorum vim , tum eam quæ secundum naturam est , tum eam quæ per artem accessit , hoc modo cognoscere oportet . Quicumque igitur in summa dicere aggressi sunt , aut de dulcium , aut pinguium , aut salforum , aut alterius cu-

jusdam consimilis facultate, non recte judicant. Non enim eandem vim habent, neque dulcia inter se, neque amara, neque ulla aliqua ejusmodi. Multa enim ex talibus sunt, quæ & alvum emolliunt, & sistunt, siccantque & humectant. Similiter autem etiam in reliquis omnibus. Sunt & quæ adstringunt, itemque alvum movent, & urinam cient. Sunt quæ neutrum horum faciunt. Similiter & ex calfacientibus ac reliquis omnibus, alia aliam facultatem habent. De omnibus quidem igitur impossibile est qualia-nam sint declarare. Verum quam vim singulariter habeant, docebo.

8. Hordeum natura quidem frigidum est & siccum. Inest & purgatorium quiddam a succo palarum. Ejus signum habebis, si voles hordeum non purgatum coquere: purgat enim is succus fortiter. Si vero decorticatum coxeris, perfrigerabit magis ac alvum sistet. Quum autem tostum fuerit, humor quidem purgatorius præ igne perit: frigiditas autem & siccitas relinquitur. Quæcunque vero perfrigerare ac siccare oportet, id ipsum polentæ transigunt.

Maza omnis generis sic utimur, facultatem autem habet maza hæc talem. Farinæ ex toto collatæ alimentum quidem minus habent, verum magis per alvum secedunt. Puræ autem magis nutriunt, minus vero per alvum secedunt. Maza prius subacta, resperfa, vino dulci non emollita, levem facit, & per alvum secedit, ac frigefacit. Et frigefacit quidem, quia frigida aqua madefacta est: per alvum autem secedit, quia cito concoquitur: levem vero facit, quia multum alimenti cum flatu foras excernitur. Quum enim transitus alimenti angustiores sint, aliud insuper accedens non suscipiunt:

& quod quidem cum flatu attenuatum est, foras excernitur, quod vero intus manet, flatum inducit, & partim superne eructatur, partim inferne secedit. Multum itaque alimenti a corpore difflatur. Si vero velis mazam statim ut subacta est exhibere, talis resicatoria est. Quum enim polenta sicca existat, & aqua sit madefacta, atque sic præparata in ventrem illabatur, humorem ex ipso trahit calidum existentem. (Solet enim calidum attrahere frigidum, & rursus frigidum calidum) Consumpto autem humore de ventre, necesse est siccari. Aqua vero, quæ una cum maza ingressa est, frigefacit. Quæcunque igitur siccare oportet aut frigefacere, aut ventris profluvio diffusum, aut alia quapiam ejusmodi caliditate, maza efficacis existit. At vero sicca, vino dulci emollita ac trita maza, siccatur quidem non similiter, propterea quod vehementer est adstricta, alimentum vero plurimum corpori præbet, nam ut leniter liquescentis alimentum transitus suscipiunt. Per alvum quidem igitur tarde secedit, flatum autem non inducit, neque eructatur. Quæ vero & aqua, & vino dulci emollita ac prius subacta est, nutrit quidem minus, per alvum autem secedit, & flatum magis inducit.

9. Cyceon autem solum in aqua quidem frigefacit ac nutrit, in vino vero calfacit ac nutrit, & alvum sistit. In melle autem calfacit quidem minus ac nutrit, per alvum vero magis secedit, si non meracum mel fuerit, sin minus, non secedit, sed alvum sistit. In lacte vero bene alunt omnes cyceones. Veruntamen ovillum alvum sistit, caprinum vero magis per alvum secedit: bubulum vero minus: equinum autem & asininum magis secedunt.

10. Triticum fortius est hordeo & magis nutrit, minus autem per alvum secedit, tum ipsum, tum succus.

Panis autem ex tota farina collata, siccat & per alvum secedit. Purus autem magis nutrit, minus vero secedit. Ex ipsis porro panibus, fermentatus quidem levis est, & secedit. Et levis quidem est, quia a fermenti acore humiditas consumpta est, quæ sane alimentum existit: secedit autem, quia cito concoquitur. Non fermentatus secedit quidem minus, nutrit autem magis. Qui succo subactus est, & multum nutrit, ac per alvum secedit. Nutrit, quia purus est. Levis est, quia levissimo subactus est, & fermentatus ac tostus ab eodem est; per alvum secedit, quia passus, & alvum movente tritici parte, permixtus est.

11. Ex ipsis autem panibus maxime alunt, propterea quod minime exuritur humiditas ab igne. Et furnacei panes magis alunt, quam focarii & veararii, propterea quod minus exuruntur ab igne. Clibano autem cocti, & subcinericii, siccissimi sunt, hi quidem propter cinerem, illi vero per testam humore privati. Similaginei omnium horum fortissimi sunt. Et adhuc magis qui ex alica fiunt: valdeque nutriunt, verum non similiter secedunt. Panes calidi siccant, frigidi minus, gracilitatem autem quandam inducunt. Farina pura in aqua pota frigefacit, & lotura pollinis tritici. Furfurum succus coctus, levis, per alvum secedit. Verum farinæ in lacte datæ magis per alvum secedunt, quæ in aqua, propter serum, & maxime inter alvum moventia numerantur. Quæcunque vero farinæ cum melle & oleo coquantur, aut assantur, omnes æstuosæ sunt, & ructum cient. Et ructum quidem cient, quia probe

alentes non secedunt. Æstuosæ autem sunt, quia pingua, & dulcia, & inter se discordia, non eadem coctura indigentia, in eodem sunt.

12. Similago & alica cocta, fortia sunt, & alunt, non tamen per alvum secedunt. Trygis, id est tragus sive olyra, levior est tritico, & quæ ex ipsa fiunt similiter, ut ea quæ ex tritico parantur, & magis per alvum secedunt. Avena comesta humectat ac perfrigerat, itemque in forbitione accepta. Polentæ ac farinæ recentes sicciores sunt vetustis, quia igni & præparationi propinquiores existunt. Ubi vero vetustæ fiunt, calor exhalat, & frigiditas inducitur.

13. Fabæ alunt, alvum sistunt, & inflant. Inflant, quia meatus aliud insuper accedens alimentum non suscipiunt. Alvum sistunt, quia totam alimenti fecem habent. Pisis inflant quidem minus, per alvum autem magis secedunt. Ochri sive ervilæ, & dolichi sive phaseoli ac siliquæ, his magis per alvum secedunt, minus inflant, & probe alunt. Cicer album per alvum secedit, & per urinam ejicitur, & alit. Et alit quidem, carnosum in ipso. Per urinam vero ejicitur, dulce: per alvum autem secedit, falluginosum. Milii grana ac paleæ siccant, & ventrem sistunt, & cum ficibus, fortibus doloribus conferunt. Ipsum autem milium coctum alit, non tamen alvo secedit.

14. Lentæ æstuosæ sunt & turbativæ, & neque per alvum secedunt, neque ipsam sistunt. Ervum, alvum sistit, & robustum est, & crassefacit, & explet, & boni coloris hominem facit. Lini semen comestum alvum sistit; habet & quiddam frigefactorium. Hormini semen consimilia lini semini facit. Lupini natura robusti sunt & calidi,

verum per præparationes leviores ac frigidiores fiunt, & alvo secedunt. Iri humectat & alvo secedit. Cucumeris semen per lotium magis abit quam secessum. Explet autem & crassefacit. Et secedit quidem per alvum, propter paleam externam: explet autem & crassefacit, propter carnem. Lotium vero secedit quidem, verum minus, crassefacit autem & explet magis; humectat autem & urit, propter pingue & oleosum. Cnicus alvum movet. Papaver alvum sistit, magis autem nigrum hoc facit, sed & album idem agit, alit autem, & robustum est. Horum porro omnium succi carnis alvum movent. Oportet itaque in præparatione id observare, ut quæ siccare velis, ab his succos detrahas, & carne utaris: quæ vero alvum movere velis, ut succo copiosiore, carne vero pauciore & succulentiore utaris.

15. Caterum de animalibus quæ in ciborum usum veniunt, sic cognoscere oportet. Carnes bubulæ robustæ sunt, & alvum sistunt, & ægre in ventre coquantur, propterea quod crassi ac multi sanguinis est hoc animal, & carnes graves (quinetiam vivæ), itemque sanguis ac lac. Quorum autem animalium lac tenue est, & sanguis similiter, eorum etiam carnes consimiles sunt. Caprinæ carnes his leviores sunt, & magis alvo secedunt. Suillæ quidem robur magis quam hæ corpori inducunt: multum autem alvo secedunt, propterea quod tenues & modici sanguinis venas sues habent, carnem vero multam.

16. Agninæ leviores sunt ovillis, & hœdinæ caprinis, quia exanguiores sunt & humidiores. Quum enim sicca & robusta natura sint animalia, dum quidem teneræ sunt, alvo secedunt, ubi

Tom. I.

vero augmentum sumpserint, non similiter. Et vitulinæ carnes eodem modo se ad bubulas habent. Verum porcinae suillis graviore sunt. Quum enim animal sit natura carnosum & exanguè, humiditatis excessum in tenella ætate habet. Quum igitur meatus superaccedens alimentum non suscipiant, intus manens calfacit ac pertubat ventrem. Asininæ carnes alvo secedunt, & pulorum adhuc magis. Equinæ leviores sunt. Caninæ calfaciunt ac siccant & robur inducunt, non tamen alvo secedunt. Catulinæ vero humectant & secedunt. Suis sylvestris caro sicca & robur exhibet, ac secedit. Cervi siccant, minus autem secedit, magisque urinam prolicat. Leporinæ siccæ sunt, & alvum sistunt, urinæ autem citamentum quoddam faciunt. Ulpinæ humidiores sunt, & urinam cient. Et erinaceorum terrestrium carnes humidiores sunt, ac urinam cient.

17. Porro de volucrum generibus sic res se habet. Omnia ferme volucrum genera sicciora sunt quam quadrupeda. Quæcunque enim vesicam non habent, neque mingunt, neque sputum aut salivam fundunt, omnino sicca sunt. Propter caliditatem enim ventris, humiditas ex corpore consumitur in alimentum caliditatis, quare neque mingunt, neque sputum aut salivam fundunt. Cui autem tales humiditates non insunt, id ipsum necessario siccant. Siccissima igitur caro est palumbis, deinde columbæ: tertio loco perdicis, ac galli, & turturis: humidissima vero anseris. Seminileges autem volucres prædictis sicciores sunt. Verum anatis carnes, & reliquarum avicularum, quæ in paludibus degunt, aut in aquis, omnes humidæ sunt.

18. At vero ex piscibus siccissimi sunt

N

hi,

hi, scorpius, draco, callionymus, cuculus, glaucus, perca, thriffa. Leves autem sunt petrosi ferme omnes, velut turdus, phuca, elepheris, gobio. Tales autem & prædicti itidem leviores sunt erroneis. Nam hi ut quiescentes raram ac levem carnem habent. Errones autem & undas verberantes laboribus fracti, solidiorem carnem habent. Torpedines autem & squatinæ ac rhombi, & huiusmodi, sunt leviores. Quicumque vero pisces in lutosis & aquosis locis alimenta habent, velut capitones, mugiles, anguillæ, & reliqui ejusmodi, graviore sunt, propterea quod ab aqua & luto, & in his nascentibus, alimenta habent, a quibus etiam spiritus in hominem ingrediens ipsum lædit ac gravat.

19. Fluviatiles autem & palustres his adhuc graviore sunt. Polypi vero & sepia, & ejusmodi pisces, neque leves velut videntur sunt, neque per alvum secedunt: quapropter etiam oculos comesti gravant, juscula tamen horum alvum movent. Cæterum conchyliæ, velut sunt pinæ, purpuræ, patellæ, buccina, ostrea, ipsa quidem sicca sunt, succi autem ipsorum alvum movent. Mituli vero & pectines ac tellinæ magis alvo secedunt. Urticæ autem & cartilaginosi generis pisces, maxime humectant, ac alvum movent. Cæterum Erinaceorum ova, & locustarum humor, & musculi, & ursæ, ac cancri magis quidem fluviatiles, sed & marini, alvum movent, & urinam cient. Salsamenta siccant & attenuant, pleraque etiam alvum leniter movent. Ex salsamentis siccissima sunt marina, deinde fluviatilia. Humidissima autem sunt palustria. Ex ipsis autem salsamentis pisces percæ appellati valde sicci sunt.

20. Animalium porro cicurum ea,

quæ in sylvis & agris pascuntur, sicciora sunt his, quæ intra ædes nutriuntur, quia labore resiccantur, itemque præ sole ac frigore, & spiritu sicciore nutriuntur. Verum sylvestria sicciora sunt mansuetis, & crudivora ac sylvarum materie pasta, itemque parum edacia, sicciora sunt edacibus. Et frugivora herbivoris sicciora sunt, & frugivora non frugivoris, & paucibibis multibibis, & sanguine referta exanguibus ac paucum sanguinem habentibus, & quæ in vigore sunt vetustis valde ac juvenulis, & mascula foemineis, & castrata non castratis, & nigra albis, & hirta nudis; contraria vero his, humidiora sunt. Ex ipsis autem animalibus carnes hæ fortiores sunt, quæ optime exercentur ac sanguinolentissima sunt, & in quibus recumbunt. Levissima autem carnes sunt, quæ minime exercentur, & in umbra degunt, & in intimis animalis partibus fixæ sunt.

21. Exanguium autem partium robustissima sunt, cerebrum & medulla. Levissima vero carniarum partes sunt capitales, & sub ventre, musculi, pedines, pedes. Ex piscibus siccissima sunt supernæ partes, levissima sub ventre. Et capita ipsorum humidiora sunt, propter pinguedinem ac cerebrum. Ova volucrum robustum quid habent, & alunt, & inflant. Robustum quid habent, quia generatio est animalis. Alunt, quia hoc est pulli lac. Inflant, quia ex parva mole in multam diffunduntur. Caseus robustus est, & æstuosus, & alit, (alvumque sistit). Robustus quidem, quia proximus est generationi. Alit autem, quia carnosæ reliquæ sunt lactis. Æstuosus est, quia pinguis. Alvum autem sistit, quia succo & coagulo compactus est.

22. Aqua frigefacit. Vinum calidum est

est & siccum . Habet & purgatorium quiddam a materia . Vina nigra & austera sicciora sunt , & alvum non movent , neque urinam cient , neque salivam faciunt . Siccant autem & calfaciunt , humiditatem ex corpore consummentia . Mollia vero nigra humidiora sunt , & inflant atque alvum magis movent . Dulcia nigra humidiora sunt , calfaciunt autem & inflant humiditatem inducentia . At vero alba & austera calfaciunt , magisque urinam cient , quam alvum movent . Nova vina alvum magis movent , quia proniora musto sunt , itemque alunt , & odorata magis quam inodorata ejusdem ætatis , quia magis concocta sunt : & crassa magis quam tenuia . Verum tenuia dulcia magis urinam cient , & alvum movent , & humectant corpus , & sanguinem debilem faciunt , & adversarium corporis sanguinem in corpore augent .

23. Mustum inflat , & subducit , ac conturbat fervens in ventre , & alvo secedit . Inflant quidem , quia calfacit : subducit autem ex corpore , quia purgat : conturbat autem , quia fervet in ventre , atque ita alvo secedit . Vina acida frigefaciunt , attenuant , & humectant . Frigefaciunt quidem & attenuant humiditatis evacuationem a corpore facientia , humectant autem per aquam una cum vino ingredientem . Acetum frigefacit , quia colliquans humiditatem in corpore consumit . Sistit autem magis quæ movet alvum , quia non alit , & acre est . Sapa calfacit & humectat ac subducit . Calfacit , quia vinosa est : humectat , quia alit : subducit , quia dulcis est . Vinum recens sub torculari expressum , & nondum excolatum , humectat , subducit , & inflat , quia etiam mustum idem facit . Mel calidum est & siccum , si meracum sit : cum a-

qua autem humectat , & alvum movet biliosis , pituitosis vero sistit . Dulce vero vinum pituitosis magis alvo secedit .

24. De oleribus porro hoc modo res se habet . Allium calidum est , & alvum movet , & urinam cient corpori , oculis vero non est commodum . Multam enim corporis purgationem faciens , visum hebetat : alvum autem & urinam movet , propter vim purgatoriam . Coctum debilius est quam crudum , flatum autem inducit , propter spiritus intentionem . Ceba visui commoda est , corpori vero mala , quia calida & æstuosa est , & alvo secedit , & alimentum quidem nullum corpori præbet , neque utilitatem , calfaciens autem siccatur propter succum , Porrum calfacit quidem minus , urinam vero cient , & alvum movet : habet & quid purgatorium : humectat autem & ructum acidum sedat . Præstat a reliquis cibis postremum ipsum edere .

25. Raphanus sive radícula , humectat , pituitam diffundens sua acrimonia : folia minus prosunt , præterquam ad articulare morbum : radix vitiosa est , innatans ac ægre concoctilis . Nasturtium calidum est , & carnem liquat : sistit autem pituitam albam , quare urinæ stillicidium inducit . Sinapi calidum est & alvum movet , sed & hoc urinæ difficultatem facit . Quin & Eruca idem facit . Coriandrum calidum est , & alvum sistit : & ructum acidum sedat , & somnum conciliat , si postremum edatur . Lætuca frigidissima est , prius quam succum habeat , debilitatem autem quandam corpori inducit . Anethum calidum est , & alvum sistit , & sternutamenta sedat olfactu . Apium magis urinam cient quam alvum movet : & radices magis quam ipsum , alvum movent . Ocimum siccum est &

calidum, & alvum sistit.

26. Ruta urinam magis quam alvum movet. Habet & vim quandam condensandi, & ad medicamenta noxia commoda est præpotata. Asparagus siccus est & alvum sistit. Salvia sicca est, & alvum sistit. Solanum frigefacit, & semen in somnis effundere non permittit. Portulaca fluviatilis frigefacit, sale vero condita ac servata, calfacit & purgat. Calamintha calfacit & purgat. Mintha calfacit & urinam ciet, & vomitus sistit. Et si quis sæpe comedat, semen genitale colliquefacit, ut diffluat, & arrigere prohibet, & corpus debile facit. Rumex calfacit ac alvum movet. Atriplex humida est, non tamen alvum movet. Blitum calidum est, non movens alvum. Brassica calfacit ac alvum movet, & biliosa ducit. Betæ succus quidem alvum movet, ipsum autem olus comestum sistit: radices vero magis alvum movent. Cucurbita frigefacit & humectat, & alvum movet. Rapum æstuosum est, humectat autem & conturbat corpus, non tamen alvo secedit, & urinæ difficultatem inducit. Pulegium calfacit & alvum movet. Origanum calfacit, & biliosa subducit. Thymbra similia origano efficit. Thymum calidum est, per alvum secedit & mingitur, ducit & pituitosa. Hysopum calidum est, & pituitam ducit.

27. Porro sylvestria olera, quæ os calfaciunt, & odorata sunt, ea calfaciunt & minguntur magis quam per alvum secedunt. Quæ vero humidam habent naturam frigidamque ac fatuam, & odores graves, magis per alvum secedunt, quam per urinam. Quæ autem acerba & austera sunt, alvum sistunt. Quæ acria & odorata sunt, urinam ciet. Quæ acria & sicca in ore sunt, ea omnia siccant. Quæ acida sunt, frigefaciunt. Cæterum succi urinam ciet.

tes sunt, crethmi, apii, allii cremor, cytisi, fœniculi, porri, adianti, solani, qui & frigefacit. Item scolopendrium, mintha, fœseli, caucalides, hypericum, urticæ. Alvum autem movent & purgant, cicer, lenticula, hordeum, beta, brassica, mercurialis, sambucus, cnicus. Hæc omnia alvum magis movent quam urinam.

28. At vero de pomis hoc modo seres habet. Quæ quidem feminibus referta sunt, ea magis alvum movent. Item viridia magis quam sicca. Verum vis & facultas ipsorum referatur. Mora calfaciunt & humectant ac alvo secedunt. Pira matura calfaciunt & humectant ac alvum movent: dura vero sistunt. Pyra sylvestria, hyberna, matura, alvum movent ac purgant: cruda vero sistunt. Mala dulcia ægre concoquantur: acida vero & matura, minus. Cydonia adstringunt & non movent alvum. Succum autem malorum, vomitus sistunt, & urinam ciet, & ante vomitum odores ipsorum idem præstant. Mala sylvestria alvum sistunt. Cocta comesta magis alvum movent. Verum ad respirationem, quæ erecta cervice fit, & succi ipsorum, & ipsa quoque hausta profunt. Sorba, mespila & corna, & quæcunque alia hujus generis poma, alvum sistunt & acerba sunt.

29. Mali punici dulcis succus alvum movet: habet autem quid æstuosum: Mala punica vinosa, minus æstuosa sunt. Acida vero magis frigefactoria. Nuclei autem omnium alvum sistunt. Cucumeres crudi frigidi sunt & ægre concoctiles. Maturi autem & pepones, minguntur & per alvum secedunt: verum flatuosi sunt. Botri uvarum calidi sunt & humidi ac alvum movent, maxime albi. Dulces quidem igitur calfaciunt fortiter, propterea quod multum

tum jam caliditatis habent. Immaturæ vero minus calfaciunt, magis autem purgant potatæ.

30. Ficus & uvæ passæ æstuosæ sunt, sed alvum movent. Ficus viridis humectat & alvum movet, ac calfacit. Humectat, quia succo plena est: calfacit, propter succum itidem: alvum movet, propter succi dulcorem. Primæ ficus pessimæ sunt, quia succulentissimæ: optimæ autem sunt postremæ. Ficus aridæ æstuosæ sunt, sed alvo secedunt. Amygdalæ æstuosæ sunt, verum probe nutriunt. Æstuosæ quidem sunt propter pinguitudinem, nutriunt autem propter carnositatem. Noces rotundæ similes his sunt. Latæ vero maturæ probe alunt, & alvum movent. Depuratæ vero etiam flatum inducunt. Tunicæ vero ipsarum alvum sistunt. Acyli ilicis, & glandes quercinæ ac fagineæ glandes, alvum sistunt crudæ & affatæ, coctæ vero minus.

31. Pingues carnes æstuosæ sunt, sed alvum movent. Carnes conditæ ac asservatæ, in vino quidem siccant, & alunt: & siccant quidem propter vinum, alunt autem propter carnem. In aceto autem asservatæ calfaciunt quidem, verum minus propter acetum: multum autem nutriunt. At vero sale servatæ minus quidem alunt, humiditate per sale[m] privatæ: attenuant autem & siccant, ac sufficienter alvum movent. Cæterum vires singulorum detrahere, & addere ac augere, hoc modo oportet. Ex igne & aqua omnia constituuntur, & animalia, & terra nascentia, & ex his auferuntur, & in hæc secernuntur ac resolvuntur. Fortium quidem igitur eduliorum vim sæpe coquendo ac frigesfaciendo detrahere oportet, & vice versa augere hoc modo. Humidorum, torrendo ac affando

humiditatem eximere. Siccorum vero, rigando ac madefaciendo. Sallorum, rigando & coquendo. Amarorum & acrium, dulcium mixtura. Acerborum, pinguium temperamento: & de reliquis omnibus ex prædictis iudicium facere oportet.

32. Quæcunque tosta aut affata sunt, alvum magis sistunt quam cruda, propterea quod humiditas, itemque pinguitudo per ignem ablata sunt. Quum itaque in ventrem inciderint, humiditatem ex ventre trahunt, & oscula venarum concludunt, siccantque ac calfaciunt, quare transitus humiditatis sistunt. Quæ vero ex inaquosis ac siccis & æstuosis locis veniunt, ea omnia sicciora ac calidiora sunt, & robur amplius corpori exhibent, propterea quod pari mole ac copia graviora sunt & densiora, & majorem reditum tribuunt, quam quæ ex humidis & riguis ac frigidis. Hæc enim humidiora sunt & leviora ac frigidiora. Non igitur solum ipsius cibi & potus, & animalium ipsorum vim nosse oportet, sed etiam patriæ unde sunt. Quum igitur forte alimentum corpori offerre voles, & ex iisdem cibus, his quæ ex inaquosis locis veniunt utendum est, & cibus, & potibus, & animalibus. Ubi vero levio[n]e & humidio[n]e, his quæ ex riguis veniunt uteris.

33. Dulcia, & acria, & salsa, & amara, & austera, & carnosa calfacere solent, tum quæ sicca sunt, tum quæ humida. Quæcunque igitur de sicca parte plus in se habent, ea siccant & calfaciunt. Quæ vero humidæ partis plus habent, ea omnia calfacientia humectant, & alvum magis movent quam sicca. Nam ubi alimentum amplius corpori præbuerunt, revulsionem in ventre faciunt, & humectantia alvo sece-

secedunt. Quæ autem excalfacientia siccant, tum edulia, tum pocula, neque salivam, neque urinam, neque fecesum facientia, corpus siccant, idque ob hanc causam. Corpus calfactum humore vacuatur, & pars ejus ab ipsis cibis, pars in alimentum caloris ipsius animæ consumitur: pars etiam calfacta & attenuata per ipsum corpus expellitur. Dulcia & pingua ac oleosa replent, quia ex modica mole multum diffunduntur. Calfacta autem & diffusa, caliditatem in corpore replent, ac tranquillam esse faciunt. At vero acida, & acria, & austera, & acerba, & ex toto collata, & sicca, non replent: propterea quod oscula venarum aperiunt & expurgant, & partim siccantia, partim mordentia ac adstringentia, humiditatem carnis horrere ac confidere, & in modicam molem contrahi faciunt, atque ita vacuum multum in corpore fit. Quum igitur voles a modicis implere, aut a pluribus evacuare, talibus utaris.

34. Recentia omnia majorem quam alia fortitudinem habent, propterea quod propinquiora vivo sunt. Verum antiqua & marcida magis quam recentia alvum movent, quia propiora putredini sunt. At vero cruda alunt & ructus cient, propterea quod quæ ignem coquere oportebat, ea ventre transigit, debilior quam ea, quæ ingesta sunt, existens. Cæterum obsonia ex variis intritis præparata, æstusa & humida sunt: propterea quod pingua, & tosta, & calida, & inæquales inter se vires habentia, in eodem cohærent. Verum quæ in muria præparantur, meliora sunt, & non æstiosa.

35. Porro de balneis hoc modo habet. Aqua potabilis humectat & frigidat, exhibet enim corpori humidita-

tem. Salsum autem balneum calfacit ac siccant. Quum enim natura calidum sit, trahit a corpore humiditatem. Calida autem balnea jejunum attenuant ac frigidat: per caliditatem enim humiditatem de corpore auferunt: evacuata autem de carne humiditate, corpus perfrigeratur: a cibo accepto eadem calfaciunt, ac humectant, ea quæ supereminet in corpore diffundentia in majorem molem. Balnea autem frigida vice versa, vacuo quidem corpore præbent quandam caliditatem: ubi autem cibus ingestus est, ab humido existente detrahunt, & frigidum existens siccitate replent. Illuvies siccant, quum humiditas consumatur. Similiter etiam unctio neglectus. Unctio vero calfacit, humectat, ac mollit.

36. Sol & ignis siccant, propterea quod quum calida sint & sicca, humiditatem ex corpore trahunt. Umbra & frigus moderate humectant, dant enim magis quam accipiunt. Sudores omnes abeuntes siccant & attenuant, humore ex corpore deficiente. Coitus attenuat, humectat, & calfacit: calfacit quidem, propter laborem & excretionem frigiditatis: attenuat autem propter evacuationem: humectat, propter colliquationis reliquias in corpore præ labore. Vomitus attenuant propter cibi evacuationem, non tamen siccant, si quis postridie recte curet, sed humectant, propter repletionem & colliquationem carnis præ labore. Si vero quis sinat hæc postridie consumi in alimentum caliditati, & diætam sensim adhibeat, siccant. Ventrem autem compactum vomitus solvit: & egerentem magis quam oportet, sistit: illum quidem humectans, hunc vero siccans. Quum igitur alvum quis sistere volet, avide devoratum cibum evomere oportet,

tet, priusquam humefcat & infra detrahatur: & magis acerbis & austeris eduliis uti. Ubi vero solvere alvum quis velit, plurimo tempore cibus immorari confert, & acribus, ac falsis, & pinguibus, ac dulcibus, tum cibus, tum potionibus uti.

37. Somni jejunum attenuant & frigefaciunt, si non longi fuerint, præsentem humiditatem evacuantes. Qui vero magis calfaciunt, colliquant carnem, & corpus diffundentes exolvunt, ac debiles faciunt, a cibo vero sumpto calfacientes humectant, alimentum in corpus diffundentes: a matutinis autem deambulationibus somnus maxime siccatur. Vigilia in exfatiatis cibo noxia est, non permittens cibum liquari ac concoqui: jejunos autem attenuat quidem, verum minus lædit. Segnities ac otium humectat, & corpus debile facit. Anima enim quiescens humiditatem ex corpore non consumit.

38. Labor siccatur, & corpus robustum facit. Semel in die cibum capere attenuat, & siccatur, & alvum sistit, propterea quod per animæ caliditatem humiditas ex ventre & carne consumitur. Prandium contraria facit. Aquæ potus calidus attenuat, similiter & frigidus. At vero & spiritus, & cibus, & potus, humiditatem in corpore congelant, si excellenter frigida fuerint, & per congelationem ac frigiditatem alvos sistunt. Nam animæ humiditatem superant. Rursus autem etiam caliditatis excessus eandem congelant, in tantum ut diffundi nequeat. Quæcunque vero calfacientia corpus, & alimentum non præsentia, carnem humiditate evacuant, etiam excessum non facientia, ea frigiditatem homini exhibent. Nam præsentem humiditatem mota, flatu ab ipsa repletur ac perfrigeratur.

39. Cæterum quam vim labores habeant, nunc exponam. Sunt enim alii naturales, alii violenti. Naturales igitur sunt, visus labor, auditus, vocis, curarum. Visus quidem igitur talis vis est. Anima in id quod videtur intenta, movetur & calefit. Calfacta vero, evacuata humiditate siccatur. Per auditum vero allabente sono, anima concutitur & laborat, laborans autem calefit & siccatur. Quæcunque fiunt hominibus in cura, anima etiam ab his calefit ac siccatur, & humiditatem consumens laborat, & carnes attenuat, & hominem evacuat. Quicunque labores vocis sunt, velut sermo, aut lectio, aut cantus, omnes hi animam movent. Mota autem siccatur & calefit, & humiditatem in corpore consumit.

40. At vero deambulationes etiam ipsæ maxime præ reliquis naturales sunt. Habent autem quid violentum. Vis ipsarum talis est. Deambulatio a cœna, & alvum, & corpus, & ventrem siccatur, ipsumque amarum fieri non sinit, ob hanc causam. Quum movetur homo, calefit corpus, itemque cibi. Attrahit igitur humiditatem caro, & alvum amarum fieri non sinit. Corpus quidem igitur repletur, alvus vero attenuatur. Siccatur autem eadem, ob hanc causam. Quum corpus movetur & calefit, quod tenuissimum est alimenti consumitur, partim per insitum calorem, partim vero una cum flatu foras excernitur, partim etiam per lotium ejicitur. Quod vero siccissimum est de cibus, relinquitur. Quare una cum alvo etiam caro resiccatur. Matutinæ deambulationes attenuant, & partes circa caput leves, & agiles, ac promptas reddunt, & alvum solvunt. Attenuant quidem, quia motu corpus cale-

calescit, & humiditas attenuatur ac purgatur, partim per spiritum ac flatum, partim vero emungitur & excreatur: sed & aliqua pars in alimentum caliditatis animæ consumitur. Alvum autem solvunt, quia quum calida sit, frigidus spiritu superne allabente, caliditas frigiditati cedit. Leves autem partes circa caput faciunt, ob hanc causam. Quum evacuata est alvus, ex reliquo corpore & capite humiditatem in seipsam attrahit, nimirum calida existens. Evacuato autem capite, & visus & auditus depurgantur, & homines agiles fiunt. Deambulationes autem post exercitia, corpora pura reddunt, & attenuant, non permittentes carnis colliquationem fieri præ labore, sed ipsam depurgant.

41. Cæterum (ex cursibus hæc consequuntur). Cursus longi ac curvi sensim facti, calfacientes carnem, concoquere ac diffundere possunt, & vim ciborum in carne concoquunt: verum corpora tardiora ac crassiora reddunt quam cursus circulares. Et multa comedentibus commodiores sunt, & hyeme magis quam æstate. Qui vero in veste fiunt, eandem vim habent, magis autem excalfaciunt, & corpora humidiora faciunt, & decoloriora: quia sincerus spiritus allabens ipsa non depurgat, sed in eodem spiritu exercentur. Conferunt itaque & siccis, & carnosus qui carnem demoliri & abolere volunt, itemque senioribus, propter corporis frigiditatem. Cursus autem recti revertentes, & equestres indefiniti, carnem minus diffundunt, attenuant autem magis, propterea quod externis animæ partibus hi labores sunt, & humiditatem ex carne revellunt, & corpus attenuant ac siccant. Circulares vero cursus carnem minime diffundunt,

attenuant autem & distendunt carnem & ventrem maxime, propterea quod acutissimo spiritu utentes, humiditatem in seipsum celerrime trahunt.

42. At vero concussiones siccant quidem dè repente, non sunt autem idoneæ, neque commodæ, nam convulsiones inducunt: quia excalfactum corpus, cutem quidem fortiter attenuat, carnem vero minus coagmentat quam cursus circulares, carnem autem humore evacuant. Commotiones & allevationes carnem quidem minime excalfaciunt, corpus autem & animam irritant, & spiritu evacuant. Lucta & fricatio, externis corporis partibus magis laborem exhibent: calfaciunt autem carnem, & corroborant ac augeri faciunt, ob hanc causam. Quæ ex natura solida sunt, confrieta confidunt ac coagmentantur, quæ vero cava sunt, auferunt, itemque venæ. Nam carnes calfactæ ac siccatae, alimentum in seipsas per venas trahunt, deinde auferunt. Volutatio in pulvere consimilia luctæ efficit. Magis autem siccatur propter pulverem, & minus incarnatur. Micatio per summas manus attenuat, & carnes sursum trahit.

43. Follis, & manuum ad rhythmum motus, consimilia faciunt. Spiritus detentio, meatus disparare, & cutem attenuare, & humiditatem sub cutem extrudere potest. Exercitia in pulvere & oleo in tantum differunt, quod pulvis quidem est frigidus, oleum autem calidum. In hyeme igitur oleum corpus magis auget, propterea quod frigus prohibet a corpore quid auferre. In æstate vero caliditatis excessum faciens, carnem liquat: quum & a tempore, & oleo, ac labore, corpus calefiat. At vero pulvis qui inter exercendum accedit, in æstate quidem magis auget (nam frigefaciens corpus, in excessum cal.

calferi non permittit) in hyeme vero frigus & algorem inducit . Morari in pulvere post exercitiâ in æstate, modico tempore , confert frigefaciendo . Verum longior mora superreficcat , & corpora dura ac lignosa efficit . Friçtio ex oleo & aqua mollit , & non vehementer excalferi finit .

44. Porro de lassitudinibus , quæ in corpore fiunt , hoc modo res se habet . Homines in exercitati ab omni labore lassantur . Nulla enim corporis pars exercitata est ad ullum aliquem laborem . Corpora autem exercitata ab insuetis laboribus delassantur . Aliqua vero etiam a consuetis exercitiis lassantur , si modum excefferint . Species quidem igitur lassitudinum ejusmodi sunt . Vis autem ipsarum sic habet .

45. Etenim in exercitati humidam carnem habentes , quum laboraverint , corpore calefacto , multam colliquationem remittunt . Quicquid igitur exsudaverit , aut cum corpore depurgatum fuerit , non exhibet magis laborem in corporis parte præter consuetudinem evacuata . Quicquid vero ab excretionem intus remanserit , non solum huic laborem exhibet , sed etiam ei parti , quæ humiditatem suscepit . Non enim commoda est corpori , sed infesta . Et in carnes quidem corporum non similiter congregantur , verum in carnosas partes : quare his laborem exhibet , donec exiverit . Tanquam enim circuitum non habens , quiescens calefit tum ipsa , tum quæ allabuntur . Si igitur multum fuerit quod excretum est , etiam sanum corpus exsuperat , ut totum concalefcat , & febrem fortem inducit . Calefacto enim sanguine & attracto , celerem circuitum faciunt ea , quæ in corpore sunt , & tum reliquum corpus præ spiritu purgatur , tum quod compactum est cale-

scens attenuatur , & simul ex carne foras sub cutem extruditur , atque hoc sudor calidus vocatur . Hoc autem excreto , et sanguis in naturalem statum restituitur , et febris remittit , et lassitudo sedatur , maxime tertia die . Cæterum ejusmodi lassitudinem sic curare oportet , ut fomentis et balneis calidis id quod compactum est dissolvamus , et deambulationibus vehementibus depurgemus , et modico cibo ac attenuationibus carnis evacuationem cogamus ac coagmentemus , & oleo sensim multo tempore fricemus , ut ne violenter excalefcat . Unguentis etiam tum exsudatoriis , tum mollientibus , ungere ac mollire conducit .

46. At vero exercitatis , ab insuetis laboribus propterea lassitudo contingit . Quum corpus non fuerit laboribus exercitatum , necesse est carnem humidam esse ad eum locum , ad quem non est adfuetus se laboribus exercere , quemadmodum etiam ad singula exercitatorum genera . Carnem igitur necesse est colliquari , & excerni , considereque ac contrahi , velut priori . Confert autem hoc modo curari . Exercitationibus utendum est consuetos , quo id quod compactum est calefscens extenuetur ac depurgetur , & reliquum corpus non humectetur , neque in exercitatum maneat . Utile est & hunc balneis calidis uti , itemque friçtione similiter ut priorem . Verum fomentis nihil habet opus . Labores enim calfacientes sufficientes sunt attenuare & depurgare id quod compactum est .

47. Lassitudo autem à consuetis exercitiis hoc modo fit . A moderato quidem labore lassitudo non movetur . Quum vero major quam oportet labor fuerit , carnem superreficcat , evacuata autem humore caro , calefit , & dolet ,

& horret, & ad febrem perducitur longiorem, si non quis recte curet. Oportet autem primum quidem ipsum balneo non valde multo, neque nimis calido lavari: deinde exhibito a balneo molli vino, in cœna offerre plurima & omnigena edulia, & potu aquoso, vino vero molli ac multo uti. Postea longo tempore his immoretur, donec venæ repletæ attollantur. Deinde vero vomat, & post modicam stationem, molliter dormiat. Postea per dies sex sensim ad cibos & labores consuetos adhibeatur, atque ita ad consuetum cibum ac potum perducatur. Vim autem habet hæc curatio talem. Resiccatum excellenter corpus, humectare potest citra excessum. Siquidem igitur

possibile esset, laboris excessum nosse, quantus is esset, commodum foret ipsi per moderatum cibum mederi. Nunc vero illud impossibile est, hoc vero facile; corpus enim resiccatum, ab ingestis omnigenis eduliis id quod conducibile sibi ipsi est sumit, unaquæque pars de singulis cibis: repletum autem & humectatum, alvo per vomitum evacuata, rursus excessum remittit: Alvus autem vacua existens revellit. Excedentem itaque humiditatem caro eructat, moderatum vero non remittit, nisi per vim, aut labores, aut medicamenta, aut aliam quandam revulsio-nem. Qui autem additione cibi sensim crescente utitur, is corpori diætam placide constituit.

H I P P O C R A T I S

D E

D I Æ T A

Liber Tertius.



DE diætâ humana exacte quid conscribere, ut ad ciborum copiam, laborum commensuratio ac symmetria fiat, non est possibile, quemadmodum etiam antea a me relatam est. Multa enim sunt impedimenta. Primum quidem hominum naturæ, diversæ existentes. (Nam & siccæ ipsæ ad seipsas, & ad alia collatæ magis ac minus siccæ sunt & humidæ. Similiter etiam aliæ omnes). Deinde ætates non iisdem indigentes. Insuper & regionum situs, & ventorum mutationes, & temporum alterationes, & anni constitutiones. Est & inter ipsos cibos multa differentia.

Triticum enim a tritico differt, & vinum a vino: & reliqua omnia, ex quibus victum facimus, diversa existentia, impediunt quo minus possibile sit exacte de diætâ conscribere. At enim prænotiones inventæ sane a me sunt eorum quæ in corpore dominantur, sive labores cibos, sive cibi labores superent, & quomodo singulis mederi oporteat, prædiscereque sanas naturas, & ut non accedant morbi, nisi quis valde multum delinquat ac sæpe: hæc autem medicamentis jam opus habent. Sunt autem quæ neque per medicamenta sanari possunt. Quantum quidem igitur inveniri possibile est quæ maxime ad rem fa-

faciunt, a me inventum est: verum exacte a nullo.

2. Primum igitur multis ac vulgo hominibus conscribam, ex quibus maxime utilitatem capere possint, qui sane cibis vulgaribus utuntur, ac laboribus necessariis, profectioibusque necessariis, ac operis marinis ad vitam degendam repertis: quique calefcunt plus quam expedit, perfrigeranturque præter commoditatem, & reliqua diæta inconstanti utuntur. His itaque ex præsentibus sic victum facere conducit. Annum equidem in quatuor partes dividunt, quas plerique omnes noverunt, hyemem, ver, æstatem, autumnum. Et hyemem quidem a pleiadum occafu, usque ad æquinoctium vèrnum. Ver autem ab æquinoctio usque ad pleiadum exortum. Æstatem vero a pleiadum ortu usque ad arcturi exortum. Autumnum ab arcturi ortu, usque ad pleiadum occasum.

3. In hyeme quidem igitur tempori frigido & compacto se opponendo, hoc victu uti conducit. Primum quidem semel tantum in die cibum capere convenit, nisi quis valde siccum ventrem habeat. Id vero si fieri non possit, modicum prandere. Victu autem utendum est sicco, & austero, & calfactorio, & ex toto collato, ac meraco. Pane autem magis uti expedit, et obsoniis assatis potius quam coctis. Et potionibus nigris meracioribus ac paucioribus. Oleribus minimum, præterquam calfacientibus et siccis. Succis item ac sorbitionibus minime utendum est. Laboribus autem multis omnibus, cursibusque curvis sensim crescente accessione, et lucta in oleo longa, a levibus ordiendo ac sensim addendo. Et deambulationibus ab exercitiis, acutis ac celeribus, a cœna vero, tardis in

tempore. Matutinis autem multis, levi initio factò, ac sensim crescente accessione, ita ut placide rursus desinas.

4. Utendum est et strato duriore, et nocturnis itineribus, et funambulationibus, ac cursibus per funem uti confert. Omnia enim hæc attenuant ac calfaciunt. Utendum etiam navigatione. Ubi autem quis lavari velit, si quidem in palæstra se exercuerit, frigida lavetur. Si vero alio quopiam exercitio usus fuerit, calida commodior existit. Utendum et vomitibus, si humidiores sint ter in mense, sin sicciore, bis a cibis omnis generis: a vomitibus sensim perveniendum est ad consuetum cibum per tres dies, eoque tempore laboribus levioribus ac paucioribus utendum: a bubulis autem et porcinis carnibus, aut aliis, quicquid tandem modum excesserit, repletus vomat: & a caseosis et dulcibus ac pinguibus, eum qui non est aduetus repleri, vomere conducit: et ab ebrietate, ac ciborum mutatione, et regionum alteratione vomendum est. Oportet autem frigori se ipsum purum exhibere, præterquam a cibis ac exercitiis.

5. Sed et in matutinis deambulationibus ubi corpus calefieri cœperit, itemque in cursibus etiam in alio tempore, excessum vitare oportet. Melius est enim corpori hyemem ferre, quam exerceri hoc tempore. Nam neque arbores, quæ hyemem non pertulerunt, hoc tempore fructum ferre possunt, neque ipsæ sanæ esse. Utendum est et laboribus hoc tempore multis usque ad excessum, nisi lassitudines succedant. Signum autem docebo idiotas, ostendamque quapropter hæc ita se habent. Tempore existente frigido ac compacto, consimilia patiuntur etiam animalia ip-

sa. Neceſſe igitur eſt corpora tarde caleſceri a labore, et modicam quandam humiditatis præſentis partem excernere. Deinde modicum tempus conſeſſum eſt quo laborent, multum autem quo quieſcant. Dies enim brevis eſt, nox vero longa: propterea igitur neque tempus, neque labor exceſſum habet. Ob hanc itaque cauſam hoc tempore ſic diætam inſtituere oportet, a pleiadum occaſu uſque ad ſolſtitium hybernum diebus quadraginta quatuor. Circa ſolſtitium autem maxime in cuſtodia ac tutela eſſe, & a ſolſtitio alios totidem dies eadem diætâ uti.

6. Poſtquam autem tempus adduxerit favonium, & mollius factum fuerit, oportet etiam cum tempore diætam ſequi, diebus quindecim, quum arcturus oriatur & hirundo volat. Sequens vero tempus magis varie tranſigere oportet uſque ad æquinoctium diebus tringinta duobus. Oportet igitur etiam diætâ uti hoc tempore variègatiore, mollioreque ac levioſe, & cibo, & labore, atque ita ſenſim ad ver perducere. Quum autem æquinoctium jam factum fuerit mollius, & dies longiores, ac noctes breviores, & tempus calidum ac ſiccum conſtiterit, etiam præiens victus probe nutriens ac meracus ſit. Quemadmodum igitur arbores tationem non habentes, hoc tempore præparant ſibi ad æſtatis commoditatem, tum incrementum, tum umbram: ſic oportet hominem, quum ſane mente ac ratione præditus ſit, carnis incrementum ſalubre ſibi præparare.

7. Oportet igitur, ut, ne derepente diætâ tranſmutetur, tempus in ſex partes dividere, pro octo dies. In prima itaque parte & labores detrudere oportet, & reliquis quoque velocioribus uti. Cibis autem mollioribus, & potibus

aquofioribus ac albioribus, & lueta cum oleo in ſole utendum eſt. In ſingulis autem temporibus ſingulas diætâs paulatim tranſmutare oportet, & deambulationes detrudere a cœna plures, matutinas pauciores: & mazam pro pane offerre, & olera cocta exhibere, & obſonia cocta affatis adæquare, & balneis uti, & parum prandere, & re venerea pauca uti, & vomitibus primum quidem quarto quoque die, deinde per longius tempus, quo & corpus pura carne incarnatum conſtituas, & diætâ in hoc tempore mollem, uſque ad pleiadum exortum.

8. Et in hoc jam æſtas adefſt, & ad hanc nunc diætâ inſtituere oportet. Quum itaque pleias exorta fuerit, cibis mollioribus ac paucioribus uti oportet. Deinde maza magis quam pane, atque ea prius ſubaeta, & vino dulci non emollita: potibus autem mollibus, albis, aquoſis, prandio modico, & ſomnis a prandio brevibus, & repletionibus ex cibis ac potibus quam minimis. Potu inter edendum utendum eſt ſufficiente: per diem vero minime bibendum, niſi neceſſaria aliqua ſiccitate corpus utatur. Utendum eſt & oleribus coctis, exceptis æſtuoſis ac ſiccis. Utendum etiam crudis, exceptis calfacientibus ac ſiccis.

9. Vomitibus, niſi ſi qua repletio contingat, utendum non eſt. Re autem venerea minime. Balneis autem tepidis uti licet. At vero poma fortiora ſunt quam pro humana natura. Melius eſt igitur a pomis abſtinere. Si vero quis cum cibis utatur, minime deliquerit. Laboribus quoque ac curſibus circularibus exerceri oportet, & curſibus rectis revertentibus modicis multo tempore, & deambulationibus in umbra, lueta autem in pulvere,

re, quo quam minime excalescat.

10. Verum volutiones in pulvere meliores sunt quam cursus circulares. Frigefaciunt enim corpus humorem evacuantes. A cœna deambulandum non est, sed saltem surgendum. Mane vero deambulationibus utendum. Soles vitandi sunt, itemque frigora, tum mane, tum vespere, quæ flumina, aut stagna, aut nives exhalant. Hanc autem diætam tolerare oportet usque ad solstitium æstivum, quo in hoc tempore adimas omnia, quæ sicca sunt, & calida, & nigra, ac meraca, itemque panes, præterquam si parum quid voluptatis gratia concedere velis. Sequenti vero tempore utetur mollibus & humidis, & perfrigerantibus ac albis, usque ad arcturi exortum, ac æquinoctium per dies nonaginta tres.

11. Cæterum ab æquinoctio sic diætam instituere oportet, per autumnum ad hyemem adducendo, ita ut mutationes frigorum ac teporis vites vestitu crasso. Utendum autem hoc tempore motu in veste, frictioneque ac lucta in oleo, ita ut sensim accessio crescat. Deambulationes quoque in tempore faciendæ sunt, & calidis lavacris utendum, & somni diurni detrahendi. Cibis autem utendum est calidioribus, ac minus humidis, & puris, & potibus nigrioribus, verum mollibus, & non aquosis: oleribus vero minus. Reliquam item diætam omnem sic consonam adhibere oportet, ut ab æstivis detrahas, hybernis autem utaris non ad summum, quo hybernium victum quam proxime constituas, in diebus duodequingenta, usque ad pleiadum occasum, ab æquinoctio.

12. Hæc porro multitudinis commoventi gratia ac vulgi hominum causa prodo, qui ex necessitate vitam teme-

re transigunt, neque licet ipsis aliorum negligentibus esse, ac suam ipsorum sanitatem curare. Quibus vero jam hoc certum ac percognitum est, quod neque divitiarum, neque corporis, neque ullius alterius rei ulla utilitas est, citra sanitatem, ad hos inventa est a mediæ diætæ, quantum possibile est, ad veritatem ac certitudinem possibilium rerum adducta. Hanc itaque in sermonis progressu declarabo. Inventum autem hoc honestum quidem mihi reperiatori, utile vero discipulis, nullus adhuc priorum ne attentavit quidem componere, quod ad omnia alia magni æstimandum duco. Est autem præcognitio antequam ægrotent cognitio, quid corpora perpetiantur, utrum cibus superat labores, aut labores cibus, aut moderate inter se habeant. Utrum enim tandem superetur, morbi fiunt: ab æqualitate autem inter ipsa mutua, sanitas adest.

13. Ad hæc sane commemoranda accingor, & demonstrabo qualia fiunt hominibus, qui sani sibi esse videntur, & jucunde comedunt, laborareque possunt, & corporis ac caloris satis habent. Nares citra causam apertam a cœna implentur, & repletæ esse videntur, emungunt autem nihil. Ubi autem deambulare mane incipiunt ac exerceri, tunc emungunt ac spuunt: & progressu temporis etiam palpebras graves habent, & pruritus frontem occupat, & a cibis abstinent, & bibere minus possunt, & color fit decolor, & aut destillationes moventur, aut febres horridæ, juxta quodcunque tempus repletio fuerit mota. Quicquid autem eo tempore fecerit, in idipsum culpam ac causam rejicit, quum idipsum causa non sit. Huic enim cibi superant labores, & repletio paulatim collecta in morbum ipsum adduxit. Sed non huc usque differre oportet.

oportet, verum ubi prima signa cognoverit, scire quod cibi labores superant, & paulatim collecta repletio existit. Mucus enim & saliva repletionis indices sunt ac signa, & quiescente quidem corpore, meatus spiritus obturant, multa repletione existente: ubi vero calefactum est præ labore, attenuata excernuntur.

14. Talem autem sic curare oportet. Exercitatum in consuetis exercitiis citra lassitudinem, calidaque lotum, cibus omnigenis expleto, ac vomere facito; a vomitu vero os & fauces coluat vino austero, quo oscula venarum constringantur, & nihil attrahant, velut a vomitu fieri solet: deinde iurgens modice deambulet in tepore. Postridie vero deambulationibus quidem utendum est: exercitiis autem paucioribus & levioribus quam prius: & si æstas fuerit, impransus degat: sin minus, parum comedat, & de cœna quam sumere solebat, dimidium detrahat. Tertia autem die labores quidem obeat omnes consuetos ac deambulationes, verum cibos sensim ingerat, quo quinta die a vomitu consuetum cibum assumat. Et siquidem ab hoc satis bene habuerit, de cætero cibus quidem paucioribus, laboribus autem pluribus curetur. Si vero signa repletionis non quieverint, interpositis duobus diebus ab ea qua consuetos cibos assumpsit, rursus vomat, & eodem modo sensim ad consuetos cibos redeat. Quod si non successerit, etiam tertium eadem repete, donec a repletione liberetur.

15. Sunt autem homines, qui ubi labores superantur a cibus, talia patiuntur. Incipiente quidem repletione somni longi & dulces ipsis contingunt, & interdum etiam dormiunt. Somnus autem contingit carni; & sanguis fun-

ditur, & spiritus diffusus tranquillus est. Quum vero non suscipiat amplius corpus repletionem, secretionem jam remittit intro, præ circuitus violentia, quæ sane secretio contraria alimento a cibus, animam perturbat. Quo tempore non amplius jucundi ipsis sunt somni, sed necesse est hominem perturbari, & videtur sibi cum aliquo pugnam committere. Qualiacunque enim patitur corpus, talia videt anima, visu jam concluso. Quum igitur ad hoc pervenerit homo, prope jam est ut ægroter. Quod autem veniet morbus, valde manifestum est. Qualis enim secretio venerit, & quamcunque partem superaverit, eam ipsam morbo affligit. Verum non oportet ita desipientem esse & hucusque differre, sed statim ubi prima signa cognovit, curam contingere, & hunc velut priorem curare: longiori autem tempore, ac fame opus habet.

16. Sunt præterea etiam talia repletionis signa. Dolet corpus aliquibus totum, aliquibus pars quædam, quæcunque tandem. Dolor autem est velut lassitudo, & delassati esse sibi videntur, segnitieque ac repletione curantur, donec ad febrem perveniant: & adhuc nondum hoc cognoscunt, sed balneis ac cibus utentes, ad pulmonis inflammationem, peripneumoniam Græcis dictam, morbum deducunt, & ad extremum periculum deveniunt. Verum oportet providere antequam ad morbos perveniant, & hoc modo curare, ut maxime mollibus fomentis hominem foveamus: aut si id fieri nequeat, multa calida lavemus, ac corpus dissolvamus, & a multis ingestis cibus, primum quidem acerbis ac plurimis, deinde falsis, probe vomere faciamus: quo facto exurgat, ac modico tempore deam-

deambulet in tepore : deinde dormiat . Mane vero deambulationibus sensim crescentibus utendum est , & exercitiis levibus , & ciborum exhibitionibus sensim crescentibus , velut prius . Attenuatione autem plurima opus habet , itemque deambulationibus .

17. Si vero providentia non adhibita ad febrem pervenerit , nihil aliud offerre oportet præter aquam per dies tres . Siquidem igitur ex hac sedetur , bene est : sin minus , ptisanæ succo curandus est , & aut quarta , aut septima die decedet febris , si exsudabit . Bonum autem est & unguentis exsudatoriis uti , sub judicationes : exsudare enim cogunt .

18. Quidam vero etiam talia a repletionem perpetiuntur . Caput ipsis dolet ac gravatur , & palpebræ ipsis a cœna concidunt , & in somnis turbantur , & calor inesse ipsis videtur , & alvus aliquando sistitur . Et talis ubi venere utitur , levior statim esse sibi videtur , postea vero magis gravatur . His caput repletionem revellens , & alvum sistit , & ipsum gravatur . Periculum autem subest , ut quo erumpat ipsa repletio , id ipsum corrumpat . Verum providere hoc modo oportet . Si curam celerem facere velit , veratro purgandus est : deinde exhibendi cibi leves ac molles ad dies decem , atque hi alvum moventes , quo venter inferior superet ; & de capite revellere valeat . Utendum & cursibus tardis ac matutinis , & deambulationibus multis . Item lucta in oleo , & prandio , & somno a prandio non longo : a cœna vero exsurgere satis est , & partim balneis , partim unctioe utendum , balneis vero tepidis : a venere autem abstinendum . Hæc quidem velocior cura est . Si vero medicamentum bibere nolit , multa calida lotus ,

a cibis dulcibus , ac falsis vomat : a vomitu vero satis est ut exsurgat : mane autem deambulationibus adhibendus est , & exercitiis præscriptis ad dies sex : die septima repletionem corporis facta a similibus cibis vomitum faciat , & eodem modo cibi rursus sensim adjiciendo exhibeantur : atque his hoc modo ad quatuor hebdomadas utatur . In tanto enim tempore maxime sedatur . Deinde cibi exhibendi quo corpus reficiatur , & diæta paulatim ad consuetum morem redigenda est .

19. Fiunt etiam talia a repletionem . Quibusdam venter quidem concoquit cibum , carnes autem non suscipiunt . Alimentum autem intus manens flatum inducit . Ubi vero pransi fuerint , sedatur . Nam a fortiore id quod levius est expellitur , & videntur sibi liberati esse . Verum malum multo majus postmodum accedit . Quum autem quotidie augetur fortius invaluerit , id quod prius inest superingesta superat , & calfacit ac perturbat corpus , & profluvium ventris facit . Sic enim nominatur , quandiu ipsum solum alimentum putrefactum secedit . Ubi autem corpore calefacto purgatio acris fiat , tunc & intestinum raditur ac exulceratur , & sanguinolenta egeruntur ; hoc autem dysenteria , a mala intestinorum affectione appellatur , morbus gravis & periculosus . Sed providere oportet , & prandium detrahere , & cœnæ tertiam partem : cursibus autem pluribus , & luctis ac deambulationibus uti , tum ab exercitiis , tum mane . Quum vero dies decem præterierint , dimidium cibi detracti apponere , ac vomitu uti , atque sic ad dies quatuor cibum augendo exhibere : ubi autem alii decem dies præterierint , etiam reliquum cibum apponere , ac vomitum facere ; atque sic ad

consuetum cibum reducens, & talem laboribus confidenter premens ac urgens, in hoc tempore sanum facies.

20. Fit etiam talis repletio. Postridie cibum eructant crudum, citra ructum acidum. Alvus autem egerit, pauciora quidem quam pro ratione ciborum, attamen multum. Dolor vero nullus intus est. His ventriculus frigidus existens, cibos in nocte concoquere non potest. Quum igitur motus fuerit, cibum crudum eructat. Oportet itaque huic præparare ventriculi caliditatem, tum ex victu, tum ex laboribus. Primum quidem igitur utendum est pane ex tota farina collata fermentato, diffracto in vinum nigrum, aut in jusculum suillæ carnis: piscibus vero coctis in muria acri. Utendum etiam carnosis, velut extremitatibus percoctis, & ovillis pluribus, & suillis carnis coctis, & porcinis non multis, & catulorum ac hædorum. Ex oleribus vero porro & allio cocto ac crudo, blitoque cocto & cucurbita. Potionibus vero meracioribus, somnisque longis citra prandium prima die, itemque somnis ab exercitiis, cursibus autem curvis sensim accessione augescente, luctaque molli in oleo, balneisque modicis, & unguentis pluribus. Mane etiam deambulationibus pluribus, a cœna paucis. Est & ficus cum cibus bona, & meracum vinum ab ipsa. Ex hac autem curatione aliis citius, aliis tardius repletio sedatur.

21. Alii porro quidam talia patiuntur. Faciem decolorem habent, & ubi comederint, paulo post eructant acida, & acor in nares proserpit. His corpora pura non sunt, & plus est quod de carne colliquatur præ labore, quam quod depurgatur præ circuitu. Et hoc sane intus manens alimento contrarium

est, ipsumque violat, ac acidum facit. Alimentum quidem igitur eructatur, illud ipsum vero sub cutem expellitur, & hominem decolorem facit, & morbos similes aquæ inter cutem parit. Verum providere oportet hoc modo. Velocior quidem curatio est potu veratro, exhibere cibos, quemadmodum a me scriptum est. Verum tutior a diæta, hoc modo. Primum quidem calida lotus vomitum faciat, deinde septem a vomitu diebus cibum consuetum capiat: decima autem a vomitu die rursus vomat, & similiter cibum assumat, & tertium similiter faciat. Et cursibus quidem circularibus paucis ac velocibus utatur, & motibus, ac frictione, & mora longa in gymnasio ac exercitio. Utatur & volutione in pulvere, & deambulationibus multis ac exercitiis, sed & a cœna. Plurimis autem matutinis in pulvere utatur. Quum autem lavari vult, calida lavetur, & eo tempore impransus degat. Et siquidem uno mense restituitur, de cætero convenientibus curetur. Si vero quid reliquum fuerit, medela utatur.

22. Sunt autem quidam, quibus postridie ructus acidi fiunt. His in nocte secretio præ repletionem fit. Quum igitur motum fuerit corpus ex somno, densiore spiritu usum, calidum ac acidum una cum spiritu foras expellit, & ex hoc morbi fiunt, nisi quis providentia utatur. Conducit autem etiam his facere velut priori. Verum laboribus pluribus hos uti oportet.

Quibusdam etiam talia fiunt. In corporibus densa carne præditis, quum cibi concalescunt ac diffunduntur, & a primo somno, & præ cibus carne calescente, secretio præ somnum fit a carne multæ humiditatis. Deinde caro densa existens alimentum non suscipit. Id vero

vero quod a carne secretum est alimen-
to contrarium ac foras protrusum, ho-
minem suffocat ac calfacit, donec evo-
muerit. Postquam autem levior factus
est, dolor nullus in corpore manife-
stus inest, sed decoloratur. Progressu
vero temporis & dolores, & morbi
fiunt. His consimilia patiuntur etiam
qui inexercitati derepente laboraverunt,
& colliquationem carnis violentam ac
multam fecerunt.

23. Hos autem sic curare oportet.
De cibo detrahenda est tertia pars. U-
tendum autem cibus acribus, & siccis,
& austeris, ac odoratis, & urinam
cientibus. Cursibus vero plurimis cur-
vis in vestitu, rectis autem reverten-
tibus & circularibus, exutis vestibus,
frictione & lucta modica. Micatio per
summas manus commodior est quam
follis. Utendum & deambulationibus
ab exercitiis multis, itemque matuti-
nis. A cœna vero etiam vocis exer-
citatio valde commoda est: humidita-
tis enim evacuationem faciens rarefa-
cit carnem. Conducit & impransum
degere. His autem cibus utendum est
per dies decem, deinde dimidium ab-
lati apponendum est ad dies sex, &
vomitus faciendus: ab unoquoque vero
vomitu, ad dies quatuor sensim adji-
ciendo exhibendus est cibus. Quum au-
tem dies decem a vomitu transferint,
omnem detractum cibum assumat, la-
boribusque ac deambulationibus deditus
sit, & sanus evadet. Talis autem na-
tura copiosiore labore quam cibo o-
pus habet.

24. Quidam etiam talia perpetiun-
tur. Secedit ipsis cibus per alvum li-
quidus incoctus, velut ex intestinorum
levitate, & dolorem nullum exhibet:
patiuntur autem hoc ventres maxime
qui humidi ac frigidi sunt, & propter

frigiditatem quidem non concoquunt:
propter humiditatem vero secessus fit.
Corpus igitur contabescit, alimentum
conveniens ac debitum non accipiens:
ventresque corrumpuntur, & in mor-
bos incidunt: verum providere oportet.
Confert huic de cibus tertiam par-
tem auferre. Sint autem cibi, panes
non fermentati, ex tota farina colla-
ta, clibano cocti, aut subcinericii, ca-
lidi, in vinum austerum tincti, &
piscium partes ex dorso ac cauda. Ve-
rum capitales & sub ventre sinendæ sunt
velut humidiores: & coctos quidem
pisces in muria edere oportet, affatos
autem in aceto. Utendum etiam car-
nibus sale & aceto inveteratis, & ca-
ninis affatis, & de palumbe ac reliquis
ejusmodi volucris, affatis ac coctis.
Oleribus vero minime. Vino utendum
est nigro, & deambulationibus a cœna
ac matutinis, a deambulatione autem
dormiat. Cursibus vero curvis sensim
accessione augescente utatur. Sit & fri-
ctio multa, & lucta tarda, & in oleo,
& in pulvere, quo caro concalescens
resiccetur, & humiditatem ex ventre
revellat. Ungi autem magis conducit
quam lavari, impransus vero degat.
Quum autem dies septem transferint,
dimidium cibi apponatur, & ad qua-
tuor dies exhibeatur, & vomat. Post
alios vero septem dies, omnem cibum
assumat: & vomitu rursus facto, cibus
eodem modo exhibeatur.

25. Quibusdam vero aliis talia fiunt.
Secessus non putrefactus per alvum abit,
& corpus contabescit cibus non fruens,
hi vero progressu temporis in morbos
incidunt. His ventres frigidi ac sicci
sunt. Quum itaque neque convenienti-
bus cibus, neque exercitiis utuntur,
taliam perpetiuntur. Conducit autem sic
affecto, panibus puris furnaceis uti, &

piscibus coctis cum intritis, & carnibus coctis fuillis, & extremitatibus percoctis, & plurimis affatis, & ex acribus ac falsis his quæ humectant & saluginosis. Vinis autem nigris mollibus: & inter cibos uvis ac ficibus impleri confert. Oportet & modicum prandere, & exercitationibus pluribus uti, cursibusque curvis sensim crescentibus, postremum autem cursibus circularibus, & post cursum lucta cum oleo: deambulationibus vero non multis ab exercitiis, a cœna vero satis est exurgere. Matutinis autem pluribus deambulationibus utatur. Lavetur calida, & utatur laboribus ac unctiōibus, somnoque longiori indulgeat, & molliter cubet. Oportet & venere aliquo modo uti. Verum de cibis quarta pars detrahenda est, & post dies decem rursus ad consuetos cibos reducendus est.

26. Sunt etiam quibus secessus liquidus ac putrefactus per alvum abit, & qui alias sani sunt ac exercentur, nullum dolorem res exhibet. Quibusdam vero excluduntur ea, quæ conveniebant, progressuque temporis venter per caliditatem carnes attrahit, & dolorem exhibet, & cibi excluduntur, & venter exulceratur, & ipsum sistere jam operosum ac difficile est. Verum prius providere oportet, ac nosse ventrem calidum ac humidum magis quam debet esse, laborumque incommodorum excessum factum esse. Per diætam igitur frigefacere ac ficcate oportet, & primum quidem exercitia ex dimidia parte detrahère, & de cibis tertiam partem. Utatur autem maza antea subacta, ac vino dulci emollita, & piscibus ficcissimis coctis, & neque pinguis, neque falsis. Utatur & carnibus affatis volucrum, coctis quidem, palumbis ac columbæ, affatis autem per-

dicum & gallorum, citra condimenta: leporinis vero coctis in aqua, itemque ferinis omnibus. Ex oleribus autem quæ frigefactoria sunt, velut beta cocta acida. Vino vero nigro austero. Gymnasiis autem, cursibus circularibus velocibus: verum frictio non multa adhibeatur, sed modica, neque lucta. Micatio per summas manus, & manuum ad rythmum motus, & follis, & volutatio in pulvere, commoda sunt, sed non multa. Deambulationibus ab exercitiis utatur sufficientibus juxta laborem, & a cœna pluribus, juxta cibum, & mane moderate, juxta habitum. Lavet autem tepida, ac quiescat. Sic ubi in hac diætâ transegit dies decem, apponatur cibi dimidium, & laborum tertia pars, & vomitum faciat a cibis ficcis & acerbis, & in cibo ne moretur, sed quam celerrime vomat: a vomitu ad dies quatuor & cibum, & labor partitus exhibeatur. Ubi autem dies decem præterierint, reliquum cibi apponatur, & vinum potabile, verum labores pauciores: & ubi vomitum fecit, cibus, velut scriptum est, exhibeatur. Hoc vero tempore semel tantum in die cibum capere conducit, donec malum sedetur.

27. Aliis porro quibusdam ficcus & perustus secessus fit, & os ficcum, & grogressu temporis etiam amarum fit, & alvus sistitur, itemque urina. Quum enim non habeat intestinum humiditatem circa excrementum, intumescens transitus obturat, & dolorem exhibet, & calor occupat, & quicquid biberit aut ederit homo, id ipsum revomit. Postremuni vero etiam stercus vomit; atque hic non supervivet, quum ad hoc pervenerit. Verum providere oportet ac nosse, quod caliditas & siccitas in homine prædominantur. Victum igitur
ipfi

ipſi conſtituere oportet ex maza prius ſubacta reſperſa , & pane ex tritico trimeſtri , ſucco furfurum fermentato . Oleribuſque utendum , exceptis acribus & ſiccis , atque illis coctis , & piſcibus leviffimis coctis , & partibus capitalibus tum piſcium , tum locuſtarum , & miſtylis , & erinaceis , & cancris , & conchyliorum ſuccis , ipſiſque liquidiffimis . Carnibus autem ſuillis , & extremitatibus anterioribus coctis , & hædorum & agnorum ac catulorum coctis . Piſcium vero fluviatilium ac in ſtagnis degentium coctis . Vino molli aquoſo . Laboribus autem utendum eſt non multis , neque velocibus , ſed omnibus quietis . Deambulationibus vero mane utatur , juxta habitum ſufficientibus , & ab exercitii laboribus , moderatis : a cœna vero ne deambulet . Balneis utatur & ſomnis mollibus , & prandio , & ſomno a prandio non longo . Pomis etiam humectantibus una cum cibus utatur , & cicere viridi , ac ſiccò in aqua macerato . De laboribus vero prioribus dimidium detrahat etiam hic a principio , & vomitum faciat a dulcibus & pinguibus ac ſaliſis , hiſque plurimis : moretur autem plurimum tempus in cibus uſque ad vomitum . Deinde cibum exhibeat ad triduum , & non maneat impranſus . Quum vero dies decem præterierint , labores ſenſim adjiciendo augeat : & , ſiquidem repletio inerit a cibo , aut ventris vitio , vomat : ſin minus , ſic reliquo tempore curetur .

28. Fiunt inſuper etiam talia . Horrores a deambulationibus matutinis accedunt , & caput gravatur . Huic plures fiunt deambulationes quam modus requirit . Corpus enim & caput humore evacuatum horret ac gravatur . Progreſſu vero temporis ad febrem perveniunt horrores . Sed non hucuſque dif-

fere oportet , verum prius curare hoc modo . Quamprimum aliqua ſigna apparuerint , unctus ac frictus modice prandium amplius ſolito faciat , & vinum multum bibat molle , deinde ſomno utatur a prandio ſufficienter : ad veſperam vero ubi exercitiis levibus uſus eſt , calidaque lotus , conſueto more cœnet : deambulationibus autem a cœna ne utatur , verum ad tempus differat . Poſtridie in aqua lavetur , & ſomnis mollibus tempus tranſigat . Et per dies quinque paulatim ad conſuetos cibos ac labores procedat .

29. Sunt autem quidam qui horrent ex gymnafiis , & quum ſe exuunt donec decertent : ubi vero perfrigerati ſunt , ruruſus horrent , & ſtridor dentium tremulus corpus occupat , ſomnoque talis gravatur . Ubi autem expergiſcitur , læpe oſcitat , & a cœna palpebræ ipſi graves ſunt : progreſſu vero temporis etiam febres malignæ accedunt . Verum cavere oportet , & non hucuſque differre , ſed prius curare hoc modo . Primum quidem ab omnibus exercitiis dimidium auferatur . Cibus vero omnibus humidioribus ac frigidioribus utatur , & potibus mollioribus ac dilutioribus . Ubi vero præterierint dies quinque , tertia pars laborum ablatorum apponatur : cibus vero iſdem utatur . Poſt alios autem quinque dies , dimidium reliquorum laborum apponatur . Et ruruſus poſt alios quinque omnes labores & leviores , & pauciores reddito , ut ne ruruſus exceſſus fiat . Nam hiſ qui hæc ſigna perpetiuntur , labores majores ſunt quam cibi . Adæquare igitur hæc oportet .

30. Quidam vero non hæc patiuntur , ſed aliqua ex hiſ , aliqua vero non . In omnibus autem hiſ ſignis , labores ſuperant cibos , & curatio eadem eſt .

Et confert his calida lavare, ac mol-
liter cubare, & semel atque iterum
inebriari, verum non usque ad exces-
sum, & venere uti, ubi excessus con-

tigerit, & segnem esse ad labores.
Deambulationes autem in totum non
sunt faciendæ.

H I P P O C R A T I S

D E

N A T U R A H U M A N A .



QUICUNQUE de natura huma-
na amplius differentes au-
dire consuevit, quam ejus
ad medicinam pertinet, huic
non est commodum hunc
meum sermonem audire. Neque enim
omnino ex toto aërem dico hominem
esse, neque ignem; neque aquam, ne-
que terram, neque quicquam aliud, quia
non manifestum est unum in homine
esse, sed volentibus tamen hæc dicere
permitto. At vero talia dicentes mihi
non recte rem cognoscere videntur.
Sententiam enim eandem omnes ineunt,
verum non eadem dicunt, sententiæ ta-
men epilogum eundem faciunt. Ajunt
enim unum quid esse, quodcunque tan-
dem est, & id ipsum esse unum ac to-
tum, juxta nomina autem non consen-
tiunt. Etenim alius ex ipsis aërem es-
se, hoc unum ac totum dicit, alius
ignem, alius aquam, alius terram: &
addit unusquisque ad sermonem suum
testimonia ac signa, quæ nullius mo-
menti existunt. Quia enim eadem sen-
tentia omnes utuntur, dicunt autem non
eadem, manifestum facit, quod neque
cognoscunt ipsa; quod ex eo vel ma-
xime quis cognoverit, qui ipsorum di-
sceptationibus interfuerit. Nam quum
iisdem viri inter se disceptant, iisdem
auditoribus præsentibus, nunquam ter

consequenter idem homo vincit in eo-
dem sermone: sed modo hic, modo
alius superat, cuicumque fuerit lingua
maxime fluida ac populo grata. Atqui
justum erat, ut is qui de rebus se re-
cte cognoscere pronunciaret, semper
sermonem suum victorem statueret, si-
quidem vera cognosceret, ac recte sen-
tiret, ac judicaret. Verum hujusmodi
homines videntur mihi seipsos oppugna-
re in verbis sermonum suorum, præ-
stultitia, & Melissi sermonem appro-
bare. De his igitur sufficiunt mihi quæ
retuli.

2. At vero ex Medicis quidam di-
cunt, quod homo sanguis solum est,
alii ex ipsis bilem ajunt hominem es-
se, aliqui pituitam: epilogum autem
& ipsi omnes eundem faciunt. Unum
enim quid esse dicunt, quodcunque cui-
que ipsorum nominare visum est, &
id ipsum unum existens, speciem ac
vim transmutare, coactum a calido ac
frigido, fierique & dulce, & amarum,
& album, & nigrum, & omnigenum
quid aliud. Mihi vero neque hæc sic
se habere videntur. Plurimi quidem i-
gitur talia quædam, & amplius his
proxima pronunciant. Ego autem di-
co, si unum esset homo, nunquam sa-
ne doleret. Neque enim esset unde do-
leret unum existens. Si vero etiam do-
leret,

leret, necesse esset & quod mederetur ac sanaret, unum esset. Nunc vero plura sunt. Multa enim sunt in corpore existentia, quæ quum mutuo præter naturam calfiunt & frigescunt, siccanturque & humectantur, morbos pariunt. Quare multæ quidem species morborum sunt, multaque etiam medela ipsorum existit.

3. Atque ego sane censeo eum, qui hominem sanguinem solum esse dicit, & nihil aliud, demonstrare debere, ipsum non transmutare speciem, neque omnigenum fieri, vel saltem horam aliquam anni, aut hominis ætatem, in qua sanguis solus in homine inesse appareat. Verisimile est enim unum aliquod esse tempus, in quo appareat ipsum in seipso unum existens. Eadem censeo etiam de eo, qui pituitam solam esse dicit, & qui bilem. Ego enim demonstrabo ea, quæ hominem esse dixerō, & juxta receptum morem, & juxta naturam, quod semper ea ipsa similia sint, & in juvene, & in sene, & tempore frigido æque ac calido. Exhibebo insuper signa, & necessitates ostendam, per quas unumquodque augetur ac minuitur in corpore.

4. Primum quidem igitur, necesse est generationem fieri non ab uno. Quomodo enim unum existens, aliud quid generarit, si non alicui misceatur. Deinde neque generarint, si non ejusdem generis existentia misceantur, & quæ eandem vim habeant, neque sane nobis similia perficerentur. Et rursus, si non calidum ac frigidum, & siccum ac humidum, moderate ac æqualiter inter se haberent, sed alterum alterum multum præcelleret, & fortius debiliore præstaret, generatio fieri non posset. Proinde quomodo verisimile est, ab uno quid generari, quum neque a pluribus

generetur, nisi habuerint temperamentum inter se probe conveniens? Necesse itaque est tali existente natura, cum aliorum omnium, tum humana, non unum esse hominem, sed singula quæ ad generationem ejus conferunt, vim quandam in corpore habere, eam videlicet quam contribuerunt.

5. Et rursus necesse est secedere singula in suam ipsorum naturam, homine moriente, humidum nimirum ad humidum, siccum ad siccum, calidum ad calidum, frigidum ad frigidum. Talis autem & animalium est natura, & aliorum omnium, generanturque similiter omnia, & occidunt similiter omnia. Constat enim natura ipsorum ex his prædictis omnibus, & desinit juxta prædicta, in id unumquodque unde est compactum secedens. At vero corpus hominis habet in seipso sanguinem, & pituitam, & bilem duplicem, flavam videlicet & nigram; atque hæc sunt ipsi corporis natura, & per hæc & ægrotat, & sanus est.

6. Sanus equidem maxime est, ubi temperamentum hæc inter se habuerint moderatum, tum facultate, tum copia, & ubi maxime fuerint permixta. Ægrotat autem, quum horum quid minus aut amplius fuerit, aut separatur in corpore, & non fuerit reliquis omnibus contemperatum. Necesse est enim quum quid horum secretum fuerit, & per se steterit, non solum eum locum unde secessit morbidum fieri, sed etiam eum in quo stat, & in quem propter nimiam copiam diffusum est, dolore ac morbo vexari.

7. Etenim quum quid horum extra corpus effluerit amplius quam redundat, evacuatio ipsa dolorem exhibet. Rursus itaque si idem intus fecerit evacuationem, & transitionem, ac ab aliis

aliis secretionem, geminatum dolorem exhibere necesse est, velut dictum est, nempe & unde secessit, & ubi receptum redundat. Dixi porro, quæcunque hominem esse dixerò, semper demonstraturum me esse, quod talia sint, & juxta receptum morem ac opinionem, & juxta naturam.

8. Et dico sane esse sanguinem & pituitam, & bilem flavam ac nigram: & horum primum quidem juxta receptam opinionem nomina distincta esse dico, & nulli ipsorum idem nomen esse: deinde species juxta naturam separatas esse, & neque pituitam similem esse sanguini, neque sanguinem bili, neque bilem pituitæ. Quo enim modo hæc inter se similia sint, quorum neque colores similes videntibus apparent, neque ad manuum tactum similitudo aliqua esse deprehenditur? Neque enim similiter calida sunt, neque frigida, neque sicca, neque humida. Quum itaque in tantum inter se discrepent, tum specie, tum facultate, necesse est ipsa non unum esse, quandoquidem neque ignis & aqua idem sunt. Quod autem hæc omnia non unum sunt, sed unumquodque ipsorum vim & naturam suam habet, vel hinc cognoscere licebit. Si enim homini alicui medicamentum dederis, quod pituitam ducit, pituitam tibi vomet: & si pharmacum dederis bilem ducens, bilem tibi vomet. Eadem ratione & bilem atram purgabit, si medicamentum exhibueris quod bilem atram ducit. Quod si ipsi partem aliquam sauciaris, ut vulnus fiat, affluet ipsi sanguis: atque hæc omnia faciet tibi totam diem ac noctem, & hyeme & æstate, donec spiritum in sese trahere, & rursus reddere potens fuerit: potens autem erit donec aliquo horum congeneratorum fuerit privatus.

9. Congenita autem sunt prædicta. Quomodo enim non congenita essent? Primum etenim manifestum est, hominem in seipso hæc omnia semper habere, donec vixerit. Deinde nata sunt ex homine hæc omnia habente. Postea nutrita sunt in homine hæc omnia habente, quæ videlicet ego nunc dico ac demonstro. Qui vero dicunt, quod unum est homo, videntur mihi hoc consilio usi esse. Nimirum quum viderint eos qui medicamenta hauserunt, in superpurgationibus interiisse, alios quidem bilem vomentes, alios pituitam, unumquodque horum hominem esse putaverunt, quod vidissent his purgatum interiisse. Et qui sanguinem dicunt hominem esse, eodem consilio utuntur. Nam quum vident jugulatos homines, & sanguinem ex corpore ipsorum effluentem, hunc ipsum animam in homine esse putant; atque his testimoniis sane omnes utuntur in sermonibus suis.

10. Atqui primum quidem in superpurgationibus, nemo unquam mortuus est bile sola purgatus. Verum quum quis pharmacum biberit, quod bilem deducit, primum bilem vomet, deinde pituitam, postea per vim etiam atram bilem, postremum moribundus etiam sanguinem purum vomet. Eadem perpetiuntur a medicamentis pituitam ducentibus. Primum enim pituitam voment, deinde bilem flavam, postea atram, morientes autem sanguinem purum; & in hoc mox vitam finiunt. Etenim pharmacum ubi corpus intraverit, primum quidem ducit id quod ex omnibus in corpore existentibus, sibi maxime secundum naturam familiare fuerit, deinde vero etiam alia trahit, ac purgat.

11. Quemadmodum ex terra nascen-
tia

tia & in ipsam plantata ac seminata, ubi in terram pervenerint, unumquodque trahit id quod naturæ suæ familiare in terra existit. Inest autem in terra & acidum, & amarum, & dulce, & salsum, & omnigenum. Primum itaque plurimum ejus trahit in seipsum, quod sibi ipsi juxta naturam maxime familiare fuerit, deinde trahit etiam reliqua. Hujusmodi sane quiddam etiam pharmaca in corpore faciunt. Quæcunque enim bilem ducunt, primum meracissimam bilem purgant, postea vero mixtam. Et rursus pituitæ pharmaca, primum meracissimam pituitam ducunt, postea mixtam. Et jugulatis primum quidem sanguis calidissimus & ruberrimus profluit, deinde pituitosior ac biliosior.

12. Porro pituita in homine hyeme augetur. Hæc enim hyemi maxime secundum naturam convenit ex omnibus in corpore existentibus. Frigidissima enim existit. Signa autem quod pituita frigidissima est, hæc sunt. Si enim pituitam, & bilem, & sanguinem contingere libuerit, pituitam sane frigidissimam esse comperies, quamvis viscosissima sit, & per vim maxime post bilem atram trahatur; quæ vero per vim trahuntur calidiora fiunt, a violentia coacta, sed tamen supra hæc omnia, frigidissima esse apparet pituita ex sua ipsius natura. Quod autem hyems corpus pituita repleat, inde cognoscere datur, quod homines pituitosissima & spuunt, & emungunt hyeme, & tumores laxi albissimi fiunt maxime hoc tempore, itemque reliqui morbi pituitosi.

13. Cæterum vere pituita quidem adhuc fortis in corpore manet, sed sanguis augetur. Nam & frigora remittunt, & imbres superveniunt. Sanguis

autem juxta hæc augetur, ab imbris videlicet & calidiorum dierum tepore. Hæc enim anni pars maxime juxta naturam ipsi convenit, ut quæ calida & humida existat. Est enim humidus & calidus. Signa autem hinc colligere licet. Quod homines vere & æstate maxime dysenteriis corripiuntur, & sanguis ex naribus ipsis fuit, & calidissimi sunt ac ruberrimi.

14. At vero æstate sanguis adhuc viget, & bilis in corpore elevatur, & usque in autumnum porrigitur. In autumno vero sanguis modicus fit, contrarium enim ejus naturæ id tempus existit. Bilis autem per æstatem ac autumnum corpus possidet, id quod inde cognoscere potes: quod homines sua sponte hoc tempore bilem vomunt, & in medicamentorum potionibus biliosiora purgantur. Manifestum fit & febribus, & hominum coloribus. Pituita autem æstate debilior seipsa est. Contrarium est enim naturæ ejus id tempus, calidum enim est & siccum. Sanguis vero autumno paucissimus fit in homine: Siccus enim est autumnus, & hominem jam frigefacere incipit. Atra porro bilis autumno & plurima & fortissima est. Postquam autem hyems apprehenderit, bilis flava perfrigerata modica fit, & pituita rursus augetur, tum ob pluviarum copiam, tum propter longitudinem noctium.

15. Corpus quidem igitur humanum hæc omnia semper habet, verum pro temporis circumstantia, aliquando plura seipsis fiunt, aliquando pauciora, singula tum juxta partem ac copiam, tum juxta naturam. Quemadmodum enim annus omnis omnium particeps est & caliditatum & frigiditatum, & siccitatum ac humiditatum (neque enim quicquam horum ne minimo quidem

tempore confisteret ac duraret, citra omnia ea quæ in hoc mundo insunt, verum si unum aliquod deficeret, omnia fane abolerentur: ex eadem enim necessitate omnia consistunt & mutuo a-luntur): sic etiam si quid ex homine deficeret ex his, quæ ipsi congenita sunt, non fane vivere posset homo.

16. In anno autem aliquando quidem hyems maxime viget, aliquando ver, modo æstas, modo autumnus. Sic etiam in homine, aliquando pituita prævalet, aliquando sanguis, aliquando bilis, primum quidem flava, deinde etiam nigra appellata. Quorum omnium evidentissimum testimonium hinc habes. Si enim eidem homini idem pharmacum quater in anno dare velis, vomet tibi hyeme quidem pituitosissima, verè autem humidissima, æstate biliolissima, autumno nigerrima.

17. Itaque quum hæc sic se habeant, quicumque morbi hyeme auferuntur, æstate definere solent: quicumque vero æstate auferuntur, hyeme finire consueverunt, nisi certo dierum circuitu discedant; de circuitu autem dierum rursus dicam. Quicumque autem morbi vere fiunt, ad autumnum eorum discessum fore expectare oportet. Quicumque postremum autumnales morbi sunt, eorum discessum necesse est vere fieri. Quicumque vero morbus hæc tempora transgressus fuerit, eum annum fore scire oportet. Porro Medicum sic adversus morbos instare oportet, prout unumquodque horum in corpore prævalet, juxta tempus quod sibi ipsi maxime natura conveniens existit.

Addititia.

Quin & hæc insuper ad illa nosse oportet, quod quoscunque morbos repletio parit, evacuatio sanat: & quicumque ex evacuatione fiunt morbi,

repletio sanat: quicumque vero a labore fiunt, quies sanat: qui autem ab ocio gignuntur, labor sanat.

18. In summa Medicum scire oportet, opponere se contrarium instantibus & morbis, & naturis, & temporibus, & ætatibus, & distendentia solvere, & soluta distendere. Sic enim vel maxime morbum sedaverit; & mihi fane hoc ipsum sanatio esse videtur. Morbi partim ex diætis, partim ex spiritu, quem adtrahentes vivimus, fiunt. Utrorumque cognitionem sic facere oportet. Quando ab uno morbo multi homines corripuntur eodem tempore, causam ad id, quod communissimum est, & quo maxime omnes utimur, referre oportet. Est autem hoc spiritus & aër, quem inspirando trahimus. Manifestum est enim jam, quod diætâ uniuscujusque nostrum, causa non est, quum morbus omnes consequenter contingat & juniores, & seniores, mulieresque ac viros, & tam vinolentos quam aquæ potores, & tam mazam edentes quam pane vescentes, & tam multum laborantes quam parum, nequaquam igitur diætâ causa fuerit, quum homines diversa victus ratione utentes ab eodem morbo corripuntur. Quum vero omnis generis morbi fiunt eodem tempore, palam est victus singulos singulis causas esse: & curam fane facere oportet, ex contrario instando adversus morbi causam, quemadmodum & alibi a me relatam est, & victus rationem permutare. Conspicuum est enim diætâ, qua homo uti consuevit, non esse ipsi commodam, aut in totum, aut magna ex parte, aut unum saltem quoddam ex ipsa: quod ubi cognoveris, transmutare oportet: habitaque consideratione naturæ hominis, & ætatis, & speciei, horæque an-

ni & modi ipsius morbi, curationem facere, aliquando detrahendo, aliquando apponendo, & quemadmodum jam dudum a me dictum est, ad singulas ætates, & horas, & species, ac morbos respiciendo, tum in exhibendis pharmacis, tum in constituenda diætâ.

19. At vero quum unius morbi popularis grassatio consistit, manifestum est diætâ non esse culpabilem, sed quum trahimus spiritum in causa esse: palamque est insuper eum ipsum spiritum, sive aërem morbosam aliquam exhalationem habere. Eo itaque tempore homines in hunc modum commonefacere oportet. Nimirum ut diætâs non permutent, quia morbi causa non existunt: verum ut videant quo corpus habeant quam minimæ molis ac debilissimum. Detrahendi insuper sunt cibi ac potus, quibus uti consueverunt, idque paulatim facere oportet. Nam si quis cito diætâ permutet, periculum est etiam a permutatione aliquid in corpore novatum iri. Quapropter victu solito quidem utendum est, ubi hominem nihil lædere videtur. Providendum vero ut quam paucissimus aëris influxus in corpus ingrediatur, & ut ille ipse quam peregrinissimus existat. Regionum etiam locos, in quibus morbus consistit, quantum ejus fieri potest, permutare oportet, & corpore attenuare: sic enim minime multo ac denso spiritu homines opus habuerint. Porro quicumque morbi a fortissima corporis parte fiunt, gravissimi existunt. Etenim si isthic, ubi initium sumpserint, permanferint, necesse est fortissima parte laborante, totum corpus laborare. Et si a validissima ad quandam debiliorem transierint, difficulter solvuntur. Quicumque vero a debilibus partibus ad fortiores transierint, commodius sol-

vi possunt. Nam influentia a vi ipsarum facile consumuntur.

20. Venæ crassissimæ sic se habent. Quatuor paria ipsarum sunt in corpore, & unum quidem a capite retro per cervicem, forinsecus ab utraque spinæ parte ad coxendices & in crura progreditur, deinde per tibias & malleolos forinsecus ad pedes pervenit. Oportet igitur venæ sectiones in doloribus dorsi ac coxendicum, de poplitibus facere & malleolis forinsecus. Alterum par principium ex capite juxta aures habet per cervicem, & sphagitides appellantur, hoc est jugulares; deferunturque utrinque juxta spinam intrinsecus ad lumbos, in testes ac femora, & per poplites ex interna parte, deinde per tibias ad malleolos intrinsecus & in pedes. Quapropter in doloribus lumborum ac testium, venæ sectionem de poplitibus ac malleolis facere intrinsecus oportet.

21. Tertium par venarum ex temporibus per cervicem sub scapulas tendit, & ad pulmonem deferatur, altera quidem a dextris ad sinistram partem, altera vero a sinistris ad dextram: & dextra quidem sub mammam abit & in splenem, & in renem, sinistra vero in dextram partem tendit a pulmone sub mammam & in hepar, & in renem; utraque autem in rectum intestinum ac podicem desinit. Quartum par a priore capitis parte & oculis sub cervicem ad claviculas devenit, deinde super brachia superne in flexuras, postea per cubitos in manuum juncturas ac digitos: deinde a digitis rursum per cubitos ac manus superne in flexuras, & per brachiorum infernam partem ad alas: unde superne a lateribus altera in lienem pervenit, altera in jecur, postea supra ventrem utraque in pudendum desinit. Et cras-

fiffimæ quidem venæ sic se habent.

22. Sunt autem & ex ventriculo venæ per corpus multæ & omnigenæ, per quas corpori alimentum accedit; ferunt autem a crassis venis in ventriculum ac reliquum corpus, & ab externis, & ab internis, & inter se mutuo distribuunt, internæ extrinsecis, ac viciffim extrinsecæ internis. Venæ igitur sectiones juxta prædictum sermonem facere oportet. Enitendum est autem ut sectiones quam longiffime a locis faciamus, ubi dolores fieri, & sanguis colligi solet. Sic enim mutatio minime magna de repente fiet, & consuetudinem removebit, ut non amplius in eundem locum colligatur.

23. Quicunque pus multum spuunt citra febrem, & quibuscunque in urina pus multum subsidit citra dolorem, & quibuscunque alvi recrementa cruenta, velut in dysenteriis, & tarde ac diutine prodeuntia, velut in juvenibus quinque & triginta annorum, atque etiam senioribus, his omnibus ex eadem causa morbi fiunt. Necessè est enim hos labori esse deditos, ac exercitacionis studiosos, & corpore operarios in juventute fuisse, postea vero relictis laboribus, molli carne & multum a priore differente carnosos redditos esse, & corpus multum discrepans habere, ut id quod prius extitit, cum eo quod nunc adepti sunt, nulla parte consentiat. Quum igitur morbus aliquis corripuerit sic dispositos, e vestigio quidem effugiunt, postea autem a morbo progressu temporis corpus colliquescit, & serosi ac saniosi humoris species per venas, qua parte maxime amplæ fuerint, fluit. Siquidem igitur in inferiorem ventriculum processerit, fere qualis in corpore inest, tale etiam recrementum prodit. Quum enim declivis sit via,

non multo tempore hæret in intestino.

24. Quibuscunque autem in pectus influxerit, suppurati fiunt, nimirum purgatione acclivi existente, & multo tempore in pectore immorans patrescit, & purulenta redditur. Quibuscunque vero eadem serosi humoris species in vetricam proruperit, a loci caliditate calida & alba fit, & segregatur: & quod quidem rariffimum est, superstat, crassiffimum vero infra mergitur, quod sane pus appellatur. Fiunt autem & calculi pueris, propter hujus loci caliditatem, itemque totius corporis. Viris autem calculi non generantur, propter corporis frigiditatem. Nam id probe nosse oportet, quod homo primis diebus calidiffimus est sui respectu, ultimis frigidiffimus. Necessè est enim augescens & ad vim procedens corpus calidum esse. Ubi autem inceperit marcescere corpus, delabens in ocium, frigidiffimum evadet. Et juxta hanc rationem, quanto amplius primis diebus homo augescit, tanto calidior existit: & quanto plus ultimis diebus marcescit, tanto frigidior esse necessè est.

25. Sani autem fiunt sua sponte illi prædicto modo dispositi ac affecti, plurimi quidem ab hora qua liquefcere incipiunt, quinto & quadragesimo die. Qui vero hoc tempus transgressi fuerint, anno finito sua sponte convalescunt, nisi quid aliud mali gravioris hominem infestet. Quicunque morbi sensim ex modici temporis causa fiunt, & quorum causæ cognita faciles sunt, securiffimos fore prædici possunt. Curationem itaque ipsorum instituere oportet, ut causæ morbi nos opponamus. Sic enim solvitur utique id quod morbum in corpore fecit.

26. Quibuscunque arenosa aut tofi in urinis subsident, his initio tubercula cir-

circa crassam venam enata sunt, & suppurata: postea vero tuberculis non cito effractis, toti ex pure coaliti sunt, qui per venam foras exprimuntur una cum urina in vesicam. Quibuscunque vero cruentæ urinæ sunt, his venæ laborant. Quibuscunque autem in urina crassa existente, carunculæ parvæ capilliformes simul prodeunt, eas a renibus prodire nosse oportet, & ab arthriticis. Quibus vero pura urina est, & alias atque alias velut fursures in urina innatant, horum vesica scabiola existit.

27. Febres plurimæ a bile fiunt. Species ipsarum quatuor sunt, præter eas, quæ ab occultis doloribus generantur. Nomina ipsarum sunt: continens, quotidiana, tertiana, quartana. Contingens itaque appellata, a plurima ac meracissima bile provenit, & judicationes quam brevissimo tempore facit: Corpus enim nullo tempore perfrigeratum cito colliquescit, nimirum a multa caliditate calefactum. Quotidiana vero post continentem a plurima bile generatur, & præ reliquis celerrime discedit, verum longior est continente, quanto a pauciore bile provenit, & propterea quod requiem habet in ipsa corpus. In continente vero non quiescit ullo tempore.

28. Tertiana autem longior est quam quotidiana, & a pauciore bile gignitur. Quanto vero longiori tempore in tertiana corpus quiescit quam in quotidiana, tanto diuturnior hæc febris est quam quotidiana. At vero quartanæ reliquæ juxta eandem rationem habent, sed tertianis diuturniores sunt, quanto pauciore bilis parte participant, unde caliditas augetur, & propterea quod corpus in ipsis plus perfrigescit, id quod ab atra bile ipsis contingit superflue adeo ut ægre frigus depelli possit. Atra enim bilis inter omnes corporis humores viscosissima est, & sedes diuturnissimas facit.

29. Quod autem quartanæ febres atræ bilis participes sint, vel hinc condiscere licet. Autumno enim maxime homines a quartanis corripuntur, & in ætate a quinque & viginti annis, usque ad quadragesimum quintum. Hæc autem ætas præ omnibus aliis maxime a bile atra infestatur, & autumnus tempus omnium anni temporum ad eandem aptissimum est. Quicumque autem extra hoc tempus & ætatem a quartana corripuntur, pro certo scire oportet eam febrem non fore diuturnam, nisi quid aliud gravioris mali hominem infestaverit.



DEMOCRITUS

HIPPOCRATI

DE

NATURA HOMINIS.



OMNES homines artem medicam nosse oportet, o Hippocrates. (Est enim res honesta simul ac utilis ad vitam); & ex his maxime eos, qui eruditionis ac eloquentiæ cognitionem habent. Nam sapientiæ cognitionem medicinæ sororem ac contubernalem esse puto. Sapientia enim animam ab adfectibus liberat. Medicina vero morbos a corporibus aufert. Augescit autem intelligentia, præsentate sanitate: cujus providentiam habere honestum est eos qui recte sentiunt. At ubi corporis habitus ægrotat, neque mens ipsa alacritatem habet ad virtutis meditationem. Morbus enim præsens animam vehementer obscurat, intelligentiam ad adfectionem per consensum ducens. Cæterum naturæ humanæ descriptio, ejusmodi speculationem habet. Cerebrum quidem supremam corporis partem custodit, & securitatis tutelam sibi commissam habet, intra membranas nervosas cohabitans. Super quod duplicatorum ossium naturæ necessariæ firmatæ, dominum mentis custodem, ipsum cerebrum tegunt. Pilorum decor est, cutem ornare. Oculorum vero vis visiva in multiplici tunica latitans, ob humoris instantias, sub frontem in medelam collocata est, & est videndi causa. Pupilla vero sincera, palpebræ marginem opportunitatis custodem susti-

net. Duplices autem nares olfactum dignoscentes, oculorum vicinitatem dirimunt. Mollis vero labiorum contactus os circumplicans, verborum sensum, exactamque articulationem gubernans exhibet. Mentum autem in extremitatem desinens, ac lyræ simile, dentium clavis coaptatum est. At sermonum receptacula aures, opifex aperuit: in quibus dum est sermo, non certus temeritatis minister existit. Loquelæ mater lingua, animæ nuncius, gustum custodiens, munitis dentium septis custodita est. Guttur autem & gula inter se conjuncta, vicina sunt. Illud enim in viam spiritus: hæc in profundum ventris, alimentum demittit, large id propellens. Regium vero cor, cono ac pineæ nuci simile, iram nutriens, adversus omnes insidias thoracem induit. Frequenter autem flatuum cavernæ aëre per ipsas erumpente, vocis causam flatum pariunt. Quod vero sanguinem suppeditat, & in alimentum transmutat, cum apicibus, sæpe vena cava circumfluum, hepar est, concupiscentiæ causa. Viridis autem bilis juxta hepar manens ubi superebullit, humani corporis corruptio est, & nocivus ac inutilis corporis humani inquilinus. Veruntamen vice versa dormit, nullum negotium exhibens. Inter hæc autem medius omnia suscipiens venter choram ducit, & accumbit,

bit, concoctionem gubernans. Obnoxia vero ventris compositioni, per opificium convoluta, circum ventrem evolvuntur intestina, adsumptionis & excretionis causæ. Gemini autem renes in coxis firmati, & pinguedine intercepti, ab urinarum excretionem non sunt alieni. At dominus totius ventris, qui Omentum vocatur, totum ventrem complectitur, solo splene excepto. Consequenter, nervosa vesica in coxa osculum firmatum habens, venis complicatis, urinarum excretionis causa est. Huic autem vicina mater puerorum, vehemens illud malum, infinitarum ærumnarum in muliere causa, uterus ipse latitat. Pylorus autem, sive Janitor, ex coxarum recessu emergens ca-

ro, nervis adstringitur. Verum de plenitudine naturæ ventris effundit, ex opificii providentia. Porro extra corpus pensiles domum incolunt, ad generationem destinati, conditores testiculi, multis tunicis præditi. Jucundum ex venis ac nervis plicamentum est pubes, quæ urinarum effusionem facit: & ad coitus ministerium a natura creata est, & pubertatis appetentiam tegit. Crura vero & brachia, & extremæ partes his annexæ, totum ministerii principium coacervatum habentes, tutum nervorum ministerium perficiunt. At vero incorporea in recessibus natura, omnifaria viscerum genera fabricavit: Quæ sane mors instans, celeriter a ministerio quieta reddit.

HIPPOCRATIS

D E

STRUCTURA HOMINIS,

Ad Perdiccam, Macedonum Regem.



MUNDUS quatuor ex elementis consistit, igne, aëre, terra, & aqua: calido videlicet, humido, frigido, & sicco. Iisdem ex elementis quatuor totidemque humoribus & homo consistit: sanguine scilicet, pituita, flava, & atra bile. Et sanguis quidem aëri, pituita aquæ, flava autem bilis igni, atra vero terræ similatur. Sanguis enim gustu dulcis est: pituita, salta: flava bilis, amara: atra vero, acerosa, & flavescens. Sanguinis autem locus, & spiritus in corde est. A dextris quidem ejus sanguis, a sinistris vero, spiritus consistit. Flava

bilis in jecinore: atræ in liene: pituitæ quidem in cerebro locus. Sanguis autem calidus & humidus: pituita frigida & humida: flava bilis, calida & sicca: atra vero sicca & frigida.

2. Arteriæ quidem a corde purum sanguinem, & spiritum recipiunt. Venæ autem & ipsæ a corde sanguinem sumunt, per quas corpori distribuitur. Sed jecur cordi sanguinem non præter veri fidem affatim suppeditat. Nam ignis absque materia permanere nequam potest. Quo fit ut nonnulli hominum semper quasi rideant, quidam vero tristentur: hujus rei ex elementis causam esse dicimus. Qui enim puri san-

sanguinis non in expertes sunt, hi usque-
 quaque rident, & aspectu ac corpore
 floridi, necnon perspicui coloris exi-
 stunt. Qui vero flavæ bilis participes
 sunt, desides, pusillanimes, pavidii,
 imbecillesque esse solent. Pituitosi ve-
 ro inertes & frigidi sunt.

3. Reminiscit autem, & esse prudentia præditum, ex cerebro, inter calidum frigidumque admodum temperato, provenit. Oblivio vero, ex cerebri frigiditate procedit. Passio autem, quæ phrenesis nuncupatur, ex perurentibus febribus fit. Vaporibus enim, ex visceribus per dorsum ad cerebrum emissis, ejus humidum arefcit, & homo mente captus efficitur: & cerebrum oleo quocunque frigidæ qualitatis per aures, vomitusque humectare oportet. Lethargus vero & ipse cerebri passio est: cum enim cerebrum frigidis humoribus repletum fuerit, hinc passio quæ Lethargus appellatur, hominem occupat: & calefacientibus cerebro opitulari expedit. Paralysis vero fit a frigido, crudoque humore, qui a cerebro demissus in oculum, sive in aliquam labiorum partem, seu in totam dimidiamque faciem descendit. Per nares cerebrum purgantia adhibere oportet: & extrinsecus Isobrium contusum (herba est quæ & Maros & Origanis dicitur) ignis suffitu, seu cauteriis per aures applices.

4. Quæcunque autem passiones in capite fiunt, ex stomacho oriuntur. Exempli causa: Vomica, strumæ, dentium dolores, tonsillæ, angina, suffocationes, anhelitus difficultas, & reliqua. Caput autem futuras habet tres: invenitur & solidum absque futuris caput, & hoc quidem humidum est. Crispos vero capillos habere, calidioris capitis signum est. At recti

crines, ex supervacuo qui in capite est humore fiunt. Flavedo capillorum ex flava bile: calvities vero ex caliditate provenit. Articulatæ vocis species tres habentur: gravis, acuta, & media: hæc a spiritu procedunt.

5. Jecur autem, ipsum alimentum triplici digestionem in succum redigit. Ex prima digestionem cor alimenti qualitatem, saporem videlicet, suscipit, & puri sanguinis procreatio fit. Secundam digestionem jecur desumit, & corporis partibus alimentum largitur: unde flavæ bilis constitutio fit: lien vero ex sanguinis fecæ alitur: unde & melancholicum humorem constitui certum est. Cerebrum autem a stomacho humectatur, & pituitæ exuberantiam peragit. Tertia digestionem alimentum superne in stomacho in succum vertitur: & tunc referatur janitor, qui ventriculus nuncupatur, quoniam transitus tantum facultatem subministrat. Inde alimentum in inferiorem ventrem demittitur. Alvus vero a pituita ciborum acerbatis gratia, oblectamentum sentit. Humidum autem excrementum, per renes, ac sejunctos ipsius excrementi meatus in vesicam, id est in phuscam descendit: in vesicam enim aqua ingreditur.

6. Sensus in homine quinque habentur, visus, olfactus, auditus, gustus, & tactus. Nam visus ex æthere: olfactus ex aëre: auditus ex igne: gustus ex humido: tactus vero ex terra fit. Homo autem ex quatuordecim quibusdam consistit: Nervis, venis, arteriis, sanguine, spiritu, carne, adipe, cartilagine, unguibus, ossibus, medullis, capillis, membranis, humoribus. Horum autem excretiones, maribus quidem sicco & humido excremento, vomitibus, oculis, naribus, sputis, sudoribus, venereis, incertis meatibus,

capillis & unguibus fiunt: fœminis vero ad hæc duo adduntur, purgationes lactis-videlicet, & menstruorum. Lac autem, & eodem modo genitale semen hominis, ex sanguine gignuntur; & hoc certum est: si enim homo genitali plus nimio utetur, sanguinem pro femine emittet. Similiter autem & fœminæ, si plus nimio factare cogentur, sanguis elicitur.

7. Spina autem hominis habet vertebrae viginti quatuor, & costas totidem. Dentes cum maxillaribus duo supra triginta sunt, anteriores autem dividentes, qui & secantes appellantur. Stomachus palmos habet quinque. Intestina cubitos tredecim. Nomina digitorum, pollex, index, medius, annularis, auricularis. Ungues frigidi sicque temperamenti sunt.

8. Anni vero tempora quatuor habentur, ver, æstas, autumnus, & hyems. Ver calidum & humidum est: ideo sanguinis in corpore incrementum fit. Æstas calida & sicca: ideo flavam auget bilem. Autumnus siccus & frigidus: ideo atram bilem, & saniem auget; sanies quidem sanguinea & aquosa est. Hyems vero pituitam in corpore adauget. Nam quatuor hominis elementa, id est humores, ad tempora quatuor dividuntur. Ideo solarem conversionem speculari, & affecti temperamentum, & ad hæc curationibus uti opus est.

9. Si enim verno tempore juvenis adversa premetur valetudine, sanguinis exuperantiæ causa patitur, quem per venæ sectionem emittere opus est. Et si pleuresi unius diei spatio, vel duorum seu trium laboraverit, venæ sectione affecto opitulandum, priusque ipsum opprimat passio, & affecti vires deficient. Homini vero venæ sectio per-

utilis est: & tempus quidem quo ipsa utendum, a Februario incipit: & rursus a Septembri principium sumendo, ad septimam ejusdem perduret. Æstate aliquo ægrotante, ad passionis initia purgamina adhibenda.

10. Sic considerantes, o Rex, & aliorum curam agentes, quid ad vitæ rationem corporibus præstet, & quod congrue alimenta suggerat, ac debito opponat ordini, non satis pro diligentia nostra, & qui humana aggrediuntur corpora morbos deprehenderimus, nunc accuratius perspicientes, summamque describentes, medicinalem spheram ad te mittimus, per quam ægritudines, quæ humana corpora occupare solent, pernoscere, & ad præsentem horam, ac decurrentis anni tempora, hujusmodi calamitatibus opitulari queas. Si autem hæc accuratius egeris, diu citra omnem adversam valitudinem per omne tempus vita frueris. Et si hæc quæ potissimum optimæ valitudini tuæ vim præbeant, quæque hominum generi conducant, peregeris, ita in omnibus te incolumem vitam deprehendes elegisse. Et quamvis ardua admodum spheræ ratio habeatur, eam tamen perscriptam tibi præbemus.

11. A Vergiliarum occasu ad hyemale solstitium, dies undequinquaginta: hoc est, a duodecimo Novembris ad finem Decembris sunt. Hi quidem dies pituitam augent. Balneis autem jejunos, sudores excitando, detergendoque, & veneris ac laboribus uteris. Ab hyemali solstitio ad vernale æquinoctium, dies quatuor & octoginta: a prima videlicet Januarii ad quintum supra vigesimum Martii. Hi dies humiditatem & sanguinis exuberantiam peragunt. Deambulationibus, & siccis quæ ad victum pertinent, deliciisque ac ve-

neris, beneque alentibus utendum. A vernali æquinoctio ad Vergiliarum ortum, dies undequingenta: scilicet a vigesimo quinto Martii ad tertiumdecimum Maji. Hi dies sanguinem augent. Redolenti vino, & veneris, ac laboribus uteris. A Vergiliarum autem exortu ad æstivum solstitium, dies quadraginta duo: a tertia decima Maji ad vigesimum tertium Junii. Hi enim dies flavæ bilisq̄ augendæ facultatem obtinent. Dulcibus & aquosis utendum, ducendæ alvi cura agenda, & a veneris, ac laboribus abstinendum est. Ab æstivo vero solstitio ad æquinoctium autumnale, dies nonaginta tres: ab vigesimo quarto Junii, ad vigesimum

quintum Septembris. Hi dies atram bilem augent. Frigidis & aquosis, redolenti vino, ac salitis uti opus est: a veneris vero abstinendum censemus. Ab autumnali æquinoctio ad Vergiliarum occasum, dies duodequingenta: a vigesimo quinto Septembris ad duodecimum Novembris. Hi enim dies saniem augent. Acetosis, acerbisque, & veneris, ac laboribus uti expediet.

12. Si ad hæc observanda curam, o Rex, impenderis, citra omnem tristitiam doloremque in reliquum vita frueris. Hac se divisione sic habente, annus in dies quinque ac sexaginta supra trecentos colligitur.

H I P P O C R A T I S

D E

R E S E C T I O N E .



ARTERIA ex utraque faucium parte exortum faciens, in summitatem pulmonis definit, circulis composita consimilibus rotundis, in superficie se mutuo contingentibus. Ipse autem pulmo testudinem coadimplet, in sinistram conversus, quinque apices habens, quos lobos & summitates vocant, cinereo colore præditus, notis cavernosis compunctus, naturaque antrosus existens. Ad medium vero ipsius cor situm est, rotundius ac oblongius quam in omnibus animalibus. A corde vero ad hepar, multa cartilaginosa arteria procedit, & cum ipsa vena magna appellata, per quam totum corpus nutritur.

2. Hepar autem similitudinem qui-

dem cum omnibus aliis habet, verum sanguinolentius quam alia existit, apices habens duos, quos portas appellant, in dextris locis sitas. Ab hoc vero obliqua vena inferne ad renes tendit. Renes autem consimiles, colore, malorum speciem præ se ferunt. Ab his canales obliqui ac ferme triangulares in summum vesicæ apicem tendunt. Vesica autem tota nervosa est, magnæ ac late se extendens capacitas intra eam a natura disposita est. Et has sex partes intus per medium corpus natura disposuit. Gula autem a lingua principium faciens, in ventrem definit, quam sane Græci etiam œsophagum, & stomachum, id est os ventris significanter appellant.

3. Cæterum a spina retro hepar, sep-

septum transversum productum est. Ex latere vero notho, sinistro videlicet, lien initio sumpto extentus est ad humani vestigii similitudinem. Venter autem hepatis adjacens juxta sinistram partem, totus quidem est nervosus. A ventre vero extat intestinum ventri simile, longum cubitorum non minus

duodecim, pampinoformiter in sinibus involutum, quod aliqui colum vocant, per quod alimenti delatio contingit. A colo autem situm est rectum ac princeps intestinum postremum, carnem copiosam habens, & in summum anum desinens. Reliqua porro natura ipsa ordinavit ac disposuit.

H I P P O C R A T I S

D E

C O R D E .



OR figura velut pyramis est, colore autem abunde puniceum, & tunicam lævem circumdatam habet, & est in ipsa humor modicus velut urina, ut putare possit in vesica cor diversari. Facta est autem ea gratia, ut sanum in custodia florescat. Habet autem humiditatem tantam quanta satis est æstuantem in medelam. Cæterum hunc humorem cor emingit, bibendo ipsum assumens ac consumens, pulmonis nimirum potum lambens. Etenim homo multo maximam partem in ventrem bibit. Gula enim sive stomachus velut infundibulum, potus copiam & quæcunque volumus excipit. Bibit autem & in guttur ac arteriam, minus vero & quantum latere possit per rimam illapsus.

2. Operculum enim exactum epiglossis, lingula sive minor lingua appellata, ne permiserit quidem aliquid amplioris potus penetrare. Signum autem hujus rei hoc est. Si quis enim aquam cæruleo colore, aut rubrica temperatam, sitienti valde bibendam dederit, maxime sui (hoc enim pecus non est

curiosum, neque mundiciei deditum): deinde dum adhuc bibit, ipsius guttur refecet, hoc colore ipsum tinctum reperiet: sed non est cujusvis hæc chirurgiæ aggressio. Nequaquam igitur fides, nostra suspecta esse debet de potu, quod homini in guttur vergat.

3. Sed quomodo aqua acervatim irruens, turbationem ac tussim multam exhibet? propterea inquam, quod contra respirationem fertur. Quod enim per rimam illabitur, tanquam juxta parietem delabens, aëris elationi non instat, sed lævem ac lubricam quandam viam humectatio ipsi præbet. Hunc itaque humorem cor de pulmone una cum aëre abducit. Aërem quidem igitur ubi in medelam cessit, necessario oportet retro per eandem viam qua adduxit rejicere. Verum humorem partim in culeum ac vaginam suam expuit, partim rursus una cum aëre foras propellit. Quapropter etiam palatum elevat, quum spiritus recurrit. Merito autem recurrit. Non enim humanæ naturæ alimenta hæc sunt. Quomodo enim hominis alimentum sint ventus & aqua cruda? sed sunt magis co-

gnatæ affectionis castigatio & medela.

4. Porro ut ad institutum sermonem revertamur: Cor musculus est valde fortis non nervo, sed densitate ac constrictione carnis, & duos ventriculos habet discretos in uno amiculo, ab utraque parte unum. Nihil autem inter se similes sunt. Alter enim in dextris ad osculum situs est, contingens alteram venam. Alter in sinistris. Totum enim cor in his sedem suam firmavit. Sed ille etiam omnino amplioris ventris, & magis inanis quam alter est: neque extremitatem cordis attingit, sed caudam ejus ambit: solidus item est, veluti extrinsecus affutus. Alter autem subter sinistram mammam maxime in directum situs est, ubi etiam saltus ipsius significationem sui præbet. Amiculum autem habet crassum itemque foveam. Foveæ enim speciem præ se fert similem mortario. Sed enim hic etiam pulmonem subit cum mansuetudine: & circumjectu ipsius, caloris intemperantiam castigat.

5. Etenim pulmo natura frigidus est; sed & inspiratione perfrigeratur. Ambo autem densi ac asperi sunt interna sui parte, & velut subcorrosi, magisque sinister quam dexter. Nam insitus a natura ignis non est in dextro. Quare mirum est sinistram asperiores fieri, ubi intemperatum aërem inspiraverit. Quapropter etiam roboris caloris custodiendi gratia crassius intus constrictus est. Oricula autem ipsis non sunt aperta, nisi si quis cordis auriculas præfecet, aut caput cordis præcidat. Si autem quis præfecet, apparebunt duplicia oscula in duobus ventriculis. Crassa enim vena ex altero excurrens visum decipit, si fuerit resecta. Hi fontes sunt humanæ naturæ, & hic flumina sunt, quibus totum corpus irrigatur: at ue

hi etiam vitam homini conferunt, & ubi resiccati fuerint, homo moritur.

6. At vero prope exortum venarum, corpuscula circum ventriculos confurgunt, mollia, cavernosa, quæ auriculæ appellantur. Non sunt autem foramina aurium, non enim clamorem exaudiunt. Verum sunt organa quibus natura aërem rapit. Et sane videtur mihi boni ac præstantis artificis opificium esse. Quum enim considerasset figuram solidam futuram ipsius visceris, propter sanguinis ex venis effusi collectionem ac concretionem, deinde attractorium ipsum esse totum vidisset, folles ipsi apposuit, quemadmodum fabri ferrarii fornacibus solent, quo per ipsos spiritum apprehenderet. Signum autem sermonis hoc est. Etenim cor videas ex toto ventilari, aures vero privatim tum inflari, tum confidere ac contrahi.

7. Et propter hoc etiam dico, quod venæ quidem operantur respirationem in sinistram ventriculum, arteria autem in alterum. Molle enim magis attrahit, & incrementum capit. Oportebat autem nobis magis incumbentia cordis tegmina perfrigerari. Est enim calor non in dextris: quare propter hanc affectionem, non acceperunt amplum organum, ut ne in totum ab ingrediente aëre superarentur. Restant dicendæ cordis pelliculæ latentes, opus dignissimum cognitione. Sunt enim & aliæ quædam in ventriculis pelliculæ, velut araneorum telæ extentæ, quæ undiquaque oscula cingunt, & strias ac segmenta in solidum cor inserunt. Hæ mihi nervi ipsius visceris, & vasorum principia aortis esse videntur: est autem ipsarum par unum.

8. Cæterum osculis singulis tres pelliculæ subornatæ sunt, rotundæ in summo,

mo, velut circulus semisectus. Et qui rei intelligentes sunt admirantur, quomodo oscula & aortarum fines claudunt. Et si quis veteris, eximendi cor mortui, moris gnarus, aliam auferat, aliam reclinet, neque aqua, neque flatus immissus in cor penetrarit: atque hæ magis in sinistri ventriculi osculis exactius, & merito sane subornatæ sunt. Mens enim hominis in sinistro ventriculo insita est, & reliquæ animæ imperat. Nutritur autem neque cibus, neque potibus a ventre, sed pura & illustri substantia ex sanguinis discretionem nata. Adsumit autem alimentum ex proxima sanguinis cisterna, radios suos eo immittens, & depascens, velut ex ventre intestinorum alimentum non naturale existat. Quo vero non in mora sit, qui in arteria est in fluctuatione constitutus cibus, viam in ipsum occludit.

9. Magna enim arteria ventrem depascitur ac intestina, plenaque est alimento non principali. Quod autem non nutritur sanguine apparente, &

quem videmus, arteria ipsa magna, ex hoc manifestum existit. Mactato enim animali, & sinistro ventriculo dissecto, tota desolata apparet, modico seroso humore excepto, flavaque bile, ac pelliculis; de quibus jam mihi dictum est. Arteria autem altera sanguine non est destituta, neque ventriculus dexter. Hoc quidem igitur vas causa fuit, mea sane sententia, ut pelliculæ producerentur. Id vero quod ex dextro fertur ventriculo, etiam ipsum quidem commissura pellicularum clauditur, verum non valde salit præ imbecillitate.

10. Sed aperitur quidem in pulmonis vasa, sanguinem exhibens ipsis in alimentum: clauditur autem in cor, non tamen confestim, quo ingrediatur quidem aër, non autem multus. Debilis enim est hic calor, frigiditatis facultate superatus. Sanguis enim non est natura calidus, (neque enim alia aliqua aqua) sed calefcit. Multis autem videtur natura calidus esse. Et de corde sane talia dicta sint.

H I P P O C R A T I S

D E

O S S I U M N A T U R A .



OSSIUM natura hæc est. Digitorum quidem ossa ac articuli simplicia sunt: manus autem & pedis multa alia, alio modo coarticulata: maxima vero suprema parte. Calcanei vero unum, velut extra apparet. Ad ipsum autem posteriores tendines tendunt. Tibiæ vero duo sunt, quæ superne ac inferne coherent: juxta me-

dium vero distant. Parvum est quod extrinsecus est, juxta parvum digitum paulo tenuius. Plurimum autem hac parte distant, & minore momento juxta genu: & tendo ex ipso nascitur, qui circa poplitem foris est. Habent autem inferne communem appendicem, ad quam pes movetur. Aliam vero superne habent appendicem, in qua femoris articulus movetur simpliciter, & expe-

dite in longitudinem, specie nodosa, patellam habens.

2. Ipsum autem femur foras, & in anteriore parte incurvum est. Caput autem ejus appendix est rotunda, ex qua nervus, qui in coxæ acetabulo est, nascitur. Subobliquus autem etiam hic annexus est, minus vero quam brachium. Coxa vero magno verticulo, quod juxta os sacrum est, ex ligamento cartilagineo ac nervoso adhæret. Spina vero a sacro offe, usque ad magnum verticulum gibbosa est: & vesica, & genitura, & recti intestini pars inclinata, in hac parte est. Inde vero usque quo ad septum transversum pervenit, in directum repanda est; & musculi lumbares hac parte existunt. Hinc vero usque ad magnum verticulum, quod supra supernas humeri partes est, e directo gibbosa est: Immo magis esse videtur quam est. Nam posteriores ossium propagines hac parte altissimæ sunt. Cervicis autem articulus repandus est.

3. Verticula vero intrinsecus inter se æqualia sunt: ab externis autem cartilaginibus ac nervis continentur. Coarticulatio vero ipsorum in posteriore medullæ spinalis parte est. A posteriore autem parte exortum acutum habent, qui appendicem habet cartilagosam, unde nervorum propago prona fertur: quemadmodum etiam musculi a cervice ad lumbos adnascuntur, costarum ac spinæ medium explentes. Costæ vero juxta discriminations verticulorum, nervo annexæ sunt, a cervice usque ad lumbos intrinsecus. Ab anteriore autem parte, juxta pectus, laxam ac mollem summam partem habentes, specie præ cunctis animalibus maxime obtorta. Hac enim parte angustissimam mollem homo habet. Qua vero parte co-

stæ non sunt, exortus obliquus, brevis & latus, ad singula verticula nervo annexus est. At vero pectus cohærens ipsum sibiipsum, discriminations habet obliquas, qua parte costæ annexæ sunt, laxum autem est & cartilagineum, claviculæ vero rotundæ sunt ad anteriorem partem, ad pectus quidem breves motus habentes, ad summum vero humerum frequentiores.

4. Summus autem humerus ex scapulis nascitur, in plerisque dissimiliter. Scapula ad spinam cartilaginea est, reliqua parte laxa, inæqualem partem foras habens; cervicem vero & acetabulum habet cartilagineum, ex quo costæ motum habent. Facile autem ut inter ossa exolvitur, brachio excepto. Hujus autem caput ex nervo & acetabulo dependet, cartilaginis laxæ rotundam appendicem habens. Ipsum vero brachium incurvum foras, & anteriore parte obliquum, non rectum est ad acetabulum. Pars vero ad cubiti gibbum lata est, & nodosa, & repagulo similis, & solida, posteriore parte cava, in qua cornix inest ex cubito, quum manus fuerit extenta. Ad hanc etiam torpidus nervus, qui ex cubiti ossium discriminatione media enascitur, perficitur ac terminatur.

5. Ossa manus, vigintiseptem sunt: pedis, viginti quatuor. Colli usque ad magnum verticulum, septem. Lumbi, quinque. Spinæ, viginti. Capitis una cum oculorum ossibus, octo. In universum nonaginta unum: cum unguibus vero, centum ac undecim. Cæterum, ut nos ipsi ex hominis ossibus didicimus, verticula supra claviculam una cum magno, septem sunt. Juxta costas autem tot quot costæ sunt, duodecim videlicet. Juxta laterum mollitudinem vero forinsecus ubi coxendices, in lumbis quinque.

V E N I S.



EMEN porro velut favus ab utraque vesicæ parte est. Ex ipsis autem renibus venæ ab utraque meatus urinæ parte, in pudendum ten-

dunt. Potus per fauces ac gulam: (larynx enim qui caput arteriæ est, in pulmonem ac arteriam tendit) ab his in summam vesicam. Hepatis extremitates quinque sunt; super quarta autem extremitate fel incumbit, quod osculum ad septum transversum, & cor, ac pulmonem profert. Circum cor pellicula est. Intestina crassa homo majora quam canis habet, dependent autem ex mesenterii membrana, quæ mesocolon hac parte vocatur. Mesocolon autem ex nervis de spina sub ventrem. Renes ex nervis de spina.

2. Arteriæ fons cognatus cor est. Vena tendit per septum transversum, hepar, splenem, renes ad coxendicem, circa suram ad summum pedem. Altera autem ex corde sub alas, clavículas, jugula, caput, nasum, frontem, juxta aures, humeros, dorsum, pectus, ventrem, per cubitum. Aliæ vero per alas ad cubitum, ad summam manum. Nervorum exortus ab occipitio usque ad spinam, ad coxendicem, in pudenda, in femora, pedes, tibias, in manus. Alii in brachia, partim in carnes, partim ad fibulam, in magnum digitum, partim ex carnibus in alios digitos. Alii ad scapulas, pectus, ventrem, ossa, ligamenta. A pudendo vero ad princeps intestinum ac podicem,

acetabula coxarum, partim supra femur, partim infra ad genua. Inde alius ad genu extentus ad tendinem, pernam, pedes; alius ad fibulam, alius in renes.

3. Ipsæ porro venæ in utramque partem bifariam maxime finduntur, partim ab una utriusque renis parte, partim ab altera: & perforatæ sunt in renes. Habent autem cordis formam ipsi renes. Nam etiam ipsi ventriculos habent. At vero ren cavam sui partem ad venas magnas habens situs est. Unde enascuntur ex ipso venæ in vesicam, qua parte potus trahitur per venas in renes, & per ipsa intestina per quæ procedit. Deinde vero velut per qualum, per renes aqua percolatur. Spongiforme enim est ipsorum corpus ad vesicam, & hic percolatur ac discernitur a sanguine urina, quapropter etiam rubra existit. Neque enim in renes aliæ procedunt venæ quam quæ dictæ sunt, neque est alius locus ubi potus colliquefcet, quantum ego novi.

4. Venæ circa costas tendentes, subter unamquamque costam sunt, non a capite, inferius etiam ab arteria. Arteria quidem igitur subtermeans in costas distribuit. A crassa vero vena a corde recurrit una in sinistram partem inclusa. Deinde hæc quidem per medias vertebrae usque ad summas costas meat, non ex æquo distribuens costis a dextris ac sinistris ramos ac segmenta sua. Alia vero æquos quidem, verum superne in dextris suditur. Carterum juxta utramque claviculam duæ venæ sur-

sursum, duæ sub pectus, partim ad dextras, partim ad sinistras, ramos si-
ve segmenta spargunt: illæ quidem ma-
gis ad cervicem, duæ vero alteræ ma-
gis ad cor, partim ad dextras, partim
ad sinistras, ab utraque parte juxta co-
stas: & sub ipsis velut inferiores scin-
duntur, donec recurrenti inferne a cor-
de commiscantur.

5. At vero sanguiflua vena ab ar-
teria hac, propterea finditur, quod
sublimis hic est per cor means. Infra
vero costas vena sanguiflua crassa ap-
pellata, verticulis rursum seipsam inge-
rit, & hic adhæret, & non amplius
pendet, velut superne per hepar means.
Est autem juxta lumbum quidem su-
perne arteria, infra autem sanguiflua,
ab hepate per septum transversum sub-
limis veniens, & ad dextram cordis
fertur usque ad claviculas simplex, præ-
terquam quantum cum corde commu-
nicat, juxta vasa quidem in ipso ma-
gis in superficie fissa, verum juxta va-
sa in ventriculo cordis penetrans, po-
stea a corde ad sinistram se demittit,
& simplex ad spinam rursus currit, ad
superna quidem corporis usque ad su-
premas costas: & ramos a seipsa habet
juxta unamquamque costam extentos juxta
naturam usque ad pectoris commissu-
ram, & in sinistram, & in dextram:
& rectitudo ipsius magis ad verticulum
est, quam arteriæ extensio, itemque
venæ ab hepate venientis. Ad inferio-
rem vero cordis partem, recta exten-
sio ab ipsa magis ad verticulum est,
quam arteriæ extensio altera, quæ juxta
cor & in infernas partes septi transver-
si ad spinam appensas conversa est. In-
de vero rami in unamquamque rectitu-
dinem inferuntur, per ossa & carnes
mutuo transeuntes.

6. At vero venæ crassæ sic habent.

Et oculo juxta supercilium per dorsum,
juxta pulmonem sub pectore, altera ex
dextra in sinistram, altera ex sinistra
in dextram transit: & quæ quidem ex
sinistra venit, per hepar in renem ac
testiculum descendit. Quæ vero ex dex-
tra, in splenem & renem ac testem;
his autem osculum est ipsum pudendum.
A dextera vero mamma in sinistram
coxendicem, & in crus descendit, &
rursus a sinistra in dextram. Oculus ve-
ro dexter, ex sinistro venam suscipit,
itemque testiculus. Juxta eundem mo-
dum rursus sinister ex dextro. Crassis-
simæ porro venæ in hunc modum se
habent. Quatuor paria sunt in corpore;
& aliquæ quidem ex ipsis, a capite re-
tro per cervicem foris juxta spinam ab
utraque parte ad coxendices perveniunt,
& ad crura, deinde per tibias ad mal-
leolorum partes externas ac in pedes
procedunt.

7. Oportet igitur venæ sectiones in
doloribus in dorso, ac in coxendicibus,
a poplitibus facere, & a malleolis fo-
rinfecus. Alteræ vero venæ ex capite
juxta aures per cervicem, sphagitides,
id est jugulares appellatæ, intrinfecus
juxta spinam, ab utraque parte juxta
lumbos procedunt in testes, & in fe-
mora, & per poplites ab interna parte,
deinde per tibias ad malleolos intrin-
fecus, & ad pedes. Oportet igitur ve-
næ sectiones facere ad dolores lumbo-
rum ac testium, a poplitibus ac mal-
leolis intrinfecus. Tertiæ venæ ex tem-
poribus per cervicem, in scapulas pro-
cedunt, deinde in pulmonem deferun-
tur, & perveniunt altera quidem a
dextris in sinistras sub mammam, in
splenem & in renem. Altera vero a
sinistris in dextras ex pulmone sub mam-
mam in hepar & in renem; desinunt
autem ambæ hæ in intestinum rectum
ac

ac podicem. Quartæ autem venæ ab anteriore capitis parte ac oculis, sub cervicem & sub claviculas procedunt. Deinde a brachiis superne sub curvaturas, postea per cubitos, ad manuum juncturas ac digitos. Postea rursus a digitis, per manuum pectora, hoc est volas, & per cubitos in curvaturas, & per brachiorum infernam partem ad alas; & ex costis superne, altera quidem in splenem procedit, altera in hepar, deinde supra ventrem ambæ in pudendum desinunt. Et crassæ quidem venæ hoc modo se habent.

8. Sunt autem & a ventre venæ per corpus multæ & omnigenæ, per quas alimentum corpori venit: procedunt autem & a crassis venis in ventrem ac reliquum corpus, & ab extremis, & ab intimis, & inter se mutuo distribuunt, internæ foras, externæ intro. Venæ igitur sectiones facere oportet juxta hos modos. Operamque dare oportet, ut quam longissime a locis, ubi dolores fieri solent ac sanguis colligi, secemus. Sic enim minime mutatio magna de repente fiet, & consuetudinem transtuleris, ut ne amplius in eundem locum colligatur.

9. Cæterum hepatitis vena in lumbis usque ad magnum verticulum, inferne etiam verticulis se ingerit, inde sublimis elevata per hepar, & per septum transversum in cor: & hæc quidem recta ad claviculas procedit. Inde vero aliæ quidem ad collum, aliæ ad scapulas, aliæ deorsum reflexæ juxta verticula ac costas declinant, a sinistris quidem una prope claviculas, ex dextris autem in quendam ipsarum locum. Alia vero utrinque deflexa. Alia paulo inferius deflexa, ubi quidem illa deficit, costis se ingerit, donec ad venam in ipsum cor accesserit

ad sinistras deflexa. Infra autem decurvata ad vertebrae descendit donec perveniat, & inde incipit elevari, ingrens se costis reliquis omnibus, & hinc atque hinc ramos juxta singulas spargens quum una existat, a corde quidem in locum quendam in sinistris magis existens, deinde infra arteriam, donec consumatur & perveniat eo, ubi hepatitis elevata est; priusquam autem eo venit, juxta extremas duas costas bifida fit, & altera pars hinc, altera inde ad vertebrae progressa consumitur. Altera vero recta a corde ad claviculas tendens, supra arteriam est, & ab hac (quemadmodum & ea quæ juxta lumbum infra arteriam est) in hepar exilit, partim in portas & extremitatem, partim in reliquum consequenter procedit paulo infra septum transversum. Septum autem transversum hepatis adnatum est, ut non facile separari possit.

10. Duplices autem venæ a claviculis, alteræ hinc, alteræ inde, sub pectus ad pubem ac pectinem tendunt, quo vero inde, nondum novi. Septum vero transversum juxta verticulum infra costas, ea parte qua ren ex arteria consurgit. Arteriæ vero ex rene oriuntur, hinc & hinc ab arteria nervum habentes. Et hac parte in recurrente a corde hepatitis desinit. Ab hepatitis de vero per septum transversum maximæ duæ, altera hinc, altera inde sublimes feruntur. Multifidæ autem per septum sunt, & circum ipsum innascuntur. Verum supra septum hæc magis conspicuæ sunt.

11. Duo autem crassi nervi, a cerebro sub os magni verticuli superne, & magis ad gulam, ab utraque arteriæ parte uterque progrediens, inter se committuntur, ut uni similes existant. Deinde verticula ac septum transversum
lum

fum hic sunt ubi desinunt. Et quidam dubii, ad hepar & splenem ab hac societate tendere ipsos putaverunt. Alius nervus utrinque ex verticulis juxta claviculam ad spinam tendit, ex obliquo verticulorum, & se in costas ingerit: atque hi quemadmodum venæ per septum transversum ad mesenterium mihi tendere videntur; ubi autem hæ deficiunt, rursus hinc ubi septum exoritur, ab eo continui ac cohærentes existentes, juxta medium infra arteriam, de cætero ad verticula se ingerunt quemadmodum venæ, donec totum sacrum os pergressi consumuntur.

12. Offa corpori stabilitatem, & retitudinem, ac speciem exhibent. Nervi flexionem & contractionem ac distentionem. Carnes & cutis omnium colligationem ac constructionem. Venæ per corpus diffusæ spiritum & fluxum ac motum exhibent, ab una multæ germinantes; atque hæc una unde oriatur & ubi desinat, non scio. Circulo enim factò principium non invenitur. Cæterum rami ac germina ipsius unde pendant, & qua parte corporis desinant, & quod una his consentit, & in quibus locis corporis extentæ sunt, ego declarabo. Circa caput juxta medium ex obliquo circumfusa est vena lata & tenuis, non multi sanguinis. In cerebrum enim juxta commissuras multæ tenues venulæ radices egerunt, & circum totum caput extentæ sunt, usque ad frontem ac tempora. Ipsa autem in rectum extenditur retro caput forinsecus juxta spinæ cutem, inde vero circa externam ac internam venam ex his quæ in jugulis sunt demittitur.

13. Ultra aures autem subfissa a gena forinsecus tendit crassa. Ab hac in linguam multæ & tenues procedunt, excepta ea quæ sub linguam & sub maxil-

lares dentes fertur. Ipsa autem crassa per claviculam descendit sub scapulas: & hac parte ab ipsa germinat per nervum subter summam humeri partem sive cuticulam, vena humeralis appellata. Ipsa autem sanguiflua est & sanguine plena, & ægre curatur, si rumpatur aut convellatur. Ab altera enim parte nervus latus ipsam ambit, ab altera cartilago, medium vero locum ipsa tenet, & pellicula spumosa. Quum igitur locus non sit carnosus, facile rumpitur, & carnem circumnasci non contingit; & si sanguis in hanc partem subtercurrat, nactus spaciosum locum non discedit, sed induratur. Induratus autem morbum & dolorem exhibet. Atque hæc quidem finit ubi prius dixi. Illa vero sub scapulas germina emittit sub mammas densarum & tenuium ac varie implicatarum inter se venularum, & per humeralem venam, prætergrediens cartilaginem, ipsam subter subattingens ad brachium tendit, musculum in sinistra habens. Dextra autem ipsa finditur circa humerum, & cubiti supernam partem. Inde vero cubitum utrunque penetrans, postea manus juncturam, inde autem defluens per totam manum varie vagans radices agit.

14. Cæterum principalis vena juxta spinam sparsa, per dorsum, & jugulum, ac guttur, in cor inseritur, & de seipsa venam magnam multorum osculorum in corde producit, inde vero in os procedens fistulam facit, quæ sane arteria appellatur, per pulmonem transiens, pauci sanguinis ac multi spiritus existens. Propter spaciositatem enim ac raritatem visceris, multis locis per pulmonem derivatur, cætera vero cartilaginosa facta est. Quapropter sane etiam si quid in has vias pulmonis delatum fuerit ex insuetis, vel in potu

tu, vel in spiritu ac sanguinis transitu, utpote venis talibus existentibus, & viscere spongiformi, ac multum humorem suscipere potente, & sursum procedente: tum humorum ingressorum lex constituta est, tum sanguis amplius per has venas non multus continetur, neque multum constringitur, & non cito procedens illabentia non educit. Iphis autem non subductis, sed intus manentibus, callosa concrevit duricies. Sic autem destruitur alimenti accessio ac ingestio, quum hac parte arteriæ capitis accessus ad externas partes existat.

15. Interceptis vero transitibus per callosam duriciem, velocitas ac difficultas spirandi oboritur, quum neque emittere neque attrahere spiritum facile possint. Ex hujusmodi autem tales morbi fiunt, velut sunt anhelationes, & tabes sicca. Si vero humor amplior in ipsis consistens prævaluerit, ut crassifacilius spissari non possit, & pulmonem putrem facit, & vicinas ipsi partes, fiuntque suppurati ac tabidi. Fiunt autem hi morbi etiam ob alias causas. Inde porro hæc vena pulmonem occupat, & per extremitates duas magnas intro conversas, sub septum transversum extenta est ad spinam, alba ac nervosa, venulas per reliquum condensatum corpus spargens; hinc autem per verticula densis venulis in spinalem medullam inseritur, ac instar hederæ implicatur.

16. Et aliæ quidem venæ in corpus distributæ ex omnibus partibus ad spinam tendentes, unaquæque quod tenuissimum ac sincerissimum est colligens, hic eructat. Hæc vero velut præles imposita per demissas plicationes in idem cogit. Inde vero etiam in renes radices agit, tenuibus ac fibrosis venulis juxta spuriam costam, hinc au-

tem tendens condensatur; posteaque etiam nervosa fit ad princeps intestinum ac podicem, comprimensque musculos adstrictorios ipsi inseritur. In vesicam etiam, & testes, ac adstites radices agit, multiplicibus implicatis tenuibusque ac solidis & fibrosis venis. Inde vero crassissima ac rectissima ipsius pars rursus conversa in caulem transit, hoc est pudendum. In reflexu autem in illa ipsa adaptatur. Et per pedinem supra subter cutem ventris & ipsius venæ, procedunt venæ ad eas, quæ deorsum tendunt, quæ in seipsas mutuo derivantur. Penetrant autem & per pudendum venæ crassæ, & tenues, & densæ, & curvæ.

17. At vero in fœminis illa ipsa in uteros tendit, & in vesicam ac urinæ meatum; hinc autem recta procedit, & mulieribus quidem circa uteros pendet, masculis vero circa testes diffeminatur. Ob hanc autem naturam ipsa vena etiam plurima fœcunda ac genitalia concipit. A plurimis enim ac sincerissimis partibus connutrita, paucique sanguinis existens ac cava, & densa instar nervi, ac spiritu referta, intentaque a pudendo, demissas ad spinam venulas cogit: hæc vero velut cucurbita medicinali in seipsas coactæ, omnia in supernam venam emittunt. Confluit autem & ex aliis corporis partibus in hanc, verum multo maxima pars, velut dictum est, de medulla hac colligitur.

18. Voluptas vero accedit, vena hac genitura expleta. Quum igitur soleat reliquo tempore modici sanguinis ac multi spiritus esse, repleta & calfacta & semine deorsum confluyente, ea quæ in seipsa habet constringit. Spiritus autem in ipsa existens, & præfens violentia, & caliditas, & venarum undi-

quaque concitatio, titillationem inducit. Illa autem quæ a seipſa germinavit, per dorfum & jugulum juxta ſpinam ſparſa, multis venulis coſtas intertextit, & verticula per carnes alternatim condensat, ut & probe nutrita & ſanguine plena exiſtat. Ipſa autem juxta coxendicem ac nates meat, per muſculum ſub femore ſubmerſa, a natis vero juxta acetabulum femoris juxta caput in venam perforata eſt, quæ femori reſpirationem exhibet, trans femur autem juxta flexuram ad genu.

19. Alteram vero juxta inguina demittit frequentibus radicibus, & ægre tranſeuntem. Hæc vero per muſculum tendens, & circa genu diſſeminatur, & per offis tibialis ſummitatem, venam de ſe in fiſtulam cavit, quæ medullam nutrit, & derivatur per infimam tibiam, juxta pedis illigationem ac connexionem. Ipſa autem per patellam genu ad interna per tibiæ muſculum ſubmerſa extenditur, & per malleolum implicatur, intus craſſa, & ſanguine plena, atque hic circa malleolum, & tendinem, venas ægre cognobiles producit ac involvit. Ipſa vero infra ad pedem, ſub ſummum pedem decurrit, & hic ſe implectens, & in magnum digitum innitens, duplam ſanguine reſertam venam ſuperne ſub cutem ex ſummo pede reſlectit: & apparet ſane craſſeſecta juxta externam malleoli partem, ac ſuſum ſpargitur juxta oppoſitum tibiæ radium. Juxta ſuram autem velut fundam facit. Inde extenditur juxta internam genu partem.

20. Immittit etiam patellæ venas, & juxta internam patellæ partem, quæ cava eſt, venam implicat: quam ſi quis doleat, celerrime bilioſum ſeroſum ac ſanioſum humorem colligit; procedit autem ipſa juxta internam genu cavi-

tatem. Diſtribuit etiam de ſe in poplites multas implicatas venas. Quæ inde tendentes juxta nervos ſub femore, radices agunt in teſtes, & in rectum inteſtinum ac podicem, & circa os ſacrum attenuatæ unitæ circumtenduntur. Illa vero procedens juxta internam genu cavitatem, ſuſum juxta internam femoris partem, in inguen tranſit, & per coxendicem ultra ad ſpinam & lumbum foras veniens, craſſa & lata ac ſanguine plena ſuſum porrigitur ad hepar, & ubi bifidam produxit ſanguine reſertam venam, dextram hepatis extremitatem, ad renem occupat. Rurſus vero ſubter hepar diſperſa in venam craſſam finditur. Fiſſa vero in craſſitudinem hepatis inferitur, & altera quidem ipſius pars in ſuperficie viſceris extat, in qua etiam eſt fel, habetque multas radices inſtar cirrorum ac plicationum per hepar diſperſas; altera vero pars per internas ipſius partes derivatur.

21. Duæ autem venæ inter duas latus extremitates explicantur, & una quidem per vertices ac cutem penetrans ex umbilico effertur. Altera vero premeſſa ſpinam, in renem, ac veſicam, & pudendum, velut ancoris jactis inferitur. Verum ex coxendice incipiens adſcendere ad pubem, multas vagabundas producit venas, & coſtas ac verticula ad ſpinam illigat, & propagines ſuas multipliciter per venas tranſmittit, & inteſtina ac ventrem involvit. Et aliæ quidem a pube ad mammas, & ſupra mentum, & ſummos humeros exporrectæ divagantur. Alia vero procedens juxta craſſitudinem hepatis, ubi ſe in fiſtulam coegit, ſuſum ſub ſpinam diſpergitur, per ſeptum tranſverſum itinere facto.

22. Cæterum vena ex ſiniſtris partibus,

bus, in reliquis quidem, juxta eandem naturam, velut ea quæ in dextris, radices agit. Verum ex sinistris emergens in hepar non se ingerit, sed in splenem inseritur, juxta caput quod in crassitudine ipsius consistit. Inde vero internas splenis partes subit, ipsasque venulis sanguinolentis instar araneorum telæ intertextit. Hic vero totus ex omento elevatur, venulis ex seipso sanguine plenum ipsum reddens. Quæ vero a capite splenis ad spinam accedunt, per septum transversum penetrant. Inde vero sursum & dextra & sinistra sub pulmonem extenduntur. Quæ autem sanguine plenæ sunt, sub ipsum & in ipsum corrivantur. Quæ vero pauci

sanguinis & tenues a pulmone intrinsicis procedentes, qui natura rarus existit, utpote ab ipso emulstæ, in cor frenantur circa auriculas ipsius, & in cavitates internas diffluunt. Ingerunt autem se & priores in ipsum. Etenim in angustia transitus situm est, velut ex omni corpore habenas habens. Quapropter ex omni corpore maxime circa thoracem sensus existit.

23. Colorum quoque mutationes corde adstringente venas ac laxante fiunt. Laxante quidem igitur rubicundi colores fiunt, & bene colorati ac pellucidi: constringente vero, virides cum pallore & lividi. Verum tales evariant juxta præsentés in unoquoque colores.

H I P P O C R A T I S

D E

Æ T A T E.



PORRO vita hominis septem dierum est. Primum etenim postquam genitura in uteros pervenit, in septem diebus habet quæcunque corpus habere debet. Mirari autem quis possit, quomodo id sciam. Verum multa ego vidi hoc modo. Meretrices publicæ quæ sæpius de seipsis periculum fecerunt, ubi cum viris rem habuerint, sciunt quando in ventre concipiant, & postea conceptum intra se perdunt. Postquam autem jam perditus est, elabitur velut caruncula. Hanc carunculam in aquam coniectam si conspicias consideraveris, omnia membra habere reperies, & oculorum regiones, & aures, & manus, & manuum digitos, & crura, & pedes, & pedum digitos, & pu-

dendum, & reliquum totum corpus manifestum.

21. Satis etiam manifestum est harum rerum peritis, quod mulier quum in ventre concepit, statim horret, & calor, & dentium stridor consequitur, & convulsio occupat tum articulos, tum totum corpus, & uterum segnities ac torpor. Et quæ puræ sunt, hoc perpetiuntur. Quæ vero crassæ & mucosæ hoc perpetiuntur, pleræque ex his mulieribus non percipiunt, nec cognoscunt. Certe quatenus mihi ostenderunt, hoc ipsum se cognovisse, eatenus scio ac prodo. Quod vero vita hominis septem dierum sit, etiam ex hoc manifestum redditur. Si quis in septem diebus nihil edere aut bibere velit, plerique quidem in ipsis moriuntur. Sunt autem

qui ipsos transmittunt, & tamen moriuntur. Sunt etiam quidam qui persuasi sunt ut ne desperarent seipso fame conficientes, sed comederent ac biberent: verum venter non amplius suscipit. Jejunum enim intestinum in his diebus concrevit, moriunturque etiam illi.

22. Sed & ex hoc conjectare licet, hominis vitam septem dierum esse. Puer septimestri partu natus, pro ratione natus est, & vivit, & rationem talis habet, ac numerum ad hebdomadas septenarium exactum. Octimestris autem natus nullus unquam vixit. Novem vero mensium & decem dierum partus fit, & vivit, & habet ad hebdomadas numerum exactum. Quatuor enim denarii hebdomadam, dies sunt ducenti & octoginta. In denarium autem hebdomadam septuaginta dies incurrunt. Habet autem & septimestris partus tres denarios sive decadas hebdomadam, & in unaquaque decade septuaginta dies. Tres vero hebdomadam decades, ex toto sunt dies ducenti ac decem.

23. Quin & morbi acutissimi sic hominibus fiunt, præteritis diebus, in quibus judicantur, & moriuntur aut sani evadunt: & tertii generis in un-

decim diebus, hoc est una & dimidia hebdomade: & quarti in duabus hebdomadis, & quinti in duodeviginti diebus, hoc est duabus & dimidia hebdomadis. At vero alii morbi non habent ut certa sententia pronunciari possit, quanto tempore homines ab ipsis sani evadant. Ad eundem modum etiam ulcera magna in capite ac reliquo corpore, quarto die inflammari incipiunt, in septem autem inflammatio sedatur, aut etiam quatuor & decem, aut duodeviginti. Si quis autem diligenter medeatur, & vulnera in capite magna in hoc tempore non sedentur, homines moriuntur.

24. Cæterum inexpertus quispiam mirari queat, quod septimestris puer nascatur. Ego quidem igitur hoc ipsum vidi, & quidem frequenter. Si quis autem hoc deprehendere vult, facile est obstetrices adire, quæ parientibus adsunt, & ex ipsis percunctari. Est autem & aliud signum. Pueri septem annis præteritis dentes explent. Et in septem annis sunt & ratione, & numero exacte hebdomades trecentæ ac sexaginta. Necessitatem autem naturæ, quapropter in septem hæc singula dispensentur, ego aliis locis declarabo.



H I P P O C R A T I S ¹⁴¹

D E

Æ T A T E

Fragmentum, ex

P H I L O N I S J U D Æ I

De Opif. Mundi p. 24.



HIPPOCRATES medicus ait septem esse ætates ; infantis , pueri , adolescentis , juvenis , viri , senioris , senis . Has autem mensurari hebdomadis , quamquam non ultimis . Ait autem .

2. In hominis natura sunt septem tempora , quas ætates vocant : infans , puer , adolescens , juvenis , vir , senior ,

senex . Infans est usque ad septem annos , dentium amissionem . Puer vero usque ad genituræ ortum , ad bis septem . Adolescens usque ad barbæ lanuginem , ad ter septem . Juvenis usque ad auctiorem totius corporis , ad quater septem . Vir usque ad undequingagesimum , ad septies septem . Senior usque ad quinquaginta sex , ad septies octo . Deinceps vero , senex est .

H I P P O C R A T I S

D E

H U M O R I B U S .



HMPETUS & ferocitas humorum , ubi non reciprocatio humorum est , velut florum , ducendus est qua repit per convenientes ac commodas regiones , exceptis his , quorum maturitas tempore contingit . Maturationes extra aut intro repunt , aut alio quo oportet . Cautio , infinita magnitudo , experiendi difficultas , pilorum nuditas , viscerum vacuitas , infernis repletio , supernis alimentum ,

mutatio sursum , mutatio deorsum . Spontanea sursum & deorsum : quæ profunt & lædunt . Cognata species , regio , mos , ætas , tempus , constitutio morbi , excessus , defectus . Quibus quantum deficit , aut non , medela , declinatio , derivatio , in caput , in obliqua , qua maxime repit : aut revulsio , in supernis deorsum , in infernis sursum : aut siccare , aut aliquibus inferna , aut aliquibus superna , aut eluitur , aut quibusdam mitigabitur : humores effusi ne intro

intro revellantur, sed secretiones ficentur. Turbatio, infusio per sedem, pelluvium, quibus abscedit ad sedem, unde exolvitur, aut medicamentum, aut ulcus, aut humor aliquis compactus, aut eruptio pustulosa, aut flatus, aut cibus, aut animalculum, aut æstus, aut alia quædam affectio.

2. Consideranda hæc, spontanea desinentia, aut velut ab exustione excitatæ bullæ, in quibus qualia lædunt aut profunt. Figuræ, motus, elevatio, & rursus subsidentia, somnus, vigilia. Quæ facienda, aut impedienda, cito assequi. Castigatio per vomitum, inferne per exitum, aut sputum, mucum, tussim, ructum, singultum, flatum, urinam, sternutationem, lachrymas, pruritus, evulsiones, contactus, sitim, famem, repletionem, somnos, labores, ocium, corpus, mentem, disciplinam, memoriam, vocem, silentium, uteri purgationem. Quæ superne erumpunt ac torquent, pingua intemperata ac meraca: spumosa, calida, mordacia, æruginosa, varia, ramentosa, feculenta, cruenta, flatus expertia, cruda, cocta, sicca. Quæcunque circumfluunt, ferendi facilitatem contemplari oportet, itemque difficultatem, priusquam periculum veniat. Item quæ sedare non oportet: maturatio, descensus eorum, quæ infra sunt, redundantia & fluctuatio eorum, quæ supra: & quæ ex uteris, & in auribus sordes, concitatio ac permixtio, aperitio, evacuatio, calfactio, perfrigeratio, intrinsecus, forinsecus: horum quidem, horum vero non. Quum infra umbilicum fuerit id quod torquet, tardum & molle est tormen: vice versa, contra.

3. Quæ per alvum egeruntur quæ repunt, non spumosa, matura, cruda,

frigida, foetida, sicca, humida. Quæ olfactum male afficiunt. Sitis quæ prius non adfuit, neque æstus, neque alia causa. Urina, nasi humectatio. Jactationem. Siccitatem: & non esse contractum ac arefactum, & spiritum turbulentum: præcordia, extremitates, oculos male affectos: coloris transmutatio. Pulsus, frigiditas, palpitationes, cutis duricies, nervorum, articulorum, vocis, mentis, figura voluntaria, pili, ungues: facile ferre aut non, qualia oportet. Signa hæc. Odores corporis, oris, secessus, auris, flatus, urinæ, ulceris, sudoris, sputi, nasi. Corpus saluginosum, aut sputum, aut nasus, aut lachryma, aut alij humores. Penitus similia, juvantia, lædentia. Insomnia qualia videat, & in somnis qualia faciat, an acute audiat, & obedire paratus sit animo: an magis fortia sint, ac plura quæ commoda sunt ac servant, quam alia: an sentiant omnia omnibus sensibus, & ferant, veluti odores, sermones, vestitus, figuras, & hujusmodi patienter, quæ sane & sua sponte comparantia profunt, & quando etiam talia judicationem inducunt. Item tot, & talia, veluti sunt, flatus, urina, qualis, & quanta, & quando. Quæ vero contraria sunt avertere, ipsisque adversari. Quæ propinqua & communia sunt affectionibus, prima & maxime affliguntur. Constitutionem autem ex primis incipientibus, quicquid tandem excernatur ex urinis, qualesnam fuerint: & qualis sit corporis collapsio, coloris immutatio, spiritus imminutio, & reliquæ cum his videntur rationes. Scire etiam oportet an similia sint quæ decedunt, transitus, urinæ, per uteros, sputa, per nares, oculi, sudor, ex tuberculis, ex vulneribus, ex pustulis, quæ sua sponte, quæ arte. Quod similia

milia sunt inter se omnia quæ judicant, & quæ profunt, & quæ nocent, & quæ perimunt, quo hæc quidem fugiens avertat, illa vero accersat, & ducat, ac suscipiat. Sed & alia eodem modo, cutis, extremarum partium, præcordiorum, articularum, oculorum, oris, figurarum, somniorum, qualia judicant, & quando, talia machinari. Insuperque qui tales abscessus fiunt. Qualia profunt cibis, potibus, odoribus, visu, auditu, cogitatu, secretionibus, calefactione, frigefactione, humoribus, siccitatibus, humectando, siccando, unguentis, illitionibus, cataplasmatis, emplastris, insersionibus, denique & epithematis quæ imponuntur. Figuræ, defrictio, curatio, labor, ocium, somnus, vigiliæ: spiritibus superne, inferne, communibus, propriis, arte paratis. In exacerbationibus neque præsentibus, neque futuris, neque pedum frigiditate, sed in declinante deorsum morbo. In exacerbationibus per circuitus contingentibus, ciborum oblationes dandæ non sunt, neque cogere oportet, sed auferre de appositionibus ante judicationes. Quæ judicantur, & judicata sunt integre, neque movere oportet, neque novare, neque medicamentis, neque aliis irritamentis, sed sinere. Concocta medicamentis aggredi oportet, & movere, non cruda, neque in principiis, si non turgeant. Multa vero non turgent. Quæ ducere oportet, quo maxime repunt per convenientes locos, eo ducere oportet. Quæ prodeunt non multitudine æstimare oportet, sed quandiu prodeant, qualia oportet, & facile æger ferat. Ubi vero opus est, debilitare etiam, aut animi deliquium inducere oportet, donec hoc feceris, cujus gratia hoc fit: interim alio vertere, aut siccare, aut

humectare, aut revellere, si sufficiat æger, id quod ex his conjectabis. Siccata quidem calida erunt, humida vero frigida. Quæ vero alvum movent, plerumque contraria. Hæc imparibus diebus, sursum, si & circuitus, & constitutio talis sit ex exacerbationibus. Fiunt autem plurima paribus diebus, deorsum: sic enim & sua sponte profunt: si non circuitus faciant exacerbationes in paribus. In talibus autem, in paribus sursum: in imparibus deorsum. Tales autem pauci sunt. Et tales constitutiones etiam difficilius judicantur. Quin & ulterius tempore progressa sic fieri necesse est, velut ad decimamtertiam, ac decimamquartam diem: Decimamtertiam quidem deorsum, decimamquarta vero sursum. Ita enim ad judicationem conducit. Et quæ ad vigesimam. Cæterum quæ infra prodeunt, multum purgare oportet, & hæc non prope judicationem, sed longius ab ea. Raro autem in acutis, multa ducere oportet, in delassatis, totum. In febribus ad articulos, & circa maxillas maxime abscessus fiunt, prope sane dolores uniuscujusque, ad supernam partem magis & in totum. Si vero lentus fuerit morbus & deorsum tendens, inferne etiam abscessus fiunt. Maxime autem pedes calidi, inferne significant: frigidi, superne. Quibus vero ex morbis se erigentibus statim in manibus aut pedibus dolores fiunt, in his abscessus contingunt. Sed & si quid doluerit quis antea quam ægrotet, ad eas partes infirmatur. Quemadmodum etiam tussientibus & anginosi in Perintho. Faciunt enim tusses abscessus, velut etiam febres. Iuxta eandem rationem contingit ab humorum aut corporis colliquatione & frigiditate. Proinde nosse expedit, in quibus temporibus

bus humores florent, & quales in singulis morbos faciunt, & quales in unoquoque morbo affectiones: & reliquum corpus ad quem morbum maxime natura repit: & quale quid splen intumescens facit. Horum sane & natura, & ferme colores deteriores sunt, & corpora tument. Et si quid aliud est, in his exercere se prodest, velut est. Animi intemperantia circa cibos ac potus, somnum, vigilias, aut ob amores quosdam, velut tesserarum, aut propter artes, aut propter necessitates: tolerantia laborum, & quorum ordinata est, aut inordinata. Mutationes ex quilibus ad qualia.

4. Ex moribus animæ industria, aut quærens, aut meditans, aut videns, aut dicens, aut aliud quid, velut tristitiæ, iracundiæ, cupiditates, quæ ex casu contingunt. Molestiæ animi aut per oculos, aut per auditum, velut etiam corporum. Malis quidem ad seipsas attritis, dentes stupescunt. Ambulanti vero circa cavum locum, crura tremunt: quum autem quis manibus ea quibus opus habet levat, hæc tremunt. Serpens derepente conspectus pallorem cum virore inducit. Timores, pudor, mæror, voluptas, ira, aliaque hujusmodi quomodo obediunt. Unicuique autem pars corporis ad actionem pertinens, in his obedit. Sudores, cordis palpitatio, & ejusmodi potentiæ. Quæ extrinsecus profunt aut nocent, unctio, perfusio, illitio, cataplasmatum usus, deligatio lanarum & talium rerum: & internæ partes talibus obediunt, non solum externæ his quæ intro assumuntur. Sed & quæ in lanis ab ovili succidis adhibentur, & quod a rege nomen habet cuminum, videntibus & olfacientibus. Quæ de capite ducunt, turbant, sermones, vox, &

hujusmodi, mammæ, genitura, uterus, & quæ signa in ætatibus, & in suffocationibus, & tussi, & quæ ad testiculos.

5. Quemadmodum arboribus terra, ita animalibus ventriculus: & nutrit, & calefacit, & frigefacit. Frigefacit, dum evacuatur: calefacit, dum impletur. Quemadmodum terra stercoreata hyeme calida est, ita etiam ventriculus. Arbores corticem tenuem siccum habent, intrinsecus autem carne sicca, sanæ, non putridæ, diuturnæ. Ita & ex animalibus testudines, & quicquid ejusmodi est. Ætatibus, temporibus, annis, similia animalia, non deteruntur, si moderate melioribus utantur. Quemadmodum hydria quod recens est transmittit, quod inveteratum retinet. Sic & ventriculus transmittit alimentum, & fecem retinet, velut vasculum.

6. Modi morborum hi sunt: partim quidem cognati sunt: de quibus interrogando discere oportet: partim a regione, (familiares enim sunt per multas, & multi ipsos nescunt:) partim ex corpore, & victus ratione, ac temperiei constitutione, aut a temporibus. At regiones ad tempora male dispositæ, tales morbos pariunt, quali tempori similes fuerint. Verbi gratia, inæqualis calor aut frigus eadem die, quum talia fuerint, morbos autumnales faciunt. Et in aliis temporibus secundum rationem, alii ab odoribus cœnosis aut palustribus: alii ab aquis, calculosi, splenici: alii a ventis bonis & malis incipiunt.

7. Qualia vero sunt tempora, tales erunt etiam morbi, & constitutiones ex ipsis. Si tempora tempestive, & ordinate se habuerint, morbos judicatu faciles faciunt. Vernaculi autem temporum morbi indicant mutationes, & prout evariaverit tempus, similes aut dif-

diffimiles erunt morbi, qui in hoc tempore oriuntur. Si vero similiter procedat, ejusmodi quoque fuerint morbi, & ad talem modum tracti, veluti est morbus regius autumnalis. Frigora enim ex caloribus, & calor ex frigore. Et si æstas biliosa fiat, & bilis aucta intus relinquatur, etiam aliquantum splenici fient. Quum igitur & ver sic processerit, etiam vere fit morbus regius. Proximus est enim hic motus tempori, juxta hanc speciem. Quum vero æstas fiat veri similis, sudores in febribus, & febres faciles, & non peracutæ, neque linguis obaridæ fient. Si vero hybernium fiat ver, & postremum hyemis tempus, hyberni etiam morbi, & tusses, & peripneumoniæ, & anginæ. Et autumnus si non in tempore ac derepente hybernarit, non assidue, tales morbos facit, eo quod non in tempore incept, sed inæqualiter fit. Quapropter etiam tempora a judicatione aliena ac inconstantia fiunt: quemadmodum etiam morbi, si præerumpant, aut præexcernantur, aut intus relinquuntur. Recidivas enim etiam tempora faciunt, quemadmodum & morbos ita inducunt. Itaque insuper considerandum est, quomodo habentia se corpora tempora suscipiant.

8. Austri auditum gravant, caliginem inducunt, caput gravant, torpidi sunt, dissolvunt. Quum hic prævaluerit, talia in morbis patiuntur, ulcera glabra, maxime os, pudendum, & aliæ partes. Si vero aquilo, tusses, faucium affectiones, ventres duriores, urinæ difficultates, horrores, dolores laterum ac pectoris. Quum hic dominatur, tales morbos magis expectare oportet. Si magis redundaverit, ad squalores sequuntur febres, itemque ad pluvias; ex qualibus tandem redundantia

transmutatæ fuerint, & quomocumque habentia se corpora ex alio tempore susceperint, & quocumque tandem humore in corpore dominante. Cæterum siccitates & austrinæ sunt, & aquilonares. Differunt enim & alia hoc modo. Magnum enim & hoc est. Nam alius in alio tempore ac regione magnus est. Veluti æstas bilem parit, ver sanguinem, reliqua prout singula. Mutationes maxime pariunt morbos, & præfertim maximæ: & in temporibus magnæ mutationes, & in aliis. Quædam sensim contingente progressu fiunt. Tempora hujusmodi sunt securissima, velut etiam diætæ, & frigus, & calor maxime sensim facto progressu. Et ætates sic transmutantur. Naturæ quantum ad tempora attinet, aliæ ad æstatem, aliæ ad hyemem, bene aut male dispositæ sunt. Quantum vero ad regiones, & ætates, & victus rationem, & alias morborum constitutiones, aliæ ad alias bene aut male se habent. Et ætates ad tempora, & regiones, & victus rationem, & morborum constitutiones. Et in temporibus, victus, & cibi, & potus, qualitatem suam requirunt. Nam hyems ab operibus ocium habet, & quæ in corpus ingeruntur, matura ac simplicia postulat. Magnum enim & hoc est. Autumnus autem laboribus deditus. Sub intolationibus potus frequentes sunt, cibi inconstantes, vina, arborum fructus.

9. Quemadmodum autem ex temporibus morbos conjectare datur, ita quandoque etiam ex morbis aquas, & ventos, & siccitates prænoscere licet, & aquilonares, & austrinas. Licet autem ei, qui probe ac recte didicit, unde sint hæc considerare, velut & lepræ quædam, & circa articulos dolores, aquæ ubi futuræ sunt, pruriginosi

sunt, & alia hujusmodi. Et quæ pluvix alternis, aut singulis diebus, aut per alios circuitus, aut assiduæ fiunt. Et venti aliqui per multos dies flant, & contrario inter se modo flant, alii per pauciores. Et iidem per circuitum. Hæc habent cum temporum constitutionibus similitudines. Verum brevius talia. Si vero annus diutius talis fuerit, qualem constitutionem fecerit, tales etiam morbi diutius erunt. Et si magis fortes fuerint, maximi quoque morbi sic fiunt, & communissimi, & ad plurimum tempus.

10. Ex primis aquis, ubi post multam siccitatem, aqua futura est, de aqua inter cutem prædicere licet: & ubi talia parva signa apparuerint in ventorum quiete, in transmutatione. Colligenda igitur sunt, quæ in qualibus aquis aut ventis morbi significant, & audiendus est si quis novit, quod tali hyeme prægressa, tale ver aut æstas erit. Colores non sunt similes in temporibus, neque in aquilonaribus, neque in austrinis, neque in ætatibus, neque in unoquoque ad seipsum, neque in alio ad alium. Considerandum autem est ex his quæ præsentia ac quiescentia novimus de coloribus, & quod ætates temporibus similes sunt, & colore, & mutatione.

11. Qui hæmorrhoidas habent, neque pleuritide, neque peripneumonia, neque phagedæna, neque furunculis, neque tuberculis terebinthi figuram habentibus corripuntur. Fortassis autem

neque lepris, fortassis neque vitiliginibus. Multi tamen intempestive curati, non tarde talibus correpti sunt, & sic perniciosæ fuerunt. Et quicumque alii abscessus, velut fistulæ, aliorum medela sunt. Quæ ubi insuper comparent sedare solent, ea prius oborientia impedimenta ab his liberant. Alterius loci morbos loca excipientia, aut dolore, aut gravitate, aut ob aliud quiddam liberant, aut quod aliis sunt communicationes. Propter inclinationem non amplius sanguis prodit, sed juxta humoris cognationem talia spunt: convenit quibusdam sanguinem detrahere tempestive in talibus, in aliis autem, velut in his, non hoc convenit. Impedimentum inspuentibus cruenta: tempus anni, pleuritis, bilis. Tubercula circa aurem quibus circa judicationem exorta, non suppurata fuerint, his disparentibus recidiva fit, & pro ratione recidivarum, recidiva contingente: rursus intumescunt, & permanent, quemadmodum febrium recidivæ, in simili circuitu: in his spes est ad articulos abscedere. Urina crassa, alba, qualis Archigenis familiari erat, in lassitudinis febribus quarta die aliquando prodit, & liberat ab abscessu. Si vero ultra hoc, etiam sanguis e naribus large eruperit, etiam valde. Cui intestinum in dextra parte dolebat, & articulari morbo correptus est, quietior erat. Postquam autem hic curatus fuit, magis dolebat.



H I P P O C R A T I S

D E

AERIBUS, AQUIS, LOCIS.



UICUNQUE artem medicam integre adsequi velit, primum quidem temporum anni rationem habere debet, quantum potentia quodlibet eorum valeat (non enim simile quicquam in illis existit, verum differunt invicem propter varias, quæ in eis fiunt mutationes). Deinde ventorum calidorumque & frigidorum maxime qui ex his omnibus hominibus sunt communes, & mox qui in unaquaque regione sunt indigenæ & proprii. Neque vero negligentiosem se circa aquarum facultates cognoscendas exhibere convenit. Quemadmodum enim gustu differunt, & pondere ac statione, sic quoque virtute aliæ aliis longe præstant. Quare si quis ad urbem sibi incognitam perveniat, circumspicere oportet ejus situm, quo modo scilicet ad ventos, & solis exortus jaceat: non enim æquales vires sunt, ad Septentrionem sitæ, & vergentis ad Austrum: neque ejus quæ solem exorientem, & quæ eundem occidentem spectat. Hæc itaque diligenter oportet perscrutari, ac simul quo modo habeant circa eam aquæ: numne palustribus utantur & mollibus, aut duris & ex sublimi loco prolabantibus, & scaturientibus, ex petris, sive salis, & crudis. Terra etiam ipsa consideranda, nudane sit & aquis carens, aut densa & aquosa, & an concava sit & æstuosa, vel alta & frigida. Hominum insuper diætâ perquirenda, qua

maxime capiantur: an bibuli sint & lurcones & ocio dediti, aut exercitiis variis utentes, & tolerantés laborum, ciborumque plus adpetentes quam pocolorum. Ex his enim singula sunt investiganda. Nam qui hæc omnia probe, quantum fieri potest, cognoverit, aut horum plurima, eum non latere possunt quum in urbem etiam ignotam sibi pervenerit, neque morbi regioni peculiare & patrii, neque communis regionis natura, quæcunque tandem ea fuerit, ut non possit in cognoscendis morbis dubius hære, aut errare sicubi, ad morborum medicationem adhibeatur. Quæ ambo illis evenire solent, qui non prius providi hæc diligenter cognoverunt. Quare qui ea studiose rimatus fuerit, uniuscujusque temporis, ac anni futuri constitutionem prædicere poterit, qui videlicet morbi communi adfectione civitatem sint invaluri tum æstate, tum hyeme, & quæcunque pericula unicuique sint timenda ex diætâ ac victus immutatione. Quum enim temporum mutationes, & astrorum ortus ac occasus observaverit, quemadmodum singula horum eveniant, prænoscet utique & de anno, qualis hic sit futurus: hoc namque modo si quis rimatus fuerit ac præcognoverit temporum occasiones, maxime de singulis sciet, ut plurimumque sanitatem adsequetur, & recta via procedet, non minima artis suæ gloria.

2. Quod si cui hæc sublimiora vi-

T 2

dean-

deantur, is si ab hac sententia discedat, discet sane non minimam partem conferre ad rem medicam ipsam astronomiam, sed omnino plurimam, quum una cum temporibus & ventriculi in hominibus mutantur. Quomodo autem singula quæ diximus scrutari ac explorare oporteat, deinceps dicam manifeste. Quæcunque quidem civitas ad ventos sita est calidos, (puto autem eos qui inter brumalem solis exortum, itidemque occasum perflant) huic hi venti sunt peculiare; a Septentrionalibus autem ventis tuta ac protecta ea civitas existit. Aquæ vero ejus multæ & subalæ sunt, & necessario non sublimes, æstate quidem calidæ, hyeme frigidæ.

3. Et quæ quidem urbes bene sitæ sunt ad solem, & ad ventos, & aquis bonis utuntur, hæ minus a talibus mutationibus afficiuntur. Quæ vero aquis palustribus ac lacustribus utuntur, & non bene sitæ sunt ad ventos, & ad solem, hæ magis. Et siquidem ætas sicca fuerit, citius sedantur morbi: si vero pluviosa, diurni fiunt: & phagedænas adedentes ex omni occasione oboriri verisimile est, si ulcus fiat. Si vero hyems frigida sit, homines capita humida ac pituitosa habere par est: & ventres ipsorum frequenter exturbari, pituita a capite influente: & formas ipsorum ut plurimam debiliores esse: ipsosque ad edendum ac bibendum non appositos esse. Nam qui capita debilia habent, non fuerint boni potores. Crapula enim magis gravat.

4. Morbi vero hi ipsis vernaculi sunt. Primum quidem mulieres morbosæ, ac fluxionibus obnoxie sunt: deinde multæ steriles sunt ex morbo, non a natura, & frequenter abortiunt. Pueris vero incidunt convulsiones ac

anhelationes, quæ morbus puerorum, & sacer esse putantur. Viris autem dysenteria, & alvi profluvia, & febres lenes, diurnæ, hybernæ, & pustulæ nocturnæ multæ, & hæmorrhoides in sede. Pleuritides autem, & peripneumonia, & febres ardentes, & quicunque acuti morbi putantur, non multum proveniunt. Non enim fieri potest ut isti morbi vigeant, ubi alvi liquidæ existunt. Lippitudines vero oboriuntur humidæ, non graves, nec diurnæ: si non ex mutatione temporum morbus aliquis omnibus communis occupet. Et ubi quinquagesimum annum transgressi fuerint, defluxiones ex cerebro accedentes, homines semifyderatos faciunt, ubi caput der repente insolatum, aut frigore correptum fuerit. Atque hi quidem morbi ipsis vernaculi sunt: præterquam si morbus aliquis omnibus communis ex temporum mutatione oboritur, nam & hujus participes fiunt.

5. Quæcunque vero civitates his ex opposito sitæ sunt ad ventos frigidos, inter occasum solis æstivum, & orientem æstivum: etiam ipsis hi venti vernaculi ac indigenæ sunt: ab austro vero & calidis ventis protectæ sunt. Et de his urbibus sic se res habet. Primum quidem aquæ & duræ, & frigidæ ut plurimum dulcescunt. Homines autem vegetos & siccos esse necesse est: & plures ventres infernos crudos ac duros habere, supernos vero fluidiores: biliososque magis quam pituitosos esse. Capita vero sana ac dura habent, & plerunque vasa ipsis rumpuntur.

6. Morbi autem populares ipsis hi sunt, pleuritides, & quos acutos esse receptum est. Necesse est autem ita habere, quum alvi duræ existant. Et suppurati multi ex omni occasione fiunt. Hujus autem causa est, corporis extensio,

sio, ac ventris duritia. Siccitas enim & aquæ frigiditas facit ut vasa rumpan-
tur. Edaces autem tales naturas esse ne-
cesse est, & non multum bibaces. Non
enim fieri potest ut simul multum edant
ac bibant. Lippitudinesque his fieri ex
temporis intervallo necesse est, duras
autem ac vehementes, & statim oculo-
rum rumpi. Sanguinis item ex naribus
fluxiones vehementes æstate fieri junio-
ribus triginta annis. Morbos etiam sa-
cros appellatos, paucos quidem, ve-
rum vehementes. Longæ vero vitæ ma-
gis quam alios, hos homines esse par-
est: & ulcera non pituitosa oboriri,
neque efferari. Mores vero magis fe-
ros quam mansuetos. Ac viris quidem
hi morbi vernaculi sunt: præterquam
si quis omnibus communis ex tempo-
rum mutatione ingruat.

7. Ex mulieribus vero, primum qui-
dem multæ steriles fiunt, propter aquas
quæ duræ sunt ac crudæ & frigidæ.
Purgationes enim mensium non contin-
gunt commodæ, sed paucæ ac pravæ.
Deinde pariunt difficulter, & non val-
de abortiunt. Ubi vero pepererint,
pueros nutrire non possunt. Lac enim
ab aquarum duritia ac cruditate extin-
guitur. Et tabes frequentes a partu fiunt.
Præ violentia enim ruptiones ac vulsu-
ras habent. Pueris autem hvdropes in
testibus fiunt, quamdiu parvi fuerint:
deinde ætatis progressu evanescent. Pu-
bescent autem sero in hac civitate. Et
de calidis quidem ventis ac frigidis,
& urbibus ad hos sitis, hoc modo ve-
lut dictum est, res se habet.

8. Quæcunque vero civitates sitæ
sunt inter æstivos ac hybernos solis or-
tus, & quæcunque ex opposito harum,
de his ita habet. Quæ quidem ad
orientem solem sitæ sunt, eas par est
esse salubriores his, quæ ad septentrio-

nem conversæ sunt, & his quæ ad ca-
lidos ventos sitæ sunt, etiamsi stadium
solum intersit. Primum enim modera-
tior est caliditas ac frigiditas. Deinde
aquas quæ ad solis ortus sunt, omnes
splendidas esse necesse est, & odoratas,
& molles, & amabiles oriri in hac ci-
vitate. Sol enim emergens ac illustrans
ipsas castigat. Matutinum enim tem-
pus ipse aër ut plurimum semper occu-
pat. Et hominum formæ boni coloris
sunt, & magis floridæ, si non quis
alius morbus prohibeat. Et clara voce
præditi sunt homines, & ad iram ac
intelligentiam præstantiores septentrio-
nalibus, siquidem & alia quæ in ipsa
nascuntur meliora existunt. Et civitas
quæ hoc modo sita est, veri maxime
similis est, juxta caliditatis ac frigidi-
tatis moderationem. Et morbi paucio-
res fiunt ac debiliores, similesque sunt
morbis qui in civitatibus ad ventos ca-
lidos conversis oriuntur. Et fœminæ
isthæ valde fœcundæ sunt, ac facile pa-
riunt. Et de his quidem ita habet.

9. Quæ vero ad occasus sitæ sunt,
& ipsæ a ventis ab oriente spirantibus
protektæ sunt, & tum calidi venti le-
viter afflant, tum frigidi ab Ursis præ-
terflant: eas urbes necesse est situ mor-
bosissimo positas esse. Primum enim
aquæ non sunt splendidæ. Causa vero
est quod aër matutinum tempus ut plu-
rimum occupat, qui aquæ immixtus
claritatem ejus disperdit. Sol enim prius-
quam eleveatur, non illustrat. Æstate
vero, mane quidem auræ frigidæ spi-
rant, & ros decedit; de cætero vero
sol ad ipsas occidens, quam maxime
homines percoquit. Quapropter etiam
decolores ac infirmos ipsos esse par est,
& ex omnibus prædictis morbis parti-
cipare. Nulla enim re ab ipsis sepa-
rantur. Verisimileque est ipsos gravi

voce præditos ac raucosos esse, propter aërem, eo quod impurus plerunque isthic est, & morbosus. Neque enim ab aquilonaribus valde expurgatur. Non enim perseverant venti. Qui vero perseverant ac ipsis incumbunt, aquosissimi existunt. Nam venti occidentales similes sunt autumno. Et hujusmodi civitatis situs ad diei mutationes, eo quod multum temporis inter matutinum ac vespertinum intercedit. Et de ventis quidem qui commodi sunt ac incommodi, ita se res habet.

10. Cæterum de aquis deinceps narrare volo, quæ morbosæ sint, & quæ saluberrimæ: & quæ mala ab aqua fieri verisimile est, itemque quæ bona. Plurimam enim partem conferunt ad sanitatem. Quæcunque igitur palustres sunt, & stabiles ac lacustres, eas necesse est æstate esse calidas, ac crassas & olentes. Quum enim non defluant, sed aqua pluvia semper nova inferatur, & sol urat, necesse est ipsas decolores esse, & pravas ac biliosas. Hyeme vero glaciatas & frigidas ac turbatas præ nive ac glacie, ut pituitosissimæ ac rucosissimæ existant. Bibentibus autem splenes semper sint magni ac pleni: & ventres duri, tenues ac calidi. Humeri vero, & claviculæ, & facies attenuata. In splenem enim carnes colliguntur, quapropter graciles existunt.

11. Edaces autem esse tales ac siticulosos par est, ventresque tum supernos, tum infernos, calidissimos habere, ut etiam fortioribus medicamentis opus habeant. Atque hic morbus ipsis & æstate, & hyeme familiaris est. Ad hæc etiam hydropes plurimi ac lethalissimi fiunt. Æstate enim dysenteria multæ ac alvi profluvia incidunt, & febres quartanæ diuturnæ. Hi autem morbi prolongati, tales naturas ad hy-

dropas deducunt ac occidunt. Et hi quidem morbi ipsis æstate fiunt.

12. Hyeme vero junioribus quidem peripneumoniæ, & insanix morbi. Senioribus vero, febres ardentes, propter ventris duritiem. Mulieribus autem, tumores oboriuntur, & pituita alba, & vix in ventre concipiunt, ac difficulter pariunt, & foetus magnos ac tumidos: deinde ex alimentis tabescentes ac depravati fiunt. Et purgatio commoda post partum mulieribus non contingit. Pueris vero herniæ accedunt, & viris varices, & ulcera in tibia. Quare fieri non potest ut tales naturæ longævæ sint, sed ante temporis adventum senescunt. Præterea foeminae se in utero habere putant, & ubi partus tempus adest, ventris moles illa ac plenitudo evanescit. Hoc autem contingit ex aqua, quum uteri ex aqua concepta laborant. Atque has quidem aquas ad omnem rem improbas esse censeo.

13. Secundo vero loco eas quarum fontes e petris scaturiunt: (duras enim esse necesse est) aut isthic ubi calidæ aquæ existunt, aut ferrum nascitur, aut æs, aut argentum, aut aurum, aut sulphur, aut alumen, aut bitumen, aut nitrum. Hæc enim omnia præ violentia caloris nascuntur. Non itaque ex hujusmodi terra aquæ bonæ prodeunt, sed duræ & æstuosæ, quæ & difficulter minguntur, & ad alvi egestionem contrariæ sunt.

14. Optimæ vero sunt quæ ex sublimibus locis, ac terreis collibus fluunt. Hæ enim & dulces sunt, & albæ, & vinum modicum ferre possunt: & hyeme calidæ fiunt, æstate vero frigidæ. Tales enim fuerint ex profundissimis fontibus. Maxime vero laudare eas oportet, quarum fluxiones ad solis exortus erumpunt, & præsertim ad æstivos.

Ne-

Necesse est enim odoratas esse ac leves. Quæcunque vero salis, & crudæ ac duræ sunt, ad hoc quidem ut eas omnes bibant, non bonæ sunt. Sunt tamen aliquæ naturæ, & morbi, quibus tales aquæ in potu commodæ sunt, de quibus statim dicam. Habet autem & de his hoc modo. Quæ quidem aquæ fontes suos ad orientes habent, hæ præ omnibus optimæ sunt. Secundum ab his locum habent, quæ inter æstivos solis exortus ac occasus emergunt, & magis hæ quæ ad orientes. Tertio loco sunt, quæ inter occasus æstivos ac hybernos scaturiunt.

15. Pessimæ vero quæ ad austrum, & quæ inter æstivum ortum & occasum. Et hæ quidem ad australes partes valde pravæ sunt, ad boreales vero meliores. His autem hoc modo uti convenit. Quisquis sanus est ac valet, is nullum discrimen faciat, sed semper eam, quæ præsens est, bibat. Quicunque vero morbi gratia, eam quæ commodissima est bibere volet, is si ita fecerit, maxime sanitatem assequi poterit. Quorum quidem ventres duri sunt, & idonei ad hoc ut amburantur, his dulcissimæ & levissimæ ac splendidissimæ conducunt. Quorum vero molles ventres, & humidi ac pituitosi sunt, his durissimæ & crudissimæ ac subsalis aquæ conferunt. Sic enim maxime resiccari poterint.

16. Quæcunque enim aquæ optimæ coctæ sunt, ac facillime liquefcunt, eas par est & ventrem maxime exolvere ac eliquare. Quæ vero crudæ sunt, & minime coctæ bonæ, hæ magis constringunt ventres ac resiccant. At enim mentiuntur homines de salis aquis, propter imperitiam, in eo quod per alvum secedere eamque solvere putantur. Maxime enim contrariæ sunt ad

alvi egestionem ac secessum. Sunt enim crudæ, & coqui non possunt. Quare venter magis ab ipsis adstringitur quam eliquatur. Et de fontanis quidem aquis hoc modo res se habet. De pluvialibus autem, & quæ a nive fiunt, ut habeat, deinceps dicam.

17. Aquæ igitur pluviales levissimæ & dulcissimæ, & tenuissimæ ac splendidissimæ sunt. Primum enim sol quod tenuissimum ac levissimum est in aqua, educit ac sursum rapit. Clarum autem hoc, ipsum mare facit. Quod enim salsum est isthic relinquatur, præ crassitudine ac gravitate, & fit mare. Quod vero tenuissimum est sol sursum rapit, præ levitate. Rapit autem tale non solum ab aquis stagnantibus, sed etiam ex ipso mari, & ex omnibus in quibus aliquid humoris inest. (Inest autem in omnibus rebus) Et ex ipsis hominibus tenuissimum ac levissimum humorem ducit. Ejus rei maximum signum inde sumere licet, ubi homo vestibus indutus in sole iter fecerit, aut federit. Quascunque enim corporis partes sol aspicit, hæ non exsulant. (Sol enim quicquid comparat sudoris, sursum rapit.) Quæ vero sub veste contextæ sunt, aut sub aliqua alia re, hæ exsulant. Educitur enim ac domatur a sole sudor. Servatur autem ex tegmentis, ut ne disperdatur a sole. Quum vero in umbram devenerit, totum corpus similiter sudore perfluit. Non enim amplius sol effulget.

18. Quapropter etiam ex omnibus aquis hæ citissime putrescunt: & odorem malum pluvialis aqua habet, eo quod ex plurimis congregata est ac permixta, ut citissime putrescat. Ad hæc vero, ubi rapta est & in sublime elevata, dum circumfertur & ad aërem permiscetur, quod turbidum est in ipsa,

ac noctem refert, id excernitur ac decedit, & fit aër, & nebula. Quod vero tenuissimum ac levissimum in ipsa, hoc relinquitur ac dulcescit, dum a sole uritur ac coquitur. Fiunt autem & alia omnia quæ coquantur semper dulcia.

19. Quandiu igitur dispersa fuerit, & nondum congregata, fertur sublimis. Ubi vero coacervata fuerit, ac simul congregata derepente a ventis inter se adversariis: tunc deorsum prorumpit, qua parte plurima collecta fuerit. Tunc enim hoc magis fieri verisimile est, quum nebulas a vento stabilitatem non habente concitatas ac procedentes, derepente ventus contrarius ac aliæ nebulæ reliserint: atque tunc quidem prima ipsius pars congregatur, quæ vero a posteriore parte sunt, insuper accedunt, & sic crassescunt, & nigrescunt, ac simul congregantur, & præ gravitate deorsum prorumpunt, & pluvix fiunt. Atque hæ quidem aquæ optimæ sunt secundum hanc rationem, verum opus habent ut decoquantur, ac excolentur. Sin minus, odorem pravum habent, & raucedines & vocis gravitatem bibentibus inde accedere par est.

20. At vero aquæ ex nive ac glacie productæ, omnes malæ sunt. Quum enim semel concretæ fuerint, non amplius in pristinam naturam restituuntur. Sed quod quidem in ipsa clarum ac leve, & dulce est, excernitur ac disperditur: quod vero turbidissimum est ac ponderosissimum, relinquitur. Hoc vero cognoveris hoc modo. Si enim voveris hyemis tempore, vasculum certa aquæ mensura infusa, sub dio exponere, quo maxime congeletur: deinde postridie in locum calidum deportatum sinere, quo maxime glacies liquefcat, & ubi exoluta fuerit, aquam metiri: reperies aquam multo paucior.

Atque hoc signum est, quod a conge-
latione id quod levissimum ac tenuissimum est disperditur, & non quod gravissimum & crassissimum existit. Non enim hoc disperdi poterit. Hac igitur de causa has aquas quæ a nive ac glacie eliquantur, pessimas esse puto ad omnes res: itemque eas quæ ad has sequuntur. Atque siquidem de pluvialibus, & nivalibus, ac glacialibus aquis res se habet.

21. Calculo vero maxime laborant homines, & ex renum affectionibus, & urinæ stillicidio, & coxendicum morbo corripiuntur, & herniæ fiunt, ubi aquas omnigenas bibunt, & de magnis fluminibus, in quæ alia deferuntur: & de stagno, in quod fluxiones multæ ac omnis generis deveniunt: & qui aquis investitiis utuntur, quæ ex longo, & non brevi locorum intervallo afferuntur. Non enim fieri potest, ut alia aqua similis sit alii. Sed aliæ dulces sunt, aliæ salæ, & aluminosæ, aliæ de calidis fluunt. Ubi vero hæ simul inter se miscentur, diffident: & quæ fortissima est, semper superat. Prævalet autem non semper eadem, sed alias alia.

22. Sed & ex ventis, alii quidem Boreas robur exhibet, alii vero Auster: & de reliquis eadem ratio existit. Talibus igitur necesse est limum & arenam in vasis subsidere: & ab his, si potentur, morbi prædicti fiunt. Quod autem non omnibus, consequenter declarabo. Quorum quidem alvus satis fluida est ac sanâ, & vesica non ardens, neque stomachus vesicæ valde coardescit, hi facile urinam ejiciunt, & in vesica nihil ipsis congregatur. Quorum vero alvus ardens ac fervida fuerit, in his necesse est etiam vesicam idem perpeti. Quum enim magis quam pro natura fuerit calefacta, stomachus
ipsum

ipſius inflammatur. Ubi vero hæc perſequitur, urinam non dimittit, ſed in ſeipſa concoquit, & adurit: & quod quidem tenuiſſimum in ipſa eſt, excernitur: & quod puriſſimum eſt, tranſit & emingitur.

23. Quod vero craſſiſſimum ac turbiſſimum eſt, coacervatur, & concreſcit, primum quidem parum, deinde majus fit. Dum enim volvitur ab urina, quicquid craſſum compactum fuerit, ad ſeipſum adaptat, atque ſic augeſcit, & in totum concreſcit. Et quum urinam emittit, ad veſicæ ſtomachum allabitur ab urina impulſum, & urinæ emiſſionem impedit, & dolorem vehementem exhibet. Quare pueri calculoſi fricant ac trahunt pudenda. Videtur enim ipſis cauſa miſtionis eò loco eſſe. Signum autem ejus quod hæc ita ſe habent, hoc eſt. Urinam ſplendidiffimam calculoſi mingunt ad ſimilitudinem ſeri, eo quod id quod craſſiſſimum eſt ac bilioſiſſimum, iſthic manet, & coacervatur ac concreſcit. Et plerique ſane hoc modo lapidem & calculum contrahunt.

24. Fit autem pueris etiam ex lacte, ſi non ſalubre id fuerit, ſed valde calidum ac bilioſum. Ventrem enim percalefacit, & veſicam. Quare urina dum aduritur, hæc patitur. Et ſane cenſeo melius eſſe pueris vinum quam aquoſiſſimum dare: minus enim venas adurit ac reſecat. Muliebribus autem pudendis non ſimiliter contingit. Meatus enim urinæ in veſica brevis eſt & amplus, ut facile urina impellatur. Neque enim manu pudendum fricat, veluti maſculus, neque urinæ in veſica meatum contingit: ad pudenda enim perforatus eſt: & quia meatus ſunt amplii, etiam plus bibunt quam pueri. Et de his quidem ſic res ſe habet,

aut his quam proxime.

25. Cæterum de annis hoc modo conſideratione facta, quis cognoscere poſſit, qualiſnam annus ſit futurus, ſalubriſne an morboſus. Si enim ſecundum rationem ſiant ſigna in aſtris occidentibus ac orientibus: & in autumno aquæ ſiant: & hyems ſit moderata, & neque valde clemens, neque modum excedens frigiditate: & in vere ac in æſtate tempeſtively pluat: ſic ſane ſaluberrimum eſſe annum par eſt. Si vero hyems quidem ſicca ſit, & borealis, ver autem pluviolum & australe, neceſſe eſt æſtatem febriculofam fieri, & lippitudines inducere. Quum enim æſtus derepente accedat, terra humida exiſtente a vernis imbribus, & ab aſtro: neceſſe eſt æſtum duplicatum eſſe, & a terra irrigua ac calida, & a ſole urente: quum ventres in hominibus nondum conſtricti ſint, neque cerebrum reſecatum. Non enim fieri poſſe, quum ver tale exiſtat, ut corpus & caro non humore fluida ſiant, adeo ut febres acutiſſimæ in omnes irruant, maxime autem in pituitoloſos. At dyſenterias par eſt fieri & mulieribus, & viris humidioribus.

26. Et ſiquidem circa Canis exortum accedat aqua ac tempeſtas, & Eteſiæ ſpiraverint, ſpes eſt ceſſationis, & ut autumnus ſalubris fiat. Sin minus, periculum eſt ne & pueri, & mulieres moriantur: minime vero ſenes: & ne qui ſuperſtites evadunt, in quartanas deſinant, & ex quartanis in hydropas. Si vero hyems australis fiat, & pluviola, & clemens, ver autem boreale, & ſiccum, & tempeſtuolum, primum quidem mulieres, quæ uterum geſtant, & partus ipſis ad ver inſtat, abortum ſaturas eſſe veriſimile eſt: quæ vero etiam pepererint, impotentes ac mor-

bosos pueros parere, ita ut aut statim pereant, aut tenues & debiles, ac morbofi vivant. Atque hæc quidem mulieribus: reliquis vero dysenterias & lippitudines ficas: & aliquibus defluxiones a capite in pulmonem.

27. Pituitosis igitur dysenterias fieri verisimile est, & mulieribus, pituita de cerebro defluente, propter naturæ humiditatem. Biliosis vero lippitudines ficas, propter carnis caliditatem ac siccitatem. Valde autem senibus defluxiones, propter raritatem ac eliquationem venarum, adeo ut aliqui quidem derepente pereant, aliqui vero semisiderati, aut dextra aut sinistra parte fiant. Quum enim hyems sit australis, & pluviosa, ac calida, & corpus non adstringatur, neque venæ: vere accedente boreali & sicco ac frigido, cerebrum postquam ipsum dissolvi ac purgari contingit a gravedine ac raucedine, tunc simul cum vere stabilitur ac constringitur. Quare derepente æstate accedente, & ardore ac mutatione contingente, hi morbi incidunt. Et intestinorum lævitates & aqua intercus fere reliquis morbis desinentibus superveniunt, quum non queant facile ventriculi a concepta humiditate exsiccati.

28. Si autem æstas pluviosa sit, & austro multum perflatur, similisque sequatur autumnus, necesse est hyemem morbidam esse: & his qui pituita abundant, & qui quadragesimum annum excefferunt, febres ardentes fieri verisimile est: qui vero bile abundant, costarum inflammationes & pulmonis, pleuritidas ac peripneumonias dictas. Si vero æstas sicca existat, & borealis, sequens vero autumnus pluviosus & australis, capitis dolores ad hyemem expectare convenit, & cerebri corruptiones, ampliusque raucedines, gravedines,

& tusses, aliquibus etiam tabes.

29. Quod si borealis sit autumnus ac ficus, & neque sub Cane, neque sub Arcturo pluviosus, confert pituitosis natura, & maxime qui natura sunt humida, & mulieribus. Biliosis autem infestissimum hoc tempus existit. Valde enim exsiccantur, acciduntque eis lippitudines aridæ, & febres acutæ, ac diurnæ, & aliquibus bilis atra: siquidem quod liquidissimum ac aquosissimum in bile est, consumitur, densissimum vero & acerrimum relinquitur: quod idem accidit secundum eandem rationem & circa sanguinem, unde hi morbi his accidunt. Pituitosis autem hæc omnia commoda sunt. Exsiccantur enim & in hyemem perducuntur, minime humecti, sed resiccanti. Hæc igitur si quis mente concipiet & considerabit, is præcognoscet plurima omnino quæ ex huiusmodi mutationibus sint futura.

30. Maxime autem observare oportet magnas temporum mutationes, ut neque medicinas in illis libentes exhibeamus, neque uramus quæ circa ventrem, neque secemus, priusquam prætereant dies decem aut plures, & non pauciores. Periculosissima sunt etiam ambo solstitia, maxime vero æstivum. Periculosum etiam æquinoctium utrumque, magis vero autumnale. Oportet autem & astrorum exortus considerare, præcipue Canis, deinde Arcturi, & Pleiadum occasum. Morbi enim in his maxime diebus judicantur, aliique perimunt, alii vero desinunt, aut in aliam speciem, aliumque statum transmuntantur. Et circa hæc quidem sicut dixi habet.

31. Volo autem & de Asia & Europa demonstrare, quantum differant inter se per omnia, & de gentium formis

mis quid distent, & nihil invicem simile habeant. Verum de omnibus si quis dicere velit, in immensum excresceret sermo: quare de maximis, & plurimum differentibus diversitatibus dicam, quantum saltem mihi in ea re est compertum. Ac dico quidem plurimum differre Asiam ab Europa secundum naturas omnium ex terra nascentium, itemque hominum. Longe enim pulchriora & majora omnia nascuntur in Asia. Estque regio ipsa, hac nostra multo mansuetior, sunt etiam hominum mores benigniores & cultiores. Causa vero horum est, temporum anni temperata mixtura. Siquidem in medio solis exortu sita est ad auroram, a frigiditate ac caliditate omni remotior. Incrementum autem & benignitatem inde proficisci omnibus in confessio est, quum nihil sit præcellens & cogens violenter, sed per omnia æqualitas vigeat.

32. Quanquam non habeant ubique per omnem Asiam omnia secundum eundem modum. Quæcunque enim in ea regio in medio sita est calidique & frigidi, ea omnium fertilissima existit, & arboribus refertissima & maxime serena, aquisque utitur & cœlestibus & externa promanantibus. Neque enim a calore combusta est valde, neque a squalore & aquarum inopia exsiccatur, neque a frigore oblæditur. Verum austris perflatur & irrigua est, tum propter imbres multos, tum propter nives. Fructus autem suo tempore maturos multos, in ea nasci par est, sive ex sparsis seminibus hi proveniant, sive terra ipsa per se sponte producat eorum plantas, quarum fructibus utuntur homines, eas ex agrestibus cicures & domesticas facientes, & pro commoditate sua transplantantes. Pecora etiam

ipsa pleniora proveniunt, quæ & pariunt sæpius & pulcherrime educantur. Quin & homines habitiores esse ac specie pulcherrimos, & magnitudinis eximiam, minimeque differentes, quantum ad formam ac corporum proceritatem attinet, constat.

33. Certumque est hanc regionem proxime accedere ad naturam ac temperaturam optimæ constitutionis, verum virilitatem, laboris tolerantiam, ac audaciam non verisimile est huic naturæ innasci, sicut neque ejusdem, neque diversi generis constantes ac perpetui sunt amatores. Vincit enim in ipsis voluptas, quæ ratio est multiformes generari partus, præcipue in feris. Atque sic quidem de Ægyptiis ac Libycis mihi habere videtur.

34. Qui vero ad dextram hyberni ortus solis usque ad Mæotidem paludem habitant, (hic est enim Europæ & Asiæ terminus) sic habent. Multo major diversitas est inter illas ipsas gentes, quam de quibus jam dixi, quum propter varias temporum mutationes, tum ob regionis naturam. Habet autem eodem plane modo, quemadmodum & circa aliorum hominum terras accidit. Ubi enim tempora magnas mutationes faciunt & frequentissimas, illic & regio agrestis & maxime inæqualis existit, inveniasque & montes plurimos & densos, itemque campos & prata. Ubi autem non valde variant tempora, illic æqualissima regio est, quod idem & de hominibus ipsis est intelligendum. Si quis enim recte consideret, videbit quorundam naturam, montanis, sylvosis, ac asperis locis similem esse, aliorum vero aquosa ac exilia loca referre: sicut quidam pratorum ac paludum naturam præ se ferunt, atque alii sunt quorum planitiebus nudisque ac siccis

terris constitutio similis existit. Tempora enim quæ formarum naturam variant, sunt diversa: quum ergo inter sese fuerint maxime diversa, varias & multiplices formas producant.

35. Porro quæ parum inter se differunt gentes, relinquam. Quæ autem plurimum non natura solum, sed & legibus ac consuetudinibus discrepant, de illis referam quomodo habeant. Ac primum omnium de Macrocephalis, quum nulla omnino alia gens sit, quæ similia capita habeat. A principio quidem consuetudo in causa fuit, ut tam longis capitibus essent. Nunc autem natura ipsa cum consuetudine conspiravit. Siquidem generosissimum apud eos putatur, caput habere quam maxime longum: consuetudinis autem hoc initium fuit. Quum recens infans natus est, caput ejus adhuc tenerum ac molle existens quam celerrime constringunt manibus, coaptantesque cogunt in longitudinem augeri, quin & vinculis connectunt, ac aptis instrumentis colligant, quo rotunditas capitis prohibeatur, ac longitudo augeatur. Ea consuetudo tantum effecit, ut ejusmodi natura capitum existeret. Temporis vero progressu natura quoque tales produxit, ut non esset necesse consuetudine priore cogere.

36. Quum enim semen genitale ab omnibus corporis membris procedat, a sanis quidem sanum, a morbidis morbosum, fiatque ut ex calvis calvi gignantur, ex cæsiis cæsi, & ut plurimum distortus distortum generet, eademque ratio sit circa reliquas formas: quid prohiberet ut non ex Macrocephalis Macrocephali gignerentur? Nunc autem non nascuntur ita magnis capitibus quemadmodum prius, quum consuetudo non amplius daret, per incuriam hominum intercepta. Et de his quidem hæc sufficiant.

37. De illis autem qui Phasim accolunt, adjiciam. Regio eorum palustris est, calida, aquosa, & densa, imbresque in eam decidunt omnibus temporibus & magni, & impetuoosi, homines vero ipsi vitam agunt in paludibus, domosque ligneas & ex arundinibus in ipsis aquis habent extractas, neque multum inde prodeunt, ut adeant vel emporia vel urbes: verum naviculis ex uno ligno fabrefactis permeant fursum ac deorsum, habent enim fossas ac ductus aquarum plurimos. Bibunt autem aquas calidas & stagnantes, quæ & a sole sunt putrefactæ, & ab imbrium causa auctæ. Ipseque fluvius Phasis omnium fluviorum stagnantissimus est, & qui lentissimo cursu profluat: fructus autem qui illic nascuntur, omnes insalubres sunt, evirati imperfectique præ multitudine aquarum, neque unquam maturescunt. Atque quum multus aër ab aquis regionem occupet.

38. Ob hanc ipsam causam, quod ad formam ac corporum speciem attinet, Phasiani sunt a reliquis hominibus longe diversi. Sunt enim magnitudine ingenti, ac corpulentia valde excellenti: neque juncturæ eorum ullæ, neque venæ comparant: pallidumque præ se ferunt semper colorem, quemadmodum qui regio sunt obnoxii morbo: loquuntur autem ut si qui alii omnium hominum gravissime, nimirum aëre utentes non sereno, sed obscuro, & maxime humectato. Sunt insuper ad laborem a natura ipsa segniores: annique tempora non varias habent, neque ad æstum, neque ad frigus permutationes. Venti autem eis sunt plurimi austrini omnes, præter unum ejus regionis proprium & indigenam, qui aliquando violentior ac molestior calidus existens spirat, quem Cenchrona

patrio vocabulo appellant. Verum Boreas non valde ad eos pertransit: quod si aliquando spirat, debilis tamen existit ac valde lenis. De natura ergo ac diversitate & forma eorum, qui Asiam & Europam incolunt, ita habet.

39. Quod autem timidiores, effœmiationes, ac imbelles præ Europæis Asiæ existant, moribusque mansuetiores, tempora ipsa anni in causa sunt, quæ non magnas permutationes faciunt, neque caloris, neque frigoris, sed semper æqualia permanent: unde neque mentes stupore percelluntur, neque corpora fortem transmutationem incurrunt: a quibus verisimile est iram exasperari, cognitionemque & calorem amplius excitari, quæ si semper in eodem statu quis persistat. Mutationes enim sunt quæ hominis mentem semper excitant, neque sinunt quiescere. Propter quas sane causas imbelles universum Asiæ genus existit, atque adhuc amplius propter leges. Multo maxima enim Asiæ pars sub regibus est.

40. Ubi autem non in sua potestate vivunt homines, neque sui juris sunt, sed dominis subiecti, ibi non multum curiosi sunt quo modo se ad bellum apparent, imo magis hoc curant, ut ne bellicosi videantur. Pericula enim eis non æqualia instant. Nam hi in militiam proficisci, laboresque perferre, ac mortem oppetere pro dominis suis coguntur, relictis interim domi liberis, uxoribus ac reliquis amicis: atque si quidem viriliter & feliciter bellum gesserint, dominis inde commoda accedunt, eorumque facultates inde augentur: verum ipsis præter pericula & cædes nihil demetitur. Proinde neque his hominibus regionem frequenter habitam esse necesse est, imo eam propter inertiam bellicam ac otium a plerisque

relinqui. Ut enim quisque maxime a natura virilis & magnanimus est, ita plurimum ejus animus leges averfatur.

41. Cujus rei magnum indicium vel inde habere licet. Quod quicumque in Asia Græci, itemque Barbari dominis non subfunt, sed jure suo degunt, sibi ipsisque omnes labores lucrifaciunt, illi bellicosissimi omnium existunt. Periclitantur enim ipsi sibi, virilitatisque præmia ipsi reportant, sicut timiditatis ac ignaviæ pœnam luunt pariter. Invenias autem & Asiæ ipsos inter se plurimum differentes, generosiores alios, alios degeneres, quorum omnium causa ad temporum mutationes est referenda, quemadmodum & in præcedentibus dixi. Atque sic quidem habet in Asia.

42. In Europa vero genus hominum est Scythicum, circa paludem habitans Mæotim, quod a reliquis gentibus maxime differt, Sauromatæ appellantur. Horum fœminæ equites sunt, arcibus utuntur, ac sagittas jaculantur ex equis, cum hostibus congregantes, dum virgines existunt: neque devirginantur prius, quam hostium tres confecerint, neque prius maritis cohabitant, quam sacra deo patrio more fecerint. Quod si qua sibi virum acceperit, ab equitatu libera est, nisi necessitas cogat communi expeditione omnes arma sumere. Dexteram autem manum non habent. Nam puellis adhuc infantibus matres æreo instrumento in hunc usum parato, igneque candefacto eam auferunt, ac exurunt, ne iterum succrescere contingat, atque ut omnis vis ac robur in dextrum humerum & brachium deferatur.

43. Cæterum reliqui Scythæ quod ad formam attinet, ipsi sibi similes sunt, alii dissimiles. Sicut quoque
Ægy.

Ægyptii ipsi inter se: præterquam quod hi a vehementi calore, illi ab intenso frigore sunt compressi. Verum solitudo quæ Scythica dicitur, in planitie sita est, pratis abundans, sublimis & mediocriter aquosa. Sunt enim fluvii in ea magni, in quos aqua ex campis per rivus deducitur.

44. In hac itaque Scythæ degunt, qui Nomades vocantur, propterea quod nullas habeant domos, sed in curribus habitant. Sunt autem currus ex quibus minimi quatuor rotis, reliqui sex circumaguntur. Sunt etiam luto obturati, ac instar domorum fabrefacti, aliqui simplici, aliqui etiam triplici tabulato: unde robur illis inest adversus omnes injurias aquarum, nivis ac ventorum propellendas. Trahunt currus aliquos quidem boum paria duo, aliquos tria, atque hi cornibus carent, quum præ frigore regionis cornua eis non enascantur. In his itaque curribus degunt mulieres. In equis autem vehuntur viri. Sequuntur autem simul oves, boves, & equi. Tandiu deinde in uno subsistunt loco, dum sufficit ipsis pecoribus pabulum, quo deficiente in aliam regionem commigrant. Vescuntur autem ipsi carnis coctis: bibuntque lac equinum, comedunt etiam hippacen, id autem est caseus equinus. Hactenus ergo de victu & moribus diximus, temporibusque anni ac formis, quæ a reliquis hominibus longissime sunt Scythiæ genti diversæ. Ipsa enim sibi inter se gens similis existit, quemadmodum & gens Ægyptiorum. Minime autem fœcunda ea gens est: regioque ipsa minimas feras enutrit, neque numero, neque magnitudine insignes.

45. Sub ipsis enim Uris riphæisque montibus sita est, unde boreas spirat, Solque ipse supremo æstivo solstitio de-

ficiens proxime accedit, ac tum quidem exiguo tempore calefacit. Neque vero venti a calidis locis spirantes valde ad eam regionem penetrant, nisi parumper & debiles. Verum ab Uris venti procedentes sunt illic perpetuo frigidi, à nivibus, glacie, imbribusque condensati: qui nunquam a montibus decedunt, ut propterea etiam ægre habitari possint. Aërque ipse totum fere diem nubilus campos occupat. Ipsi vero in humidis locis degunt. Et fere perpetua est ipsis hyems, æstas autem paucissimis diebus atque illis non valde multa. Sunt enim planities eminentiores, & nudæ, neque ullis montibus circumseptæ, sed fere sub ipsis Uris acclives.

46. Neque feræ nascuntur illic magnæ, sed quales possibile est sub ipsa terra contegi. Prohibet enim hyems & nuditas terræ, quæ & diverticulis & umbraculis caret, propter temporum anni mutationes, neque multas, neque fortes, sed similes semper, vel parum admodum divariantes: unde & formas corporum inter se similes habent, quum eodem utantur victu & amictu, æstatis & hyemis tempore: attrahuntque aërem aquosum condensatum, aquam insuper bibentes a nivibus & glacie resolutam, nullo etiam corporis exercitio accedente, quum non verisimile sit corpus aut animum ullis exercitationibus apta fieri, ubi non mutationes temporum fiunt fortes. Propter quas causas formæ eorum sunt crassæ & carnosæ: juncturæ vero humectæ & inefficaces, ventriculique humidi omnes, maxime omnium tamen inferior alvus. Nequit enim ipsa exsiccari in ejusmodi quum regionis, tum naturæ & temporis constitutione. Sed pinguedine & nuditate carnis formæ invicem sunt

sunt similes, masculorum masculis, & fœminarum fœmellis. Tempora enim quum sint inter se similia, nullas corruptiones, neque malignitates inferunt in feminis genitalis mixturam ac compactiorem, nisi quiddam aliud fortuito vel casu contingat, aut a morbo.

47. Magnum autem argumentum humiditatis corporum Scytharum hoc exhibebo. Multos enim ipsorum, præcipue qui Nomades sunt, reperias exustos humeros ac brachia habentes manuumque juncturas, pectora, coxas, & lumbos, nullam sane aliam ob causam, nisi ob humoris & molliciei naturæ detractiorem. Nam neque arcus intendere, neque telum torquere possunt præ impotentia humiditatis humorum: quum autem uruntur, humor ipse a juncturis exolvitur, fiuntque corpora ipsorum validiora, melius nutriuntur, & magis redduntur articulo- rum usu potentia. Fluida vero fiunt ac lata primum propterea quod fasciis non colligantur, quemadmodum fieri solent in Ægypto: deinde quod non animadvertunt quomodocunque inter equitandum equis insideant. Postremum etiam propter desidiam perpetuam. Masculi enim eorum antequam potentes fiant equos conscendere, atque in illis vehi, plurimum temporis desident in curribus, raroque prodeunt ut inambularent, propter exilia ac perpetuas circulationes. Muliebrium autem corporum formæ ad miraculum usque fluxæ existunt.

48. Porro Scytharum gens fulvi valde coloris existit propter frigus ingens. Non enim vehemens accedit ad eos sol, a frigore vero albedo exurit & fit fulva. Neque vero possibile est fœcundam esse eorum naturam, quum viri minime cupidi sint cum fœminis com-

misceri, ob nimiam corporis liquiditatem, ventrisque molliem ac frigiditatem: quæ causæ apparent minime viros ad coitum incitari. Accedit his lassitudo ex continua equitatione contracta, quæ eos ad commissionem reddit impotentiores, atque hæ sunt causæ cur viri infœcundiores putentur. Mulieres pinguedo carnis & humiditas steriles facit, præ quibus uteri earum genitale semen nequeunt continere. Lunares namque purgationes eis non eveniunt quemadmodum est necesse, sed minus & intempestive per longius tempus. Ipsumque amplius uteri os præ pinguedine concluditur, ut nequeat semen suscipere. Sunt enim otiosæ & pingues, ventresque earum frigidi & molles, unde necessario sequitur non multum fœcundam Scytharum gentem esse.

49. Cujus rei famulæ earum indicium exhibent. Nam hæ viris misceri plurimum gaudent, in uteroque conceptum continent, propter corporis exercitium frequens carnisque gracilitatem. Amplius autem plurimi Scythæ eunuchi fiunt, & muliebria officia obeunt, instarque fœminarum omnia faciunt & loquuntur, vocanturque hi effœminati. Et regionis quidem incolæ causam ad deum referunt, coluntque hos ipsos homines & adorant, sibiipsis timentes ne quid tale accidat. Mihi vero hi affectus divini quidem esse videntur, sicut & reliqui omnes, neque ullum aliquem alio esse diviniorem aut humaniorem, sed divinos omnes: verum unusquisque eorum suam propriam habet naturam: neque aliquis citra naturam accidit. Quare quomodo hic affectus contingat, ut mihi videre videor, narrabo.

50. Ab equitatione ipsa diuturni eos corripunt articulorum dolores, nimirum propendentibus semper ex equis

eorum cruribus: deinde claudi fiunt, contrahunturque coxendices quum invaluerit morbus. Medicantur autem sibiipsis hoc modo: a principio morbi utranque venam retro aures incidunt, quo facto sanguine multo promanante, somnus eos corripit præ imbecillitate, sicque obdormiscunt: quorum quidem aliqui depulso somno sani exurgunt, aliqui vero minime.

51. Atque mihi sane videntur ea medicatione seipsos perdere. Venæ enim retro aures sunt, quas si quis fecerit, sterilitatem inferat his, quibus secantur: quare id etiam ipsis ex earum incisione accidere certum est. Quando igitur postea uxores adeunt, impotentesque se factos vident cum illis coire, primum quidem nihil molestius cogitantes quiescunt: quum autem bis aut ter, aut amplius frustra opus tentarunt, neque quicquam proficiunt, mox putant se deum offendisse, in quem culpam rejiciunt. Induuntque se veste muliebri, palam se eviratos esse confitentes, ad mulierumque contubernia transeunt, earum opera tractantes. Hoc itaque malo ditissimi Scytharum afficiuntur, minime vero infimi. Imo qui maxime & genere, & potentia prævalent, ex nulla alia, quam continuæ equitationis causa hoc perpetiuntur: pauperes vero minus, quum non multum equitent. Unde si hæc affectio aliis diviniore censenda esset, non nobilissimis, non ditissimis Scytharum fere solis accideret: sed esset omnibus æqualiter peculiaris. Imo magis invaderet pauperes circa cultum deorum negligentiores, si saltem gaudent dii in hominum admiratione constitui, & pro hoc beneficia hominibus retribuunt. Divites enim sapius diis sacra faciunt, victimas offerunt, statuas erigunt, colunt-

que, quum pecuniis abundant: pauperes autem minus id faciunt, quum non habeant: quinetiam aliquando deos detestantur, qui eis opes non suppeditent, ut verisimilius esset, pauperes ac parum abundantes hoc malo propter crimina sua puniri, quam divites & qui opibus abundant. Verum (sicut & prius dixi) divinus quidem hic affectus est, secundumque naturam accidit similiter ut alii omnes: neque alia ejus causa quam ea quam dixi, Scythis existit. Simili autem modo & reliquis hominibus evenit.

52. Ubi enim frequenter & continue homines equitant: ibi plurimi a diuturnis doloribus articulorum, coxendicumque maxime & pedum corripuntur, ad coitumque fiunt impotentes: quæ omnia mala Scytharum genti adsunt. Atque propterea Scythæ omnium hominum minime sunt ad coitum valentes; & quod anaxyridas (braccarum sive foeminalium id genus est) semper habent, & plurimum temporis in equis desides degunt, ut neque manu tractare pudenda liceat, atque præ frigore & lassitudine voluptatis ac jucunditatis coeundi obliviscantur, neque prius aliud sibi faciendum putent, quam ut evirati fiant. Hactenus ergo de Scytharum gente recensui.

53. Reliquum autem in Europa hominum genus valde inter se dissimile est & diversum, tum quod ad magnitudinem attinet, tum quod ad formam: atque id propter temporum mutationes contingit apud eos magnas & frequentes. Sunt enim eis calores vehementes, & hyemes fortes, pluviarum multarum, rursumque siccitas diutina, & venti plurimi, ex quibus multæ & omnimodæ fiunt transmutationes. Neque a vero discrepat circa generationem, has ipsas

iplas mutationes sentiri, inque seminis genitalis coactione aliam, neque ex eodem etiam eandem, æstatis pariter ut hyemis, pluvioso ut sicco tempore, progigni. Eaque causa est, cur putem Europæos magis quam Asianos secundum corporum formas inter se discrepare, & magnitudines diversissimas in singulis adeo urbibus provenire. Plures enim corruptiones contingunt in seminis coactione, quum tempora frequenter variant, quam si eadem sunt & similia. Eadem autem motuum ratio in utrisque existit. Feritas, integritas, & audacia a natura Europæis innascitur. Frequentes enim mentis percussiones feritatem inducunt, mansuetudinem contra & benignitatem extirpant.

54. Quare etiam magnanimos magis eos, qui Europam incolunt, Asianis judico. Siquidem similitudo & æqualitas segnitiam parit. Mutatio autem & animum & corpus ad exercitationem excitat. Augetur itaque a desidia & ocio timiditas, ab exercitio vero & laboribus crescit virilitas. Unde bellicosiores quoque Europæi extant, non ob hanc solum causam, sed & propter leges; non enim regibus obediunt quemadmodum Asiani. Ubi enim sub regibus vivitur, ibi necesse est homines timidissimos esse, quemadmodum & supra ostendi. Servitute namque animi eorum pressi non libenter, neque volentes temere pro aliis se periculis exponunt, Europæi autem suo jure viventes, quum pro seipsis pericula belli subeant, magna cupiditate feruntur, volentesque ac alacres difficultates omnes adgrediuntur, ipsique sibi ex re bene gesta præmia reportant, ut certum sit leges plurimum ad magnanimitatem conferre. Tota itaque & universa res de Europa & Asia sic, ut retuli, habet.

55. Cæterum Europa ipsa adhuc habet gentes invicem differentes, non magnitudine & forma solum, sed & magnanimitate ac fortitudine. Quæ vero in eis hanc diversitatem faciunt, in præcedentibus dixi, dicamque amplius magis manifeste. Quicumque regionem montanam, asperam, nudam & non aquosam incolunt, his mutationes temporum contingunt magnæ & diversæ, unde & hominum formas magnas progigni convenit, qui & ad laborem & ad viriliter agendum a natura præstent, quibusque feritas & immanitas non mediocriter a natura sint congenita. Qui vero loca concava, pratensia, & æstiosa habitant, ventosque calidos plus sentiunt quam frigidos, & aquis utuntur calidis, hi magni quidem esse non possunt, neque bene compositi & longi ac erecti, sed in amplitudinem a natura producti carnosissimi sunt, & capillis nigris. Immo & ipsi toti nigri magis quam albi, & qui minus de pituita habeant quam de bile. Virilitas autem & tolerantia laboris non æque ipsis a natura inest, nisi consuetudo accedat, & hæc in eis efficiat. Quod si flumina extent in ea regione, quæ stagnantes & pluvias aquas evehant, homines ipsi incolumes ac splendidi vivent. Si vero flumina desint, aquasque puteorum stagnantes & olentes bibant, necesse est ab ipsis illis aquis & ventrem lædi & splenem.

56. Quicumque autem altam habitant regionem, planam, ventis expositam & aquosam, eorum formæ magnæ ac invicem similes & erectæ. Animi quoque eorum existunt mansuetiores. Qui vero macra, aquis carentia, & nuda loca tenent, & quæ temporum mutationibus non sunt permixta, horum formas necesse est esse asperas, & vegetas,

flavas magis quam nigras: mores etiam eorum rigidi sunt, pertinaces, & contumaces. Ubi enim mutationes temporum contingunt frequentes, & plurimum inter se diversæ, ibi & formas, & mores, & naturas reperias plurimum differentes.

57. Temporum itaque varietates potissimæ sunt, quæ naturam ipsam permutant: deinde etiam regio in qua quis nutritur: postremum autem aquæ. Invenias enim fere semper & formas hominum & mores regionis naturæ compares. Nam ubi terra pinguis est & mollis, & aquosa, aquæ autem valde sublimes, ita ut ætate calidæ sint, & hyeme frigidæ, & temporum ratio alias probe conveniat, ibi & homines carnosî, articulis non adparentibus, humidi, laboris intolerantes, & ut plurimum maligni nascuntur: segnitieque & somnolentia eis inest multa: suntque ad

artes tractandas crassi, non acres aut subtiles.

58. Ubi autem regio est nuda, natura munita & aspera, quæque & a frigore hyberno prematur, & a sole æstivo exuratur, ibi duros & robustos, & articulis probe disjunctis, vegetosque & hirsutos reperias homines, & in quibus a natura laboris tolerantia, & vigilantia inest: quique mores habeant pertinaces, ad iram proclives & contumaces, magisque feritate participant quam mansuetudine: insuper ad artes etiam acutiores & plus solertes, & ad res bellicas gerendas aptiores. Quin & omnia quæ à terra proveniunt, terræ ipsius naturam respiciunt & sequuntur. Atque hæcenus quidem maxime contrarias corporum naturas & formas diximus: è quibus conjectura facta, si quoque reliqua consideraveris, nunquam a vero aberrabis.

H I P P O C R A T I S

D E

LOCIS IN HOMINE.



MHI quidem videtur principium corporis nullum esse, sed omnia similiter principium, & omnia finis. Circulo enim scripto principium non reperitur. Similiter etiam morborum in toto corpore. Quod enim siccius est, morbos magis recipere, ac magis dolere, a natura solet: humidum vero minus. Morbus enim qui in sicco est, stabilitur & non cessat. Qui vero in humido, diffluit, & alias aliam corporis partem occupat, & semper transmigrans requiem

facit, & citius quoque sedatur, utpote non stabilitus.

2. Corporis autem singulæ partes, altera alteri, ubi hinc aut illinc processerit, morbum statim facit, venter capiti, caput carnibus ac ventri, & reliquæ omnes juxta eandem rationem, quemadmodum venter capiti, & caput carnibus ac ventri. Etenim quum venter egestionem moderatam non fecerit, & in ipsum cibus ingeratur, humiditate ciborum ingestorum corpus irrigat. Ipsa autem humiditas a ventre obstru-

ta,

Ita, acervatim ad caput viam facit, & ubi ad caput pervenerit, a vasis in capite non recepta, fluit quocumque contigerit, & circumcirca caput, & in cerebrum per os tenue, & partim quidem os ipsum subit, partim vero circum cerebrum per os tenue. Et siquidem in ventrem rursus pervenerit, ventri morbum inducit. Si vero ad aliam aliquam partem incubuerit, illi ipsi morbum facit. Ita etiam reliquæ partes altera alteri morbum inducit.

3. Et optimum fuerit sic curare ægrotas per has quæ morbos faciunt. Sic enim quam optime principium ægrotantis quis sanaverit. Corpus porro ipsum sibiipsum idem ac simile est, & ex iisdem compositum est. Similiter autem habet & parvas, & magnas partes, itemque infernas ac supernas. Et si quis minimam corporis partem acceptam male afficere velit, totum corpus affectionem sentiet, qualiscunque tandem ea fuerit: propterea quod minima corporis pars omnia habet quæcunque & maxima. Insuper quicquid tandem minima pars pertulerit, ad gentilitatem refert ac transfert, unaquæque ad suam, sive bonum sive malum id fuerit: & propterea corpus & dolet, & lætatur, cum minima gente, quia in minima omnes insunt partes, & hæc ad gentiles sibiipsis singula transferunt, & omnia denunciant.

4. Cæterum natura corporis, principium sermonis in arte medica, primum perforata est qua parte audimus. Et enim vacua circumcirca aures, non aliud inaudiunt quam strepitum & clamorem. Quicquid autem per membranam in cerebrum pervenerit, id liquido & clare auditur. Ob id etiam foramen solum per membranam circa cerebrum extentam est. In nares autem

non inest foramen, verum mollis laxitas velut spongia, & propterea per longiorem distantiam audit, quam olfacit; odor enim ab olfactu longe dispergitur.

5. Et in oculos venulæ tenues ad visum ex cerebro per ambientem membranam feruntur. Hæ autem venulæ visum alunt humore de cerebro purissimo, qui etiam in oculis apparet. Eadem venæ etiam visum extinguunt, ubi fuerint resiccatae. Membranae autem tres sunt, quæ oculos custodiunt. Superna quidem crassior, media tenuior, tertia tenuis, quæ humorem conservat. Ex his superna & crassissima, si lædatur ac mutiletur, morbos facit. Media vero etiam ipsa periculosa est, & ubi rupta fuerit prominet foras, velut vesica. Tertia autem tenuissima omnino periculosa est, quæ humorem conservat. Membranae cerebri duæ sunt: altera superna crassior, altera tenuis cerebrum attingens, non amplius eadem permanens, postquam fuerit vulnerata.

6. Venæ autem transeunt ad verticem per carnem venientes ad officulum; feruntur & per carnem duæ ex vertice recta, qua parte supercilia clauduntur, & desinunt ad angulos oculorum. Una autem a vertice ad nasum fertur, & in utramque nasi cartilagine finitur. Aliæ vero duæ venæ juxta tempora feruntur, in medio temporum & aurium, quæ premunt oculos, & semper pulsant. Solæ enim hæc ex venis sanguine non rigantur, sed avertitur ex ipsis sanguis. Qui autem avertitur influenti occurrit, & qui quidem avertitur volens discedere, qui vero superne influit volens infra procedere, hic impelluntur ac diffunduntur ac mutuo circumagitantur, & pulsam venis exhibent.

7. Visus humore de cerebro nutritur: quum autem quid ejus de venis acceperit, fluxione turbatur, & humor ipse non apparet, & ob oculos moveri ipsi videntur aliquando velut avicularum imagines, aliquando velut lentes nigræ, & nihil exacte juxta rei veritatem videre potest. Aliæ duæ venæ in medio aurium & aliarum venarum, quæ adferuntur aures, & premunt aures. Aliæ duæ venæ ex ossis conclusionem in aures feruntur. Quædam vero infra ad corpus convertuntur. Duæ quidem venæ juxta tendines colli feruntur & juxta verticula, & desinunt in renes, hæ autem etiam in testes penetrant: & quum hæ affectæ fuerint, homo sanguinem mingit. Aliæ duæ venæ a vertice ad humeros feruntur, & sane humerales vocantur. Aliæ duæ venæ a vertice, juxta aures, ab anteriore colli parte utrinque ad cavam appellatam venam feruntur.

8. Cava autem vena finitur quidem velut gula, consistit autem inter gulam & guttur sive arteriam, ferturque per septum transversum & per cor, & inter septum, & finditur ad inguina, & ad femora intro, & dispartiones in femoribus facit, & ad tibias intus fertur ad malleolos. Hæ & infœcundum faciunt hominem, quum fuerint sectæ, & in magnos digitos desinunt. Ex cava autem vena producitur quædam in sinistram manum, fertur autem subter splenem ad sinistri lateris mollitudinem, unde splen propagatur per omentum, & finem sortitur ad thoracem. Producitur autem juxta septum, & cum humerali committitur subter cubiti articulum, atque hæc splenis gratia secatur. Alia etiam ad dextram manum eodem modo a cava producitur.

9. Communicant autem omnes ve-

næ, & confluunt inter se mutuo, & aliæ quidem sibiipsis per se committuntur ac coincidunt, aliæ vero per venulas a venis extentas. Quæ autem carnes nutriunt, ea parte inter se confluunt. Et quicumque morbus a venis oritur, levior est quam qui a nervis, diffluit enim una cum humore qui in venis inest, & non quiescit. Et natura venis in humore est, in carnibus. Nervi autem ficci sunt, & ventriculos sive cavitates non habent, & ad ossa consistunt, & maxima ex parte ab ossibus nutriuntur. Nutriuntur & a carnibus, & colorem ac robur inter ossa ac carnem medium habent: & humidiores quidem sunt ac carnosiores quæ ossa, sicciiores autem ac magis ossei quam carnes. Quicumque autem morbus in ipsos pervenerit, roboratur & quiescit in eodem loco, & difficile est ipsum educere. Maxime vero impetunt ipsos distentiones, & alii morbi, a quibus tremor corpus occupat, & qui tremere ipsum faciunt. Nervi autem premunt articulos, extentique sunt per totum corpus. Robusti autem maxime & semper crassissimi sunt in illis corporis partibus, in quibus paucissima carnes sunt. Et corpus quidem omne nervis plenum est. Verum circa faciem & caput non sunt nervi, sed fibræ consimiles nervis, inter ossa & carnes, tenuiores & solidiores.

10. Capita futuras habent, alia tres, alia quatuor. Et quæ quidem quatuor habent, his sunt utrinque juxta aures, & tertia ab anteriore, quarta a posteriore capitis parte. Sic quidem in capite quod quatuor habet. In eo vero quod tres, juxta aures utrinque sunt, & ab anteriore parte tertia; posteriore vero parte futura nulla est, velut in eo quod quatuor habet. Saniores

autem capite sunt, qui plures futuras habent. Inter supercilia os descendit ac transit, & mandibularum clausura in medio mento, & superne ad caput est. Verticula alii plura, alii pauciora habent. Qui pauciora habent, his duodeviginti sunt; horum alia sursum ad caput, alia deorsum ad sedem tendunt. Costæ septem a posteriore corporis parte, ad verticula connectuntur, anteriore parte in pectore inter se committuntur.

11. Claviculæ articulos habent, alios in medio pectoris juxta guttur, atque hic coarticulatæ sunt, alios vero ad humeros, reclinatos ad scapulas, qui humeris semper adhærent. Scapulæ vero ad membra brachii, sive totius manus coarticulantur, incumbentes in ipsum os quod in membro est. Juxta os autem appendices duæ prodeunt, altera intrinsecus, altera forinsecus, quæ ad scapulas ossi adnascentes, infra coarticulatæ sunt. Quæ vero in cubiti flexura sunt, infra quidem radio coarticulatæ sunt, juxta os natura cavum existens, supra autem radium paululum, in cubiti gibbum; & tunc tum os, tum radius in idem commissa, articulum in cubiti gibbo faciunt. Juxta ulnam vero appendices prodeunt tenues valde quatuor, duæ sursum, duæ deorsum: & ad cubiti gibbum quidem duæ appendices consistentes, supra ex osse hærent, hæ cum osse cohærentes, juxta ossis articulum in cubiti gibbum coarticulantur.

12. Quæ vero infra sitæ sunt, & intus reclinatæ, hæ utraq; committuntur ad radium ex supernis a membro procedentem; & intus ad membrum coarticulantur, & radium appellarum faciunt hæ sibiipsis intus in cubito commissæ. Infra autem ad manum

os articulum habet. Appendices vero hac parte teneræ existentes, duæ quidem non exeunt in articulum: superna autem & inferna cum osse coarticulantur ad manum. Cæterum manus articulos multos habent. Quæcunque enim ossa inter se committuntur, omnia articulos faciunt. Digni articulos habent multos, unusquisque tres. Unum ad unguem, in medio unguis & nodosæ prominentiæ: alterum in ipsa nodosa prominentia, qua parte etiam digitos conlectunt: tertium qua parte digitus a manu exoritur.

13. At vero in coxendicibus articuli duo sunt, quæ acetabula appellantur, & femora in hos inarticulata sunt. Juxta femora autem appendices quæ prodeuntur, altera intus, altera foris, & in articulum neutra procedit, neque ab altera parte, sed ad os ad femur inferuntur. Femur autem superne ubi in acetabulum ingruit, bifidum est hujuscemodi bicipitate. In ea quidem parte quæ intro inclinata est, in summitate rotundum est ac læve, quæ etiam in acetabulum ingreditur. Altera autem bicipitatis pars exterior, magis foras prominet, & inferius apparet ad nates, & coxendix appellatur. Ad genu vero os femoris taliter biceps est. Bicipitio autem huic os tibia appellata, velut in cardine adaptatum est, supra adaptatum autem mola sive patella incumbit. Quæ humiditatem a carne in articulum expansum descendere prohibet. Juxta tibiam autem appendices duæ procedunt, quæ inferne ad malleolos pedis finiunt, superne ad genu, non autem perveniunt ad articulum. Ad pedem vero tibia juxta malleolos articulum habet, & alium infra malleolos.

14. Et in pedibus articuli multi quem-

quemadmodum & in manibus sunt. Quot enim ossa, tot sunt articuli, & in digitis pedum eodem numero sunt, ac pari modo habent. Articuli insuper multi in corpore parvi sunt, non similiter omnibus, sed alii aliis. Hi autem qui scripti hic sunt, omnibus similiter habent. Aliæ etiam venæ aliis sunt, sed non memorabiles. Mucus omnibus a natura est, & quum hic purus fuerit, articuli sani sunt, & bene moveri possunt, utpote lubrici inter seipsos. Labor autem & dolor fit, ubi a carne humiditas fluxerit vitiosa. Primum enim articulus stabilitur. Non enim lubrica est humiditas quæ de carne influxit. Deinde ut multa, & valde sparsa, & ex carne non irrigata, semper resiccatur, & ut multa existens, & articulo ipsam non capiente, effluit: & male stabilita elevat nervos, quibus articulus colligatur, ipsosque inconnexos ac dissolutos facit. Et propterea claudi fiunt, quum hoc magis fit, magis: quum minus, minus.

15. In ventrem porro ea quæ comeduntur ac bibuntur procedunt. Ex ventre autem fibræ in vesicam, qua parte humorem percolat, extentæ sunt. Fluxiones autem, & perfrigerata valde carne, & percalsacta fiunt, ac superinflammata. Fluxiones propter frigus fiunt, quum caro in capite, & venæ tensæ fuerint. Hæ enim horrente carne, & ad angustias perveniente, adstrictaque ac excludente, humiditatem exprimunt. Et simul carnes ipsæ contra exprimunt, ad angustias pervenientes: & capilli sursum erecti fiunt, utpote simul undiquaque fortiter compressi. Quicquid igitur inde expressum fuerit, id ipsum, quocumque contigerit, fluit. Fluit autem etiam propter caliditatem, quum carnes rarefactæ tran-

situs præbuerint, & humor calefactus tenuior redditus fuerit. Omnis enim humor calefactus tenuior fit, & omne cedens fluit, maxime vero ubi valde fuerit inflammatum, propter hanc fluit causam.

16. Carnes valde plenæ factæ quum capere non possint, fluit humor qui capi non potuit, fluit autem quocumque contigerit. Ubi vero semel fluidæ factæ fuerint fluxiones, diffluunt ad locum quo tandem contigerit, donec transitus fluxionis compressi fuerint propter gracilitatem. Quum autem corpus fuerit resiccatum, & alioqui corpus ipsum sibiipsum communicans sit, etiam quum siccum est, diducit, & concipit ac ducit, ubicumque humor tandem obtigerit: ducere autem ipsum non difficile est, utpote corpore vacuo & non intumescente, præ gracilitate.

17. Aliquando autem infernæ partes siccæ fiunt, supernæ vero humidæ. Magis autem superna vasa humida sunt. Venæ enim plures supra sunt quam infra, & carnes in capite minori humiditate opus habent. Ducit itaque sicca corporis pars humiditatem ex capite: & simul transitus magis ducenti patent, quam ei quæ ducitur. Nam ipsi transitus, utpote sicci existentes, eam sibi lucrifaciunt, & simul humores a natura deorsum procedere solent, si vel modica quædam necessitas contingat.

18. Fluxiones de capite septem sunt, in nares, in aures, in oculos, atque hæ ex capite fluxiones ob oculos conspicuæ existunt. Postquam autem in thoracem fluxerit præ frigore, bilis fit. Magis autem in thoracem præ frigore fluit, propterea quod facilis est fluxio ad guttur, utpote non contactum. Præ frigore vero a bile infestati propterea lassitudine affliguntur, quia carnes quum

bilem habuerint, non quiescunt, sed concutiuntur, & concussæ laborant ac delassantur, utpote velut in itinere faciendo concussæ, & suppurati fiunt quum in thoracem fluxerit, itemque tabidi. Quum vero in medullam fluxio contigerit, tabes occulta ac inconspicua oboritur. Quum autem retro ad vertebrae, & in carnes defluerit, hydrops fit. Id quod ex hoc cognoscere datur. Siccæ enim anteriores partes sunt, caput videlicet, & nares, ac oculi: & oculis amplius hebetudo accedit, fiuntque cum virore pallidi, itemque reliquum corpus: & nihil exspuit homo, etiam si multum fluat. Fluxus enim per mediam carnem retro fluens, & ab anteriore aversus, anteriores partes siccas facit, posteriorum vero carnem irrigat, & magis, eam quæ intus est ad ventrem, quam quæ foris est ad nasum. Et propterea corpus foris magis solidum est, quam intus, & angustiores meatus ac foramina habet. Quare sane quum tenuia sint foramina constringuntur, ipsaque sibiipsis medentur, & fluxus nullus hac transire potest. Intus vero foramina ampliora sunt, & intermedia tenuiora habent; fluxus vero utpote ab altioribus procedens, & tenuia impedimenta contra se habens, influit & carnes humiditate replet. Sed & humiditas a cibus in idem procedens corrumpitur, corrupta autem ipsa præammixtione, & simul cum ipsa ea quæ a capite defluit, corpus nutriunt. Carnes vero multo humore nutritæ, & morbofo auferentes, hydrope plenæ sunt.

19. Si autem modicus fluxus fuerit, coxendicum & articularum diuturnam affectionem facit, ubi fluere cessaverit. Nam ut modicus, & undiquaque ab omnibus fortioribus depulsus, ad articulos refugium facit. Fiunt præterea

articularum ac coxendicum affectiones a talibus morbis sanatis, quum morbum quidem efficiens sanatur, in carne vero quid relictum fuerit, cui non sit exitus, neque rursus intro, neque foras, sed ad cutem egressum tuberculum utique fecerit, fugit autem in id quod cedit, articulos videlicet, & aut articularum, aut coxendicum affectiones inducit.

20. Si porro intumuerint nares, & pituita plenæ fuerint, atque ea compacta, oportet pituitam compactam ac congelatam attenuare aut fomentis, aut medicamento, & non avertere. Si enim fluxus aversus alio procedit, omnino majorem morbum faciet. Quum vero in aures fluxerit, primum dolorem exhibet, violenter enim procedit: dolorem autem exhibet, donec in fistulam redactus fuerit. Ubi autem fluere consueverit, non amplius dolorem facit. Ei, vero quem dolor affligit, medicamentum natura calidum, tepidum factum & netopo dilutum, infundendum est, retro cucurbita medica affigenda, si sinistra auris doluerit, ad dextram, sin dextra, ad sinistram: non autem scarificando pertundere oportet, sed ut trahat solum sinenda est. Si vero per hæc dolor non sedetur, frigefacientia a natura frigida infundantur, & medicamentum potandum præbeat, quod secessum deorsum faciat, sursum autem non, quandoquidem vomitus non auxiliatur: & de cætero frigidis utendum est, & semper non sanantem variare oportet modum: & siquidem pejus reddiderit malum, ad contrarium te converte: si vero ad sanitatem tendat, omnino nihil ab his, quæ adhibentur, auferre oportet, neque quicquam aliud addere aut opponere. Si vero jam in fistulam redactus fuerit, & multa purulen.

lenta sanies fluxerit, quæ graveolens sit, sic facere oportet. Spongiam ficcante quopiam sicco medicamento imbue, & in aurem quam penitissime inde: & in nares purgatorium medicamentum mitte, quo ea quæ prius in aures fluebant, in nares ferantur, & non id quod morbosum est in caput rursus recedat.

21. Cæterum ubi in oculos fluxio processerit, oculi inflammantur & tument. Sic autem affectum hominem medicamento liquido, aut sicco inspersili curare oportet. Si vero statim inflammati fuerint, nihil omnino illine, sed aut fortissimo quam infime urito, aut alio quopiam alvum subducente medicamento attenuato, virando ne vomitum facias. Si vero velut lapilli subtercurrerint, medicamentum illines quod plurimam lachrymam ducere potest, & reliquum corpus humedtabis ac tumidum facies, quo oculi humidiores fiant ac colluantur, ut lachrymam adstrictam ac compactam decurrere facias. Quum autem in oculos paulatim fluxerit, & pruritus fecerit, sic affectum molli medicamento illines, quod siccare potest, simulque modicam lachrymam ducere, & ad nares medicamentum adhibebis, aut singulis diebus, aut alternis eodem utens. Sit autem tale medicamentum, quod non plus quam acetabulum per nares deducat, idque paulatim: quod vero oculis adhibetur resiccet, ut quod oculorum pharmacum resiccarit ac obstruxerit, id ipsum ad nares feratur.

22. Medicamenta caput purgantia, quæ quidem fortia sunt, a toto capite ducunt: quæ vero debilia, ab oculis & hinc a vicinis naso partibus. Si autem a carne & osse, mucos inter os & carnem subsistente, fluxus ad oculos fiat, ex hoc manifestum fit quod inde pro-

fluit. Cutis in capite compressa cedit, & ulcera in capite enascuntur, & oculi lachrymantur, & palpebræ non exulcerantur, nec mordax est fluxus, nec visum hebetat, sed homo ipse acutius videt. Fluxus enim non est falsus, utpote non de cerebro, sed magis mucosus. Hunc sic sanare oportet. Medicamento caput purgandum est non forti, & corpus attenuandum, & cibis & medicamentis infra corpus subducentibus, donec attenuato corpore fluxus resicctur, aut medicamento in nares indito emoveatur. Verum ad ipsos oculos nullum pharmacum adhibendum est.

23. Si vero neque sic sanus fiat, caput siccare, donec ad os perveneris, oportet, non superficialibus, neque transversis aut obliquis fissuris, incussis usquequo ad os ipsum perigeris; frequenter autem secare oportet ut compactus humor citius prodeat per ulcera affluens: & simul ut frequentes sectiones, extensionem carnis ad os faciant. Sic mederi oportet, si huic hoc modo res succedat. Si vero hæc non commoda fuerint, & fluxus non eluitur, ut elutus acute cernere faciat, semper ab incumbente oculi magis splendescentes fiunt, & acutus visus hominis extinguatur. Si in visum, in humorem purum cruentus aliquis humor ingrediatur, huic visus intra oculum non rotundus esse apparet, propterea quod in quocunque inest cruentus humor, id ipsum non apparet, huic itaque deficit ut visus rotundus appareat, & ante oculos aliqua moveri ipsi videntur, & nihil revera videt. Hujus venas visum prementes exurere oportet, quæ videlicet semper pulsant, & inter aurem ac tempora consistunt, & ubi has obturaveris, oculis pharmaca quæ humedtant adhibe, & lachrymam quam plurimam prolecta, quo

quo id quod in oculis compactum est, & morbum facit, eluatur. Si vero oculus rumpatur, mollibus medicamentis & acerbis utendum est, ut ulcus adstrictum in angustum coëat, & cicatrix tenuis fiat. Si autem adhuc humoribus plenus fuerit, lachrymare oculo conducit.

24. At vero quum in thoracem fluxerit, & bilis fuerit, ex hoc manifestum fit; dolor lateris mollitudinem occupat, & claviculam ejusdem partis, & febris adest, & lingua superne pallida ac viridis fit, & exscreat compacta; hujus morbi periculum septima aut nona die instat. Alia bilis. Quum ambo latera doluerint, reliqua autem similia velut in priore fuerint: hæc quidem peripneumonia est: illa vero pleuritis. Hæ autem propterea fiunt. Quum in pulmonem fluxerit ex capite, per guttur, & aortas appellatas appendentes partes pulmonis, pulmo tanquam natura rarus & siccus, trahit in se humorem quantum ejus capere potest, & ubi influxerit major fit: & ubi quidem in totum fluxerit, extremitas ejus major reddita utrumque latus contingit, & peripneumoniam pulmonis appellatum morbum, facit; quum vero alterum tantum, pleuritis id est costalis morbus fit.

25. Peripneumonia multo periculiosior est, & dolores multo fortiores sunt, qui ad laterum mollitudinem & ad claviculas tendunt, & lingua multo viridior ac pallidior, & fauces præ fluxione dolent, & lassitudo fortis occupat, & spiritus sexta aut septima die corripit; hunc si non septima die febris dimiserit, moritur aut suffocatur, aut utrumque. Si vero nona die, duabus diebus interpositis, corripiat, ut plurimum etiam hic aut moritur, aut sup-

puratus evadit. Si vero duodecima die, suppuratus fit. Si quarta & decima, sanus fit. Et quicumque præ peripneumonia aut pleuritide suppurati fiunt, non moriuntur, sed sani fiunt.

26. Suppurati ut plurimum fiunt, quum fluxus in idem velut in bile contingit, sed in bile quidem multum defluit, & ubi defluxit sedatur. Suppuratis vero minus defluit, & non sedatur. Fiunt etiam suppurati, quum minus exscreant quam influit in pulmonem. Hoc enim quod in pulmone consistit, & quod influit, pus fit. Pus in pulmone & in thorace consistens ac congregatum, ulcerat & putrefacit, & postquam exulcerata fuerint, ab ulcerato influit, & quum exscreat, caput simul concussum magis fluit, simulque ex ulcerato in thorace ac pulmone magis fluit, & ulcera agitata refringuntur: ut etiam, si fluxus a capite cesset, is qui ab ipsis ulceribus venit sufficiens sit morbum facere. Fit præterea etiam ab ulcere suppuratus, & levior hic morbus existit. Fit etiam extra pulmonem, maxime quidem a ruptura, & ubi caro contusa fuerit. Juxta hanc enim pus congregatur, & congregatum fluctuat, si quis corpus concutiat, & strepitum facit, & hæc uruntur.

27. Tabes autem fit quum in idem, velut in suppurato, fluxio fit per guttur, & appendentes pulmonis partes, appellatas aortas, quæ pulmonem & guttur continent ac jungunt. Fluit autem in pulmonem frequenter & paulatim, & humiditatem in pulmone non multam facit. Resiccatum enim id quod influit, & in gutture compactum, utpote quod non eluitur, sed paulatim influit ac detinetur, tussim excitat, & in aortis id quod influit detentum, utpote quum angusta foramina aortæ ha-

beant, angustum spiritui locum exhibet, & talem spiritum habere facit, qui velut defectus semper respirare concupiscit. Et in pulmone velut non vehementer humido existente, pruritus contingit. Quum vero multum de capite fluxerit, pruritus in pulmone non fit. Multum enim est quod in ipsum influit, & suppurati ex his tabidis sive phthisicis græce appellatis fiunt, ubi corpus humectius factum fuerit: & contra ubi siccus fuerit factum, ex suppuratis tabidi.

28. Suppurati hoc modo cognoscuntur. Lateris mollitudinem a principio dolor occupat. Quum vero jam pus collectum est, & dolor similiter habet, & tussis fit, & pus excreat, & spiritus corripit. Si vero nondum erupit pus, in lateris mollitudine concutitur, & velut in utriculo strepitum facit. Si vero horum nihil adfit, suppuratus autem fit, ex his conjectare oportet. Spiritum multum habet, subraucosiusque loquitur, & pedes ac genua intumescunt, magis autem ab ea lateris mollitudinis parte, in qua pus est, & thorax concurvatus est, & membrorum dissolutio fit, & sudor per totum corpus diffluit, & aliquando sibiipsum videtur calidus esse, aliquando frigidus: & unguis circumtensi sunt, & alvus calida fit. Ex his suppuratos cognoscere oportet.

29. Porro quum retro in spinam fluxio processerit, huic tabes fit ejusmodi. Lumbos dolet, & anteriores capitis partes vacuæ videntur ipsi esse. Bilis autem periculosa est, si icterus sive regius morbus in oculis accedat, & in unguibus lividitas si fiat: & si corpus ulcera habeat, & partes circa ulcera lividæ sint, & quum sudor non toto corpore erumpit, sed una aliqua

corporis parte, & quum febre adhuc existente excreat ager pallidum viride, aut si dum adhuc in pulmone inest pallidum viride, excreatio cesset. Sic autem quum inest, & non inest, cognoscere oportet. Quum inest, in faucibus respirantis strepit, & spiritus periculosus est, & singultus adest, & febris discedit, excreatione adhuc in pulmone hærente, & alvus debili jam existenti secessum facit. Hæc pleuritis & peripneumoniæ periculosa indicia existunt.

30. Cæterum pleuritidem hoc modo curare oportet. Febris sedanda non est per septem dies. Potu utendum aut aceto mulso, aut aceto & aqua: hæc autem quam plurima offerre oportet, quo humectatio fiat, eaque facta excreationem faciat: & dolor sedandus est calfactoriis medicamentis, & absorbendum dandum est quicquid excreationem facit, & balneis utendum quarta die, quinta autem & sexta oleum illinendum est. Septima lavandum est, si febris demittere non velit, quo præ balneo sudor contingat. Insuperque & quinta & sexta fortissimis utendum est excreatoriis medicamentis, quo septimam diem quam facillime transigat. Si vero neque septima die febris cesset, nona cessabit, si non aliud quid periculosum accedat. Postquam autem febris dimiserit, sorbitiones quam debilissimæ offerantur. Si vero evacuatio oboriatur, siquidem juvenile adhuc est corpus, potus auferendi sunt. Si vero febris dimisit, triticeis sorbitionibus utaris. Et eodem modo peripneumoniam curato.

31. At vero suppuratis caput purgare oportet non fortibus medicamentis, sed paulatim avertere in nares, & simul eduliis ventrem subducentibus uti.

Et

Et quum principium morbi nondum est, sed eo fluxus vertitur ac vergit, excreationem facere, & tussim excitare, & medicamentis infusilibus in nares uti, & cibis simul ingestis. Quum autem excreationem facere oportet, pluribus cibis & salsis ac pinguibus utendum est, & vino austero, & quum sic habet tussis inducenda. Tabidos item eodem modo quod ad reliqua attinet curabis, præterquam quod cibi non multi simul ingerendi sunt, & obsonia non plura quam cibaria frumentacea, & vino inter edendum utendum est aquoso, ut ne calfaciat, & corpori debili existenti caliditatem exhibeat, & simul ambo calfaciant in eodem tempore, & caliditate multum fluxum inducant.

32. Quum porro per gulam fluxus in ventrem processerit, morbus infra fit, aliquando etiam superne. Huic siquidem in ventre dolor inerit, subducendus est primum medicamento aut succo, deinde pharmaco fortiore utendum est, cibis vero alvum subducen- tibus, donec dolor perseveret. Ubi vero dolor sedetur, cibis validioribus utatur. Eodem modo ubi morbus multos dies hæserit curabis. Si vero debilis fuerit, & præ imbecillitate hæc offerri non possint: primum quidem pituitosæ succo per clysterem infuso, alvus eluenda est, post ubi per hunc purgari, aliquo ex adstringentium numero.

33. Quum autem retro in carnem juxta vertebra fluxus illapsus hydro- pem fecerit, sic mederi oportet. Caro in collo inter venas crustis tribus uratur, & ubi usseris, constringatur: & cicatrices quam tenuissimæ inducantur, & ubi fluxum obturaris, medicamen- tum in nares adhibe, ut eo vertatur, & aliud rursus, donec avertatur: &

anteriores quidem capitis partes calta- cito, posteriores vero perfrigerato. Et postquam anterioribus capitis partibus excafactus fuerit, cibos edat quam pi- tuitosissimos, ac minime ventrem sub- ducentes, quo fluxionum meatus in anteriore capitis parte quam maxime dilatentur. Postea ubi obturaris & aver- teris influxionem, si quid prius quam curaris fluxum, in corpus pervenerit, sic mederi oportet. Si quidem magis ad cutem secesserit, externis partibus fomentum adhibebis. Si vero intro ad ventrem, foris autem non conspicuum sit, medicamentum bibendum dabis. Si vero in utranque partem, ab utra- que detrahes. Verum hoc studio ha- bere oportet, ut proximum exitum fa- cias, sive inferne, sive superne, aut etiam alia aliqua corporis parte, ubi exitus sunt.

34. Quum coxendicum morbus a flu- xione fiat, cucurbitam medicam affi- gere oportet, & foras trahere, & non scarificando pertundere: & calfactoriis medicamentis in potu exhibitis intus calfacere, quo exitus fiat tum foras ad cutem per cucurbitæ tractionem, tum intus ad ventrem per caliditatem. Nam quum obturatus fuerit fluxus, & non habeat quo iter faciat, viam ad arti- culos facit, & in id quod cedit influit, & sic coxendicum morbum inducit.

35. Tabes ex fluxione retrorsum. Qui hac affectus est, ei caput est pur- gandum debili medicamento, donec fluxus avertatur: diæta autem utere velut in tabe superiore. Medicamen- tum potandum præbe elaterium deor- sum purgans, & inferne alvum lacte infuso elue, de cætero somentis utere.

36. Quum splen præ febre magnus factus fuerit: (fit autem quum cor- pus attenuatur.) Ex iisdem enim &

splen florescit, & corpus contabescit. Quum autem corpus tenue fuerit, & splen floruerit, & omentum simul cum corpore attenuatum fuerit, pinguitudo in omento colliquescit. Ubi vero vasa pinguitudine vacua facta fuerint, & a splene florente ac augescente in omentum defluerit, utpote vicinum valde existens, & ut vasa habens eaque vacua, excipit, & ubi morbus semel in corpore factus fuerit, ad id quod est morbosum vertitur, nisi quis probe disponat ac curet. Nam etiamsi quis bene tractet, periculo non vacat. Hunc sic sanare oportet. Medicamenta in potu exhibenda sunt quæ aquam purgent, & edulia quam pituitosissima offerenda. Si vero neque sic levior fiat, inurendæ sunt crustæ quam tenuissimæ, & quam maxime in superficie, quo aquam continere possis, circumcirca umbilicum, & una in umbilicum, & emittere singulis diebus. Quum enim morbus periculosissimus sit, in his periclitari oportet. Si enim successerit, sanum facies: sin minus, quod etiam alias futurum erat, id ipsum perpetitur. Cæterum in puero hydropem sic curare oportet. Partes tumidæ & aqua plenæ aperiendæ sunt scalpello, & frequenter ac parum educendum est. Educendum autem est a singulis corporis partibus, & fomentis utendum, & semper locum apertum unde eduxeris calfactorio medicamento illines.

37. Pleuritis sicca citra fluxum fit, quum pulmo valde exsiccatus fuerit præfieri necessaria. Pulmo enim natura siccus existens, ubi amplius quid quam pro natura siccatus fuerit, gracilis fit, & impotens redditus & ad latus præimpotentia reclinatus, latus contingit, & postquam contigerit ipsum humidum existens, cohæret & adglutinatur, &

pleuritidem, hoc est, lateris morbum facit. Tunc vero & dolor fit in latere & in clavicula, & febris, & album excreat. Hunc multis potibus curare oportet, & lavare, & doloris medicamentum præbere, & alia quæ excretionem faciunt. Hic in septem diebus sanus fit, & morbus minime periculosus est, & cibos præbere non oportet.

38. Febres porro propterea fiunt, quum corpore superinflammato carnes intumuerint, & pituita ac bilis conclusa quieverint, & neque refrigeretur quicquam, neque exeat, neque moveatur, neque aliud quid subeat. Quum itaque lassitudo occuparit & febris ac repletio, lavare multa aqua oportet, & oleo illinere, & quam maxime calfacere, quo caliditas aperto corpore, præ sudore egrediatur: consequenter autem hæc facienda sunt per tres, aut quatuor dies: & si non sedetur ac cesset, pharmacum in potu exhibendum est quod bilem educat, & febris refrigeranda est, præterquam si quartana existat. Medicamentum tamen donec corpus floridum est ne propinato, non enim vacuantur, nisi parum, utpote corpore turgente. Quum autem gracilis ac macilentus fuerit, tunc bibendum exhibe, & avacuabitur.

39. Febrienti cibum ne offeras, neque sorbitionibus subtus alvum ducas. In potu dabis aquam calidam, & aquam mulsam, & acetum cum aqua: hæc autem quam plurima bibat. Si enim non frigidus ingressus fuerit potus calidus existens ac manens, ex corpore ægroto detrahet, & vel per urinam ejiciet, vel exsudabit. Undiquaque autem apertum, & respirans, ac motum corpus, id quod conducibile est faciet. Quum vero gracilem existentem febris urat, manifestum est quod non propter

corporis tumorem febris occupet: & si non cesset, nutrire oportet ac tumidum facere: & si neque sic conducatur, palam est, quod non oportuerit febrem inducere. Hunc itaque medicamentum potare oportet quod educat, qua parte febris magis hæret, sive superne, sive inferne: & siquidem superne hæreat, superne, sin inferne, inferne. Nihilo autem minus oportet etiam debiles fortia medicamenta potare, sed similiter: aut solum sic, ut fortibus quidem forte, debilibus vero debile exhibeas. Ardore vero potionibus & sorbitionibus, quemadmodum febrem frigefactorio medicamento exolvere oportet, cammaro videlicet, aut alio quopiam hujuscemodi: & si nauseam contrahat a frigefactorio, calfactoriis utere consequenter. Ubi vero non cesset, frigefactoriis rursus utere.

40. Icterus sive regium morbum sic curare oportet. Quum susceperis nutrito, & balneis, & pinguefacientibus, potibusque ac cibis humectato, per tres aut quatuor dies. Postquam autem humectatum fuerit corpus, purgato & resiccato ipsum, pinguitudinemque repente exhausto, & undiquaque si possibile sit medicamentum adhibens, humiditatem educito, ad caput vero purgatorio debili utitor: & urinam cientia bibenda dato, eaque ante cibos hoc tempore quo turbatam humiditatem purgaveris in potu præbe, ne ab eo tempore corpus nutriatur. Quum vero attenuatum fuerit, etiam balneis purgato, & contusa cucumeris sylvestris radice, eaque in aquam coniecta, inde lavato. Cæterum medicamenta bilem ducentia ne propinato, ne corpus magis conturbes. Ubi vero siccum fuerit id quod conturbatum fuit, nutrito, nullo alvum subducente medicamento, neque urinam

ciente utens, sed vino vinoso, & his quæ rubicundiores hominem faciunt. Si vero viridis ac luteus sit, rursus exhausto, nequaquam vero siccato, ut ne is color stabilis reddatur.

41. Ulcus ferinum in corpus propterea venit. Postquam caro tumida & inflammata circumcirca fuerit, & margines ulceris magni extiterint, & ulcus ipsum humidum, & in ulcere sanies resiccata inerit, aut ulcus constrictum fuerit: sanies computrefaciens ab ulcere defluens, foras prodire a constricto ad carnem ulcere prohibetur. Caro autem suscipit, utpote elevata existens ab inflammatione: & quum in ipsam pervenerit sanies subterfluens, putrefacit, & attollit. Hunc medicamentis humectantibus ipsum ulcus illinere oportet, ut ex humectato ulcere fluxus foras effluat, & non subter carnem. Influencia etiam in ulcus frigefacientibus pharmacis illinenda sunt, quo perfrigerata caro existat, & non dirupta rursus fluxionem immittat. Sed & alia ulcera frigefacientibus oblinenda sunt, & super ipsa humectantia imponenda.

42. Angina, quam cynanchen Græci vocant, a sanguine fit, quum sanguis in venis, quæ in collo sunt compactus fuerit. Sic affectis a venis quæ in brachiis sunt sanguinem detrahes, & simul alvum inferne subduces, quo id quod morbum exhibet detrahatur. Lingua quoque quum magna ulcera habuerit, similiter curanda est. Morbos a principio curare oportet, & siquidem a fluxionibus fiunt, primum fluxiones sedare: si vero ab alia causa, principium morbi sedare ac curare: deinde id quod influxit, siquidem multum fuerit educere, sin modicum, per diætam moderari ac componere.

43. Capitis fracturæ. Siquidem os
fra.

fractum fuerit ac contritum, periculo vacat, & curare oportet hunc humentibus medicamentis. Si vero rumpatur, & fissura fiat, periculosum est. Huic ferram adhibere oportet, ne in ossis scissuram sanies influens membranam cerebri putrefaciat. Nam ut per angustum intrans, non autem exiens, affligit, & furere hominem facit. Huic itaque ferram adhibere oportet, ut sanies exitum habeat, non solum ingressum, ampla ferratura facta. Medicamentis autem utendum quæ humorem in sese trahunt, & lavandum.

44. Febricitanti caput ne purgato, ut ne furiosus fiat, Calfaciunt enim caput pharmaca purgativa: & sane ad caliditatem febrilem accedens ea quæ in medicamento est, insaniam facit. Ex quacunque causa male affligente quis atram bilem revomuerit, moritur qui vulnus habet. Et qui ab evacuatione detinetur, & debilis est, & tenuis existens, derepente siccus subsidit, moritur. Quum a caliditate detento, ulcuscula eruperint debili existenti circum circa livida, moritur. Quum a morbo quopiam detento, debili jam existenti, livida ulcuscula enata fuerint, mortale.

45. Quum quis a medicamenti potu superægotarit, & inferne ac superne ab ipso secesserit, vinum sorbeat, primum quidem dilutum, deinde meracum frequenter, & sanabitur. Medicamentum autem neque evacuativum, neque vomitorium sumat. Bilis ubi sua sponte eruperit, aut inferne, aut superne, difficilius sedatur. Quæ enim sponte procedit, præ violentia corpori facta impellitur. Si vero a medicamento fluat, non a gentilitatis cognatione violatur. Quum susceperis vinosum & vomentem, vomitum ne sedato. Vo-

mitus enim evacuationem sedat: facilius autem vomitus postea sedabitur. Si vero debilis fuerit qui hæc patitur, somnificum medicamentum a vomitu præbebis. Sanguis quum morbum facit, dolorem exhibet: pituita autem gravitatem ut plurimum.

46. Morbum si quis non cognoscat, medicamentum bibendum præbeat non forte. Si itaque levior inde fiat, demonstrata via est, quod gracilitatem inducendo curandus est. Si vero non levior reddatur, sed pejus habeat, contraria facienda sunt. Si non profuerit gracilem facere, tumidum facere conducet, & frequenter permutare, ita ut hoc consilio utaris. Si quis in morbis quid permutaturus est, forti quidem ægroto, debili autem morbo, tum quidem confidenter fortiore quam morbus est medicamento utendum est. Nam etiam si quid de sano abducat una cum debili ac ægroto, nullum detrimentum est. Si vero morbum fortiozem, ægroto autem debilem acceperis, debilibus pharmacis curabis, quæ ipsum morbum superent & abducant, verum ægroto nihil debiliorem reddant. Ars exercitandi corpora, & Medicina contrariæ sunt. Ars enim exercendi corpora (gymnastice Græcis appellata) non opus habet permutatione, sed Medicina. Sano enim non auxiliatur transmutatio ex præsentis statu, verum ægroto.

47. Morbi quicunque ulcera sunt, & super reliquum corpus eminent, eos simul cum medicamentis etiam fame curare oportet. Fluxione ex capite fluente vomitus conducit. Antiqui morbi difficilius curantur quam recentes, verum morbos antiquos primum recentes facere oportet. Ulcus callosum factum, ejecta primum duricia per putrefactorium medicamentum, constringere de-

inde

inde oportet. Pharmaca quæ tumefacere maxime solent, ea pura ulcera adstringunt: quæ vero attenuant, ea purgant. Si vero quis constringat ulcera nondum matura, corpus ægrotum nutrit quod ulcus habuerit. Et siquidem adstringere oporteat ulcus ac implere, tumefacere prodest, etiam si in capite carnem velis. Renutrita enim a cibis caro, propulsat eam quæ a medicamento putrefacta est, & simul cum natura debellat. Verum elevatam, aut levem carnem, cibis gracilem reddere oportet.

48. Tristes anxios & ægrotos, ac se strangulare volentes, mandragoræ radice mane in potu data minore pondere quam quod insanire facit, curabis. Convulsioni sic mederi oportet. Ignis ab utraque lecti parte succendatur, & mandragoræ radix in potu præbeatur minore pondere quam quod insaniam facit. Et ad tendines posteriores sacculi calidi imponantur. A convulsione si febris invaserit, sedatur eadem die, aut sequenti, aut omnino tertia. A ruptura febris non corripit amplius quam tres aut quatuor dies. Si vero corripit, & quis putat se a ruptura habere, ab alia sane quapiam causa corripitur, & non oportet ipsam velut a ruptura curare. Quum homo manibus ac pedibus distentus ac tortus fuerit, insaniam sibiipso facit.

49. Venam porro sic urere convenit commodam ad morbum, ex quocunque tandem quis ægrotarit. Si ustus fuerit homo, & fluxerit sanguis, ita ut hoc non periculosum sit ipsi, ambo hæc facere licet. Si vero perusseris ipsam in dolore, cujus gratia urebatur, non coalescit, verum fluxui prodest. Si enim perusta fuerit, non fluit. Nam postquam perusta est, extremitas utraque

venæ recurrit, qua parte perusta est, & exarescit. Si vero quid relictum fuerit, præ relicto perfluente fluxum humectatur. At si sanguis ex vena fluit, per transversum perurito. Si vero non cesset, ad hæc supra ac infra utrinque dissecato, quo sanguinis fluxus avertatur. Diductum enim facilius est medicamento sedare, quam coacervatum. Doloris in capite gratia, sanguinem de venis detrahit. Si vero non sedetur, & diuturnus sit, perire venas, & senus evadit. Si vero caput purgaveris, magis affliges.

50. Medicinam cito discere non est possibile, propterea quod impossibile est statam ac certam doctrinam in ipsa fieri, velut verbi gratia, qui scribere didicit, juxta unum modum, quem omnes docent, novit, & scientes omnes similiter noverunt, propterea quod idem & similiter factum, & nunc, & non nunc, non potest fieri contrarium, sed semper exacte simile est, & non opus habet occasione. Medicina vero & nunc, & statim, non idem facit, & ad eundem contraria facit, & hæc etiam contraria sibiipsis. Primum alvum subducentia non semper hoc faciunt, & alvum subducentia utrumque faciunt. Fortassis autem neque sic se habent alvum subducentia, velut alvum sistentibus contraria. Restitante enim alvo, propter vehementem stabilitatem corpus intumescit: pituita in ventrem perveniente, sic stabilitas secessum facit. Ubi enim pituita in ventrem ingressa fuerit, evacuatio contingit. Insuper vero alvum subducentia ex natura, stabilitatem faciunt in ventre, siquidem non subducentia feceris: si autem exolvatur & humectetur id quod morbum facit, postquam exolutum fuerit, sanus evadit. Et sic ventrem sisten-

stentia, subducentibus stabilitatem ventris faciunt, & vicissim subducentia ventrem, sistentibus. Eodem modo res se habet circa rubicundos & pallidos. Nam & pituitosa ac tumefaciencia & pallidos faciunt, & boni coloris, itemque attenuantia; utriusque autem medicamentum sunt contraria contrario. Verbi causa, quum intumuerit pallidus existens, exolvitur sane si quod medicamentum attenuans adhibitum fuerit: atque hic tumenti attenuans opitulatur. Rursus autem quod aliquando utilitatem cepit, nunc hic opitulanti opitulatur, quum sane præ gracilitate decolor & pallidus factus fuerit. Si quis enim pituitosum ac tumefaciens medicamentum exhibuerit, pallor sedatur.

51. Insuper vero etiam dolor, & propter frigiditatem fit, & propter caliditatem, & propter valde exuperans, & propter imminutum. Et in perfrigeratis quidem natura extra corpus ad cutem, propter calfaciens valde, dolor fit. In calidis vero natura, propter frigidum: & in siccis natura, si humectentur: & in humidis natura, si resiccantur. In singulis enim quorum natura permutatur ac corrumpitur, dolores fiunt. Sananturque dolores contrariis, idque etiam unicuique morbo proprium est. Nam in calidis natura propter frigiditatem ægrotantibus, dolores calefiunt: & reliqua juxta hanc rationem fiunt. Alius porro modus hic est. Per similia morbus fit, & per similia adhibita ex morbo sanantur. Velut, urinæ stillicidium idem facit, si non fit: & si fit, idem sedat. Et tussis eodem modo, velut urinæ stillicidium, ab iisdem fit & sedatur. Alius rursus modus hic est. Febris quæ propter tumefactionem ex pituita fit, aliquando quidem ab iisdem fit, & seda-

tur, aliquando autem a contrariis. Aliquando enim si quis vult aqua calida lavare, & multum potum exhibere, sanus æger fit, & febris quæ propter tumefactionem facta est, pituitosis ac tumefactionem facientibus oblatis & adhibitis sanescit. Et si quis vult medicamentum bibendum dare, alvum subducens & vomitorium, eodem modo & a facientibus sedatur, & a sedantibus fit. Nam si quis homini vomenti, aquam multam bibendam dare velit, eluentur ea propter quæ vomit, una cum vomitu. Et sic quidem per vomitum vomitus sedatur. Rursus autem propterea quod sedatur, quia inferne procedere ipsi fecit, ex illo id quod intus est vomitum facit, & ambobus contrariis modis homo sanus fit.

52. Et siquidem sic in omnibus haberet, statâ sane ac certa medicina esset. Ita alia quidem contrariis curare oportet, qualia tandem sint, & a qua causa fiant, alia vero similibus: qualia tandem sint, & a qua causa fiant. Hujus autem rei causa corporis debilitas existit. Corpus enim a cibis æqualibus æqualiter nutritur, a corpore vero cibi superantur. Postquam vero plus aut minus in ipsum ingestum est, aut alia quæpiam transmutatio facta est, superatur, superant autem cibi. Et quum sane superatur corpus ab his, quæ ipsi offeruntur, florere hæc ipsa facit: & superant hæc simul corpus, & contraria ipsi faciunt.

53. Et calida lavari, donec quidem corpus superat ejus exhibitionem, florere corpus facit. Quum vero superatum fuerit, gracile corpus facit. Et convivari similiter ut lavari facit. Hæc enim donec superantur, florere faciunt: Ubi vero superaverint, & alvi secessus, & varia vitia inducunt. Quum

autem id quod offertur, transmutatur, necesse est & id cui offertur, transmutare. Etenim corpus transmutatum parum efficax ac potens est, & ab omnibus offensiones percipit. Hoc autem faciunt, & alvum subducentia: & florere ipsum facientia, gracile corpus faciunt, & reliqua omnia contraria his facientia.

54. At vero Medicina brevem occasionem habet: & qui hoc novit, illa stata ac certa habet, & scit quæ consueta sint, & quæ non consueta; (ad quæ cognoscenda non est occasio in medicina) & quod alvum subducentia, non subducentia fiunt, & reliqua quod contraria sunt, & contrariissima non contrariissima. Occasio autem hæc est, ut cibos offeramus ea copia, quantum corpus, cui offeruntur, superare valeat. Nam si quis sic fecerit, omnino necesse est cibum alvum subducentem oblatum, subducentem esse, & pituitosum, pituitosum. Si igitur superaverit corpus ipsos cibos, neque morbus, neque contrarietas fit ex his quæ offeruntur; & hæc est occasio quam medicum nosse oportet. Quum vero occasionem supergressus fuerit, contrarium fit: & antequam ei excessum factum esse putant, consequens est ut caleseat. Donec enim corpus id quod oblatum est superaverit, corpus nutritur. Ubi vero hanc occasionem transmiserit, contrarium fit, nam attenuatur & gracilescit. Sed & alia omnia, & quæ tumefaciunt, donec quidem superaverit corpus, ampliusque pro occasione offeruntur, etiam juxta naturam suam singula faciunt, & pituitosa, sive tumefacientia tumefaciunt: ubi vero occasionem transmiserint, contraria sunt.

55. Medicamenta sunt omnia, quæ præsentem statum transmovent. Omnia

autem fortiora transmovent. Licet autem si velis, medicamento transmutare, & rursus si velis, alimento ac cibo. Omnia vero ex præsentis statu transmutare, ægrotanti opitulatur. Si enim id quod morbum facit non transmoveris, augetur. Medicamenta fortia a natura, in debilibus morbis dare non oportet; neque paucitate medicamenti, debilitas ipsius facienda est: sed fortibus natura, fortibus pharmacis utendum est: debilibus vero, pharmacis non fortibus. Neque partiendum est medicamentum, sed singulis secundum naturam, debilibus quidem debilia a natura, fortibus vero morbis, fortis naturæ pharmaca exhibenda sunt. Cæterum morbi ea parte qua proximi sunt, educendi sunt: & qua parte singulis exitus quam proximus est, extrahendi.

56. Alvum autem subducentia talia sunt, quæcunque lubrica & incisiva sunt, & quæcunque in calidis attenuantur (venter enim calidus est); & reliqua quæ balsuginosa sunt, & quæcunque ex talibus plurimum participant. Contra alvum non subducentia, sed sistencia sunt, quæ flatum exhibent (humida enim resiccata flatum faciunt): & quæ adstringunt, & quæ a calore compacta sunt, & friabilia, & sicca. Omnia autem quæ foris extenuant, intra corpus assumpta tumefactionem inducunt, eadem autem & ventrem sistencia, & pituitosa, ac tumefacientia existunt. Et quæ alvum subducunt ac extenuant, cum calefacientibus eadem sunt. Insuper autem etiam acida pituitosa sunt.

57. Omnia vero quæ frigefaciunt ea, quæ in ventre sunt, talia alvum subducunt. Item quæ frigida sunt, & quæ humida. Quum autem non alvum subducentia fuerint, calfaciunt. Frige-

faciunt autem & calida in ventrem assumpta, & cito secessum faciunt. Si vero secessum non faciunt, calida in ventre existunt. Ex his quæcunque repletionem faciunt, maxime pituitosa sunt. Quæ vero plurima assumpta repletionem non faciunt, alvum subducunt.

58. Medicina itaque mihi jam tota inventa esse videtur, quæ sic habet, & quæ docet singulas & consuetudines, & occasiones. Qui enim sic Medicinam novit, minime fortunam respicit aut expectat, sed & citra fortunam, & cum fortuna, recte faciet. Constans enim ac firma est tota medicina, & doctrinæ optimæ in ipsa compositæ, minime fortuna egere apparent. Nam fortuna sui juris est, & nullius imperio subest, neque optantis est ad ipsam pervenire. Scientia vero imperata facere cogitur, & facile est ipsam feliciter assequi, si quis sciens uti velit. Deinde vero quid opus est Medicinæ fortuna? Si enim morborum medicamenta clara sunt & manifesta, velut

equidem arbitror, non expectant sane fortunam ad sanandos morbos siquidem sunt medicamenta. Si vero cum fortuna exhibere ipsa prodest, non magis medicamenta quam ea quæ non sunt medicamenta, una cum fortuna adhibita sanos faciunt. Quicumque vero fortunam ex Medicina, aut alia quapiam arte expellit, dicitque eos qui probe rem aliquam sciunt fortuna non uti, is contrarium mihi judicare videtur. Mihi enim soli hi fortunate assequi, itemque infortunate non assequi videntur, qui recte quid, & male facere sciunt. Fortunate enim assequi, est recte facere: hoc autem qui sciunt faciunt. Non assequi autem hoc est, si quis non sciat, hoc non recte faciat. Indoctus autem qui est, quomodo fortunate assequi possit? Si quid enim etiam assequatur, non memorabilem sane successum habebit. Qui enim non recte quid facit, non fortunate assequi poterit, quum reliqua quæ æquum est facere non faciat.

H I P P O C R A T I S

D E

F L A T I B U S.



SUNT quædam artes, quæ illis, quibus earum cognitio contingit, multum laboris exhibent: illis vero, qui earum usu indigent, utiles, imo plebeis hominibus commune bonum sunt: his vero, qui eas exercent, plane molestæ. Ex harum artium numero est & ea quæ Medicina appellatur. Medicus enim oculis perlustrat singula pericula, contrectat etiam nul-

la voluptate, & ex alieno malo proprias sibi demetit molestias. Ægrotantes autem artis beneficio, a maximis malis liberantur, a morbis, a doloribus, a tristitia, a morte. Omnibus enim his evidens Medicina auxiliatrix reperitur. Hujus autem artis quæ vilia vulgò putantur, cognoscere difficile est. Quæ vero alicujus precii existunt, facile: atque vilia quidem soli Medici norunt, vulgus ignorat. Non enim

cor-

corporis, sed animi opera existunt. Quæcunque quidem manuum operam exigunt, ad ea consuetudine perveniendum est. Est enim usus ipse egregius manuum exercitator & magister.

2. Verum de non adparentibus & difficillimis ægritudinibus plane opinio magis quam ars ipsa iudicat. In his ergo plurimum refert expertusne sit quis, an omni experientia carens. Unum autem est horum omnium iudicium, hoc scilicet, quæ tandem causa sit morborum, & quod principium ac quasi fons sit, ex quo corporis mala omnia scaturiant. Si quis enim causas corporis affecti probe cognovit, potens est valde ea adferre, quæ corpori commodent, nimirum contraria corporibus morborum natura perspecta. Est enim maxime secundum naturam ipsa Medicina. Quare statim ubi fames molestat, morbus fit. Quicquid enim homini molestiam ac tristitiam infert, hoc morbus vocatur. Quod ergo est famis remedium? hoc scilicet quod famem sedat, id autem facit cibus, eo ergo malum illud medicandum. Amplius autem ubi sitis urgeat, bibere competit: & rursus, repletioni evacuatio, evacuationi repletio, labori quies succurrit, & quietis medelam ex labore reperias: atque ut breviter dicam, contraria contrariorum sunt medicamina.

3. Medicina enim nihil aliud est nisi adpositio & ablatio. Ablatio quidem eorum, quæ excedunt, adpositio vero eorum, quæ deficient: qui autem istud optime facere potest, is optimus Medicus censebitur, quantumque quis ab hoc præstando deficit, tantum deficit quoque ab ipsa arte. Atque hæc quidem præter institutum futuri sermonis a me dicta sunt.

4. Morborum autem omnium unus & idem modus est. Locus vero ipse eorum differentiam facit. Quare videntur quidem morbi inter se nihil simile habere, propter diversitatem scilicet locorum, quum sit tamen una morborum omnium & species, & causa quoque eadem. Quæ autem hæc ipsa sit, in sermonis hujus progressu manifestum facere conabor. Corpora enim omnia tum hominum, tum reliquorum quoque animantium a triplici nutrimento sustentantur. Horum autem nutrimentorum nomina hæc sunt, cibus, potus, spiritus. Ac spiritus quidem qui in corporibus sunt, flatus vocantur: qui vero extra corpora existunt, aër. Qui sane maximus est in omnibus, quæ corpori accidunt & autor & dominus. Quare operæ precium est ejus potentiam diligentius perspicere.

5. Ventus enim ipsius aëris fluctus & unda existit. Quando igitur multus aër fortes fluctus facit, tum & arbores radicitus evelluntur, & mare undis exæstuat, spirituum potentia ita cogente, & naves onerarias etiam & ingentes in altum disjiciente. Talem itaque vim in ista exercet, etiamsi oculis minime sit conspicuus, & tantum consideratione cognoscatur, & effectu suo fiat manifestus. Quid autem sine hoc fit tandem? aut cui rei non adest? Omne enim quod inter cælum & terram est, spiritu repletum est. Hic & hyemis, & æstatis causa est. In hyeme quidem frigidus & condensatus. In æstate autem mitis & tranquillus. Quin & solis, & lunæ, & astrorum omnium cursus per spiritum procedunt. Etenim igni spiritus nutrimentum præbet, quo si ignis privetur, vivere non possit. Et solis perpetuum cursum aër perpetuus & tenuis conservat. Verum neque

mare ipsum spiritus exors esse, omnibus manifestum esse puto. Non enim vivere natantia animantia possent, si non spiritu participarent: quomodo autem participarent, si non per aquam & ex aqua spiritum attraherent? Et lunæ hic fundamentum est, & terræ vehiculum, neque quicquam usquam est spiritu vacuum. Atque hætenus quidem quantum aër aliis commodet diximus.

6. Mortalibus autem vitæ, & morborum ægrotis, solus is est auctor. Tantaque omnibus corporibus spiritus recessitas extat, ut siquidem omnibus aliis abstineat homo, neque cibum sumat, neque potum, possit tamen dies duos vel tres & plures ducere. Si cui vero spiritus in corpus viæ intercipientur, in brevi parte unius diei intereat, ut vel hinc quanto usui spiritus corpori sit liceat æstimare. Amplius autem ab omnibus operibus aliquando immunes quiescunt homines (multæ enim sunt mutationes in vitâ) verum ab hoc opere nulla omnibus mortalibus animantibus requies contingit, ut cessent spiritum adducere, ac rursus exhalare. Vides ergo ex his, quæ dixi, quanta communio omnibus animantibus in fruendo aëre existat. Subjiciam igitur mox & illud, quod non aliunde unquam verisimile sit morbos evenire, quam inde, si is aut plus, aut minus, aut cumulator, aut morbidis sordibus inquinatior in corpus se ingerat. Sed hæc de universa hac re dicta sufficient. Ad ipsa nunc opera sermonem convertens demonstrabo, omnes morbos ex hoc oriundos corporibus innasce ac generari.

7. Primum autem a communissimo morbo febrili exordium sumam, & qui omnium morborum comes est, præci-

pue tamen ex inflammatione & tensione abscessuum. Quod satis indicant sequentia offendicula, statim enim cum inflammatione inguinum abscessus & febris consequitur. Sunt autem febrium genera duo, ut hoc quoque nunc attingam, quorum alterum commune omnibus pestis adpellatur, alterum propter malam diætam privatim his contingit, qui ea utuntur, utriusque autem generis aër auctor & causa existit.

8. Communis ergo febris propterea omnibus accidit, quod eundem spiritum omnes adtrahunt, fitque ut simili corpori similes spiritus similiter permixti similes gignant febres. Sed est fortasse qui dicat, ut quid ergo non omnibus animantibus, sed alicui eorum generi incidunt hi morbi? Cui ego sic responderim, differt corpus a corpore, natura a natura, & nutrimentum a nutrimento. Non enim omni animantium generi eadem aut non conferunt, aut commoda sunt, sed sunt alia aliis magis convenientia. Quando igitur aër ejusmodi inquinamentis plenus est, quibus humana natura offenditur, homines ægrotant. Quando vero alteri cuiquam animantium generi aër inconveniens est, tum morbus illud genus corripit. Qui ergo populares sint morbi, hætenus dictum sit, & quare, & quomodo, & quibus, & unde gignantur.

9. Quomodo autem propter malam diætam febris accidat, deinceps exponam. Est autem mala diætâ hæc. Primum quidem quum quis plures cibos, liquidos aut siccos ingerit in corpus, quam ipsum corpus ferre queat, neque laborem aliquem ciborum saltem multitudini parum adjungit. Deinde quum varios & dissimiles inter se cibos adsumit, seditionem enim movent quæ sunt inæqualia, aliquaque citius, alia dif-

difficilius concoquantur. Cum multorum autem ciborum ingestione necesse est & multum spiritum ingredi. Omnia enim quæ eduntur & bibuntur, spiritus in corpus inferunt, aliquando plures, aliquando etiam pauciores. Id autem inde manifestum fit, quod plurimis eructationes post cibos & potus evenire solent, discurrente nimirum aëre incluso, ubi perierit bullas quibus fuerat inclusus.

10. Quando igitur corpus cibis expletum est, ac spiritus quoque multitudo vehementer excellit, dum cibi & ventri diu immorantur: (immorantur autem cibi quum præ multitudine exire nequeant) & inferior venter vel alvus ipsa sit obturata: per universum corpus permeant flatus, sanguineque plenas corporis partes maxime petentes eas frigefaciunt: frigefactis autem his locis unde fontes & radices sanguinis prodeunt, per universum corpus horror consequitur: universo autem sanguine frigefacto, totum corpus horret.

11. Quæ ratio est, cur primum horrores ante febres corpus concutiant, quantoque majore impetu multitudinis & frigiditatis ipsi flatus præcelluerint, tanto major fit & horror, a pluribus videlicet & frigidioribus fortior, a paucioribus ac minus frigidis, minus etiam fortis. Cum horroribus autem & tremores corporis accidunt, secundum eundem plane modum. Sanguis enim præsentis horrores timore percussus concurrat, ac penetrat per omne corpus ad locos maxime calidos. Hi enim sunt ejus saltus. Decedente itaque ab extremis corporis partibus sanguine, viscera contremiscunt & carnes. Sunt autem quædam corporis partes sanguine plenæ, quædam vero exangues. Exangues itaque propter frigus non tre-

munt, sed parumper commoventur ac palpitant, quum calor ex eis defecerit. Sanguine autem abundantes propter sanguinis multitudinem & tremunt, & inflammationes suscitant. Nequit enim fieri ut sanguinis multitudo conquiescat.

12. Hiatus etiam præcedere solet febres, siquidem multus aër coacervatus, cumulatim superna petens commovet ac diducit os, quum per hoc facillimus ei exitus pateat. Quemadmodum enim ab aquis in lebece ferventibus vapor multus elevatur: sic & corpore calefacto penetrat per os aër convolutus, & quadam vi erumpens. Amplius autem & articuli exolvuntur ante febres, calefacti enim nervi diducuntur. Quando autem congregatus fuerit cumulatim plurimus sanguis, calefit rursus ipse aër, qui antea sanguinem infrigidavit. Nimirum a calore multo victus, accensusque ac velut igneus factus, per omne corpus calorem spargit, cooperante ei in hoc etiam ipso sanguine.

13. Liquefit ergo quicquid ignea vis illa attigerit, fitque inde spiritus. Qui quum ad meatus corporis irruerit, sudores fiunt. Siquidem spiritus compactus in aquam transmutatur, & per meatus penetrans extra prorumpit, eodem plane modo, quo a ferventibus aquis vapor elevatus, si obstaculum habeat, ad quod impingere oportet, pinguefit ac condensatur, guttæque destillant ab his corporibus, quibus vapor ipse fuit impactus. Insuper autem & dolores capitis simul cum febre accidunt, cujus rei hæc causa est. Sanguinis transitus in capite magna angustia coarctantur: repleti enim sunt multo aëre: cujus abundantia ac conclusio dolorem excitant in capite. Sanguis enim ipse natura calidus existens, vi coactus per angustam viam transire celerrime non

non potest, quum multa impedimento sint, obstacula, & oppilationes, quapropter etiam pulsus fiunt circa tempora. Hoc ergo modo, ut dixi, febres fiunt, & cum febribus dolores, ac aliæ quædam ægriitudines.

14. Porro sunt aliquæ aliæ infirmitates, utpote volvuli, agitationes intestinorum, tormina, atque oppilationes: quod autem hæ ipsæ omnes a flatibus causam habeant, nemini puto non manifestum esse. Omnium enim horum causa est spiritus transitus. Nam is quum contingit locos teneros, inconsumptos, ac prius intactos, quemadmodum spiculum infixum penetrans per carnem perumpit, aliquando præcordia petens, aliquando ilia, imo quandoque utraque simul adfligens. Quare solent quidam calida fomenta extra adhibentes dolorem mitigare. Rarefacto enim corpore a calore, fomentum spiritus inde exhalat, ut quies inde aliqua & mitigatio contingat dolorum.

15. Sed dixerit fortassis quispiam, quomodo ergo fluxus generantur per ipsos flatus? Et quonam modo sanguinis rupturarum circa pectus flatus auctor & causa existit? Opinor autem ego me ista per hæc manifeste declaraturum. Quum igitur venæ circa caput aëre repletæ sunt, primum quidem caput ipsum propter flatus inclusos aggravatur, deinde convolvitur spiritus cum sanguine propter angustiam viarum, tenuissimum autem ipsius sanguinis per venas excluditur, atque idipsum tenuissimum liquidum quum coærcervatur, per alios meatus fluit: & ubi tandem cumulatum progrediens constitit, ibi constituitur & morbus.

16. Si itaque ad oculos pervenerit, sequitur eorum dolor: si ad aures, morbus & illas occupat: si ad nares,

gravedinem generat: si ad pectus, raucedinem. Pituita enim ipsa acris humoribus permixta, quocumque proruperit, maxime in non consuetos locos, eos exulcerat. Quod si fauces teneras alias fluxus petiverit, eas exasperat: spiritus enim qui fauces ingreditur, ad pectus usque procedit, ac rursus effertur per eandem viam. Quum autem spiritus ingrediens in fluxum qui intus est inciderit, tussis gignitur, & repellitur sursum pituita. Quæ quum sic habeant, fauces exulcerantur, exasperantur & inflammantur, adtrahuntque calefactæ humorem de capite, caput autem rursus ab aliis corporis partibus adtrahens his transmittit.

17. Quum igitur hic fluxus consuevit sic manare, implentur meatus, & transmittunt in pectus. Acris autem quum sit pituita carnem penetrans, exulcerat ac perfringit venas. Ex quibus sanguis effusus in alienos sibi locos ubi moram traxerit putrescit, ac in pus convertitur, & neque sursum potest conscendere, neque infra exire. Sursum non; nam non facilis est via humoris ad ardua prodire, sicut neque aliis rebus, quæ aliquam admixtam secum habent gravitatem. Infra autem procedere prohibet septum transversum. Quare sane contingit fluxum aliquem citra spiritum rumpi, & aliquando quidem sua sponte, quandoque etiam propter dolores. Ac sponte quidem quum aër in venas ultro receptus sanguinis meatus coarctat. Multitudine nanque sua compressus sanguis meatus perfringit, qua ejus copia maxime prorumpit. Effusione autem ejus facta, venæ rursus spiritu complentur, & ex eo dolor sequitur. Necessè est enim affectum locum spiritu occupari, aliæque dictis similia fieri.

18. Rupturæ autem omnes fiunt hoc modo. Quum violentia quadam invicem discedunt & finduntur carnes, fissuram subtercurrit spiritus, ac dolore adfligit: quum autem ipsi flatus carnes pergressi, meatus corporis rarefecerint, sequitur post flatus humiditas, cui viam jam antea aër præstravit. Irriguo itaque corpore ab humiditate facto, liquefiunt carnes, tumoresque in suras descendunt, atque morbus fit, qui aqua intercus appellatur. Maximum autem signum est, morbum hunc a flatibus generatum esse, quod jam sæpe aliqui hoc malo affecti exoluti sunt, & ab aqua evacuati. Atque his quidem subito aqua ex ventre prorumpens multa adparet, post moram autem paucior fit. Cur vero hoc fiat satis manifestum est. Nam primum subito prorumpens aqua aëre plena est, is tumorem ac acervum præ se fert ingentem: quum autem aëris spiritus evanuerit, remanet plena eadem aqua, & adparet quidem paucior, verum penitus eadem existit. Adjiciam autem aliud adhuc signum. Si quis universum ventrem penitus evacuet, non tres procedunt dies rursus plenus fit. Quid ergo aliud quod impleat putandum est quam spiritus? Quid enim aliud tam repente impleffet? Nam neque tantum potuum in corpus ingestum est, neque carnes in causa esse possunt, utpote antea liquefactæ. Superfunt autem ossa, nervi, chordæ, fibræ, a quorum nullo ullum aliquod aquæ augmentum potest provenire. Ergo quomodo aqua intercus fiat jam sit dictum.

19. Quod vero stupor attonitus vel syderatio a flatibus fiat, deinceps demonstrabo. Quum ergo flatus frigidi multi penetrent ac inflent carnes, partes corporis stupidæ fiunt, & siquidem

plurimi flatus per universum corpus discurrant, totus homo syderatur. Si per partem, pars illa percutitur, atque ubi abierint flatus, cessat & morbus: quamdiu autem permanserint, consistit & morbus, idque sic habere indicat perpetuus syderatorum hiatus.

20. Videtur autem mihi amplius & sacrum adpellatum morbum ab ipsis flatibus gigni: quibus autem rationibus ego persuasus sum, illis ipsis & auscultaturos persuadere conabor. Opinor autem inter omnia, quæ in corpore sunt, nihil magis ad prudentiam conferre quam sanguinem. Hic ergo quum in constanti habitu persistit, consistit & prudentia: sanguine vero permutato, concidit simul & prudentia. Quod autem hæc ita habeant, multa sunt testimonia. Ac primum quidem, qui omnibus animantibus communis est, hæc confirmat somnus. Quum enim corpus invaserit somnus, sanguis frigidat. A natura enim somno frigefaciendi vis est. Infrigidato autem sanguine, languidiores fiunt ejus meatus: quod hinc palam fit, quod corpora adgravata reclinantur, (omnia enim gravia natura ad fundum deferuntur) & oculi ardent, & prudentia permutatur, opinionēsque peregrinæ mentem occupant & exercent, quæ sane insomnia adpellantur. Quin & in temulentis per ebrietatem aucto repente sanguine, percellitur animus, & in animo prudentia, fiuntque præsentium malorum obliviosi, ac futurorum bonorum fœcunda spebeantur. Possem autem plurima ejusmodi congerere, in quibus sanguinis permutationes, animi quoque prudentiam permutant. Siquidem igitur penitus totus conturbatus est sanguis, penitus & prudentia prosternitur. Affectus enim & cognitiones a consuetudi-

ne contingunt: quum autem a consuetudine solita recedimus, aufertur nobis prudentia.

21. Dico itaque & sacrum morbum tum fieri, quum plurimus spiritus per omne corpus universo sanguini fuerit permixtus: tum enim multæ oppilationes fiunt multifariam per omnes venas: quumque in crassiores & pleniores sanguine venas aër prodierit, progressusque diutius maneat, prohibet sanguinis cursum, atque alio quidem loco consistit, alio lentius penetrat, alicubi autem citius. Qua sane inæqualitate transitus sanguinis per corpus facta, omnigenæ inæqualitates per omne corpus contingunt. Omne enim corpus undique contrahitur ac turbatur, nimirum corpore partes suas ad tumultum ac conturbationem sanguinis subministrante: continguntque ex sanguinis perversione, totius omnino corporis subversiones.

22. Eo enim, quo corripuntur a morbo, tempore, neque sentiunt quicquam, neque audiunt quæ dicuntur, neque vident quæ fiunt, neque ullos aliquos dolores percipiunt. Sic nanque aër conturbatus sanguinem turbavit, ac conspurcavit. Spumaque etiam per os illis excurrit, neque id ab re est. Nam per jugulares venas aër transiens, penetrat quidem ipse, adducit autem simul secum quod tenuissimum est in sanguine: id ipsum quum humidum sit, multa permixtione albescit. Tenues enim membranas purus permeans aër pellucet, quapropter & albæ spumæ omnes

adparent.

23. Porro liberantur aliquando huic morbo obnoxii, maxime accedente hyeme. Quomodo autem id fiat, dicam. Quando variis laboribus exercitatum corpus calefactum est, calefit & sanguis, qui calefactus, rursus calefacit & flatus: hi vero calefacti, dissolvuntur: & ipsi & compactum sanguinem dissolvunt simul, proceduntque e corpore partim cum spiritu, partim cum pituita ejeti. Deservente itaque spuma, & consistente sanguine, tranquillitateque per omne corpus facta, quiescit etiam morbus.

24. Quare, ut dixi, flatus ipsi vere omnium istorum morborum omnimodæ existunt causæ. Cæteraque omnia quæ causæ videri queant, vel hos adjuvant, vel consequenter post hos in corporibus morbos generant. Hactenus ergo morborum omnium causas flatus esse demonstravi. Id enim a principio receperam me facturum. Recensui autem spiritum ipsum, quum in aliis omnibus rebus potentem, tum maxime in animantium corporibus plurimum posse. Deduxi autem sermonem usque ad morborum cognitionem, atque adeo ægritudinum singularum, in quibus verum argumentum hujus sermonis est a me manifestatum. Quod si pergerem singula ægritudinum genera recensendo amplius corroborare, longius quidem sermo ipse extenderetur: verus autem nihilominus futurus esset, & qui fidem suam omnibus probaret.

G L A N D U L I S.



DE Glandularum tota natura sic habet. Natura ipsis est spongiosa. Sunt enim raræ & pingues, & neque carnes sunt reliquo corpori si-

miles, neque aliud quid simile corpori, sed friabiles sunt, & venas multas habent. Si vero difseces, sanguis largus erumpit, specie albus & velut pituita. Tangenti autem velut lanæ apparent. Et si multa vi ipsas digitis compresseris, glandula humorem oleosum remittit, qui & ipse conteritur ut plurimum, ac disperit. Ægrotant autem non valde, sed una cum reliquo corpore. Quum vero proprio morbo ægrotant (nam parum etiam cum reliquo corpore ægrotant) morbi tubercula fiunt, & strumæ resultant, & febris corpus occupat. Perpetiuntur autem hæc, ubi humiditate repletæ fuerint, ex reliquo corpore in ipsas influente. Influit autem ex reliquo corpore per venas, quæ per ipsas extentæ sunt multæ & cavæ, ut humor quemcunque tandem traxerint, facile in ipsas sequatur. Et si multa ac morbosa fuerit fluxio, glandulæ reliquum corpus in se distendant, atque sic febris incenditur, & elevantur ac inflammantur glandulæ.

2. Cæterum glandulæ in corpore sunt plures sive majores, in cavis ipsius partibus, quam in articulis, & quæcunque in aliis humectis ac sanguinolentis locis consistunt: atque illæ quidem, ut quod superne in cavas partes influit, suscipientes in se trahant, hæc vero ut

rursus nascentem præ laboribus humiditatem in articulis, si quam articuli remittant, ejus multitudinem susceptent: & sic nimia humectatio in corpore non inest. Nam si etiam quid gignatur humiditatis, non statim nimia humectatio inde successerit. Reflectitur enim & consumitur tum multa, tum modica, in ipsas glandulas: atque sic reliqui corporis redundantiam glandulæ sibi lucrifaciunt, & alimentum hoc est ipsis coalescens. Quare ubi cœnosæ partes sunt & humectæ, ibi etiam glandulæ. Cujus signum est. Quod ubi est glandula, ibi etiam pili. Natura enim facit glandulas & pilos, utraque eadem utilitate participant: illas quidem ut, quod influit, (velut antea dictum est,) suscipiant. Pili vero ex glandulis oportunitatem habentes nascuntur & auferunt, colligentes id quod in extremitates redundat ac effervescent. Ubi autem corpus siccum est, neque glandula, neque pilus inest. At vero teneræ & exercitiis deditæ & humectæ partes, glandulosæ sunt ac pilosæ. Glandulæ porro sunt ab utraque parte juxta jugulares colli venas, & pili etiam ibidem. Item sub alis utrinque & glandulæ & pili sunt. Inguina & pubes similiter ut alæ, & glandulas & pilos habent. Et hæc quidem cavæ corporis partes sunt, & ad humoris redundantiam expositæ. Nam & laborant hæc, & ex omnibus corporis partibus maxime moventur.

3. Reliquæ vero glandulas tantum

habent, velut intestina. Habent enim & hæ glandulas in omentum majores: pilos autem non habent. Nam & in cœnosis ac humectis terræ locis, semen non nascitur, neque supra terram ascendere conatur, sed per redundantiam putrescit ac suffocatur. Violat enim semen. Violat autem & in intestinis copia ac multitudo humoris, & pilos enasci non finit. Glandulæ autem in intestinis majores sunt, quam alibi in corpore: & pascuntur humectationem nimiam ex intestinis exprimentes. Intestina vero ex vasis in omentum suscipiunt ac remittunt humiditatem: omentum autem in glandulas distribuit.

4. Habent præterea etiam renes glandulas. Nam & hi multa humiditate exfatiantur. Majores vero etiam hac parte quam aliæ glandulæ existunt. Influens enim humor in renes non imbibitur, sed perfluit infra in vesicam. Quare quicquid ejus lucrifaciunt de canalibus, hoc ad se trahunt. Sed & aliæ in corpore glandulæ sunt parvæ valde. Verum non volo hunc sermonem longius evagari permittere. Nam earum quæ alicujus momenti sunt gratia, hoc scriptum institutum est. Nunc itaque sermone progressum faciam, & dicam de tota natura glandularum colli.

5. Collum ab utraque sui parte hinc & hinc glandulas habet, & vocantur hæ glandulæ tonsillæ, in hunc usum atque utilitatem. Caput supra situm est, sursum cavum ac rotundum existens, & humiditatem ex reliquo corpore complectens, & corpus simul vapores omnis generis sursum in caput demittit, quos caput rursus retro dimittit. Non enim immorari ac manere potest id quod influit, non habens ubi sedem firmet, nisi sane caput ægrotet. Tunc enim non remittit, sed

isthic retinet. Postquam vero attractionem remiserit, in glandulas fluxio vergit: & nihil molestat, donec pauca & moderata fluxio fuerit, & ipsæ glandulæ validæ ac potentes extiterint. Si enim multa & acris influxerit, manseritque acris & glutinosa, inflammatur ac intumescit, & collum distenditur, atque sic ad aurem progreditur: & siquidem in utramque partem processerit, utraque auris: sin ad alteram, altera tantum ægrotat.

6. Si autem pituitosa, & multa ac lenta fuerit flexio, etiam sic inflammatur: & inflammatio, quum stabilis humor existat, strumas pessimum colli morbum generat. In alas autem etiam nunc quid confluit. Sed ubi copiosi fuerint acres & serosi humores, etiam sic in ipsis tubercula producuntur. Sed & in inguinibus glandula a partibus supra sitis humiditatem trahet: sed ubi multitudo ejus occupaverit, inguina intumescunt, & suppurantur ac inflammantur, similiter ut alæ ac collum. Atque hæc sane tum bona, tum mala glandulæ exhibere videntur: & de his quidem hæc suffecerint. Porro intestina multam satietatem ex cibis ac potibus habent, & præterea humiditatem sub cuticula habent. Sed & hæc tota reflectitur ac consumitur in glandulas, similiter velut superior. Morbos autem non facit fere, quemadmodum in articulis contingit. Frequentes enim glandulæ & expassæ, ac non cavæ sunt, & altera alterius multitudine non multum fruitur, & alias si qua etiam plus habere velit, copiam ejus habere non potest: sed quod in paucas ac singulas confluit in articulis, id in multas hic dividitur, & æqualitas ipsis existit.

7. Caput etiam ipsum glandulas habet, cerebrum nimirum simile glandulæ.

Est enim cerebrum album ac friabile , quemadmodum etiam glandulæ . Et ob id in commoditatem capitis glandulas facit , & per relatas a me cerebrum auxilium ferens humiditatem aufert , & in extremitates foras ablegat , per fluxiones ex magna parte . Majus autem est cerebrum quam aliæ glandulæ , & capilli etiam majores quam alii pili . Majus enim est cerebrum , & in amplo spacio in capite situm est . Facit autem morbos & minores , & majores , quam aliæ glandulæ : facit autem quum in infernas corporis partes redundantiam ac superfluitatem suam ablegarit .

8. Fluxiones porro de capite usque ad secretionem contingunt , per aures secundum naturam , per oculos , per nares : atquæ hæ tres sunt , & aliæ per palatum in guttur , & in gulam , & alia per venas in medullam spinalem , & in sanguinem . Quæ omnes septem numero existunt : hæ fluxiones cerebri sordes ac purgamenta discedentes existunt , & si non discesserint , morbus ipsi inde oboritur . Sic autem & reliquo corpori aliqui morbi accedunt , si intro abierint ac discesserint hæ fluxiones , & non foras . Et rursus turbatio multa oboritur , si hianter ac affatim attrahat , & acrem quidem fluxionem cerebrum demittat , quæ influxiones corrodit & exulcerat . Et si id quod cerebro influit copiosum fuerit , fluxio descendens non desinet , donec multitudinem influentis exhauserit : atque sic id quod influit foras demittens , & aliud suscipiens , ac semper in consimili statu consistens , & humores trahit , & morbos facit . Ambobus autem magno tædio ac molestia naturam frangunt , quæ si fuerit affecta , dolorosa afflictio existit . Affectiones enim naturæ sunt prædictæ fluxiones , & multitudinem moleste serunt , & mor-

sum ac rosionem perceptant , ex eo quod præter rationem & non consuetum existit .

9. Cerebrum autem cladem perfert , etiam ipsum non sanum existens : sed siquidem rodatur , turbationem multam sustinet , & mens desipit , & cerebrum convellit , ac distrahit totum hominem , qui in seipso vocem non edit , ac suffocatur , & hæc affectio sideratio , ac græce apoplexia appellatur . Aliquando vero acris quidem non est fluxio , sed copiosa in cerebrum irruens , ipsum affligit , & mens perturbatur , & homo circumambulat , aliena cogitans , & aliena videns , perferens morbi mores , visis , risu , & peregrinis imaginationibus . Alia fluxio ad oculos ophthalmia Græcis , latine lippitudo appellatur , & oculi in ipsa intumescunt . Si vero ad nares defluxio fiat , arroduntur nares , & nihil aliud grave accedit , nam viæ ipsarum amplæ sunt , & sibi auxiliari possunt , insuperque non compactum est quod ab ipsis discedit . At vero aures intortus quidem meatus & angustus , cerebrum autem prope ipsum ipsis auribus apprimitur . Ægrotans vero hoc morbo , plurima excernit : & auris a frequenti fluxione per tempus vexatur , & pus graveolens effluit . Sic etiam fluxiones ad oculos foris conspicuæ sunt , & non lethales in totum . Si vero fluxio retro processerit per palatum , & in ventrem pituita pervenerit , fluunt quidem horum ventres , non autem agrotant . Si vero inferne maneat pituita , affectiones volvulosæ sunt diuturnæ .


10. Aliis autem si per palatum in guttur multa fluxio contingat , ut plurimum morbi tabis oriuntur ; replentur enim pulmones pituita , atque ea ipsa pus fit , id quod pulmones exedit , & agroti non facile superstites manent , & mens medici (si bonus & prudens est)

ut plurimum causam intelligit. Alius morbus oritur ex defluxione capitis per venas in spinalem medullam. Inde autem in sacrum os impetum facit, quo medulla ipsa fluxionem perducit, & in coxendicum acetabula, sive juncturas deponit: & si tabem fecerit, homo marcescit, atque hoc modo contabescit, & vivere non expetit. Statim enim scapulæ dolent, amboque pedes ac crura consequuntur, & semper tandem pereunt multo tempore curati: atque sic deflorescit homo ac moritur. Hæc mihi de fluxionibus capitis dicta sunt. Sunt autem affectiones cerebri, etiam alii morbi, deliria, insanix, omnia periculosa, & ægrotat cerebrum, & aliæ glandulæ. Habet enim & dolorem, & alius congressus corporis hinc contingit.

11. Quin & glandulæ in pectoribus mammæ appellantur, & attolluntur ac lac faciunt, aliquibus vero lac non faciunt. Et faciunt quidem lac mulieres, viri vero non faciunt. Mulieribus enim rara est glandularum natura, quemadmodum etiam reliquum corpus rarum habent, & alimentum quod in se trahunt, in lac permutant. Et ab utero accedit ad mammas, quod post partum puero cessurum est in alimentum, quod ipsum sane exprimit ac sursum mittit omentum, ad supernas partes ab ipso fœtu coarctatum. Verum maribus locorum angustia, & corporis insuper densitas conducit ad hoc, ut glandulæ non sint magnæ. Mas enim plenus est,

& velut pallium densus, tum ad visum, tum ad tactum: foemina vero rara & laxa, & velut fluida, tum ad visum, tum ad tactum. Quare humiditatem non remittit, id quod est rarum & molle. Mas autem non amplius quid ejus susceperit, quum densus existat ac cohærens & compactus, sed & labor corpus ipsius corroborat, ut non sit locus ubi redundantia ac superfluitates recipiat. Atque hoc modo cogit ac concludit hæc ratio, & pectora & mammas, & reliquum corpus mulieribus laxa ac mollia esse, tum ob ocium ac segnicem, tum ob alia prædicta. Viris autem vice versa.

12. Porro faciunt etiam mammæ tubercula ac inflammationes, lac ipsum putrefacientes. Commoda autem habent superioribus similia, & reliqui corporis redundantiam auferunt: testimonium abunde præbent mulieres, quibus morbus, aut alia quædam calamitas mammas adimit. Nam & vox ipsarum aspera redditur, & humores ingulam feruntur, & multo sputo vexantur, & caput dolent, & ab his ægrotant. Lac enim proficiscens ac influens ab utero, quemadmodum etiam antea in superna vasa transibat, quum propria vasa non habeat, nec reperiat, utpote ipsis per mammarum ademptionem privatum, in principales corporis partes incurrit, cor videlicet ac pulmonem, atque sic suffocantur.



SIGNIFICATIONE VITÆ ET MORTIS,

Secundum motum lunæ & aspectus planetarum.

Præfatio

G U L I D E O L I M O R D I C I ,

Interpretis prisici .



HIPPOCRATES optimus medentium dixit, cujusmodi Medicus est, qui ignorat astronomiam? nemo debet se committere manibus ejus, quia non est perfectus medicus. Novi ergo, quod opus erat scire astronomiam. Ideo inspexi libros Hippocratis, & inveni libellum hunc parvulum, sed optimum, quem qui bene noverit, efficietur magnus Medicus. Est enim valde necessarius Medicis omnibus.

2. Hippocrates: aspice Lunam, quando est plena lumine, quia tum crescit sanguis, & medulla in omni homine, & bestiis omnibus. Idem fit in mari, & cunctis in rebus mundanis. Cum ergo quis inciderit in morbum, tum necessarium est videre, an Luna e combustione exeat. Tum namque crescit infirmitas, donec venerit ad oppositionis gradum. Et cum erit in oppositione, videndum erit, an sit cum malo aliquo Planetarum, vel in malo aspectu, aut aspexerit dominum domus mortis. Nam ex iis poteris scire, utrum morietur, vel vivet, vel diuturnus erit morbus ejus, vel non. Nunc autem videamus naturam omnium si-

gnorum; vires etiam sive posse Lunæ in eisdem.

3. Cum quis in morbum inciderit Luna existente in Ariete cum Marte aut Sole, tum morbus erit in capite propter Solis calorem, utique & gravis, & dolebunt ei pulsus capitis: febres etiam patitur æstuosas, non intermittentes: in præcordiis quoque torquetur, vix loquitur: quia thoracem occupavit vehemens calor; & pulmonem, quod & pulsus vehemens ostendit. Necessarium est ergo, ut huic setetur vena cordis, utque vescatur frigidum alimento & potu, & compescantibus calorem, ut morbus is non vertatur in phrenesim. At si cum Luna fuerit Mars, sive Saturnus, ex hoc morbo morietur æger infra diem septimum, a die, quo Luna fuerit cum Sole per quartum aspectum, & hoc intelligitur Luna crescente. Si vero Luna erit in Ariete infortunata, aspexitque eam ex quarto, vel ex oppositione Saturnus, morbus is erit in capite, & perducet eum ad alienationem mentis, & faciet insanire, variando incrementum & decrementum, eritque morbidus persimilis illi, qui videre

non

non potest. Si vero astronomiam ignoras, hæc non poteris scire, neque cognoscere ejus morbum. Quod si fuerit Luna in diminutione graduum vel luminis, cum revertetur ad primum aspectum Saturni, videlicet, cum dimiserit eum, & per alium aspectum illum aspexerit, morbus mutabit in bonum vel in malum: nam si aspexerit, aliud infortunium, morietur ille: si autem non aspexerit, evadet. Sed cum Luna dimiserit aspectus hos, de quibus diximus, morbum scias recessurum. Tamen, dum Luna non invenerit Jovem aut Venerem per aliquem aspectum, priusquam venerit Luna ad conjunctionem Solis, morbus non recedet, sed stabit, donec Luna venerit in aspectum vel ad oppositionem Solis. Quod si dictos etiam non invenerit Luna, sed Mercurius occurrerit illi, morietur æger. At si Mars invenerit eam, sanabitur, dum morbum produxerit pituita. Et quando languidus primo sentit morbum, dum Luna addit suo lumini & gradibus, & Mars aut Sol fuerit in Ariete, morbus erit in capite, & infania, & abscessus ex pituita orietur in capite, profluetque illi sanguis e naribus. Oportet itaque illum uti frigidis temperatis, indigetque medicina, qua destruitur abscessus. Cum vero Luna fuerit cum Mercurio in loco Solis, evadet infirmus: prius autem erit in magno discrimine; quoniam Mercurius concors fit cum Marte, in eodem negotio. Mars autem non facit sic cum Saturno, & morietur æger, cum Saturnus fuerit in loco Solis. Quod si fuerit cum Luna Jupiter ibidem, vel Mercurius, aut Venus, varius ejus erit morbus. Quando autem Lunam aspexerit Mars vel Saturnus aliquo aspectu, opus est ægro

leni medicina, & mediocri diæta, dum sedeat quandoque, & jaceat quandoque ille in luminoso loco, ut a longe clarum aërem possit videre, utatur & balneo, bibatque aquam frigidam, cum necessarium fuerit, & regas illum, ut tibi videtur salubrius esse.

4. Quando autem quispiam incidit in morbum Luna existente in Tauro, atque eam aspexerit Mars ex opposito vel aspectu quarto, morbus ejus productus erit ex sanguine, is tandem sentit immensum calorem, & siti torquetur, & queritur per noctem, nec potest dormire, & potum vini appetit. Est ergo necessarium illi secare venam, & exhibere pharmacum, quod refrigeret eum, & humedat. Sin fuerit in signo Saturnus cum Luna, aut Venus addens, & non invenerit fortunam, morietur infra novem dies a die, quo incidit in languorem. Quod si Luna addet suo lumini & gradibus, tum demum atque eam Mars aspexerit ex oppositione vel quarto aspectu, & Luna venerit ad Saturnum, & erit Mercurius cum ea, morbus ex frigidis succis erit, vel æger totus frigidus & disruptus erit. Ideo vix loquitur, & pauca profert: habet & ventriculum durum, seu crudum adeo, ut excoquere non valeat alimentum, sed interius ardeat. Propterea is eget solventi medicamine, quoniam morbus is magis particeps est bilis, quam pituitæ. Aspicias etiam Lunam, quando venerit ad locum oppositum illius, in quo fuerat a primordio morbi: quoniam, cum fuerit ibi, magnum periculum, & labor magnus erit ægro. Is ergo morietur, si Luna non invenerit aliquam fortunam, in eodem signo: quod si invenerit fortunam, evadet usque ad dies octo. Quum vero quispiam inciderit in morbum Lu-

na peragrante Taurum, & Mars & Sol erunt in eodem signo, noctu languor erit in thorace; ardebit & lingua, ut combusta, flagrabit ore atque oculis, & egerens raro per alvum balbutiet, & febris ejus causa erit sanguis, sitietque vehementer. Indiget tandem sectione venæ, & medicina solventi. Potus ergo sit frigidus, caveatque a calentibus. Advertes autem, quando Luna fuerit in trino aspectu cum Sole, si morbus decreverit, vivet ille: sin creverit, occumbet, quando Luna erit in oppositione Solis, quod si invenerit Venerem, vel Jovem, non morietur.

5. Si quis inciderit in ægritudinem, Luna existente in Geminis, & aspexerit eam Mars, aut Saturnus ex quadrato vel oppositione, ægritudo ex amissione somni erit, vel ex aliquo mœtore, vel ex plurimis cogitationibus super aliquo negotio. Ideo universo dolebit corpore, & hæc durabit ægritudo ad minus tribus septenis diebus. Postmodum incidet in calorem. Is etiam, dum recubat noctu, extensiones patitur, & dolorem dextri hypochondrii, vel regionis jecinoris. Et si Luna non fuerit cum aliqua ex fortunis, morietur ille spatio dierum triginta. Cum vero Luna erit in Geminis addens suo lumini & gradibus, & Mars aspexerit eam ex quarto aspectu vel oppositione, ægritudo hæc proveniet ex bile rubra, febrietque cum vehementia pullus. Itaque sanguis est minuendus illi, & frigidis alendus edulcis. Quod si fuerit Saturnus in hoc aspectu, & cum Luna nulla fuerit fortuna, vitam perdet ille, quando Luna veniet ad oppositum illius loci, in quo erat, cum incidit in ægritudinem: sin aliqua fortuna aspexerit eum, recipiet valetudinem, etsi magno in periculo

occubitus erit. Si Luna tantum fuerit in Geminis, morbus erit in capite. Tum cavendum est a sectione venarum, neque ei offerenda sunt frigida vel humida, sed offerantur temperata. Advertes etiam, cum Luna fuerit in oppositione Solis, si qua ex fortunis bono aspectu aderit, vivet ille, alioquin morietur. Si vero Luna erit in Geminis, & aspexerit eam fortuna bono aspectu, vivet ille, vel ægritudo mutabitur in alium morbum. Sin autem fortuna dimiserit eam, neque invenerit aliam, donec Luna venerit ad oppositum loci, in quo fuerat a principio, Medicus non potest cognoscere quisnam languidi morbus sit, sed tum evadet, cum Luna erit in prædicta oppositione. Si vero Luna fuerit in Geminis una cum Sole & Marte, hæc erit acutissima ægritudo: lacrymabit ei oculus, pervenietque in phrenesim, & æger ipse de se ipso tum maxime veretur. Nam apparent ante oculos illi diversa phantasmata & imagines horribiles, ejusque pulsus erit valde profundus, adeo ut fere non invenietur, & capite dolebit. Tum ergo vena non est secanda illi, & alendus erit levi cibo & potu, & stratus jaceat in loco temperato. Respicias etiam, cum Luna fuerit in quarto aspectu illius loci, in quo fuerat a primordio morbi, quia tunc morietur. Sed quando Luna fuerit cum Sole & Marte, & aspexerit eam fortuna bono aspectu, & Luna erit addens lumini & gradibus, evadet, cum Luna venerit ad quartum aspectum, in quo ab exordio morbi fuerat. Nec offeres medicam potionem illi, sed præcipies uti leni cibo, & balneo, & in loco altiori sedere.

6. Luna si fuerit in Cancro, cum aliquis inciderit in morbum, & eam

Saturnus aspexerit quarto aspectu vel oppositione, morbus is ex frigidis succis erit ei productus, vel ex balneo, vel de loco humido exeunti. Is nulum odorem tentit, laborat pectore, & tussit, difficilem habens anhelitum & pulsum admodum compressum, queritur de affectibus ventriculi, iliorum, & renum. Eget ergo medicina lenienti pectus, & tussim expugnanti. Si vero Saturnus non fuerit cum Luna, vel eam non aspexerit aliqua fortuna, donec venerit ad quartum aspectum illius loci, in quo fuerat, quando incidit in morbum, is mori debet circa diem decimum. Quod si Lunam aspexerit fortuna, vivet ille cum difficultate & labore. Similiter Luna si fuerit in Cancro, & eam Mars aspexerit aspectu quarto vel opposito, vomitum patietur æger, vel dolorem ventriculi. Is tandem indiget frigefacienti medicamine, & ventriculum reficienti. Quod si Lunam non aspexerit aliqua fortuna conveniens & bona in eodem loco, occumbet, priusquam veniet Luna ad quartum vel ad alium aspectum. Sin autem Luna existens in Cancro cursu esset vacua, morbus is productus est ex potu nimio, ejusque turgent venæ, & distenduntur, noctu valde tristatur, cupitque erectus sedere in altiori loco, dejicit operimenta, non desiderat sermones quosdam, sed frigida tangere. Cum autem Luna venerit ad oppositum Cancri, evadet ille, si bona fortuna eam aspexerit. At si invenerit Martem vel Solem, morbus vertetur ad majorem caliditatem, pulsus ejus non mutatur, quinimo excrementas ostendit, perseverat tandem morbus, dum Luna fuerit, ut diximus, in loco quarti aspectus, vel ad oppositum venerit aspectum. Is tandem noctu timet, ut quid

horrendum videret, propterea & vociferat multum laboriose. Et quando venerit ad trinum aspectum, sanatur. At si non invenerit ibi fortunam bonam, mutatur morbus in aliam ægritudinem. Sed convalescit, quando Luna revertetur ad locum, in quo erat, cum infirmus cœpit ægrotare, sed si ibi non invenerit fortunam, morietur ille. Quod si fortuna aspexerit eam bono aspectu, vertetur ad pristinam salutem. Cum Luna fuerit in Cancro, & Saturnus & Jupiter cum ea, morbus triginta dierum erit ex frigido succo, sed vivet ille. Si vero Luna erit in Cancro cum Saturno, Marte, & Venere, morbus ex lassitudine itineris proveniet, vel ex coitu plurimo, is tandem in strato circumvertitur, & debilis efficitur. Ideo non mittendus sanguis, neque venter ejus est solvendus, sed utendum est eduliis revocantibus virtutem, ut carnibus pullorum & vitulorum, testibusque gallorum, & ovis forbilibus, a frigidis vero fugiendum est. Et cum Luna recesserit ex signo illo, veneritque ad oppositionem, & non invenerit aliquem Planetarum, verendum est: quod si invenerit fortunam, cito restituetur sanitati: quam si non invenerit, morbus crescet, & morietur. Cum Luna fuerit in Cancro cum Saturno, Marte, & Mercurio, tum morbus productus erit ex nimio studio legendi vel scribendi, estque in causa melancholia. Itaque utendum est medicina bilem atram educenti. Quando autem Luna egressa erit de loco illo, & invenerit fortunam, restituetur saluti, cum Luna venerit ad quartum aspectum illius fortunæ. Quod si invenerit aliquod infortunium, mori debet, quando Luna erit in quarto aspectu illius infortunii. Si vero invenerit bonum ali-

aliquem Planetarum, evadet, cum Luna venerit ad oppositum loci, in quo fuerat: sed si infortunium invenerit, morbus fiet magis diuturnus, vel extendetur ad tempus, donec redierit ad locum, in quo fuerat a principio morbi, & restituetur salutem: at si Luna invenerit infortunium per malum aspectum, cum tendit ad oppositionem, demens efficitur languidus. Si vero fortunam invenerit, mutabit morbum in aliam ægritudinem, tamen restituetur salutem.

7. Cum Luna erit in Leone, & Saturnus aspexerit eam ex quadrato vel oppositione, morbus erit propter lienem, dolebit capite, & vomitum patietur, is tandem descendet prope occasum, & febris ejus intensissima: languor vero erit magis internus, quam externus cum defectu lubricitatis ventris. Quod si Luna nullam aspexerit fortunam, occidet ille, cum pervenerit Luna ad quartum aspectum Leonis. At si forte fortuna aspexerit eam, salutem recipiet, cum venerit ad quartum aspectum. Si vero Luna fuerit in Leone, & Mars eam aspexerit ex aspectu quarto vel oppositione, morbus erit ex ubertate sanguinis, is vehementer calefiet, & corripietur duabus febribus. Utatur ergo frigidis & siccis, tum poculentis, tum esculentis. Si Luna fortunam aspexerit bono aspectu, post magnam defatigationem melius: quod si non aspexerit fortunam, deterius erit. Quare si fortunam bono aspectu non aspexerit, certo morietur, quando venerit ad oppositionem loci, in quo fuerat morbus in principio. Si vero prius aspexerit infortunium, quam venerit Luna ad quartum aspectum, morietur. Si vero, Luna existente in Leone, Mars eam prospexerit, vel Sol quarto

aspectu, ardentem visceribus ardebit, pectore & capite dolebit, & pedes manusque habebit frigidus. Huic tandem necessario vena secanda erit, dum non fuerit Luna in signo, quod impedit sectionem: sin autem fuerit, morandum erit, donec Luna venerit ad medietatem sui luminis, & illines pedes languentis linimento, quod tollit frigiditatem. Si Mars vel Sol fuerit cum Luna in eodem signo, morbus procedet ex dolore cordis. Quando vero Luna venerit ad quartum aspectum illius loci, in quo fuerat a primordio, valde timendum erit ægro. Cum autem Luna caruerit dictis aspectibus, & invenerit Jovem in itinere, aut Venerem, priusquam venerit ad quartum aspectum, tum balneandum suadeo, vel in frigido loco standum. Si vero Luna Saturnum invenerit, morbus is vertetur ad vesicam, sed sanabitur, cum pervenerit Luna ad locum, in quo fuerat. Quando Luna invenerit Solem aut Martem, & fuerit cum ea Saturnus vel Mercurius, veniet ad extrema, ut diximus, ex dolore cordis, & erit longus morbus, & timendum erit, ne in phthisin vertatur. Utendum erit rebus temperatis in frigiditate, neque debet jacere in loco lucido. Et erit respiciendum, quando Luna venerit ad quartum aspectum loci illius, in quo erat, cum incidit in morbum. Nam si morbus creverit, erit diuturnus, & morietur: sin minuitur, evadet, cum Luna venerit ad oppositionem. Quod si Luna invenerit infortunium, vivet ille, donec Luna peregerit cursum ad locum usque, in quo fuerat, cum æger incidit in morbum.

8. Cum fuerit Luna in Virgine, & Saturnus invenerit eam ex quarto aspectu, vel eam prospexerit ex oppositione,

qui tum incidit in languorem, ventriculi dolorem patietur, & ventris & intestinorum, vel ei congestum erit apostema ex pituita alba. Is quandoque patietur calorem, & erit illi pulsus debilis. Ejus vero morbum nemo potest cognoscere, nisi fuerit astronomus. Utatur is rebus frigidis & temperatis. Indiget curatione abscessus sine apertione. Morbus is tandem longus futurus est. Sin autem Luna aspexerit fortunam, evadet, sed post multos dies. Quod si infortunium aspexerit, occumbet die quadragesimo. Cum Luna fuerit in Virgine, eamque Mars respexerit, vel Sol ex quarto, vel oppositione, morbus productus erit ex magno interno calore. Huic succedit frequens assellatio, projicit & sanguinem, & venenum, vel humores præferentes aconitum. Pulsus ejus est validus: tamen quandoque non invenitur. Patitur & cordis languorem, & ventriculo laborat. Medicina illi tandem potens negatur, sed stypticum medicamen, & ventriculum roborans detur. Utatur ergo & alimento, & medicamento leni. Quod si infortunium aliquod aspexerit eam, morietur ille, & brevi tempore, ad dies triginta: sin vero, aspexerit eam aliqua fortuna, vivet ille. Cum fuerit in Virgine cursu vacua, ægro stomachus erit debilis, & fluxum quandoque ventris patietur, & lotium, dum mingit, vesicam afficit, vexatque bilis prasina hominem, & cum difficultate mingit. Si fuerit cum ea Mars, vel Mercurius, vel Sol, morbus erit gravis, & vix loquitur, & fluxum ventris patitur. Indiget ergo ventrem stipantibus. Verendum autem est illi, ne occumbat, cum Luna venerit ad oppositionem loci, in quo fuerat ab initio morbi: quam si fortuna aspexerit, vivet ille, sin autem,

morietur. Quod si inveneris Saturnum cum Luna, vel Mercurium, aut Venerem, seu Jovem, hic morbus erit nimium diuturnus, capitis languorem patietur etiam, neque liber erit morbo, donec venerit Luna ad locum, in quo fuerat ab initio morbi.

¶ Luna cum fuerit in Libra, & Saturnus eam aspexerit ex quarto aspectu vel oppositione, morbus productus erit ex nimio potu vini, majorque erit morbus is, cum Luna fuerit in diminutione luminis & graduum. Is tandem afficitur oculis, dolet temporibus, queritur pectore, tussis ex pituita in pulmone concitatur, illi moventur & sternutamenta, afficitur & febre quadam levi. Is demum eget medicina temperata, & regimine vitæ utatur temperato. Sin autem Lunam inspexerit Mars aspectu quarto, vel opposito, morietur ille. Quod si eam non aspexerit, vivet & liber erit, quando Luna venerit ad oppositionem loci, in quo fuerat a principio languoris. Quum autem Luna fuerit in Libra, eamque aspexerit Mars quarto aspectu, vel Saturnus oppositione, morbus erit ex sanguine, & febris erit vehemens & nocturna, prava occurrent somnia, etsi vix poterit dormire, plerunque & apostema congeritur illi ex pituita alba. Is tandem necessario medendus est temperato medicamine. Cumque Lunam non inspexerit aliquod infortunium, evadet ille. Sin autem fuerit oppositum, cum venerit ad oppositionem morietur spatio vigintitrium dierum, vel trigintatrium. Cumque Luna aspexerit aliquam fortunam, sanabitur ille, cum Luna venerit ad oppositionem loci, in quo erat ab initio morbi. Sed cum Luna in Libra fuerit peregrina, æger pedibus, vel manibus labo-

laborat , & febrit , graves oculos , & somnolentos habens , balbutit loquendo . Eget pharmaco , & frigidus vitæ regimine , atque humido . Secunda erit vena illi . Cum Luna egressa fuerit e loco , in quo erat a principio morbi , & invenerit fortunam , vel secum erit , recipiet sanitatem , cum Luna venerit ad oppositionem : sin oppositum acciderit , morietur . Quumque Luna erit in Libra , Solque vel Mars erit in oppositione ejus , gravis erit morbus in capite . Quod si fuerit Mercurius cum Luna , idem erit : tamen oculi ejus opplentur lachrymis . Indiget tandem minutione sanguinis , & solventi medicamine . Tamen si Luna invenerit Jovem ante Venerem , quando egreditur de loco , in quo erat ab initio languoris , sanabilis erit ; sin vero esset oppositum , morietur ille .

10. Cum Luna fuerit in Scorpione , eamque Saturnus aspexerit aspectu quarto , vel erit in oppositione signi illius , in quo quis incidit in morbum , morbus ejus erit ex peccato sanguinis corrupti , vel ex veneno . Quod si Luna erit in diminutione luminis , & non aspexerit eam fortuna , morietur ille . Cum autem erit addens lumini & gradibus , & fortuna aspexerit eam , vivet ille . Tamen dum Luna erit in Scorpione , Marsque eam , & Jupiter inspexerint quarto aspectu : vel oppositione , intentus febrientis erit calor . Is eget temperato pharmaco solventi . Sed cum Luna inde recesserit , postmodum jungitur Jovi , valetudinem recipiet ille . Luna etiam existens peregrina in Scorpione , languoris pedum est causa , morbusque ab initio levis est , neque æstimatur . Ideo fovetur , plerunque & abscessum producit , ejusque & vesica afficitur , inque ejus na-

turalibus apparent pustulæ . Sed Luna cum venerit ad trinum aspectum loci , in quo fuerat ab exordio , calidis afficitur febribus . At si Luna venerit ad Solem per quartum aspectum , & fortunam non invenerit , occumbet ille : si vero invenerit eam , apparebit apostema in aliquo ex dictis locis , tamen vivet ille . Eget autem is medicamento , ut tumor ille aperiat in balneo tantum , quia alius locus nec calidus , neque frigidus convenit . Cumque etiam Luna fuerit in Scorpione , eritque cum ea Mars atque Saturnus , febriens febriet ardentissimis febribus . Propterea sumat medicamenta , quæ minuunt pituitam : sed vena non est secanda illi . Cum Luna egreditur de loco illo , & eam aspexerit fortuna , ad decimam quartam diem morbus protrahetur . Sin autem non aspexerit , durabit morbus usque ad vigesimum diem .

11. Cum Luna fuerit in Sagittario , & eam aspexerit Saturnus quarto aspectu vel oppositione , morbus erit ex phlegmate . Universum enim cor afficitur calore : extrema vero frigida erunt , morbusque durabit , donec Luna Saturno jungetur . Quod si invenerit fortunam , non procedet ulterius , quatenus Luna venerit ad oppositionem illius loci , in quo fuerat ab initio morbi . Cum vero existente Luna in Sagittario aspexerit eam Mars quarto aspectu vel oppositione , & addiderit suo lumini & gradibus , morbum languentis Medicus nequit discernere absque astronomia : quoniam modo de capite , modo de universo corpore , modo quoque & aliter queritur ; quibus ideo afficitur , quia nimium stetit in balneo , & calefactus statim concepit frigus pectore & capite : evomit quoque multum , atque dejicit . Eget ergo

Aspiranti medicamine, sed levi: utatur diata levi etiam & syrupo sine aceto. Cum vero Luna exierit de Scorpione, & Saturnum invenerit, morietur: at si invenerit fortunam, vivet: sed immensam patietur fatigationem. Cum Luna est in Sagittario cum Jove, aut Venere, languor erit propter tussim, cum dolore pectoris: sed quum Luna ex hoc signo egressa erit, & aspexerit eam Saturnus, ad vigesimum quartum, extendetur morbus, & evadet. Is indiget mollienti medicamine, caveat a balneo, quoniam obest.

12. Luna cum fuerit in Capricorno, eamque Saturnus aspexerit ex quarto aspectu, vel ex oppositione, & fuerit in diminutione luminis, & graduum, ex nimio labore sudore perfunditur, & frigore corripitur æger, conclusi sunt humores, & cerebrum concutiunt sternutamenta fortia, laborat ventriculo & thorace: febricit etiam propter nimium exercitium, vel sanguinem. Curetur is rebus temperatis, ut syrupo temperato. Tum si Luna aspexerit fortunam, evadet magno tandem cum labore. Si vero fortuna non aspexerit eam, morietur infra triginta dies. Cum Luna erit in Capricorno, eamque aspexerit Mars quarto aspectu, vel oppositione, morbus erit ex vomitu, atque intenso calore, patietur ventris solutionem, & ventriculus ejus ardebit, & tumefiet ardentem & febriet, plurimo & sudore perfundetur, ejus pulsus non semper erit æqualis. Is ergo eget refrigeranti medicina. Si Lunam aspexerit fortuna, sanabitur ille: sin minus occumbet ad quinquagesimum vel sexagesimum diem. Cum Luna erit in Capricorno cum Marte & Sole, morbus erit ex labore facto juxta ignem, & propter nimiam caliditatem. Ideo fe-

bricit propter motum bilis citrinæ. Caveat ergo a balneo, & non perfundat corpus aqua frigida. Sed quando Luna exierit inde, & venerit ad oppositum aspectum, evadet, & erit dies quartadecima.

13. In Aquario, cum Luna erit addens lumini & gradibus, eamque aspexerit Saturnus aspectu quarto, vel oppositione, languentis morbus erit ex nimio labore, fluit sanguis illi, morbusque aliquando hujus crescit & decrescit. Ideo verendum, ne occumbat in oppositione Lunæ. Quod si mutatur in melius, vivet ille, fortasse ad diem quartumdecimum: sed morietur die quadragesimoprimum. Cum vero Luna in Aquario erit peregrina, morbus erit in visceribus, patitur & febres ardentem diuturnas cum defectu animi: sed quando Luna erit cum Sole, is erat validior. Aspice ergo Lunam, quando egreditur e Sole, si invenerit fortunam, priusquam venerit ad locum, in quo erat, cum incidit in morbum, quia evadet: sin autem fortunam non invenerit, morietur. Cum vero Luna fuerit in Aquario, & Saturnus secum erit, morbus ex melancholia procedet, & est cholera nigra. Quod si Luna erit addens lumini & gradibus, eaque fortunam invenerit, priusquam erit in oppositione loci, in quo ab exordio erat, recipiet valetudinem: at si fortunam non inveniet, occumbet ille.

14. Quando Luna erit in Piscibus addens lumini & gradibus, & Saturnus eam aspexerit ex quadrato, vel oppositione, morbus erit ex frigiditate, cum dolore capitis & ventris. Huic ergo danda est medicina calida, quæ frigus expellat. Si Luna aspexerit Solem, vivet: tamen, postquam sanitatem recuperaverit, venarum & articulorum patie-

patiatur affectus. Cum vero Luna fuerit ibidem addens lumini & gradibus, & eam aspexerit Mars aspectu quarto, vel oppositione, morbi causa erit nimius potus, & cibus: aucta est ergo bilis cum sanguine. Huic secunda est vena. Is vero magis dolebit in die, quam noctu. Cum autem fortuna non aspexerit Lunam in loco, in quo cœpit ægrotare, morietur: sin vero aspexerit eam, sanus erit, cum Luna venerit ad locum, in quo erat ab initio morbi. Cum Luna stante in Piscibus, Venus & Jupiter erunt in eodem

signo, cum incidit in morbum, morbus productus erit ex sudore vel ex nimio potu aquæ. Is tandem laborat oculis, & febrit cum frigore. Ab initio demum sequitur calor. Is eget medicina solventi, & calorem pellenti. Cum Luna venerit ad oppositum loci, in quo fuerat ab initio morbi, recipiet salutem, Cum Luna erit in Piscibus cum Marte, nimius calor internus concitavit febrem. Indiget sectione venæ. Cum vero fortuna Lunam aspexerit, vivet ille: si vero oppositum erit, occumbet.

H I P P O C R A T I S

D E

DIEBUS JUDICATORIIS.



MAGNAM artis partem esse arbitror, de his quæ recte scripta sunt posse considerationem facere ac judicare. Qui enim hoc novit, & his utitur, non videtur mihi in arte multum falli posse. Oportet autem exacte perdiscere unamquamque temporum constitutionem, & quemque morbum, & qui morbus sit bonus, & qui periculosus, aut in constitutione, aut in morbo, & qui morbus longus sit & lethalis: & qui longus, & non perniciosus ad vitam, & qui acutus ac lethalis: & qui acutus, & superesse sinens. Ex his enim ordinem dierum judicatoriorum considerandi ac prædicendi facultas datur: & ex his cognoscere datur, quibus, & quando, & quomodo victum præscribere oportet. Maximum itaque signum in ægrotis qui victuri sunt, si non præ-

ter naturam fuerit febris ardens, & alii morbi eodem modo. Nihil enim horrendum, neque lethale fit in his quæ secundum naturam sunt. Secundum est, si non etiam ipsum tempus simul cum morbo impugnet. Plerunque enim hominis natura, universi potestatem non superat.

2. Postea vero si partes circa faciem gracilescant: & venæ in manibus, & in oculorum angulis, & superciliis quietem habeant, quum prius non quievissent. Huic si vox fuerit debilior, & sit levior, & spiritus rarior ac tenuior, sequenti die remissio morbi contingit. Hæc igitur considerare oportet ad judicationes: & an bifida linguæ pars velut saliva alba obducitur, & an in summa lingua hoc idem factum sit, verum minus. Siquidem igitur parva hæc fuerint, ad tertium diem remissio fit morbi. Si vero aliquanto

cras-

crassior sit saliva, in crastinum. Si vero adhuc crassior, eadem die. Quin & albas oculorum partes in principio morbi denigrari necesse est, si invaluerit morbus. Hæ igitur si puræ fiant, perfectam sanitatem indicant: leniter quidem, tardius: vehementer autem, citius.

3. Cæterum acuti morbi fiunt a bile, ubi in hepar influxerit, & ad caput constiterit. Hæc igitur patitur hepar. Intumescit & expanditur ad septum transversum præ tumore: & statim ad caput dolor irruit, maxime vero ad tempora: & æger auribus non acute audit. Sæpe etiam oculis non videt: & horror, & febris corripit. Atque hæc quidem ab initio morbi ipsi fiunt ex intervallo, quandoque vehementer, quandoque minus. Quanto autem morbi tempus magis progressum fecerit, tanto major fit dolor in corpore: & pupillæ oculorum sparguntur, & obtusè vident: & si digitum admoveris ad oculos, non sentit, eo quod non videt. Quod autem non videat, inde cognoveris. Non enim nitet dum digitus admovetur: & flocos aufert de stragulis, siquidem viderit, pediculos esse putans.

4. Et quum hepar magis expassum fuerit ad septum transversum, delirat: & ob oculos sibi obversari putat reptilia, & alia omnigena animantia fera, & milites armatos pugnantes, & ipse adversus ipsos pugnare sibi videtur, & talia dicit velut qui videat, & egreditur, & minatur si quis ipsum egredi non permittat. Et ubi surrexerit, crura elevare non potest, sed cadit. Pedes autem semper fiunt frigidi. Et quum dormierit, exilit a somno, & insomnia horrenda videt. Hoc autem cognoscimus, quod ab insomniis exilit ac perterretur, postquam ad sanam

mentem rediit. Exponit enim insomnia hæc, qualiaque & corpore fecit, & lingua loquutus est. Atque hæc quidem sic patitur. Quandoque vero etiam voce privatur, per totam diem ac noctem multum acervatum spiritum respirans. Postquam vero delirare cessavit, statim ad sanam mentem redit. Et si quis ipsum interroget, recte respondet, & intelligit omnia quæ dicuntur: deinde rursus paulo post in iisdem afflictionibus jacet. Hic morbus accidit maxime in peregrinatione, & si alicubi desertam viam iverit, & timor ipsum ex spectro corripuerit. Corripit etiam aliis modis.

5. Tetani tres. Siquidem ex vulnere tetanus, sive distentio nervorum antrosum ac retrorsum fiat, æger hæc patitur. Maxillæ congelantur ac rigent, velut ligna: & os aperire non potest, & oculi frequenter lachrymantur ac distrahuntur, & dorsum riget, & crura flectere non potest, neque manus, neque spinam. Quum vero lethalis fuerit, potus & cibi, quos prius accepit, per nares quandoque redeunt. At opisthotonos, retrorsum contingens distentio, reliqua quidem eadem ægro inducit ut plurimum, fit autem quum in cervice tendines retrorsum ægrotarit. Ægrotat autem ab angina, aut ab uva, aut locis circa tonsillas suppuratis. Aliquando etiam a capite febribus accedentibus convulsio succedit. Jam vero etiam a vulneribus. Hic trahitur in posteriorem partem, & præ dolore dorsum ac pectora rigent, & ejulat. Hic convellitur vehementer, ut vix detineatur a præsentibus, ne e lecto excidat. Alius tetanus est minus lethalis prioribus: fit autem ab iisdem, & totum corpus similiter convellitur. Febris ardens prædictis non similiter fit. Urit enim semel,

mel, ut necesse sit febricitare. Sitis igitur multa hominem tenet, & febris vehemens: lingua vero rumpitur exasperata, & sicca fit: & color ipsius primum quidem pallidus est, velut solet: progressu vero temporis nigrescit. Et liquidem in principiis nigrescat, citiores judicationes fiunt: si vero posterius, diuturniores.

6. Coxendicum morbus ex his maxime causis fit in plerisque: si quis diutius in sole versetur, & coxendices fuerint calfacti, & humor qui est in articulis, a calore fuerit resiccatus. Quod autem id quod resiccatur condensatur ac compingitur, hoc magnum signum est. Æger enim articulos vertere ac movere non potest, præ dolore articulorum, & eo quod verticulae sunt compactæ. Dolet autem magis lumbos & verticula ea quæ sunt ex obliquo coxarum, & genua. Consistit autem dolor plurimo tempore in inguinibus simulque coxendicibus, acutus ac æstuosus: & si quis ipsum erigat aut transmoveat, ejulat præ dolore quam maxime potest. Quandoque vero etiam convulsio accedit, & rigor ac febris. Fit autem a bile & pituita: fit etiam a sanguine: & dolores consimiles ab omnibus morbis: & rigor & febris aliquando corripit debilis.

7. Morbus regius acutus est, & celeriter occidens. Color totus malicorii speciem refert, & est vehementer cum virore pallidus, quemadmodum lacerti, cum virore pallidiores: consimilis autem est cutis. Et in urina subsidet velut ervum fulvum: & febris & horror debilis habet. Quandoque etiam stragula habere non sustinet, sed mordetur ac raditur matutino tempore, ubi nondum cibum accepit, internis partibus: deinde viscera plerunque sugunt.

Et si quis erigat ipsum aut alloquatur, non sustinet. Hic ut plurimum moritur intra quatuordecim dies. Has autem, ubi effugerit, sanus fit.

8. Peripneumonia talia facit. Febris vehemens tenet: & spiritum densum ac calidum respirat: & anxietas adest, & impotentia, & jactatio, & dolores circa scapulas, & claviculas, & mammam: & gravitas in pectoribus, & delirium. Quandoque vero doloris exors æger est, donec tussire inceperit. Verum hic morbus diuturnior ac difficilius illo est. Salivam autem albam & spumofam primum sputat. Lingua flava est, verum progressu temporis nigrescit. Siquidem igitur in principio nigrescat, citius morbus finitur: si vero posterius, tardius. Tandem vero etiam rumpitur lingua: & si digitum apponas, inhæret. At liberationem a morbo significat lingua, similiter velut in pleuritide. Hæc autem patitur æger minimum diebus quatuordecim: ad summum una & viginti: & tussit hoc tempore vehementer: & una cum tussi purgatur: primum quidem saliva multa ac spumosa. Septima vero & octava die, ubi febris in vigore fuerit, & humida sit peripneumonia, crassior: sin minus, non. Nona vero & decima, cum virore pallida ac suberuenta. Duodecima autem usque ad decimam quartam, multa & purulenta. Atque hoc in his contingit, quorum naturæ & corporis affectiones humidæ sunt, & morbus fortis est. Quorum vero & natura, & morbi constitutio sicca est, in his minus.

9. Cæterum de judicatoriis diebus, etiam jam ante a me dictum est. Judicantur autem febres quarta die, septima, undecima, decimaquarta, decimaseptima, vigesima prima. Ex his autem

autem acutis quædam etiam trigesima: serint, diuturna jam febrium constitutio fit. deinde quadragesima, postea sexagesima. Quum vero hos numeros excess-

H I P P O C R A T I S

D E

JUDICATIONIBUS.



DE Judicationibus quæ cito ad melius tendunt, plerumque eadem signa sunt, quæ etiam sanitatis. Sudores enim optimi sunt, & celerime febrem sedant, qui in judicatoriis diebus fiunt, & febrem perfecte summovent. Boni quoque sunt qui per totum corpus oborientes, morbum facilius ferre faciunt. Qui vero nihil horum faciunt, incommodi sunt. Denari vero oportet alvi egestionem, morbo ad judicationem tendente. Sit autem subfulva, & non valde graveolens. Commodum est & lumbricos exire ad judicationem. Urina autem optima est, quæ habet albissimam subsidentiam, & lævem ac æqualem, per totum tempus donec judicatus fuerit morbus. Significat enim securum ac brevem fore morbum. Si sudore oborto morbus deficiat, & urina fulva albam subsidentiam habens conspiciatur: his eadem die recidiva febris fiet, atque hæc quinta die citra periculum judicatur. His qui in brevissimo tempore sani evadent, omnia maxima signa fiunt. Nam magis sine dolore degunt, & extra periculum, & noctu dormiunt, & alia signa secunda præ se ferunt.

2. Quibus in febre non lethali capitatis dolor, & alia signa circumstant, in his bilis dominatur. Quibus inceperit

dolor primis diebus, & quarta ac quinta magis premuntur, hi septima a febre liberantur. Febres judicantur in iisdem numero diebus, ex quibus & superstites evadunt homines, & ex quibus pereunt. Etenim placidissimæ febres, & signis securissimis contingentes, quarto die desinunt, aut prius. Lethalissimæ vero & signis horrendissimis contingentes, quarto die aut prius occidunt. Primus igitur ipsarum insultus sic desinit. Alter ad septimum deducit. Tertius ad undecimum. Quartus ad decimumquartum. Quintus ad decimumseptimum. Sextus ad vigesimum. Atquæ hæc in acutissimis morbis, per quatuor ad viginti appositiones fiunt. Non potest autem quicquam horum integris diebus exacte numerari: neque enim anni ac menses totis diebus constant.

3. In febribus ardentibus bona signa apparentia, qualia in sanis scripta sunt, siquidem minora fuerint, ad tertium diem remissionem indicant: crassiora vero, in crastinum: crassa autem, eadem die. In febribus ardentibus si posterius septimo die morbus regius accedat, indicium est sublatis sudoris. Nam morbus non solet exudare, neque usquam alibi abscessum facere, sed sanus fit. Necessè autem est ubi calor febris discessit, & humorem in seipsum attrahit,

xit, febrī contingere judicationem, per urinas prodeuntes, aut etiam alvi egestiones, aut sanguinis ex naribus fluxum, aut mictionem multam, aut per multam humiditatem, sudorem, aut vomitum. Mulieri vero etiam per menses viam. Maxime igitur hæc judicationem faciunt, & quicquid his propinquum contingit. Facit autem & alias judicationes, sed minus quam has. Si vero septimo die morbus regius accedat, aut posterius, in febre ardente, & difficilis multi sputi secessus, tum in ardentibus, tum in aliis febribus: si nullo talium signorum contingente dimiserit febris, necesse est tales judicationes pro illis fieri, aut magnorum tuberculorum abscessum, aut dolores ex abscessu vehementes, aut colliquationes humorum ex calore.

4. Judicationes & remissiones eorum quæ febrem ardentem significant, longiorem morbum faciunt. Si vero fortia fuerint, mors plerumque sequitur. Reliquæ vero ardentes securæ desinunt septimo aut decimoquarto die. Solet autem & ad lipyriam devenire, & detinet maxime quadraginta dies, & in epialam transit: & lipyria eadem quoque die corripit ac dimittit. Fit autem & capitis dolor. Si vero lipyria non dimiserit in quadraginta diebus, sed producta fuerit, & dolor habuerit caput, & deliret æger, ipsum purgato. Desinente vero febre ardente si accedat morbus regius, non solet amplius exudare, neque usquam alibi abscessum facere, sed sanus fit. Tertiana in septem circuitibus plerumque judicatur. Quibuscumque in febribus intolerabilibus septima, aut nona, aut decima-quarta morbus regius accedit, bonum: si non dextrum præcordium durum fiat: sin minus, ambiguum. Acuti morbi

Tom. I.

in quatuordecim diebus plerumque judicantur. Sudores febricitanti si fiant tertia die, & quinta, & septima, & nona, & undecima, & quartadecima, & vigesimaprima, & trigesimaprima, hi sudores morbos judicant. Qui vero non sic fiunt, dolores significant.

5. Concoctiones urinarum paulatim maturescunt, si in judicatoriis diebus concoctæ fuerint, morbum solvunt. Exemplum urinarum ulcera facere oportet. Nam ulcera si repurgantur pure albo, celerem curationem indicant. Si vero in saniosos humores transmutentur, maligna fiunt. Eodem modo & urinæ significant. Si ex dolore tenues fiant, ex occasione ratiocinari oportet, ex qua morbus accessit, & hanc inspicere ubi sedatur. Nam hac deficiente, aliis signis qualia conveniunt accedentibus, non putandum est morbo liberationem contingere. Si doluerit caput, & ex hoc febris accedat, & hinc non sedatur: dolore non cessante febris non judicatur: & plurima talia judicationis longæ sunt ad melius, etiam in his quæ ad sanitatem tendunt. In præcordiis tumores molles, & doloris exortes, & ad contactum cedentes, diuturniores quidem judicationes faciunt, minus autem horrendas tuberculis his contrariis. Eodem modo habet & de tuberculis in reliquo ventre.

6. Ex urinis siquidem id quod mixtum est, purum fuerit: subsidentiam vero albam ac lævem habuerit, diuturnior fit morbus, & minus quam optima secunda est hæc urina. Si vero & urina subrubra fuerit, & subsidentia subrubra ac lævis: diuturniorem quidem hæc morbum quam prior significat, sed valde salutarem. Quicunque podagrici morbi fiunt, hi in quadraginta diebus ab inflammatione liberi

Gc

se.

fedantur. Sed in his pleraque longæ judicationis ad melius sunt. Quæ ad mortem tendunt, in die ac nocte judicantur, quæ videlicet debilitationis signa sunt, velut epoti medicamento, exturbationis alvi & sursum & deorsum, anxietatis, & aliorum hujusmodi. Si igitur horum signa in die ac nocte submoveantur, bene est. Sin minus, lethalia esse putanda sunt. Sudores pessimi sunt frigidi, & circa cervicem contingentes. Hi enim mortes, & morborum longitudinem præsignant.

7. Alvi egestiones variæ, diuturniores quidem sunt nigris & aliis lethaliibus egestionibus, nihilo vero minus perniciosæ. Sunt autem tales, ramentosæ, biliosæ, cruentæ, prasinæ, nigrae: & aliquando simul omnes prodeunt, aliquando singulæ particulatim. Urina si quandoque pura mista fuerit, quandoque subsidentiam albam ac lævem habens, diuturnæ tales sunt, & minus securæ quam optima urina. Si vero fulva ac tenuis fuerit urina multo tempore, periculum est ne sufficere homo possit, donec concocta fuerit urina: & si alias superstitis futuri signa fuerint, his abscessum affore expecta ad locos infra septum transversum. In febribus si mutationes habeat urina, diuturnitatem temporis significat, & necesse est ægrotum mutari & ad deteriora, & ad alteram partem. Si urinæ ab initio non similes fuerint, sed ex tenuibus crassæ fiant, & penitus tenues, tales ægre judicant, ac inconstantes sunt.

8. Frigidi sudores cum acuta quidem febre, lethales sunt: cum mitiore vero, longitudinem morbi significant. Et ubi in corpore caliditas aut frigiditas, hic morbus est, & ibi in toto corpore mutationes repentinæ fiunt: & si corpus perfrigeretur, aut rursus cale-

fiat, aut color alius ex alio transmutetur, morbi longitudinem significat. Si febricitanti sudor accedat, febre non deficiente, malum: prolongatur enim morbus, & humiditatem significat. Febricitanti frigidi sudores accedentes, longam febrem significant. Sudor multus intemperate oboriens sano, morbum significat, æstate minorem, hyeme majorem. Alvi egestiones si in idem concedere ac consistere permiseris, velut ramenta subsident: si pauca, modicus est morbus: si multa, multus: his infusum per clysterem adhibere conducit. Quibus vero in egestione inferne bilis atra subsidet, si copiosior, major est morbus; si paucior, minor. Si venæ pulsarint, & facies sana fuerit, & præcordia non mollia, sed in tumorem elevata, diuturnus est morbus, & absque convulsione non solvitur, aut multa sanguinis ex naribus fluxione, aut vehementi dolore. Et palpitationes in manibus, diuturnæ febris signum sunt, aut brevis judicationis in deterius: & in his pleraque quæ ad mortem tendunt. His qui brevissimo tempore perituri sunt, maxima signa ab initio fiunt. Nam & difficulter spirant, & noctu non dormiunt, & signa periculosa præ se ferunt. In febre continua si quis quarta die & septima affligatur, & undecima non judicatus fuerit, plerumque perit. Quicumque a distentione antrorsum ac retrorsum corripuntur, in quatuor diebus pereunt. Si vero hos effugerint, sani fiunt. In febribus ardentibus si accedat morbus regius, & singultus quinto die, lethale est.

9. Recidivæ fiunt in his, quibus febribus desinentibus vigiliæ fortes accedunt, aut somni turbulenti, aut corporis robur, aut dolore uniuscujusque mem.

membri : & quibus febres sedantur , neque signis solutoriis contingentibus , neque in judicatoriis diebus : & si deficiente febre , & sudore accedente , urinam fulvam minxerint , albam subsidentiam habentem , his febris recidivam eadem die expectata . Hæ vero recidivæ quinto die judicantur extra periculum . Et si ex judicatione facta urinam rubicundam , rubram subsidentiam habentem minxerint , etiam his recidiva febris fit eadem die : & pauci ex hac servantur . Quum recidit febris ardens , plerumque etiam exudat . Et si revertens tot diebus detineat quot prius , etiam tertio recidivat , si non impari die dimiserit reversa .

10. Plerumque si crudæ sint urinæ , & alia signa non secundum rationem eveniant , morbus in die judicatoria recidivat . Quandoque vero etiam revertitur in die judicatoria , his talibus relictis . Abscessus circa aurem quibus circa judicationem oborientes non suppurantur , his submotis recidiva fit juxta recidivarum rationem , similis circuitui : in his spes est ad articulos abscessum fieri : aut urina crassa , qualis est alba in quartanis delassatoriis , liberat ab abscessu . Quibusdam vero horum etiam sanguinis e naribus eruptiones fiunt . Hæc autem sanguinis eruptio quartanas non solvit , neque morbos , qui per alvi egestiones sanari solent . Atrabiliis cum phrenitide occupatis , si hæmorrhoides oborientur , bonum est . Quicumque insaniant sua sponte liberati ex morbis , his insaniam solvit dolor ad pedes progressus , aut ad pectus , aut tussis vehemens oborta . Si vero horum nihil fiat , insaniam soluta oculi privatio contingit . Qui lingua offendunt , & labiorum non sunt potentes , si hæc sedata fuerint , suppu-

rati fiunt . Dolorem in locis infernis fortem solvit aut surditas , aut sanguis multus e naribus erumpens .

11. Insania , magni morbi ex more contingentis solutio . Quibus in febribus ardentibus coxarum dolor , oculorum distortio , aut cæcitas , aut testium tumores , aut mammarum elevatio , febrem ardentem solvit , aut etiam sanguinis ex naribus fluxus . In febre ardenti si insuper corripit rigor , exudare solet . A febre ardente occupato , rigore accedente , solutio fit . Quibus in febribus ardentibus tremores oboriuntur , mentis emotio solvit . Quibus in febribus aures obiturduerunt , his , non soluta febre , insanire necesse est . Solvit autem sanguis ex naribus erumpens , aut alvus biliosa egerens , aut dysenteria accedens , aut coxarum , aut genuum dolor . Quibus febribus rigor accedit , febris solvitur . Quibus dolores fiunt derepente , præcordium elevatum est superne : & si circa spuriam costam graves dolores fiunt , his solutio fit venæ sectio , & purgatio deorsum . Non enim corripit febris vehemens locis impotentibus . In his , qui ab hydrope detinentur , si aquositas per ventrem ad vesicam aut ventrem fluat , solutio fit . Si a pituita alba occupato , alvi profluvium vehemens accedat , solutio fit . Qui ab alvi profluvio multo tempore detinentur una cum tussi , non liberantur , si non dolores vehementes in pedibus inciderint . Si vero vult commutatio ac correctio naturæ fieri , postquam non amplius alvus profluit , aut inanem omnem egestionem habuerit , flatus foras prodeuntes accidunt . Nullum itaque humorem manifestum habent . Quare ei , qui ita habet secure exhibere scies ea quæ conveniunt .

12. Et si volvulus accedat, vinum frigidum multum meracum paulatim bibendum dato, donec somnus, aut crurum dolor fiat. Solvit autem & febris, aut dysenteria. Caput circumcirca dolenti ac ægrotanti, si pus per aures, aut per nares fluxerit, solvit morbum. Quibuscumque sanis derepente dolores oboriuntur in capitibus, & statim voce privantur, ac stertunt, hi in septem diebus pereunt, si non febris

corripuerit. Caput circumcirca dolenti, quicumque ex supernis locus doluerit, cucurbitam affige. Solvit dolor ad coxas, & genua, & anhelatio, quicquid horum factum fuerit. Lippienti, ab alvi profluvio corripit, bonum est. A convulsione aut distentione nervorum vexato, febris accedens solvit morbum. Si a febre detentum convulsio corripuit, sedatur febris eadem die, aut postridie, aut tertia die.

H I P P O C R A T I S

P R Æ N O T I O N E S.



EDICUM prænotationem adhibere, optimum esse mihi videtur. Prænosces enim & prædicens apud ægrotos, & præsentia, & præterita, & futura, & quæ ipsi ægroti delinquant exponens, fidem utique fecerit, quod ægrotorum res magis cognoscat, quare audebunt homines seipsos medico committere. At vero curationem optime fecerit, ubi prænoverit futuras affectiones. Sanos equidem facere omnes ægrotos impossibile est; hoc enim præstantius esset, quam prænoscere in posterum eventura. Quandoquidem vero homines moriuntur, alii priusquam medicum vocent, præ violentia morbi: alii vero accito etiam medico, derepente vita decedunt: quidam ubi unam vixerunt diem, quidam tempore paulo diutiore, antequam medicus per artem adversum singulos morbos repugnet: itaque nosse oportet talium affectionum naturas, quantum corporum vires excedunt. Simul vero & si quid divini in morbis inest, etiam hujus prænotationem ediscere. Ita enim meri-

to admirationi fuerit, & medicus bonus extiterit. Nam quos superstites manere possibile est, eos adhuc magis recte conservare poterit, ex multo tempore antea consilium adhibens ad singula: & tum morituros, tum servandos, prænosces ac prædicens, a culpa exors fuerit.

2. Considerare porro hoc modo convenit in morbis acutis, primum quidem faciem ægroti, an similis sit his quæ in sanis sunt, maxime vero an ipsa sibi ipsi. Ita enim optima fuerit. Si vero maxime contraria simili fuerit, horrendissima est: talis autem fuerit, nasus acutus, oculi cavi, tempora collapsa, aures frigida ac contractæ, & extremitates aurium aversæ, & cutis circa frontem dura & circumtenta ac arida, & color totius faciei pallidus, aut etiam niger, & lividus, aut plumbeus. Siquidem igitur in principio morbi facies talis fuerit, & nondum ex aliis signis conjecturam facere licuerit, interrogare oportet, num vigilaverit homo, aut alvi excrementa valde liquida sint, aut fames aliqua ipsam te-

neat.

neat. Et siquidem horum aliquid confiteatur, minus grave esse putandum est. Judicantur autem & cognoscuntur talia in die ac nocte, si ob has causas facies talis fuerit. Si vero nihil horum esse dicat, neque in prædicto tempore confidat, nosse convenit morti proximum esse. At si vetustiore existente morbo, aut triduo, aut quatruiduo, talis fuerit facies, de his interrogare oportet, de quibus etiam prius iussi: itemque alia signa considerare, & in universa facie, & in corpore, & in oculis. Si enim lucem fugiant, aut involuntarie lachrymentur, aut distorqueantur, aut alter altero minor fiat, aut albas partes rubentes habeant, aut venulas lividas, aut nigras in ipsis habeant, aut lemæ ac sordes circa oculos appareant, aut etiam instabiles, aut eminentes, aut cavi vehementer facti, aut squallentes & obscuri fuerint, aut color totius faciei alteratus fuerit: hæc omnia mala & perniciose esse putandum est.

3. Considerare vero convenit etiam oculorum subapparitiones in somnis. Si enim albæ quid partis subapparuerit, palpebris non commissis, si id non ex alvi profluvio, aut medicamento potione fuerit, aut ægrotus non ita dormire consueverit, malum signum & valde lethale est. Si vero retorta, aut contracta fiat, aut livida, aut pallida palpebra, aut labium, aut nasus, cum aliquo ex aliis signis, morti proximum esse sciendum est. Lethale est etiam habere labia resoluta, & pendentia, & frigida, & albicantia facta. Decumbentem ægrotum a medico deprehendi convenit in latus dextrum aut sinistrum, & manus, & collum, & crura modice inflexa habentem, & totum corpus flexibile situm. Ita enim plurimi ex

sanis decumbunt. Optimi autem sunt decubitus, qui sanorum decubitibus similes existunt. At vero supinum jacere, & manus, & collum, & crura extenta habere, minus bonum est. Si vero etiam pronus fiat, & de lecto ad pedes delabatur, magis horrendum est. Si vero nudos quoque pedes habere comperiat, nec admodum calidos: & manus, & collum, ac crura inæqualiter disiecta, ac nuda, malum est. Anxietatem enim significat. Lethale est & hiantem semper dormire: & crura supini jacentis valde incurvata esse ac complicata.

4. At in ventrem decumbere, si quis non sit adfuetus, dum sanus fuit ita dormire, delirium significat, aut dolorem locorum circa ventrem. Cæterum erectum sedere velle ægrotum in morbi vigore, in omnibus morbis acutis malum est: pessimum autem in peripneumoniacis pulmone inflammato. Dentibus stridere in febribus, quibus non familiare id est a pueris, furiosum ac lethale est. Verum prædicere oportet ab utrisque periculum futurum. Si vero etiam delirus hoc faciat, perniciosum valde jam existit. Ulcus autem sive prius factum fuerit, sive in morbo accesserit, considerare oportet. Si enim periturus est homo, ante mortem lividum ac siccam erit, aut etiam pallidum & siccum. At de manuum latione ita sentio. Quæ in febribus acutis, aut peripneumoniis, aut in phrenitide, aut capitis dolore, ante faciem feruntur, & frustra venantur, & festucas legunt, & fiocos de vestibis evelunt, & de pariete paleas detrahunt, eas omnes malas & lethales esse. Spiritus densus dolorem significat, aut inflammationem, in locis supra septum transversum. Qui vero magnus expi-

ratur,

ratur, & per multum temporis intervallum, delirium indicat. Si vero frigidus e naso & ore exspiretur, valde jam perniciosus est. Bonam autem spirationem valde magnam vim habere ad salutem, in omnibus acutis morbis putare convenit, qui cum febribus sunt, & in quadraginta diebus judicantur.

5. Sudores optimi sunt in omnibus acutis morbis, qui in diebus judicatoriis fiunt, & febrem perfecte submovent. Boni vero sunt, qui per totum corpus contingentes, hominem facilius morbum ferre faciunt. Qui vero tale quid non effecerint, incommodi sunt. Pessimi autem sunt frigidi, & tantum circa caput & faciem oborientes, & circa cervicem. Hi enim cum acuta quidem febre, mortem præsignificant: cum mitiore vero longitudinem morbi. Et qui per totum corpus fiunt, similiter significant his qui circa caput. At vero miliiformes, & solum circa colulum contingentes, mali sunt. Qui vero cum guttis fiunt, & evaporant, boni sunt. Considerare porro convenit sudores in summa: fiunt enim aliqui propter corporum exolutionem, aliqui propter inflammationis vigorem. Præcordium optimum est doloris exors, & molle, & æquale, tum in dextra, tum in sinistra parte. At inflammatum, aut dolorem exhibens, aut dextræ partes inæqualiter affectæ ad sinistras: hæc omnia observare oportet. Si vero etiam pulsus inerit in præcordio, turbationem significat aut delirium. Verum oculos talium insuper intueri oportet. Si enim oculi frequenter moveantur, furiosos hos fore timor est.

6. Tumor in præcordio durus existens & dolorosus, pessimus quidem est, si per totum fuerit præcordium. Si vero fuerit in altera parte, minus

periculosus est in sinistra. Significant autem ejusmodi tumores, in principio quidem, mortem brevi affuturam. Si vero viginti dies transgrediatur tum febris detinens, tum tumor non confidens, ad suppurationem convertitur. Contingit autem his in primo circuitu, etiam sanguinis eruptio e naribus, & valde prodest. Verum interrogare convenit, an caput doleant, aut hebetem visum habeant. Si enim horum quid fuerit ad eum locum repit. Magis tamen in junioribus quinque ac triginta annis, sanguinis eruptionem expectare convenit. At vero molles tumores, & doloris exortes, & qui digito cedunt, diuturniores judicationes faciunt, & minus illis sunt horrendi. Si vero transgrediatur sexaginta dies febris detinens, & tumor non confidat, suppuratum fore significat & hunc, & eum, qui in reliquo ventre est eodem modo. Quicumque igitur tumores dolorosi sunt, & duri, & magni, periculum mortis brevi affore significant. Qui vero molles, & doloris exortes sunt, & digito compressi cedunt, diuturniores illis sunt. Cæterum tumores in ventre minus faciunt abscessus, quam hi qui sunt in præcordiis. Minime vero hi qui sub umbilico consistunt, ad suppurationem convertuntur. Sanguinis vero eruptionem, ex supernis locis maxime expectare oportet.

7. Omnium autem tumorum diuturnorum circa hos locos, suppurationes considerare convenit. Sunt autem suppurationes hinc contingentes hoc modo considerandæ. Quæcunque extra vertuntur, optimæ sunt, quæ parvæ sunt, & quam maxime foras eminentes, & in acutum fastigiata. Quæ vero magnæ sunt, & lata, & minime in acutum fastigiata, pessimæ sunt.

Quæ-

Quæcunque vero intro rumpuntur, optimæ sunt, quæ nihil cum externo loco communicant, sed sunt contractæ, & doloris exortes, & totus externus locus concolor apparet. At vero pus optimum est, si est album & æquale, & læve, & quam minime graveolens. Quod vero huic contrarium est, pessimum est.

8. Aquæ porro inter cutem, ex acutis morbis obortæ, omnes malæ sunt. Neque enim a febre liberant, & valde dolorosæ sunt, ac lethales. Incipiunt autem pleræque a laterum mollitudine, & a lumbis: aliquæ vero etiam ab hepate. Quibus igitur a laterum mollitudine & lumbis principia fiunt, his & pedes intumescunt, & alvi profluvia diuturna ipsos tenent, quæ neque dolores ex laterum mollitudine ac lumbis solvunt, neque ventrem molliunt. Quibuscunque vero ab hepate aquæ inter cutem oriuntur, his tusses tussiendique promptitudo accedit, & nihil memorabile exspuunt, & pedes tumet, & venter non egerit, nisi dura, & coæctus, & circa alvum fiunt tumores, aliqui in dextra, aliqui in sinistra parte, tum consistentes, tum confidentes. Caput autem, & manus, & pedes, si frigida sunt, malum est, ubi & venter, & latera calida sunt. Optimum vero est, & totum corpus æqualiter calidum esse, ac molle. Converti autem convenit facile ægrotum, & in attollendo se levem esse. Si vero gravis esse appareat & reliquo corpore, & manibus, & pedibus, magis periculosum est. Si vero supra gravitatem, ungues, & digiti lividi fiant, mors e vestigio expectanda est. At si digiti ac pedes penitus nigrescunt, minus perniciosi sunt quam lividi. Verum & alia signa considerare oportet.

Si enim facile ferre videatur malum, & aliud quoddam ex salutaribus ad hæc signa subindicet, morbum ad abscessum verti spes est, ita ut æger quidem superstes mansurus sit, corporis vero partes nigrae factæ casuræ. Testes & pudenda revulsa, dolores fortes significant, & periculum lethale.

9. Quod vero ad somnos attinet, quemadmodum secundum naturam consuetum nobis est, interdium vigilare oportet, noctu dormire. Si vero hoc fuerit transmutatum, pejus est. Minime vero lædi æger poterit, si dormiat mane ad tertiam partem diei. Qui vero ab hoc tempore fiunt somni, deteriores sunt. Pessimum autem est non dormire, neque noctu, neque interdium. Aut enim præ dolore ac afflictionibus vigiliæ adsunt: aut delirium aderit ab hoc signo. Egestio alvi optima est, mollis & cohærens, & secundum horam, in qua etiam a sano egerebatur. Juxta copiam vero, pro ratione ciborum ingestorum. Tali enim contingente exitu, venter infernus sanus fuerit. Si vero liquida fuerit egestio, conducit neque stridere, neque frequentem esse, & paulatim secedere. Delassatur enim homo ex frequenti defessu, & vigiliis utique contraxerit. Si vero sæpe acervatim egerit, periculum est, ne in animi deliquium incidat. Quin & juxta copiam ingestorum egerere oportet, bis aut ter in die, & noctu semel. Plura vero mane, quemadmodum in consuetudine est homini. Inspissari autem oportet egestionem morbo ad judicationem tendente. Sit autem subfulva, & non valde graveolens.

10. Commodum est & lumbricos rotundos cum egestionem prodire, morbo ad judicationem tendente. Oportet autem in omni morbo mollem esse ventrem,

trem; & iusta mole præditum. At vero aquosum valde, aut album, aut pallidum, aut viride, aut vehementer rufum; aut spumosum stercus egerere, hæc omnia mala sunt. Malum iniuper est & quod exiguum est, & viscosum ac album: & quod subpallidum aut subviride ac læve. His vero magis lethalia fuerint stercora nigra, aut pingua, aut livida; & æruginosa, & male olentia. Quæ vero varia sunt, diuturniora quidem his sunt, nihilo minus autem perniciofa. Sunt autem talia, ramentosa, & biliosa, & cruenta, & prasina, & nigra, aliquando simul inter se exeuntia, aliquando particulatim. Flatum porro sine strepitu ac crepitu prodire, optimum est. Melius autem est & cum strepitu exire, quam isthuc revolvi: & qui sic progressus est flatu, aut dolere quid hominem significat, aut delirare: nisi sua sponte homo ita flatum emittat. Cæterum præcordiorum dolores ac tumores, si fuerint recentes, & non cum inflammatione, solvit murmur in præcordio obortum, & maxime quidem si pertransierit cum stercore, & urina ac flatu. Sin minus, etiam ipsum per se si transierit. Prodest item si subdescenderit ad infernos locos.

II. Optima vero est urina, quum fuerit alba subsidentia, & lævis, & æqualis, per totum tempus, donec iudicatus fuerit morbus. Significat enim & securitatem, & morbum fore brevem. Si intermiserit, & aliquando quidem pura mingatur, aliquando vero subsidet album ac læve, diuturnior fit morbus, & minus securus. Si vero fuerit & urina subrubra, & subsidentia ipsius similis, & lævis, diuturniorem quidem hæc morbum quam prior significat, sed valde salutarem. At subsidentia in urinis, crassiores farinæ par-

tes referentes, pravæ sunt. His autem pejores sunt laminosæ. Albæ vero & tenues valde malæ sunt. Verum his deteriores sunt furfuraceæ. Nubeculæ quæ feruntur in urinis, albæ quidem bonæ sunt: nigræ vero malæ. Quandiu vero fulva fuerit urina, & tenuis, morbum inconcoctum esse significat. Si vero & diuturna fuerit talis existens, periculum est ne sufficere homo possit, donec urina concocta fuerit. Lethaliores autem sunt urinæ & foetidæ, & aquosæ, & nigræ, & crassæ. At tum in viris, tum in mulieribus, nigræ urinæ pessimæ sunt: in pueris autem aquosæ. Quicumque urinas tenues, & crudas mingunt multo tempore, si alia veluti superstitionibus futuris signa fuerint, his abscessum expectare oportet ad locos infra septum transversum.

12. Sed & pinguetudines superne instantes, araneorum telis similes, damnare oportet. Sunt enim colliquationis signa. Considerare vero convenit in urinis, in quibus nubeculæ sunt, an superne aut inferne sint: & quales habeant colores. Et quæ quidem deorsum feruntur, cum coloribus relatis, eas bonas esse putare ac laudare. Quæ vero sursum feruntur, cum coloribus relatis, malas esse, & tales damnare. Nec vero decipiat te, si vesica morbum aliquem habens, ejusmodi urinas reddiderit. Non enim totius corporis signum est, sed ipsius per se vesicæ. Vomitus commodissimus est, ex pituita ac bile quam maxime permixtus, & non crassus valde, neque multus. Nam meraciores, deteriores sunt. Si vero id quod vomitu rejectum est prasini fuerit coloris, aut lividum, aut nigrum: quicumque horum fuerit colorum, malum esse putandum est. Si vero omnes colores idem homo vomit, valde per-

nicio.

niciosum hoc est . Celerrimam autem mortem significat lividus vomitus , si graveolens fuerit . Omnes vero subputridi ac fœtidi odores , in omnibus vomitibus mali sunt .

13. Sputum vero in omnibus doloribus , qui circa pulmonem & costas fiunt , cito ac facile exspui convenit , & flavum sputo valde permixtum apparere . Si enim longe postea , post principium doloris , exspuerit quod flavum est , aut fulvum , aut quod multam tussim inducit , & non valde permixtum est , deterius est . Nam & flavum meracum , periculosum est : & album ac viscosum & rotundum , inutile est . Malum est & quod viride est valde , itemque pallidum , & quod spumosum . Si vero ita fuerit meracum , ut etiam nigrum appareat , hoc ipsum deterius est quam illa . Malum etiam est si nihil repurgetur , neque emittat pulmo , sed plenus ferveat in gutture . Gravedines & sternutationes in omnibus circa pulmonem morbis , & antecessisse , & succedere , malum est . At in aliis morbis lethalissimis sternutationes profunt . Sputum autem flavum , sanguine permixtum non multo , si in pulmonis inflammatione , in principio morbi rejiciatur , salutare est , & valde prodest . Si vero septimo die , aut posterius , minus securum est . Omnia sputa mala sunt , quæ dolorem non sedant . Pessima vero sunt nigra , velut descriptum est . Quæ vero dolorem sedant , omnium optima existunt .

14. Quicumque dolores ex his locis non sedantur , neque ad sputorum purgationes , neque ad stercoreum alvi subductionem , neque ad venæ sectiones , & victus rationem ac medicamenta , eos ad suppurationem verti sciendum est . Ex suppurationibus quæcumque dum

sputum adhuc biliosum est suppurantur , perniciosæ valde sunt , sive biliosum illud in parte , sive simul cum pure exspuatur : & hoc potissimum si morbo ad septimum diem progresso , suppuratio ab hoc sputo procedere incipiat . Timor autem est eum , qui talia exspuit moriturum esse decimaquarta die , si non aliquod bonum signum ipsi acciderit . Sunt autem bona hæc : facile ferre morbum , bene spirare , a dolore liberatum esse , sputum facile tussiendo rejicere , corpus æqualiter calidum ac molle apparere , sitim non habere , urinas & alvi egestionem , & somnos , & sudores , velut descriptum est : hæc singula nosse convenit accidere , ut quæ bona sint . Nam omnibus his sic contingentibus , homo non morietur . Si vero aliqua ex his accesserint , aliqua non , non ampliore vita producta , decimaquarta die homo peribit .

15. Porro mala signa his contraria sunt : ægre ferre morbum , spiritum magnum & densum esse , dolorem non sedari , sputum vix tussiendo rejicere , valde sitire , corpus inæqualiter a febre teneri , ventrem quidem ac costas fortiter calidas esse , frontem vero & manus ac pedes frigidos . Urinas autem & alvi egestionem , & somnos , & sudores , velut descriptum est : hæc singula nosse oportet mala esse . Si enim ita accesserit horum aliquid ad sputum , peribit utique homo priusquam ad decimum quartum diem pervenerit , aut nono die , aut undecimo . Sic igitur conjecturam facere oportet , quod hoc sputum lethale sit valde , & non perducatur ad decimum quartum diem . Proinde & mala , & bona signa expendentem ex his prædictiones facere oportet . Ita enim potissimum veritatem consequi quis poterit . At vero aliæ suppuratione

nes rumpuntur, plurimæ quidem vigesimo die, aliæ vero trigesimo, aliæ quadragesimo, aliquæ vero ad sexaginta dies perveniunt.

16. Considerare vero futuræ suppurationis principium oportet, suppuratione facta ab ea die, qua primum homo febricitavit, aut si forte ipsum primum rigor apprehendit: & si pro dolore gravitatem sibi factam esse dixerit, in eo loco in quo dolebat. Hæc enim in principiis suppurationum fiunt. Ex his igitur temporibus eruptionem suppurationum fore expectare oportet ad prædicta tempora. Si vere suppuratio fuerit in altero latere solum: vertere & considerare oportet in his, num aliquem habeat dolorem in altero latere, & an alterum altero sit calidius: & reclinato ægro in latus sanum, interrogare ipsum, an videatur ipsi grave quid ex superno latere incumbere. Si enim hoc fuerit, in altero est suppuratio, in quo gravitas affuerit. Cæterum omnes suppuratos ex his signis cognoscere oportet. Primum quidem si febris non dimittit, sed per diem quidem tenuis est, noctu vero amplior: & sudores multi oboriuntur, tussesque ac tussiendi promptitudo ipsis adest, & nihil memorabile exspuunt: & oculi cavi fiunt, & maxillæ ruborem contrahunt, & ungues quidem manuum curvantur, digiti vero calescunt, & potissimum summi: & in pedibus tumores fiunt, & cibos non appetunt, & pustulæ per corpus nascuntur.

17. Quæcunque igitur suppurationes diurnæ sunt, hæc signa habent, & fidem ipsis valde habere oportet. Quæ vero breves sunt, ex his signis cognoscere oportet, si quid apparuerit ex his, qualia in principiis fiunt. Simul autem & si aliquanto difficiliter spiraverit ho-

mo. At vero quæ ex ipsis citius & tardius rumpuntur, his signis cognoscere oportet. Siquidem enim dolor in principiis fiat, & spirandi difficultas, & tussis, & sputatio perseverans, ad vigesimum diem pertingat, eruptionem tunc expectare oportet, aut etiam prius. Si vero quietior fuerit dolor, & alia omnia pro hujus ratione, eruptio posterius expectanda est. Necessè vero est accedere & dolorem, & spirandi difficultatem, & sputationem, ante puris eruptionem. Ex his autem maxime superstites manent hi, quos febris eodem post eruptionem die dimiserit: & quibus cito appetiverint, & a siti liberati fuerint: & si venter parva & compacta egresserit, & pus album & læve & ejusdem coloris fuerit, & a pituita liberum, & citra dolorem ac tussim fortem repurgetur. Ac optime quidem sic ac celerrime liberantur. Sin minus, hi quibus proxima his contigerint. At vero intereunt hi, quos febris non dimiserit, aut ubi ipsos dimisisse putata fuit, rursus recalescens apparuerit: & qui sitim quidem habuerint, cibos autem non appetiverint, & si venter liquidus fuerit, & pus pallidum, sive viride, & lividum exspuerint, aut pituitosum & spumosum. Si hæc omnia contigerint, pereunt. Quibus vero ex his quædam accesserint, quædam non, horum aliqui intereunt, aliqui in multo tempore superstites evadunt. Verum ex omnibus signis quæ adsunt, tum in his, tum in aliis omnibus, conjecturam facere oportet.

18. Quibuscunque ex inflammati pulmonis morbis, abscessus circa aures fiunt, & suppurantur, aut ad infernas partes, ac fistulantur, hi superstites evadunt. Verum hujusmodi sic considerare oportet. Si & febris detinuerit, & do-

lor non sedatus fuerit, & sputum pro ratione non prodierit, neque biliosa, neque soluta faciles, & meracæ alvi egestiones fuerint, neque urina valde multa, & multam subsidentiam habens: indicatur autem superstes futurus ab omnibus reliquis salutaribus signis: tunc abscessus hujusmodi fore sperandum est. Fiunt autem partim ad infernas partes, quibus videlicet inflammatio aliqua circa præcordia affuerit: partim in supernis, quibus præcordium molle & doloris exors permanferit, & ubi spirandi difficultas, quæ per tempus aliquod affuit, deserit citra aliam manifestam causam. Cæterum abscessus ad crura, in pulmonis inflammationibus fortibus ac periculosis, omnes quidem utiles sunt, optimi vero sunt, qui dum sputum jam in mutatione est fiunt. Si enim tumor & dolor fiat, sputo pro flavo purulento evadente, & foras procedente: ita securissime homo superstes evaserit, & abscessus absque dolore celerrime sedabitur. Si vero sputum non bene processerit, neque urina subsidentiam bonam habens apparuerit, periculum est claudum fore articulum, aut multum molestiarum exhibiturum. At si evanescant & recurrant abscessus, sputo non prodeunte, febreque permanente, horrendum est. Periculum enim est ne deliret homo & moriatur. Ex suppurationis a pulmonis inflammatione, seniores magis intereunt. Ex aliis autem suppurationibus, juniores magis moriuntur.

19. Dolores cum febre contingentes, circa lumbos, & infernas partes, si septum transversum attigerint, infernas partes relinquentes, perniciosi valde sunt. Proinde aliis quoque signis animum advertere oportet. Nam si quod etiam ex aliis signis malum apparuerit,

desperatus est homo. Quicumque vero suppurati uruntur, quibus quidem purum pus fuerit, & album, & non foetidum, hi servantur: quibus autem subcruentum & cœnosum, hi pereunt. Si vero affiliante ad septum transversum morbo, alia signa non mala accesserint, hunc suppuratum fore multa spes est. Porro vesicæ duræ & dolentes, penitus quidem horrendæ ac perniciosæ sunt, perniciosissimæ vero quæ cum febre continua fiunt. Etenim dolores ab ipsis vesicis ad occidendum sufficiunt, & alvi non egerunt hoc tempore, nisi durum quiddam, & hoc coactæ. Solvit autem urina purulenta mita, quæ albam ac lævem subsidentiam habet. Si vero neque ab urina quam remiserit dolor, neque vesica molliatur, & febris continua fuerit, in primis circuitibus morbi ægrum moriturum esse timor est. Atque hic modus potissimum pueros corripit septenes, donec ad quintumdecimum annum pervenerint.

20. Febres judicantur in iisdem numero diebus, ex quibus & superstites evadunt homines, & ex quibus pereunt. Etenim placidissimæ febres, & signis securissimis nitentes, quarto die desinunt, aut prius. Malignissimæ vero, & signis horrendissimis oborientes, quarto die aut prius occidunt. Primus igitur ipsarum insultus sic desinit. Secundus autem ad septimum producitur. Tertius ad undecimum. Quartus ad decimumquartum. Quintus ad decimumseptimum. Sextus ad vigesimum. Hi igitur impetus ex acutissimis morbis, per quatuor ad viginti, ex additione desinunt. Non potest autem quicquam horum integris diebus exacte numerari. Neque enim annus, & menses, integris diebus numerari possunt. Postea

vero eodem modo, juxta eandem additionem, primus circuitus quatuor & triginta dierum est, secundus quadraginta dierum, tertius sexaginta dierum. At in horum principiis difficillimum est cognoscere eos, qui in plurimo tempore judicabuntur. Simillima enim sunt ipsorum principia. Verum a primo die animadversionem facere oportet, & prout singuli quaternarii adduntur considerare, & non latebit te quo vertetur morbus. Fit autem & quartanarum febrium constitutio ex hujusmodi ordine.

21. Qui porro morbi in brevissimo tempore judicabuntur, faciliores cogniti sunt. Maximæ enim differentia ab initio ipsis sunt. Qui enim superstites ab ipsis evasuri sunt, facile spirantes, & doloris exortes sunt, & noctu dormiunt, aliaque signa securissima habent. Qui vero morituri, ægre spirantes fiunt, delirantes, vigilantes, aliaque signa pessima habentes. Ut igitur his ita contingentibus, conjectare oportet, & juxta hoc tempus, & juxta unamquamque additionem, tendentibus ad judicationem morbis. Juxta eandem rationem mulieribus quoque judicationes fiunt ex partu.

22. Capitis dolores fortes & continui cum febre, siquidem lethaliū signorum quid accesserit, perniciosi valde sunt. Si vero absque talibus signis, dolor viginti dies transmiserit, & febris tenuerit, sanguinis a naribus eruptionem, aut abscessum quendam ad infernas partes expectare oportet. Sed & quam diu dolor recens fuerit, similiter sanguinis e naribus eruptionem, aut puris eruptionem sperare convenit, cum alias, tum si dolor circa tempora & frontem fuerit. Verum sanguinis eruptio magis expectanda est junioribus triginta quinque annis, senioribus vero

puris eruptio. Auris dolor acutus cum febre continua ac forti, horrendus est. Periculum est enim deliraturum esse hominem, ac periturum. Proinde quum hic modus minime tutus sit, cito mentem advertere oportet etiam aliis signis, a primo statim die. Pereunt autem juniores homines septimo die, & adhuc citius, ex hoc morbo: senes vero longe tardius. Nam & febres, & deliria minus ipsis accidunt, & hac de causa aures antea suppurantur. Verum his quidem ætatibus recidivæ morbi contingentes, plurimos occidunt. At vero juniores, priusquam suppuretur auris, pereunt. Nam si pus album effluerit ex aure, spes est juvenem superstitem evasurum esse, si sane & aliud quoddam bonum signum ipsi accedat.

23. Fauces exulceratæ cum febre, horrendæ sunt. Verum si quod aliud item signum accedat, ex his quæ antea mala esse judicata sunt, in periculo hominem versari prædicendum est. Anginæ horrendissimæ sunt, & citissime accidunt, quæ neque in faucibus quicquam conspicuum faciunt, neque in cervice: verum plurimum dolorem exhibent, & erecta cervice spirationem inducunt. Hæ enim eodem die suffocant, secundo item ac tertio & quarto. Quæ vero alioqui similiter dolorem exhibent, attolluntur autem, & in faucibus rubores faciunt, perniciosæ quidem valde sunt, verum prioribus magis diuturnæ, si rubor fuerit magnus. Quibuscunque vero fauces & cervice simul rubuerint, hæ anginæ diuturniores sunt, & ex ipsis maxime evadunt, si & cervice, & pectus ruborem habuerit, & erysipelas ignis sacri non intro recurrerit. Si vero neque in diebus judicatoriis dissipetur erysipelas, neque tuberculum ad externam partem con-

ver-

vertatur, neque pus tussiendo rejiciat, facileque ac sine dolore degere videatur, mortem significat, aut ruboris recidivam. Securius est autem tumorem & ruborem quam maxime foras verti. Si vero ad pulmonem vertatur, & delirium inducit, & quidam ex ipsis suppurati plerumque fiunt.

24. Gurguliones periculosi sunt ut & relescentur, & icarificentur, quam diu rubicundi fuerint & magni. Nam inflammationes ad hos succedunt, & sanguinis eruptiones. Quare tales aliis machinamentis attenuare conari oportet hoc tempore. Quum vero totum jam fuerit secretum, quod sane uvam appellant, & fiat extrema gurgulionis pars major & rotunda, superior autem tenuior, in hoc tempore tutum est rem aggredi. Præstat tamen & alvo subducta, chirurgia hac uti, si & tempus permittat, & homo non stranguletur. Quibus febres cessant, neque signis solutoriis apparentibus, neque in diebus judicatoriis, his reversuras esse expectandum est. Quæcunque febris longiorem moram traxerit, homine alioqui ad salutem disposito, ita ut neque dolor teneat ob inflammationem, aut ob aliquam aliam manifestam causam: huic abscessum expectare oportet cum tumore ac dolore ad aliquem articulum, vel maxime infernum. Fiunt autem hujusmodi abscessus magis, & in breviori tempore, his qui juniores sunt triginta annis. Expectare vero statim oportet abscessum, si febris detinens viginti dies transmiserit. Senioribus autem minus fiunt, diuturniore etiam existente febre. At vero hujusmodi abscessum expectare oportet febre continua existente. Verum ad quartanam deducatur, si intermiserit, & erroneo modo apprehenderit, & si hæc faciens ad au-

tumnum appropinquet. Quemadmodum autem junioribus triginta annis abscessus fiunt. Ita quartanæ magis his qui triginta sunt annorum, & senioribus. Cæterum hæc nosse expedit, abscessus magis hyeme fieri, tardiusque cessare, & minus recurrere.

25. Quicumque vero in febre non lethali, dixerit sibi caput dolere, aut etiam præ oculis obscurum quiddam apparere, si & osculi ventris morsus huic accesserit, ei biliosus vomitus aderit. Si vero etiam rigor accesserit, & partes infra præcordium frigidæ habuerit, citius adhuc vomitus aderit. At si quid biberit aut ediderit sub hoc tempus, valde cito vomet. Porro quibus horum dolor fieri inceperit primo die, hi quarto magis quam quinto premuntur: septimo vero liberantur. Plerique tamen ipsorum tertio die dolere incipiunt, vexantur autem maxime quinto, liberantur nono, aut undecimo. Qui vero inceperint quinto die dolere, aliaque juxta rationem priorum ipsis fiant, his ad decimumquartum morbus judicatur. Fiunt autem hæc & viris, & mulieribus, maxime in tertianis. Junioribus vero fiunt quidem & in his, verum magis in continuis febribus, & in sinceris tertianis. Quibuscunque vero in hujusmodi febre caput dolentibus, pro eo quod obscurum quiddam præ oculis appareat, visus hebetudo contingit, aut splendores ob oculos obversantur: & pro osculi ventris morsu, in præcordiorum dextra aut sinistra parte aliquid tenditur, neque cum dolore, neque cum inflammatione: sanguinem de naribus his, pro vomitu fluxurum esse expectandum est. Magis tamen & hic in juvenibus sanguinis eruptionem expectare oportet: his autem qui triginta sunt annorum, & seniores adhuc,

huc, minus: verum vomitus in his expectari debent.

26. At vero pueris convulsiones fiunt, si febris fuerit acuta, & venter non egefferit, & vigilarint, & terreantur, & ejularint, & colorem mutarint, & viridem sive pallidum, aut lividum, aut rubrum contraxerint. Fiunt autem hæc promptissime quidem pueris nuperrime editis, usque ad septimum annum. Seniores autem pueri, & viri, non amplius in febribus corripuntur convulsionibus, si non quid ex signis fortissimis ac pessimis accesserit, qualia sane in phrenitide fieri solent. Periculosos porro & superstites futuros, tum pueros, tum alios, ex omnibus signis conjectare oportet, prout singula de singulis perscripta sunt. Atque hæc & de acutis morbis, & de his qui ex ipsis fiunt; dico. Qui vero recte prænocere velit & superstites futuros, & morituros: & quibus per plures dies, & quibus ad pauciores morbus duraturus est: eum signa omnia ediscere, & ju-

dicare posse convenit, ita ut vires ipsorum inter se conferendo expendat, quemadmodum perscriptum est, & de aliis, & de urinis, & de sputis, ubi simul & pus, & bilem ægrotus tussiendo rejecerit.

27. Quin & impetus morborum semper populariter grassantium cito animadvertere oportet, & temporis constitutionem non ignorare. Probe tamen id nosse expedit de conjecturis certis, & aliis signis, & non ignorare, quod in omni anno, & omni tempore, mala malum, bona bonum significant. Nam & in Libya, & Delo, ac Scythia, præscripta signa vera comperiuntur. Proinde sciendum est, minime difficile esse, in iisdem regionibus posse aliquem pleraque ex ipsis assequi, si memoria tenens ipsa, judicare ac recte expendere sciat. Cæterum nullius morbi nomen desiderare oportet, quod hic non est adscriptum. Omnes enim, qui in prædictis temporibus judicantur, ex iisdem signis cognosces.

H I P P O C R A T I S

P R Æ D I C T O R U M

Liber primus.



SOPOROSI in principiis evadentes, cum capitis, lumborum, præcordii, colli dolore, vigilantes, num phrenitici sunt? Natus in his destillans, perniciosus, tum alias, tum quarto ab initio die. Alvi profluvium valde rubicundum, malum quidem est in omnibus morbis, non minime vero in prædictis. Linguae asperæ & resiccatae, phreniticæ. In turbatis vigilantibus,

urinæ decolores, nigrae, innatantes, in sudoribus, phreniticæ. Insomnia etiam in phreniticis manifesta sunt. Sreatio frequens, si sane & aliud quoddam signum affuerit, phrenitica sunt. Qui relinquuntur in præcordio ardores, febre perfrigerata, mali sunt, tum alias, tum in sudoribus. Prædebilitatorum desipientiæ pessimæ, velut etiam Thra-synonti. Phreniticæ vehementer affectiones, tremulæ desinunt.

2. Vomitus in capitis doloribus æruginosi, cum surditate & vigiliis, cito insaniam affore denunciant. Loci circa fauces in acutis morbis dolorosi, graciles, parvi, suffocatorii, quando hiarit æger ut os claudere & aperire non facile possit, mentis emotionem portentunt. Ex talibus phrenitici fiunt, & perniciose affecti. In phreniticis in principio mansuetudo. Verum frequenter transmutari, malum id est: & sputatio mala est. In phreniticis alba alvi egestio, malum: quemadmodum & Archecrati. Num & in his corpora fit? Rigor in his pessimus. Quibus melancholico modo mente motis, tremores accedunt, malignum hoc est. Mente moti acute, ubi insuper febrierint, cum sudore phrenitici fiunt. Phrenitici paucibilibi, strepitum valde percipientes; tremuli. Ex vomitu nauseabundo oborta clangorosa vox, oculi pulvillum incumbentem habentes, insaniam portentunt: quemadmodum etiam Hermozygæ uxor, insaniam acute correpta, voce destituta mortua est.

3. In febre ardenti sonitibus aurium accedentibus, cum visus hebetudine, & gravitate in naribus accedente, melancholico modo mente moventur. Mentis percussiones cum voce clangorosa, linguæ convulsiones tremulæ, & voces tremulæ evadentes, mentem alienant: duricies in his perniciose est. Linguæ tremulæ signum sunt mentis non firmæ. In biliosis meracis alvi egestionibus, spumosa florulenta, mala, tum alias, tum si cui lumbi antea doluerint, & mente motus fuerit. Rari circa latus in his dolores, desipientiam significant. Vocis interceptiones cum singultu, pessimæ. Vocis interceptiones cum exolutione, pessimæ. In vocis interceptione, spiritus

veluti his, qui strangulantur præ manibus expositus, malus est. Num & talis mentem emovet? Modice feroces mentis emotiones, ferinæ sunt.

4. Molestè ferre morbum cum perfrigeratione, si non sine febre exsudent partes supernæ, phrenitici portentunt: quemadmodum etiam Aristagoræ. Sed & perniciosum hoc est. Frequentes in phreniticis permutationes, convulsoriæ. Urinæ, quæ minguntur a non recordantibus, nec commonefactis, perniciosæ. Num his minguntur velut si subsidentiam conturbasses? Palpitantes per totum, num voce destituti moriuntur? Sputations in phreniticis cum perfrigeratione, nigra revomuntur. Surditas, & urinæ non confidentes, valde rubicundæ, innatantes, mentis emotionem portentunt. His morbo regio corripit malum est. Mala est & ex morbo regio fatuitas. Hos voce quidem destitui; verum sentientes esse contingit. Arbitror autem & alvos his perrumpere, velut contigit Hermippo, & mortuus est. Surditas in morbis acutis & turbulentis consequens, mala. Mentis emotiones tremulæ, obscuræ, palpatoriæ, valde phreniticæ sunt. Velut & Didymacho in Co. Torpores ex rigore, non valde apud seipsum sunt.

5. Dolores circum umbilicum palpitantes, habent quidem aliquid quod mentem emovet. Verum circa judicationem his spiritus acervatus cum prompta tensione penetrat. Et dolores circa suram, in his mentis emotionem faciunt. Si innatarit quid in urina, dolore circa femur dissipato, mentis emotionem portentunt: & qualia circa aurium sonitus contingunt, talia existunt. In alvo liquida, lassato, caput dolenti, siticuloso, vigilantissimo, obscure loquenti, impotenti, quibus talia sunt, his

his timor est ut mente moveantur . Exudantes & maxime circa caput , in morbis acutis submoleste ferentes , malum , tum alias , tum in urinis nigris : & turbidus spiritus in his malus . Impotentia præter vacuatorum vasorum rationem contingentes , non existente vasorum vacuatione , malum . Alvi intercepta , sed parva , nigra , velut caprarum stercora ad necessitatem coacte emittentes , nasus in his erumpens , malum .

6. Quibus lumborum dolor diutinus , cum ardore fastidioso ac nauseabundo , hi si exudent , malum est . Num his tremores fiunt ? Sed & vox velut in rigore conspicua ? Extremitates si in utranque partem cito transmutentur , malum est . Et sitis hujusmodi , mala est . Ex moderato ferox responsio , malum . Vox acuta , his præcordia intro trahuntur . Oculus hebes , malus : & fixus ac caliginosus , malus . Vox acuta clangorosa , mala . Dentium stridor perniciosus est , quibus non & sanis familiaris est . Suffocatio in his valde mala . Faciei bonus color , & vehemens torvitas , malum . Egestiones alvi desinentes in spumosas meracas , exacerbatoriae sunt . Urinarum in morbis acutis ex perfrigeratione interceptiones , pessimæ . Perniciosa si citra signa , levia facta fuerint , mortem significant .

7. In morbis acutis biliosis valde albæ , spumosæ , circumbiliosæ egestiones , malæ . Malæ item & urinæ ejusmodi . Num his hepar dolorosum est ? Vocis interceptiones in febribus convulsorio modo contingentes , si ad mentis emotionem cum silentio deveniunt , perniciosum . Vocis ex dolore interceptiones , dolorosam mortem inducunt . Febres ex præcordiorum doloribus ma-

lignæ . Sitis præter rationem soluta in acutis morbis , mala est . Sudor multus cum febribus acutis oboriens , malus est . Et urinæ dolorosæ , malæ sunt . Et rubicundæ ex his florulentia detentæ , itemque æruginosæ , malæ sunt : & parvas apparere veluti stillas . Et vomitus cum varietate mali sunt , tum alias , tum si propius inter se prodeant . Quæcunque in diebus judicatoriis , cum anxietudine , absque sudore perfrigerantur , malum est . Et quæ ex his insuper riguerint , mala sunt .

8. Vomitus meraci , anxiosi , mali . Sopor num ubique malus est ? Ignorantia cum rigore , malum . Malum item oblivio . Perfrigerationes ex rigore non recalescentes , malæ sunt . Sudantes ex perfrigeratione recalescentes , malum . In his ardor dolorosus in lateribus , & insuper rigere , malum est . Æstuoosi rigores aliquatenus perniciosi : & flamma facies cum sudore in his mala est . In his posteriorum partium frigiditas , convulsionem accersit . Exudantes vigilantes recalescentes , malum . Ex lumborum recurso , oculi distortio , malum . Dolor in pectus firmatus cum torpore , malus . Hi si insuper febriant , acute ardentes , moriuntur .

9. Qui nigra revomunt , cibos averfantur , deliri sunt , juxta pubem parum dolorosi , oculum ferocem aut clausum habent , eos medicamentis purgare non oportet (perniciosum enim est .) Neque intumescentes , vertiginosos , in leviter vagando deficientes , cibos averfantes , decolores . Neque in febre fractos , si soporosi fuerint . Perniciosum enim est . Oris ventriculi dolor , cum præcordio distento , & capitis dolor , malignum , & quippiam anhelosum . Num hi repente moriuntur ? velut in Dysode . Huic etiam urinæ vehementer fer-

fermentatæ , erant valde rubicundæ . Colli dolor malum quidem in omni febre , pessimum autem his , quibus timor est ut infaniant .

10. Febres soporosæ , lassatoriæ , caliginosæ , vigiliâs inducentes , exudantes , malignæ . Horrores frequentes ex dorso , celeriter translabentes , molesti , urinæ interceptionem dolorosam significant . Qui anxie se jactantes , citra vomitum exacerbantur , male habent . Perfrigeratio cum duritia , signum malum . A ventre tenuia non sentienti prodire , ei qui est apud seipsum , perniciosum : velut hepatico . Vomitiones exiguæ biliosæ , malæ , tum alias , tum si insuper vigilaverint ægri . Nasus in his destillans , perniciosum est . Quibus ex partu alba detinentur cum febre , surditasque adest , & in latere dolor acutus , hæc perniciose mente moventur . In febribus ardentibus subperfrigerantibus , egestionibusque alvi biliosis aquosis frequentibus , oculorum distortio , signum malum est , tum alias , tum si stupore prehensi detineantur . Siderationes repentinæ ei , qui exolute ac diuturne insuper febriit , perniciosæ sunt : quale quiddam passus est Numenii filius .

11. Ex lumborum dolore ad os ventriculi recursiones , febriculosæ , horridæ , revomentes aquosa tenuia multa , mente motæ , voce destitutæ , nigrorum vomitu factis moriuntur . Oculi contractio in morbo acuto , mala . Num anxie se jactantibus citra vomitum , lumbos dolentibus , si ferociter mente moti fuerint , spes est ut nigra per alvum prodeant ? Fauces dolorosæ , graciles , cum ægre tolerabili molestia , strangulatoriæ , perniciosæ acute . Quibus spiritus retrahitur , vox autem strangulatoria est , & vertebra intro confidet , his in fine velut contrahente quo-

dam spiritus fit . Caput dolentes , & stupore detenti delirantes , alvo intercepta , oculum ferocem præ se ferentes , florescentes , opisthotono (posteriorum partium convulsoria distentione) corripuntur . In oculorum distortionibus , febriculoso , lassato , rigor perniciosus . Et soporosi in his , malum . In febribus ad præcordium dolores , sine voce , si sudore non solvantur , maligni sunt . His dolores ad coxas , una cum febre ardente , & si alvus acervatim eruperit , perniciosum .

12. Quibus voces cum febribus deficientes post judicationem , hi trementes ac soporosi moriuntur . Quibus affectiones ardentes , fatuitatem inducentes , stuporis detentionem inferentes , præcordia variantia , & ventris tumor , cibus interceptis , in sudoribus , num his turbidus spiritus , & genituræ simile quid superveniens , singultum indicat ? Sed & alvus spumosa , biliosa , insuper egerit ? Splendidum in his midium prodest . Venter autem his insuper turbatur . Quibus sopor fit spumosis prodeuntibus , his febris exacerbatur acuta . Ex capitis dolore vocis interceptiones si sint , cum sudoribus febriculosi laxantur in seipsum , fiuntque morbi revertentes diutius durantes : his insuper rigere , non malum est . Manus tremulæ , caput dolentes , collum dolentes , subfurdi , mingentes nigra densata : quibus hæc sunt , his nigra ventura esse exspectare oportet , perniciosum . Vocis interceptiones cum exolutione , stupore detinente , perniciosæ . Lateris dolor , ex sputis biliosis , citra rationem si evanuerit , mente moventur .

13. Ex oculi dolore , soporoso , sudanti , alvus inflata , si sane ad necessitatem liquida demiserit , insulo im-

missio subluta : ex his ea quæ biliosa non sunt supprimuntur . Talia vero si ferventur retenta, longius ægrotat . Num itaque proluvia quæ biliosa non sunt, meliora sunt ? & flatuoso tumori profuerint ? Alvi circumtensio, ad necessitatem liquida demittens, cito intumescens, habet quid convulsorium, velut etiam Aspasii filio . Superrigere his perniciosum . Ex his convulsus factus ac inflatus, ubi diutius ægrotasset, ori putrefactio viridis supervenit . Quibus circa lumbos tenues diuturni dolores, ad præcordium se revolventes, & ciborum fastidium inducentes una cum febre : his ad caput dolor intentus progressus, repente convulsorio modo occidit . Affectiones insuper rigentes, & quæ ad noctem aliquanto magis exacerbantur, cum vigiliis, & delirio in somnis, aliquando urinas involuntarie emittentes, in convulsiones soporosas desinunt .

14. A principio exudantes urinis concoctis, ardentes qui citra judicationem perfrigerantur, brevi circumcirca ardentes : torpidi item, soporosi, perniciose affecti sunt . Uterum gerentibus capitis dolores, soporosi, cum gravitate oborientes, mali sunt . Fortassis autem his etiam convulsorium quid pati contingit . In faucibus gracilibus dolores strangulatorii, habent quid convulsorium, tum alias, tum a capite oborti : velut etiam Thrasynontis consobrinæ . Tremores convulsorii, contingentes in sudoribus, reverti solent . Judicatio his fit ubi superriguerint . Superrigent hi ardore circa ventrem provocati . Lumborum dolor, & capitis dolor, & oris ventriculi dolor, cum excretionem violenta, convulsorium quid habet . (Submetuendum cum crisi rigor .)

15. A ventre sublivida, turbulenta :

& lotia tenuia ac aquosa, suspecta . Fauces exasperatæ parum, & venter murmurans inanibus ad egerendum surfectionibus, & frontis dolores, & palpantes, delassati, in stragulis ac vestimentis dolorosi . Quæ ex his augentur, difficilia sunt . Somnus multus in his convulsorius, & dolores in frontem graves, & mictio difficilis . Urinæ suppressio quibus rigores, & in convulsoriis affectionibus : velut & ipsa ubi inhorruit, sudavit . Meracæ desinentes purgationes, omnibus quidem exacerbatoriæ sunt . His vero etiam valde . Ex talibus etiam circa aurem abscessus exurgunt . Turbulentæ ferocissimæ e somno excitationes, convulsoriæ sunt tum alias, tum cum sudore . Et colli, & dorsi perfrigerationes apparentes, sed & per totum corpus . In his etiam spumosa mictiones, una cum animi deliquio, & oculorum obscuratio, convulsionem prope adesse significant . Cubiti ac colli dolores, convulsorii . A facie autem hi . In faucibus sonitus frequentes, cum salivæ sputatione . In his in somnis sudores, boni . Num & sudore levari, plurimis non malum est ? Dolores ad infernas partes, his toleratu faciles .

16. In febribus exudantes caput dolentes, alvo intercepta, convulsi fiunt . Subfriabiles liquidæ alvi egestionem, perfrigerantes non sine febre, malæ sunt . Rigores ex his vesicam & ventrem occupantes, dolorosi . Proinde soporem his habere aliquid convulsorii, non sane mirum apud me fuerit . Quæ in acutis vomitorio modo trahuntur, mala sunt . Et albæ alvi egestionem, difficiles . Non viscosa ex his progressa, cum multo ardore ad mentis emotionem perveniunt . Num ex his soporosi torpidi fiunt ? Morbi ex talibus diutius du-

durant. Num circa judicationem hi arefcentes difficulter spirantes? Quæ ex lumbis ad collum ac caput progressa sunt, & levis syderationis modo resoluerunt, convulsoria fiunt & mentem emoventia. Num & solvuntur talia convulsione? Ex talibus varie ægrotant, & per eadem progressi.

17. Convulsiones in his, quæ ab utero strangulantur sine febre, faciles sunt, velut etiam Dorcadi. Vesica intercepta tum alias, tum cum capitis dolore, habet quid convulsorium. Quæ in his cum torpore exolvuntur, difficilia sunt, non tamen perniciofa. Num id quod tale est, etiam mentem emovet? Num & ostium circa tempora dissectiones convulsione accerunt? aut si quis ebrius verberetur, aut sanguis multus effluat in principiis, num hoc facit convulsione? In sudore sputa defluentia febri-citanti, levia sunt. Num ad dies aliquot alvi humectantur? arbitror. Num his ad articulos abscessus fiet? Quæ modice ferociter mentem emovent, atrabiliaria sunt. Si vero a muliebrium purgationum retentione fuerint, ferina. Hæc vero sæpius accidunt. Num & convulsæ fiunt hæ? Num & vocis interceptiones cum sopore, convulsoriae sunt? velut coriarii filia, quæ muliebribus purgationibus præsentibus affici cepit.

18. Quibus convulsis oculi intente relucet, neque apud seipfos sunt, & diutius ægrotant. Sanguinis eruptiones ex contrario, malæ sunt: velut in splene magno, si ex dextra nare fluat. Et circa præcordia eodem modo res se habet. Verum cum sudore hoc pejus est. Ex naribus erumpente sanguine, cum exiguis sudoribus, perfrigerentia maligna ac prava. Post sanguinis eruptionem nigrorum per alvum transitus,

malus. Prava sunt etiam valde rubra. Num vero quarto die hæc sanguinis eruptio contingit? Soporosi ex his convulsione moriuntur. Num nigris præegressis, & ventre tumefacto? Vulnere sanguinem fundentia, exudantia, maligna. Sic affecti loquentes latenter moriuntur. Post modicam sanguinis eruptionem, & nigrorum egestionem, in acutis surditas, malum. Sanguinis egestio in his perniciofa. Verum surditatem solvit. Lumbis dolentibus oris ventriculi dolores accedentes, signa hæmorrhoidum fluxionis futurae sunt. Arbitror autem & hos prægressæ hæmorrhoidum eruptionis signum esse.

19. Sanguinis eruptiones statis temporibus contingentes, siticulosa, difficiles ac exolventes, si sanguinem non effuderint, in comitalem morbum finiunt. Morbi qui statim turbulenti sunt, insomnes, sanguinem de naribus stillantes, sexta die allevati, noctu afflixerunt, postridie exudarunt, in somnumque delati mentem emoverunt, hi large sanguinem fundunt. Num & aquosa urina tale quid significat? Quibus sanguinis eruptiones plures, his temporis progressu alvi male afficiuntur, si non urinæ concoctæ fuerint. In judicatoriis perfrigerationibus, sanguinis eruptiones fortes pessimæ sunt. Capite gravati, juxta sinciput dolentes, insomnes, sanguinem profundunt, tum alias, tum si quid ad collum contendat. Vigiliis infestari, derepente cum inquietâ jactatione, sanguinem fundunt, tum alias, tum si quid antea profluxerit. Num ubi inhorruerunt? Colli dolores, oculi valde rubicundi, sanguinis eruptionem significant. Quibus alvo suppressa sanguinis eruptio fit, & insuper rident: num alvus intestinorum laxitate corripitur, & obdura fit, aut alca-

rides insunt, aut utrunque?

20. Quibus ex lumbis recursus fit ad caput, & manus, hi torpidi, os ventriculi dolentes, saniosis ac serosis humoribus pleni, large sanguinem profundunt. Sed & alvus his turbulentis erumpit. (His mens plerumque perturbata). Quibus ex sanguinis eruptione larga ac frequenti, nigrorum multorum fit egestio, hi suppressa alvo dolorosi sanguinem profundunt. Cum quadam vero fluxione, facile ferunt. Num hi multos frigidos sudores excludunt? Conturbata in his urina, non mala, neque id quod genituræ simile in ipsa residet. Verum frequenter hi aquosa mingunt. Quibus in surditate & torpore parva est a naribus destillatio, ea habet quid difficultatis. Vomitus his confert, & alvi perturbatio. Quibus ex rigore febres cum lassitudine, his menses muliebres decurrunt. At collum in his dolorosum, sanguinis eruptionis è naribus signum est. Et per nares sanguinem effundere spes est ea quæ caput concutiunt: & quæ aurium sonitum faciunt, sanguinem profundunt, aut menses deducunt, tum alias, tum si juxta spinam ardor consequetur. Fortassis autem & dysenteriam facient. Et circa ventrem palpitationes cum præcordii intensione sublonga ac tumente, sanguinis eruptionem significant. Inhorrescunt autem hi.

21. Quæ larga, violenta, multa ex naribus fluxerint, aliquando ad convulsiones adducunt. Venæ sectio solvit. Frequentes & paulatim contingentes ad egerendum surrectiones, sufflavæ, viscosæ, modica stercoracea habentes, cum præcordii ac lateris dolore, morbo regio participant. Num autem his suppressis hi exolvuntur? arbitror sane: & sanguinem profundunt? His tensio lum-

borum, & dolores in his, sanguinis eruptionem significant. Præcordii tensio, cum capitis gravitate ac surditate, & quæ ad hæc consequenter divexant, sanguinis eruptionem indicant. Undecimo die sanguinis stillicidia difficilia, tum alias, tum si superstillaverint. Qui in horroribus simul judicatorie exudarunt, postridie vero postquam inhorruerunt præter rationem vigilant, eos sanguinem effusuros esse arbitror. Quibus ab initio largæ sanguinis eruptiones, rigor fluxionem sistit. Ex sanguinis eruptione, rigores longi. Quibus capitis dolores, ac colli dolores, & totius corporis impotentia quædam, sanguinis eruptiones solvunt. Sed & tempore sic solvuntur. Urinæ quæ in his qui juxta aures abscessus habent, cito & modice concoquantur, malæ sunt. Et perfrigerari hoc modo malum est.

22. Subsoporati, morbo regio affecti, non valde sentientes, quibus singultus, his alvus erumpit, fortassis & suppressa est. Hi exolvuntur. Num his etiam abscessus juxta aures fiunt? Suppressæ cum rigore urinæ, malæ, tum alias, tum si antea sopor apprehenderit. Num juxta aures abscessus parotides dictos, in his fore spes est? Ex torminoso subsidentia limosa sublivida, mala est. Num ex præcordiis dolet? puto dexterum, & exolvitur. Num abscessus juxta aures talibus parum dolorosi? Alvus erumpens his in omnibus perniciofa est. In anxiosis quibusdam vigiliis abscessus circa aures maxime. Ex volvulis graveolentibus in febre acuta, præcordiis sublimibus diutius permanentibus, abscessus circa aures oborti occidunt. Ex surditate leniter abscessus circa aures fiunt, tum alias, tum si anxiosum quippiam succedat, & soporosis inter hos adhuc magis.

gis . Abscessus juxta aures leviter sideratis mali sunt .

23. Quæ convulsorio modo exacerbantur , cum stuporis detentione , abscessus juxta aures producant . Convulsio , tremor , anxietas , cum stuporis detentione , parvos circa aures abscessus exacerbant . Num quibus abscessus sunt juxta aures , capitis dolore affecti sunt ? Num & supernis partibus exudant ? Num insuper rigent quoque aliquo modo ? Deinde & alvus erumpit , & soporosum quippiam habent ? Num & aquosæ urinæ alba innatantia habentes , & quæ varie exalbidæ sunt , ac fœtidæ , abscessus juxta aures faciunt ? Num quibus tales urinæ , frequentes sanguinis è naribus stillæ profluunt ? num & lingua his lævis est ? Quibus magnum & fre-

quentem spiritum habentibus morbus regius , & febres acutæ cum præcordiis duris perfrigeratæ sunt , num his abscessus magni ad aures consistunt ? Soporosa , anxiosa , præcordia dolentia , vomitoria parva symptomata . In his abscessus juxta aures oboriuntur . Antea vero & ea quæ circa faciem fiunt .

24. Alvo nigra stercoracea egerente , sopor insuper apparens , abscessum juxta aures producit . Tussiculæ quæ sunt cum sputatione , abscessum circa aurem submovent . In capitis dolore sopor & surditas , circa aurem abscessum aliquem eructat . Præcordii distentio cum sopore anxioso , ac capitis dolore , abscessus circa aurem attollit . Dolorosi aurium abscessus , citra judicationem dissipati , mali sunt .

H I P P O C R A T I S

P R Æ D I C T O R U M

Liber secundus .



EDICORUM prædictiones narrantur multæ , & variæ , & admirandæ , quales ego quidem neque ipse prædixi , neque alium aliquem prædicere audivi . Sunt autem aliquæ ex ipsis hujuscemodi . Hominem perniciose affectum esse , & medico ipsum curanti , & aliis videri . Verum medicum alterum supervenisse ac dixisse , non peribit hic homo , verum cæcus evadet . Item ad alium qui omnino male habere videbatur , ingressum prædixisse , hominem quidem evasurum esse , verum manum claudam habiturum : & ad alium quendam qui similiter superstes fore non putabatur , dixisse ,

ipsum quidem sanum fore , verum pedum digitos nigrefactos putrefactione corrumpendos esse . Et aliæ hujuscemodi prædictiones in tali prædictionis specie dicuntur . Alius autem prædictionis modus est , e mentibus ac negociationes tractantibus prædicere , aliis mortem , aliis insaniam , aliis alios morbos : & ad hæc omnia , etiam ea quæ prioribus temporibus facta sunt prædicere , ac omnia vera narrare . Alia porro adhuc forma prædictionum est , athletas & eos qui morborum causa exercentur ac se fatigant cognoscere , si quid aut circa cibum deliquerint , aut alteratum quippiam ederint , aut potu uberiore usi fuerint , aut deambulationem inter-

mise-

miserint, aut res venereas quasdam exercuerint. Horum omnium nihil illos latet, adeo ut etiam minima quæque, in quibus non paruerit homo, exacte cognoscant. Hi omnes prædictionum modi esse feruntur.

2. Ego vero talia quidem non vaticinabor. Verum signa scribam, ex quibus & sanos futuros homines, & morituros coniectare oportet: & tum brevi tempore, tum longiore, sanos futuros, aut perituros. Scriptum est autem a me & de abscessibus, quomodo singulos considerare conveniat. Arbitror autem & eos qui de claudicationibus prædixerunt, aliisque ejusmodi, confirmato jam morbo prædixisse, & quum jam manifestum esset, quod abscessus non esset recursurus, si modo intelligentiam habuerunt: multo sane magis quam priusquam abscessus fieri inciperet. Spero item & alia prædixisse, magis humano more quam referatur (quæ videlicet ementibus & negotiationes tractantibus prædixisse dicuntur) mortes, & morbos, & insanias. Atque hæc mihi videntur talia facta esse, & nulla mihi videtur esse difficultas prædicendi, si quis circa talia studium ac curam adhibere velit. Primum etenim aqua inter cutem laborantes, & tabidos quis non cognoverit? Deinde deliraturi non diu latere possunt, si quis noverit quibus his morbus cognatus est, aut prius aliquando insaniverunt. Si enim hi homines ebriosi fuerint, aut carnes voraverint, aut vigilaverint, aut in frigore aut calore inconsiderate versati fuerint, multus timor est ex tali victus ratione ipsos deliraturos esse. Et eos qui hæmorrhoidas habent, si quis hyeme multo potu uti viderit, & bono colore præditos, de his prædicere licet, quod

ad ver multa spes fit sanguinis eruptionis, ut & decolores & aquatici sub æstatem fiant.

3. Verum omnia hæc addiscere ac prædicere oportet, si quis in talibus studiis palmam ferre expetat. Licet enim ex scriptis prædicere, & mortem, & insaniam, & bonam habitudinem. Possent autem referre & alia multa hujusmodi, sed quæ facillima cognitu sunt visum est mihi scribere. Consulo autem ut quam prudentissime agant, tum in reliqua arte, tum in hujusmodi prædictionibus, illius probe memores: quod si cui successerit prædictio, is apud ægrotum intelligentia præditum in admiratione fuerit. Si vero quis aberrarit, supra hoc quod odio habetur, fortasse etiam insanire videbitur. Quapropter jubeo, ut tum alias omnes, tum has prædictiones prudenter faciant: quantum sane & audiam, & videam, neque judicare recte homines ea, quæ dicuntur ac fiunt in arte, neque narrare.

4. Cæterum de his, qui exercentur ac laboribus se fatigant, eas asservationes quas asserunt hi, qui ipsas asserunt, neque esse puto, neque si quis putat prohibeo. A nullo enim signo, neque bono, neque malo, læduntur suspiciones, cui signo fide habita quis sciat, an recte pronunciatum sit, aut secus: alioqui per me licet ut si quis velit credat. Non enim ego impedimento sum. Arbitror autem si quid veri ab ipsis dicitur, aut his qui de his qui exercentur asseverant, aut illis qui prius scripti sunt: primum quidem hunc qui cognovit, ex signis coniectasse: deinde vero ambigue & humano more prædixisse, & simul eos qui id narrant, monstruosius quam factum fuit recensere. Nam neque in morbis facile est peccata cognoscere, etiamsi decumbant homi-

homines, & victu parum nutriente utantur, ut non adeo multa intueri opus sit eum, qui hæc considerandi curam suscepit. Alii enim bibunt solum: alii ad hoc quod bibunt, aut sorbitionem, aut cibum paucissimum assumunt.

5. Necessè igitur est eos, qui uberiore potu usi sunt, magis difficulter spirare, & plus urinæ ejicere. Si vero quis utrisque, & potu & cibo, immodice usus fuerit, ad hoc quod febricit, & difficulter spirat, etiam ventrem circumtentum & majorem habebit. Licet porro & hæc, & alia omnia experimentis optime explorare, quæ & habemus, & omnibus rectè utimur. Primum equidem & intelligentia, & oculis cognoscere facile est, hominem in eodem loco decumbentem, & exacta victus ratione utentem, si non paruerit, aut obambulando, aut multa edendo. Deinde qui manibus contrectavit ventrem ac venas, minus falli potest, quam qui non contrectavit. Et nares in febricitantibus quidem, & multa & bene significant. Odores enim multum inter se differunt. At vero in sanis & recto victu utentibus, haud scio qua re vel in hoc experimento faciendo uti possim. Postea audiendo vocem & spiritum auribus cognoscere datur, quæ in sanis non similiter sunt manifesta, sed qualiter etiam antea.

6. Quod si etiam mores morborum ac ægrotorum didicerit medicus, non tamen quicquam prædicere oportet. Non enim difficiliter spirabit homo, morbo adhuc errante, & febriet acutiore febre, & venter intentus fuerit. Quare propter hæc non tutum est prædicere, priusquam statum accipiat morbus. Verum post hoc tempus, quicquid præter rationem acciderit, dicere oportet. Manifesta vero sunt mala, quæ propter

ægri inobedientiam fiunt. Nam & spirandi difficultates, & alia hujusmodi postmodum sedabuntur, si ob peccatum fiunt. Si igitur quis hanc judicationem considerans dixerit, non delinquet. Atque ego quidem hunc considerandi modum nunc consulo, tum de his qui domi manent, tum de his qui exercentur, itemque de aliis omnibus, qualia peccata committant. At exactam illam narrantes rationem & audio, & derideo. Quum enim parum inobedientes fuerint homines, haud scio quomodo id deprehendere possim. Si vero majora fuerint peccata, quem in modum considerare oporteat scribam.

7. Oportet autem primum hominem, in quo quis per inobedientiam admissa cognoscere volet, per totum diem intueri, & in eodem loco, & eadem hora, sole præsertim recens orto, hoc enim tempore subevacuatus fuerit, & adhuc jejunosus est, & nullo labore fatigatus est, præterquam matutinis deambulationibus, in quibus minime inobediens est, si sane ubi de somno surrexerit homo, ad deambulandum prodierit. Quare necessè est eum, qui iusta victus ratione utitur, hac hora maxime æqualiter habere, & coloris, & totius corporis constitutionem. Quapropter & is, qui hujus considerationis curam gerit, acutissimus fuerit & mente, & oculis, eo tempore. Contemplari præterea oportet hominis mentem, & mores, & corporis vires. Alii enim alia facilius aut difficiliter imperata faciunt. Primum igitur is, cui inedia imperata est, si plura comederit & biberit, per hæc manifestus fiet, & tumidius corpus ipsius apparebit, & plenius ac coloratius erit, si non excrementa alvi male ipsi processerint. Erit item animosior ad ferendum laborem.

Con.

Considerandum etiam an ructum edat, aut a flatibus urgeatur. Hæc enim fieri solent his, qui ita affecti sunt, propter hoc peccatum.

8. Si vero dum edere multa cogitur, & fortiter laborare, aut cibum imperatum non ederit, aut ebrius factus fuerit, aut a cœna larga non obambulaverit, hoc modo explorare oportet. Siquidem cœnam non ederit, solito autem more deambulaverit, jucundiorum aspectum præ se feret, & vegetior ac operosior in exercitiis erit. Verum alvi egestio modica & compacta maxime in hoc fuerit. Si vero cœna sumpta non deambulaverit, ructum utique edet, & flatuosus fuerit, & plenitudo non minor apparebit, & inter laborandum magis quam antea sudabit, & difficulter spirabit, ac gravis erit, & transitus alvi majores ac minus viscosi his fuerint. Quod si neque cibum consumpserit, neque deambulaverit, pigrior utique fuerit ac tumidior. Si vero ebrius factus fuerit, sudabit magis quam antea, & difficulter spirabit, & ipse seipso gravior erit ac humidior. Sed & lætior erit, si non caput ipsi affligatur. Quod si uxore semel usus fuerit, vegetior utique erit, & magis solutus. Si vero sæpius rem peregerit, durior evadet, & squallorem quendam habebit, & decoloratior ac magis lassatus erit.

9. Porro egestiones alvi procedere oportet his qui laboribus exercentur, quamdiu parum ederint, ac parum potaverint, modicas & duras, atque hoc quotidie. Si vero tertio quoque die, aut quarto, aut ex longiore intervallo prodierint, periculum est aut febris, aut alvi profluvio corripiendos esse. Quæcunque vero egestiones liquidiores sunt, quam ut in transitu conformentur, hæc

sane omnes peiores sunt. At vero his qui multum edunt, & multum laborant, egestionis transitum mollem, oportet esse siccum, & copiam ciborum ingestorum pro ratione laboris. Procedunt autem ab æquali ciborum copia, his quidem qui minimum laborant, plurimæ egestiones, his vero qui plurimum laborant, modicæ, si sani fuerint, & justa victus ratione utantur. Nam ad hæc conjecturam facere oportet. Liquidiores autem egestiones, & sine febribus contingentes, & quæ septima die, aut citius judicantur, commodæ sunt, si semel una vice omnes fiant, & non revertantur. Si vero insuper febrierint homines, aut alvi profluvia redierint, si longa fuerint, penitus mala sunt, sive biliosa fuerint, sive pituitosa, sive cruda: & victus ratione propria, singula opus habent, itemque medicamentis alia aliis.

10. Cæterum urinam juxta potionis copiam mingere oportet, & semper æqualem, & quam maxime acervatim, & momento paulo crassorem, quam id quod in potu acceptum fuit. Si vero fuerit aquosa, & copiosior quam pro eo quod bibi imperatum est, significat hominem non obedire, sed copiosiore potu uti: aut non posse renutrir, quam diu talia urinam faciunt. Si vero paulatim stridat urina, aut medicamentis hominem opus habere significat, aut morbum aliquem circa vesicam habere. At sanguinem mingere, raro quidem & sine febre ac dolore, nihil mali significat, sed lassitudinum solutio fit. Si vero sæpius mingat, & aliquid ex his accesserit, malum est. Verum prædicere oportet, sive cum dolore mingatur, sive cum febre, fore ut insuper pus mingat, atque ita dolores ac afflictiones quiescant. Crassa

sa vero urina albam subsidentiam habens, aut circa articulos dolorem aliquem, aut tumorem significat. Aliæ vero omnes subsidentia in urinis eorum qui exercentur, a morbis circa vesicam fiunt, id quod ipsi manifestum facient. Cum doloribus enim erunt, & tales ut difficulter quis ab ipsis liberari possit. Atque hæc quidem de his scribo, & hujusmodi alia dico. Cæterum ex his qui exactam ac certam prædictionum rationem prædicant, cum aliquibus ipse conversatus sum, cum aliquorum vero filiis ac discipulis rem contuli, quorundam vero scripta accepi. Quare quum probe sciam qualiter quisque ipsorum sentiat, & exactas certitudines nusquam compererim, hæc scribere aggressus sum.

11. At vero de aqua inter cutem, & tabidis, & podagris, & his qui a morbo sacro appellato corripuntur hæc dico. Ex aliqua quidem parte de omnibus idem. (Nam qui hos morbos congenitos habet, is ægre ab ipsis liberari potest). Reliqua vero singulatim scribam de singulis. Eum qui ab hydrope, sive aqua inter cutem correptus est, & superstes esse volet, bonis visceribus præditum esse oportet, ita ut natura se exerat, simulque facile concoquat, & bene spiret, sitque sine dolore, & totum corpus æqualiter tepidum habeat, & non circa extremas partes colliquatum. Melius est autem ut tumores potius habeat in extremis partibus. Optimum vero est neutrum horum habere. Nam molles ac graciles esse convenit extremas partes, itemque ventrem ad contactum mollem. Tussim vero adesse non oportet, neque sitim, neque linguam resiccari, tum reliquo tempore, tum post somnos, quando hæc valde fieri solent. At ci-

bos libenter accipere oportet, & ubi multum satis comedit, non affligi. Alvum vero ad medicamenta quidem celerem habere, reliquo autem tempore egerere recrementum molle efformatum. Urinam autem apparere convenit, pro studiorum ratione, & vinorum mutatione transeunte. Laborem vero ferre oportet facile, & lassitudinis exortem esse. Ac optimum quidem est hominem ita per omnia dispositum esse, & sic securissime sanus fieri poterit. Sin minus, plurima ex his habeat. Nam spes erit ut superstes evadat. Qui vero nihil horum habuerit, sed contraria, eum desperatum esse scito. Qui autem pauca horum habuerit, quæ bona esse dixi, si hydrope laboranti adsint, huic exiguæ spes restant. Cui vero multum sanguinis sursum ac deorsum eruperit, & febris insuper accesserit, cum multa aqua repletum iri timor est, atque hic hydrops brevissimi temporis est, & ex quo paucissimi evadunt. Verum de hoc alteri prius significare oportet. At quibus magni tumores facti emarcescunt ac rursus attolluntur, hi magis convalescunt quam illi, qui ex sanguinis eruptione implentur. Verum fallunt hi hydropes ipsos ægrotos, faciuntque ut ipsi a medicis discedant ac pereant.

12. De tabescentibus quod ad sputum ac tussim attinet, eadem dico, quæ de pectore suppuratis scripsi. Oportet enim eum qui probe liberari volet, facile sputum per tussim rejicere, & id esse album, & æquale, & ejusdem coloris, & ab inflammatione alienum. Quod vero a capite defluit, ad nares converti: febrem autem non invadere, ut ne a cœnis prohibeatur, neque sicut. Venter autem egerat quotidie, & id quod egerit sit durum, copia pro-

ratione ciborum ingestorum. Hominem vero quam minime tenuem esse oportet. Pectus autem laudare convenit quadrangulum & hirsutum, & os ipsius parvum sit, & robuste carnosum. Quicumque enim hæc omnia habuerit, maxime superstes erit. Qui vero nihil horum habet, interitui proximus.

13. Quicumque vero pectore suppurati facti fuerint, dum juvenes sunt, ex humorum illapsu, aut fistula, aut alio quopiam hujuscemodi, aut ex abscessu recurso, hi non evadunt, nisi valde multa bona signa ipsis accesserint. Pereunt autem homines hi ad autumnum. Sed & ex aliis morbis longis plerique ad hoc tempus maxime moriuntur. Cæterum ex aliis minime superstites manent & virgines, & mulieres, quibus ex suppressis mensibus tabes oborta est. Si vero aliqua virgo, aut mulier evasura est, & aliorum signorum bonorum multa accedere oportet, & menses splendide ac pure apparere, aut nulla spes est.

14. Qui vero ex sanguinis eruptione, pectore suppurati fiunt, & viri, & mulieres, & virgines, non minus evadunt. Verum signis omnibus tum suppuratorum, tum tabescentium collectis, & superstitem futurum, & perituum prædicere oportet. Maxime vero evadunt ex sanguinis eruptione, hi quibus dolores sunt atrabilarii, & in dorso, & in pectore: & qui post eruptionem minus dolent. Nam & tusses non valde insuper accedunt, & febres pleræque perseverant, sitim facile ferentes. At reversiones eruptionis sanguinis maxime fiunt his, si non abscessus succedant. Optimi vero sunt abscessus sanguinolentissimi. Quibus autem in pectoribus dolores insunt, & per tempus attenuantur, & tussunt, ac

difficulter spirant, neque febribus insuper corripientibus, neque suppuracionibus succedentibus, eos interrogare oportet, quum tussiant, & difficulter spirent, an & compactum quiddam & modicum odorem habens tussiendo rejiciant.

15. De podagricis hæc dico. Quicumque aut senes sunt, aut circa articulos callos tofaceos concretos habent, aut ærumnose vivunt, ac siccam alvum habent: hi omnes sani fieri non possunt humana arte, quantum ego novi. Sanant quidem hos optime, dysenteria si successerint. Sed & aliæ eliquationes valde profunt, quæ ad infernos locos repunt. Qui vero juvenis est, & circa articulos nondum tofaceos callos concretos habet, & accurate vivit, & laboris amans est, & alvum bonam habet ad obediendum pro studiorum ratione, hic sane medicum intelligentiam habentem nactus, sanus fieri poterit.

16. Ex his porro qui a sacro morbo corripuntur, difficillime quidem liberantur hi, quibus a puero contigit morbus, & simul ad virilem ætatem pervenit: deinde hi quibus corpore in vigore ætatis constituto factus est, fuerit a viginti quinque annis, usque ad annum quadragesimum quintum. Post hos autem, quibus factus fuerit morbus, nullam significationem præbens, ex qua corporis parte initium sumat. At quibus ex capite initium capere videtur, aut a latere, aut a manu, aut pede, facilius curatur. Verum differunt etiam hæc morbi genera. Qui enim a capite initium sumunt, ex his gravissimi sunt: deinde qui a latere. Qui vero a manibus ac pedibus, maxime sanari possunt. Cæterum horum curam aggredi oportet medicum, qui me-

medendi modum novit, si homines fuerint juvenes, & laboris amantes, nisi mens mali aliquid habuerit, aut quis stupore attonito sideratus fuerit. Nam hæc atrabilariæ mentis emotiones, non sunt conducibiles. Alii vero qui ad infernas partes convertuntur abscessus, boni sunt. Longe vero optimi & hic sunt, qui sunt sanguinolentissimi. Quicumque vero senes apprehendi incipiunt, maxime moriuntur. Et si non pereant, statim celerrimeque per se liberantur, a medicis autem minime opem ferunt. At quibus pueris oculi repente distorti fuerunt, aut majus quoddam malum perpeffi sunt, aut tubercula sub cervicem oborta sunt, aut vocem graciliorem adepti sunt, aut tusses siccæ diuturnæ adhærent, aut majoribus factis dolor procedit ad ventrem, & non exturbatur, aut in lateribus distortionem habent, aut venas crassas circa ventrem varicosas, aut omentum descendit, aut testis magnus factus est, aut manus tenuis & impotens, aut pes aut tibia tota clauda facta est, citra aliam causam: his omnibus morbum antea factum fuisse, scire oportet, præ his universis. Et plurimi qui pueros educant, si interrogentur confitebuntur: quosdam vero etiam res latet, negantque se scire quicquam tale factum esse.

17. Qui porro de ulceribus cognoscere volet, quomodo singula finient, eum primum hominum species perscrutari oportet, tum eas quæ meliores sunt ad ulcera, tum quæ deteriores: deinde ætates nosse, in quibus singula ulcera curatu difficilia existunt. Locos item in corporibus perspectos habere, quantum alii ab aliis differunt. Sed & alia qualia in singulis accedunt tum bona, tum mala, nosse oportet. Si quis enim omnia hæc noverit, is sane sciet etiam

quo modo singulorum eventus continget. Qui vero non noverit hæc, non nosse poterit quales fines ulcerum erunt. Species equidem bonæ sunt hæc: Leves, & commoderatæ, & bonis visceribus præditæ, & neque valde carnosæ, neque duræ. Juxta colorem vero sit species alba, aut nigra, aut rubens. Hæc enim omnes bonæ sunt, si puræ sunt. Si vero pallidus color ammixtus fuerit, aut color ipse pallidus aut lividus fuerit, pejus est. Species vero quæ præscriptis contrariæ sunt, eas deteriores esse scito.

18. At vero quod ad ætates attinet, tubercula quidem suppurata fiunt, & strumosa hæc plurimos pueros occupant, & facillime ex ipsis liberantur. Senioribus vero pueris & adolescentibus, minus quidem oriuntur, verum difficilius ab ipsis liberantur. Viris autem talia quidem tubercula non valde fiunt, verum ceria Græcis dicta, ad modum favi concreta, horrenda: & cancri occulti submersi, & ex pustulis nocturnis herpes, donec sexaginta annos transmiserint. Senibus autem nihil talium tuberculorum accedit, verum cancri & occulti, & summas partes occupantes, & commoriuntur. Cæterum ex locis subalares difficiliores curatu sunt, & laterum mollitudines, ac femora. Nam & moræ in ipsis fiunt, & recidivæ. Ex articulis periculo maxime obnoxii sunt magni digiti, & præsertim pedum. Quibus autem in obliqua linguæ parte ulcus fit diuturnum, in his dentes considerare oportet, an quis juxta illam ulceris partem acutior sit.

19. Vulnera magis lethalia sunt, quæ in venas crassas in collo ac inguinibus infliguntur: deinde quæ in cerebrum, & in hepar: postea quæ in

intestinum & vesicam. Sunt autem hæc omnia perniciofa valde, non tamen ita ut nemo ex his evadat, velut putatur. Nam & loci qui hæc nomina habent, multum inter se differunt, & iidem modi. Multum etiam differt corporis ipsius hominis structura. Aliquando enim neque febricitat, neque inflammatur faucibus. Aliquando etiam citra causam febricitat, & aliqua corporis pars omnino inflammatur. At quando is qui ulcus habet delirat, & facile fert vulnus, tunc vulnus aggredi oportet, velut juxta medicinæ & accedentium rationem, eventum habiturum. Moriuntur enim homines ab omnis generis vulneribus. Multæ enim venæ sunt & tenues, & crassæ, quæ sanguinem fundentes occidunt, si gliscere ac eo ferri ipsas contigerit: quas alia temporis occasione si quis pertundat, corporibus prodesse sentiat.

20. Multa vero vulnera in locis vilibus ac non malis esse, & nulla re gravia videntur, & tamen sic dolore affligit plaga, ut respirare non possit. Alii vero pro vulneris dolore, quod sane grave nulla re erat, spiritum quidem duxerunt, verum delirarunt, & febrientes mortui sunt. Quicumque enim aut corpus febricitans habent, aut mentem turbatam, talia patiuntur. Sed neque hæc admirari oportet, neque formidare, illud expendendo, quod & animæ & corpora hominum plurimum differunt, & vim maximam habent. Quæcunque igitur vulnera tempus nanciscuntur, aut corpus & mentem hujusmodi: aut ita gliscentem sanguinem, aut magnitudine tanta fuerint, ut homo ad curationem adduci ab ejus contemptu non possit, ab his quidem discere oportet, quali ac tandem fuerint, diariis animi deliquiis exceptis:

alia vero omnia aggredi, quæ recens sunt incussa, quo & febres effugiant homines, & sanguinis eruptiones, & nomas ulcerum proserpentes, hi qui evadent. Exactissime vero & ad plurimum tempus, eorum quæ gravissima sunt custodiam facere oportet. Nam ita facere justum est.

21. At vero nomæ lethalissimæ sunt, quarum putredines profundissimæ & nigerrimæ ac siccissimæ existunt. Pravæ etiam sunt ac periculosæ, quæ nigram saniem remittunt. Albæ vero ac mucosæ putredines, minus quidem occidunt, magis autem revertuntur, & diuturniores sunt. Herpetes autem minime omnium ulcerum quæ depascendo proserpunt, periculosi sunt, verum maxime difficulter submoveri possunt, quemadmodum cancri occulti. In omnibus autem talibus febrem supervenire una die confert, & pus quam albidissimum ac crassissimum. Commodat & corruptio nervi, aut etiam ossis, aut etiam amborum, tum in profundis, tum in nigris putredinibus. Nam in corruptionibus pus multum fluit, & putredines solvit.

22. Porro ex capitis vulneribus lethalissima sunt quæ ad cerebrum pertingunt, velut etiam antea scriptum est. Gravia sunt & hujusmodi omnia, os nudum magnum, os infarctum, os fractum. Si vero etiam osculum ulcers parvum fuerit, fissura vero ossis aliquandiu permanferit, periculosius est. Hæc autem omnia graviora sunt, si & juxta futuram sunt: & ex locis semper periculosiores summi in capite existunt. Cæterum in omnibus memorabilibus vulneribus interrogare oportet, si adhuc recentes fuerint plagæ, aut etiam jactus fuerint, an conciderit homo, aut an in soporem altiore col-

lapsus sit. Si enim horum quippiam factum fuerit, ampliore custodia opus habet, nimirum quum cerebrum vulnus tunc perceperit. Si vero non recens fauciatus fuerit, ad alia signa respicere oportet, ac consilium capere. Optimum quidem igitur est, neque febrile eum, qui ulcus in capite habet, neque sanguinem insuper ipsi erupisse, neque inflammationem, neque simul ullum aliquem dolorem accessisse. Si vero quid horum apparuerit, securissimum est ut in principio fiat, & modico tempore permaneat.

23. Conducit autem in doloribus, etiam inflammationes ex ulceribus accedere: in sanguinis autem eruptionibus, pus in venis apparere. Quæ vero in acutis morbis conferre febribus scripti, ea etiam in his fieri conducit, & eadem hic quoque bona esse assero, contraria vero mala. At incipere febrem in capitis vulnere quarta die aut septima, aut undecima, valde lethale est. Judicatur autem plerisque, siquidem quarta vulneris die febris inceperit, ad undecimam. Si vero septima die febris inchoarit, ad decimam quartam, aut decimam septimam. Si vero undecimo febrile inceperit, ad vigesimam: quemadmodum in febribus descriptum est, quæ absque manifestis causis fiunt. Cæterum in principiis febrium, sive delirium accesserit, sive alicujus membri sideratio, perituum hominem sciendum est, si non omnino aut ex optimis signis aliquod accedat, aut corporis vires adsint. Verum considerabis modum. Nam homini adhuc spes salutis est, sed claudum fieri articulum in quem incubuit necesse est, etiam si superstes maneat homo.

24. Porro vulnera in articulis, quæ quidem magna sunt, & nervos conjun-

gentes penitus præsecant, clarum est quod claudos efficiunt. Si vero ambiguum fuerit de nervis, quomodo se habeant, siquidem fuerit acutum telum quod rectum vulnus fecit, melius est obliquum. Si vero grave & obtusum fuerit id quod vulneravit, nihil refert. Sed plagæ profunditatem & alia signa considerare licebit. Sunt autem hæc. Pus si insuper accedat ad articulum, duriores fieri necesse est. Si vero etiam tumores simul permanserint, hunc locum ad multum tempus durum esse necesse est: & quum sanum jam est ulcus, tumorem permanere necessarium est, simulque flecti ac extendi, quæcunque dum articulus incurvus est, curantur. Quibus vero etiam nervus elapsurus esse videtur, securius de claudicatione prædicere licet, tum alias, tum si inferiorum nervorum aliquis fuerit exolutus. Ex his autem cognosces nervum qui excidet. Pus album & crassum, multo tempore defluit, doloresque ac inflammationes circa articulum in principiis fiunt. Eadem fiunt etiam si os elabetur.

25. At vero dissectiones in cubiti gibbis, præsertim quæ sunt cum inflammatione, ad suppurationem perveniunt, ad sectionesque ac ustiones.

26. Medulla vero spinæ si ægrotarit, sive ex lapsu, sive ex alia aliqua causa, sive sua sponte, homo & cruribus impotens fit, ut neque si tangatur percipiat, & ventre ac vesica, ut circa prima tempora, neque stercus, neque urinam egerat, nisi ad necessitatem. Quum autem vetustior factus fuerit morbus, non urgente homine, & stercus prodit, & urina. Moritur autem postea, non multo interpolito tempore.

27. Quod si vero cuiquam fauces im-

plen-

plentur fanguine sæpe singulis diebus ac noctibus, cui neque caput antea doluit, & qui neque tussim habuit; neque vomuit; neque febre correptus fuit, neque dolorem habuit, nec pectoris, nec dorsi, hujus considerandæ sunt nares, & fauces, an ulcus aliquod habere compareat in hoc loco, aut hircinam.

28. Oculi porro lippientes optime permutantur, si & lachryma, & sordes, & tumor, simul fieri inceperint. Si vero lachryma sordi fuerit permixta, & non valde calida: Sordes autem alba fuerit & mollis, & tumor levis solutus. Si ita hæc se habuerint, oculus conglutinabitur ad noctes, ut doloris exors sit, atque hoc modo res minime periculosa fuerit, ac minime diuturna. Si vero lachryma procedit multa & calida, cum paucissima sorde, ac parvo tumore, atque hoc ex altero oculo tantum, tunc diuturnum valde fit malum, verum non periculosum, & doloris exors est hic modus. Et judicationem in his maxime expectare oportet, primam quidem ad vigesimam diem. Si vero hoc tempus transmittat, ad quadragesimam expectanda est. Si vero neque in his diebus sedetur, in sexaginta judicatur. Per totam autem tempus hoc, sordem considerare oportet, an in digito misceatur, & alba ac mollis fiat, maxime sub judicationis tempus. Si enim desinet, hæc faciet. At si utrique oculi hæc perpétiantur, in majori periculo sunt, ne ulcerentur. Verum judicatio brevioris temporis erit. Sordes autem siccae valde dolorosæ sunt, sed cito judicantur, si non vulnus acceperit oculus. Si vero tumor magnus fuerit, dolorisque exors & siccus, periculo vacat. Si vero cum dolore fuerit, malus est si siccus sit, &

periculum est ne ulceretur oculus ac concrelcat. Sed & gravis est tumor, si lachrymam conjunctam habeat, itemque dolorem. Si enim lachryma procedit calida ac salsa, periculum est & pupillam exulcerari, & palpebras. Si vero tumor confederit, sed lachryma multa multo tempore effundatur, & sordes fuerint: viris quidem palpebrarum everfionem prædicere oportet, mulieribus autem & pueris exulcerationem ac everfionem palpebrarum. At si sordes pallidæ aut lividæ fuerint, & lachryma multa ac calida, & in capite ardor fuerit, & de tempore dolores in oculum decubuerint, & vigiliæ his accesserint, necesse est ulcus in oculo factum esse, & timor est quoque ut talis rumpatur. Prodest autem febris accedens, aut dolor ad lumbos innixus. Prædicere vero his futura oportet, ita ut respectus & ad tempus habeatur, & ad ea quæ ex oculo fluunt, & ad dolores itemque vigiliæ. Postquam vero & oculum contueri datum fuerit, siquidem comperitus fuerit ruptus, & per fissuram prominuerit oculus, malum est & difficile ut sedetur. Si vero & putredo tali suberit, penitus inutilis oculus redditur. At vero alios ulcerum modos prædicere oportet, locos considerando, & putredines, & profunditates. Necessarium enim est juxta ulcerum vehementiam cicatrices fieri. Quibus igitur rumpuntur oculi, & postea prominent, ut extra locum oculus sit, his & tempore, & arte, opem ferre non datur, ad hoc ut videant. Parvæ vero oculorum transformationes sedari possunt, si nihil mali accesserit, & homo juvenis fuerit. At ulcerum cicatrices, quibus nihil aliud mali affuerit, omnes, & a temporibus, & ab arte, opem ferre posse putandum est, maxime recentissimas, & in

in juvenum corporibus. Cæterum ex locis maxime oculi læduntur, si exulcerantur: deinde pars quæ est supra supercilia, postea quicquid vicinissimum his locis fuerit. Pupillæ vero glaucescentes, aut argenti speciem referentes, aut cœruleæ, non bonæ sunt. His autem paulo meliores sunt, quæ aut minores apparent, aut ampliores, aut angulos habentes, sive ex causis factæ fuerint, sive sua sponte. Caligines & nubeculæ, & cicatrices subalbicantes, lævigantur ac delentur, si non vulnus aliquod in eo loco accesserit, aut prius cicatricem habuerit in hoc loco, aut unguem pterygion dictum. Si vero splendicans cicatrix in nigra oculorum parte fiat, partem aliquam nigredinis dealbat, adeo ut si multo tempore permaneat, & aspera & crassa, etiam memoriam sui relinquat.

29. Porro iudicationes quemadmodum in febribus scripsi, ita & hic se habent. Verum signa edoctorum, juxta differentias lippitudinum prædictionem facere oportet, quum pessima signa accesserint, diuturnarum lippitudinum, velut de singulis perscriptum est: quum vero apparuerint optima signa, brevium. Tunc enim septima die desituras esse prædicendum est, aut prope hoc tempus, & alioqui securas esse putandum est. Recidivas autem expectare oportet his, quibus melius habere contingit, neque in diebus judicatoriis, neque signis bonis conspectis. Omnium vero maxime urinæ statum in oculorum affectionibus considerare oportet. Nam temporum occasiones repentinæ sunt.

30. Dysenterix siquidem cum febre invalerint, aut variis alvi egestionibus, aut cum hepatis inflammatione, aut præcordii, aut ventris: aut quæ dolorosæ fuerint, aut cibos intercipiunt, si-

timque inducunt: hæ omnes malæ sunt. Et qui sane plurima horum malorum habuerit, citissime peribit: cui vero paucissima talium affuerint, huic plurimæ spes sunt. Moriuntur autem ex hoc morbo maxime pueri quinquennes, & seniores adhuc, decennes: reliquæ vero ætates minus. At quæ dysenterix commodæ sunt, hæ mala hæc non inducunt. Verum sanguine & ramentis egestis, desiverunt septima die, aut decimaquarta, aut vigesima, aut quadragesima, aut intra hæc tempora. Hujusmodi enim egestionibus, etiam eos qui prius sunt in corporibus, morbos sanant, antiquiores quidem diutius tempore, recentiores autem in paucis diebus submovere possunt. Nam & quæ uterum gestant, etiam ipsæ evadunt superstitibus magis ad partum, & ex partu, & fœtus conservant: sanguine & ramentis egestis, etiam per multos menses: nisi dolor ipsis affuerit, aut aliud quoddam malum signum ex his, quæ in dysenteriis fieri scripsi, accesserit. Si vero aliquod illorum apparuerit: & fœtui perniciem significat, & prægnanti periculum, si non post fœtus effugium, & secundæ exolutionem, ipsa dysenteria eadem die, aut post modicum tempus desinat.

31. Levitates porro intestinorum; lienterix Græcis appellatæ, quæ quidem sunt continuæ & diuturnæ, & per omnem horam, & cum strepitibus, & sine strepitibus exturbantur, & similiter noctu ac interdiu incumbentes, & egestionibus subeunte aut valde cruda, aut nigra, & lævi ac graveolente: hæ omnes malæ sunt. Nam & situm inducunt, & potum non ad vesicam promovent, ut per urinam ejiciatur: & os exulcerant, & ruborem elevatum in facie efficiunt, & maculas solares varios colores

lores habentes. Simul autem & ventres emollitos, & sordidos ac rugosos reddunt. Ex talibus autem homines impotentes fiunt, ad cibum capiendum, ad deambulandum, ad faciendum alia quæ facere debent. Estque morbus hic gravissimus senioribus. Vehemens est etiam viris. Reliquis autem ætatibus multo minor. Quisquis autem neque in ætatibus his est, quas male tractari ab hoc morbo dixi, & paucissima ex signis habet, quæ mala esse scripsi, hic securissime dispositus est. Indiget autem curatione hic morbus, donec & urina pro ratione ejus, quod in potu acceptum est, procedat, & corpus ab ingestis cibis augmentum capiat, & a malis coloribus liberatum fuerit.

32. At vero alia profluvia alvi, quæ sine febre sunt, & brevi tempore durant, & mitia existunt. Aut enim eluta sedabuntur, aut sua sponte. Prædicere autem oportet excretionem subitus erumpentem defecuram esse, quum tangenti ventrem manu nullus motus occurrerit, & in fine egestionis flatus penetrarit. Sedes autem evertuntur ac procidunt, viris quidem, quos ubi hæmorrhoidas habent, alvi profluvium corripit: pueris autem calculo laborantibus, & in dysenteriis longis ac meracis: senibus vero quibus mucii agglutinati insunt.

33. Porro ex mulieribus, quæ magis aut minus in utero concipere solent, ita considerationem facere convenit: primum quidem specierum. Parvæ enim ad conceptionem præstantiores sunt majoribus, tenues crassis, albæ rubicundis, nigrae lividis. Quæ item venas conspicuas habent, meliores sunt quam quibus non apparent. Carnem autem uberiores habere, aniculæ malum est: mammas autem tumidas ac

magnas, bonum. Atque hæc quidem ad visum exposita sunt. Verum interrogare oportet etiam de menstruis purgationibus, an omnibus mensibus compareant, & an copia satis magna, & an boni coloris sint, & æquales in singulis temporibus, & in iisdem mensium diebus. Sic enim has fieri optimum est. Locum vero in quo conceptio fit, quem sane uterum nominamus, sanum esse oportet, & siccum, ac mollem. Sit item neque retractus, neque pronuus, neque os ipsius sit aversum, neque conclusum, neque eversum. Fieri enim non potest ut conceptio fiat, quodcumque tandem talium impedimentorum affuerit. Quæcunque igitur mulieres in utero concipere non possunt, verum pallidæ apparent, neque febre, neque visceribus in causa existentibus, hæc capite se dolere dicent, & menses sibi male ac meracos prodire. Sive autem brevi, sive longo tempore, ipsis sic affectis menses non comparuerint, uteri in his purgatione opus habent. Quæcunque vero bene coloratæ sunt, & carnem multam ac pinguem habent, & venulas occultatas, & dolore carent, & menses his aut omnino non apparent, aut modici, & meraci prodeunt: hic modus difficillimus est ad cogendum ut concipiant. Si vero mensibus comparentibus inculpate, & mulier sic corpore disposita fuerit, & non conceperit, locus in quo est uterus in causa est, ut fœcunda fœtu fieri non possit. Aut enim revulsus est, aut eversus. Nam & alia quæ isthic fiunt, cum doloribus, decolorationeque ac colliquatione fiunt.

34. Quibus porro ulcus factum fuerit in utero, sive ex partu, sive ex tuberculo, sive ex alia quadam causa, his febres & inguinum tumores succedere

dere necesse est, & dolores in his locis. (Si vero & puerperii purgamenta simul fuerint intercepta, hæc mala si fuerint, omnino meraciora sunt & diuturniora.) Et ad hæc præcordiorum ac capitis dolores. Ulcere autem factò & sanato, locum hunc læviorem ac duriorum fieri necesse est, & minus concipere posse. Si vero solum in sinistra parte fiat ulcus, & mulier in utero concipiat, sive dum adhuc habet ulcus, sive ubi jam sana est, masculinum magis enixuram esse spes est. Si vero in dextra parte ulcus fiat, & mulier concipiat, fœmineum magis fore fœtum expectandum est. At si febres corripiant concipere non potentem, & attenuata sit muliercula, interrogare oportet, an uteri ulcus aliquod habeant, aut aliud quippiam ex malis, de quibus scripsi. Si enim in hoc loco nihil mali subesse apparuerit, quod causa sit attenuationis, & quod concipere non possit, sanguinem vomituram esse mulierem expectandum est, menses autem tali necessario evanuerunt. Si vero febris soluta fuerit a sanguinis eruptione, & menses comparuerint, in utero concipiet. Si vero priusquam sanguis erumpat, alvi excrementa liquida facta fuerint pravo modo, periculum est perituram esse mulierem antea quam sanguinem vomat.

35. Quæcunque in utero se concepisse putant, & non conceperunt, & per multos menses falluntur, menstruis purgationibus non apparentibus, & ventres augeri ac moveri vident: hæc & caput dolent, & collum, & præcordia, & in mammis lac ipsis non est, nisi modicum quiddam, atque id aquosum. Postquam vero ventris tumiditas exoluta fuerit, ac molles factæ fuerint, in utero concipient, si non aliud quoddam

impedimentum ipsis fiat. Nam hæc affectio bona est ad mutationem in utero faciendam, ut post hoc tempus in utero concipiant. At his quæ conceperunt, dolores hi non fiunt, nisi familiares his fuerint capitis dolores, & lac in mammis gignitur. At vero eas quæ a diuturnis fluxionibus vexantur, interrogare oportet an caput doleant, & lumbos, & infernam ventris partem. Interrogandæ sunt etiam de dentium stupore, & visus hebetudine, & aurium sonitu. Quæcunque autem dum jejunæ sunt, subbiliosa vomunt per multos dies, quum neque uterum gestent, neque febricitent, eas interrogare oportet an lumbricos rotundos simul vomant. Si enim hoc non confitentur, prædicendum est ipsis futurum esse. Fit autem hic morbus maxime quidem mulieribus: deinde vero etiam virginibus, aliis autem hominibus minus.

36. Quibuscunque vero sine febribus dolores fiunt, mortem quidem non inducunt, verum plerique diuturni sunt, & multas mutationes ac recidivas habent. Modi autem hi sunt. Primum quidem ex capitis doloribus aliqui sunt leves, aliqui multo graviores. Utroque vero hoc modo considerare oportet. Quicumque hebetem visum habent, & rubor quidam ipsis fit in oculis, & pruritus frontem vexat, his sanguis sua sponte manans opitulatur. Atque hic modus necessario simplex est. Quibus vero dolores circa caput & frontem, ex magnis ventis fiunt, & ex frigidibus quum vehementer calfacti fuerint, eos gravedines quidem maxime perfecte liberant: profunt autem & sternutationes, & muci in naribus aborti, magis quidem sua sponte: sin minus, coacte. Gravedines autem fiunt perfecte, adeo ut tusses succedant: & ster-

nutationes succedentes si dolores non sedaverint, necesse est tubercula & decolorationes his succedere. Quibus autem dolores sine manifestis causis fiunt, & diurni, & in toto capite, suntque ipsi & graciles, & debiles, his prædicendum est morbum longe graviolem priore esse. Si vero etiam ad collum, & ad dorsum dolor descendat, caput relinquens, & rursus ad caput recurrat, adhuc gravior fit. Verum omnium horum gravissimus est: si ex capite ad collum ac dorsum tendat. Utilitates autem his ex abscessibus fore expectandum est, aut ubi pus per tussim rejecerint, aut hæmorrhoidas habent, aut pustulas in corporibus enatas. Confert etiam caput furfures habens.

37. Torpores & puncturæ pruriginosæ velut ab urtica, quibus per caput discurrunt, aliquando per totum, aliquando per aliquam partem: sæpe vero & frigiditas aliqua ab ipsis sentiri putatur, velut per caput discurrere: hos interrogare oportet, an etiam ad summam linguam punctura illa procedat. Si enim hoc fecerit, perfectus morbus fit, & qui difficilius submo- veri possit. Verum absque hoc facilis est. Modi vero utilitatum consequendarum ex abscessibus contingent, veluti antea scriptum est. Sed tamen abscessus minus in his succedunt, quam in illis.

38. Quoscunque vero una cum doloribus vertigines corripunt, malum ægre exolubile ac furiosum existit. Senibus autem maxime hic modus fit. At alii morbi circa caput, & viris, & mulieribus, cum securitate vehementissimi sunt, & diuturniores: fiunt autem & adolescentibus, & virginibus in ea pubertatis ætate, & maxime circa mensium progressum. Mulieribus vero in capitis doloribus, alia quidem

omnia fiunt, quæ & viris. Verum puncturæ illæ pruriginosæ & affectiones atrabiliaræ, his minus quam viris, si non menses penitus aboliti fuerint.

39. Quibus colores, dum juvenes sunt, pravi sunt ad multum tempus & continenter, non tamen morbi regii modo: hi sive viri sint, sive femina, caput dolent, & lapides ac terram comedunt, & hæmorrhoidas habent. Pallidi vero cum virore colores qui diurni sunt, & morbus regius vehemens non est, alia quidem eadem facere solent: verum pro lapidum ac terræ esu, præcordia hos magis affligunt quam alteros. Quicumque vero multo tempore pallidi apparent, & facies in tumorem elevatas habent, eos caput dolere sciendum est, aut circa viscera dolorem habere, aut in sede malum aliquod in seipsis. Ex his autem apparentibus, plerisque non unum aliquod horum malorum apparet, sed plerumque multa, aut etiam omnia.

40. Qui nocte vident, quos sane nyctalopas vocamus, hi morbo corripiuntur juvenes, aut pueri, aut etiam adolescentes, & liberantur sua sponte, aliqui in quadraginta diebus, aliqui septimo mense: quibusdam vero & per totum annum permansit. Quapropter de tempore conjectare oportet, ita ut & ad morbi robur, & ad ægri ætatem respicias. Abscessus autem his profunt insuper apparentes, & ad infernas partes fluentes. Verum non valde accedunt, propter juventutem. At mulieres non corripiuntur ab hoc morbo, neque virgines quibus menses comparant. Quibus autem lachrymarum fluxiones diurnæ fuerint, & hi nyctalopes fiunt, eos interrogare oportet an caput doluerint, antea quam hæc revelarunt. Quicumque dum neque fe-
bri-

bricitant, neque decolores sunt, sæpe & verticem, & tempora dolent, si non alium manifestum habuerint abscessum in facie, aut graviter loquantur, aut dentes doleant, his sanguinem per nares erupturum esse expectandum est.

41. Quibus vero ex naribus sanguis fluit, hi alioqui sani esse videntur, hos autem vel splenem in tumorem elevatum habere comperies, vel caput dolere, & splendicans quiddam ipsis ob oculos obversatur. Plerisque vero horum simul & caput, & splen hoc modo se habere apparent.

42. Gingivæ vitiatæ, & ora graveolentia his sunt quibus splenes magni. Quicumque vero habent splenes magnos, & neque sanguinis eruptiones ipsis contingunt, neque oris graveolentia, horum tibiæ ulcera prava habent, & cicatrices nigras. Quibus partes sub oculis vehementer attolluntur, eos magno habere lienes comperies. Si vero etiam in pedibus tumores accesserint, aquam etiam habere videbuntur. Verum & ventrem, & lumbos inspicere oportet. At vero distortionem in facie, si nulli alii corporis parti communicent, cito sedantur, aut sua sponte, aut ad necessitatem coactæ: reliqui vero siderati fiunt. Quibus una cum hoc quod movere non possunt, morbosa corporis pars attenuatur, hi in sanitatem restitui non possunt. Quibus autem colliquationes non accesserint, hi sani evadent.

43. Cæterum de tempore quando sani erunt prædicandum est, respectu habito ad vim morbi, & ad tempus, & ad ætatem hominis, & ad anni tempus, ita ut ejus rei memor sis, quod vetustissimi morbi, & pessimi, & qui revolvuntur, gravissime obediunt: itemque hi, qui sunt in vetustissimis corpo-

ribus. Sed & autumnus, & hyems, ad tales morbos submovendos minorem commoditatem exhibent quam ver & æstas.

44. Dolores porro in humeris oborientes, qui quidem ad manus descendunt, torporesque ac dolores inducunt, his abscessus non succedunt, verum nigram bilem vomentes sanantur. Qui vero isthic in humeris manent, aut etiam ad dorsum progrediuntur, eos puris, aut atræ bilis vomitu effugiunt. Verum de his ita considerationem facere oportet. Siquidem enim facile spiraverint, ac graciles fuerint, atram bilem ipsos vomituros esse spes est. Si vero difficilius spiraverint, & in faciem ipsis color incurrit, qui prius non erat, sive rubicundus, sive niger, eos magis pus sputuros esse sperandum est. Ad hæc vero considerandum est etiam, an in pedibus tumores sint. Nam & hoc signum in his consentit. Atque hic morbus viris vehementissimus esse solet, a quadragesimo anno usque ad sexagesimum.

45. Quæ ætate etiam coxendicum morbus maxime affligit. Porro de coxendicum morbo sic considerationem facere oportet. Quibuscunque senioribus & torpores vehementissimi sunt, & perfrigerationes tum lumborum, tum crurum: & qui pudendum arrigere non possunt: & quibus alvus non egerit, nisi ad necessitatem coacta, & prodit ipsis multus stercoraceus mucus: his maxime diuturnus morbus erit, prædicendumque est annum ut minimum duraturum esse morbum, ab eo tempore quo incepit, & opem ad ver & ætatem expectandam esse. At vero juvenibus non quidem minus doloris inducit coxendicum morbus, verum brevior est: nam quadragesimo die li-

berantur. Sed neque torpores vehementes accedunt, neque perfrigerationes crurum ac lumborum.

46. Quibus autem hic morbus est quidem in lumbis ac cruribus, non autem affligit adeo ut decumbant, considerare oportet an alicubi sint collectiones in coxa, & interrogare an ad inguen dolor progrediatur. Si enim ambo hæc habet, diuturnus fit morbus. Interrogandum insuper est, an in femore torpores insint, & ad poplitem progrediantur: & si hoc confiteatur, rursus interrogandum, an & per tibiã ad summum pedem procedant. Quicumque enim pleraque horum confessi fuerint, his dicendum est, quod crura ipsis aliquando calida, aliquando frigida fiant. Quod si morbus hic lumbos relinquens, aliquibus ad infernas partes vertatur, eos confidentes esse jube. Quibuscumque vero coxas & lumbos non relinquens, ad supernas partes convertitur, malum id esse prædicandum est.

47. At quibus circa articulos dolores fiunt, & tumores, & sedantur, non podagrico modo: in his comperies viscera magna, & in urina subsidentiam albam. Et talis si tempora elevarit, dicet se sæpe dolere, dicet etiam sudores sibi nocturnos oboriri. Si vero neque in urina subsidet talis subsidentia, neque sudores fiunt, periculum est ne aut claudi fiant articuli, aut affectio abscessus humore meli similis, quem melicerida vocant, sub ipsis nascatur. Fit autem hic morbus his quibus in pueritia & juventute sanguis ex naribus fluere solitus desit. Proinde interrogandum est de sanguinis eruptione, an in juventute facta fuerit: & an pruriginosæ velut ab urtica puncturæ, & in pectore, & in

dorso insint: & quibus alvi dolores fortes inducant, citra exturbationes: & quibus hæmorrhoides fiant. Hoc enim horum morborum principium est. Si vero etiam malo colore præditi sint hi homines, interrogandum est an caput doleant. Hoc enim fatebuntur.

48. Quibus vero ex his alvi dolores in dextris fuerint, dolores his vehementiores fiunt, & præsertim quum ad præcordium juxta hepar, reliquæ doloris fuerint. His autem doloribus prodest strepitus statim in alvo obortus. Postquam autem dolor quieverit, urinam crassam ac cum virore pallidam mingunt. Atque hic modus nequaquam lethalis est, verum valde diuturnus. Quum autem jam vetustus fuerit morbus, homines ab ipso cæcutiunt. At de sanguine interrogare oportet, an in juventute fluxerit, & de visus hebetudine, & de urinæ evacuationis pallore, itemque de strepitibus an insint, & succedentes profint. Hæc enim omnia fatebuntur.

49. Impetigines & lepræ, & vitiligines albæ, leucæ appellatæ, quibus quidem juvenibus aut pueris aliquid horum factum est, aut paulatim conspectum in multo tempore augefcit: his non putare oportet abscessum esse eam papularum eruptionem, sed morbum. Quibus vero horum aliquid factum est multum & derepente, hoc sane fuerit abscessus. Fiunt autem leucæ quidem ex lethalissimis morbis, qualis est & morbus tabidus appellatus: Lepræ vero & impetigines, ex morbis ab atra bile factis. Ex his autem facilius sanantur ea, quæ in maxime juvenibus fiunt, & quæ recentissima sunt, & in mollissimis ac carnosissimis corporis partibus producuntur.

COACÆ PRÆNOTIONES.



Ut ex rigore perfrigerantur, caput ac collum dolentes, voce destituti, insuper exudantes, postquam se recollerint, moriuntur. Molestè ferre morbum cum perfrigeratione, pessimum est. Perfrigeratio cum durtia, perniciofa est. Ex perfrigeratione timor, & tristitia præter rationem, in convulsionem finit. Ex perfrigeratione urinas intercipi, pessimum est. Ignorantia cum rigore, malum. Malum item obliuio. Soporosi rigores aliquatenus perniciosi, & flammeus in facie color, cum sudore, in his malignus est. In his frigiditas posteriorum partium convulsionem accersit. Et in summa, posteriorum partium frigiditas convulsoria est. Ex dorso horrores frequentes, & cito transeuntes, ægre tolerari possunt. Urinæ enim interceptionem dolorosam significant. Insuper exudare, his pessimum est. Rigor continenter vexans, corpore jam debili existente, lethalis est. Qui frequenter exudant, ac insuper rigent, perniciosum hoc est, & in fine suppurationem habere comperiuntur, ventrelque perturbatos. Rigores ex dorso, molestiores sunt. Qui vero decimasæptima die rigorem habuit, & quarta ac vicesima insuper riguerit, malignum hoc est. Horrore affecti, caput dolentes, exudantes, malignum id est. Horrore affecti, multum insuper exudantes, difficili malo implicantur. Rigores multi torpidi, maligni sunt. Quibus sexta die rigores fiunt, hi ægre iudicantur. Quibus sanis horrores frequentes sunt, hi ex sanguinis

fluxione suppurantur. Horror & spirandi difficultas in doloribus, signa tabis sunt. Ex pulmonis suppuratione, & circa ventrem aliquando ac claviculam dolores, & anxie stertere, sputi copiam in pulmone significat. Horrore affecti, anxii, delassati, lumbos dolentes, alvos humectis habent. Affectiones insuper rigentes, & quæ ad noctem aliquanto magis exacerbantur, cum vigiliis ac delirio in somnis, aliquando urinas involuntarie emittentes, in convulsionem desinunt. Continui rigores in acutis, pravi sunt. Ex rigore, cum capitis dolore exolutiones, perniciosæ. Cruentæ in his urinæ, pravae. Rigor cum distentione nervorum in posteriora, occidit. Qui inhorruerunt & exudarunt iudicatorio modo, & postridie præter rationem horruerunt, si quis non vigiliis infestetur, neque concoxerit, ei sanguinem erupturum esse puto. Urinæ cum rigore suppressæ, malæ & convulsoriæ, tum alias, tum si quis antea gravi sopore pressus fuit. Spes autem in his est abscessus retro aures fore. Rigores velut in febre tertiana, si in media inordinata febre exacerbentur, valde maligni sunt. Si vero contrario convellentibus modo exacerbentur, cum rigore & febre, perniciosum est. Vocis interceptiones ex rigore, solvuntur tremore. Et insuper rigentes tremores succedentes iudicant. Qui ex rigore cum capitis dolore exolvuntur, in periculo versantur. Cruenta urina his mala est. Quibus rigor, his urinæ suppressio. Convulsio in febre, manuum ac pedum dolores, maligni sunt.

Malignus est & doloris ex femore progressus. Neque genuum dolor bonus est. Sed & surarum dolores maligni sunt, mentemque emovent, tum alias, tum si urinæ subsidentia in medio innatet. Febres ex præcordiorum dolore malignæ sunt; sopor in his pessimus est. Qui frequenter exudare cum præcordii intensione non cessant, plerumque maligne habent, & dolores in summum humerum ac claviculam incumbentes, in his pravi sunt. Febres tertianæ naturam referentes, cum anxietudine, malignæ sunt. Vocis interceptiones, in febre malæ sunt. Lassati, caligantes, vigilantes, soporosi, exudantes, recalescentes, male habent. Lassati cum horrore si exudarunt iudicatorio modo, recalsati in morbo acuto, male habent, tum alias, tum si circa hæc sanguis de naribus stillarit. Et regio morbo abunde colorati, moriuntur, alba vero alvi egestio in his præcedit. Febres tertianæ naturam referentes erroneæ, in pares dies translapsæ, difficiles sunt. Anxietudines in diebus iudicatoriis, si in his sine sudore perfrigerentur, & omnes qui sine sudore perfrigerantur citra iudicationem, male habent. Et qui insuper riguerunt ex his, ubi vomuerunt meraca, anxii, tremuli in febre, malum. Qui ex rigoribus parvis sudoribus perfrigerantur, malum. Exudantes, vigilantes, recalescentes, malum. Qui insuper exudant in febre, maligne habent. Quibus biliosa est alvi egestio, his circa pectus morsus & amaritudo, malum est. In febribus inflata alvo flatus non erumpere, malum. Lassati, singultientes, stupore detenti, mali. (Ex dorso crebris & parvis horroribus leviter insudantes, difficile habent. Urinæ enim interceptionem plus nimio dolentem significat. His leviter insudare, malum.) Præter

consuetudinem quid facere, velut est; proponere sibi aliquid, & expectare aliquid, prius non consuetum, aut contrarium, malum est, & mentis emotioni proximum. Qui morbi in malis signis levantur, & qui in bonis non remittunt, difficiles sunt. Qui exudant, & maxime capite, in morbis acutis submoleste ferentes, malum, tum alias, tum si urinæ sunt nigræ, & turbidus spiritus in his, malus. Extremæ partes si in utramque partem cito transmutentur, malum est. Sed & sitis huiusmodi mala est. Ex moderato ferox responsio, malum. Vox acuta, malum. Præcordia his intro trahuntur. Qui ex perfrigeratione sudorosa cito recalescunt, malum. Qui in acutis exudant submoleste ferentes, malum. Qui præter rationem nulla existente valorum evacuatione, impotentes fiunt, malum. In febre tractus velut a vomitu, in secretionem desinens, malum. Torpor in utramque partem cito translabens, malum. Sanguinis stillæ pusillæ; malæ. In acuto morbo sitis præter rationem soluta, malum. Qui ad manum exiliunt, male habent. Quibus cum febre ardente, tumores somnolenti, torpidi fiunt, his dolor in latus superveniens levis siderationis ac resolutionis modo occidit. Suffocatio in acutis, agris attenuatis, perniciofa. In perniciosis jam parvi tremores, & vomitus æruginosus. Qui in potibus substrepunt, & submurmurant in siccis: & qui difficulter deglutiunt spiritu tuffiente, perniciose habent in acutis perfrigeratis. Rubores in manibus ac pedibus, perniciosi. Efflantes & refracti, in somnis leviter suspicientes, morbo regio abunde colorati moriuntur, alba alvi egestio in his præcedit. In febribus mentis emotiones taciturnæ, in eo qui voce privatus non est,

est, perniciosæ sunt. Livores oborientes in febre, brevi mortem affore significant. Quibus in febre dolore lateris oboriens, alvus multa aquosa ac biliosa egerit, hi allevantur. Quibus vero inedia consequenter accedunt, ac sudores, cum bono faciei colore, & alvo liquida, ita ut adsit etiam aliquis cordis, seu potius oris ventris dolor, hi ubi longius ægrotarunt, peripneumonicorum modo moriuntur. Febrienti si atra bilis in principio, sursum aut deorsum proderit, lethale est. Qui cum perfrigerationibus, non sine febre, superne exudant, moleste ferentes & phrenitici, in acuto morbo perniciosè habent. Dolores modice acuti, ad clavicularam ac sursum transeuntes, perniciosi. In longis perniciosis morbis, sedis dolor lethalis est. Si debiliter jam affecti, non videant, aut non audiant, aut labium, aut oculus, aut nasus ipsis distorqueatur, lethale est. In febribus inguinis, & glandularum dolor, morbum diuturnum significat. In febribus judicationes impeditæ ac sublatae, temporis quidem diuturnitatem inducunt, non autem perniciosæ sunt. Febres ex doloribus vehementibus diuturnæ. Mentis emotiones tremulæ, palpatoræ, phreniticæ sunt, & dolores circa suram, in his mentem emovent. Quicumque in febre continua, voce destituti jacentes, oculis conniventes nitent, hi si postquam sanguis ipsis ex naribus fluxit, & ubi vomuerunt loquantur, & ad seipsos redeant, servantur. Si vero hæc non fiant, difficulter spirantes facti brevi moriuntur. Qui melius habuerunt, si postridie exacerbentur, malum est. Si tertia die cohibiti, quarta exacerbentur, malum est. Num & tales exacerbationes phreniticæ sunt? Quibuscunque desinunt febres,

non in diebus judicatoriis, his recidivæ fiunt. Qui in principio tenues, cum capitis pulsu, & urina tenui, ad judicationem acerbantur, his nihil miri est si & mentis emotio, insuperque vigiliæ accedant. In morbis acutis, motus, jaectatio, somnus turbulentus, quibusdam convulsionem significat. Turbulentæ cum ferocia excitationes mentem emoventes, malæ sunt, itemque convulsoriæ, tum alias tum cum sudoribus. Convulsoriæ etiam videntur colli ac dorsi perfrigerationes, imo etiam totius corporis. In his mictiones sunt pelliculosæ. Deliria cum sopore, convulsoria. Mentis emotiones modice feroces, ferinæ sunt, sed & convulsiones significant. In morbis longis, ventris præter rationem tumores, convulsorii. Affectiones statim turbulentæ, vigiliæ inducentes, sanguinem de naribus stillantem, sexta die allevantes per noctem, postridie rursus affligentes, exudantes in somnum delatæ, mentem emoventes, large sanguinem fundunt, & morbos solvunt. Aquosa urina talia significat. Qui cum relatis, ab atra bile mente moti, tremuli fiunt, maligne habent. Delirium in spiritu & sudore, lethale est. Lethale est & in spiritu ac singultu. Insomnia in phrenitide evidentia, bona sunt. In phrenitide egestiones alvi albæ, & torpor, malum. Rigor his pessimus est. In phreniticis in principiis affectiones mansuetæ, ac frequenter transmutationem habentes, malæ sunt. Quibus ab atra bile mente motis tremores fiunt, malum est. Qui ab atra bile mente moti, tremuli fiunt, ac salivam fundunt, num sane phrenitici sunt? Mente moti, acute insuper febrientes, phrenitici fiunt. Phrenitici parum bibentes, strepitum valde percipientes, tremuli, aut convulsi. In ve-

hementer phreniticis, tremores lethales sunt. Deliria, circa necessaria, pessima. Quæ ex his exacerbantur, lethalia sunt. Mentis perculsiones, voce clangorosa, linguæ convulsiones tremulæ, & voces tremulæ factæ, mentem alienant. Durities in his perniciose est. Prædeliratorum deliria, pessima. Affectiones in phreniticis frequenter transmutationem habentes, convulsoriæ, prava. Phrenitici cum perfrigeratione salivam fundentes, vomitum nigrum indicant. Qui varie ægrotant, & frequenter soporosi mente moventur, his nigrum vomitum expectandum esse dicitur. Quæ convulsorio modo exacerbantur, stupefactoria sunt. Tumores juxta aurem, in morbis longis parvi sunt. Sanguinis fluxiones ac vertigines insuper apparentes, perniciosæ. Febres vertiginosæ, & cum volvulis, & sine volvulis, perniciosæ. Anhelosis febris postea acuta. Cum præcordio intento perfrigeratis, magnus circa aurem tumor. Quibus in febre dolores circa lumbos & internas partes oborti, septum transversum contingunt, internas partes relinquentes, perniciosi sunt, tum alias, tum si aliud quoddam signum pravam accedat. Si vero alia signa non fuerint prava, suppuratum fore timor est. Pueris febris acuta, & alvus suppressa, cum vigiliis, & calcitrare, & colorem mutare, & ruborem habere, convulsorium est. Affectiones statim turbulentæ, vigilias inducentes, & nigra compacta egerentes, partim sanguinem fundunt. Affectiones cum vigiliis & anxietudine repentina, sanguinem fundunt, tum alias, tum si quid etiam antea profluxerit. Num & qui modice perfrigerati postea horruerunt? At qui circa exacerbationes tussunt, & parum exudant, maligne habent. Ad latus dolore ac suffocatione accedente,

hi suppurantur. Quibus in febribus continuis pustulæ per totum corpus erumpunt, lethale, si non purulentus abscessus fiat, maxime autem circa aurem his fieri solet. In morbo acuto externas partes perfrigerari, internas autem ardere, & fitire, malum est. Febres continuæ per tertiam diem augescentes, periculosæ. Quibus febris aliquando intermittit, periculo vacat. In febribus longis, aut tubercula, aut dolores, in articulis fiunt: & si facti fuerint, non sunt inutiles. Capitis dolor in morbo acuto, præcordium revulsus, non profuente ex naribus sanguine, ad phrenitidem devenit. Febres lypiricæ, bilis sursum ac deorsum effusione non accedente, non solvuntur. Morbus regius ante septimum diem accedens, malum. Septimo vero ac nono, & undecimo ac decimoquarto, judicatorius est, si non præcordia induret. Sin minus, ambigua res est. Frequentes per eadem recidivæ, circa judicationem sanguinolentæ, nigrorum vomitum faciunt, fiunt autem & tremulæ. Dolores qui in tertianis febribus exacerbantur, tertianarum generis morbum faciunt, & grumosum sanguinem egerunt. In febribus secundum venam quæ est in collo, pulsus ac dolor, in dysenteriam definit. Color qui sæpe in calore transmutatur, utilis est. In biliosis spiritus magnus, & febris acuta, cum præcordii intensione, juxta aurem abscessum facit. Qui ex morbis longis se refocillantes bene cibum accipiunt, & nihil proficiunt, hi maligne recidivam incidunt. Quibus in febribus venæ in temporibus pulsant, & facies sana est, & præcordium non molle, diuturnum morbum significat, & non desinentem citra multi sanguinis ex naribus fluxum, aut singultum, aut convulsionem, aut

coxendicum dolorem. In febre ardente, si alvus eruperit, mortale est. Ex alvi dolore laborioso, febris ardens, perniciofa. In febribus ardentibus, si aurium sonitus accedant, cum visus hebetudine, & gravitate secundum nares, melancholico modo ab atra bile mente moventur, sanguine ipsis non erumpente. Tremores in febribus ardentibus, mentis percussio solvit. In febre ardente fluxio sanguinis ex naribus quarta die, mala est, si non aliud quid boni cõinciderit: verum quinta, minus periculosa est. Qui ex febribus ardentibus aliquantulum perfrigerantibus, cum egestionibus alvi aquosis ac biliosis laborans, oculis malum est, tum alias, tum si stupidi fiunt. Febris ardens rigore superaccedente solvitur. Febres ardentes recidivare solent, & ubi per dies quatuor significationem de se præbuerunt, postea exudant: sin minus, septima die. Febres ardentes quatuordecim dies dijudicant, aut allevantes, aut perimentes. Ex febre ardente, abscessu purulento circa aurem non oborto, non valde servantur. Lethargici, tremuli ex manibus, somnolenti, discolors, tumidi, pulsibus tardi sunt, & partes sub oculis elevatas habent, & sudores insuper accedunt, & alvos biliosas, intemperatas & subtumidas habent. Si vero obaridas habuerint, urinæ & egestionibus alvi latenter ipsis progrediuntur: urina velut jumentorum est: potum non expetunt, neque aliud quicquam. Postquam vero resipuerint, collum dolorosum se habere dicunt, & sonitus per aures transire. Qui vero ex lethargicis servantur, plerumque pectore suppurati fiunt. Quibuscunque in febribus tremores citra judicationem cessant, his temporis progressu, abscessus dolorosus suppuratus in articulos fit,

& vesica dolorosa. Febrientibus quibus rubores sunt in facie, & dolor capitis fortis, & venarum pulsus, his sanguis fluxio plerumque contingit. Quibus autem cibi fastidia sunt, & oris ventriculi morsus, & multum salivæ, his vomitus fit. Quibus vero ructus adsunt, & flatus, strepitus ac elevationes ventris, his fit alvi exturbatio. Qui diutius secure ex febre continua laborant, citra dolorem, aut inflammationem, aut aliam causam, his abscessus expectandus est cum dolore ac tumore, & magis in infernis partibus. Expectare autem oportet abscessus, his magis qui trigessimum annum egressi sunt, & tunc expectare abscessus oportet, ubi viginti dies febris transmiserit. Senioribus autem minus fiunt, & ubi multo tempore febres durant. At intermittentes & erroneo modo invadentes, autumno maxime in quartanam leniter transeunt, & hoc magis his qui triginta annos excefferint. Abscessus autem hyeme magis fiunt, & tardius desinunt, & minus recurrunt. Quibus vero sæpe recidiva contigit, his si semestre tempus transmiserint, tabes coxendicum leniter accedit. Quæcunque signa febrile se opponunt, & non abscessus significationem habent, maligna sunt. Febres quæ neque in diebus judicatoriis, neque post solutorium signum decesserunt, recidivant. Acuti morbi in diebus quatuordecim judicantur. Tertiana exquisita in quinque aut septem circuitibus, aut ad summum in novem judicatur. Quibus febrile incipientibus, sanguis de naribus sternutatione contingente destillat, & urina subsidentiam albam in quarta die habet, his in septima die solutionem significat. Morbi acuti judicantur, sanguine de naribus fluente, in die judicatorio: & sudore multo

oborto, & urina purulenta ac vitri formam referente, prodeunte, & bonam subsidentiam habente, & acervatim exeunte: abscessu item memorabili oboriente, & alvo mucosa & cruenta de repente egerente: & vomitibus non pravis contingentibus circa judicationem. Somni profundi, non turbulenti, firmam judicationem significant. Turbulenti vero cum dolore corporis, inconstantes sunt. Septima die, aut nona, aut decimaquarta, fluxiones sanguinis a naribus contingentes, plerumque febres solvunt. Similiter & alvi fluxio biliosa, & qualis in dysenteria fieri solet: & genuum ac coxendicum dolor: & urina concocta ad judicationem. In muliere vero etiam menstruæ purgationis fluxus. Quibus in febribus sanguis abunde undecunque profluxit, his in refectionibus a morbo alvi humectantur. Qui in febribus exudant, caput dolentes, alvo suppressa, convulsi fiunt. Mentis emotiones modice feroces, & ferinum, & convulsionem significant. Convulsio in febre oboriens, & eadem die desinens, bona est. Convulsio in febre oboriens, sedat febrem eadem die, aut postera, aut tertia. Si vero tempus in quo incepit transgrediatur, & non desinat, malum est. Febres intermittentes, verum inæqualiter calescen-tes, alvo inflata, pauca egerente, in his post judicationem lumborum dolore sequuto, alvi erumpunt. At ambulantes ad manum, torpidæ, siticulosæ, anxiosæ, in his alvo suppressa gravati exolvuntur. Quandoque vero & rubicundæ in pedibus ambustiones, eadem significant. Hybernæ febres quartanæ, leniter in acutos morbos transeunt.

2. Capitis dolor pertinax cum febre acuta, & alio signo maligno, lethale est. Caterum sine signo malo,

transgrediens vigesimum diem, sanguinis aut puris fluxum e naribus, aut abscessus ad infernas partes significat: fluxiones quidem junioribus trigintaquinque annis, senioribus vero, abscessus. Si vero circa frontem ac tempora fuerit dolor ille pertinax, fluxiones. Quibus capitis sunt dolores, & sonitus aurium, citra febrem, & vertigo, & vocis tarditas, & manuum torpor, eos aut sideratos, aut comitiales, aut obliviosos fore expecta. Qui caput dolent, stupore correpti, delirantes, alvo suppressa, oculo ferociente, florulenti, hi in posteriorem partem convelluntur. Capitis succussiones, oculi rubicundi, mentem manifeste emoventes, perniciosæ sunt. Non commoriuntur hæc, sed circa aurem tumorem faciunt. Capitis dolor, cum sedis & pudendorum dolore, & torporem, & impotentiam inducit, & vocem resolvit. Hæc horrenda non sunt, verum somnolenti ac singultientes fiunt nono mense, ex quibus soluta voce, in idem restituntur. Qui in capitis dolore ascaridas habent, his surditas & sopor consequens, abscessus circa aurem exsuscitat. Qui caput dolent, stupore detenti, dolorosi, oculum rubicundum habentes, sanguinem effundunt. Capitis concussiones, & aurium sonitus, sanguinem effundunt: aut mulieri menses deducunt, tum alias, tum si juxta spinam ardor consequatur: fortassis autem dysentericis fluxiones. Capite gravati, juxta sinciput dolentes, vigiliis infestati, sanguinem effundunt, tum alias, tum si quid ad collum se extendat. Vomitus in capitis doloribus æruginosi, cum surditate, vigilantibus, cito insaniam excitant. Quibus capitis ac colli dolor est, sed & totius corporis tremula quædam impotentia,

tia, sanguinis eruptio solvit. Quin & tempore hæc solvuntur. Verum vesicæ in hoc supprimuntur. In acutis capitis doloribus, & in torpidis cum gravitate, convulsiones fieri solent. Capitis dolorem solvit pus per nares, aut sputa crassa, & non olentia. Solvit item ulcerum eruptio. Quandoque & somnus, & alvi fluxus. Capitis dolor moderatus cum siti cibum capiente, aut cum sudore non solvente febrem, abscessus in gingivis, aut circa aurem significat, alvo non exturbata. Capitis dolor soporosus cum gravitate, convulsorium quid facit. Caput dolentes siticulosi, aliquatenus vigilantes, obscuro cognitu, impotentes, ex alvo liquida, delassati, num mente moventur? Caput dolentes, surdastri, manibus tremuli, collum dolentes, mingentes nigra condensata, vomentes nigra, perniciose habent. Caput dolentes, exudantes, alvum suppressam habentes, convulsioni obnoxii sunt. Sopor ubique malus est. Soporosi in principiis evadentes, cum capitis, lumborum; colli, præcordii dolore, vigilantes, num phrenitici sunt? Nalus in his destilans, perniciosus, tum alias, tum quarto ab initio die. Malum est etiam alvi profluvium valde rubicundum. Soporosi ab initio exudantes, urinis concoctis ardentes, verum citra judicationem perfrigescentes, & brevi rursus ardentes, torpidi, soporosi, convulsi, perniciose habent. Somni soporosi, & perfrigerationes, perniciosi sunt. Soporosis delassatis, surdis factis, alvo erumpente, si rubicunda egesta fuerint circa judicationem, profunt. Soporosi, anxiosi, præcordium dolentes, parum vomentes abscessus juxta aurem habent: antea vero circa faciem tumores cum sopore. Morbi derepente mentem percellentes cum anxietudine, sanguinem profundunt. Soporosa, anxiosa, dolorosa præcordia, frequenter parum spuenticia, tumores circa aurem habent. Soporosi, num aliquid convulsorii habent? Affectiones soporosa, fatuitatem inducentes, stuporis detentionem inferentes, præcordia variantia, & ventrem tumidum habentes, cibum fastidientes, alvo suppressa exudantes, num his turbidus spiritus, & genitura simile quid pertransiens, singultum significat? Num & alvus biliosa insuper egerit? Splendidum in his mictum prodest. Ventres quoque his insuper turbantur. Cerebro corrupto alii in tribus diebus, alii in septem moriuntur. Has vero si effugerint, servantur. Quibus autem ex his relectis os disparatum repertum fuerit, hi pereunt. Caput dolentibus ex posteriore parte ossa rupta habentibus, fluxio e nare larga crassa, mala est. Hi ubi oculum antea doluerint, rigent. Num & juxta tempora ossium dirupciones convulsoriae sunt? Auris dolor pertinax, cum febre acuta, & alio quodam signo aliquantum maligno, juvenes quidem septima die occidit, & citius delirio correptos, si non multum pus effluxerit ex aure, aut sanguis e naribus, neque aliud quoddam bonum signum compareat. Seniores autem tardius, & minus tollit. Nam & aures suppuratione præveniant, & minus delirant. Verum multi ex his recidivant, atque sic pereunt. Surditas in acutis ac turbulentis consequens, malum. Malum etiam in longis. In his autem dolores etiam ad coxas deducit. In febribus surditas, alvum sistit. Aures frigidae, & pellucidae, & contractae, perniciose. Tinnitus in acutis, & sonitus in auribus, lethale. Sonitus aurium, cum visus hebetudine, & narium

gravædine, mentem emovet, & sanguinem profundit. Quibus surditas cum capitis gravitate, & præcordii intensio-
ne, & ad splendorem turbatio, sanguinem profundit. In febre acuta aures obsurdescere, furiosum est. Valde surdi, in accipiendo tremuli, linguam resoluti, torpidi, malum. Accedente ægitudine surditas, & urina subrubicunda subsidentiam non habens, sed id quod in medio innatat, mentem emovet. Morbo regio corripitur, in his malum est. Mala est & ex morbo regio fatuitas. Hos voce privari, sentientes tamen esse contingit. Fortassis autem & alvus male his afficitur. Quæ circa aurem dolorose excitantur, perniciose sunt. Rubores circa aurem ex prægresso dolore, in febribus oborientes, signum quidem sunt erysipelatis in facie futuri. Sed & convulsiones ex talibus fiunt, cum vocis interreptione ac exolutione. Tumores circa aurem ex plurimis graveolentibus cum febre acuta, & præcordio intentio, tardius excitati, occidunt. Tumores circa aurem leviter sideratis mali. Tumores circa aurem in longis morbis non suppurantes, lethales. Alvi vero his deorsum feruntur. Num quibus abscessus sunt juxta aures, caput dolent? Num & supernis partibus exudant? Num & insuper rigent? Num & alvi erumpunt, & quid soporosum habent? Num & aquosa est urina, alba innatantia habens, & aliquantum varia, exalbida, graveolentia? Abscessus juxta aurem submovent tussiculæ cum sputationibus contingentes. Urinæ in abscessibus retro aures cito & modice maturescentes, malæ sunt, & sic perfrigerari, malum est. Abscessus circa aurem in morbis diuturnis suppurati, non valde albo & inodoro pure, occidunt, & maxime mulieres. Absces-

sus juxta aurem, ex acutis morbis maxime in febribus ardentibus fiunt, & si non judicationem fecerint, & maturescant, aut ex naribus sanguis fluxerit, aut urinæ subsidentiam crassam habuerint, ægri pereunt. Plerique vero talium tumorum antea propulsantur. Verum considerare oportet insuper etiam ipsas febres, si ve augeant, si ve remittant, atque sic pronunciare. Ex surditate ac torpore, de naribus aliquid destillare, difficultatis aliquid habet. Vomitus his conveniet, & alvi turbatio. Ex surditate leniter abscessus juxta aures fiunt, tum alias, tum si quid nauseæ accedat. Sed & soporosus ex his etiam magis abscessus ad aurem fiunt. Surditatem ex febribus, sanguinis e naribus fluxio solvit: itemque alvi turbatio. Facies quæ ex tumida humiliatur, & vox levior ac debilior evadens, & spiritus rarior ac levior, remissionem in sequentem diem significat. Faciei corruptio, lethalis. Verum minus, si propter vigilias, aut famem, aut alvi exturbationem fiat. Et si id quod propter hæc corruptum est, sedetur per noctem ac diem. Talis autem fuerit, oculi cavi, nasus acutus, tempora collapsa, aures frigidae ac contractæ, cutis dura, color pallidus aut niger. Livescens vero ex his palpebra, aut labium, aut nasus, brevi lethale est. Faciei bonus color, & torvitas, in morbo acuto, malum est. Frontis ex his contractio, phrenitidis signum est. Circa faciem color bonus, & sudores non febrientibus, stercora vetusta subesse significat, aut victus rationem inordinatam. Rubores circa nasum, alvi humescentis signa sunt. Dolores circa præcordia aut pulmonem si suppurentur, malum est. Oculorum puritas, & albas ipsorum partes, ex nigris

gris aut lividis puras fieri , judicatorium est . Si igitur cito purgentur , celerem judicationem significat : si tarde , tardio rem . Caligo oculorum , aut si alba ipsorum pars rubescat , aut livescat , aut venulis nigris impleatur , bonum non est . Malum est etiam lucis splendorem fugere , aut lachrymari , aut distorqueri . Et alterum minorem fieri , malum est : & oculos frequenter agitare , ac jactare , aut parvas lemas ac sordes circa ipsos , aut concretionem tenuem albicantem habere : aut albam partem majorem fieri , nigram vero minorem : aut nigram subpalpebram supernam occultari . Mala est etiam oculorum cavitas , & expressio valde foras , & splendoris extritio , ut pupilla extendi non possit . Et extremitatum palpebrarum curvitas , & oculi fixi , & assidue nictare , & colores permutare , & palpebras inter dormiendum non committere , perniciosum est . Malus est & oculus perversus . Oculorum rubor in febre oboriens , alvi diurnam malignam affectionem significat . Circa oculos pustularum eruptiones in virium refectionibus , alvum prorumpere faciunt . In oculorum distortionem , febrienti , lassato , rigor perniciosus : & soporosi in his , male habent . Viro lippienti , febre superveniente , solutio . Sin minus , periculum est ne cæcus fiat , aut pereat , aut utrunque . Quibus lippientibus capitis dolor accedit , & ad multum tempus concomitatur , periculum est ne cæci fiant . Lippienti alvi profluvium sua sponte prodiens , utile est . Oculorum obscuratio , & oculus fixus caliginosus , malum . Oculorum obscuratio cum animi deliquio , brevi convulsionem inducit . Oculorum rectitudo in morbo acuto , & motus velox , & somnus turbulentus , & vigilia , & quan-

doque sanguinis e naribus stillationes , nihil boni . Qui febres ad tactum non adurentes habent , phrenitici fiunt : & magis si sanguis fluxerit . Lingua quæ in principio quidem inhorruit , in colore vero permanet : progressu autem temporis exasperatur , & livescit , & rumpitur , lethalis est . Si vero valde nigrescat , in quartadecima die judicationem fore significat . Periculosissima autem est nigra , & cum virore pallida . Linguam circa bifidam sui partem , velut saliva alba obduci , febris remissionis signum est , siquidem id quod superinductum est , crassum fuerit , eadem die : si vero tenuius , postridie : si vero adhuc tenuius , tertia die . Eadem significant etiam hujusmodi , si circa summam linguam fiant , verum minus . Lingua tremula cum rubore juxta nasum , & alvo liquida , si reliqua sine signis sint circa pulmonem , malum est , & celeres purgationes , perniciosas significat . Lingua citra rationem tenera evadens , & cum cibi fastidio nauseabunda , cum frigido sudore , ex alvo liquida , nigrorum vomituum signum est : lassitudo in his mala est . Linguae tremulae quibusdam etiam alvum liquidam quandoque faciunt . Denigratae vero in his celerem mortem significant . Num lingua tremula mentem non firmam significat ? Linguae asperae & resiccatae , phreniticae sunt . Dentis collidere , aut stridere , quibus non familiare id est a pueris , furiosum ac lethale est . Jam vero delirans si hoc faciat , penitus lethale est . Perniciosum autem est & resiccari dentes . Dentis corruptio , abscessum circa gingivam factum solvit . Ex dentis corruptione , vehemens febris superaccens , & delirium , lethale est . Si vero serventur , ulcera suppurabunt , & ossa discedent . Quibus circa palatum hu-

humoris collectio fit, plerumque suppuratur. Dolores vehementes circa maxillas, periculum est ne ad ossis educationem deveniant. Labium contractum, alvi biliosæ eruptionem significat. Sanguis de gingivis, ex alvo liquida, perniciosus. Sputi excreationes in febre, lividæ, nigræ, biliosæ, siquidem suppressantur, malæ sunt: secedentes vero pro ratione, utiles. Quibus fæluginosa sputa, ac tussis suppressantur, his corpus velut a pustulis rubescit: verum ante obitum exasperatur. Scretio frequens, si sane & aliud quoddam signum affuerit, phrenitidem indicat. Vocis interceptiones cum exolutione, pessimæ. Modice feroces mentis emotiones, malæ & ferinæ sunt. Quibus vox cum febre deficit, & cum iudicatione intercepta, tremuli moriuntur. Vocis interceptiones in febre convulsorio modo contingentes, quæ ad mentis emotionem cum silentio deveniunt, perniciosum. Vocis ex dolore interceptiones, dolorosam mortem inducunt. Vocis interceptiones cum exolutione stupefactorio modo, perniciosæ sunt. Voces contractæ post medicamentisumptionem, num pravæ sunt? Plerique horum exudant, & ventres humectos habent. In vocis interceptione spiritus, velut his qui strangulantur, præ manibus expositus, malus est. Num & mentem movet? Ex capitis dolore vocis interceptiones si sint, febricitantes cum sudore laxantur in seiplos, fiuntque morbi revertentes diutius durantes: his insuper rigere, malum non est. Mentis emotiones cum vocis interceptione, perniciosæ. Vocis interceptiones insuper rigentibus, lethales. Tales autem leniter caput dolent. Vocis interceptiones cum exolutione, in febre acuta, sine sudore, sunt quidem lethales, mi-

nus vero quæ cum sudore. Verum diurnitatem temporis significant: fortassis autem & qui ex recidiva tale quid patiuntur, tutissimi sunt. Perniciosissime autem ex talibus habent quibus sanguis ex naribus fluit, & quibus alvi humectantur. Vox acuta, planctum referens, & oculorum obscuratio, convulsorium est. Dolores his ad infernas partes, toleratu faciles sunt. Cum voce tremula, solutio alvi præter rationem, in his moram trahentibus diurnis, perniciosa est. Frequentes subsoporatae vocis interceptiones consistentes, tabem præsignant. Spiritus qui densus quidem & parvus est, inflammationem & dolorem in locis principalibus significat. Magnus autem & per multum tempus, delirium aut convulsionem. Et frigidus quidem lethalis est. Lethalis autem est & febriculosus & fuliginosus: verum minus quam frigidus. Et qui magnus foras exspiratur, parvus vero intro: & parvus foras, magnus vero intro, pessimus sane est, & morti propinquus. Itemque extendens, & urgens, & obscurus, & dupla intro revocatio, veluti superinspirantibus. Bona autem spiratio, in omnibus morbis qui cum febre acuta sunt, & in quadraginta diebus iudicantur, magnum momentum ad salutem habet. Collum durum & dolorosum, & maxillarum colligatio, & venarum jugularium palpitatio fortis, & tendinum distentio, perniciosum. Dolores in faucibus gracilibus strangulatorii, a capitis dolore originem trahentes, convulsorii sunt. Frigiditates colli ac dorsi apparentes: sed & totius corporis convulsoria: in his mictiones fiunt, crassiorem farinam referentes. Quibus circa fauces irritamenta sunt, his tumores circa aurem leni-

niter erumpunt. Fauces dolorosæ, graciles, cum ægre tolerabili molestia, perniciosæ acute sunt. Quibus spiritus retrahitur, & vox strangulatoria est, & vertebra intro confidet, his in fine velut contrahente quodam spiritus fit. Fauces modice exasperatæ, & alvus vanis conatibus nitens, frontis dolores, ægri palpando contrectantes, dolorosi: quæ ex his augescunt, difficilia sunt. Dolores fortes circa fauces, tumores circa aurem, & convulsiones efficiunt. Colli item ac dorsi dolores. Cum febre acuta convulsiones, perniciosæ. Colli & cubitorum dolores, convulsorii. A facie autem hi, & secundum fauces. Pallidi, graciles, salivam sputantes: in his in somnis sudores, boni sunt. Num & sudore levari, plurimis non malum est? Dolores ad infernas partes his toleratu faciles sunt. In dorsi ac pectoris dolore, mictio cruenta suppressa, perniciofa est dolorose. Colli dolor malum quidem in omni febre, pessimum autem his quibus timor est ut etiam insaniant. In pectoris dolore febriculofo, alvus turbata, torpida, nigrarum egestionum signa sunt. Dolores parvi in acutis juxta faucès graciles, in gracili ubi hiarit, non facile os contrahente, mentem emovent. Ex his phrenitici perniciosè habent. Fauces exulceratæ in febre, cum alio signo ex his quæ difficilia sunt, periculosæ sunt. In febribus derepente suffocari, & deglutire non posse, citra tumorem, malum est. Collum convertere non posse, neque deglutire, ut plurimum lethale est. Præcordium molle esse convenit, & doloris exors, & æquale. At inflammatum, aut inæqualiter se habens, aut dolens, signum est ægritudinis non levis. Tumor vero in præcordiis durus & dolorosus, pessimus

quidem est si juxta omnes partes fuerit. Ex his autem qui ab una parte sunt, minus periculosus est qui a sinistris est. Significant autem in principio quidem tales, mortem citam. Si vero viginti dies transmittant, febre manente, suppurationem. Contingit autem his in primo circuitu, etiam sanguinis eruptio è naribus, & valde prodest. Plerumque enim hi caput dolent, & visus obscuratur: & magis in his sanguinis eruptionem affore expectata. In ætatibus autem annorum trigintaquinque: senioribus vero minus. At vero molles & doloris exortes tumores, diuturniores judicationes faciunt, & minus periculosi sunt. Sed & hi sexaginta dies transgredientes, febre manente, suppurantur. Consimilia vero significant & tumores circa ventrem, his qui sunt in præcordiis. Verum minus suppurantur hi quam illi. Minime vero qui sub umbilico consistunt: & fiunt etiam hi quidem in tunica, illi vero sursum diffusi. Lethales autem sunt ex ipsis, quicumque intro rupti fuerint: ex reliquis autem suppurationibus, quæ quidem foras rumpuntur, optimum est ut in brevissimam & acutissimam molem colligantur: quæ vero intro, ut neque mole, neque dolore, neque colore, foris se manifestas faciant. Contrarium autem, pessimum est. Quædam vero ex his propter puris crassitudinem, nullam de se significationem præbent. Porro recentes in præcordiis tumores, si non cum inflammatione fuerint, & dolores ab ipsis, solvit murmur in præcordio obortum, & maxime quidem si pertransierit per urinas, & alvi egestiones: sin minus, si etiam ipsum pertransierit. Prodest autem & si subdescenderit ad infernos locos. Pulsus in præcordio cum tumultu, mentis emotivus est, & magis

gis si oculi frequenter moveantur. Oris ventriculi dolor, & pulsus præcordiorum febre perfrigerata, malum, tum alias, tum si insuper exudarint. Dolores ad præcordium irruentes, tum alias mali sunt, tum si alvos humectent. Pejores autem sunt, si brevi fiant: & tumores circa aurem ex his emergentes, maligni sunt, & aliæ suppurationes. Oris ventriculi dolores cum tormine, ventris animalcula erumpere faciunt. Oris ventriculi dolor seniosem frequenter impetens, mortem repentnam significat. Quibus præcordia elevantur, alvo suppressa, malum est, maxime autem in morbis tabidis longis: & quibus alvi humectantur, in præcordio inflammatio suppuratoria est, quibus ante mortem nigra per alvum subeunt. Præcordiorum distentio cum sopore anxioso, in caput dolente, abscessus circa aurem attollit. Post præcordiorum tumorem, biliosis spiritus magnus & febris acuta, abscessus circa aurem attollit. In dolore præcordiorum submurmuranti, lumborum dolor superaccedens in febribus, ventres ut plurimum humectat, si non flatu eruperit, aut urinæ copia prodierit. Ex præcordio diutine afflicto, & alvo graveolenti, abscessus circa aurem occidit. Quibus a præcordiorum doloribus, alvus paulatim subviscosa egerens, pauca stercoracea effundit, num etiam sanguinem effundit? Quibus derepente dum sine febre sunt, præcordii & oris ventriculi dolor, & circa crura, ac infernas partes, & alvus in tumorem elevata est: solvit venæ sectio, & alvi fluxio. His febrile nocivum est. Longæ enim & vehementes febres fiunt, & tusses, & spiritus & singultus fiunt. His autem ad solutionem tendentibus, dolor fortis coxa-

rum, aut crurum, aut puris sputum, aut oculorum privatio succedit. Quibus dolores præcordiorum, oris ventriculi, hepatis, partium circa umbilicum, hi sanguine per alvum egesto, servantur: non autem egesto, moriuntur. Quibus præcordia non mollia, facies sana, non liberantur citra multi sanguinis ex naribus fluxum, aut convulsionem, aut coxendicum dolorem. Dolores ad præcordia in febre, voce intercepta, sine sudore soluti, malum est. His ad coxendices dolores fiunt. Juxta ventrem in febre palpitationes, mentis emotiones inducunt: sanguinis autem fluxio horrorem efficit. Dolores in febre ad præcordia exilientes, sine sudore soluti, maligni sunt. His ad coxendices dolores fiunt, & ipsis una cum febre ardente, alvus deorsum erumpens, perniciosum est. Dolores circa umbilicum palpatorii, habent quidem & aliquid mentis emotorium, verum circa judicationem pituita his acervatim copiosa cum dolore penetrat. Post alvum suppressam, præcordia sublevata in tumorem, mala sunt, maxime tabescentibus jam diu, & quibus alvi humectantur. Anxietatem in præcordio sentientibus, tumores circa aurem oborti, ipsos occidunt. Durities circa ventrem cum dolore, in febrilibus cum horrore, cibum aversantibus, si alvo insuper parum humectata, purgationem non faciant, ad suppurationem perveniunt. Dolor supra umbilicum, & lumborum dolor, si medicamentis non solvantur, in hydropem siccum desinunt.

3. Dolores ex lumbis diuturniores, qui febre tertianæ generis modo exacerbantur, grumosum sanguinem egerere faciunt. Dolores in lumbis, sanguinis fluxionem inducunt. Ex lumborum dolore sanguinis fluxiones largæ fiunt,

funt. Quibus ex lumborum dolore, recursus ad caput, & manus torpidæ, & oris ventriculi dolores, & aurium sonitus, his sanguis large profluet. Sed & alvi his deorsum erumpunt, & mens turbata est ut plurimum. Ex dorso dolore ægritudinis principia difficilia sunt. In lumborum dolore pertinaci, & ampliore alvi subductione, a veratro vomere spumosa multa prodest. Spinæ distortionem ac spirandi difficultatem, sanguinis fluxio solvit. In lumbis dolentibus oris ventriculi dolores insuper accedentes, signa sanguinis fluxionis sunt, etiam prægressæ. Affectiones ex lumbis ad collum & caput transeuntes, levis siderationis modo resolventes, convulsoriæ, mentis emotoriæ sunt. Num tales etiam solvuntur convulsionibus? Aut talium alvi ægrotant per eadem prodeuntia? Ex lumborum doloris recursu, oculorum distortio, malum. Dolor in pectus firmatus torpore, malus in febre est. Hi repente pereunt. Ex lumborum dolore recursiones ad os ventriculi febriculosæ, horrorem inducentes: sic affecti revomentes tenuia aquosa, menti moti, voce destituti, nigrorum vomitu facto moriuntur. Diuturni circa lumbos, & tenue intestinum dolores, & ad præcordia dolores, si ægri cibos aversentur una cum febre, his dolor intentus ad caput progressus, repente ipsos occidit convulsorio modo. Quibus lumborum dolor est, hi male habent. Num his tremores fiunt, & circuli rubicundi in tibiis in rigore? Num lumbos dolentibus, cibos fastidientibus, non vomentibus, modice ferociter mente motis, spes est nigra proditura esse? Lumborum dolor in ventriculi os dolente, cum exscreatione violenta, habet quid convulsorium. Rigor una cum judicatione aliquatenus

horrendus est. Lumborum dolor sine causa manifesta sæpe impetens, maligni morbi signum est. Lumborum dolor cum sopore anxioso, malus est. Lumborum distentio ex muliebrium mensium multitudine, ad suppurationem tendit: & varie prodeuntes viscosi, graveolentes, strangulatorii menses ex prædictis, ad suppurationem tendunt. Arbitror autem tales etiam aliquantum delirare. Quibus lumborum dolor, & lateris, sine causa manifesta, hi regium morbum incurrunt. Perfrigerationes ex sanguinis eruptionibus in diebus judicatoriis vehementes, pessimæ sunt. Vice versa sanguinem erumpere, malum est: velut in splene magno ex dextris: & circa præcordia eodem modo se res habet. Vulnura sanguinem fundentia, insuper rigentia, maligna. Sic affecti loquentes latenter moriuntur. Affectiones quæ quinta die sanguinem large fundunt, sexta insuper riguerunt, septima perfrigeratæ fuerint, & repente recalescunt, in his alvi male afficiuntur. Post sanguinis eruptionem, nigrorum per alvum egestio, mala. Mala autem sunt & rubicunda valde & æruginosa. Quarta die tales fiunt sanguinis eruptiones. Soporosi ex talibus convulsi moriuntur, nigris prægressis, & ventre tumefacto. Post sanguinis eruptiones, & nigrorum egestiones, in acuto surditas, malum. Sanguinis egestio his perniciofa. Surditas autem solvit. Quibus sanguinis eruptiones plures, his temporis progressu alvi male afficiuntur, si non urina concocta prodierit. Num & aquosa urina tale quid significat? Quibus ex sanguinis eruptione larga frequenti, multa sit alvi cum nigris egestio, ea autem suppressa, sanguinis fluxiones: hi alvum dolent: una vero cum quibusdam fla-

tibus, facile tolerant. Num tales multis frigidis sudoribus exudant? Conturbata in his urina, mala non est: neque id quod genituræ simile in ipsa residet, verum plerumque hi aquosa mingunt. Quibus de naribus in surditate ac torpore pauca destillant, habent quid difficultatis. Vomitus his conducit, & alvi perturbatio. Magnæ in principiis sanguinis eruptiones, circa refectionem alvos humectant. Fluxiones ex naribus largæ per vim suppressæ, quandoque convulsionem provocant. Venæ sectio solvit. Undecima die contingentes sanguinis stillationes, difficiles sunt, tum alias, tum si bis superstillaverint, & rursus stillaverint. In sanguinis fluxione multa, aut singultus, aut convulsio, mala est. In his qui decolorati usque ad septem annos vires recolligunt, & spiritus in viis acervatus, & terræ concupiscentia, sanguinis corruptionem ac exolutionem significat. In morbis longis parve comparentes sanguinis fluxiones, perniciosæ sunt. Vertigines ab initio sanguinis narium fluxio solvit. Ex naribus erumpente sanguine, cum exiguis sudoribus perfrigerantia, maligna sunt. Sanguinis detractio in perfrigeratione torpida, mala est. Qui alvo suppressa sanguinem effundunt, & una cum sanguinis effusione insuper rigent, his alvum velut ex intestinorum lavore lubricam hæc faciunt, itemque duram, & ascaridas, aut ambo. Sanguinis fluxiones statis temporibus contingentes, siticulosæ, si sanguinem non effuderint, comitialis morbi mortem inducunt. Ex hæmorrhoidæ parum apparente, vertigines obortæ, parvam ac modicam siderationem significant: solvit venæ sectio; & quicquid hoc modo apparuerit, mali aliquid significat. Palpitantes per totum,

num etiam voce intercepta moriuntur? Tremores convulsorii oborientes in sudoribus, reverti solent. Judicatio his fit, ubi superriguerint. Superrigent autem hi ardore circa ventrem provocati. Somnus multus in his convulsorius, & ad frontem gravitates, & mictio difficilis. Convulsiones antea non cognitæ in strangulatis ab utero, faciles sunt. Convulsoria sine sudore sputa defluentia in febriente, levia sunt. His insuper alvi aliquantum humectantur: fortassis autem & ad articulos aliquid abscedet. Quibus convulsis oculi intente relucet, neque apud seipos sunt, & diutius ægrotant. Quæ convulsorio modo exacerbantur, cum stuporis detentione, abscessus juxta aurem excitant. Tremulis, anxiosis, parvi juxta aurem tumores convulsionem significant, alvo male affecta. Convulsiones & tetanicas distentiones febris accedens solvit. Convulsio ex vulnere lethalis est. Convulsio in febre contingens, perniciosa est: minime vero pueris. Seniores septem annis in febre non corripuntur convulsione: sin minus, perniciosum est. Convulsionem solvit febris superveniens acuta, quæ prius non fuit: si vero fuit prius, jam exacerbata. Prodest & urinæ transitus vitri speciem referens, copiosus, & alvi fluxus, & somni. At repentinas convulsiones solvit febris, alvi fluxus. In convulsionibus vocis interceptio diu durans, mala est: parva autem, aut linguæ siderationem, aut brachii, aut dextrarum partium significat. Solvitur autem urinæ multis acervatis de repente prodeuntibus. Sudores autem paulatim oborientes profunt: acervati vero, itemque sanguinis detractiones acervatæ lædunt. In distentionibus & ante, & retro contingentibus, & in tergum so-

lum contingentibus, si maxillæ solvantur, lethale est. Lethale est etiam sudare in distentione in dorsum contingente, & corpus dissolvi, & in eadem affectione revomere per nares, aut claudere, aut nugari, si ab initio vox intercepta fuit. In posteram enim diem mortem significat. Febriles in dorsum distentiones, urinæ genituræ similes solvunt. Anginæ quæ neque in collo, neque in faucibus, quicquam conspicuum faciunt, verum suffocationem vehementem ac spirandi difficultatem inducunt, eadem die & tertia occidunt. Quæ vero tumores & ruborem in collo accipiunt, in cæteris quidem consimiles sunt, verum diuturniores. Quibuscunque vero & fauces, & cervix, & pectus, simul rubuerint, diuturniores sunt: & ex ipsis maxime servantur, si non recurrerint rubores. Si vero dissipentur, neque tuberculo foras converso ac collecto, neque pure leniter ac sine dolore excreato, neque in diebus judicatoriis, perniciosæ sunt. Num etiam suppurati fiunt? Securissimum autem est ruborem & abscessum quam maxime foras verti. Erysipelas vero foris quidem accedere, commodum est, intro autem converti, lethale: Convertitur autem intro, quum disparente rubore pectus gravatur, & difficilem spirationem habet. Quibus vero anginæ ad pulmonem vertuntur, partim in septem diebus pereunt, partim evadentes suppurati fiunt, si noneductio pituitosa sursum ipsis fiat. Quibus per pulsationis venarum vehementiam, stercus derepente per alvum secedit, lethale est. In anginis sputa gracilium subarida, malum. Anginosi in linguis tumores, citra signa disparentes, perniciosi: & dolores disparentes citra manifestam causam, perniciosi sunt. In anginis, qui non brevi con-

cocta exspuunt, perniciosè habent. In angina dolores ad caput, citra notas, cum febre, perniciosi. In angina dolores ad crura, citra notas, cum febre, perniciosi. Ex anginis citra judicationem præcordii dolor, cum impotentia ac torpore oboriens, occidit occulte, etiamsi valde mansuete se habere putent. Ex anginosis citra notas attenuatis, dolor ad pectus & ad alvum progressus concitatus, pus egerere facit: alias autem ejus qui exolvitur tale est. In anginis omnia perniciosà sunt, quæ non manifestum dolorem faciunt. Sed & ad crura dolores diuturni procedunt, & difficulter suppurantur. Ex angina sputa viscosa, crassa, valde alba, quæ violenter educuntur, mala sunt. Et omnis ejusmodi maturatio, mala. Purgatio multa deorsum, tales levis siderationis modo perimit. Ex angina, subarida frequentia sputa, cum tussi, lateris dolorem inducentia, perniciosà: itemque ea quæ inter potandum per tussim submergunt: & deglutitio violenta, mala. Pleuritici quibus in principio sputationes penitus purulentæ sunt, tertia die moriuntur, aut quinta. Si vero has effugerint, non multo melius habentes, septima, aut nona, aut undecima suppurari incipiunt. Quibus supra aurem rubor, & similiter veluti pleuriticis calescunt, & alvus biliosis ac graveolentibus exturbatur, hi vigesima ac quadragesima die periclitantur. Ubi vero has effugerint, servantur. Pleuritides siccae sine sputo, difficillimæ sunt. Horrendæ quoque hæ in quibus dolores suberne sunt. Pleuritides sine convulsionibus, graviores sunt his quæ cum convulsionibus fiunt. Quibus pleuriticis in principio lingua biliosa fit, hi septima die judicantur: quibus autem tertia aut quarta die, circa nonam. Bulla sublivida oriente in lingua, in prin-

principio, qualis est ferri tincti in oleum, difficilior solutio contingit: & iudicatio quidem ad decimumquartum diem pervenit, sanguinem autem plerumque spuunt. Sputum in pleuriticis tertia die maturari ac exspui incipiens, citiores solutiones facit: verum posterius, tardiores. In doloribus pleuriticorum commodum est alvum molliri, sputa colorari, strepitus in pectore non fieri, urinam bene procedere: (His autem contraria, difficilia:) itemque sputum dulce fieri. Biliosæ simul & sanguinæ pleuritides, plerumque nona aut undecima die iudicantur, & maxime sanantur. Quibus autem pleuriticis in principio quidem dolores molles sunt, quinta vero aut sexta die exacerbantur, hi magis ad duodecimam perveniunt, & non valde servantur: periclitantur autem maxime septima die ac duodecima. Ubi vero bis septem dies effugerint, servantur. Quibus pleuriticis strepitus sputi multus in pectore est, & facies tristes, & oculus morbi regii colore infectus, ac caliginosus, hi pereunt. Qui ex pleuritide suppurati fiunt, in quadraginta a ruptione diebus exspuunt. Sputum in omnibus pleuriticis ac peripneumoniacis facile ac cito exspui convenit, & flavum sputo ammixtum esse. Quod vero longe post dolorem educitur flavum, aut non mixtum, & multam tussim inducens, malum est. Præteritum autem penitus est flavum meracum, & viscosum, & album, & rotundum, & cum virore pallidum valde, & spumofum, & lividum; & æruginosum. Pejūs autem aliquanto est id quod ita meracum est, ut nigrum appareat. At sanguine non multo permixtum flavum, in principio quidem salutare est, septima vero die, aut posterius, minus tutum. Sanguineum vero

valde, aut lividum, statim in principio periculosum est. Præterita sunt etiam sputa spumofa, & flava, & nigra, & æruginosa ac viscosa, & quæcunque cito colorantur. At mucosa ac fuliginosa, & cito colorantur, & securiora sunt. Quæ vero intra quintum diem ad coctionem colorantur, meliora sunt. Omne porro sputum non solvens dolorem, malum est: solvens autem, bonum. Quicumque vero cum bilioso purulentum educunt, aut seorsim, aut permixtum, plerumque decimaquarta die moriuntur, si non mali aut boni quippiam ex præscriptis superveniat: sin minus, pro ratione, maxime autem his quibus ejusmodi pus septima die incipit. Bonum vero est & in his, & in omnibus circa pulmonem morbis, facile ferre morbum, a dolore liberatum esse, sputum facile educere, bene spirare, & sine siti esse, & totum corpus æqualiter calefcere, ac molle esse. Et ad hæc somnos, sudores, urinas, alvi egestiones, bonas esse. Mala autem sunt his contraria. Siquidem igitur omnia bona ad hoc sputum accesserint, servari homo poterit. Si vero partim affuerint, partim non, non ultra decimumquartum vira producta peribit. Quod si contraria signa accedant, citius etiam. Quicumque vero dolores in his locis non sedantur, neque ad exspuitions, neque ad venarum sectiones, ac victus rationes, suppurantur. Quibuscunque autem ex peripneumonia abscessus circa aurem, aut ad infernas partes fiunt, & suppurantur ac fistulantur, hi superstites evadunt. Fiunt autem his quibus & febris, & dolor affuerit, & sputum pro ratione non prodierit, neque biliosæ alvi egestiones, solutuque faciles ac meracæ fiunt, neque urina crassa valde, & multam subsidentiam ha-

habens: & alia salutaria habuerint. Fiunt autem ad infernas quidem partes, his quibus circa præcordia inflammatio fit: ad supernas vero, quibus præcordium molle & doloris exors fuerit, & ubi per tempus aliquod difficulter spiraverint, ac citra manifestam causam cessaverint. At abscessus ad crura in periculosis inflammationibus pulmonis, omnes quidem commodi sunt, optimi autem, sputo purulento pro flavo evadente. Non procedente vero sputo secundum rationem, neque urina bonam subsidentiam habente, periculum est claudum fore hominem, aut multum molestiarum exhibitura res est. Si vero recurrerint abscessus, febre consequente, & sputo non procedente, periculum est ne moriatur, ac deliret. Quicumque vero peripneumonici non purgati sunt iudicatoriis diebus, sed mente moti quatuordecim dies effugerunt, eos periculum est suppuratos fieri. Peripneumoniæ ex pleuritide transmutatæ, securiores sunt his, quæ ab initio fiunt. Corpora exercitata ac densa citius a pleuritidis ac peripneumoniciis morbis pereunt quam inexercitata. Gravedines & sternutationes in morbis circa pulmonem, & antecessisse, & succedere, malum est. Reliquis autem sternutatio non incommoda est. Peripneumoniciis quibus lingua tota alba ac aspera fit, ambæ pulmonis partes inflammatae sunt: quibus vero dimidium, una, juxta quam apparet. Et quibus ad unam claviculam dolor fit, his superna pulmonis ala una ægrotat. Quibus autem ad ambas claviculas dolor fit, ambæ supernæ pulmonis alæ ægrotant. Quibus juxta mediam costam, media. Quibus ad discriminationem, inferna. At totam unam partem dolentibus, omnia juxta hanc partem dolent. Siquidem igitur aortæ appellatæ, utrin-

que appendentes pulmonis partes, valde inflammatae sunt, ut ad latus affideant, hac corporis parte resolvuntur, & livores foris circa costam habent. Hos autem veteres ichos, sive sideratos vocabant. Si vero non valde inflammatae sunt, ut non affideant: dolor quidem fit per totum, non tamen resolvuntur, neque livores habent. Quibus vero totus pulmo inflammatus fuerit, una cum corde, ut ad latus allabatur, hi toti resolvuntur, & jacet æger frigidus, sensus exors. Moriturque secunda aut tertia die. Si vero etiam sine corde contigerit, minus diu vivunt. Quidam autem etiam servantur. Qui suppurati fiunt maxime ex pleuritide ac peripneumonia, eos calores comitantur, interdiu tenues, noctu vehementiores, & nihil memoratu dignum spuunt, & circa collum ac claviculam sudant, & oculi cavi fiunt, maxillæ vero rubent, digiti summi dexterius calescunt ac asperantur, ungues curvantur, ac perfrigerantur, & circa pedes tumores habent, & circa corpus pustulas, & abstinent a cibis. Diuturnæ igitur suppurationes, signa hæc habent. Quæ vero brevi rumpuntur, ex notis ad eas consequentibus cognoscere oportet, & ex doloribus in principio, simul autem & si aliquanto difficilius spiraverit homo. Rumpuntur autem plurimæ suppurationes, partim vigesima die, partim quadragesima, partim sexagesima. Quibus igitur dolor in principio incumbit intentus, & spirandi difficultas & tussis cum sputatione, ad vigesimum diem, aut citius, eruptionem expecta. Quibus autem leviora hæc sunt, juxta rationem. Supputare autem oportet tempus, a quo primum doluit, aut gravatus fuit, aut febriit, aut si quando rigor corripuit. Necessè est autem præcedere & do-

dolorem, & spirandi difficultatem, & sputationem, ante ruptionem. Quibus igitur & febris statim post ruptionem decedit, & cibum appetunt, & pus facile educitur album, inodorum, leve, ejusdem coloris, & a pituita liberum, & alvus parva compacta egerit, plerumque brevi servantur. Quos vero & febres sequuntur, & sitis, & cibi fastidium, & pus lividum, aut cum virore pallidum, aut pituitosum, aut spumofum, & alvus insuper liquida fit, moriuntur. At quibus aliqua ex prædictis accesserint, aliqua non, horum aliqui pereunt, aliqui multo tempore servantur. Qui suppurati futuri sunt, primum falsuginosum spuunt, deinde dulcius. Quibus in pulmone tubercula fiunt, pus educunt ad dies quadraginta post ruptionem. Has vero transgredientes plerumque tabidi fiunt. In lateris dolore, stillatio sanguinis de naribus, mala est. Quos suppuratos mitius habentes, sputorum graveolentiæ sequuntur, eos recidiva occidit. Qui ex pleuriticis exspuunt purulenta, subbiliosa, rotunda: aut purulenta subcruenta progressio tempore, perniciosè habent. Perniciosè item qui nigra fuliginosa spuunt, aut quibus velut a vino nigro sputa fiunt. Quicumque sanguinem spumofum spuunt, dextrum præcordium dolentes, de hepate spuunt, & multi pereunt. Quibus dum concutiuntur, pus cœnosum & graveolens prodit, plerumque pereunt. Quibus a pure specillum coloratur, velut ab igne, plerumque pereunt. Cum lateris dolore, non tamen pleuritico, & turbulentis tenuibus lenibus, hi phrenitici evadunt. In morbis pulmonis valde rubicundæ sanguinis stillæ, malæ sunt. Cum raucedine, sputa viscosa, falsuginosa, mala. Si vero etiam quid attollatur juxta pectus, in his malum est.

Dolores ad collum his attenuatis, perniciosi. Raucedo cum tussi, & alvo liquida, pus educit. Quibus in peripneumonia urinæ crassæ in principio, deinde ante quartum diem attenuantur, lethale est. Qui in peripneumoniis ficis pauca concocta educunt, horrenda res est. Rubores in pectoribus sublatis, talibus perniciosi sunt. Lateris dolor in sputo bilioso, præter rationem evanesens, mentem emovet. Febres intermittentes ob suppurationem, pleræque sudorificæ sunt. Suppuratis surditas oborta, cruentam egestionem significat. His ad finem nigra prodeunt. Lateris dolor cum febre diuturna, puris educationem fore significat. Horrore affecti frequenter ad suppurationem deveniunt. Sed & febris tales ad suppurationem perducit. Quos ex lateris dolore cibi fastidia sequuntur, oris ventriculi dolore ac sudore aliquantulum vexantur. Facie flores habente, & alvo liquidiore, suppurationes circa pulmonem habent. Erectæ cervicis spirationes facit hydrops siccus. Convulsiones omnes quidem molestæ sunt, & dolores in principio intentos inducunt, & postea quoque aliquos commonefaciunt. Verum difficillime sunt circa thoracem, & maxime periculosa. Quibus est vomitus sanguinis, febris multa, & dolor circa mammam, thoracem & dorsum: quibus hæc omnia fiunt, brevi moriuntur. Quibus autem non omnia, neque valde, tardius. Inflammati autem sunt diebus quatuordecim ad summum. Sanguinem spuuntibus confert, ut sint sine febre, & tussiant, ac doleant leviter, & ut sputum tenue fiat ad dies bis septem. Febrite vero & tussire, ac dolere pertinaciter, & sanguinem recentem semper spuere, incommodum est. Quibus latus sublevatum

tum in tumorem ac calidius est, & inclinatis in alterum, gravitas aliqua impendere videtur, his pus ex una parte est. Suppuratis pulmonem per alvum pus secedere, lethale est. Quicumque vulnerati in thoracem, externa vulneris parte sanati sunt, interna non, periclitantur ne suppurati fiant. Quibus autem debilis inducta est intus cicatrix, facile refringitur. Ex peripneumoniacis suppurationibus seniores magis pereunt, ex reliquis juniores. Quibus suppuratis dum concutiuntur, multus strepitus de humeris fit, minus puris habent hi, quam quibus paucis, si difficilius spirant & meliorem colorem habeant. Quibus autem strepitus quidem nullus fit, verum difficultas spirandi fortis, & unguis lividi, hi pleni sunt pure, & perniciose habent. Qui spumosum sanguinem vomunt, dolore infra septum transversum non existente, de pulmone vomunt. Et quibus quidem magna in ipso vena rumpitur, multum vomunt & in periculo versantur: quibus vero minor, minus educunt, & securiores sunt. Quibus tabidis sputum in igne gravem nidorem olet, & capilli de capite fluunt, pereunt. Quibus tabidis in mare exspuentibus, pus ad fundum sidit, brevi pereunt. Sit autem mare in æneo vase. Quibus tabidis capilli ex capite defluunt, a profluvio alvi moriuntur. Et quibus tabidis alvi profluvia accedunt, moriuntur. In tabescentibus sputa suppressa, mentem ad nugas garriendas emovent. His spes est hæmorrhoidem apparere posse. Tabes periculosissimæ sunt, a ruptione venarum crassarum, & a defluxu de capite. Ætates periculosissimæ sunt ad tabem, ab anno decimo octavo, usque ad trigésimum quintum. Pruriginosa cor-

pura post alvum suppressam, in tabidis mala sunt. In habitibus tabescentibus cum febre, fluxiones ad gingivas & dentes comparentes, malæ sunt. In omnibus in tumorem elevata præcordia, mala sunt, in tabidis autem pessima. Ex his qui diutina tabe perniciose consumpti sunt, aliqui ante finem rigore apprehenduntur. Pustularum eruptiones velut ferro lancinatae, habitus tabem significant. Difficiliter spirantes ex putredine, multa cruda educentes in tabe, perniciose habent. Quibus hepaticis multum est sputum cruentum, sive subputridum, sive biliosum meracum, statim perniciosum est. In hepatico colliquatio cum raucedine, malum, tum alias, tum si aliquantum tussiat. Hepar dolentes, os ventriculi dolentes, soporosi, rigorem habentes, & alvum turbatam; tenues, cibum averfantes, multum exsudantes, purulenta per alvum egerunt. Hepar derepente circumcirca dolentibus, febris accedens dolorem solvit. Qui sanguinem spumosum spuunt, præcordium dextrum dolentes, de hepate spuunt, & moriuntur. Quibus hepar ustis, velut amurca prodit, lethale est. Hydropes ex morbis acutis dolorosi fiunt, ac perniciosi. Incipiunt autem plerique a laterum mollitudine, aliqui etiam ab hepate. His igitur quibus a laterum mollitudine initium sumunt, pedes tument, & alvi profluvia diuturna sequuntur, alvum non mollientia, neque dolores ex lumbis & laterum mollitudine solventia. Quibus vero ab hepate, tussis adhuc prompte oboritur, & pedes tument, & alvus dura egerit, eaque ad necessitatem coacta, & tumores circa ipsam fiunt, partim in dextera, partim in sinistra, & rursus sedantur. In hydropicis siccis, urinæ stillicidia,

cidia, mala. Malæ etiam urinæ, parvas subsidentias habentes. Hydropicis comitialis morbi affectiones accedentes, perniciosæ sunt, & inter se signa prava sunt, & alvos humectant. In biliosis alvus turbata, egerens parva genituræ similia, mucosa, & dolorem circa pubem inducentia, & urinæ non facile solubiles prodeutes, ex talibus in hydropem desinunt. Hydropico febrienti, urina parva, & turbata, perniciofa est. In aqua inter cutem incipiente, alvi profluvium aquosum oboriens, citra cruditatem, morbum solvit. In hydropico sicco sui significationem præmittente, tormina circa intestinum tenuæ incidentia, mala sunt. Ex hydropicis comitiales, perniciosi. Hydrops qui ad curationem remisit recurrens, desperatus est. Hydropicis, circa venas aqua, in alvum prolapsa, solutio fit. Dysenteria intempestive suppressa, abscessum in costis, aut visceribus, aut in articulis facit. Num igitur biliosus abscessus in articulis, sanguineus in costis aut visceribus fit? Dysentericis vomitus biliosus in principio, malus est. Quibus ex dysenteria acuta, humor ad purulentiam devenit, his id quod superstat, valde album ac multum erit. Dysentericæ, subrubræ, limosæ, largæ egestiones alvi, in flammeis valde rubicundis coloribus solutæ, insaniam timorem inducunt. Dysenteria non longa splenicis commoda est, longa vero mala: desinente enim, si hydropes, aut intestinorum lævitates fiunt, lethale est. In intestinorum lævitatibus, cum animalculis, dolores tormine soluti, partes circa articulos tumefaciunt, ex talibus squamulæ rubicundæ pustulosæ: hi ubi exudarunt, velut flagris cæsi rubescunt. Qui in longis intestinorum lævitatibus, una cum animalculis, tor-

mina patiuntur, & doloribus afficiuntur, his solutis intumescunt. Insuper rigere his malum est. Intestinorum lævitates cum spirandi difficultate, & lateris punctura, in tabem desinunt. Volvulis vomitus, & surditas, malum. Vesicæ duræ & dolentes, omnino quidem malæ sunt, pessimæ vero cum febre continua. Nam dolores ab ipsis vesicis, ad occidendum sufficiunt, & alvi his non valde egerunt. Solvit autem hos urina purulenta prodiens, albam ac lævem subsidentiam habens. His vero non solutis, neque vesica mollescente, in primis circuitibus, ægrum moriturum esse timor est. Fit autem hoc maxime a septem annis, usque ad decimumquintum. Calculosi ita figurati, ut lapis ad urinarium meatum non illabatur, facile mingunt. Quibus tuberculum est circa vesicam, quod mingendi difficultatem inducit, ad omnis generis figuras vexantur: hujus autem solutio fit, pure erumpente. Quibus urina clandestine allabatur ad pudendum, exolvuntur desperati. In urinæ stillicidio volvulus accedens, septima die perimit, si non febre accedente urina acervatim prodeat. Torpores, & sensus stupiditates, præter morem contingentes, futuræ siderationis signum sunt. Qui ex vulnere impotentes fiunt corpore, febre quidem accedente citra rigorem sanantur: non autem accedente, siderati fiunt dextra aut sinistra parte. Sideratis si hæmorrhoides accedant, utile est. Si vero frigiditates & torpores, malum. In sideratis ex spiritus ægralatione, sudor accedens, lethale. Rursus autem in his ipsis si febris accedat, solutio fit. Siderationes derrepente exolutorio modo contingentes, febre insuper temporis progressu accedente, perniciosæ sunt. Quibus ex aliqua ægritudine,

dine, ad aquam inter cutem res devenit, his alvi siccae excrementa caprini stercoris pilulis similia egerunt, cum eliquatione mucosa, & urina non bona: & distentiones circa præcordia, & dolores ac tumores circa ventrem, & dolores circa laterum mollitudinem, & juxta spinæ musculos accidunt: febres item, & sitis, & tusses siccae sequuntur, & circa motus spirandi difficultas, & crurum gravitas: & a cibis abstinere, & paucis ingestis explentur. Hydropas (leucophlegmatias appellatos) alvi profluvium sedat. At tristitiæ cum silentio, & hominum aversationes, leniter eo modo affectos occidunt. Qui ex timore cum perfrigeratione mente moventur, febres cum sudoribus, & somni vocem aliquantum intercipientes, hæc solvunt. Ex insania ad raudinem, cum tussi, fit discessus. In furiosis convulsio accedens, dissipacionem facit. Mentis emotiones taciturnæ, non quiescentes, oculis circumspicientes, spiritum extra efferentes, perniciosæ sunt. Faciunt autem & leves siderationes diuturnas. Sed & ita affecti ad insaniam deveniunt. Qui vero in ventris turbatione ita exacerbantur, his nigra circa judicationem prodeunt. Quibus sanis hyeme circa lumbos frigiditas, & gravitas ex levi causa, & alvus suppressa, superno ventriculo probe officium suum præstante, his coxendicum morbus, aut renum dolor, aut urinæ stillicidium fortassis contigerit. Quibus infernæ partes affliguntur, pruritibus antea fortibus abortis, his arenosa urina fit, & supprimitur. Qui vero ex his perniciosè habent, his mens obtorpescit. Qui circa articulos rubicundas in superficie pustulas habent, insuperque rigorem, hi circa ventrem & inguina rubescunt, velut ex plagis

dolorosis, & moriuntur. Morbo regio affecti, non ita subtili sensu præditi, quibus singultus sunt, his alvi erumpunt. Fortassis autem & suppressio fit, hi viridanti pallore inficiuntur. Dolores juxta latus, in febribus tenuiter consistentes, citra notas, venæ sectio læserit, sive cibum aversetur æger, sive præcordium sublime habuerit: & in perfrigeratione, non sine febre torpidos, sanguinis detractio lædit: & putantes se melius habere, hi moriuntur. Caput & pedes, & manus perfrigerari, alvo & lateribus calidis, malum est. Optimum autem est, totum corpus similiter calidum ac molle esse. Converti autem convenit facile ægrotum, & in attollendo se levem esse. At gravitas totius corporis & manuum ac pedum, mala est. Si vero etiam ad gravitatem lividi fiant digiti ac unguës, mors propinqua est. Si vero penitus nigrescant, minus perniciosi sunt lividis. Verum etiam alia considerare oportet. Si enim facile fert morbum, & aliud quoddam ex bonis signis subindicat, morbus ad abscessum vertitur, & partes corporis nigrescunt decidunt. Testes & pudenda revulsæ, malum significant. Flatum sine strepitu ac crepitu prodire, optimum est. Melius autem est & cum strepitu exire, quam isthic revolvi, etiamsi tali modo progressus, dolorem, & desipientiam significet: si non volens homo ultro flatum ita emittat. Ulcus lividum & siccum, aut cum virore pallidum, lethale est. Decubitus optimus est, velut quis sanus solitus fuit. At supinum jacere, cruribus extentis, bonum non est. Si vero etiam delabatur pronus ad pedes, deterius est. Lethale autem est & hiare, & dormire semper, & crura lupine jacentis valde incurvata esse ac

complicata. In ventrem autem decumbere, si quis non sit adfuetus, delirium significat, & dolores circa ventrem. At pedes nudos habere & manus, si quis non vehementer calidus sit, & crura disjecta, malum est. Anxietatem enim significat. Cæterum erectum sedere velle, malum est in acutis, pessimum autem peripneumonicis ac pleuriticis. Dormire vero oportet noctu, interdium vigilare. Contrarium autem; malum est. Minime vero lædi æger poterit, si dormiat mane ad tertiam diei partem. Verum postea somni mali sunt. Pessimum autem est non dormire neque die, neque nocte: aut enim præ dolore & afflictione vigilabit, aut ab hoc signo delirabit. Quibus tempora secantur, convulsio ex contrariis sectioni partibus oboritur. Quibus cerebrum concussum fuerit & doluerit, percussis, aut alias lapsis, hi statim voce privantur, & neque vident, neque audiunt, & plerumque moriuntur. Quibus cerebrum vulneratur, febris, plerumque ac bilis vomitus accedit, & corporis sideratio, atque tales perniciose habent. Ex ruptis capitibus ossibus, difficillima cognitu sunt ea, quæ circa futuras rumpuntur. Rumpuntur autem maxime a gravibus ac rotundis telis, & ex his quæ ex subcontrario afferuntur, & non ex plano loco. At vero de quibus ambiguum est, rupta ne sint an non, judicare oportet, exhibitio ad manducandum in utranque maxillam asphodeli caule, aut ferula, ita ut animadvertere jubeas, an os aliquod ipsi strepere videatur. Nam fracta strepere videntur. Progressu vero temporis, fracta partim septima, partim decimaquarta, partim etiam aliter significationem præbent. Nam & carnis ab osse discessus fit, & os livi-

dum, & dolores sanie affluente. Hæc autem ægre jam auxilium admittunt. Quibus omentum excidit, necesse est putrefieri. Si intestinum quoddam ex gracilibus dissectum fuerit, non coalescit. Nervus dissectus, aut genæ tenuis pars, aut præputium, non coalescit. Quodcumque os in corpore resectum fuerit; aut cartilago, non augetur. Ex vulnere convulsio accedens, mala est. Ex vulnere bilis vomitus accedens, malum: & maxime in capitis vulneribus. Nervi crassi si vulnerantur, plerumque claudi fiunt, & si obliqui vulnerantur præsertim, & si musculorum capita, maxime in femoribus. Moriuntur maxime ex vulneribus, si quis cerebrum sauciatus fuerit, aut spinalem medullam, aut hepar, aut septum transversum, aut cor, aut vesicam, aut venam crassam. Moritur autem etiam, si in arteriam & pulmonem valde magnæ plagæ fiant, ita ut pulmone percusso, paucior spiritus per os procedat, quam is est qui ex vulnere elabitur. Moriuntur autem qui in intestina vulnerati sunt, sive ex tenuibus aliquod, sive ex crassis vulneratum fuerit, si per transversum fiat plaga, & magna: si vero parva & recta, quidam evadunt. Minime vero moriuntur vulnerati in partibus corporis ubi hæc non sunt, aut ab his quam longissime absunt. At vero visus obscuratur in vulneribus incussis in supercilium, & paulo altius. Prout autem vulnus recentius est, maxime vident: cicatrice vero diutius tardante ac senescente, magis obscurari contingit. Fistulæ difficillimæ sunt, quæ in cartilaginosis & excarnibus locis sunt, & cavæ sunt, & procedunt ac sanie manant semper, & caruncula in oculo ipsis inest. Curatu autem faciliores sunt, quæ in mol-

libus & carnofis & non nervofis exiftunt . Morbi hi ante pubertatem non fiunt , peripneumonia , pleuritis , podagra , nephritis , varix circa tibiam , fluxus languineus , cancer non congenitus , vitiligo (leuce dicta) non a natura inftita , defluxus medullæ fpinalis , hæmorrhoidis , volvulus (chordapfus appellatus) non cognatus . Horum morborum nullum ante pubertatem fore exspectandum . Verum ab anno decimoquarto , ufque ad quadragesimum fecundum , natura corporis morborum omnis generis ferax fit . Rurſus ab hac ætate , ufque ad annos ſexaginta tres , non fiunt ſtrumæ , neque lapis in vefica , niſi prius exiſtat , neque defluxus medullæ fpinalis , neque nephritis , niſi ex alia ætate comitentur , neque hæmorrhoides , neque fluxus ſanguineus , niſi prius fuerit . Hi ufque ad ſenectutem abſunt morbi . In menſibus muliebribus , qui aquoſi ante partus prodeunt , mali ſunt . Ora fervido aphthæ ulcere affecta , uterum geſtantibus , non ſunt bona . Num & alvi humectantur ? Dolores ex laterum mollicudine , ad inteſtinum tenue tranſeunt , in morbis longis , ex corruptione fœtus non valde purgata , pernicioſi ſunt . Quæ ex partu ac fœtus corruptione multa repente concitata , ſupprimuntur , difficilia ſunt . Rigor his infeſtus eſt , & alvi turbatio , tum alias , tum ſi præcordium doleant . Uterum geſtantibus dolores capitis ſoporofi , cum gravitate aborti ac convulſione , plerumque mali ſunt . Quibus dolores pertinaces ex menſibus , circa ſupernam partem , & inteſtinum tenue , alvos humectant , aliquantum cibos averſantur . His circa judicationem delationes in ſomnum fiunt , & impotentes ex capitis dolore exſudant , ac perfrigerantur . Tales recidivæ plerif-

que contingentes poſt remiſſionem , cito occidunt . Spiritus qui cum ſuſpiriis extra feruntur , & colliquatio præter rationem , in uterum geſtantibus abortum facit . Dolor ventris poſt partum , in his purulenta purgat . Torpidæ , & præſertim in motibus , cum impotentia fractæ , circa judicationem vexatæ , anxioſæ , multum exſudant . Alvi his humectæ , malum . Menſes non ſupprimi commodum eſt : ex talibus comitiales morbi fiunt , ut arbitror , quibusdam verò ventris ſubductiones diuturnæ , quibusdam hæmorrhoides . Prægnantibus præcordii dolor , malum : & alvi his ſubeunt , malum : & inſuper rigere ; his malum . Dolor ventris in talibus , minus malum , ſi limoſa purgentur . Quæ ex talibus facile pariunt , poſt partum vehementer moleſtantur . Prægnantibus tabeſcentibus quibus rubor in facie fit , ſtillationes de naribus abortæ hunc avertunt . Quibus ex partu prodeunt alba , his vero ſuppreſſis cum febre ſurditas , & dolor acutus ad latus fit , mente moventur , & pernicioſe habent . In geſtantibus uterum ſalſuginofa , ſignificant poſt partum moleſtias ex albis mordacibus . Tales purgationes indurant : ſingultus in his , malum . Ad pedes & ad lumbos diſtentiones ex menſibus , ſuppurationem inducunt , itemque ea quæ de alvo viſcoſa graveolentia cum dolore prodeunt . Strangulationes quoque ex præſcriptis ſuppurationem faciunt . Uterinæ in ventriculis durities doloroſæ acutæ , pernicioſum . Uterum jam geſtantibus ex fervido ulcere , fluxiones doloroſæ , malum . Hæmorrhoidis his , peſſimum . Quibus alvo tumefacta , ad pudendum rubor devenit , menſibus albis humidis derepente progreſſis , in longis febribus moriuntur . Convulſio-

nis, si menses in principio apparuerint, febre non accedente, solutio fit. Urinæ tenues cum aliquantula nubecula in medio consistente, rigorem significant. Si a quarta die sanguinis fluxus fiat, diurnitatem significat, & alvus erumpit, & crurum tumores. Uterum gerentibus capitis dolores, soporosi, cum gravitate contingentes, mali sunt: fortassis autem his etiam convulsorium quid pati contingit. Quæ ante partum, juxta modum bilis sursum ac deorsum erumpentis, doluerunt, facile quidem pariunt, verum si febricitent, maligne habent: tum alias, tum si circa fauces quid vexet, aut aliquod signum in febre malignum appareat. Aquosa ante partus erumpentia, mala. Uterum gestantibus saluginosæ juxta fauces fluxiones, malum. Ante partum rigorem habere, & partus citra dolorem, periculosi. Uterum gerentibus ex fervido ulcere fluxiones, malum: convulsæ, exolutæ, & postea perfrigeratæ excalescunt acute. Sed & difficiles fiunt prægnantibus tumores circa tenue intestinum, quales circa eminentias osculi uteri fiunt, erectæ cervicis spirationem inducentes. Num tales tumores gemellorum partum significant? Num & convulsionem tales tumores faciunt? Quæ suspiriosum efferunt spiritum in febribus, abortiunt. Horrorem habentibus, lassitudine affectis, capite gravatis, menses erumpunt. Ad manum torpidæ, obaridæ, sitis exortes, menses multos emittentes, suppuratæ fiunt. Alba derepente ex abortu decurrentia, si aliquantum riguerit, & ad femur impetus, in his tremor difficilis est. Ora fervido, aphtha appellato, ulcere affecta, uterum gestantibus alvos humectant. Prægnantes prægrotantes ante partus insuper rigent. Torpefactoriæ

exolutiones difficiles quidem ex partibus contingunt, & mentem emovescentes, non tamen perniciosæ. Sed & mensium copiam præsignificant. Quæ in partu os ventriculi prædoluere, paulo post ejiciunt. Horrores, lassitudines, capitis gravitates, colli dolores, menses extrudunt. Circa judicationem tale contingens cum tussicula rigorem insuper inducit. Quibus puellis erectæ cervicis spiratio contingit uterum gestantibus, his mammæ suppurantur, & menses apparere in principio, malum est. Infantia febres acutas turbulentas non bilioso os ventriculi dolenti solvunt. In sterilibus, & non parientibus, sanguinis vomitus ad conceptionem prodest. Caligines mensibus multis comparentibus solvuntur. Quibus mulieribus ex febribus dolor mammarum fit, sputatio cruenta non feculenta oborta, solvit dolores. Convulsionem ex utero affecto sine febre faciles sunt, velut etiam Dorcadi. Quibus ex rigore febris lassifactoria, menses decurrunt: collum in his dolorosum sanguinis eruptionem inducit.

4. Vomitus minime molestus est ex pituita ac bile permixtus, verum ne valde multus vomatur. At meraciores vomitiones deteriores sunt. Præsinus autem vomitus, & niger, & lividus, malus est. Si vero etiam omnes colores idem vomuerit, perniciosum est. Celerrimam autem mortem significat lividus, & male olens. Est etiam lethalis ruber vomitus, & maxime si cum necessitate dolorosa vomatur. Qui anxie se jactantes, citra vomitum exacerbantur, male habent, itemque qui lancinantur citra vomitum. Parvi vomitus biliosi sunt, tum alias, tum si vigilaverint. In nigris vomitibus surditas non nocet. Pauci, celeres, bilio-

si, meraci vomitus, mali sunt in alvi subductione uberiore, & pertinaci lumborum dolore. Ex vomitibus anxietates, clangores, oculi concretionem lanuginosam habentes, furiosa. Acute insania correpti, voce intercepta, ita affecti moriuntur. In vomitu si quis siticulosus sit, & sitis exors fiat, malum est anxiosis vigilantibus. Abscessus juxta aurem maxime fiunt anxiosis. Alvo turbata suppressa, brevi velut culicum puncturæ erumpunt, & ad oculos lachrymosus abscessus devenit. In meracis vomitibus singultus, malus, mala etiam convulsio. Similiter etiam in nimis purgationibus ex medicamentis. Qui vomituri sunt, antea sputationes faciunt. Ex veratro convulsio, perniciofa. In omni purgatione redundante, frigiditas cum sudore, perniciofa est: & qui insuper vomunt siticulosi in his, malum. Anxiosi, lumbos dolentes, alvo humectantur. Purgationes valde rubicundorum, nigrorum, a veratro, malæ sunt: & cum talibus exolutio, mala. A veratro vomere rubicunda, spumosa, pauca, prodest: facit tamen duritias, & suppurationes magnas abducit. Sunt autem hi qui talia vomunt, alias & pectus dolorosi, & in rigoribus exudantes, & testes intumescunt: quod si contigerit, insuper rigent & gracilescunt. Frequentes per eadem recidivæ vomitoria, circa judicationem nigrorum vomitum faciunt: fiunt item tremulæ. Sudor optimus quidem est, qui febrem in die judicatorio solvit: commodus autem est & qui levat: frigidus vero, & circa caput solum ac collum contingens, malus est. Nam & temporis diurnitatem, & periculum significat. At frigidus in febre quidem acuta, lethalis est: in mitiore vero diurni-

tatem significat. Sudor una cum febre in acuto morbo, malus est.

5. Urina in febre albam habens & lævem subsidentiam firmatam, celerem dimissionem significat. Celerem etiam ea quæ ex indilcreta, pinguedinem quandam habens, exaquescit. At subrubra, & subsidentiam subrubram habens & lævem, siquidem ante septimum diem prodeat, septima die liberat. Post septimum vero tardius, aut omnino post tempus aliquod diuturnius. Et quæ in quarto die nubeculam subrubram habet, septimo liberat, si reliqua juxta rationem habeant. Cæterum tenuis & biliosa, & vix tenuem ac exiguam subsidentiam habens, & quæ ad melius, ac deterius mutatur, diuturna est. Hæc autem diutius consequens, aut temporis diurnitate circa judicationem trahente, periculo non vacat. Aquosa vero & alba perpetuo, in diuturnis morbis difficulter judicat, & secura non est. Nubeculæ in urinis albæ quidem & inferne, commodæ sunt: rubicundæ vero, & nigræ, ac lividæ, difficiles sunt. Periculosa urina est biliosa, non subrubra, in acutis: & quæ crassiores farinæ partes refert, albas habens subsidentias: & quæ varia est colore ac subsidentia, & maxime in fluxionibus de capite. Periculosa est & quæ ex nigra in tenuem biliosam transmutatur: & quæ ex subsidentia divellitur: & quæ ex compactis quibusdam innatantibus, subsidentiam habet sublividam, limosam. Num ex talibus præcordium dolent? dextrum arbitror, aut etiam cum virore pallidi fiunt? & abscessus circa aurem dolentes? His paululum erumpens alvus, perniciofa est. Urinæ quæ de repente citra rationem paulatim concoquantur, malæ sunt: & in summa, quæ citra rationem matura est, in mor-

bo acuto, mala est. Mala est etiam valde rubicunda ex his, florulentiam æruginosam continens. Alba vero & diffusa pellucida urina, mala est, maxime si in phreniticis comparet. Mala est quoque quæ post potum cito mingitur, & præsertim pleuriticis ac peripneumonicis. Mala est & quæ ante rigorem oleosa mingitur. Malæ sunt & in acutis viridantis palloris, non existentes in colore. Perniciosa est urina nigram subsidentiam habens, & nigra. In pueris vero tenuis, magis quam crassa. Verum in tenuibus vice versa quam in crassis. Et grandinosa genituræ similis diffusa, eademque dolorosa. Perniciosa etiam est omnis quæ latenter mingitur. At peripneumonicis perniciosa est quæ in principio quidem cocta est, post quartum vero diem attenuatur. Pleuriticis urina cruenta, caliginosa, cum subsidentia varia, indiscreta, lethalis est plerumque in quatuordecim diebus. Lethalis est item in pleuriticis brevi prasina, nigram subsidentiam habens, aut furfuraceam. Verum in febre ardenti stupefactorio modo detentis, pessima est urina valde alba. Urina cruda multo tempore manens, aliis signis salutaribus, abscessum & dolorem significat, & magis in partibus sub septo transverso. Si vero dolores in lumbis oberrarint, ad coxam, & in febre, & sine febre. At quæ emititur urina pinguedinem habens in subsidentia, febrem significat. Cruenta vero in principio micta, diurnam: turbata, cum sudore, recidivam. Alba velut jumentorum, capitis dolorem: pelliculosa, convulsionem. Quæ sputo similes subsidentias, aut limosas habet, rigorem indicat. Quæ aranei telis similes, colliquationem. At in febribus erroneis nigra nubeculæ, quartanam indicant. De-

colores autem, nigra innatantia in medio habentes, cum vigiliis & turbatione, phrenitidem: pulverulentæ cum spirandi difficultate, aquam inter cutem. Urina aquosa aut turbata friabili asperitate, alvum liquidam fore significat. Verum tenuis valde urina si densa fiat, num sudorem futurum indicat? Jam vero factum, spumosa in seipsam confidens. In tertianis cum horrore velut nubeculæ nigra, horrore inconstantis indicia sunt. Et pelliculosæ urinæ, & cum horrore subsidentes, convulsoriæ sunt. Urina bonam habens subsidentiam, derepente non habens, dolorem & mutationem significat. At subsidentiam habens turbata desinens, rigorem circa judicationem: fortassis autem & intertitanam aut quartanam transitionem. In pleuriticis urina subrubram habens lævem subsidentiam, securam judicationem significat. Cum levi virore ac pallore florulenta, albam subsidentiam habens, etiam celerem. At rubicunda valde & florulenta, subsidentiam cum virore pallidam, lævem, sinceram habens, diuturnum valde turbulentum morbum qui in alium transmutatur, non tamen perniciosum. Alba vero aquosa, subsidentiam crassas farinæ partes referentem, fulvam habens, dolorem & periculum significat: & quæ cum virore pallida est, fulvam, crassas farinæ partes referentem subsidentiam habens, tempus & periculum significat. Urinæ quæ in his qui juxta aures abscessus habent, cito & modice concoquuntur, malæ sunt: & perfrigerari hoc modo, malum est. Vesica intercepta tum alias, tum cum capitis dolore, habet quid convulsorium. Quæ in his cum torpore exolvuntur, difficilia sunt, non tamen perniciosa. Num & aliquantum mente moventur? Renum dolor repentinus,

tinus, cum urinæ suppressione, calculorum aut urinarum crassarum mictionem significat. Tremores senioribus in febre fiunt, atque sic comparentes, fortassis calculos per urinam ægris ejiciunt. Urinæ suppressio, & gravitas in imo ventre, plerumque stillicidium urinæ significat futurum. Sin minus, alium morbum ex quo ægrotare solet. In biliosis urinæ interceptio, brevi occidit. Urina in febre densitatem habens divulsam, recidivam aut sudorem significat. In febribus longis, tenuibus, erroneis, urinarum tenuium mictiones, splenicæ sunt. In febre alias aliarum urinarum mictiones, morbum producant. Urinæ quæ minguntur a non recordantibus nec commonefactis, perniciosæ sunt. Num his minguntur velut si subsidentiam conturbasses? Quibus urinæ paucæ, grumosæ, non sine febre, copia ex his progressa tenuis prodest. Prodit autem talibus ab initio, aut brevi subsidentiam habet. Quibus urinæ cito subsidentiam habent, hi cito judicantur. Comitiali morbo laborantibus urinæ tenues & crudæ, præter morem, sine repletionem, morbi invasionem significant, tum alias, tum si quis dolor, aut convulsio, in summum humerum, aut collum, aut dorsum incidat, aut torpor corporis fiat, aut turbulentum insomnium viderit. Parva comparere, veluti sanguinis stillas, & urinam, & vomitum, & alvi egestiones, penitus quidem malum est. Pessimum vero si propinque inter se prodeant.

6. Alvi egestio optima est mollis, cohærens ac compacta, subfulva non valde graveolens, prodiens hora consueta, copia pro ratione ciborum ingestorum. Spissum autem fiat ad iudicationem. Commodum est & lumbricos rotundos exire simul, ubi ad iudicationem tendit.

In acutis spumosa, circumbiliosa alvi egestio, mala est. Mala item valde alba. Adhuc vero peior est quæ farinæ ac sterquiliniæ speciem refert. Sopor in his malus est, & cruenta egestio, & vasorum vacuatio præter rationem. Alvi interceptio parva nigra, velut caprarum stercora, ad necessitatem coacta emittens, nasus his erumpens, malum. Viscosa meraca, aut alba alvi egestio, mala est. Mala est & abunde multum fermentata, subpituitosa. Prava item ex compactis quibusdam innatantibus, subsidentia sublivida, purulenta, cum biliosa. Sanguinem splendidum egerere, malum est, tum alias, tum si quis dolor affuerit. Spumosa, circumbiliosa alvi egestio, mala est. Sed & morbum regium ex talibus incurrunt. In biliosis alvi egestionibus spumosa florulenta, mala est, maxime ei cui lumbi doluerint, & mente motus fuerit. Num autem his dolores? Tenuis spumosa alvi egestio, aquosam cum virore pallidam habens subsidentiam, mala est. Mala etiam purulenta: & nigra cruenta, mala, cum febre, & alias: & varia, abunde bile colorata egestio, mala est, tantoque deterior quantum colore magis horrenda est, præterquam in medicamentorum usu. In hoc enim periculo vacat, si non copia excedat: & tenuis, mollis egestio, in febre mala est. Mala quoque sicca friabilis, decolor, tum alias, tum si alvum humectet. Nigris vero antea egressis occidit. Liquida alvi egestio, & acervatim, & paulatim contingens, mala est: altera enim vigilias, altera exolutionem facere poterit. Liquida subtenuis alvi egestio perfrigescentis, non sine febre, mala est. Rigores in his vesicam & ventrem corripunt. Aquosa vero valde non desinens in acutis,

tis, mala: & magis si etiam sitim non habuerit. Valde rubicunda egestio in alvi profluvio, mala est. Mala quoque valde cum virore pallida, aut alba, aut spumosa, aut aquosa: & parva, & viscosa, & levis, & cum virore subpallida, mala est. Et soporosis torpescit liquidam egestio, pessima est. Lethale autem & alvum sanguine manare, multa grumosa egestione, itemque alba ac liquida, cum ventre in tumorem elevato. Egestio alvi nigra velut sanguis, & cum febre, & sine febre, mala est. Malæ item omnes variæ, abunde ex bile coloratæ. Egestiones desinentes in spumosas meracas, omnes quidem exacerbant, convulsos autem etiam valde. Ex talibus abscessus juxta aurem emergunt. At quæ valde liquidæ fiunt, & rursus compactæ, meracæ, stercoracæ egestiones, longitudinem morbi significant. Valde rubicunda in febre, delirium. Alba stercoracea morbo regio difficilis est, itemque liquida quæ seposita ruborem capit. In sanguinis eruptionibus viscosa egestio nigris variegata, maligna est, maxime autem valde albidis. Valde alba egestio in febre, non bene judicat. Alvus turbulenta parvis frequentibus ad egerendum progressibus, maxillas intendit. Solvit etiam rubores in facie abortos. Stercoracea cum contentione egestio, alvi afflictionem significat. Pituitosa vero acute cum oris ventriculi dolore, dysenteriam: fortassis autem & lumborum dolorem. Talibus alvi circumfessio ad necessitatem liquida demittens, citius restitans, habet quid convulsorium. Insuper rigere his perniciosum est. Quibus nigra per alvum prodeunt, frigidum sudorem excludunt. Quibus alvus ab initio turbatur, urinæ vero paucæ sunt, & progressu temporis alvus

quidem siccatur, urina vero tenuis redundat, his abscessus ad articulos fiunt. Progressus ad egerendum paulatim contingentes, horrorem ac rigorem inducunt: & quibus larga fit egestio, difficillimum est quartanis incipientibus. Frequentes ad egerendum progressus paulatim contingentes, pauca stercoracea subviscosa habentes, cum præcordii & lateris dolore, morbum regium denotant. Num his suppressis hi cum virore pallidi fiunt? Arbitror autem & hoc sanguinem effundere. At dolores in lumbis, in his sanguinem fundentibus, sanguinem egerunt splendidum. Cum sopore, & capitis dolore, calefcere insuper, perniciosum est. Viscosæ, biliosæ, magis abscessus juxta aurem faciunt. Quicumque tumores alvo humecta elevantur, cum doloribus, malum. Alvo vero suppressa, & nulla alia renovata, cito rumpuntur, & malignius est. Vomitiones in his, malæ & ferinæ. Quibus & flammeis, & valde rubicundis solutis, graveolens, larga, subrubra fit, hi ne insaniant timor est. Corpus squalidum alvum male affectam significat: in his valde rubicundæ, instar purulentæ carunculæ egestiones maxime prodeunt. Ad alvum biliosam mollem stercoracea egerentem, ardores comparentes, tumorem juxta aurem faciunt. Biliosas egestiones surditas sedat, & surditatem sedat biliosa alvi egestio. Pustulæ serpiginosæ supra inguina, ad laterum mollitudinem ac pubem oborientes, alvum male affectam significant. Exolutio dolorem solvens, alvum maxime humectat. Juxta sedem dolorosæ suppurationes alvum turbant. Lethales egestiones sunt, pinguis, nigra, livida cum graveolentia, & biliosa, habens in se simile quiddam ciceri aut fabis fæsis, aut veluti floridos sanguinis grumos,

mos, & quæ odore similis est egestioni infantium, & varia eademque diuturna. Talis autem fuerit cruenta, ramentosa, biliosa, nigra, prasina, & simul, & permutatis vicibus. Lethalis quoque omnis est quæ sensum ægri fugiens exit. Qui potum difficulter deglutiunt spiritu tussiente, eructatio subtracta intro revoluta dolorem ventris significat. Malæ sunt etiam egestiones valde rubræ æruginosæ in quartanis. Et tales sanguinis fluxiones soporosæ sunt: ex his convulsione moriuntur, nigris antea egressis. Exolutiones alvi repentinæ præter rationem, in diuturnitate temporis consumptis, una cum vocis tremula interceptione, perniciose habent. Tenuis nigrorum egestiones horrificæ, meliores talibus sunt. Tales profunt maxime in ætate ante vigorem. Pruriginosæ affectiones omnibus nigrorum egestionem significant, & vomitum grumosum. Et tremulæ affectiones cum mori ac capitis dolore, nigras egestiones significant. Ante tales vomitus prodiit: & ubi vomuerunt, multæ tales insuper detrahuntur. Quibus in alvi turbatione exacerbatur morbus, circa judicationem nigra inferne prodeunt. Ex alvo diutine affecta, vomentibus, biliosis, cibum fastidientibus, sudor multus cum impotentia repentina, occidit. In medicamen-

torum usu, in defluxione, tenuis abunde sanguis eliquescent, malum est. Durities circa ventrem cum dolore, in febribus cum horrore cibos averfantibus, alvo parum ad purgationem humectata, non suppurantur. Una cum febre alvus turbata falluginoso modo, soporosos, torpidos non valde comitatur. Ex alvo liquida lassatos, caput dolentes, siticulosos, vigilantes, valde rubicunda egestione solutos, timor est ad insaniam deventuros esse, si difficulter spiraverint. Ad hoc ubi quis cum virore pallescit, bene spirare noxium non est alvo insuper probe egerente. Adustræ egestiones contentionem habentes, alvum male affectam significant. Biliosis alvus turbata, parva, frequenter egerens distendentia cum paucis mucosis, dolorem circa tenue intestinum hæc faciunt, & urinam non facile prodeuntem, ex talibus ad hydropem desinunt. Linguae tremulæ quibusdam alvi eruptionis futuræ signum sunt. Quibus ardor fit, & ad egressas egestiones alvi, insuper exsudant, his febris exacerbatur. Ex alvis liquidis perfrigeratio cum sudore, mala. Ex alvis liquidis, sanguis de gingivis defluens, lethalis est. Alvi egestio pura superveniens, solvit febrem acutam cum sudore.



D E N T I T I O N E .



PUERI natura habitiores, non pro carnositatis ratione etiam lac sugunt. Voraces vero & multum lactis trahentes, non pro ratione carnosii fiunt. Pueri sugentes si multum mingant, minime anniculi fiunt. Quibus alvus multum profluit, & bebe concoquunt, hi saniores sunt. Quibus modice profluit, & voraces sunt, & non pro ratione similiter nutriuntur, morbofi. Quibus multum lactosum revomitur, his alvus suppressitur.

2. Quibus in dentitione alvus amplius subducit, minus convelluntur, quam quibus parum. Quibus in dentitione febris acuta accedit, parum convelluntur. Quicumque dentientes habitiores manent, & altiore somno utuntur, periculum est ne convulsione corripiantur. Qui hyeme dentiunt, reliquis similibus existentibus, melius liberantur. Non omnes, in dentitione convulsi, moriuntur, sed multi etiam servantur. Qui cum tussicula dentiunt, tardius dentes producant, in perpunctione autem magis gracilescent. Quicumque in dentiendo hyemem habent, si attente tractentur, dentitionem facilius ferunt. Qui plus mingunt quam egerunt, pro ratione habitiores sunt. Qui non pro ratione mingunt, verum alvus frequenter cruda a pueris egressit, morbofi sunt. Qui bene dormiunt, & habitiores sunt, multum alimentum adsumunt, idque adjacet, non sufficienter distributum. Qui dum sugant in-

terim cibum adsumunt, facilius ablationem ferunt. Qui saepe cruenta ac cruda per alvum egerunt, plurimi in febre somniculosi sunt. Ulcera in tonsillis circa febrem facta, securiora sunt. Quibus infantibus in sugendo tussis instat, uvam majorem habere solent.

3. Quibus cito in tonsillis ulcera serpens confidunt, febribus ac tussi permanentibus, periculum est rursus generanda esse ulcera recurrentia. Ulcera tonsillarum in infantibus periculosa. Pueris memorabilis magnitudinis, si ulcera in tonsillis sint, & deglutire possint, salutis signum est. Quam vero majores prioribus deglutire in tonsillarum ulceribus non possunt, his multam bilem revomi, aut per alvum prodire, periculosum est. In ulceribus tonsillarum si quid araneosum inest, non bonum. In tonsillarum ulceribus post prima tempora, pituitam per os effluere, si prius non fuit, commodum est, & tamen reducenda est. Si vero incipiat, & omnino remittat, gaudendum est. Si autem non sic effluat, vereri oportet. Qui tonsillas destillatione vexatas habent, his alvus amplius subducta, siccas tusses solvit. Verum pueris si quid concocti superne prodierit, amplius solvit. Ulcera multo tempore in tonsillis circa argumentum manentia, ante quintum aut sextum diem periculosa non sunt. Sugentes qui multum lactis adsumunt, ut plurimum somniculosi sunt. Sugentes qui non probe aluntur, macilentii fiunt,

& ægre vires recolligunt. Ulcera in tonsillis æstate facta, pejora sunt quam aliis temporibus, citius enim proferunt. Ulcera in tonsillis circa uvam proserpentia in his, qui servantur, vo-

cem alterant. Ulcera proserpentia circa fauces, graviora & magis acuta, ut plurimum spirandi difficultatem inducunt.

H I P P O C R A T I S

D E

A L I M E N T O.



ALIMENTUM & alimenti species, unum & multæ: unum quidem, quatenus unum genus est. Species vero humiditate ac siccitate

finitur. Et in his formæ, ac quantitas est, & ad quædam, & ad tot. Augeret autem, & corroborat, & incarnat, & assimilât, & dissimilia facit quæ in singulis sunt, juxta uniuscujusque naturam ac facultatem quæ ab initio adest. Assimilat autem pro viribus, quum id quod superingeritur superatur, id vero quod prius inest superat. Exile autem fit aliquando quidem prius, in tempore dissolutum aut insuper appositum, aliquando vero posterius, in tempore dissolutum aut appositum. Destruit autem utrunque in tempore & post tempus, id quod extrinsecus affidat superingestum est, & per multum tempus omnibus membris solide implicatum est, & propriam quidem formam producit, priorem vero, aliquando autem & priores, destruit.

2. Facultas porro alimenti pervenit & ad ossa, & ad omnes partes, & in nervum, & in venam, & in arteriam, & in musculum, & in pelliculam, & carnem, & pinguedinem, & sanguinem, & pituitam, & medullam, &

cerebrum, & medullam spinalem, & interanea, omnesque ipsorum partes, & sane etiam in caliditatem, & spiritum, & humiditatem. Alimenti vero & id quod hoc nutrit, alimentum est, & quod velut nutrimentum est, & quod nutrimentum futurum est. Principium autem omnium unum est, & finis omnium unus; & idem finis est a quo principium: & quæ particulatim in alimento probe & male distribuatur. Probe quidem, quæ prædicta sunt. Male vero, quæ contrarium his ordinem habent.

3. Succii varii, & coloribus, & viribus, & in detrimentum, & in utilitatem, & neque lædentes, neque commodantes, & multitudine, & excessu, & defectu, & implicatione, aliquorum quidem, aliquorum vero non. Et omnium caliditatem lædunt ac juvant, & frigiditatem lædunt ac juvant, & facultatem lædunt ac juvant. Facultatis autem variaz naturæ sunt, Succii corrumpentes & totum, & partem, forinsecus ac intrinsecus, spontanei & non spontanei: nobis quidem spontanei, causæ vero non spontanei. Rursus autem causæ, aliæ manifestæ, aliæ obscuræ, & aliæ possibiles, aliæ impossibiles.

4. Natura omnibus subvenit . Ad hanc vero forinfecus quidem cataplasma , illitio , unguentum , nuditas & totius , & partis . Caliditas & frigiditas , juxta eandem rationem & adstrictio , & ulceratio , & morsus , & corrosio . Intrinsecus vero & quædam ex prædictis , & supra hæc causa obscura , & parti , & toti , & alicui , & non alicui , excretiones ventris secundum naturam , item urinarum , sudoris , salivæ , mucis , uteri , juxta hæmorrhoidas , verrucam , lepram , tuberculum , carcinoma , ex naribus , ex pulmone , ex ventre , ex sede , ex cole , secundum naturam , & præter naturam : discrimina horum aliis juxta aliam rationem aliquando etiam aliter . Una natura sunt hæc omnia , & non una . Multæ naturæ sunt hæc omnia , & non una . Medicina sursum & deorsum , & neque sursum , neque deorsum . In alimento medicina , optimum . In alimento medicina , malum . Malum & optimum ad aliquid . Ulcus , crusta , sanguis , pus , sanies , lepra , furfur , ulcera capitis manantia , impetigo , vitiligo , lentigo , aliquando lædit , aliquando prodest : aliquando neque lædit , neque prodest . Alimentum , non alimentum . Si nutrire non potest , nomen est alimentum , non opus . Opus & res est alimentum , non nomen . In pilos alimentum , & in ungues , & in extremam superficiem intrinsecus pervenit . Forinfecus alimentum ex extrema superficie , ad intima pervenit . Confluxio una , conspiratio una . Consentientia omnia . Juxta totius quidem corporis naturam omnia , juxta partem vero , partes in unaquaque parte ad opus . Principium magnum ad extremam partem pervenit . Ex extrema parte ad magnum principium pervenit . Una

natura , esse , & non esse .

5. Morborum differentia , in alimento , in spiritu , in calore , in sanguine , in pituita , in bile , in humoribus , in carne , in pinguedine , in vena , in arteria , in nervo , musculo , pellicula , offe , cerebro , medulla spinali , ore , lingua , stomacho , sive gula , ventre , intestinis , septo transverso , peritonæo membrana alvum ac intestina amplectente , hepate , splene , renibus , vesica , utero , cute . Hæc omnia & singulatim & perticulatim . Magnitudo ipsorum magna , & non magna . Signa , titillatio , dolor , ruptura , mens , sudor , urinarum subsidentia , quies , jaectatio , visus , imaginationes , morbus arquatus , singultus , morbus comitialis , sanguis integer , somnus : & ex his , & ex aliis naturalibus & quæcunque alia hujusmodi ad detrimentum & utilitatem procedunt . Labores totius & partis . Et magnitudinis signa , alterius ad majus , alterius ad minus , & ab utrisque ad majus , ab utrisque ad minus . Dulce non dulce : dulce ad potentiam , velut aqua : dulce ad gustum , velut mel . Signa utrorumque , ulcera , oculi , & gustus : & in his magis & minus . Dulce ad visum , & in coloribus , & in aliis mixturis . Dulce magis & minus .

6. Raritas corporis ad perspirationem , quibus amplius aufertur , saniores sunt . Densitas corporis ad perspirationem , quibus minus aufertur , morbidiores . Qui probe perspirant , debiliores & saniores sunt , & a morbis facile reconvalescunt . Qui male perspirant , priusquam ægrotent , fortiores sunt . Ubi autem ægrotarunt , difficilius a morbis reconvalescunt . Hec autem & toti , & parti .

7. Pulmo contrarium corpori alimentum trahit , reliqua vero omnia

idem .

idem . Principium alimenti spiritus , nares , os , guttur , pulmo , & reliqua respiratio . Principium alimenti & humidi & siccis , os , gula , venter . Verum antiquius & primordiale alimentum , per abdomen umbilicus . Radicatio venarum hepar . Radicatio artiarum cor : ex his aberrant in omnia sanguis & spiritus , & calor per hæc meat . Vis una , & non una , qua omnia hæc & alia gubernantur , alia quidem ad vitam totius & partis , alia ad sensum totius & partis . Lac nutrimentum , quibus videlicet secundum naturam alimentum est , aliis vero non . Aliis autem vinum alimentum est , & quibusdam non alimentum . Et carnes , & aliæ multæ alimenti species , & juxta regionem & juxta consuetudinem alunt , partim ad augmentum , & ad esse : partim ad esse solum , velut in senibus . Quædam vero supra hæc , etiam ad robur .

8. Dispositio athletica non est a natura . Habitus sanus melior in omnibus . Magna res est quantitas ad vires solerti ratiocinatione adaptata . Lac & sanguis alimenti sunt redundantia . Circuitus ad multa consoni sunt , ad fœtum ejusque alimentum . Rursus autem sursum repit in lac , & in alimentum , & ad infantem . Vivificantur non animalia , vivificantur animalia , vivificantur partes animalium . Naturæ omnium nullo doctore usæ sunt . Sanguis alienus utilis , sanguis proprius utilis . Sanguis alienus nocivus , sanguis proprius nocivus . Humores proprii nocivi , humores alieni nocivi . Humores alieni conducibiles , humores proprii conducibiles . Consonans dissonans est . Dissonans consonans est . Lac alienum bonum , lac proprium nocivum . Lac alienum nocivum , lac proprium commodum .

9. Cibum juvenibus facile ac leviter putrefactus : senibus vero ad summum transmutatus : his qui in vigore ætatis consistunt impermutabilis . Ad figurationem , soles triginta quinque : ad motum , septuaginta . : ad perfectionem , ducenti & decem . Alii tradunt : ad formam , quadraginta quinque : ad motum , septuaginta sex : ad exitum , ducenti & decem . Alii sic : ad formam , quinquaginta : ad primum saltum , centum : ad perfectionem , trecenti . Alii sic : ad discriminationem , quadraginta : ad transitum , octoginta : ad elapsum , ducenti quadraginta . Non est , & est . Gignuntur autem in his & plures , & pauciores , secundum totum , & secundum partes . Non multo autem plures aut pauciores : pauciores vero tot , & quæcunque alia his similia .

* 10. Ossium alimentum ex confractioe . Naso bis quinque . Maxilla & claviculæ , & costis duplicia : cubito triplicia . Tibiæ & brachio quadruplicia : femori quintuplicia . Et si quod in his plus aut minus potest . Sanguis humidus , & sanguis solidus . Sanguis humidus , bonus : sanguis solidus , malus . Ad aliquid omnia mala & bona sunt . Via sursum deorsum una . Potentia alimenti melior quam moles . Moles alimenti melior quam potentia . Et in humidis & in siccis detrahit & apponit idem : & alteri quidem aufert , alteri vero apponit idem . Venarum pullationes , & respiratio spiritus , juxta ætatem , & consonantia & dissonantia sunt , & morbi & sanitatis signa : & sanitatis magis quam morbi , & morbi magis quam sanitatis .

11. Alimentum enim etiam spiritus est . Humidum alimentum facilius transmutatur quam siccum . Siccum alimentum

tum facilius transmutatur quam humidum. Alimentum quod ægre alteratur, ægre consumitur. Quod facile apponitur, facile consumitur. Et quicumque veloci appositione opus habent, his humidum ad reficiendas vires medicamen optimum. Quicumque vero adhuc velociori indigent, per olfactum. Qui autem tardiore appositione opus habent, solido alimento utantur. Musculi solidiores ægre magis quam alia colliquescent, excepto osse & nervo.

12. Quæ denudata sunt, ægre transmutantur, & secundum genus ipsa seipsis fortiora sunt quam pro re ipsa: propterea ipsa seipsis ægrius colliquescent. Pus ex carne, purulentum ex sanguine, & ex alia humiditate. Pus ulceris alimentum. Pus alimentum venæ, arteriæ. Medulla alimentum ossis, propterea callo obducuntur. Facultas & potentia omnia auget & nutrit, & germinare facit. Humiditas alimenti vehiculum est.

H I P P O C R A T I S

D E

H U M I D O R U M U S U .



QUA potabilis, fæluginosa, mare. Potabilis quidem in officina medica optima. Nam & ferramentis, & aramentis optima, & medicamentis plurimis inveteratis communissima. Verum ad corpus nosse oportet, quod hæc aut madefacit, aut frigefacit, aut calefacit. Aliter vero nulli commodat, aut detrimento est potata. Ubi modica potabili in spongia uteris, optimum oculis est. Cutis ipsa superne exulceratur calidæ aspersione. Fomentum corporis totius aut partis. Cutis duræ mollitio, distentæ laxatio, nervorum, carniū, humorum sub cutem effusio, sudoris secretio. Humectare proluione, velut nares, vesicam, flatus. Incarnare, attenuare, liquefacere, minuere, colorem revocare, colorem dispergere. Somniferum & in caput, & in alia: convulsionum, tensionum, mitigativum dolores stupefacit auris, oculorum, & quæcunque talia: frigida ca-

lesacere, velut pix ulceribus, præterquam a quibus sanguis erumpit, aut erupturus est, fractis, luxatis, reliquis quibus linteola sunt medicus, capitis gravitati. Moderatio in unoquoque, ne ultra torqueamus: velut calida corpori, ex excessu in utranque partem, ut ab utraque non aberret, conjectatione ex detrimento, aut inutili facta; velut in tepida. Oportet enim detrimentis aut utilitatibus etiam si sint uti, usque quo juvent, aut donec lædant.

2. Madefactio itaque & humectatio, debile quid est. Frigefactio vero & calefactio, forte: velut ex sole. Verum frigida calida existens, velut potabilis aqua, debile quid est. Calida autem ne ulterius pergat, ut urat. Judicat autem de his ipse ægrotus, exceptis mutis, aut leviter sideratis, aut stupefactis, aut velut in vulneribus perfrigeratis, aut nimio dolore vexatis: his enim hæc sensu non percipiuntur. Nam non sentiunt hi perusti. Itemque profun-

fundæ ac magnæ luxationes. Jam vero etiam pedes deciderunt perfrigerati, ex calidæ perfusione. Sed his corpus perfusi iudex est, similiter etiam frigidæ. Harum aut utrarumque paucitas, debile quid est: multitudo vero, forte: veruntamen sinere oportet, donec fiat id cuius gratia sunt: antea vero quam postremum fiat, cessandum est.

3. Harum porro utraque lædit: & calida quidem amplius ea utentibus has læsiones inducit, carniurn effœminationem, nervorum debilitatém, mentis stuporem, sanguinis eruptiones, animi deliquia: hæc ad mortem. Frigida vero convulsiones, tensiones, nigrores, rigores febriles. Mediocritas quidem extra roxam est. Reliqua vero lædunt ac prount, velut relatum est. Voluptatibus, & jucunditatibus, & doloribus ac molestiis, prout singula ex ipsis conveniunt, ita sani apparent. Corpus regi ac velari adfuetum, quicquid insuetum est, quicquid longissime a familiari calore abest, & peregrino frigori propinquissimum, id ipsum averfatur: & propterea sane calida gaudet, & ferre potest.

4. Cerebrum, & quæ ab hoc oriuntur, frigida quidem tristantur, calida vero gaudent, si sane frigidius & solidius a natura fuerit. Propterea offibus, dentibus, nervis frigida inimica, calida vero amica: quia ab illa convulsiones, tensiones, rigores febriles, quæ sane frigida facit, calida vero sedat. Ob id etiam a calida voluptates, & illecebræ, a frigida vero dolores & averfationes. Ideoque spina, pectus, dorsum, præcordia, magis frigida aggravantur, calida vero gaudent, & ferre ipsam possunt: propterea sane spina, pectus, dorsum, præcordia, contraria perpeffa sunt, quia sunt contraria. Pro-

pterea sane in hoc loco anxietatem ex calida obortam, frigida sedat: propterea sane frigidæ potu gaudet: propterea sane cibus calidis delectatur: propterea sane & in animi deliquiis frigidam extremis partibus affundere prodest.

5. Quod autem posteriores partes calidam magis sufferunt quam anteriores, quæ relata sunt in causa sunt. Quod vero etiam frigidæ, recte habet. Nam & extremæ partes anteriores sunt, & regi non adsuetæ: velut etiam interna pars se habet ad externam. Cogitandum autem quod utraque in unoquoque corpore potior est externa cute, quæ & sibi ipsi, & nervo sanguineo continua ac cohærens, eo quod extra proprium calorem, in externo frigore est, ab utrisque frequenter superatur, & utrisque frequenter opus habet, frequentius autem calida ad voluptatem. Perpetiuntur autem & extremæ partes tale quid, quare cito multa percipiunt, tarde autem primum attolluntur. Et venæ quoque aliæ prius, aliæ posterius. Atque sic omnia apparent, & ubi frigeant extremæ partes, & ubi calefiunt, in vasorum evacuationibus, in animi deliquiis. Et juxta rationem merito etiam venas sequuntur, ea quæ ab his eveniunt. Et calefacit primum calida, velut in manibus, internas partes. At ulcera calida gaudent ex confesso, quia regi adsuetæ sunt. Merito itaque ex altera gravatur. Merito igitur & ipsæ venæ, quia sunt in calido. Merito etiam ipse thorax, & ventriculus ipse a frigida superatus, moleste fert, & mortem minatur, quia maxime desuetus est. Verum plurimum abest ab eo ut patiatur: propinquissima autem inter se sunt, egere & pati. Merito igitur frigidæ potu delectatur. Et sic consentiunt inter se omnia hæc. Quod vero omnia deliqu-

quamata & ambusta in superficie, non valde regi adfueti, maxime frigidam moleste ferunt, par est. Citissime enim superantur. Et profundissima si superentur, maxime utique graventur: deinde etiam natura nervosa participant.

6. Quoniam imus venter calida delectari videtur, considerandus locus est: & postea extremæ partes, & vesica, & genitales partes: & virilis membri glans natura frigidior est, quam quis putat. Sursum enim non deorsum exilit caliditas: & propterea calida delectatur. Considerandum etiam, quod post calidam frigescit corpus magis perfrigeratum: post frigidam vero recalescit magis contractum: velut etiam aquæ frigefaciendæ & calefaciendæ sunt, propter tenuitatem: Et quod post calidam durefcit corpus magis resiccatum, velut oculi post frigidam. Altera enim similis est aëri ambiendi, altera non.

7. Mare pruriginosis, & qui ab acibus humoribus vellicantur prodest, ut & lavent, & foveant ex calido. Qui vero non adfueti sunt, aliquantum læduntur. Verum ad ulcera, & ambusta, ac desquamata, & quæcunque talia, contrarium est. Aptum est autem puris. Bonum est & ad attenuandum, & ad piscatorum ulcera. Hæc enim neque suppurantur, si non vellices: & ad ulcera cuniculosa, & depascentia proserpendo sedat, ac sistit, velut sal, salugo, nitrum. Omnia autem hæc si quis parum utatur, irritant: si excellenter, bona sunt. Melius autem est calidum ad plurima.

8. Acetum ad corpus & articulos, simile est mari, & potentius, ad perfundendum & ad fomentum: & ad ulcera recens vulneratis, & ad sanguinis grumos, ubi nigredines sunt in pudendis, collutio est ad aures, & ad den-

tes. Calido autem hæc fiunt, & alia, sed & ex tempore conjecturam facere oportet. Eliquat velut sal, & ut alia quæ impetigini, lepris ac vitiliginibus conducunt, affusum ad calidum solem: maxime vero conducit unguibus leprosis. Superat enim post tempus: verrucas formicarias attenuat, & sordes in auribus sanat. Mollit autem & corpus, & multos alios locos, si non odor offenderet, & maxime mulieres. Valerit & ad podagram, si non corpus vulneraretur. Eadem etiam fex aceti facit.

9. Vinum dulce ad diuturna vulnera commodum est assidue utenti. Sed & ad medicamentorum portionem. Austerum autem, & album, & nigrum vinum, frigidum ad ulcera commodum est, frigidum propter caliditatem. Lanæ quæ frigiditatis gratia, aut perfunduntur, aut induuntur, aut intinguntur, aquam frigidissimam postulant. Quæ vero adstrictionis gratia, vinum nigrum etiam lanas aspergere potest, velut etiam betarum folia, aut linteola intinguntur, in plurima quibus adstrictio inest, velut sunt hederæ albæ folia, & quæ acerbiora sunt, aut friabiliora, velut hederæ & rubus, rhus coriarius, salvia: & in ea quæ mollire oportet, velut farina cocta.

10. Aqua frigida prodest papulis rubicundis, quales alia atque alia parte sublata erumpunt, quales per splenia attractoria emergunt. In carnosissimis vero & tenera carne præditis subrubicundæ sunt: in nigris autem rotundæ, dothiænes, hoc est furunculi appellati, & quales in ipsis calidis lavacris oboriuntur, & mulieribus ex mensium sub cutem recursum fiunt, & ab irritamentis cutis, aut insolita vestimentorum asperorum gestatione, & ex sudoris exitu, aut ubi quis ex frigore, derepente ad ignem,

aut

aut calida lavacra accessit. Nam si hæc posterius fecerit, nequaquam amplius erumpunt. Alioqui quæ ex frigore fiunt, aut quæ exasperantur instar milii, deinde exulcerantur, eas frigida lædit: calida vero prodest. Tumores in articulis, & dolores sine ulcere, ac podagricos, & convulsa, plurima ex his frigida multa affusa levat ac extenuat, & dolorem torpescit. Torpor autem moderatus, dolorem solvit.

II. Sed & calida aqua attenuat ac mollit. Podagricis resolutis, ante ac retro distentis, convulsis, talia accedunt, distentiones, tremores, leves siderationes: talibus laxatis, claudicationes, torporis, vocis interceptiones, ad talia, excretiones per infernas partes suppressæ. Cavendum autem est in frigida usu, ne modum excedamus. Articulos induratos, aut ab inflammatione aliquando oborta, aut a distortionem, operæ precium est sanare, aqua calida in utriculum infusa. Manum deligare, & oculos, lachrymas lenit, ita ut ad acres, stillamentum lene infundat quis, ut ne falluginosa contactu lædat. Et fossulis ulceribus oculorum elotio prodest, & repletio ad naturam reducens. Calida oculis convenit, doloribus, suppurationibus, lachrymis mordacibus, siccis omnibus. Frigida doloris exortibus, valde rubicundis, & qui collectiones tuberculorum juxta venas habere solent, qualia sunt ulcuscula capitis manantia, circa thoracem,

& alia dura. Verum podici & utero, non valde commoda est, neque sanguinem in frigore mingentibus. Ulceribus quidem frigida mordax, cutem obdurat, dolorosa non suppurari facit, liquefacit, nigrefacit, rigores febriles facit, convulsiones, ante ac retro distentiones. Quandoque vero in hac distentione, sine ulcere, juveni carnosio, media ætate, multæ frigida aquæ affusio, caloris revocationem facit. Calor autem hæc solvit. Calida suppuratoria est, non in omni ulcere, maximum signum ad securitatem, cutem mollit, attenuat, dolorem eximit, rigores, convulsiones, ante ac retro distentiones lenit, capitis gravitatem solvit, plurimum autem conducit ossium fracturis, magis autem denudatis, & ex his maxime his qui in capite ulcera habent, & quæcunque præ frigore, aut moriuntur, aut ulcerantur: itemque in ulcerationibus voluntariis ac involuntariis, qualia sunt desquamata: herpetibus serpendo adedentibus, denigratis aut in gingivis, aut in aure, aut in sede, aut utero. His omnibus calida amica est ac judicatoria. Frigida vero inimica & occidens, præterquam in quibus sanguinem fluxurum esse timor est. Atque hoc modo utendum est liquidorum perfusionibus, inunctilium illitionibus, foliorum impositionibus, aut linteorum cataplasmatibus, quæcunque aut frigiditate, aut caliditate profunt, aut nocent.

P U R G A N T I B U S .



MEDICAMENTORUM purgantium res non ita se habet, quemadmodum vulgo putatur. Eodem enim medicamento purgantur & non purgantur. Quandoque vero alia purgat quam quæ purgare solet: aliquando nimium purgat: aliquando ea quæ debet facit. Quare fieri non potest ut quis medicamenti confusus, ea temere exhibeat. Nam & cibos nos alentes, medicamenta esse putandum est, verum minus quam illa. Homines enim qui his recte in cibo utuntur, sani sunt: qui non recte, ægrotant: qui vero modum excedunt, purgantur quidem velut a sinceris medicamentis, verum minus & tardius quam a sinceris medicamentis. Clarum igitur est, quod & hi medicamenta existunt. At vero hi tardiores, qui & familiares nobis sunt, & quotidie in corpus ingrediuntur, si temere & negligenter exhibeantur, temere homines turbant, & quodammodo morbos inducunt. Quin & sinceros & acidos cibos si quis citra delectum ac inconsiderate exhibeat, nihil commodi perficient.

2. Oportet igitur primum biliosis dare quod bilem purgat: pituitosis quod pituitam: hydropicis quod aquam: atrabiliaris quod bilem atram. Si vero extra hæc purgaveris, quæ quidem purgari debent, non purgabis: quæ vero non debent, ea evacuabis. Quare in utranque partem peccabis.

3. Quum itaque pharmacum alicui

dare voles, sive deorsum, sive sursum purgans, interrogare ipsum oportet, an prius biberit medicamentum, & an alvus ex deorsum purgantibus cita sit, & celeriter obediatur, aut dura. Et si citam ac facilem solutu esse dixerit, mollioribus & paucioribus medicamentis opus habet: si vero dura fuerit, fortioribus indiget. Idem modus in sursum purgantibus requiritur. At si nunquam neque sursum, neque deorsum se purgatum esse dixerit, neque medicamentum bibisse: cognoscere oportet an ad ea, quæ sanus in corpus ingessit, alvus deorsum solutu facilis fuerit, aut sursum versus apposita ad vomitionem, & an ad repletionem aliquam alvi profluvium ipsi successerit. Hæc omnia interrogare oportet, quo recte consulere possis. Turpis enim est calamitas, medicamento purgante dato hominem occidere.

4. Quicumque igitur a febribus corripuntur, his medicamenta purgatoria dare non oportet, donec remiserit febris: sin minus, saltem non intra quatuordecim dies. Carnes enim ipsorum & ventres quum calidi sunt, medicamentum assumunt, & nihil depurgantur, & febris major fit, & color evertitur, & morbi regii speciem præ se ferunt. Commota enim bile, & non purgata, non sorbere vult æger, neque bibere, sed omnia abominatur, & plerumque perit.

5. Si vero detinet medicamentum, ante meridiem nihil purgatur: a me-
ri-

ridie vero nimium purgatur, & perit. At si hac die superstes maneat, & una cum purgatione remittat febris, sanus fit. Quapropter in febribus vehementibus medicamenta purgatoria exhibere non oportet. Verum si alicui opus fuerit, infusum per clysterem adhibere po-

tes, quotiescunque volueris. Hoc enim minoris periculi est. Juxta eandem rationem etiam tempore æstatis, a canis ortu, per dies quinquaginta vitare oportet, & non dare medicamentum, sed infusis per clysterem uti. Idem enim periculum imminet.

HIPPOCRATIS

DE

VERATRIS USU.



Is qui non facile sursum purgantur, ante potionem corpora præhumerare oportet uberiore alimento & quiete. Ubi vero quis bi-

bit veratrum, ad motus corporum magis ducere, quam ad somnos. Declarat autem navigatio, quod motus corpora turbat. Cum veratrum magis ducere voles, corpora moveto. Veratrum periculosum est sanas carnes habentibus. Quicumque in pharmacorum potionibus non sitiunt, dum purgantur, non cessant purgari prius quam sitierint. Convulsio ex veratro, lethale. In nimia purgatione, convulsio aut singultus succedens, malum. Inurbationibus ventris, & vomitibus spontaneis, siquidem qualia purgari oportet, purgantur, conducit, & leviter ferunt: sin minus, vice versa. Quemadmodum autem in Prænotionibus dixi, purgatio sursum versus commodat ei, in quo sine febre est cibi fastidium, aut stomachi punctura, aut vertigo, aut os amarum, & in summa doloribus supra septum transversum: at deorsum versus, ubi sine febre est tormen, lumborum dolor, genuum gra-

vitas, menses ægre prodeuntes, dolores in partibus sub septo transverso. Vitare vero oportet in pharmacorum potionibus eos, qui bona habent corpora, maxime autem nigros, & humida carne præditos, sed, & subsiccios, & balbos, ac blæfos. Quicumque vero inflammata in principio morbi, velut in libello de Prifana dixi, statim medicamento solvere aggrediuntur, hi de eo quidem, quod distentum est ac inflammatum, nihil auferunt (neque enim remittit qui crudus est adfectus) ea vero quæ morbo resistunt, & sana sunt, consumunt. Corpore vero debili fiente, morbus superat, & immedicabile malum habent. Cæterum veratrum his dare oportet, quibus de capite fluxus fertur. Non autem dandum est pectore suppuratis. Neque medicamenta danda sunt decoloratis, raucosis, lienosis, exanguibus, spirituosus & siccum tussientibus, siticulosis, flatuosis, & his qui præcordia, & latera, ac dorum distenta habent, & torpentibus, & obscure videntibus, & quibus aurium sonitus sunt, & urinæ meatus impotentibus: neque item morbo regio laborantibus, aut ventre debilibus, aut his qui san-

guinis eruptiones, aut tubercula habent. Si vero medicandum esse videbitur, veratro securus sursum purga, deorsum vero non. Optimum autem his est vitus rationem constituere. Quemadmodum autem in Prædictionibus dixi, non sunt medicamenta danda his qui nigra evomunt, neque cibum averfantibus, neque deliris & parum dormientibus, neque dolore vexatis, neque visum temerarium inclinatum habentibus, neque tumefactis, neque vertiginosis, neque decoloratis, neque his qui febre æstuosi sunt ac confracti. Sicut autem

de pituita dixi, Sesamoides sursum purgat: potio ejus est drachma dimidia in aceto mulso trita. Commiscetur etiam veratris tertia potionis pars, & minus suffocat. Purgat item quartanas diuturnas, & diuturna febre lityria vexatos: & eos, in quibus non est sitis, neque excretio (hos vero non ante tres hebdomadas) aliquando etiam pleuriticos, ac volvulosos. Et sicut in Muliebribus morbis dixi, purgandum est etiam, si uteri purgatione opus habuerint.

H I P P O C R A T I S A N T I D O T U M,

E X

A C T U A R I I

Methodi medendi v. 6.

Corn. Henr. Mathisio interprete.



ANTIDOTUM Hippocratis, quo usus corona Athenis est donatus, fronti ex vino illitum capitis dolorem mitigat, & aurium dolori prodest, ex oleo vestium flocco injectum, nec secus ore detentum, ejus dolorem sedat. Dandum est autem ex hydromelite, nucis avellanæ magnitudine, tussientibus, lienosis, jecinorosis, sanguinem exspuentibus, calculosis, laterum inflammationibus, ægyptiæ fabæ magnitudine, ex oxymelite mero, cyathis tribus, ischiadicis, intestinorum dolore vexatis, lupini magnitudine in decocto pæoniæ, a prima luna usque ad extremam: a larvis dæ-

moniisque occupatis, nucis ponticæ magnitudine, in lacte asinino: quarta laborantibus ex aceto mulso, desinente luna.

2. Calami aromatici, junci odorati, sabinæ, singulorum triens: feminis viticis, cardamomi, cyperi, crocomagmatis, singulorum quincunx, nardi celticæ selibra, aspalathi septunx, ammoniaci uncia, pilularum cupressi quadrans, (rosarum quadrans,) ladanî, myrrhæ, thuris, singularum libra, baccæ juniperi minoris quadraginta: hæc simul privatim, fundito: spicæ nardi selibra, costi triens, folii bes, casix selibra, amomi quadrans, hæc quoque privatim tundito: mastiches triens, & hoc

hoc seorsum in mortario teritur: styracis dextans, styrax paulatim, bellariis in mortario adjicitur: terebinthinae libræ tres, mellis attici libræ quin-

que, vini veteris quod ad bellaria maceranda satis est, munde & sedulo melle excipiens confice.

H I P P O C R A T I S

A N T I D O T U M,

E X

NICOLAI ALEXANDRINI.

De Comp. medic. I. 378.

Leonb. Fuchsio interprete.



ANTIDOTUM Hippocratis, faciens ad omnia mala: præcipue vero ad tabidos, sanguinem spuentes, & pleuriticos. Habet cumini græci veteris drachmam unam semis, petroselini macedonici, opii, castorii, singulorum

drachmam unam, asari, croci, styracis calamitis, singulorum drachmam unam semis, spicæ nardi, casia, singulorum drachmam unam, mellis aut sacchari quod satis. Datur carentibus febre cum vino veteri: febricitantibus autem cum aqua temperata.

H I P P O C R A T I S

O F F I C I N A M E D I C I .



UT similia, aut dissimilia, a principio, a maximis, a facillimis, ab his quæ undiquaque penitus cognoscuntur: quæ & videre, & tangere, & audire licet: quæ & visu, & tactu, & auditu, & naribus, & lingua, & intelligentia sentire licet: quæ & quibus cognoscuntur, omnibus cognoscere licet. Quæ vero ad chirurgiæ officinam: ægrotans, agens, ministri, instrumenta, lumen: ubi, quomodo: quot, quomodo, quando:

corpus, vasa commoda. Tempus, modus, locus. Agens, aut sedens, aut stans, moderate ad seipsum, ad id quod tractatur, ad splendorem lucis. Lucis igitur species duæ sunt, altera communis, altera artificialis. Communis, in nobis non est: artificialis, etiam in nobis est. Utriusque vero duplices usus sunt, aut ad lucem, aut sub lucem: Sub lucem, & modicus usus est, & moderatio manifesta. Ad lucem vero, ex præsentibus, ex conferentibus luminibus, ad splendorem convertere oportet

tet id quod tractatur, exceptis his quæ aut latere oportet, aut videre turpe est: ita ut id quod tractatur, ex adverso sit luci: qui vero tractat, ex adverso ejus quod tractatur: verum tamen ut ne tenebras inducat. Sic enim & qui agit videre poterit, & quod tractatur, non videtur.

2. Ad seipsum vero, siquidem se deat, pedes secundum rectitudinem sursum versus e directo ad genua sint, distantia autem parva in consistendo intercedat. Genua autem superiora sint inguinibus, modice distantia, pro commoda cubiti positione ac appositione. Vestitus expedite, distinctæ, æqualiter, similiter, cubitis, humeris. Ad id vero quod tractatur, ultra & prope, & sursum ac deorsum, & hac aut illac, aut in medio. Ultra quidem & prope termini sunt cubitorum gibbi, ita ut in anteriorem partem non excedant genua, in posteriorem costas. Sursum vero, ut non supra mammas, summam manus habeat. Deorsum, ut non inferius quam ut ubi pectus ad genua habet, summam manus angulares ad brachia figuret, & in medio quidem hoc modo se habet. Hac vero aut illac, ut non extra sedem: sed pro ratione conversionis & corpus, & operantem corporis partem producat. Si vero stet, utrisque pedibus ex æquo insistere satis est. Agere vero oportet ita ut altero pede inscendat, non eo qui est ad manum agentem, genu ad inguen sublato, velut in sede, sed & alii termini iidem sunt. At qui tractatur, reliqua corporis partem tractanti inserviat, aut stans, aut sedens, aut decumbens, quo quam facillime ita velut figuram habens perseveret, servans subfluxionem, subsidenciam, everfionem, declivitatem. Sic quæ debet

servatur & figura, & forma ejus qui tractatur, in exhibitione, in tractatione, in habitu postea sequente. Ungues neque præminere oportet, neque deficere. Digitorum vertices ad usum exercere, digitis quidem summis pleraque, indice ad magnum admoto. Tota vero manu prona, ambabus autem adversis. Digitos generose extendere cogit magnum quiddam in medio digitorum positum, & oppositum facere magnum digitum indici. Morbum autem esse manifestum est, per quem etiam læduntur hi quibus ex nativitate, & educatione, assuevit magnus digitus ab aliis contineri. Opera omnia exercere oportet utrisque seorsum agendo, & ambabus simul. Similes enim sunt, ambabus coniectando bene, pulchre, cito, non laboriose, concinne, expedite.

3. Instrumenta quidem, & quando, & qualiter dicetur. Ubi oportet, ut ne quid impediatur opus, neque impedimento sit inter accipiendum circa operantem corporis partem. Si vero alius det, paulo prius paratus sit, & faciat ubi jusseris. Qui vero circa ægrotantem sunt, id quod tractatur exhibeant prout visum fuerit. Reliquum autem corpus detineant, ut totum quiescat, tacentes, & præfecto obedientes. Deligationis species duæ sunt, quæ facta est, & quæ adhuc fit. Quæ adhuc fit, cito, non laboriose, expedite, concinne. Cito quidem, perficiendo opera. Non laboriose, facile agendo. Expeditio vero ad omnia parata est. Concinnitas autem jucunda aspectu est. Ex quibus vero exercitationibus hæc contingant, dictum est. Quæ facta est, bene, pulchre. Pulchre quidem, simpliciter, distincte: aut similia ac æqualia, æqualiter ac similiter: aut inæqualia ac dif-

diffimilia, inæqualiter ac dissimiliter.

4. Species vero hæ sunt, simplex, rotunda in orbem, alicia, lima, oculus, rhombus, & semisecta: ita ut species congrua sit speciei & affectioni ejus quod deligatur. Ejus vero quod bene deligatur, duæ sunt species, roboris quidem, aut compressione, aut copia linteolorum: & partim quidem ipsa deligatio sanat, partim curantibus inservit. Ad hæc igitur lex hæc est. In his autem maxima deligationis vis est. Compressio quidem, ut incumbentia non abscendant, neque penitus innitantur: sed sint quidem firmata, non autem coacta: & minus quidem extrema, minime vero media. Nexus & filum procedant non deorsum, sed sursum, in exhibitione, & præparatione, & deligatione, & habitu postea sequente. Initia non super ulcus injicere oportet, sed hinc aut illinc facere nexum. Nexum vero neque in semita, neque in opere, neque illic ubi inane est, ut ne in vanum iaceat. Nexum autem & filum, mollia non magna. Hoc tamen probe nosse convenit, quod omnis deligatio ad declivia & acuminata fugit, velut in capite, ad partem supernam: in tibia, ad infernam.

5. Deligare oportet dextras partes, in sinistras: & sinistras, in dextras: excepto capite. Hoc vero secundum reatitudinem. Verum contraria ex duobus initiis. Si vero ex uno, ad id quod simile est, ad subtilitatem: velut est media pars capitis, & si quid aliud hujusmodi. Quæ vero moventur, velut articuli, qua quidem parte inflectuntur, quam minimis ac expeditissimis linteis obvolvere oportet, velut poplitem: qua vero circumtenduntur, expansis ac latis, velut est patella. Circumdare quoque insuper oportet, compre-

hensionis quidem gratia eorum, quæ circa hæc sunt, appensionis vero universi deligamenti, in quiescentibus & deprellioribus corporis partibus, qualis est & supra, & infra genu. Convenit autem in humero quidem, circumductio circum alteram alam: in inguine vero, circum alteram lateris molliitudinem: in tibia, supra suram, & quibuscunque sursum contingit fuga, his inferne appensio convenit: quibus autem deorsum, vice versa. Quibus vero non est, velut in capite, his in æqualissima parte comprehensiones facere oportet, & minime obliquo deligamento uti. Nam stabilissimum postremum circumdatum, vel maxime vagabunda continet. Quibuscunque autem neque comprehensio, neque appensio linteorum, commode se habet: his per fila appensiones facere convenit, ex injectione, aut consutione.

6. Deligamenta sint pura, levia, mollia, tenuia. Obvolvere vero oportet ambabus simul, aut utrisque seorsum exercere. Conveniente autem deligatione uti, conjectura ad latitudinem ac crassitudinem partium facta. Obvolutionis capita dura, æqualia, distincta sint. In quibus autem futurum est ut decidant, ea pejora sunt, quam si cito decidant. Quædam vero sunt ejusmodi, ut neque comprimere, neque decidere oporteat. Quæ vero spectat deligatio, aut subligatio, aut ambo, hæc sunt. Subligatio quidem in causa est, ut aut disparata attrahantur, aut expansa contrahantur, aut contracta diducantur, aut distorta dirigantur, aut vice versa. Præparare autem oportet lintea levia, tenuia, mollia, pura, lata, non consuta, neque extuberantias habentia, & sana, ut extensionem ferant, & paulo præstantiora, non sicca, sed succo imbuta singulis affectionibus familiari: ad

ad ea quidem quæ disparata abicefferunt, ita ut sublimis sedem quidem contingant, non tamen comprimant.

7. Initium autem sumere oportet ex sana parte, & ad ulcus definere, quo id quidem quod subest exoletur, aliud autem non amplius colligatur. Deligare autem oportet recta quidem, in re-ctum: obliqua vero, oblique: in figura doloris exorte, in qua neque con-strictio, neque discessio contingat: ex qua ubi translatio fit ad appensionem, aut positionem, non transmutent, sed similia habeant hæc, musculos, venas, nervos, ossa, & bene posita, & bene detenta. Appensa vero aut posita esse convenit, in figura doloris exorte, quæ est secundum naturam: in quibus vero discesserint, vice versa. At quibus ex-passa sunt, contrahere oportet, quod ad alia quidem attinet eodem modo: ex multo vero temporis spatio interpo-sito contractionem facere oportet, & sensim progressu facio compressionem, primum minime, deinde magis, ita ut terminus quod maxime facta sit, mu-tuus contactus fiat. Quibus vero con-tracta sunt, diducere: cum inflamma-tione quidem vice versa: sine hac au-tem, præparatione quidem ejusmodi, deligatione vero contraria. Distorta ve-ro dirigere oportet, quod ad alia qui-dem attinet, eodem modo. Verum quæ quidem abierunt, ea reducere oportet, subligatione, agglutinatione, appensione. Contraria vero contrario modo.

8. Spleniorum longitudines, latitudi-nes, crassitudines, multitudines. Lon-gitudo, quanta est deligatio. Latitudo, quatuor aut trium digitorum. Crassitu-do, ut triplices aut quadruplices sint. Multitudo, ut dum circumdantur, non excedant, neque deficient. Quibus ve-ro ad directionem, in longitudinem cir-

cumdando, latitudinem ac crassitudinem defectu conjectare oportet, ita ut non acervatim expleamus. At vero linteo-rum subligationes duæ sunt, prima ex loco læso ad supernas partes definit: altera ex loco læso, ad infernas. Jux-ta locum affectum maxime comprime-re oportet: minime extremas partes: re-liqua vero pro ratione. Deligatio au-tem multam sani loci partem occupet. Deligamentorum multitudo, longitudo, latitudo. Multitudo quidem, ut ne su-peretur a loco læso, neque per ferulas illisio fiat, neque pondus, neque cir-cumcirca inclinatio, neque effœminatio deligamenti contingat. Longitudo vero & latitudo, trium aut quatuor, aut quinque aut sex cubitorum quidem lon-gitudo, digitorum autem latitudo. Et affulcimenti circumductiones tot sint, ut ne comprimant. Mollia vero & non crassa sint hæc omnia, pro longitudi-ne, & latitudine, ac crassitudine par-tis affectæ.

9. Ferulæ porro sint læves, æquales, juxta extremitates simæ, hinc atque illinc paulo minores deligatione, cras-sissimæ autem ea parte, qua extat fra-ctura. Quæcunque vero partes incurvæ sunt & excarnes, in his quæ præminent cavendæ sunt, velut circa digitos & malleolos, aut positione, aut brevita-te. Affulcimentis autem fulcire ac fir-mare oportet, non comprimere primum. Ceratum molle, & læve, & purum sit. In aqua spectatur caliditas, multitudo. Caliditas, ut supra suam ipsius manum medicus affundat. Multitudo, ad laxan-dum quidem & attenuandum, plurima optima est. Verum ad incarnandum ac molliendum, moderata. Moderatio au-tem in perfusione ea est, quod dum adhuc attollitur pars, priusquam con-cidat desistere oportet. Primum enim attol-

attollitur: postea vero attenuatur.

10. Positio fit mollis, æqualis, sursum vergens, in eminentibus corporis partibus, velut calcaneo: & coxa, ut neque refringatur, neque evertatur. Canalem toti potius cruri quam dimidio adhibere oportet. Ad affectionem tamen respicere oportet: & reliqua quæ lædere solent, manifesta sunt. Exhibitio vero, & distentio, & restitutio, & reliqua, secundum naturam fiant. Natura in operibus est: operis actione quid illa velit conjectandum est. Ad hæc autem ex quiescente, ex communi, ex consuetudine. Ex quiescente quidem ac remisso, rectitudines considerare oportet, velut in manus figura. Ex communi vero, extensionem & inflexionem, veluti figura cubiti ad brachium, quæ prope ad angularem accedit. Ex consuetudine, quod non alias figuras magis ferre possunt, velut crura extensionem. In hac enim figura plurimum tempus facillime durarint, nulla facta immutatione. In immutatione vero ex distensione, similia hæc habent, ad habitum aut positionem, musculos, venas, nervos, ossa, & bene posita, & bene detenta.

11. Distentio fit maxime circa maxima, & crassissima, ac æqualia, & ubi ambo ossa læsa sunt. Secundo loco ubi subiectum, minime ubi supernum. Si vero magis moderato fiat, detrimentum affert: pueris exceptis. Oportet autem ipsa paululum acclivia habere. Directionis exemplum, æquivocum, conjugatum, simile, sanum. Descriptio potest solvere, ligare, incarnare, minuere: dura, ligare: mollis, solvere: multa, minuere: moderata, crassifacere. Deligare vero oportet, primum ut is, qui deligatur, dicat maxime se compressum esse circa læsam partem, minime circa

extremas: & firmatum se esse, non compressum, copia linteorum, non robore: & hac die ac nocte paulo magis, postridie minus, tertia laxè. Reperiatur autem postridie in extremis partibus tumor mollis. Tertia vero die deligatum solutum gracilius sit, atque hoc per omnes deligationes. Secunda vero deligatione an juste deligatum apparuerit, discere oportet. Hinc autem magis & pluribus comprimatur. Tertia adhuc magis, itemque pluribus. Septima vero a prima deligatione soluta, inveniuntur gracilia ossa ac depressa. At vero in ferulas deligata, si gracilia & pruritus exortia, & sine ulcere fuerint, sinere oportet usque ad dies viginti a læsione. Si vero quid suspectum sit, solvere in medio tempore, & ferulas tertio quoque die firmare.

12. Appensio, positio, deligatio, ut in eodem statu sint custodire oportet. Figurarum summa hæc est, consuetudines, naturæ singulorum membrorum, species ex currendo, ambulando, stando, decumbendo, ex opere, ex remittendo. (Nam usus corroborat, otium autem colliquat:) aut compressione, aut copia linteorum. Quæcunque vero effuso sanguine sugillationes, aut contusiones, aut vulsiones, aut tumores inflammationis exortes, ex vulnere oboriantur, ad supernam partem plurimum, ad infernam etiam parum deligare oportet, ita ut manum, aut crus non habeat in declive, & initium supra vulnus ponat, ac maxime firmet, minime extremas partes, medio modo medias, ultimam partem ad supernas corporis partes distribuendo, deligatione, compressione. Sed & hæc, copia magis quam robore. Maxime autem his lintea tenuia, levia, mollia, pura, lata, sana debentur, utpote sine ferulis: & uberiore perfusione uti oportet.

13. At vero elapsiones, aut laxationes, aut tortiones, aut distantiarum disparatae, aut avulsiones, aut abruptiones, aut distortionem, veluti mutilationes ad alteram partem vergentes, unde quidem excefferunt, remittendo deligare oportet: quo vero excefferunt, intendendo deligamentum, ut ad contraria vergant deligata, etiam priusquam fuerint deligata, paulo magis quam ut ex æquo sint, & deligamentis, & spleniis, & appensionibus, & figuris, extensione, defrictione, directione: & hic etiam uberiore perfusione. Cæterum imminutiones multam sanam partem occupando deligare oportet, ut ex influxione, qua colliquata plus quam sua sponte imminuta sunt, alia deligatione permutata, ad augmentum declinent, & carniū efformationem faciant. Melius autem est ut & superna pars simul deligetur, velut tibiæ & femorum, & alterum crus cum sano crure, quo similis sit, & similiter quiescat, & similiter alimentum excludant, & suscipiant. Linteorum vero copia, non compressione uten-

dum est, remittendo primum id quod maxime opus habet, & utendo defrictione incarnante, & perfusione absque ferulis.

14. Fulcimenta porro ac stabilimenta adhibere oportet, veluti pectori, costis, capiti, & aliis quæ ejusmodi sunt: partim pulsuum gratia, ut ne concutiantur: partim etiam distantiarum disparatarum gratia, circa juncturas in ossibus capitis, quo firmentur. Et in tussibus, aut sternutationibus, aut alio motu, qualia fiunt circa thoracem & caput stabilimenta. Horum omnium eadem sunt deligationis commoderationes. Qua enim parte læsiones sunt, maxime comprimendum est. Supponere igitur oportet lanam mollem, affectioni convenientem: deligare vero non amplius comprimendo, ut ne pulsus concutiantur: neque amplius quam ut distantium juncturarum extremitates mutuo se contingant. Neque ut tusses & sternutationes fiant, sed ut prohibeantur, stabilimentum adhibeatur, quo neque cogatur quid, neque concutiat.

H I P P O C R A T I S

D E

S A L U B R I D I Æ T A .



DDIOTAS & privatos homines hac diæta uti oportet. Hyeme quidem comedere quam plurima, bibere autem quam parcissime. Sit potus vinum quam meracissimum: cibi, panis, & obsonia assata omnia. Oleribus quam paucissimis hoc tempore utendum est. Sic enim corpus maxime siccum ac calidum reddetur. Ubi vero ver-

apprehenderit, tunc sane potum ampliorum assumere oportet, vinum dilutius & paulatim: cibi quoque mollioribus ac paucioribus tum utendum est: & ablato pane, mazam exhibere, & juxta eandem rationem obsonia detrahere, & ex assatis omnia cocta facere. Oleribus vero paucis tunc uti oportet, donec ad æstatem perveniat homo, cibi mollioribus utendo, & obsoniis coctis, & ole-

ribus, tam crudis, quam coctis, similiterque potibus quam dilutissimis ac plurimis: ita tamen ut paulatim non de repente his utatur, ne videlicet magna mutatio fiat. At vero æstate maza molli nutriatur, & potu aquoso ac multo, obsoniis omnibus coctis. Sic autem his ubi æstas fuerit uti oportet, ut frigidum sit corpus & molle. Tempus enim calidum est & siccum, & facit corpora æstuosa ac squallida. Quapropter tali studio auxiliari oportet. Juxta eandem vero rationem, quemadmodum ex hyeme ad ver, sic ex vere ad æstatem deducendus est, cibo quidem detracto, potu vero aucto. Sic quoque contraria faciendo ex æstate ad hyemem perducat. In autumno vero rursus cibi plures exhibendi sunt & sicciores, & obsonia juxta eandem rationem, potus vero pauciores & meraciores, quo etiam hyems bona fiat, & homo in ipsa utatur potibus meracioribus ac paucis, cibis vero quam plurimis ac siccissimis. Sic enim & maxime sanus fuerit, & minime frigore impetetur. Nam tempus hoc valde frigidum ac humidum existit.

2. Porro habitibus corporum carnosus & mollibus ac rubris plurimo anni tempore siccioribus diætis uti conducit. Humida enim est ipsorum natura. Verum duros & graciles, fulvosque ac nigros, humidioris diætæ majore temporis parte victitare oportet. Corpora enim talia sicca existunt. Sed & juvenibus corporibus, mollioribus & humidioribus diætis uti confert. Nam ætas ipsorum sicca est, & corpora compacta sunt. Seniores autem siccioris victus modo, majori temporis parte degere oportet. Corpora enim in hac ætate humida sunt, & mollia ac frigida. Oportet igitur & ad ætatem, &

ad tempus anni, & ad corporum species ac habitus, diætæ constituere, ita ut consistentibus & caloribus, & frigoribus nos opponamus. Sic enim maxime sani fuerint.

3. Quin & ambulandum hyeme quidem velociter est, æstate autem leniter, nisi per solis æstum iter faciendum sit. Oportet autem & carnosos citius ambulare, graciles vero tardius. Balneis quoque multis æstate utendum est, hyeme paucioribus. Gracilibus autem magis expedit lavari, quam carnosos. Vestes autem puras induere hyeme oportet: oleo imbutas ac sordidas, æstate.

4. Cæterum pingues, & qui graciles fieri volunt, omnes labores jejuni facere debent, & cibos assumere anhelantes adhuc ex fatigatione, & non refrigerari, præpoto vino diluto, & non valde frigido, & obsonia præparata assumere ex sesamis, aut condimentis hortensibus, & aliis hujuscemodi. Sint autem obsonia pingua quæ offeruntur. Sic enim a quam paucissimis impleri poterint. Sed & semel in die cibum sumere, & illotum manere, & stratum durum habere, & nudum deambulare oportet, quantum ejus maxime fieri potest. Quicumque vero graciles sunt, & pingues fieri volunt, tum alia his, quæ dixi, contraria facere, tum jejunos nullum laborem subire oportet.

5. At vero vomitibus & alvi per infusa elotionibus hoc modo utendum est. Sex menses hybernos vomendum est. Hoc enim tempus pituitosius est æstivo, & morbi circa caput fiunt, & regionem eam quæ est supra septum transversum. Quum vero æstas ac calor fuerit, infusis utendum est. Hora enim hæc æstuosa est, & corpus biliosius, & lumbi ac genua gravantur, &

calores oboriuntur, & in ventre tormina fiunt. Quapropter corpus perfrigerare oportet, & quæ in sublime elevantur, inferne subducere ex istis locis.

6. Sint autem infusa pro crassioribus ac humidioribus falsiora & tenuiora, pro siccis vero & gracilibus ac debilibus, pinguiora ac crassiora. Crassa autem & pinguia infusa sunt quæ ex lacte fiunt, & cicerum decoctum, & alia hujusmodi. Tenuia vero & falsa, sunt muria & aqua marina, & ejuscemodi.

7. At vero vomitus sic facere oportet. Quicumque homines crassi ac pingues sunt, & non graciles, jejuni vomant a cursu aut ambulatione cita, juxta meridiem. Sit autem dimidia hemina hyssopi in aquæ congio contriti, atque hoc ebibat affuso aceto & adjecto sale, quo jucundius evadat. Bibat autem primum sensim ac lenius, postea amplius & citius. Qui vero graciliores sunt ac debiliores, a cibis vomitum faciant hoc modo. Lotus calida præbibat meri heminam, deinde cibos omnigenos edat, & neque dum cibum sumit, neque a cibo bibat, sed contineat se donec quatuor stadia quis percurrat: deinde vina tria permixta ipsi in potu offerantur, austerum, dulce, ac acidum, primum quidem meracius, & paulatim, & per multum temporis spatium, deinde vero dilutius & citius & multum. Quicumque autem bis in mense vomere consuevit, huic melius est ut consequenter in duobus diebus vomat, quam per quintum & decimum. Verum aliqui penitus contrarium faciunt.

8. Quibuscunque vero commodum est revomere cibos, aut quibus alvi non probum transitum habent, his omnibus conducit sæpe in die comedere, & omnigenis eduliis uti, & obsoniis

variis modis præparatis, vinumque bibere duplex aut triplex. Qui vero revomunt cibos aut alvos habent humectas, his omnibus contrarium hujusmodi facere conducit.

9. Cæterum puerulos infantes permultum tempus in aqua calida madefacere oportet, & vinum bibendum dare aquosum, & non penitus frigidum. Dandum est & id vinum, quod minime ventrem elevet ac inflat. Hæc autem facere oportet, ut & convulsionibus minus corripiantur, & majores fiant, ac meliorem colorem adipiscantur.

10. Mulieres porro siccioris modi diætæ uti oportet. Nam & cibi sicciores ad muliebrium carniæ molliem commodiores sunt, & meraciores potus præstabiliores sunt ad uteros, ac foetuum nutrimenta.

11. Qui exercitiis utuntur, hyeme currere ac luctari debent. Æstate vero luctari quidem parum, currere autem minime, sed multum deambulare secundum ventum ac frigus. Quicumque ex cursibus fatigati fuerint, eos luctari oportet. Qui vero ex lucta fatigantur, eos currere expedit. Sic enim laborans, fatigata corporis parte vel maxime calefieri componique ac recreari queat. Quoscunque exercitiis utentes alvi profluvia corripiant, & recrementa ciborum speciem referentia ac cruda habent, his exercitiorum non minus quam tertiam partem detrahere oportet, & ciborum dimidium saltem exhibere: palam est enim quod ventriculus confovere non potest, quo ciborum multitudo concoquatur. Sint autem his cibi, panis quam maxime affatus in vino intritus, & potus quam parcissimi, ac meracissimi, & deambulationibus a cibo ne utantur. Oportet autem sub hoc tempus semel duntaxat in die cibum sumere.

re. Sic enim quam maxime concalescit ventriculus, & ea quæ ingesta sunt exsuperaverit. Fit hic profluvii alvi modus maxime his corporibus quæ densam carnem habent, quum ad carniæ esum homo cogitur, natura ejusmodi existente. Venæ enim densatæ cibos ingestos non suscipiunt. Est autem hæc natura acuta, & in utranque partem vertitur, & ad modicum tempus viget bona habitudo in talibus corporibus. At vero rariores ac hirsutiores corporum species ac habitus, tum carniæ esum suscipiunt, tum labores magis tolerant, & bonæ habitudines ipsis fiunt diuturniores.

12. Quicumque postridie cibos eructant, & præcordia ipsis elevantur, utpote cibus crudis & incoctis existentibus, his longiori quidem tempore dormire conducit, verum & aliis laboribus corpora ipsorum cogere oportet. Vinum autem meracius & amplius bibant, & cibus paucioribus sub id tempus utantur. Palam est enim quod ventriculus præ imbecillitate ac frigiditate, ciborum multitudinem concoquere non potest.

13. Quoscunque vero sitis corripue-

rit, his & cibi, & labores detrahendi sunt, & vinum bibant aquosum & quam frigidissimum. Quibuscunque autem dolores fiunt ex visceribus, sive ex exercitiis, sive ex aliquo alio labore, his quiescere conducit cibus abstinentes, portione autem utantur, quæ quam parcissime in corpus assumpta, plurimam urinam ducat, quo venæ visceribus insitæ non distendantur repletæ. Ex talibus enim tubercula oboriuntur ac febres.

14. Quibuscunque vero morbi a cerebro fiunt, torpor primum caput occupat, & frequenter mingit æger, & reliqua velut in urinæ stillicidio perpetitur: atque hæc sane ad dies novem patitur. Et siquidem erumpat per nares aut aures aqua sive mucus, a morbo liberatur, & urinæ stillicidium sedatur. Mingit autem multum, & citra dolorem, idque album, donec viginti præterierint dies, & capitis dolor hominem relinquit. Intendenti autem oculos splendor occultatur. Porro virum prudentem id secum reputare oportet, quod res preciosissima est sanitas, & proinde scire ut ex suo ipsius consilio in morbis utilitatem percipiat.

H I P P O C R A T I S

D E

I N S O M N I I S.



Uisquis de his, quæ in somnis obveniunt, recte conjectat, is magnam habere vim ad omnia, ipsa reperiet. Anima enim vigilat, & quum quidem corpori inservit, in multas partes distributa, non

sui juris est, sed partem aliquam singulis corporis partibus, sive sensibus distribuit, auditui, visui, tactui, gressui, actioni, ac omni corporis facultati. Ipsa autem animæ cogitatio sui juris non est. Quum autem corpus quiescit, anima in motu est, & corporis par-

partes perreptans, domum suam gubernat, & omnes corporis actiones ipsa perficit. Nam corpus dormiens non sentit, ipsa vero vigilans cognoscit, ac visibilia videt, & audibilia audit, vadit, tangit, tristatur, animadvertit. In summa, quæcunque corporis aut animæ munia, ea omnia anima ipsa in somno obit. Quicumque igitur hæc recte judicare novit, magnam sapientiæ partem novit.

2. Quæcunque quidem igitur somnia divina sunt, & quædam eventura significant, aut urbibus, aut populo privato, sive bona, sive mala, non ob ipsorum delictum, de hujusmodi sunt qui judicant certam artem habentes. Quæcunque autem corporis affectiones sunt, & anima per ipsas repletionis aut evacuationis rerum a natura insitarum excessum, aut consuetorum mutationem præmonstrat, de his quidem itidem judicant, & partim assequuntur, partim aberrant, & de neutris recte sentiunt, cur nam fiant: neque sciunt quando assequuntur, neque quando aberrant, cavere admonentes ne quid mali accidat. Atque hi non docent quomodo cavere oporteat, verum diis supplicare jubent. Et supplicare quidem decorum ac valde bonum est. Oportet autem etiam ipsum opitulari, & deos invocare. De his igitur res hoc modo se habet.

3. Quæcunque insomnia mens hominis in noctem per somnum offert de diurnis actionibus, & reddit quo modo facta sunt, ea quæ seria ac justa in re per diem facta sunt, aut de quibus consilium inritum est: hæc homini bona sunt, sanitatem enim significant, propterea quod anima in diurnis consiliis perseverat, neque repletionem, neque evacuationem, neque aliqua alia fo-

rinsecus allapsa re, victa. Quum autem insomnia diurnis actionibus adversantur, & de ipsis pugna oboritur, quum sane hoc contigerit, turbationem in corpore significat. Et siquidem fortis fuerit, forte est malum: si vero levis, debilius. De actione quidem igitur, an avertenda sit, sive non, nihil decerno. Verum corpus hominis curari consulo. Repletionem enim aliqua intus facta, secretio quædam contigit quæ animam perturbavit. Si igitur fortis fuerit contrarietas, vomitum facere conducit, & cibos leves exhibere sensim adjiciendo aliquid ad dies quinque, & deambulationibus multis ac velocibus sensim augescens uti, & exercitiis exerceri moderatis, pro ciborum assumptorum ratione. Si vero debilior fuerit contrarietas, detracto vomitu tertiam cibi partem adime, atque hanc sensim rursus ad dies quinque adjice, & deambulationibus preme. Sed & vocis exercitiis utatur, & diis supplicet, & turbatio ipsi sedabitur.

4. At vero solem & lunam, & cælum ac stellas, pura atque agilia solito more videre, singula bona sunt. Sanitatem enim corpori significant ab omnibus præsentibus. Verum talem habitum præsentem diætâ conservare oportet. Si vero quid contrarium his fiat, morbum quendam corpori significat: a fortibus quidem, fortiolem: a debilibus vero, leviolem. Et astrorum quidem exterior est in corpore circuitus, solis vero medius, lunæ autem ad cavitates. Quodcunque igitur horum astrorum extingui, aut lædi, aut disparere, aut sisti a circuitu suo videtur, juxta illam ipsam partem morbum redundare significat: & siquidem ab aëre, aut nebula, aliquid ex ipsis astris pati quid horum videt, debiliolem:

rem: si vero ab aqua, aut grandine, fortiolem. Significat autem secretionem in corpore humidam ac pituitosam factam esse, & in externam circumferentiam allapsam esse. Conducit itaque huic & cursibus in omni vestitu uti multis, sensim augetur, ut quam maxime exudet. Item deambulationibus ab exercitio multis citra prandium uti, & detracta ciborum tertia parte, ad dies quinque sensim adjiciendo rursus exhibere. Si vero fortius videatur malum esse, etiam fomentis uti: nam per corporis cuticulam purgationem facere expedit, propterea quod in externa circumferentia offensa ac læsio existit. Cibis vero utendum est siccis, acris, austeris, meracis, & laboribus maxime siccantibus.

5. Si vero quid horum luna patiatur, revulsionem intro facere conducit, utique vomitu ab acris, & falsuginosis, ac mollibus cibis, cursibus autem circularibus celeribus, & deambulationibus velocibus. Utendum & vocis exercitiis, & prandium auferendum, eibique detractio, ac rursus appositione, eodem modo utendum est. Ob id autem intro revellendum est, quia ad cavitates corporis offensa apparet. Si autem sol tale quid pati videatur, fortius jam malum est, & difficilius exigi potest. Oportet autem in utranque partem revulsiones facere, & rectis cursibus, & curvis, & circularibus uti, & deambulationibus, & aliis laboribus omnibus. Ciborum autem detractio, ac rursus appositione, eodem modo: deinde vomere, & rursus sensim cibos augere, ad dies quinque. Si vero serenitate existente premantur hæc, & debilia esse videantur, & præ siccitate a circuitu suo impediri, periculum significant delabendi in morbum. Verum

oportet labores detrahere, & diæta humectiore ac molli uti, & balneis ac otio ampliori, & somno longo ac multo, donec malum sedetur.

6. Si autem igneum ac calidum esse videatur quod se illis opponat, bilis secretionem significat. Si vero superata hæc dispareant ac evanescant, periculum est ad mortem perveniendi ex morbo. Si vero versa ac mutata hæc esse videantur, præsentem statum in fugam verti significant. Fugere autem ipsa celeriter, esseque qui ea persequantur, periculum denunciant futuræ insanæ hominis, si non curatus fuerit. Omnibus autem his conducit, ut veratro purgati, optimam victus rationem instituant: sin minus, ut victu ad aquam tendente utantur: vinum vero non bibant, aut omnino album, tenue, mollé, & aquosum. Abstineant autem ab aeribus, resiccantibus, calefacientibus, ac falsuginosis. Laboribus secundum naturam plurimis utantur, & cursibus in vestitu plurimis. Frictio vero ne fiat, neque lucta, neque volutatio in pulvere. Somnis utatur mollibus, & in otio degat, exceptis laboribus naturalibus, a cœna deambulet. Bonum est & fomentis uti, a fomentis vero vomere: per triginta vero dies non repleatur. Quum autem repletus fuerit, bis in menle vomat a dulcibus & aquosis ac levibus.

7. Quæcunque autem ex his alias alio præ nulla necessitate errant, animæ turbationem quandam præ cura significant. Confert autem huic otium, & animum converti ad spectacula, maxime risum moventia: quod si fieri non possit, ad id ex quo ad biduum aut triduum maxime voluptatem capiat, & sedabitur. Sin minus, periculum est delabendi in morbum.

8. Quæ.

8. Quæcunque astra ex circumferentia excidere videntur, suntque pura & splendida, & ultra ac prorsum ferri videntur, sanitatem significant. Quicquid enim in corpore purum ex circuitu excernitur secundum naturam, a vespera in auroram, id ipsum recte habet. Nam & quæ in ventre seceruntur, & quæ in carnem eructantur, omnia ex circuitu ac circumferentia excidunt. Quæcunque vero nigra & obscura sunt, & ad vesperam ac occasum ferri videntur, aut in mare, aut in terram, aut sursum, ea magis morbos significant. Et quæ quidem sursum feruntur, fluxum capitis significant. Quæ vero in mare, ventris morbos. Quæ in terram, tubercula maxime significant ex carne enascentia. His conducit tertiam cibi partem detrahere, & a vomitu, ad dies quinque eandem rursus sensim adjiciendo exhibere, in aliis autem quinque diebus cibos omnes assumere, & vomitu facto, rursus eodem modo cibus sensim auctus exhibeatur.

9. Quæcunque vero ex his pura & candida in cælo hæere videbuntur, sanum esse significant, quia quod in hominem descendit, ex æthere est. Tale autem videt anima, quale sane descenderit. Quæ autem nigra fuerint, & non pura, neque conspicua, morbum significant, non propter repletionem, neque evacuationem, sed forinfecus inductum. Huic confert cursibus circularibus velocibus uti, quo quam minima corporis colliquatio fiat, & spiritu quam densissimo utens, id quod inductum est excernat: a cursibus autem deambulationibus celeribus utendum est. Viæus autem mollis & levis ad dies quatuor offeratur.

10. Quicquid porro a deo accipere

quis sibi videtur purum, bonum est ad sanitatem. Significat enim ea quæ in corpus ingesta sunt pura esse. Quicquid vero huic contrarium videre quis putat, non est bonum. Morbum enim in corpus venisse significat. Oportet igitur velut priorem etiam hunc curari.

11. Si quis se complui putet clementi cælo, aqua molli, & non valde madefieri, neque vehementem tempestatem ingruere, bonum est: significat enim moderatum ac purum spiritum ex aëre ingressum esse. Si vero vice versa, valde complui quis sibi videatur, & tempestatem ac turbinem esse, idque aqua non pura, morbum designat a spiritu qui in ipso est. Verum oportet etiam hunc simili diætâ uti, & omnes hos paucis cibo ali. De significationibus quidem igitur astrorum sic judicare oportet, providereque ac diætâ statuere, & diis supplicare, in secundis quidem rebus Soli, Jovi cælesti, Jovi possessori, Minervæ opulentæ, Mercurio, Apollini: in contrariis vero, diis malorum averforibus, & terræ, & heroibus, quo mala ac gravia omnia avertant.

12. Cæterum & hæc sanitatem præsignant. Nimirum ea, quæ in terra fiunt, acute videre, & audire, & secure iter facere, & secure ac citra timorem currere: & videre terram lævem ac probe cultam, & arbores florentes, fructuosasque ac sativas, & flumina solito more fluentia, & aqua pura, neque copiosiore, neque pauciore quam conveniens est: item fontes & puteos eodem modo. Hæc omnia sic visa, sanitatem homini designant, & corpus recte habere, omnesque circuitus, & exhibitiones ciborum, ac secretiones, integras esse. Si vero quid his contrarium videatur, detrimentum ali-

aliquod in corpore significat. Et visus quidem ac auditus læsus, morbum circa caput significat. Itaque matutinis deambulationibus, itemque a cœna pluribus utendum est, ad superiorem diætam. Cruribus vero læsis, vomitibus revellendum est, & lucta ampliore utendum, ultra superiorem diætam. Terra autem aspera, carnem non puram significat: quare deambulationibus ab exercitiis pluribus utendum est. Arborum vero sterilitas, seminis humani corruptionem indicat. Si igitur folia arboribus decidant, ab humidis ac frigidis corpus læditur. Si vero floridæ sint arbores, verum infructuosæ, a calidis & siccis: hæc igitur per diætam frigefacere ac humectare oportet, illa vero siccare ac calefacere.

13. Flumina autem non solito more fluentia, sanguinis circuitum significant, & auctiora quidem fluentia, excessum: imminuta vero, defectum. Oportet itaque per diætam hunc quidem augere, illum vero imminuere. Non pura autem fluentia, turbationem significant, quæ a cursibus circularibus & deambulationibus, corpore per densum spiritum moto, purgatur. Fontes vero & putei commoti conspecti, flatus circa vesicam significant, quos medicamentis urinam cientibus expurgare oportet. Mare perturbatum, ventris morbum significat, sed oportet alvum moventibus, levibusque ac mollibus expurgare.

14. Terram aut domum moveri videre, sano quidem viro debilitatem significat, ægrotanti vero sanitatem, & ex præsentis statu transmotionem. Sano itaque transmutare diætam conducit. Itaque primum vomat, & rursus, ubi paulatim cibum assumpsit: a præsentis enim diætæ totum corpus movetur: de-

bili vero eadem diætæ uti conducit: nam corpus ex præsentis statu transit. Terram ab aqua aliqua aut mari inundatam videre, morbum significat, humiditate multa in corpore existente. Verum oportet vomitibus, & prandii detractione, & laboribus, & sicco victu uti, deinde sensim adjiciendo, ac modico cibo renutrire.

15. Sed neque nigram, neque combustam terram videre bonum est, sed periculum est delabendi in fortem ac lethalem morbum. Siccitatis enim excessum in carne esse significat. Verum oportet & labores detrahere, & cibos qui sicci & calidi, & acres ac urinam cientes sunt: nutrireque ptisanæ succo decocto, & omnibus mollibus ac levibus modicis: & potu uti aquoso, albo, copiosiore: & balneis multis calidis: sed jejunus ne lavet, molliter cubet ac dormiat, & in otio degat: frigus & solem vitet. Supplicet autem Terræ, & Mercurio, & Heroibus. Si vero in stagno, aut in mari, aut in fluminibus natare quis sibi videatur, non est bonum, humiditatis enim excessum significat. Confert autem huic & diætæ licca, & laboribus uti: febricitanti vero id bonum est, extinguitur enim caliditas ab humoribus. Quicquid porro quis circa seipsum videt solito more fieri, ad naturam sui ipsius, neque majus, neque minus, bonum est ad sanitatem. Et vestitum album indutum esse, & calceamentum pulcherrimum, bonum est.

16. Quicquid vero membris majus fuerit, bonum non est: sed neque quodcumque tandem fuerit minus: oportet hoc quidem per diætam augere, illud vero minuere. Nigra autem morbosiora sunt, & periculosa. Mollire itaque oportet & humectare. Nova

quoque transmutationem significant. Mortuos videre puros in vestibis albis, bonum est, & accipere aliquid ab ipsis purum, bonum est. Sanitatem enim significat corporum, & salubritatem ingestorum: a mortuis enim nutrimenta, & incrementa, ac semina fiunt. Hæc autem pura in corpus irrepere, sanitatem significat. Si vero contra quis videat ipsos nudos, aut nigris vestibis indutos, aut non puros, aut aliquid accipientes, aut ex domo portantes, non est commodum. Morbum enim significat: quæ enim in corpus ingeruntur, nociva sunt. Verum oportet cursibus circularibus & deambulationibus depurgari, & alimento molli ac levi a vomitu sensim nutriri.

17. Quæcunque vero formæ peregrinæ corpora in somnis apparent, & hominem perterrent, ciborum inconsuetorum repletionem, & secretionem, & bilis superne ac inferne eruptionem, & morbum periculosum significant. Verum oportet vomitum facere, & ad dies quinque cibos quam levissimos non multos, neque acres, neque siccos, neque calidos sensim adjiciendo accipere, & laboribus naturalibus maxime uti, exceptis deambulationibus a cœna. Utendum etiam balneis ac calidis lavacris, & otio. Solem vero & frigus vitent.

18. Si vero quis per somnum edere aut bibere consuetos cibos ac potus sibi videatur, inopiam alimenti significat, & animæ tristitiam. Et si carnes robustissimas quis edere se putet; maximum alimenti excessum designat: si vero debilissimas, minorem. Quemadmodum enim in quod editur bonum

est, sic etiam id quod videtur. Cibos igitur detrahere conducit. Nam alimenti excessum hoc significat. Sed & panes ex caseo ac melle facti per somnum comesti, similiter significant. Aquam autem puram bibere bonum est, reliqua omnia nociva sunt.

19. Quæcunque homo ex consuetis ac familiaribus se videre putat, ea animæ concupiscentiam significant. Quæcunque vero fugit perterrefactus, sanguinem fisti ac præ siccitate coerceri significant. Confert itaque frigefacere ac humectare.

20. Quum vero quis pugnat, aut pungitur, aut ab alio ligatur, secretionem circuitui contrariam corpori contigisse significat. Conducit igitur vomere, & attenuare ac deambulare, & cibis levibus uti, & a vomitu ad dies quinque sensim renutrire. Quin & oberationes & ascensus in somnis visi, gravia significant.

21. Fluminum transitiones, & hostes armati, monstra formæ peregrinæ, morbum aut insaniam significant. Confert itaque his qui talibus insomniis vexantur, cibis modicis uti levibusque ac mollibus, itemque vomitibus, atque sic sensim rursus ad dies quinque cibum exhibere. Utendum & laboribus naturalibus multis, præterquam a cœna. Calida lavacra & otium, frigusque ac solem vitent. Qui igitur his, quemadmodum conscripta sunt, utetur, vitam sanus deget: & inventa est sane a me hæc ipsa diætæ, quantum possibile est humano ingenio excogitare, diis auxiliantibus.

S A N I T A T E T U E N D A

Ad Demetrium regem.



HIPPOCRATES Couis Regi Demetrio salutem. Nos equidem etiam prius, o rex, studio habentes naturæ humanæ partes in summo con-

siderare, has conscriptas quemadmodum voluisti demissimus. Nunc autem ea, quorum maxime studiosos esse oportet prudentes, partim a prioribus transsumpta, partim nunc per nos ipsos comperta, tibi conscripsimus. Quæ si tu priorum morborum signis fientibus sequutus, & iisdem sæpe usus fueris, per omne vitæ tempus morborum exors esse poteris. Duo sunt morborum universorum animalium genera; alterum secundum genus, alterum secundum affectionem inter se dissimilia. At vero concupiscentias juxta alimentum, ex subcontrariis cognosces, dum ea quæ evacuantur, indicant ea quæ plena sunt: & quæ implent, conjecturam præbent eorum quæ vacua sunt. Morbos autem omnes ex subcontrariis constitutos cognosces, & morbos a morbis fieri. In convulsionibus febris succedens, sistit mor-

bum: capitis autem dolores, sanguis ex auribus erumpens, aut ex naribus. Convulsiones omnibus morbis atræ bilis succedentes, atram bilem sedant. Et in summa, radix humanorum morborum est caput, & maximi morbi ex hoc accedunt. Quum enim ori velut cucurbita medica incumbat, contingit, ut ipsum omnium eorum, quæ ingeruntur, superfluitates attrahat, & tenues humores. Oportet autem animum advertere, & peculiariter vivere, ubi te ipsum præparaveris in has partes, quod morbi accidentes nullum augmentum capiant, per curam diligentem & per bonum ordinem apud te fientem: ita ut neque rei veneriæ intemperantia, neque diversorum eduliorum incontinentia, neque somnis immodicis, inexercitato corpore utaris: sed signa in corpore contingentia sequaris, & uniuscujusque corporis occasionem conserves: quo morbum irruere parantem vitas, & medelis, quas ego perscribo, utens, a morbis exors perseveres. Vale.

HIPPOCRATIS

D E

SANITATE TUENDA

Ad Antiochum regem,

LARGIO DESIGNATIANO

Interprete.

Prefatio ad filios.

EGI antehac Hippocratis Coi epistolam, medicinæ auctoris vel peritissimi, quam de tuenda valetudine ad Antiochum regem scripsisse fertur. Cujus quia præcepta & monita vobis ad salutis custodiam nota cuperem, collegi, ut potui, quidquid seriem ejus continere memineram, eamque ore romano interpretans scripsi. Cavi, fateor, ne ad verbum verba transferrem, quo minus pleraque linguarum diversitate congruerent, si parum ponderis in significationibus veris fieret: itaque explicandæ rei adversus obscuritatem consului. Igitur epistola talis est.

2. ANTIOCHO regi S. Eam te in hoc regnandi munere & culmine reputans sustinere personam, ut rex magnus vitam multis utilem in longum provehere debeas, ingentem simul providentiæ tuæ metiæ curam, qua experientissimus rerum, mathesim quoque apprime adeptus es, convenire talibus regalibus peritiæ studiis arbitratus sum, domesticam quoque tuendi corporis & procurandæ valetudinis scientiam. Super cujus observationibus ad te scribendum putavi, ut, ex quibus causis mor-

bi existerent, & quibus prænoscerentur indiciis, & qualibus inter exordia perimerentur medelis, ostenderem. Nam fere, ut cœli turbulenta tempestas nunquam nisi præcedentibus solet signis ingruere; ita corporum imminencia pleraque incommoda ortus proprii significatione monstrantur. Spondeo autem, pro ingenita docilitate, qua nostram quoque super iis rebus solertiam probas, monitis meis auscultantem posse te reliquum vitæ tempus firma valetudine & plena incolumitate producere.

3. Corporis igitur humani fit a nobis quadripartita divisio: cujus in partibus singulis valetudinum moderatio continetur. Sunt autem partes hæ: cum capite oris sublimitas, pectoris latera, ventris receptaculum, sentina vesicæ.

4. Si capiti igitur evenit incommodum, aut tenebræ offunduntur, aut cietur dolor, aut onusta quasi pondere supercilia sentiuntur, aut fit temporum pulsus affiduus, aut tumescentibus mane oculis, caligat aspectus, aut aures tinnunt, & accepto quodam interius tumultuantur sono. His ergo signis existentibus, caput est purgatione curandum.

dum. Sed super hujusmodi tamen leniore medela, hyssopi vel origani indici coma injecta defruto sive mulsæ, quæ septem vel plusculis diebus maceatur. De quo liquore postmodum coagitato atque colato tepido heminæ dimidium aut amplio rem modum gargarizari oportet die calido vel sereno, ita ut, resupinato ore, faucibus liquor ille contineatur aliquantulum, & agitetur alterna vice: idque sæpius fiat, donec heminæ dimidium consumatur vel cum phlegmate projiciatur. Sed hæc jejuno adhibenda curatio est, qua nulla capiti levior aut commodior reperietur. Hoc remedium qui neglexerit, & indiciis supra scriptis non occurrerit, necesse est sentiat aut oculorum vitia, aut ulcera intimis auribus erumpentia, aut strumas in confinio colli, aut pulsus cerebri, aut suffocationem, aut circa guttur anginam, aut uvæ distillationem: glandulas quoque patietur, & tabem fluentium capillorum, & ulcera per caput effervescentia, doloremque dentium creberrime.

5. Quod si a pectore morbus minatur, qui esse simplex & non violentissimus solet, iis præsentitur indiciis. Primum pectoris sudor intimus testatur æstum stomachi laborantis, splen erit quasi distentus & eminens, sputamenta fellita, scapulæ cum lateribus gravabuntur & improvise dolore marcescent, assiduæ oscitationes ora diducunt, importunæ vigiliæ somnos fugabunt, arctatus spiritus siti nocturna maxime inardescet, expergefactis mens erit tristis & nubila, post soporem totius pene corporis pulsus, tremor in brachiis vel in manibus, sicca etiam tussis quatiet infirmum. His igitur sapienter occurritur, si consuetudo fiat sine ullo medicamine post canam vomendi. Utile au-

tem est etiam jejunum vomere. Magis enim humor noxius, qui stomacho infederit, egeritur. Itaque, qui mane vomiturus est, debet minutatim rasani radices manducare, easque vel succum earum transmittere: cardamum quoque, id est, nasturtium; sed & sinapi, & erucam devorare, & aquam inde tepidam superbibere, ac digito vomitum provocare. Qui ista contempserit, erit his obnoxius vitiis: pulmonis labore vexabitur, frenesin sustinebit, atræ bilis infesta commotio ad usque vesani eum furoris periculum trahet, jactabitur febribus acutis, inops somni agitabitur perniciosis vigiliis.

6. Si quando autem morbus a ventre molitur, qui & ipso multiformi grassatur incommodo, hæc signa præmittit. Torquetur alvus, & correptos cibos immoderatis fluoribus fundit. Potus in amaritudinem vertitur, membrorum omnium existunt dolores, causa latente grassantes; nimis fervet ruboribus corpus, & acutis atque occultis febribus inardescit. Adversum hæc venter est molliendus sine grandi cura aut gravi medicamento. Nam qui lapatho vel mercuriali herba usus fuerit, commode alvum temperabit. Si parum proficiet hæc medela & supra dicta indicia perseverabunt, decoctus urticæ luccus potui dabitur. Utiliter accipiuntur & cymæ caulium, multa aqua vehementer excoctæ. Etiam brassicæ humor, melle admixto & asperso sale temperatus, bibi debet ad heminarum quatuor modum. Qui hæc adhibere cessaverit, iis patebit injuriis, ut aut cæliacus fiat, aut, meatibus ruptis, immoderato ventris fluore vexetur. Hinc dylenteria oritur, & iliacus morbus, & ad superiora simus redundans vomitibus, & em-pneumatis interficiet. Hinc ischii passio erit,

erit, dolorque coxarum: apoplexis etiam iis originibus existet. Hinc & sanguinis per inferiores meatus, id est, per hæmorrhoidas fluor multus emanat. Articulorum quoque morbus, quem Græci arthritim vocant, istinc creatur.

7. Cum vero ex vesica imminet origo vitiorum, & ipsa non minus causis pluribus nocens, iis significationibus intelligitur. Inflatio vesicæ adest. Solet enim in eam multus ex alvi meatu ventus immitti. Inde assidua ructatio: inde incontinentes crepitus egeruntur: inde gravis somnus: inde urina fordida & diri odoris egeritur, & circa genitalia tumor surgit. His ergo animadvertis, tali subveniendum medela. Fœniculi & apii radices vino condito veteri & odorato injicies, &, cum se hæc confusa maceraverint, cum vini cyathis duobus tantundem miscebis aqua calida, & jejuno potui dabis. Præterea radice asparagi succus cum vino mixtus optime sumitur: sed & ciceris albi, non arietini, decocti succus accipitur. Ex hac valetudine, nisi in exordio curatio adhibita fuerit, per urinæ difficultatem & hydrops nascetur, & dolor jecoris, & vitia renum, & stranguria vesicæ, & ventrem molestissimi dolores vexabunt.

8. Hæc sunt de prænoscentis præveniendis morborum causis. Addidi etiam, quibus & quatenus per anni circulum, pro temporum vicissitudine, observatis incolumitas custodiatur. Ab hieme igitur salubrius fiet exordium. Ex die 8. calend. Januarias corporibus humor adcrefcit usque veris æquinoctium, quod incipit 8. calend.

Aprilis. Hoc ergo tempore utendum calidissimis cibis & optimis; vino aliquatenus indulgendum; usus etiam veneris minime respuendus. Ex æquinoctio incipit phlegma crescere, id est, concretus humor & frigidus, usque in ortum Pleiadum, qui incipit pridie idus Majas. Ergo tum adhibere convenit bene odoratos, sed & acres cibos. Exhinc sanguis ardentior febribus augmenta suppeditat; nec minus humor obbibitur, usque ad æstivi temporis commutationem; quæ ad 8. calend. Julias inchoatur; a quo die venere abstinendum jejunandumque. Ab octavo enim calend. Julias, æstiva progressio incrementa fellis exsuscitat usque in autumnæ æquinoctium; quod est 6. calend. Octobris. Erit igitur utendum frigidis & sapidis & bene olentibus cibis; parcius jejunandum, & a venerio usu ab 8. calend. Julias, certe per dies duodecim, penitus abstinendum. Post autumnæ æquinoctium, id est, post diem 6. calend. Octobris, acres biles vires & augmentum sortiuntur, usque in occasum Pleiadum, qui est 4. Idus Novembris; humores etiam graves serpunt. Erit igitur utendum acidis & acris cibis, venere quoque abstinendum; parcius etiam jejunandum. Ab hoc rursus tempore, id est, a 4. Idus Novembris, sanguis deficit. Congruit igitur levioribus cibis uti, vino indulgere, nec usu veneris abstinere, in 8. calend. Januarias, ex quo incipit tempus hibernum. Hæc, ut dixi, observans incolumi sospitate vitæ spatia transcurres, nec ulla indigebis visitatione aut curatione medicorum.

H I P P O C R A T I S

D E

S A N I T A T E T U E N D A

Ad Mœcenatem,

L A R G I O D E S I G N A T I A N O

Interprete.



QUEM roganti tibi libellum promisi, omni cura adhibita descriptum misi, ordinatissimum tuæ salutis custodem: quem debebis tam diligenter intueri, quam scriptus est. Ad curationem enim corporis tui omnia explorata sunt, quæ cum rerum effectu comperi, celeriterque complexus sum. Intueri ergo omnem medicinæ rationem debebis. Namque ego diligenti cura, licet summa brevitate, comprehendi singula curationum genera, sicut proxime in eo libello feci, quem Cæsari nostro coram te tradidi. Quas curationes per temet ipse æstimare poteris. Sapientibus enim ratio venire in consilium adsuevit.

2. Omne itaque corpus hominum & pecudum alitumque ex quatuor generibus constat; sed præcipue hominum; calido, frigido, sicco, & humido. Frigido enim continentur viscera, unde spiramus. Calore continetur anima, qua vivimus; id est, qua vivi sentimus. Sicca sunt ossa, quæ vires faciunt ad sustinendum laborem. Humidus est sanguis, quo alitur vita. Per omnia enim viscera venæ currunt, quæ

sanguinem vehunt. Sanguis animam, anima vitam sustinet; spiritus autem acris est. Ossa, nervis munita, virtutem corpori præstant.

3. Sanguis, cum abundat, valetudinem vitiat. Ex eo nascitur sanies, quam in vulneribus sectis videmus. Nascitur & pituita, quæ nauseam facit. Nascitur etiam bilis acida & amara, quæ dicitur mater morborum. Bilis enim cum est, concitat calores. De pituita perfrictio nascitur, quæ facit dolorem intestinorum, torsiones etiam inflationemque, quæ corpus extenuant. Sanguis autem a nimio cibo, nimiaque potatione incipit abundare, & cruditate corrumpitur. Qui cum evacuetur extra cursum naturæ, infert aliqua corpori vitia; & in quacunque parte corruptus incubuit, fatigat & lædit. Nam sanguis animam quoque vitiat; & inde os hominis incipit foetere. Cum est ergo integer sanguis, animam sine dubio confirmat, ut possit frigus caloremque fortius sustinere. At, cum abundat, cumque calore animæ corrumpitur, fit sanies: tum & bilem atram concitabit, & calorem interdum ac frigus faciet, corporique universo lan-

languorem, animæque malum odorem vel anhelitum faciet.

4. Quo facilius igitur commodis valetudinis fruamur, & incommoda vitemus; prognostica, id est, præcurrentia vitia, signis naturalibus cognoscamus, cognitaque emendemus, ne mortifera fiant. Quatuor igitur disponuntur corporis partes; cujus origo in capite est, & thorace; deinde venter sequitur & vesica. Ita ergo locorum istorum sinceras notas cognoscemus.

5. Hominis sani urina mane alba erit, & ante prandium rufa. Pransi rursus candida; item ante cœnam rufa. Nec ego tamen necessitatem prandendi imposui, sed magis vicinam & tempora naturalia ostendi. Candida enim urina debet esse, ubi cruditas non est, mane quieto corpore. Deinde motus ipse & deambulatio urinam turbat, excitatque vesicam: ideoque coloratior fit. Quod si mane urina mutaverit colorem, ostendit subesse vitium infirmitatis, quod tamen propriis iudiciis intelligimus.

6. Cum enim a capite morbus oritur, solet capitis dolor comparere: tunc & supercilia gravantur, tempora saliunt, aures sonant, oculi lacrymant, nares repletæ odorem non sentiunt. Cum ex iis ergo aliquid accidit, caput purgari oportet hac ratione. Hyssopi aut cunilæ bubulæ fasciculum cum aqua defervefacias; inde aquam ore continebis; sed caput calide tractabis, ut fluat pituita. Quod si quis negligit, capiet epiphoras oculorum, aut dentium vel aurium dolorem. Interdum etiam strumæ parotidesque nascuntur, & alia vitia, quæ circa fauces cervicesque oriri solent. Item distillatio aut gravedo narium erit. Et interdum ulcera in capite nascuntur, aut etiam capilli defluunt.

7. Cum autem a thorace morbus nascitur, incipit caput sudare linguaque fit crassior, aut os amarum, aut tonsillæ dolent. Oscitatio erit frequens sine somno & quiete. Torpor membrorum, animi dolor, subitaque tussis arida & inquieta nascetur. Ex iis ergo cum aliquid acciderit, vitabis vitium grave, si vomueris, sive jejunos, sive post cœnam, vel in balneo. Plus autem prodest, si jejunos bilem egeris. Eam enim dicimus matrem morborum. Sed, qui vomere nolunt, vel non possunt, quia stomacho laborant, decimo quoque die jejunando, omni cibo se abstineant. Quo factò vitium grande vitabunt. Nam frequenter vomendo solet stomachus corrumpi.

8. Quod si a ventre morbus oritur, hæc erunt signa. Venter vertetur atque turbabitur & sentiet crebros dolores; cibus & potio videbuntur amara: genua succident, & lumbi gravabuntur, interscapulium contrahetur, totumque corpus particulatim gravabitur, tardabuntur pedes, pigra fient crura, renes indolescent, & post hæc febriculæ incurrent. His itaque cognitis, prima est abstinentiæ utilitas. Tum etiam medicamentis alvum purgari oportebit, ut grave corpus levamentis adjuvetur. Quod si morbus major premere videbitur, adjicies alterum diem abstinentiæ: si tamen vires patientur. Sin minus, quam levissimum sumes cibum, ut ovum sorbibile tantum, aut aliquod ovo simile accipias. Hoc qui negligunt, fiunt cœliaci, torminosi, dysenterici: etiam ex eo nascuntur tertianæ & quartanæ: fiunt podagrici chiraagricique; morbus etiam articularis hinc accidere solet. Quidam etiam fiunt amentes; quibusdam sanguis etiam erumpere e naribus solet. Oportet igitur occur-

occurri tam gravibus malis, curatione supra dicta.

9. A vesica qui nascuntur morbi, hæc dabunt signa. Pleni videbuntur, & cibo cito saturari, quos gravabit. Sequentur inflationes ventris, & crepitus crebri. Videbuntur oscitare, nec oscitabunt, sed tantum os diducunt. Sequitur totius corporis stupor, somnusque gravis, quasi marcor. Fiet urina livida & vix erumpens. Tumescunt etiam veretra, & inde calculosi fiunt. Hæc vitia sic emendantur. Fœniculum & apium vino austero madefacito; vel etiam earum herbarum radices conterere, & ex vini cyathis duobus, & tantundem aquæ calidæ accipe assidue; vel dauci semen & myrtum ex aqua calida sume; vel cicer album sume, non arietinum, madefactum vino, ut supra scripsi, ebibe; vel radicem asparagi, vel ervum erraticum, vel serpyllum decoque, ejusque aquam vino mixtam bibe. Quæ qui negligunt, fiunt hydropici. Sequetur iis jecinoris & renum & vesicæ dolor. Fient quoque calculosi; stranguriam quoque sustinebunt, & ventris tumorem. Intueri autem oportet ægri vires, quomodo possit sustinere medicinam, ut ita feбри & cruditati ejus adhibeatur. Fiunt ergo cataplasmata, adhibenturque, quæ apta sint capiti, ventri, vesicæ, cruditati, frigori, calori, prout tempus exegerit. Uti autem ad hæc oportet rosa, aceto, vino, oleo irino, linguam quoque ægri asperam melle perfricari, vel mentæ folio. Reliqua diligentem medico permittenda sunt: quia juxta morbos debet adhibere medicinam.

10. Quoniam ostendi corporis sani & imbecilli notas per urinam denunciari, & adjici curationum consilia: nunc & compositiones medicamentorum

adjiciam; unum, ne nascantur corpori vitia; alterum, ut emendatio sanitatem reducat. Adversus autem omnes impetus morborum duo sunt remedia certissima. Primum est, decimo quoque die ut te abstineas a cibo & potione. Deinde, postero die lavabis, ciboque firmo uteris. Quare & observatione efficies, ne quid omnino vitii corpori tuo accidat, & perpetua sanitate sis tutus. Est & potio salubris, quæ omne corporis vitium eliminat, & valetudinem confirmat. Ejus potionis jam tecum habes compositionem. Per annos autem complures, amicissime Mecænas, cum Cæsare nostro pariter nos morari meministi; quo tempore hæc observando nunquam in ullum corporis languorem incidisti. Quo tempore nec nostrum Augustum quidquam molestioris incommodi passum esse nosti. Ita etiam me tecum habebis, si libellum meum legendo sæpius tractaris, qui plenius tibi, me absente, præstare consilium in omnibus poterit. Terentii Velpisti in ultimo libello leges dynamas herbarum. Quas ut crescentibus numeris Lunæ observes, dum tollis & componis, curato. Si ita non feceris, & ad deminutionem Lunæ sustuleris, minus valebunt. Ipsum etiam mare per Lunam augeri & minui scimus. Cerebra etiam hominum augentur crescente Luna. Cum autem minuitur Luna, unâquæque res deminutionem sentit. Quod licet recognoscas ex iis, quibus cotidie uteris: tamen &, per me admonitus, scies omnibus & minui augmentum & augeri per Lunam. Quod si ita est, in herbis quoque legendis componendisque medicamentis vim ejus & potestatem nos observare debere, ne dubites.

H I P P O C R A T I S

P O P U L A R I U M

Liber primus.

S E C T I O P R I M A.



ONSTITUTIO temporis prima. In Thaso autumni tempore, circa æquinoctium & sub pleiadas, aquæ multæ affiduæ, molles, velut in austrinis: Hyems austrina: parvi venti aquilonares, squalores: & omnino hyems, quale ver fieri solet. Ver autem austrinum, frigidum, pluviae parvæ. Æstas plerumque nubila, aquarum inopia. Etesiae parum, modice, sparsim spirarunt. Quum autem totus hic aëris status ad austrina vergeret, ac cum siccitatibus fieret: ante ver quidem ex priore statu, subcontrario & aquilonio emergente, paucis obortæ sunt febres ardentes: atque his omnino boni status: & paucis sanguis erupit, neque ex his moriebantur. Tubercula vero circa aurem alteram multis erant, plurimis ex utrisque, citra febrem erecte obambulantibus: quibusdam vero etiam parum incalescebant. Extincta sunt omnibus absque nocumento: neque cuiquam suppurarunt, quemadmodum ea quæ ex aliis causis sunt oborta. Erat autem natura ipsorum hæc: laxa erant, magna, diffusa, non cum inflammatione, doloris exortia: omnibus obscure evanuerunt. Fiebant autem hæc adolescentibus, juvenibus, in vigore constitutis, & ex his plurimis qui circa palæstram & gymnasia exercebantur. Mulieribus vero paucis fiebant. Plurimis vero tusses siccae, qui

tussiebant & nihil rejecebant, & voces non longe postea raucosæ. Quibusdam vero etiam interposito tempore inflammationes cum dolore, in altero testiculo, quibusdam in utroque. Et aliis quidem febres, aliis non. Hæc autem plurimis laboriose fiebant. De cætero vero, quantum ad ea attinet quæ in officina medica ad chirurgiam pertinentia fiunt, sine morbo degebant.

At vero ante æstatis initium, & per æstatem ac hyemem, multi ex his qui longo jam tempore subcorrupti erant, tabidi decubuerunt. Nam & multis qui ambigui erant, tunc tabes confirmata est: quibusdam vero primum cœpit: & his natura ad tabem vergebat. Moriebantur autem multi & plurimi ex his. Et de his qui decubuerunt, haud scio an quis etiam modico tempore supervixerit. Moriebantur autem citius quam tales morbi transigere solent. Nam alios & longiores, & cum febribus conjunctos, facile ferebant, & non moriebantur. De quibus paulo post scribetur. Solus enim & maximus ex his qui tum vigeant, tabidus morbus multos occidit. Erant autem plurimis ipsorum affectiones hujusmodi: febres horridæ, continuæ, acutæ, in totum non intermittentes. Modus autem erat semitertianus, una die leviores, altera amplius exacerbescentes, & in summa acutiores increbescentes. Sudores vero semper, non per totum:

Fri-

Frigiditas extremitatum multa & quæ vix recalesceret. Alvi turbatæ, biliofæ, ex paucis, puris, tenuibus, mordacibus: frequenter ad exonerandos se surgebant. Urinæ tenues, & crudæ, & decolores, & paucæ: aut crassitudinem habentes, & subsidentiam parvam, non probe desidentes, sed cum cruda quadam ac intempeſtiva subsidentia. Tuffiebant autem, pauca, condensata, concocta, paulatim vix educentes. Quibus vero violentissima accidissent, his neque modice concoctio aderat, sed cruda spuere perseverabant. Fauces autem plurimis horum ab initio, & perpetuo dolebant, ruborem habentes cum inflammatione: fluxiones parvæ, tenues, acres. Brevi colliquescebant, & affligebantur, omnes cibos perpetuo fastidientes, sitis exortes, & plerique circa mortem deliri. Et circa tabidos quidem hæc.

Cæterum æstate jam & autumnò, febres multæ, continuæ, non violentæ, diu quidem ægrotantibus, non autem alias ita male habentibus oboriebantur. Plurimis alvi turbatæ, ita ut valde toleranter ferrent, & nihil memorabile lædebant. Urinæ item plurimis boni quidem coloris & puræ: verum tenues, & post tempus circa judicationem concoctæ. Tuffiebant autem non valde, neque ea quæ per tuffim rejectabantur, difficultatem exhibebant. Neque cibum fastidiebant, sed etiam valde licebat ipsis offerre. In summa subægrotabant tabidi, non tabido modo, febribus horridis parum insudantes, alias alii, ut qui erroneo modo exacerbarentur, febribus quidem in totum non intermittentibus, sed quæ juxta naturæ febris tertianæ morem exacerbarentur. Judicabantur autem quibus inter hos brevissimæ essent, circa

vigesimum diem, plurimis circa quadragesimum: multis circa octuagesimum. Quibusdam neque sic, sed vago modo & citra judicationem deficiebant: horum autem plurimis febres rursus non multum tempus intermittentes reversæ sunt. Ex recidivis autem in iisdem circuitibus judicabantur. Multis vero ipsorum producebantur, ut sub hyemem ægrotarent. Ex omnibus porro in hac temporis constitutione descriptis, solis tabidis lethalia acciderunt. In aliis autem febribus, non.

SECTIO SECUNDA.

Constitutio temporis secunda. In Thaso ante autumnum tempeſtive, sed derepente in aquiloniis & austrinis multis, humidæ & præerumpentes. Hujusmodi vero durabant usque ad pleiada, & sub pleiade. Hyems autem aquilonia. Aquæ multæ, largæ, magnæ: nives. Plerumque mixta aëris serenitas: & hæc quidem fiebant omnia: frigora vero non admodum intempeſtiva. Jam vero post brumale solstitium, & quando favonius spirare incipit, posterior hyems magna erat, aquilonia multa. Nives & aquæ assidue multæ, & cælum procellolum ac nubilum. Hæc autem durabant & non remittebant usque ad æquinoctium. Ver autem frigidum, aquilonium, aquosum, nubilum. Æstas non valde æstuosa fiebat. Etesia assidue spirarunt. Mox circa arcturum in aquiloniis, aquæ valde multæ. Quum autem annus totus humidus & frigidus & aquilonius esset, per hyemem sano modo plerumque habebant: ante ver autem multi quidem, & plurimi morbidè degebant. Primum igitur cæperunt lippitudines fluidæ, dolorosæ, humidæ, crudæ. Lemæ parvæ & multis difficul-

ter erumpentes plurimis revertebantur: defecerunt sero ad autumnum. Æstate jam & autumnum, lienteria, & dysenteria, & tenesmi, & alvi profluvia ex biliosis, tenuibus, multis, crudis, & mordacibus: quibusdam vero etiam aquosis. Multis autem & urinæ fluxiones cum dolore biliosa, aquosa, ramentosa, purulenta, cum stillicidio, non renales, sed his alia pro aliis. Vomitus pituitosi, biliosi, & ciborum crudorum rejectiones: sudores. Omnibus undique multa humiditas. Fiebant autem hæc multis erecte obambulantibus, non febrientibus: multis item febrientibus, de quibus paulo post scribetur. In quibus autem omnia hæc præscripta apparebant cum dolore, tabidi fiebant. Jam vero autumnum & sub hyemem, febres continuæ, & quibusdam ipsorum paucis ardentes, diurnæ, nocturnæ, semitertianæ, tertianæ exactæ, quartanæ, erroneæ. Singulæ vero prædictæ febres multis fiebant. At ardentes & paucissimis obortæ sunt, & ex ægrotis hi minimum laboraverunt: (neque enim sanguis erupit, nisi valde parum, & paucis:) neque delirabant: aliaque omnia tolerabilia erant. Judicabantur autem plurimis valde bono ordine, cum intermittentibus in septem ac decem diebus. Neque mortuum aliquem tunc in febre ardente novi, neque phrenitum tunc cuiquam factam scio. At vero tertianæ plures quidem quam ardentes febres erant ac graviores, verum ordinate in his omnibus; a prima accessione quatuor circuitus habebant, in septem autem perfecte judicabantur, neque illi horum reversæ sunt. Quartanæ vero multis quidem ab initio ex ordine quartanæ cœperunt. Quibusdam autem non paucis, ex aliis febribus ac morbis abscessus ad quartanas fiebant:

atque hos diu, quemadmodum solent; & adhuc diutius tenebant. Diurnæ vero quotidiana, & nocturnæ, & erroneæ multæ, multis & multo tempore permanebant, & erecte obambulantibus, & decumbentibus. Plurimos horum sub pleiada, & usque ad hyemem, febres consequebantur. Multos convulsiones, magis autem pueros ab initio: & febriebant, & in febribus convulsiones fiebant: & erant hæc plerisque diuturna, verum innocua, nisi ad hæc, etiam ex aliis omnibus perniciæ adesset. At continuæ quidem in totum, & nihil intermittentes, exacerbescences autem omnibus ad naturæ tertianæ modum, una die sublevantes, & una exacerbescences, omnium quæ tunc fiebant violentissimæ erant, & longissimæ, ac cum maximis doloribus, leniter auspicientes, & in totum semper augescentes, & in judicatoriis diebus exacerbescences, & in pejus procedentes, parum allevantes, & statim rursus ex intermissione violentius exacerbescences, in judicatoriis plerumque diebus peiores evadentes. Rigores vero omnibus quidem inordinate & erroneo modo fiebant, paucissime autem & minime his. Verum in aliis febribus majores. Sudores multi, his minimi, nihil allevantes, sed subcontrario modo damna inferentes. Frigiditas extremitatum his multa, & vix recalescens. Neque somni in totum, maxime vero hi etiam rursus soporosi. Ventres autem omnibus turbati & mali, hi autem longe pessimi. Urinæ vero plurimis horum aut tenues, & crudæ, & decolores, & post tempus parum concoctæ judicatorio modo: aut crassitudinem quidem habentes, verum turbatæ, neque consistentes, neque subsidentes, neque concoctæ: aut paucæ, & crudæ, ac ma-

læ, & subsidentes. Pessimæ autem hæc omnes. Et tusses quidem ad febres comitabantur. Verum non habeo quod scribam, an detrimentum aut utilitas tunc ex tussi contigerit. Diuturna igitur & molesta, & valde inordinate ac erroneo more, & citra judicationem, plurima horum perseverabant, tum his qui perniciosè habebant, tum his qui non. Si enim aliquos ipsorum paululum relinquerent, statim rursus revertebantur. Quibusdam vero paucis ipsorum judicabantur, quibus brevissime adessent, circa octogesimam diem: & horum aliquibus reversa sunt, ut plurimi ipsorum per hyemem adhuc ægrotarint. Plurimis autem citra judicationem defecerunt. Hæc vero pariter acciderunt, & his qui superstites manserunt, & qui non. Quum autem multa & varia fieret judicationis impeditio ex morbis, maximum etiam ac pessimum signum perpetuo comitabatur, quod plerique omnes cibos fastidirent, & ex his maxime hi, quibus etiam alia exitialia erant. Siticulosi vero non adeo intempestive in his febribus erant. Quum vero tempus produceretur, & dolores essent multi, ac colliquatio mala, his abscessus succedebant, aut majores quam ut ferre possent, aut minores quam ut quicquam prodesse: sed statim recurrerent & ad pejus eourgerent. Erant autem quæ his fiebant hæc: dysenterix, tenesmi, lienterix, & alvi profluvia: quibusdam etiam hydropes, partim cum his, & partim absque his. Quicquid autem ex his violenter accedebat, statim vires dejiciebat: aut rursus nihil proderat. Papulæ parvæ, & non pro dignitate rationis excretiones morborum, & statim rursus evanescentes. Aut juxta aures tumores, qui non solvebantur, & nullam de se significa-

tionem præbebant. Quibusdam in articulos, maxime vero in coxendicem, paucis judicatorio modo cessantes, & statim rursus ad habitum ab initio invalescentes.

Moriebantur autem ex omnibus, & plurimi ex his pueri jam ab lactati, & majores natu, octennes ac decennes, & nondum puberes. Fiebant autem hæc his, non sine prius scriptis. Priora vero multis sine his. Solum vero bonum & maximum inter ea quæ fiebant signum, & quod plurimos in maximis periculis constitutos liberavit, quibus ad urinæ stillicidium convertebantur, & ad hoc abscessus fiebant. Accidit autem plerisque urinæ stillicidium, maxime his ætatibus. Fiebat & aliis multis, tum erecte obambulantibus, tum in morbis. Statim vero etiam magna quædam mutatio omnium, his fiebat. Alvi enim etiam si humectæ essent, maligno modo mox sistebantur, cibosque omnes libenter sumebant. Et febres postea mites erant. Verum urinæ stillicidium his diuturnum & laboriosum erat. Urinæ vero his erant multæ: crassæ, variæ, rubræ, purulentæ cum dolore. Atque hi omnes superstites manserunt, & nullum ex his mortuum novi.

Quæcunque vero non periculose fiunt, concoctiones excrementorum omnes undiquaque tempestivas aut bonas, & judicatorios abscessus, considerare oportet. Concoctiones, celeritatem judicationis, & securitatem sanitatis significant. Cruda vero & inconcocta, & in malos abscessus conversa, aut judicationis sublationem, aut dolores, aut diuturnitatem, aut mortem, aut eorundem recidivas. Quod vero ex his potissimum futurum sit, ex aliis considerandum est. Præterita dicito, præ-

sentia cognoscito, futura prædicitio. Hæc tractato. Exerceto circa morbos duo, ut juves, aut non noceas. Ars ex tribus constat, morbo, ægroto, & medico artis ministro. Ægrotum cum medico adversari morbo oportet. Capitis & colli dolores ac gravitates cum dolore, cum febribus, & sine febribus, phreniticis quidem convulsiones. Sed & virosa vomunt, & quidam ex his subito moriuntur. In ardentibus autem & aliis febribus, quibus colli dolor, & temporum gravitas, & caligo vertiginosa circa oculos, aut etiam præcordiorum distentio, non cum dolore fit, his sanguis per nares erumpit. Quibus autem gravitates quidem totius capitis, oris autem ventriculi morsus adsunt, & nauseabundi sunt, hi biliosa & pituitosa vomunt. Plerumque vero pueris in talibus afflictionibus convulsiones fiunt. Mulieribus autem tum eadem, tum ab uteris dolores. Senioribus autem & quibus jam calor superatur, paraplegiæ vocatæ, leves siderationes, aut insanix, aut oculorum privationes.

Constitutio temporis tertia. In Thaso paulo ante arcturum, & sub arcturo, aquæ multæ, magnæ, in aquiloniis. Circa æquinoctium autem & usque ad pleiada, austrinæ pluvix pauca: hyems aquilonia: siccitates, frigidi venti, magnæ nives. Circa æquinoctium hyemes maximæ. Ver aquilonium, siccitates, pluvix pauca frigida. Circa solstitium æstivum aquæ pauca, magna frigora usque ad canem. Post canem usque ad arcturum, æstas calida, æstus magni, non ex accessione augescens, sed continui ac violenti: aqua non elapsa est: etesix spirarunt. Circa arcturum pluvix austrinæ usque ad æquinoctium.

In hac autem constitutione, per hyemem quidem inceperunt resolutiones ex sideratione, & multos invaserunt: & quidam ex ipsis subito moriebantur. (Nam hic morbus satis popularis erat.) Cætera incolumes degabant. Ante ver autem cœperunt febres ardentes, & usque ad æquinoctium, & ad æstatem durabant. Quicumque igitur vere & æstate ineunte statim ægrota cœperunt, plurimi servabantur: pauci vero quidam moriebantur. In autumno jam & quum pluvix fierent, lethales erant, & plures peribant.

Erant autem febrium ardentium affectiones. Quibus quidem bene ac large sanguis per nares erupit, per hoc maxime servabantur: & nullum novi qui in hac constitutione mortuus esset, si recte ipsi sanguis profluxisset. In Philisco enim & Epaminone ac Sileno, quarta ac quinta die parum de naribus stillavit, & moriebantur. Plerique igitur ægroti circa judicationem rigeant, maxime hi quibus sanguis non erupisset. Idem vero etiam postea insuper riguerunt, & exsudarunt. Quibusdam morbus regius accidit sexta die. Verum his purgatio per vesicam, aut alvus exturbata profuit, aut larga sanguinis eruptio. Velut Heraclides qui decumbebat apud Aristocidem: nam huic & ex naribus sanguis erupit, & alvus turbata est, & per vesicam purgatus est. Vigesima die judicatus est: non velut Phanagoræ servus, cui nihil tale factum est, & mortuus est. Sanguis autem plurimis erupit, maxime adolescentibus & in vigore constitutis: & talium plerique perierunt, quibus sanguis non erupit. Senioribus vero ad morbum regium res devenit: aut alvi ipsis turbata sunt, aut dysenterici facti sunt. Velut Bioni apud Silenum decum-

cumbenti contigit. Populariter grassabantur etiam dysenteriae per aetatem: & quibusdam qui aegrotarunt, quibusque etiam sanguis erupit, ad dysenteriam transitus factus est: velut Eratonis filio & Mylo, qui multa sanguinis eruptione facta, in dysentericum statum delapsi superstites manserunt. Multis igitur maxime hic humor redundavit. Nam & quibusdam circa judicationem sanguis non erupit, sed tubercula juxta aures excitata evanuerunt. Quae ubi evanuisissent, juxta sinistri lateris mollitudinem, & ad summam coxam gravitas fuit. Quum autem dolores post judicationem fierent, & urinae tenues prodissent, parum sanguinis profundere ceperunt. Verum circa quartam & vigesimam, abscessus ad sanguinis eruptionem fiebant Antiphonti Critobuli filio, quae sedata est, & perfecte judicatus est circa quadragesimam.

Mulieres porro multae quidem aegrotarunt, pauciores autem quam viri: & pauciores etiam mortuae sunt. Plurimae vero graviter ex partu laborarunt, & post partus insuper aegrotarunt, & haec maxime perierunt: velut Telebuli filia, quae sexta a partu die mortua est. Plurimis itaque in febribus menses apparebant. Quibusdam vero ex naribus sanguis erupit: & virginibus multis id primum factum est. Quibusdam & ex naribus sanguis, & menses proruperunt: velut Dætharsei filiae virgini apparuerunt tunc primum, & sanguis largus e naribus fluxit. Neque ullam mortuam novi, ex his quibus aliquid probe factum esset. Quibus autem praegnantibus contigit aegrotare, omnes foetus perdiderunt, quas ego novi. Urinae vero plurimis boni quidem coloris, verum tenues & subsidentias modicas habentes, ex recrementis tenuibus ac

biliosis. Multis autem aliis judicatis ad dysenterias res devenit: velut Xenophani & Critiae. Urinae aquosae, multae, purae, tenues post judicationem, & subsidentia bona facta, & aliis probe judicatis. Mentionem faciam eorum quibus factae sunt: Bioni, qui apud Silenum decumbebat: Cratae, quae apud Xenophanem: Aretonis filiae uxori Mnesistrati. Postea vero omnes hi dysenterici facti sunt. Num quod urinas minxerunt aquosas, considerandum est?

Circa aetatum autem multis undecima die judicatio facta est, & bis recidivae non pro ratione factae reversae sunt. Erant autem soporosi circa tempus hoc, plures autem pueri: & hi omnium minime moriebantur. At vero circa aequinoctium, & usque ad pleiada, & sub hyemem, comitabantur quidem febres ardentes. Sed & phrenitici plurimi tunc fiebant: (& plerique horum moriebantur) fiebant autem & per aetatem pauci. Quum igitur febres ardentes inciperent, significationem de se praebant, quibus pernicies immineret. Statim enim ab initio febris acuta, parum insuper rigeant, vigiles erant, siticulosi, anxii, parum exudantes circa frontem & claviculas, nullus per totum: multum delirabant: tumores, tristitiae, extremitates subfrigidae, pedes summi, & maxime manuum summae partes. Exacerbationes in diebus paribus. Plurimis autem quarta die dolores maximi, & sudores plerumque subfrigidi, & extremitates non amplius recallescens, sed lividae, subfrigidae: & neque sitiebant. Ad haec urinae his nigrae, paucae, tenues, & alvi sistebantur: neque sanguis e naribus erupit ulli ex his, quibus haec accidissent, sed parum stillavit. Neque ad recidivam ulli horum res devenit. Sed sexta die

mortui sunt cum sudore . Phreniticis autem acciderunt præscripta non omnia . Judicabantur autem his plerumque die undecima , quibusdam vigesima . Quibus non statim ab initio phrenitis cœpit circa tertiam aut quartam diem , sed moderate habebant primo tempore , his circa septimam morbus ad acumen transiit . Magna itaque erat morborum multitudo . Ex ægris autem maxime moriebantur adolescentes , juvenes , in vigore ætatis constituti , leves , subalbicante cute , rectos itemque nigros capillos habentes , & oculos nigros , & qui in quiete & otio vixerant , & alta voce , aut gracili , aut aspera præditi , balbi , iracundi : & mulieres plurimæ ex hac specie moriebantur . At in hac constitutione ex quatuor signis maxime servabantur : Quibus videlicet sanguis e naribus probe erupisset : aut urinæ multæ , & multam subsidentiam habentes per vesicam prodiissent : aut per ventrem turbata , biliosa tempestive processissent : aut qui dysenterici facti essent . Acciditque multis ut non ex uno præscriptorum signorum judicarentur , sed per omnia percurrerent : & gravius quidem habere videbantur , conservabantur autem omnes , quibus hæc accidissent . Mulieribus autem & virginibus accidebant item præscripta signa omnia . Quibus autem vel horum quippiam bene accideret , aut menses large apparerent , per hæc servabantur ac judicabantur : neque ullam interiisse novi , cui ex his aliquid accidisset . Philonis enim filix sanguis ex naribus large fluebat : septima autem die intempestivius cœnavit & mortua est . Quibus in febribus acutis , magis ardentibus , lachrymæ invitæ desfluunt , his sanguinis a naribus eruptionem expectare oportet , si etiam alia perniciose non

habeant . Nam his qui male habent , non sanguinis eruptionem , sed mortem significant . Tubercula juxta aures in febrientibus cum dolore oborta , quibusdam febre judicatorio modo deficiente , neque sedantur , neque suppurantur : hæc biliosum alvi profluvium , aut dysenteria , aut crassarum urinarum subsidentia solvit : velut Hermippo Clazomenio . Judicationes autem ex quibus cognoscimus , aut similes sunt , aut dissimiles : velut duo fratres , qui simul eadem hora ægrotare cœperunt . Decumbebant autem juxta theatrum Epigenis fratres . Horum seniori sexta die judicatio facta est , juniori vero septima . Recidiva facta est utrisque simul eadem hora . Intermisit dies quinque . Ex recidiva judicatio facta est utrisque simul in totum , die decima septima . Plurimis autem sexta die judicatio facta est , intermisit sex . Ex recidivis autem judicatio facta est quinta die . Quibusdam vero septima judicatus est morbus , & septem diebus intermisit . Ex recidiva vero judicatus est tertia . Quibusdam autem judicatus est quinta , intermisit septem , rediit per tres , intermisit unam , insuperque unam rursus occupavit . Aliquibus vero judicatus est sexta , intermisit sex , rediit per tres , intermisit unam , & una judicatus est : velut Euagonti Daipharsis filio . Quibusdam autem judicatus est sexta , intermisit septem : ex recidiva vero judicatus est quarta : velut filix Aglaidæ . Plerique igitur ex his qui ægrotarunt in hac constitutione , hoc modo ægrotarunt : & nullum novi ex his , qui superstites manserunt , cui non rediissent recidivæ secundum rationem factæ : & servati sunt omnes , quos ego novi , quibus hoc genus recidivæ factæ sunt . Neque ægrotantium hoc modo ullum ali-

aliquem novi, quem recidiva iterum repetiisset. Moriebantur autem in morbis his plurimi sexta die: velut Epaminondas, & Silenus, & Philiscus Antagoræ filius. Quibus autem tubercula juxta aures facta essent, his judicatio facta est vigesima die. Restincta autem ac sedata sunt omnibus, & non suppurata sunt, sed ad vesicam conversa. Cratistonaëti qui apud Heracleum habitabat, & Scymni fullonis ancillæ suppuraverunt, & mortui sunt. Quibus autem judicatus est septima die, intermisit novem, reversus est morbus. Judicatus est ex recidiva quarta die. Quibus autem judicatus est septima die, intermisit sex: deinde rediit, & judicatus est septima, velut Phanocrito, qui decumbebat apud Gnathonem pictorem.

Sub hyemem circa solstitium hybernium, & usque ad æquinoctium, perseverabant quidem & febres ardentes, & phrenitides, & multi moriebantur. Judicationes tamen transmutatæ sunt, & judicatio facta est plurimis ab initio die quinta, intermisit quarta, recidiva facta est: ex recidiva vero judicatio facta est quinta die. In summa quatuordecim diebus. Sic autem facta est judicatio pueris plurimis, imo etiam senioribus. Quibusdam vero morbus judicabatur die undecima: revertebatur decimaquarta, judicabatur perfecte vigesima. Si vero aliqui insuper riguissent circa vigesimam, his judicabatur quadragesima. Superriguerunt autem plurimi circa judicationem ab initio. Qui vero circa judicationem ab initio riguerunt, etiam in recidivis unacum judicatione riguerunt. Riguerunt autem paucissimi vere, æstate plures, autumno adhuc plures; hyeme longe plu-

rimi. At sanguinis eruptiones cessabant.

S E C T I O T E R T I A.

Morbos dignoscimus edocti, ex communi omnium natura, & ex uniuscujusque propria, ex morbo, ex ægroto, ex his quæ offeruntur, ex eo qui offert. (Ex his enim & breviores, & graviores redduntur) ex tota ac partiali constitutione cœlestium, & uniuscujusque regionis, ex victu, ex vitæ studiis, ex ætate cujusque, sermonibus, moribus, taciturnitate, cogitationibus, somnis, vigiliis, insomniis, quibusdam & quando, vellicationibus, pruritibus, lachrymis, exacerbationibus, secessibus, urinis, sputis, vomitibus, & quæ ex quibus, in quos, successiones morborum: & qui abscessus ad perniciem, & ad judicationem. Sudor, rigor, frigiditas, tussis, sternutationes, singultus, spiritus, ructus, flatus silentes, strepentes, sanguinis eruptiones, hæmorrhoides. Ex his autem, & quæ per hæc fiunt, considerandum.

Febres quædam continuæ sunt, quædam interdiu tenent, noctu intermittunt: aut nocte tenent, die intermittunt. Semitertianæ, tertianæ, quartanæ, quintanæ, septimanæ, nonanæ. Sunt autem acutissimi, & maximi ac gravissimi morbi, & maxime lethales in continua febre. Securissima vero omnium, & facillima ac longissima est quartana. Non enim solum ipsa a se ipsa talis est, sed etiam ab aliis magnis morbis liberat. At in semitertiana appellata, contingit quidem & acutos morbos fieri, & est hæc præ cæteris maxime lethalis. Sed & tabidi, & quicumque ex aliis longis morbis ægrotant, ex hac maxime ægrotant. No-

Æterna non admodum lethalis est, verum longa. Diurna longior. Quibusdam autem & ad tabem vergit. Septimana longa est, verum non lethalis. Nonana adhuc longior, & non lethalis. Tertianæ exacta cito judicatur, & non est lethalis. Quintana pessima omnium est. Nam & ante tabem, & jam tabidis superveniens occidit. Sunt autem modi, & constitutiones, & exacerbationes singularum harum febrium, æque continuarum ac intermittentium. Velut verbi causa: continua quibusdam ab initio floret, & viget maxime, & ad deterius procedit: circa judicationem vero & una cum judicatione, imminuitur. Quibusdam vero molliter incipit & submisse, augetur autem & exacerbatur quotidie: circa judicationem vero & una cum judicatione acervatim elucet. Quibusdam leniter auspiciata augetur & exacerbatur: & ubi aliquandiu in vigore fuit, rursus remittit usque ad judicationem, & circa judicationem. Atque hæc contingere solent in omni febre, & in omni morbo. Oportet autem victus rationem ex horum consideratione offerre. Multa vero etiam alia signa his sunt cognata, de quibus partim scriptum est, partim scribetur. Ad quæ ratiocinari oportet, examinareque ac considerare, cui horum acutus & lethalis sit morbus, aut a quo superstes sit futurus: & cui offerendum sit, aut non, & quando, & quantum: & quid offerendum erit. Quæ vero paribus diebus exacerbantur, paribus judicantur. Quorum autem exacerbationes in imparibus fiunt, ea in imparibus judicantur. Est autem primus judicatorius, ex circuitibus diebus paribus judicantibus, IV. VI. VIII. X. XIV. XXVIII. XXX. XLVIII. LX. LXXX. C. Ex

circuitibus vero in imparibus diebus judicantibus, est I. III. V. VII. IX. XI. XVII. XXI. XXVII. XXXI. At vero nosse expedit, si aliter judicatio fiat, extra præscriptos dies, recidivas fore significat; & fuerit sane perniciofa. Oportet autem animadvertere & nosse, in his temporibus judicationes futuras esse, ad salutem, aut perniciem: aut inclinationes ad melius, aut deterius. Erroneæ porro febres, & quartanæ, & quintanæ, & septimanæ, & nonanæ, in quibus circuitibus judicentur considerandum est.

Ægrotus primus. Philiscus prope muros habitabat, decubuit. Primo die febris acuta, sudavit, noctem laboriosam habuit. Secundo die omnia exacerbata sunt. Vesperi ab infuso per clysterem adhibito bene habuit, noctem quietam. Tertio mane & usque ad meridiem, visus est a febre liber esse. Ad vesperam febris acuta cum sudore, siticulosus erat, lingua resiccabatur, nigra minxit, noctem molestam habuit, non dormivit, omnino deliravit. Quarto autem omnia exacerbata sunt, urinæ nigra, nox tolerabilior, urinæ melioris coloris. Quinto circa meridiem parum de naribus stillavit non mixtum. Urinæ variæ, quæ habebant innatantia quædam rotunda, genituræ similia, dispersa, non subsidebant. Subdita glande, flatuosa pauca prodierunt: noctem habuit laboriosam, somni parvi, sermones, deliramenta, extremitates undique frigida, & non amplius recalescentes: minxit nigra, dormivit parum, ad diem voce destitutus est, frigidum sudavit: extremitates livida. Circa meridiem sexta die mortuus est. Huic spiritus ad finem usque velut revocanti, rarus & magnus. Splen elevatus est orbiculari gibbositate. Sudores frigid

gidi perpetuo. Exacerbationes diebus paribus.

Ægrotus secundus. Silenus habitabat in Platamone, prope filios Eualcidis. Hunc ex lassitudinibus & potationibus, ac exercitiis intempestivis febris corripuit. Cœpit autem ægrotare ex lumbis, & caput gravitas tenebat: & colli distentio erat. Ab alvo prima die biliosa, mera, spumosa, abunde colorata, multa prodierunt. Urinæ nigrae nigram subsidentiam habentes: siticulosus, lingua resiccata, nocte nihil dormivit. Secunda die, febris acuta, secessus plures tenuiores, spumosi. Urinæ nigrae, nox molesta, parum deliravit. Tertia, omnia exacerbata sunt, præcordii distentio utrinque oblonga, ad umbilicum submollis. Secessus tenues, subnigri. Urinæ turbatae, subnigrae. Nocte nihil dormivit, sermones multi, risus, cantus, continere se non potuit. Quarta per eadem. Quinta, secessus meri, biliosi, læves, pingues. Urinæ tenues, pellucidæ: parum resipiscebat. Sexta circa caput parum sudavit: extremitates frigidae, lividae, jactatio multa: ab alvo nihil prodiit. Urinæ suppressæ sunt, febris acuta. Septima die voce destitutus est: extremitates non amplius recalescebant: nihil minxit. Octava sudavit frigidum per totum sudorem: papulae cum sudore rubrae, rotundae, parvae, velut vari permanebant, non abscedebant. Ab alvo vero cum parva irritatione, stercorea tenuia velut inconcocta, multa prodibant cum dolore. Urinam reddebat cum dolore mordacem. Extremitates parum recalescebant. Somni tenues, soporosi. Vox intercepta. Urinæ tenues, pellucidæ. Nona per eadem. Decima potum non suscipiebat. Soporosus erat, somni autem tenues. Ab

alvo similia. Minxit acervatim subcrassum, depositum subsidens: subsidentia crassæ farinae similis, alba. Extremitates rursus frigidae. Undecima mortuus est. Ab initio huic & ad finem usque spiritus magnus rarus: præcordii palpitatione assidua. Ætas erat circa annos viginti.

Ægrotus tertius. Herophontis febris acuta. Ab alvo pauca ab initio velut in tenesmo: postea vero tenuia prodibant biliosa, frequentiora. Somni non aderant. Urinæ nigrae, tenues. Quinta mane surditas. Exacerbata sunt omnia. Splen elavatus est. Præcordii distentio. Ab alvo pauca, nigra prodierunt, deliravit. Sexta delirabat: ad noctem sudor, frigiditas: delirus permanebat. Septima perfrigerabatur: siticulosus, delirabat, noctu resipiscebat, obdormivit. Octava febricitavit, splen minuebatur, intelligebat omnia: doluit juxta inguen, tumor primum e directo splenis: deinde dolebat utraque tibias: nox tolerabilis. Urinæ coloris melioris parvam subsidentiam habebant. Nona sudavit, judicatus est morbus, intermisit. Quinta reversus est. Statim autem splen elevatus est: febris acuta, surditas rursus. Post recidivam tertia die splen minuebatur, surditas minor erat, crura dolebant, noctu sudavit. Judicatus est die septimadecima. Neque deliravit in recidiva.

Ægrotus quartus. In Thaso Philini uxorem, quæ filiam pepererat, quum purgatio secundum naturam facta esset, & alias leviter degeret, decimaquarta a partu die febris vehemens corripuit cum rigore. Ab initio vero cor dolebat, & circa præcordium dextrarum: muliebrium partium dolores: purgatio cessavit. Ubi vero glandem subdidisset, hæc quidem leviora facta sunt,

capitis autem, colli & lumborum dolores permanebant. Somni non aderant. Extremitates frigidæ. Siticulosa erat: alvus combusta, pauca egerebat. Urinæ tenues, ab initio decolores. Sexta die ad noctem multum deliravit, & rursus resipiscebat. Septima siticulosa: secessus biliosi, abunde colorati. Octava superriguit: febris acuta, convulsiones multæ cum dolore: multum delirabat. Glande subdita exurgebat, multaque cum fluxione biliosa prodibant. Somni non aderant. Nona convulsiones. Decima parum resipiscebat. Undecima dormivit: omnium recordata est: statim autem rursus deliravit. Urinam autem reddebat cum convulsionibus, acervatam, multam: illis autem parum admonentibus; crassam albam: qualis est ex his quæ subsiderunt, ubi multo tempore sita, fuerint conturbata: non subsidebat: color & crassitudo talis, qualis est in urinis jumentorum. Talia mingebat, quæ & ego vidi. Circa decimumquartum diem palpitationes per totum corpus, sermones multi, parum resipiscebat, verum statim rursus delirabat. Circa decimum septimum voce destituebatur. Vigesima mortua est.

Ægrotus quintus. Epicratis uxorem, quæ decumbebat apud Archegetem, partui jam propinquam, rigor fortiter corripuit: non incaluit, velut dicebant. Et postridie eadem erant. Tertia die peperit filiam, & alia omnia juxta rationem venerunt. Postridie a partu febris acuta eam invasit, cordis dolor & muliebrium partium. Ubi vero glandem subdidisset, hæc quidem leviora facta sunt, capitis autem & colli ac lumborum dolor. Somni non aderant. Ab alvo modica biliosa, tenuia, pura prodibant. Urinæ tenues,

subnigræ. Sexta die a quo febris ipsam corripuit, ad noctem deliravit. Septima, omnia exacerbata sunt: vigilans deliravit: siticulosa: secessus omnes biliosi abunde colorati. Octava superriguit, plus dormivit. Nona per eadem. Decima crura laboriose dolebat. Cordis dolor rursus: capitis gravitas: non deliravit: magis dormivit: alvus restitit. Undecima sudavit: minxit melius colorata, multam subsidentiam habentia: levius degebat. Decimaquarta superriguit: febris acuta. Decimaquinta vomuit biliosa, flava, satis multa. Sudavit sine febre. Ad noctem febris acuta. Urinæ crassæ subsidentiam albam habentes. Decima sexta ad noctem exacerbata est, & cum molestia, non dormivit, deliravit. Decima octava, siticulosa, lingua combusta est: non dormivit: multum deliravit: crura dolebat. Circa vigesimam mane parum riguit, soporosa, quiete dormivit: vomuit biliosa, pauca, nigra. Ad noctem surditas. Circa vigesimam primam lateris sinistri gravitas, per totum cum dolore: parum insuper tussit. Urinæ crassæ, turbatæ, subrubræ, quæ depositæ non subsidebant. Cætera leviora: non sine febre. Statim ab initio fauces dolebat, rubor aderat, columella revulsa, fluxio acris, mordax, falsa, perpetuo perseverabat. Circa vigesimam septimam a febre libera, in urinis subsidentia: latus dolebat. Circa primam & trigesimam febris corripiebat: alvus ex biliosis turbata est. Quadragesima die vomuit pauca biliosa. Judicata est perfecte libera a febre die octogesima.

Ægrotus sextus. Cleonactidem, qui supra Heracleum decumbebat, febris corripuit erroneo modo. Dolebat autem caput ab initio, & latus sin-

strum:

strum: & aliarum partium dolores aderant, lassatorum modo. Febres exacerbantur alias aliter inordinate. Sudores quandoque, quandoque non. Exacerbationes ut plurimum in iudicatoriis diebus magis accedebant. Circa vigesimam quartam summam manus dolebat. Vomuit biliosa, flava, satis multa: paulo post autem æruginosa. Ab omnibus allevatus est. Circa trigesimam sanguis ex utrisque naribus erumpere cœpit, atque hoc erroneo modo paulatim usque ad iudicationem. Non autem fastidiebat cibum, neque siticulosus erat per totum tempus, neque intomnis. Urinæ tenues, non decolores. Circa quadragesimam minxit subrubra, subsidentiam multam valde rubram habentia: allevatus est: post hæc autem urinæ varie, quandoque subsidentiam habebant, quandoque non. Sexagesima urinis subsidentia multa, & alba, & lævis. Remiserunt omnia: febres intermittebant. Urinæ tenues quidem, verum boni coloris. Septuagesima a febre liber permansit diebus decem. Octogesima riguit, febris acuta corripuit: multum sudavit. Urinis subsidentia rubra, lævis. Perfecite iudicatus est.

Ægrotus septimus. Metonem febris vehemens corripuit, lumborum gravitas dolorosa. Postridie ubi aquam bibisset satis multam, ab alvo probe prodiit. Tertia, capitis gravitas: secessus tenues, biliosi, subrubri. Quarta, omnia exacerbata sunt. Fluebat a dextra nare bis sanguis modicus. Noctem moleste tulit. Secessus similes tertiæ diei. Urinæ subnigræ, habebant quiddam in medio innatans, subnigrum, divulsam: non subsidebant. Quinta, effluxit ex sinistra nare sanguis largus, merus. Sudavit: iudica-

tus est. Post iudicationem intomnis, delirabat. Urinæ tenues, subnigræ. Capitis lotionibus usus est: dormivit: resipiscebat. Huic recidiva facta non est. Sed sanguis erupit sæpe etiam post iudicationem.

Ægrotus octavus. Erasimum qui habitabat circa Bootæ torrentem, febris vehemens corripuit post cœnam: nocte turbatus fuit: diem primam quiete, noctem laboriose transegit. Secunda, omnia exacerbata sunt, ad noctem deliravit. Tertia dolorose, multum deliravit. Quarta, molestissime, ad noctem nihil dormivit. Insomnia & ratiocinationes: deinde pejora, & magna, & periculosa, timor, molestia. Quinta, mane resipiscebat ac intelligebat omnia. Verum ad meridiem multum insanivit: continere se non potuit. Extremitates frigida, sublivida. Urinæ inconcoctæ. Circa solis occasum mortuus est. Huic febres perpetuo cum sudore: præcordia sublimia: distenti cum dolore. Urinæ nigræ habentes quædam in medio suspensæ innatantia rotunda, non subsidebant. Ab alvo stercora prodibant. Sitis perpetuo, non valde. Convulsiones multæ cum sudore, circa mortem.

Ægrotus nonus. Critoni in Thasso erecte obambulanti, pedis dolor fortis a magno digito cœpit. Decubuit eadem die horridus, anxius, parum subcalescens: nocte desipuit. Secunda die tumor laxus per totum pedem, & circa malleolum subrubens, cum distentione. Pustulæ nigræ: febris acuta: insanivit. Ab alvo vero mera, biliosa, satis multa prodibant. Mortuus est altera ab initio die.

Ægrotus decimus. Clazomenium, qui ad Phrynichidæ puteum decumbebat, febris vehemens corripuit. Dolebat autem caput, collum, lumbos ab

initio. Statim autem surditas. Somni non aderant. Febris acuta invasit. Præcordium elevabatur cum tumore: distentio non valde: lingua sicca. Quarta, ad noctem desipuit. Quinta, laboriose omnia exacerbata sunt. Circa undecimam parum remiserunt. Ab alvo vero ab initio & usque ad decimam-quartam, tenuia multa aquei coloris prodibant. Toleranter ea quæ ad secesum pertinent ferebat: postea alvus restitit. Urinæ perpetuo tenues quidem, verum boni coloris, & multa in medio suspensa habebant. divulsa: non subsidebant. Circa decimam sextam minxit paulo crassiora, habebant subsidentiam parvam, paululum alleviarunt, resipiscebat magis. Decimam septima rursus tenuia. Circa utrasque aures tubercula extiterunt cum dolore. Somni non aderant: delirabat. Circa crura dolebat. Vigesima, a febre liber iudicatus est: non sudavit: omnia intelligebat. Circa vigesimam septimam coxæ dextræ dolor fortis, cito quievit. Tubercula vero iuxta aures neque sedata sunt, neque suppurata, verum dolebant. Circa trigessimam primam profluvium alvi ex multis aquosis, cum ejusmodi quæ in dysenteria prodire solent. Urinas crassas mingebat. Tubercula circa aures sedata sunt. Circa quadragesimam oculum dextrum dolebat, obscurius videbat. Restitutus est.

Ægrotus undecimus. Dromeadæ uxorem, quæ filiam pepererat, & aliis omnibus secundum rationem factis, secunda die rigor corripuit: febris acuta. Cœpit autem prima die dolere circa præcordia, fastidiosa ac nauseabunda, horrida, anxia, & sequentibus non dormivit. Spiritus rarus, magnus, statim revulsus. Altera a rigore die, stercora ab alvo bene prodibant. Urinæ cras-

sæ, albæ, turbatæ: qualis fit ex his quæ subsiderunt; ubi multo tempore sita, fuerint conturbata: non subsidebant: nocte non dormivit. Tertia circa meridiem superriguit. Febris acuta. Urinæ similes: præcordii dolor, fastidiosa ac nauseabunda, nox molestæ, non dormivit. Sudavit per totum subfrigida. Statim autem rursus recalefacta est. Quarta die circa præcordia parum allevata est. Capitis gravitas cum dolore: in soporem incidit: parum de naribus stillavit: lingua sicca, siticulosa. Urinæ tenues, oleosæ: parum dormivit. Quinta, siticulosa, fastidiosa: urinæ similes: nihil ab alvo. Circa meridiem multum deliravit, & statim rursus parum resipiscebat: exurgens in soporem incidit: frigiditas parva: nocte dormivit: deliravit. Sexta mane superriguit: statim autem recalefacta est. Sudavit per totum. Extremitates frigidæ: deliravit. Spiritus magnus, rarus. Paulo post convulsiones a capite cœperunt. Statim mortua est.


Ægrotus duodecimus. Homo quidam calefactus cœnavit, & bibit amplius. Vomuit omnia noctu: febris acuta. Præcordii dextri dolor. Inflammatio submollis ex interna parte: noctem moleste tulit. Urinæ ab initio rubræ, crassæ, depositæ non subsidebant. Lingua sicca: non valde siticulosus. Quarta, febris acuta. Dolores omnium. Quinta, minxit læve, oleosum, multum: febris acuta. Sexta vesperi multum deliravit: nec dormivit. Septima omnia exacerbata sunt. Urinæ similes: sermones multi: continere se non potuit. Ab alvo cum irritatione prodierunt liquida turbata, cum lumbricis. Nox laboriosa. Mane riguit: febris acuta. Sudavit calidum: a febre liber esse visus est: non multum dormivit: a somno

no frigiditas, sputatio. Vesperis multum deliravit. Paulo post vomuit nigra, pauca, biliosa. Nona, frigiditas: multum delirabat: non dormivit. Decima, crura dolebat: omnia exacerbata sunt: deliravit. Undecima mortuus est.

Ægrotus decimus tertius. Mulierem, quæ decumbebat in littore, trimestri fœtu gravidam febris vehemens corripuit, statimque lumbos dolere cœpit. Tertia, dolor colli, capitis, juxta claviculam, & manum dexteram. Statim lingua voce destituta est: dextra manus resoluta est cum convulsione, velut his, qui aliqua siderantur parte, contingere solet. Delirabat penitus: noctem moleste tulit, non dormivit: alvus turbata est, ex biliosis, meris, paucis. Quarta die lingua voce soluta est. Convulsiones eorundem: dolores omnium permanebant. Juxta præcordia tumor cum dolore: non dormiebat: penitus delirabat: alvus turbata. Urinæ tenues, non boni coloris. Quinta, febris acuta: præcordii dolor: plane delirabat: secessus biliosi: ad noctem sudavit, a febre libera. Sexta resipiscebat: ab omnibus allevata est: verum circa fini-

stram claviculam dolor permanebat: fisticulosa. Urinæ tenues: non dormivit. Septima tremor: in soporem incidit: parum deliravit: dolores juxta claviculam, & sinistrum brachium permanserunt. Reliqua allevata sunt. Omnia intelligebat. Tres dies a febre libera mansit. Undecima reversa est, superripuit, febris vehemens corripuit. Circa decimamquartam vomuit biliosa, flava, satis multa: sudavit. A febre libera judicata est.

Ægrotus quartusdecimus. Melidiæ, quæ decumbebat juxta Junonis templum, capitis & colli, & pectoris dolor fortis cœpit. Statim autem febris acuta corripuit. Menses pauci apparebant. Dolores omnium horum continui. Sexta die, soporosa, anxia, horrida: rubor in maxilla: parum deliravit. Septima, sudavit: febris dimisit: dolores permanebant: rediit: somni pauci. Urinæ perpetuo boni coloris, verum tenues. Seccessus tenues, biliosi, mordaces, valde pauci, nigri, graveolentes prodibant. In urinis subsidentia alba, lævis. Sudavit. Judicata est perfecte undecima die.



H I P P O C R A T I S

P O P U L A R I U M

Liber secundus.

S E C T I O P R I M A.



ARUNCULI in Cranone æstivi: pluebat in ardoribus aqua larga. Contingebat hoc per totum, & maxime ab austro: & subnascabantur quidem in cute sanies: dum autem intro concipiebantur, calescebant, & pruritus inducebant: deinde pustulæ velut ab igne inustæ excitabantur: & sub cutem uri sibi videbantur, in ardoribus siccitatis. Febres plerumque citra sudorem. In his vero si minutæ imbris guttæ deciderint, magis sudatoria fiunt ab initio. At hæc difficiliora iudicatu manent, quam aliter. At tamen minus, si non propter hæc fuerint, sed propter morbi modum. Febres ardentes in æstivis magis fiunt, & in aliis temporibus: resiccantur autem magis æstate.

Autumno maxime ferinum, & oris ventriculi dolor, quamquam & ipse minus maleficus fuerit iplo morbo tali existente. Ascarides vesperi similiter huic: & illæ tunc infestant in die plerumque, non solum ideo quod magis affligunt, sed etiam ipsæ per se ipsas. In autumno acutissimi morbi & maxime lethales: & omnino similitudinem habent, eo quod vesperi exacerbantur: tanquam annus ipse habeat circuitum morborum. Quale est dies morbi, quale est vespertinum tempus ad exacerbationem. Tale est morbi, & uniuscujusque constitutionis inter se, ubi

non quid in superiori specie fuerit innovatum. Sin minus, alia sane constitutione hæc imperium obtinuerint. Quare etiam annus ad seipsum hoc modo se habet.

In quietis ac constantibus temporibus, & annis tempeste tempeste præsentibus, boni status & iudicatu facillimi morbi fiunt. In inconstantibus vero, inconstantes, & qui difficulter iudicantur: quum sane in Perintho defecerit aut abundaverit quid, ut aut venti sint, aut non venti: aut aquæ, aut siccitates: aut ardores, aut frigora. Ver autem omnino saluberrimum, ac minime lethale.

Circa principia morborum considerandum, an statim florent. Clarum autem hoc fit ex incremento. Incrementa vero ex circuitibus: & iudicationes quoque hinc manifestæ fiunt, itemque ex exacerbationibus in circuitibus, si citius accedant, aut non: & si diutius durent, aut non: & si magis affligant, aut non. Ex omnibus autem continuis aut intermittentibus, & diurnis, & vulneribus, & sputis, & doloribus. Itemque tuberculorum inflammationes, & quæcunque alia posterius apparent, fortassis autem & ex aliis communibus rebus, quæ quidem citius fiunt, breviora sunt: quæ vero tardius, longiora: quum etiam in circuitibus citiorem recessum, ac reliquum augmentum, morbus

bus neget . Nam & eorum qui statim pereunt , velociores sunt iudicationes , quoniam & dolores , & continui ac fortes . Quæ vero ad melius iudicant , non statim apparent .

Judicatoria non iudicantia , partim lethalia sunt , partim difficilis iudicationis . Quæ præiudicata sunt , si crude iudicata fuerint , recidivæ fiunt : sin minus , iudicationis impeditioes aut malæ iudicationes . Possunt etiam fieri perniciofa ea , quæ non parva sunt . Quæcunque iudicatoria signa fiunt , eadem hæc si non fiunt , difficilis sunt iudicationis . Quæ vero contraria significant , malum : non solum si recurrant , sed etiam primariæ naturæ contraria repentia . Quemadmodum etiam malorum signum ea , quæ ad contraria repunt . Considerare vero sic oportet , in cibus , compressionibus venarum , tumoribus præcordiorum , sursum vergentibus , deorsum vergentibus . Sed & multa sunt ejuscemodi , velut abortientium mammæ graciles fiunt , neque enim contrarium est . Neque tussis diuturnæ , quoniam ubi testis intumuit , cessant : & testis tumor a tussi cessat & allevatur : quæ res commonefacit nos communionis pectorum , mammarum , genituræ , vocis .

Abscessus aut per venas , aut per ossa , aut nervos , aut cutem , aut alias emotiones . Boni autem sunt qui infra morbum fiunt , velut varices , lumborum gravitates ex supernis . Optimi vero potissimum sunt inferni , & longissime infra ventrem , & remotissimi a morbo : & qui per effluxionem fiunt , velut sanguis e naribus , pus ex aure , sputum , urina , quæ per effluxionem fiunt . At abscessus quibus hæc non fiunt , sunt velut dentes , oculi , nasus , sudor . Sed & quæ sub cutem ab-

scedunt foras tubercula , velut putrescentia , & quæ suppurantur , aut ulcus , aut ejuscemodi pustulæ , aut squamæ , aut defluvium capillorum , vitiliginæ , lepræ , aut ejuscemodi , quæ abscessus sunt acervatim fluentes , & non semirepentes , & quæcunque alia dicta sunt : & si non pro rationis excretionis morbi dignitate fiant , velut Temeni nepti , ex morbo forti ad digitum decubuit , qui quum non sufficeret ad suscipiendum morbum , recurrit : mortua est . Abscessus aut per venas , aut per alvum , aut per nervos , aut per cutem , aut juxta ossa , aut secundum spinalem medullam , aut secundum alias effluxiones , os , pudendum , aures , ex utero menses . Iudicationes postridie fiunt , velut ad lumbos , aut ad femur , & ad testes . Quandoque ex tussi , & testis ipse a seipso . Tufficulosi abscessus , qui supra ventrem sunt , non similiter perfecte liberant . Sanguinis eruptiones largæ ex naribus plerumque liberant , velut Heragoræ , quod medici non animadverterunt .

Qui voces asperas natura habent , his etiam linguæ subasperæ sunt , & quæcunque asperitates a morbis similiter . Quæ igitur duræ sunt linguæ a natura , etiam sine morbo hoc habent . Molles vero tardiores sunt , & ad peccatum , & ad bonum , quam prior natura . Consideranda sunt etiam longa capita , ex vivendi ratione , & cervices longæ , ab inclinationibus : & venarum amplitudo & crassitudo , ab eadem , & angustia , ac latitudines , & brevitates , ac tenuitates , ex contrariis . Quorum venæ amplæ , & ventres , & ossa ampla , hi sunt qui tenues sunt . Pingues vero his contraria habent : & in his qui fame macerantur , mediocritates . Ab his consideranda ea sunt , quæ præpropere incre-

menta unicuique detrahunt, & quæ diminutiones adaugent: & ea quæ incrementa coadaugent, & quæ corroborant. Et quæ sint communes venarum dissectiones.

Pectinum ruptiones quæ quidem circa pubem fiunt, ut plurimum statim sunt innoxia. Quæ vero paululum supra umbilicum in dextra parte, hæ dolorosæ sunt & anxiosæ, & stercoris vomitum inducunt, velut etiam Pittaco accidit. Fiunt autem hæ, aut a plaga, aut vulsura, aut alterius insultu. Quibus id quod medium est inter abdomen & cutem inflatur, & non sedatur: color est velut qui multum pallidus est, & qui ex candicante pallet: quoniam omne huiusmodi ab hepate est, & ex hoc sunt hepatici in his morbi: & morbi regii ab hepate, ad subalbidum colorem vergunt: & qui ex aqua inter cutem, & ex pituita alba laborant. Qui vero a splene sunt, tum hydropes, tum morbi regii, nigriores sunt. Sed & ulcera quæ ægre perfanantur, exalbidorum sunt, qui fere lentis colorem referunt: & cutis diffringitur ac labia, velut Antiochus habuit & Aleuas, ab humoribus ex corpore sanguinoso, quod sub cute maxime, & a capite contingit, quum a pulmone fuerit calefactum. Occasiones unde quis ægrotare cœpit, considerare oportet, siue capitis sit dolor, siue auris, siue lateris. Signum autem sunt in quibusdam dentes, & in quibusdam inguinum tumores. Ulcera oborientia ac judicantia febres, & tubercula: quibus hæc non fiunt, judicatio sublata est. Quibus intus relinquuntur, certissimæ recidivæ ac celerrimæ. Crudos ac liquidos secessus, milium solidum in oleo coctum sistit. Exemplo est nautæ puer, & Myriochaune.

SECTIO SECUNDA.

Mulier cor, hoc est, os ventriculi dolebat, & nihil remittebat dolor. Huic polentæ pollen in mali punici succum inspersus, & semel in die acceptus in cibo satis fuit, & non revomebat, velut Charioni contigit. Mutationes profunt, si non ad prava mutantur, velut his qui a medicamentis vomunt febrium gratia. Fines in meraciora desinentes, putrefactionem significant, velut Dexippo.

Serapis ex liquida alvo intumuit. Pruritus autem haud scio quot diebus, non ultra. Habebat autem & abscessum quendam in lateris mollitudine, qui nigrefactus occidit.

Et Stymargi uxor ex ventris per paucos dies turbatione, ubi multum in sistendo laborasset, & post pueri sexus fœminei quadrimestris ex corruptione discessum sana facta esset, intumuit.

Moscho e calculo laboranti fortiter, in superna palpebra hordeolum obortum est, magis ad aurem: deinde intro exulceratum est. Quinta & sexta die ex internis pus erupit. Infernas affectiones solvit. Glandularum tumor ac inflammatio circa aurem erat, itemque inferne in collo, e directo superni tumoris.

Aristæi uxoris frater fatigatus in via incalescebat: deinde in tibia tumores fiebant terebinthi fructui similes. Postea febris continua fiebat, & postridie sudor factus est, & aliis paribus diebus semper idem fiebat. Adhuc autem febris tenebat. Erat autem sublie-nosus. Ex sinistra nare sanguis erumpebat frequenter & paulatim. Judicatus est. Postridie juxta sinistram aurem tumor. Sequenti die etiam circa dex-

dextram, sed hic minor: & insuper tepescebat. Hi evanuerunt, & non suppurati sunt.

Qui ab Alcibiade venit, ei ex febris modicis ante judicationem testis sinister intumuit. Habebat autem splenem magnum: & sane tunc iudicata est febris vigesima die: deinde alias atque alias subincalescebat, & subfloridum spuebat.

Cuidam manus dextra, & crus sinistrum, quum ex tussi parum & nihil memorabile ejecisset, siderationis modo resoluta sunt: alia vero nulla re alterata est, neque facie, neque mente: nec vero adeo fortiter illis partibus. Cœpit ad melius procedere circa vigesimam diem. Factum autem hoc est illi fere circa mensium eruptionem, & fortassis tunc primum apparebant. Erat enim virgo.

Apemantus & pater fabri illius qui caput fregit, & Nicostratus non extuffiebant quicquam. Erant autem alibi circa renes dolores. Interrogationes factæ sunt: dicebant ipsos semper repleri potu aut cibo.

Dolores fortissimos quo modo dignoverit quis conspiciat, fuga, tolerantia, experientia, & timiditates indicant. Aqua quæ cito calefcit, & cito frigescit, semper levior est. Cibi & potus experientia opus habent, an ad æqualitatem maneat. Dicendum quod ubi sanguis effluxit, expallescent, & quæcunque alia huiusmodi. Abortus masculus sexaginta dierum, in partuum suppressionibus salubris. Hercules intumescebat mali ipsius die octava. Magis ex dysenteria laborat, quisquis sane etiam e tenesmo vexatur. Quædam lactans pustulas per corpus ubique habebat. Postquam autem lactare cessavit, sedatæ sunt per æstatem.

Coriarii illius qui coriacea præparabat, uxori, quum peperisset & perfecte exoluta esset, visum est de secunda membranofum quiddam remanere: discessit autem quarta die male. Nam urinæ stillicidio vexabatur. Statim concipiens peperit masculum. Habebat autem jam multos annos, & postremum neque menses prodibant. Quando autem peperisset, urinæ stillicidium paululum intermittebat.

Quædam priusquam conciperet, coxam dolebat. Postquam autem concepit, non amplius dolebat. Ubi vero peperit, vigesima rursus doluit. Peperit igitur masculum. Prægnanti in tibia inferne dextera, tertio aut quarto mense pustulæ, ad quas manna thuris utimur, itemque in manu dextera iuxta magnum digitum: haud scio an peperit, reliqui enim ipsam semestrem: habitabat autem velut ego puto, in ædibus Archelai ad rupem.

Antigenis uxor habitabat iuxta Nicomachum, peperit puerum carnosum quidem, verum qui haberet maximas partes discretas, magnitudine vero esset quatuor digitorum, & sine ossibus: deinde crassus ac rotundus. Hæc autem anhelosa erat ante partum: deinde simul cum partu pus revomuit modicum, velut ex furunculo vocato tuberculo.

Quæ filia peperit gemellas, & difficulter peperit, & non valde purgata est, tota intumuit: deinde venter ipsi magnus fiebat. Reliqua vero reprimebantur: & rubicunda prodibant usque ad sextum mensem: deinde alba valde per omne jam tempus. Atque hæ fluxiones veneri officiebant, & mæra rubicunda ipsi profluebant.

In diuturnis intestinorum levitatibus ructus acidus oboriens, antea nunquam

quam factus, signum bonum, velut Demænetæ contingit, Fortassis autem licet etiam arte parare. Nam turbationes ejusmodi alterant. Fortassis autem & ructus acidi intestinorum lævitatem solvunt.

Sanata est veratri potione Lycia: postremum splen magnus, & dolores, & febris, & ad humerum dolores. Et vena quæ in splene est, in cubito secabatur: & saliebat quidem sæpe. Aliquando vero etiam non est facta, sed una cum sudore sanguis penetravit, aut sua sponte. Ex quo autem prodibat, splen dextera parte intendebatur, spiritus intus duplicabatur, non tamen magnus: mente movebatur, contegebatur, flatus inerat, non prodibat inferne quicquam, neque mingebat. Mortua est ante partum. Quæ circa fauces ad alterutram partem repentina processerunt, exulcerata non sunt, ad sinistra transiverunt, ad splenem dolor venit citra judicationem. Hieroni judicatio facta est decimaquinta die. Coi sorori hepar elevatum est splenico modo. Mortua est secunda die. Bion simul multum mingebat quod non subsidebat, & sanguis ex sinistra nare manabat. Erat enim & splen sursum in gibbum elevatus, ac durus: superstes mansit: recidiva.

Erant autem anginosorum affectiones hæ. Colli verticula intro vergebant, quibusdam amplius, quibusdam prope. Et collum forinsecus conspicuam cavitatem intro habebat, & hac parte ad contactum dolebat. Erat autem & cuidam infra os dentis appellatum, quod non similiter acutum est: quibusdam vero etiam valde rotundum, majore circumferentia. Si non cum dente appellato, fauces non inflammatae, yerum jacentes. Partes sub maxil-

la tumidæ, non inflammatis similes. Neque glandulæ ulli intumuerunt: sed magis secundum naturam: linguam non facile vertebant, ipsisque & major esse videbatur, & prominentior & sub lingua venæ conspicuæ: deglutire non poterant, aut valde difficulter. Immo ad nares fugiebat, si valde cogere: & per nares loquebantur. Spiritus autem his non valde sublimis. Quibusdam vero venæ in temporibus, & in capitibus ac cervice elevatæ. At recrudescens, ex his, parum quiddam tempora calida, etiamsi alias non febricitarent. Non suffocabantur pluri mi, nisi quum deglutire cupiebant, aut salivam, aut aliud quiddam. Neque oculi intus desidebant. Quibus igitur tumor erat rectus, nec in alteram partem vergebat, hi neque leniter sideratorum modo resolvebantur. An vero aliquem periisse viderim, in memoriam revocabo. Quos autem nunc novi, superstites manserunt, erant autem partim celerrime allevantia. Plurima vero ad quadraginta dies deveniebant: & in hoc plerumque etiam sine febre. Multi vero etiam ad valde longum tempus, partem aliquam tumoris habebant. Et deglutitio, & vox indicabat: & columellæ liquescentes significationem quandam pravam exhibebant, quamvis nullum gravius malum habere videbantur. Qui vero tumores ad alteram partem vergentes habebant, hi unde verticula inclinata fuerunt, isthic resolvebantur. Atque inde ad alteram partem distrahebantur. Erant autem hæc in facie maxime conspicua, & in ore & intersepto juxta gurgulionem. Sed & maxime inferne pro ratione immutabantur. Cæterum resolutiones leviter sideratorum modo, non per totum corpus fiebant, veluti

ex aliis, sed usque ad manum, ab anginosa affectione. Atque hi & matura exspuebant, eaque pauca ac difficulter. Quibus autem in rectum tumor tendebat, itidem exspuebant. Quibus vero etiam cum febre, hi multo magis & difficulter spirabant, & aliena loquebantur, & venæ his magis elevatae. Et pedes omnibus quidem frigidissimi erant, maxime autem his. Et hi ad erecte standum impotentiores erant. Et quidam non statim moriebantur. Quos autem ego novi, omnes mortui sunt.

SECTIO TERTIA.

In Perinthum circa solstitium febre æstivum venimus, facta autem est hyems clementi cælo, austrina. Ver & æstas valde sine aquis usque ad pleiadum occasum. Nam si etiam quid aquæ cecidisset, id erat velut minutæ roris guttæ. Et Etesiæ non valde spirarunt: & qui spirarunt, divulse id fecerunt. Æstate febres ardentibus populariter grassatae sunt multæ. Erant autem sine vomitu: & alvi turbatae ex tenuibus, aquosis, non biliosis, spumosis, multis, quæ aliquando deposita etiam subsidentiam habebant, ex quibus sane etiam id quod sub dio noctu exponebatur, simile erat. Æquales specie alvi secessus semper, malum. In his multi soporosi erant, & mente moti: hi vero ex somnis tales fiebant. Quum autem suscitati essent, omnia intelligebant. Spiritus sublimes, non tamen valde; urinæ tenues quidem plurimis & paucæ, alias autem non decolores. Sanguinis eruptiones e naribus fiebant, nisi paucis: neque parotides juxta aures, de quibus postea scribam: neque splenes attollebantur, neque dextrum

præcordium, neque dolorosum valde, neque fortiter intentum erat. Erat tamen quid quod judicationem faciebat. Et maxime judicabantur omnia plerumque circa decimam quartam diem, pauca cum sudore, pauca cum rigore: & valde paucis recidivæ fiebant. At vero sub minutas velut roris guttas quæ in æstate fiebant, apparebat sudor. In febricitantibus etiam quidam sudores statim ab initio fiebant, non tamen maligno modo: & quibusdam sub hoc tempus etiam judicatio facta est cum sudore. Fiebant autem in febribus æstivis, circa septimam, octavam, & nonam diem, aspritudines in cute miliaecæ, culicum morsibus maxime similes, non valde pruriginosæ. Hæ perseverabant usque ad judicationem. Nulli equidem masculo tales erupisse vidi. Mulier autem nulla mortua est, cui hæ fiebant. Et gravi auditu præditæ & soporosæ erant. Prius autem non valde soporosæ erant hæ, quibus illæ affuturæ essent. Non tamen in totum durabant. Verum soporosæ & somnolentæ erant per æstatem, & usque ad pleiadum occasum. Postea vero magis vigiliæ aderant. Sed neque in totum ab hac constitutione moriebantur. Alvum igitur per cibos sistere non dabatur, imo præter rationem putasset quis mæderi conducere, etiamsi minus multa quibusdam prodirent, per hoc quod in frigore quis jaceret strato supposito. Nam ulcerat quidem frigidum, calefacit autem ejusmodi species sensim progrediendo adhuc magis, etiamsi nulla afflictio naturæ accedat: & in quibus, & qualia signa, & plura aut pauciora contingant, oscitatio, tussis, sternutatio, distentio cum oscitatione, eructatio, flatus: omnia talia corrumpunt. Quibus in febribus anxiosis, hor.

horridis, rubescunt facies, lassitudines, oculorum dolores, capitis gravitates, resolutiones leviter sideratorum modo, & menses si apparuerint, maxime quibus primum, sed & virginibus & mulieribus, quibus per tempus: sed & quibus non in quo solet tempore, aut velut oportet apparent: deinde pallidæ fiunt. Magnum autem in omnibus, id quod & consequenter fit, & in quo tempore, & in quibus. Valde biliosis in febribus maxime, omnino quibusdam ad crura purgatio.

Medicamentorum modos scimus, ex quibus qualia, & quæ fiunt. Non enim omnes similiter, sed alii aliter componuntur. Et alibi citius, aut ferius, in manuum tractationes assumuntur, velut est aut siccare, aut tundere, aut coquere, & ejusmodi. Omitto plurima, quæ unicuique, & in quibus morbis, & quo tempore morbi, ætatem, speciem, victum, qualis hora anni, & quæ, & qualiter procedat, & hujuscemodi.

Zoilo juxta murum ex tussi matura, febris acuta, & faciei rubor, & alvus intercepta, præterquam ad necessitatem coactæ, lateris sinistri dolor, & auris e directo valde dolorosa, & caput non usque adeo. Spuens semper suppuratum ægrotabat. Sed alia judicata sunt, & juxta aurem pus multum erupit, circa octavam aut nonam diem. Principia vero noni diei ex dolore auris. Haud scio quomodo sine rigore judicatio facta est. Sudavit caput valde. Et hic sudor firmus erat, quod quidem ardor etiam sinistri lateris esset. Superne una cum aure dolor sedatus, maxime circa scapulas. Sed & ante sputa multa, ab initio florida rejecta, & circa septimam aut octavam diem. Deinde laboriosa. Alvus restitit

usque ad nonam & decimam diem. Dolor extinctus est. Tumor remittebat, & sudores fiebant parvi, non autem judicabant. Manifesta autem erant hæc tum ex aliis, tum ex secessu. Nam incipiente auris dolore, etiam venter turbatus est. Erupit autem ex aure nona die, & judicatus est morbus decima quarta sine rigore eadem die. Sed & sputum largius ibat, & maturius, postquam auris erupit. Sudores autem, & serpentina ulcuscula ad multum tempus, in capite fiebant. Resiccata sunt tertia die. Quæcunque sine signo judicationis judicatorio disparent, male judicata sunt, velut erysipelas ancillæ Polemarchi.

In glandularum tumoribus febres, malum, exceptis diariis. Et in febribus glandularum tumores, deteriores, qui in acutis ab initio vigorem remiserunt. Spiritus, præcordiis elevatio mollis, & intentio neutra, in ipsis superne rotundum, in dextris velut circumferentia suppuratoria, aliud longius magis, aliud diffusum, aliud deorsum repens, & hinc atque hinc distentio usque ad umbilicum. In omni sursum versus e directo latrone, si revocetur, & in rotunditatem concludatur, quatenus quidem spiritus fuerit, citra judicationem calore attenuatur. Si vero hunc effugerit, ad suppurationem procedit. Spiritus densi, parvi: magni, rari: parvi, rari: extra magnus, intra parvus, alius quidem extendens, alius vero urgens: dupla intro revocatio, velut superinspirantibus: calidus, frigidus. Medela assiduarum oscitationum spiratio longa. Non potantibus, & vix, spiratio brevis.

E directo etiam laterum intentio dolorosa, & præcordiorum intentiones, & splenis elevationes, e naribus eruptio.

tionem . Quæ relinquatur post iudicationem , recidivas facere solent . Primum itaque lienis elevationes , si non ad articulos finierint , sanguinis e naribus eruptio fit , aut præcordii dextri intentio , si non penetraverint urinæ . Hæc enim est interceptio utrorumque , & recidivæ horum merito fiunt . Abscessus igitur horum facere oportet si non fiant : eos vero qui jam fiunt declinare . Eos autem excipere , si prodierint jam , & qualia oportet , & qua parte oportet . Qui vero non valde , eos coadjuvare . Eos vero avertere , si omnino incommodi fuerint , maxime si hi affuturi sunt : sin minus , si jam veniunt . Quarta die , contingentes sanguinis e naribus eruptiones ægre iudicant . Febres quæ una die intermittentes , altera superrigent , una cum iudicatione , ad septimum circuitum durant .

Scopo ex mucosis , biliosis , & faucium inflammatione , malo victu uso alvus suppressa est , & febris acuta facta , & lingua florida , & vigil sine somno . Pectinis intentio fortiter , æqualiter , paulatim ad infernam partem in dextris . Spiritus subdensus præcordia dolebat , & respirans , & quum vertetur . Sine tussi vero exscreabat subcrassa . Peplus ipsi data , a præcordio quidem depulit , transivit autem nihil . Postridie glandes duæ appositæ non apparuerunt . Urina crassa & turbata . Subsidentia lævis & plana : & restitit alvus in turbulentia , venterque mollior erat . Et splen elevatus , & deorsum vergens factus est . Potu utebatur aceto mulso dulci , aut favorum cremore cocto . Decima sanguis ex sinistra nare aquosus paucus venit : non autem valde infirmus erat ob hoc ipsum : & urinæ subsidentiam habens . In subsidentia

vero subalbum quiddam adhærens vasi , tenue , neque genituræ simile , neque dissimile . Defluxit hoc brevi . Postridie iudicatus est , a febre liber , & subiit subvilcosum undecima die . Hoc vero circa defluxum erat quid biliosum . Urinæ vero purgatio multa , tum copia , tum subsidentia : & priusquam vinum bibere inciperet , fere pituitæ similis . Penetravit autem undecima die , ut quæ non esset multa . Viscosa vero erant stercora & turbata . Huiusmodi autem iudicatorio modo fiebat . Nam & Antigenis in Perintho tale erat . Quæ circa linguas elevantur collectiones , & humiles calculi , & quæ podagricis fiunt , circa debiles illorum articulos sunt . Nam ossium natura causa est , ut hæc & indurentur , & distendantur .

Collectio Hippostrati uxori ex quartana annua ad fastigium elevata , quum subfrigida palam esse videretur , impetus in totum corpus factus est , & sudor : iudicata est hoc modo : & postea menses plures copia & tempore . Tunc enim suppressi fuerant . Abscessus non consistere vilus est . In pulsantibus sanguinem fundentibus figura ampla , & in totum si ex omnino declivi acclive fiat . Quapropter etiam deligationes in venarum sectionibus impetum faciunt : fortes vero sanguinem impediunt . Sanguineum & subbiliosum , ructum acidum facit . Fortassis autem ad atræ bilis morbum his desinet . Rigores incipiunt mulieribus quidem magis a lumbis , per dorsum ad caput . Sed & viris posteriore corporis parte magis quam anteriore , velut cubitis , femoribus . Sed & cutis rara . Indicat autem pilus animantium .

Quibus nihil intra constitutum tempus accidit , singulis partus vitales fiunt . Apparentia in quibus mensibus fiunt .

Labo-

Labores in circuitibus. Quicquid in septuaginta movetur, in triplicitatibus perficitur. Post menses, dextera & sinistra hiant. Humiditas per prodeuntia, requirit diætam siccissimam. Quod citius motum est ac discretum, rursus augetur etiam tardius, & ad longius tempus. Labores, circa quinquagesimum tertium diem, & circa centesimum sextum. Labores tertio, quinto, septimo, nono mense, & secundo, ac quarto. Quæ nosse oportet ad septimum mensem, aut a mensium fluxu numerandi sunt novem menses, aut a conceptione: & ad septuaginta ac ducentos dies Græci menses fiunt: & si quid amplius ultra hos est, & aut masculis, aut etiam fœmellis, hæc fiunt, aut contraria. A cibis & potibus humeri ac mammæ inflantur: & impotentia, & inflationes in capite, incrementa faciunt, donec ossa fuerint solida facta. Menstruarum purgationum circuitus est. Quæ ante has fiunt gravitates, similes sunt laboribus octimestribus. Primipararum lac, alimento quidem transmutationem accipiente, octimestri vero perficiente. Menstruæ purgationes similes octimestribus, intenduntur ad decimum mensem contingentes, malum.

Si in vulneribus fortibus, tumor non appareat magnus, malum. Laxi, bonum: sursum pascentes, pejus. Quibus tumores in ulceribus, non valde convelluntur, neque insaniant. His autem derepente dissipatis, quibus quidem ad posteriores partes, convulsiones cum doloribus, quibus autem ad anteriores, aut insaniam, aut dolores lateris acuti, & dysenteria rubra. Tumores præter rationem allevantes, pravum: velut Andronici filio erysipelas recurrit: si non ad eundem locum rediens, bonum

quid significet. Hoc ex nativitate circa aurem, ad pubem distributum est. Alteri tertia, ex nativitate die factum suppuratum est nona. Hic septima die sanus evasit. Maligniora sunt quæ de repente disparent.

SECTIO QUARTA.

De Venis.

Hepatitis in lumbis usque ad magnum verticulum, inferne etiam verticulis se ingerit: hinc sublevata per hepar, & per septum transversum ad cor: & quæ quidem recta est, ad claviculas: hinc aliæ quidem ad collum, aliæ vero ad scapulas, aliæ deorsum deflectentes, ad verticula & costas declinant. Et ex sinistris quidem, una prope claviculas: ex dextris vero ad quandam ipsarum locum. Alia vero utrinque deflexa. Alia paulo inferius deflexa, ubi quidem illa deficit, costis se ingerit, donec ad venam in ipsum cor accesserit, ad sinistras deflexa. Infra autem decurvata ad vertebrae descendit donec perveniat, & inde incipit elevari, ingerens se costis reliquis omnibus, hinc atque hinc singulis ramulos præbens, quum sit una: a corde quidem ad locum quandam a sinistris magis procedens: deinde infra arteriam, donec consumpta fuerit, & venerit eo unde hepatitis sublevata est. Priusquam autem eo venit, circa extremas duas costas divisa est, & partim ab hac, partim ab illa verticulorum parte progressa consumitur. Quæ vero recta a corde ad claviculam tendit, supra arteriam est: & ab hac, velut etiam juxta lumbos infra arteriam, ad hepar insilit, partim in portas & pinnas, partim in reliquum deinceps procedit paulo infra septum

septum transversum. Septum autem transversum adhæret hepatis, neque facile est ipsum separare. Duplices porro venæ a claviculis, alteræ hinc, alteræ isthinc, sub pectus ad pectinem procedunt: quo vero hinc, nondum scio. At septum transversum infra juxta verticulum, quod est infra costas, qua renes ex arteria, ea parte consurgunt. Verum arteriæ ex ipso rene oriuntur, hinc atque hinc ab arteria nervum habentes. Atque hac parte alicubi in recurrente a corde Hepatitis desinit. Cæterum ab hepatide per septum transversum maximæ duæ, altera hinc, altera isthinc, sublimes feruntur, multifidæque per septum sunt, & circa ipsum consistunt in superna parte, atque hæ magis sunt conspicuæ. Duo vero nervi a cerebro sub os magni verticuli, ex supernis & ad gulam magis ab utraque arteriæ parte descendunt, & uterque in seipsum incidens, uni similis, ubi verticula & septum sunt, ibi desinunt: & quidam ambigui, ex hac societate ad hepar & splenem ipsos tendere putaverunt. Alius nervus ab utraque verticulorum, & ad costas distribuitur: & quemadmodum venæ, sic hi per septum, ad mesenterium mihi tendere videntur. Ubi autem hæ deficiunt, rursus hinc ubi septum exoritur, ab eo cohærentes ac continui existentes, juxta medium infra arteriam, deinceps ad verticula distribuuntur, quemadmodum venæ, donec ad sacrum os progressi consumuntur.

In Æno ex assiduo leguminum esu, scemina & masculi crurum impotentes facti sunt, ac vitam degerunt. Sed & his qui ervo vescuntur, genua dolent. Diligentia adhibenda est ut excandescencia inducatur, & coloris reparandi, & sanguinis in vasa subter cuticulam col-

ligendi gratia: itemque læticia, & timor, & hujusmodi: & siquidem reliquum corpus simul ægrotarit, simul curare: sin minus, satis est.

Stymargi famula Idumæa erat, quæ ubi filiam peperisset, conversum est ei uteri osculum, & dolor ad coxam & crus. Juxta malleolum secta vena liberata est, & quidem quum etiam tremores totum corpus detinerent. Verum ad causam devenire oportet, & ad causæ principium.

SECTIO QUINTA.

Naturæ indiciorum notio.

Quicumque fulvi, naso acuto, oculis parvis, mali. Quicumque fulvi, simi, oculis magnis, boni. Hydropici rivos oculos habent, & calvi sunt. Vocis gracilitatem solvit varix, ad sinistrum & dextrum testem: absque horum altero fieri non potest ut solvatur. Magni, calvi, balbi, gracili voce præditi, boni. Morbos autem habent, balbus, aut calvus, aut gracili voce præditus, aut hirsutus, fortiter atrabilarios. Qui lingua offendunt, & labiorum non sunt potentes, eos necesse est dum illa solvuntur, suppuratos fieri. Dolorem in locis infernis fortem, surditas solvit, itemque sanguis multus ex naribus erumpens. Inlania, magni morbi ex more contingentis solutio. Si puerperis convulsio fiat, febrem excitato: & cerato multo tepido in vesicam immisso, ac per clysterem infuso colluito. Si capitis os contractum fuerit, lac, & vinum ammixta aquæ pari mensura, bibenda dato. Si vero ulcus fuerit, internas venas secato, si non febricitet. Si autem desipiat, caput irrigato, si non præcordia fuerint

Si ele-

elevata. Si caput doluerit, ad pectus descendit: deinde ad præcordia, postea ad coxam: omnia vero ut doleant, fieri non potest. Ventositatem flatuosam venæ sectione fluxionem pharmaco illito sistito. Fluxus enim ex vena magna est. Si vero sua sponte multum fluat, jejuret: aut aquæ partes duas, lactis quatuor bibat. Infœcundas fomentis ac medicamentis curato.

Quicumque derepente voce destituuntur, si sine febre fuerint, ipsis venam secato. Pituitæ fluxiones ex mammis trahunt oculi, & eructant per nares ad pulmonem. Quibus tussis sicca est, his non solvitur, nisi dolor fortis ad coxas, aut ad crura, aut ad testem irruat. Si hydropicum tussis corripit, siquidem statim animo linquatur, calidis omnibus utatur: sin minus, inebriato, ac cibis ipsum impleto. Venas autem internas secato, dum morbus magnus in intentione est. Solutio coxarum doloris, oculorum distortiones, cæcitas: testium tumoris, mammarum elevatio. Si febre tenente, partes circa faciem graciles fuerint, in die impari, sequenti die solvetur. Hydropicus si tumorem in cruribus habens tussit, malum. Si auris doleat, lacte utatur. Si non in die impari febris dimittat, recidivare necesse est. Cui vena in cubito pulsarit, insanus & iracundus est: cui vero quieverit, stupidus. Vulnus si sanguinem fundat, ulcus ne madefacito, verum caput calida rigato. Si os ventriculi doleat, panem calidum cum vino meraco exhibeto. Vomitus solutio: aquam calidam bibendam dato, & vomat. Quæcunque corrupta torpescunt, evulsa vena ulcerato, ac sanato. In convulsione digitorum manus citra febrem, venam secato, si non caput doleat: sin minus, aquam

calidam affundito. Ad oculos. Spodii partem duodecimam, croci quintam, nuclei olivæ unam, cerulæ unam, myrrhæ unam. Aquam frigidam super caput fundito: & allia cum maza edenda dato. Varices calvorum si non magni fuerint, furiosi sunt. Ad vitiliginem & lepram. Calcem in aqua adhibeto, ut ne exulceres. Secundarum purgatio, si non discedant. Sternutatorium ad nares apponito, ut sternutat: & sternutantis nares ac os apprehendito.

S E C T I O S E X T A .

Naturæ indiciorum notio .

Caput magnum, oculi parvi, balbi, iracundi sunt. Qui longæ vitæ sunt, plures dentes habent. Balbi, celeri lingua præditi, atræ bilis humori obnoxii, biliosique sunt, oculis non niectantes, iracundi. Magnum caput, oculi nigri & magni, nasum crassum & simum habentes. Oculi ravi, magni, caput magnum, cervix tenuis, pectora angusta, congrue adaptati hominis sunt. Caput parvum habens, neque balbus esse poterit, neque calvus, nisi fuerit glaucus. In convulsionibus si vox in die impari solvitur, a magno morbo liberat. Puerperæ febricitanti & dolenti aquam affundito, & ptisanam crassam ter in die calidam dato. Puer nutritur septimo mense, aut nono, aut decimo, & voce firmatur, & robur sequitur, & manibus validus fit. Dum vox solvitur, omnia solvuntur. Solutio enim similis est voci. Solvitur autem in die impari. Si venæ pulsaverint in manibus, & facies sana ac robusta fuerit, & præcordia non fuerint mollia, diuturnus fit morbus, qui sine convulsione non solvitur, aut sanguinis mul-

multi ex naribus eruptione , aut dolore ad coxas . In gutturis dolore , aquam calidam super caput fundito , si non frigus fuerit . Sin minus , farinam quam calidissimam dato , & vinum meracum .

In turbatione ventris , fabas coctas dato , si non supernæ partes abunde fuerint biliosæ . Aut cuminum cum fabis edendum dato . Nitrum autem ægyptium , & coriandrum , ac cuminum cum oleo terito , & ventri illinito . At interceptio morbi fieri non poterit , nisi in die impari . Neque principium fieri poterit , nisi in die pari , itemque mense ac anno pari . Qui moriuntur , eos necesse est die impari , & mense impari , & anno impari mori . Bonum autem fuerit prædicere mortem , aut dolores fortes . Quorum oculi robusti non sunt , his mors brevi imminet . Si vero in impari anno fiat , ab utrisque impares fieri necesse est . Si autem in anno pari & die pari , necessarium est in impari die mori . Ex numero tertia fortissima est . Anginam & lippitudinem solvit venæ sectio . Vulnerato intestino , respiratio prodit inferne inconspicua juxta vulnus , & evacuantur pectora . Dato igitur lac & vinum , pari aquæ mensura ammixta . Quorum pectora bilem generant , balbi , furiosi , & calvi sunt . Quicumque horum ex nativitate etiam strabones , hi imprudentes sunt , aut calculosi , aut insanientes . Quibus autem non , alterius mali solutio fit . Circa naturam plurimam vim habet mamma dextera , oculus dexter , & quæ infra sunt hac parte . Nam & masculi dextris inhærent . Mulieribus mentes ut sistas , cucurbitam maximam ad mammam affigas . Trimestris puer omnia præ se fert , & lac tunc habet . Si multum fluat lac , necesse est sætun debilem esse . Si solidiores fuerint mam-

mæ , sanior est fœtus . Vena crassa est in utraque mamma : quapropter maximam habet prudentiæ partem . Urinæ stillicidium solvit venæ sectio . Si superni loci turgent qui sunt circa caput , ulcerum purgatio , vomitus , sudor .

A ventris turbatione , aut a tussi , si cancer fiat , os amarescit . Dato autem elaterium bibendum bis aut ter , si non balbus fuerit . Deligare vero oportet florem æris ustum , donec fulvus evaserit , & spongiam , si non balbus fuerit . In anxietate , horrore , oscitatione , dato vinum pari aquæ mensura ammixta . Ad auris dolorem cucurbitam affigito . Quicquid supernarum partium doluerit , dolor ad coxas , aut ad genua , & anhelatio oboriens , omnia hæc solvit . In volvulo molli , frigidum vinum multum meracum pro ratione dato , donec somnus , aut crurum dolor fiat . Solvit autem & febris , & dysenteria citra dolorem . Si præcordia distenta fuerint , manu comprimito ac lavato . Ad paronychia unguium abscessum , galla nigra cum melle . Aqua secedente , lactis heminas octo bibendas dato . Si vero vomat , & non bibat , allii aut cepearum intritum dato . Ut mulier in utero concipiat , polypos parvos super flamma calidissima assatos , & fere semiambustos , edendos dato . Et nitrum ægyptium tritum , coriandrumque ac cuminum , in pastillos efformato , in pudendumque subdito . Si ex crapula caput doleat , vini meraci heminam bibat . Si vero aliter caput doleat , panem quam calidissimum cum vino meraco edat . Si hominem calor corripiat , non a bile , neque a pituita , sed aut a lassitudine , aut alias febricit , aquam multam calefacito : deinde ea superinfusa caput rigato , donec pedes sudarint : & farinam crassissimam

coquito. Postquam autem pedes sudarint: farinam plurimam & calidissimam edens, ac vinum meracum insuper bibens, vestimentis contactus facile quie-

scat. Aut narcissi duo aut tria capita in cœna edat. Qui insania corripietur, ei hoc signum prælagit, sanguis colligitur ipsi ad mammas.

H I P P O C R A T I S

P O P U L A R I U M

Liber tertius.

S E C T I O P R I M A.



ÆGROTUS primus. Pythion qui habitabat juxta Telluris templum. Cœpit tremor a manibus prima die, febris acuta, delirium. Secunda, omnia exacerbata sunt. Tertia, eadem. Quarta ab alvo pauca, mera, biliosa prodierunt. Quinta omnia exacerbata sunt: tremores perseverabant, somni tenues, alvus restitit. Sexta, sputa varia, subrubra. Septima, os distractum est. Octava, omnia exacerbata sunt. Tremores perseverabant. Urinæ ab initio quidem, & usque ad octavam tenues, decolores, in medio pendens nubilosum quiddam habebant. Decima, sudavit. Sputa aliquantulum matura, judicatus est: & urinæ subtenuis circa judicationem. Post judicationem vero, quadraginta diebus postea suppuratione circa sedem, & abscessus factus est cum urinæ stillicidio. P. M. V. Q. S. hoc est, Probabile multitudine urinæ quadragesima sanatum.

Ægrotus secundus. Hermocraten qui ad novum murum decumbebat, febris vehemens corripuit. Cœpit autem dolere caput, lumbos. Præcordii distentio molliter. Lingua ab initio adusta est. Surditas statim; somni non ade-

rant. Siticulosus non valde. Urinæ crassæ rubræ, depositæ non subsidebant. Ab alvo vero non pauca combusta prodibant. Quinta, minxit urinas tenues, habebant quid in medio pendens, non subsidebant. Ad noctem mente motus est. Sexta, morbo regio correptus est: omnia exacerbata sunt: non resipiscebant. Septima, molesta fuit. Urinæ tenues similes, similiter etiam sequentibus diebus. Circa undecimam omnia visa sunt allevata esse. Sopor cœpit. Urinæ crassæ subrubræ, infra tenues, non subsidebant. Placide resipiscebat. Decimaquarta a febre liber, non sudavit: dormivit, intelligebat omnia. Urinæ consimiles. Circa decimam septimam rediit, calefactus est sequentibus diebus febris acuta. Urinæ tenues. Rursus autem vigesima die judicatus est, a febre liber, non sudavit. Cibum fastidiebat per totum tempus: resipiscebat, loqui non poterat, lingua arida: non sitiebat: dormiebat soporosus. Circa vigesimam quartam calefactus est: alvus lubrica multis tenuibus fluens: & sequentibus diebus febris acuta: lingua combusta est. Septima & vigesima mortuus est. Huic surditas perpetuo perseverabat. Urinæ crassæ & rubræ non sub-

subdentes: aut tenues decolores, & in medio quid pendens habentes: gustare autem non poterat. P. S. S. V. S. M. hoc est, Probabile secessibus suppressis vigesima septima mortuum.

Ægrotus tertius. Qui in Dealcis horto decumbebat, capitis gravitatem, & tempus dextrum dolorosum habebat multo tempore. Cum occasione vero febris corripuit, decubuit. Secunda die ex sinistra nare modicus merus sanguis fluxit. Ab alvo stercora probe prodierunt. Urinæ tenues, variæ, in medio pendens quiddam habentes minutim dispersum, velut farinæ crassiores, & genituræ similes. Tertia, febris acuta, secessus nigri, tenues, spumosi, subsidentia secessibus livida: somno graviore aliquantulum premebatur, molestè surgebat. Urinis subsidentia livida, subviscosa. Quarta, vomuit biliosa, flava, pauca, paulo post æruginosa. De sinistra nare modicus merus sanguis fluxit. Secessus similes. Urinæ similes: sudavit circa caput & claviculam: splen elevatus est: femoris dolor e directo. Præcordii dextri distentio submollis: nocte non dormivit: parum mente motus est. Quinta, secessus plures, nigri, spumosi, subsidentia secessibus nigra: nocte non dormivit: mente motus est. Sexta die, secessus nigri, pingues, viscosi, graveolentes: dormivit, intelligebat magis. Septima, lingua sicca, siticulosus, non dormivit, mente motus est. Urinæ tenues, non boni coloris. Octava, secessus nigri, pauci, compacti: dormivit: intelligebat: siticulosus non valde. Nona riguit: febris acuta: sudavit: frigiditas: mente motus est: dextro oculo distortus est: lingua arida, siticulosus, insomnis. Decima circa eadem. Undecima, intelligebat per totum omnia, a febre liber: sudavit:

urinæ tenues circa judicationem. Duobus a febre liber fuit, decimaquarta rediit. Statim autem nocte non dormivit: penitus mente motus est. Decimaquinta urina turbata, qualis ex his quæ subsiderunt fit, quum fuerint agitata: febris acuta: penitus mente motus est: non dormivit: genua & tibias dolorosa habebat: ab alvo subdita glande, stercora nigra prodierunt. Decimasexta urinæ tenues, habebant quid in medio vehens nubilosum: mente motus est. Decimasseptima mane extremitates frigida: contegebatur: febris acuta: sudavit per totum: allevatus est: intelligebat magis: non a febre liber, siticulosus. Vomuit biliosa, flava, pauca. Ab alvo stercora prodierunt paulo post nigra, pauca, tenuia. Urinæ tenues, non boni coloris. Decimaoctava non resipiscebat: soporosus. Decimanona per eadem. Vigesima dormivit, omnia intelligebat: a febre liber: non sitiebat. Vigesima prima parum mente motus est: paululum sitiebat: præcordii dolor, & circa umbilicum palpitatio perpetuo. Vigesimaquarta urinis subsidentia: intelligebat omnia. Vigimasseptima coxæ dextræ dolor. Urinæ tenues, & subsidentiam habebant: in reliquis commodissime habebat. Circa vigesimanonam oculi dextri dolor: urinæ tenues. Quadragesima egressit pituitosa, alba, aliquanto plura: multum sudavit per totum: perfecte judicatus est.

SECTIO SECUNDA.

Ægrotus quartus. In Thaso Philistes caput multo tempore dolebat: & quandoque etiam aliquanto graviore somno pressus decubuit. Quum autem ex potationibus febres continuæ obor-

tæ essent, dolor exacerbatus est: nocte excalefactus est primum. Prima die vomuit biliosa, pauca, flava primum, postea vero plus æruginosa. Ab alvo autem stercora prodibant: noctem habuit molestam. Secunda die, surditas: febris acuta: præcordium dextrum distentum est, declinavit ad internas partes. Urinæ tenues, pellucidæ, habebant quiddam in medio pendens generaturæ simile. Parum insanivit circa meridiem. Tertiam diem molestam habuit. Quarta convulsiones: exacerbata sunt omnia. Quinta mane mortuus est.

Ægrotus quintus. Chæriionem qui decumbebat apud Demænetum, ex potu febris corripuit. Statim autem capitis gravitas dolorosa: non dormivit: alvus turbata ex tenuibus biliosis. Tertia die febris acuta: capitis tremor, maxime autem labii inferni: paulo post rigor, convulsiones: penitus mente motus est. Noctem moleste tulit. Quarta, per quietem, parum dormivit: parum deliravit. Quinta, laboriose omnia exacerbata sunt: delirium: noctem moleste tulit, non dormivit. Sexta, per eadem. Septima, supererriguit: febris acuta, sudavit per totum: judicatus est. Huic perpetuo ab alvo secessus biliosi, pauci, meri. Urinæ tenues, boni coloris, in medio nubilosum quiddam pendens habentes. Circa octavam minxit urinas melioris coloris, habentes subsidentiam albam, paucam: resipiscebat: febris intermisit. Nona, rediit. Circa decimam quartam febris acuta: sudavit. Decimasexta vomuit biliosa, flava, satis multa. Decimasseptima supererriguit: febris acuta: sudavit: a febre liber, judicatus est. Urinæ post recidivam & judicationem, melioris coloris, subsidentiam habentes.

Neque mente motus est in recidiva. Decima octava parum calecebat: insuper sitiebat. Urinæ tenues, quod in medio pendebat nubilosum erat: parum mente motus est. Circa decimam nonam a febre liber, collum dolorosum habebat. Urinis subsidentia: perfecte judicatus est vigesima. P. M. P. V. V. S. hoc est, Probabile multitudine biliosarum urinarum vigesima sanatum.

Ægrotus sextus. Euryanactis filiam virginem febris corripuit. Erat autem sine siti perpetuo, nihil ad gustandum admittebat. Ab alvo pauca prodibant. Urinæ tenues, paucæ, non boni coloris. Incipiente autem febre, circa sedem dolebat. Sexta die, a febre libera, non sudavit: judicata est. Quod vero circa sedem erat, parum suppuratum est: erupit una cum judicatione. Post judicationem septima die, riguit, parum incaluit, sudavit: post judicationem octava die, riguit non multum: postea vero extremitates frigidæ semper. Circa decimam post factum sudorem, mente mota est: & rursus brevi resipiscebat. Dicebant autem ex gustato botro ipsam hæc pati. Die vero una intermissa, rursus duodecima multum delirabat: alvus turbata est ex biliosis, paucis, meris, tenuibus, mordacibus: frequenter surgebat. Die septima ab ea qua mente mota fuit, mortua est. Hæc incipiente morbo fauces dolebat: & perpetuo ruborem habebat: & gurgulio revulsus: fluxiones multæ, parvæ, tenues, acres. Tussiebat, maturum nihil educebat. Omnes cibos per totum tempus fastidiebat, neque ullum aliquem appetivit: sine siti erat: neque quicquam memorabile bibit. Tacens nihil loquebatur. Tristitia desperata rursus corripiebat. Erat au-

autem & innata quædam tabes.

Ægrotus septimus. Anginosa illa quæ apud Aristonem erat, primum a lingua cœpit. Vox non clara, lingua rubra resiccata fuit. Prima die, horrida, incaluit. Tertia, rigor, febris acuta, tumor subruher, durus, colli & pectoris ex utraque parte: extremitates frigida, livida. Spiritus sublimis: potus per nares fundebatur, deglutire non poterat: alvi secessus & urinæ suppressa erant. Quarta, omnia exacerbata sunt. Mortua est anginosa. P. S. S. Q. M. hoc est, Probabile, secessibus suppressis quinta mortuam.

Ægrotus octavus. Adolescentem, qui decumbebat in Mendacium foro, febris corripuit, ex lassitudinibus, & laboribus, ac cursibus insolitis. Prima die, alvus turbata ex biliosis, tenuibus, multis. Urinæ tenues subnigræ: non dormivit: siticulosus. Secunda, omnia exacerbata sunt. Secessus plures, intempestiviores: non dormivit. Mens turbata: parum sudavit. Tertia, moleste habuit: siticulosus, anxius: multa jactatio: desperatio: mente motus est. Extremitates livida ac frigida, præcordii intensio, submollis utrinque. Quarta, non dormivit. Malum in pejus procedebat. Septima, mortuus est. Ætate circa vigesimum annum erat. P. N. S. M. hoc est, Probabile, novationibus septima mortuum.

Ægrotus nonus. Quæ apud Tifamenum decumbebat mulier, ei voluosa moleste procedebant: vomitus multi: potum continere non poterat. Dolores circa præcordia. Et in infernis partibus juxta ventrem dolores, tormina continua, non siticulosa: incalescebat. Extremitates frigida perpetuo: anxia: insomnis. Urinæ paucæ, tenues: secessus crudi, tenues, pauci:

prodesse non amplius quicquam poterat. Mortua est.

Ægrotus decimus. Mulierem ex his quæ apud Pantimedem degebant, ex abortu infantis prima die, febris corripuit. Lingua arida: siticulosa, anxia, insomnis. Alvus turbata ex tenuibus, multis, crudis. Secunda die, superriquit: febris acuta: ab alvo prodiere multa: non dormivit. Tertia die, dolores majores. Quarta, mente mota est. Septima, mortua est. Alvus semper lubrica, ex secessibus multis, tenuibus, crudis. Urinæ paucæ, tenues: febris ardens.

Ægrotus undecimus. Alteram ex abortu circa quintum mensem, febris corripuit. Ab initio soporosa erat: & rursus insomnis: lumborum dolor: capitis gravitas. Secunda, alvus turbata est paucis, tenuibus, meracis primum. Tertia, plura, deteriora: nocte non dormivit. Quarta, mente mota est. Timores, tristitiæ: dexter oculus distortus est: sudavit circa caput sudorem modicum, frigidum: extremitates frigida. Quinta, omnia exacerbata sunt: multum delirabat: & rursus brevi resipiscebat. Sitis: insomnis. Ab alvo multa, intempestiva, perpetuo prodibant. Urinæ paucæ, tenues, subnigræ. Extremitates frigida, sublivida. Sexta, per eadem. Septima, mortua est phrenitide.

Ægrotus duodecimus. Mulierem, quæ decumbebat in Mendacium foro, primum tunc enixam dolorose masculum, febris corripuit. Statim ab initio siticulosa, anxia, cor dolebat: lingua arida: venter turbatus est tenuibus, paucis: non dormivit. Secunda die, parum riguit, febris acuta: parum circa caput sudavit frigidum. Tertia, laboriose ab alvo cruda, tenuia, multa pro-

prodierunt. Quarta, riguit. Omnia exacerbata sunt. Insomnis. Quinta, laboriose tulit. Sexta, per eadem. Ab alvo vero prodierunt liquida, multa. Septima, riguit: febris acuta, sitis multa: jactatio. Circa vesperam frigidum sudorem per totum sudavit: frigiditas: extremitates frigidae, non amplius recalescebant: & rursus ad noctem riguit. Extremæ partes non recalescebant, non dormivit, parum mente mota est, & rursus brevi resipuit. Octava, circa meridiem recalescens est. Siticulosa, soporosa, fastidiosa ac nauseabunda. Vomuit biliosa, pauca, subflava. Noctem moleste tulit, non dormivit. Urinam minxit multam acervatam inficiâ. Noctem remiserunt omnia: soporosa. Ad vesperam parum riguit. Vomuit pauca, biliosa. Decima, rigor, febris exacerbata est, nihil dormivit. Mane multam urinam subsidentiam habentem minxit, extremitates recalescens sunt. Undecima, vomuit virosa, biliosa. Non ita longe postea superriguit, & rursus extremitates frigidae. Ad vesperam sudor, rigor. Vomuit multum, noctem laboriose transegit. Duodecima vomuit multa, nigra, graveolentia: singultus multus, sitis laboriosa. Decimatertia nigra, graveolentia: multa vomuit: rigor, circa meridiem voce destituta. Decimaquarta, sanguis per nares. Mortua est. Huic perpetuo alvus lubrica, horrida. Ætas circa annum decimumseptimum.

SECTIO TERTIA.

Constitutio temporis pestilens. Annus austrinus, pluvius. Venti perpetuo quiescentes. Quum squalores fuissent superioribus temporibus ad annum, in austrinis circa arcturum aquæ multæ. Autumnus, umbrosus, nubilus: aqua-

rum copia. Hyems austrina, humida, mollis. Post solstitium longe postea, prope æquinoctium feræ hyemes. Et jam circa æquinoctium aquilonares venti nivosi non multo tempore. Ver rursus austrinum, sine ventis. Aquæ multæ perpetuo usque ad canem. Æstas serena, calida: æstus magni. Etesiarum dispersum spirarunt. Rursus circa arcturum in aquilonaribus aquæ multæ. Quum autem esset annus austrinus, humidus, & mollis, per hyemem quidem sani degebant, exceptis tabidis, de quibus scribetur.

Ante ver autem simul cum orientibus frigoribus, sacri ignes multi, quibusdam cum occasione, quibusdam non, atque hi maligni multos peremerunt. Multi fauces doluerunt. Voces vitiatæ: febres ardentes, phrenitici: ora ulcere fervido affecta, in pudendis tubercula. Lippitudines: carbunculi: alvi turbatæ: ciborum fastidia. Aliqui siticulosi, aliqui non. Urinæ turbatæ, multæ, malæ. Diu soporosi, & rursus insomnes. Multæ judicationes penitus interceptæ: quædam ægre contingentes. Hydropes: tabidi multi. Atque hi quidem erant populares morbi. In singulis autem relatis speciebus ægroti, & moriebantur multi. Acciderunt autem singulis horum hoc modo. Multis equidem ignis sacer cum occasione, ex vulgaribus & valde parvis ulcusculis, in toto corpore, maxime sexagenariis, circa caput, si vel parum neglecta essent. Multis vero etiam in ipsa curatione, inflammationes magnæ fiebant: & sacer ignis multus: brevi, undique depascebatur. Plurimis igitur ipsorum abscessus ad supurationes contigerunt: carniæ & nervorum ac ossium elapsus magni. Erat autem & fluxio collecta, non puri-
fimi-

similis, sed alia quædam putredo, & fluxio multa ac varia. Quibus igitur circa caput horum quid fieri contigit, his glabrics totius capitis ac menti fiebat: & ossium denudationes ac elapsus: & multæ fluxiones, & hæc in febribus, & sine febribus. Erant autem hæc horrenda magis quam mala. Quibus enim ad suppurationem talium maturatio pervenit, horum plerique servabantur. Quibus vero inflammatio quidem & ignis facer discessit, talem autem nullum abscessum fecit, horum multi perierunt. Similiter autem & si alicubi in alia corporis parte horum quid oberraret, hæc acciderunt. Multis enim brachium, & totus cubitus defluxit. Quibusdam vero hæc affligebant latera, aut anteriorem, aut posteriorem aliquam partem. Quibusdam autem totum femur, vel tibiæ denudabantur, & totus pes. Erat autem ex talibus omnium gravissimum, ubi circa pubem & pudenda accidisset: & circa ulcera quidem & cum occasione, hujuscemodi erant. Multis autem in febribus, & ante febrem, & ex febribus ignes sacri inciderunt: & qui quidem horum abscessum fecissent per suppurationem, aut per alvum turbatio quædam tempestiva, aut urinarum bonarum excretio contigisset, per hæc solvebantur. Quibus autem nihil horum accidisset, verum obscure disparuisset, hi lethales erant. Plerumque igitur plurimis accidit facer ignis vere, consequebantur autem & per æstatem, & sub autumnum. Multa vero turbatio quibusdam, & circa fauces tubercula, & linguæ inflammationes, & abscessus circa dentes. Vocesque multis significationem de se præbebant, quod essent vitiatæ ac impeditæ & involutæ, primum quidem, rabidis incipientibus, immo et-

Tom. I.

iam ardenti febre correptis, & phreniticis.

Cœperunt igitur febres ardentes ante ver, itemque phrenitis, post facta frigora: & plurimi tunc ægrotarunt. Acuta vero & lethalia symptomata his aderant. Erat autem constitutio febrium ardentium hoc modo. Ab initio soporosi, anxii, horridi, febris acuta, non valde siticulosi, non deliri. De naribus parum stillavit. Exacerbationes plerisque diebus paribus. Circa exacerbationes oblivio, exolutio, & vocis privatio. Extremitates manuum ac pedum semper his frigidiores, præsertim circa exacerbationes: & rursus tarde ac non bene recalescebant: rursusque & intelligebant, & loquebantur. Detinebat etiam ipsos sopor continuus, non somniculosus, aut vigiliæ cum doloribus. Plurimis horum alvi turbulentæ, secessibus crudis, tenuibus, multis. Urinæ multæ, tenues, nihil neque judicatorii, neque boni habentes. Nec vero aliud aliquod judicatorium ita habentibus fiebat, neque enim sanguis bene erumpebat, neque alius aliquis consuetus abscessus judicatorius fiebat. Moriebaturque unusquisque prout contigit erroneo modo, plerumque circa judicationes. Quidam vero diu voce privati. Multi sudantes. Et his quidem qui perniciosè habebant, hæc accidebant.

Consimilia vero etiam phreniticis. Sine siti autem hi erant. Neque quisquam phreniticus insanivit, velut ex aliis, sed alia quadam mala ac lenta in somnum delatione graviter peribant. Erant insuper etiam aliæ febres, de quibus scribetur. Ora multis ulcere fervido affecta, ulcerosa. Fluxiones circa pudenda multæ, ulcerationes. Tubercula foris, intus, circa inguina.

T t

Lip-

Lippitudines humidæ, longæ, diuturnæ, cum doloribus. Eruptiones palpebrarum foris, intus, multorum oculos corrumpentes, quas ficus vocant. Erumpebant etiam in aliis, ulceribus multa, & in pudendis. Carbunculi per æstatem multi, & aliæ, quæ seps vocantur, pustulæ magnæ. Herpetes multis magni.

At vero circa alvum multis multa & nociva acciderunt. Primum quidem tenesmi multis dolorose: plurimis autem pueris, & omnibus qui erant ante pubertatem: & plurimi horum peribant. Lienterici multi, dysenterici, neque hi valde dolorose. Secessus autem biliosi, & pingues, & tenues, & aquosi. Et multis quidem ipse morbus ad hoc decubuit, & sine febribus & in febribus: cum doloribus, tormina, & volvuli maligni: multorum quæ in corpore erant, & suppressa erant, exitus: & exeuntia progressa dolores non solventia, & his quæ offerebantur difficulter cedentia. Nam purgationes plurimos amplius lædebant. Ex his autem qui sic habebant, multi quidem cito peribant: multi vero longius vitam degebant. Et in summa, omnes & qui longis morbis ægrotabant, & qui ex acutis, maxime ex his quæ per alvum secedebant, mortui sunt. Omnes enim alvus fustulit.

Cibum autem fastidiebant omnes, ob cunctos præscriptos morbos, in quos sane ego incidi. Multi vero, & maxime hi ipsi, & qui tales erant, sed & alii, perniciose habebant: & siticulosi alii erant, alii non. Ex his qui febribus aliisque laborabant, nullus siticulosus intempestive. Sed licebat circa potum victus rationem constituere, prout velles. Urinæ autem prodeuntes multæ quidem erant, non pro potus ingesti ratione, sed multum exceden-

tes. Verum multa quædam malitia urinarum ejectarum erat: neque enim crassitudinem, neque concoctiones, neque purgationes bonas habebant. Nam in multis morbis purgationes per vesicam contingentes, bonæ sunt. Significabant autem plurimis colliquationem, & turbationem, & dolores, & nullam judicationem: Soporosi vero maxime phrenitici, & febre ardente laborantes erant: sed & in aliis morbis omnibus maximis, qui cum febre fiebant. In totum autem plurimos aut gravis sopor comitabatur, aut parvos ac tenues somnos habebant.

Multa præterea alia febrium genera populariter grassata sunt, tertianarum, quartanarum, nocturnarum, continuarum, erronearum, anxiarum, inconstantium. Omnes autem hæc cum multa turbatione fiebant. Nam alvi plurimis turbatæ: horrores, sudores non judicatorii, & urinæ velut præscriptum est. Atque hæc plerisque horum longa erant: neque enim abscessus his oborientes judicabant, velut in aliis. Et omnia quidem omnibus difficulter judicabantur, & nullæ judicationes fiebant, & diuturnæ, maxime vero his: paucis autem horum judicatio circa octogesimum diem fiebat. Plurimis prout contigit defecerunt. Moriebantur autem horum pauci ex hydrope erecte obambulantes. Multos vero etiam in aliis morbis tumores infestabant, maxime vero tabidos. Maxima autem & gravissima erat tabes: & plures occidit. Nam multi per hyemem incipientes, partim decumbentibus, partim erecte obambulabant. Ante ver autem plerique ex decumbentibus moriebantur. Aliorum vero tusses nihil defecerunt: verum æstate remiserunt.

At sub autumnum omnes decubue-

buerunt, & multi mortui sunt, plurimi vero horum diu ægrotaverunt. Cœpit igitur plurimis horum derepente ex his afflictio: frequentes horrores erant, sæpe febres continuæ, acutæ, sudores intempestivi, multi, frigidi perpetuo. Multa frigiditas, & vix rursus recalescebant. Alvi variæ adstrictæ, & rursus brevi humescentes. Et quæ circa pulmonem erant omnia, infra distribuabantur. Multitudo urinarum non bonarum, colliquationes malæ. Tusses autem aderant quidem perpetuo multæ, & multa educentes matura ac liquida, non autem valde cum doloribus. Sed etiamsi aliquantulum dolerent, valde tamen leniter omnibus purgatio a pulmone fiebat: fauces non valde mordaces, neque falsugines quicquam infestabant. Viscosa tamen, & alba, & liquida ac spumosa multa de capite descendebant. Magnum autem malum & hos, & alios comitabatur ciborum fastidium; velut præscriptum est. Nam neque potum cum cibo libenter sumebant, sed valde sine siti degebant. Gravitas corporis. Soporosi. Plurimis ipsorum tumor, & ad hydropem deveniebant. Horridi, deliri circa mortem. Forma tabidorum erat lævis, subalbida, lentis colorem referens, subrubra, rava. Pituita alba referti: scapulas alarum modo eminentes habentes: & mulieres sic. Atræ bilis item forma, & sublinguinea: febres ardentes, & phrenitides, ac dysenteria hos tentabant. Tenesmi juvenibus pituitosis, longa alvi profluvia, acresque secessus & pingues, biliosis. Erat autem omnibus præscriptis gravissimum quidem ver, & multos occidit. Æstas autem facilima, & paucissimi perierunt. Autumno vero & sub pleiada rursus multi moriebantur quartanarii.

Videtur porro mihi æstas illa, quæ tunc fuit, juxta rationem commoditatem attulisse. Nam æstivos morbos hyems succedens solvit: & hyemales æstas succedens transmutat. Quanquam ipsa in seipsa quæ tunc erat æstas, non stabilis erat: sed derepente calida, & austrina, & sine ventis. Attamen ad aliam tempestatem transmutata profuit. Magnam vero artis partem esse arbitror, etiam de his quæ scripta sunt recte posse considerationem facere, ac judicare. Qui enim hoc novit, & his utitur, non videtur mihi in arte multum falli posse. Oportet autem exacte perdiscere unamquamque temporum constitutionem, & ipsum morbum. Et quid boni communis sit in constitutione, aut in morbo: & quid mali communis sit in constitutione, aut in morbo: & quid mali communis sit in statu, aut morbo: & qui morbus longus sit, & lethalis: & qui longus, & non perniciosus ad vitam: & qui acutus, ac lethalis: & qui acutus, & superesse sinens. Ex his enim ordinem dierum judicatoriorum considerandi, ac prædicendi facultas datur. Et harum rerum gnaros scire contingit, quibus & quando, & quomodo victum præscribere oportet.

Ægroti sedecim; primus. In Thaso Parium quendam, qui decumbebat supra Artemisii ædes, febris corripuit acuta, ab initio continua, ardens, siticulosa. Principio soporosus, & rursus insomnis. Alvus turbata in principio. Urinæ albæ. Sexta die minxit urinam oleosam, mente motus est. Septima, exacerbata sunt omnia, nihil dormivit. Sed & urinæ similes, & mens turbata. Ab alvo vero biliosa, pinguis prodierunt: deinde octava parum de naribus stillavit. Vomuit virosa pauca,

parum dormivit . Nona , per eadem . Decima , omnia remiserunt . Undecima sudavit , non per totum . Circumfrigit quidem , verum brevi rursus incaluit . Duodecima , febris acuta : secessus biliosi , tenues , multi . In urinis quiddam in medio vehebatur : mente motus est . Decimaseptima laboriose transmissa est . Neque enim somni erant , & febris augebatur . Vigesima sudavit per totum , infomnis : secessus biliosi : cibum fastidians , soporosus . Vigesimaquarta , recidiva facta est . Trigesimaquarta a febre liber : alvus non suppressa est . Et rursus incaluit . Quadragesima a febre liber : alvus non multo tempore suppressa fuit . Cibum fastidians , parum rursus febricitavit , & semper erroneo modo , partim sine febre , partim non . Nam etsi reliquisset & allevata esset , rursus revertebatur . Eduliis quoque multis & vitiosis utebatur . Somni mali circa recidivas : mente motus est . Urinas crassitudinem quidem habentes tunc mingebat , verum turbatas & pravas : & alvus jam adstricta erat , & rursus soluta , febriculæ continuæ , secessus multi , tenues . Centesimavigesima die mortuus est . Huic alvus assidue a prima die lubrica erat , ex biliosis , liquidis , multis : aut adstricta ex fervidis ac crudis . Urinæ vero perpetuo malæ , sopores plerumque cum doloribus infomnis , cibum fastidians : febris ardens continenter .

Ægrotus secundus . In Thaso decumbentem apud frigidam , a partu ubi filiam peperisset , & purgatio facta non esset : febris acuta , horrida , tertia die corripuit . Multo autem tempore ante partum febriculosa erat , decumbens , cibum fastidians . Postquam autem riguisset , febres continuæ , acutæ , horridæ . Octava , multum mente mota est , & se-

quentibus diebus : & brevi rursus resipiscebatur . Alvus turbata , ex multis tenuibus , aquosis , bile permixtis : sine siti erat . Undecima resipiscebatur , verum soporosa erat . Urinæ multæ , tenues , & nigre : infomnis . Vigesima parum circumfrigit , & brevi rursus incaluit , parum deliravit , infomnis . Alvi secessus iidem . Urinæ aquosæ , multæ . Vigesimaseptima , a febre libera , alvus adstricta est . Non multo tempore postea coxæ dextræ dolor fortis multo tempore . Febres rursus comitabantur , & urinæ aquosæ . Quadragesima dolores circa coxam allevati sunt . Tusses autem assiduæ , humidæ , multæ : alvus substitit . Cibum fastidians . Urinæ in iidem , febres autem in totum quidem non deficientes , erroneo vero modo exacerbescerent , partim ita , partim non ita . Sexagesima , tusses quidem obscure defecerunt . Neque enim aliqua sputorum concoctio fiebat , neque alius consuetus abscessus . Maxilla vero ex dextris divulsa est , soporosa , rursus delirabat , & brevi resipiscebatur . Cæterum a cibis aversum animum habebat , & maxilla quidem ad locum suum rediit . Alvus autem biliosa , pauca egescit , febricitavit acutius , horrida : & sequentibus diebus voce destituta est , & rursus resipiscebatur ac loquebatur . Octogesima , mortua est . Urinæ huic perpetuo erant nigre , & tenues , & aquosæ , & sopor comitabatur . Cibum aversans , tristis , infomnis , iræ , molestiæ , mens melancholica .

Ægrotus tertius . In Thaso Pythionem qui supra Herculeum templum decumbebat , ex laboribus , & lassitudinibus , & neglecta victus ratione , rigor magnus , & febris acuta corripuit , lingua arida : siticulosus , biliosus , non dormivit . Urinæ subnigræ : quod in

medio ipsarum pendeat, sublime erat. Secunda die, circa meridiem frigiditas extremarum partium, & magis circa manus & caput: loquela, & voce destitutus. Brevispirus ad multum tempus, rursus incaluit. Sitis. Nox quieta. Sudavit parum circa caput. Tertia dies, quieta. Vespero vero sub solis occasus parum frigit. Turbatio nocte dolorose, nihil dormivit. Ab alvo pauca compacta stercora prodierunt. Quarta, mane quietus. Circa vesperam omnia exacerbata sunt: frigiditas, loquela, & voce destitutus, in deterius recalescens est post tempus. Urinas minxit nigras in medio quid pendens habentes. Nocte quiete dormivit. Quinta visus est allevatus esse. Verum juxta alvum gravitas cum dolore, siticulosus. Noctem laboriose tulit. Sexta, mane quietus. Vespero dolores majores: exacerbatus est. Vespero clystere adhibito, ab alvo probe egressus. Nocte dormivit. Septima die, anxius, submoleste ferebat. Urinam minxit oleosam: noctu turbatio multa, delirabat, nihil dormiebat. Octava, mane parum dormivit. Mox autem frigiditas. Vocis interceptio. Spiritus tenuis imminutus. Vespero rursus excalescens est, mente motus est. Jam autem ad diem parum allevatus est. Seccessus meri, pauci, biliosi. Nona, soporolus, anxius, quum excitaretur, non valde siticulosus. Circa solis occasus moleste ferebat: delirabat: noctem malam habuit. Decima, mane voce destitutus: frigiditas multa: febris acuta. Sudor multus: mortuus est: dolores huic in diebus paribus.

Ægrotus quartus. Phreniticus prima die, decumbens vomuit æruginosa, multa, tenuia: febris horrida: sudor multus, continuus per totum. Capitis

& colli gravitas cum dolore. Urinæ tenues: in medio ipsarum pendentia, parva, divulsa: non sudavit: ab alvo stercora acervatim egressus: multum mente motus est: nihil dormivit. Secunda, mane voce destitutus: febris acuta: sudavit: non intermisit. Palpitationes per totum corpus. Nocte convulsiones. Tertia, exacerbata sunt omnia. Quarta, mortuus est.

Ægrotus quintus. In Larissa calvus, femur dextrum doluit derepente: ex his quæ offerebantur nihil proderat. Prima die, febris acuta, ardens, quiete tenebat: dolores autem consequentibus. Secunda, femoris quidem remiserunt dolores: febris autem aucta est: submoleste ferebat: non dormiebat: extremitates frigidae, urinarum non bonarum copia prodibat. Tertia, femoris dolor quievit. Mentis emotio, & turbatio, & multa jactatio. Quarta, circa meridiem mortuus est celerrime & acutissime.

Ægrotus sextus. In Abderis Periclem morbus corripuit acutus, continuus cum dolore. Sitis multa: anxietas: potum continere non poterat. Erat autem sublienosus, & capite gravatus. Primo die, sanguis e sinistra nare erupit, multa tamen febris augescebat. Urinam minxit multam, turbatam, albam: deposita non subsidebat. Secunda, omnia exacerbata sunt. Urinæ tamen crassæ quidem erant, verum magis subsidebant: & anxietas levata est, dormivit. Tertia, febris emollita est. Urinarum copia: quæ concoctæ multam subsidentiam habebant. Nox quieta. Quarta, circa meridiem, multum calidum sudorem per totum exclusit. A febre liber, judicatus est, non rediit: morbus acutus.

Ægrotus septimus. In Abderis virgi-

ginem, quæ decumbebat in Sacra via, febris ardens corripuit. Erat autem siticulosa & infomnis. Menses autem primum ipsi descendebant. Sexta, anxietas multa, rubor: horrida, mœsta. Septima, per eadem. Urinæ tenues quidem, verum boni coloris. Venter non vexabat. Octava, surditas, febris acuta, infomnis, anxia, horrida: intelligebat. Urinæ similes. Nona, per eadem, itemque sequentibus sic surditas perseverabat. Decimaquarta, mens turbata: febris remisit. Decimaseptima, sanguis per nares fluxit multus. Surditas parum remisit, & sequentibus auxietas, surditas aderat, & delira erat. Vigesima pedum dolor, surditas, delirium intermisit, sanguis paucus per nares erupit, sudavit: a febre libera. Vigesimaquarta, febris rediit, surditas rursus, pedum dolor permansit, mentis emotio. Vigimaseptima, sudavit multum a febre libera. Surditas defecit, pedum dolor restabat. De cætero perfecte judicata est.

Ægrotus octavus. In Abderis Anaxionem, qui decumbebat ad Thracias portas, febris acuta corripuit, lateris dextri dolor assiduus. Siccam tussim habebat, neque exipuebat primis diebus. Siticulosa: infomnis. Urinæ boni coloris, multæ, tenues. Sexta, delirus. Ad calefactoria nihil remisit. Septima, dolorose agebat. Nam & febris augebatur, & dolores non remittebant, & tusses vexabant, difficulterque spirabat. Octava, cubitum secui, effluebat sanguis multus, velut debebat. Remiserunt quidem dolores, tusses tamen siccæ comitabantur. Undecima, remiserunt febres, parum circa caput sudavit. Tusses adhuc, & quæ a pulmone prodibant, liquidiora erant. Decimaseptima incœpit pauca matura spueri, allevatus est. Vi-

gesima, sudavit: a febre liber, post judicationem allevatus est. Erat autem siticulosa, & a pulmone prodeuntium purgationes non bonæ. Vigimaseptima febris rediit. Tussit, eduxit matura multa. Urinis subsidentia multa alba. Sine siti erat, bene spirans. Trigesimaquarta sudavit per totum: a febre liber, penitus judicatus est.

Ægrotus nonus. In Abderis Heropythus erecte obambulans caput dolebat. Non multo autem tempore postea decubuit, habitabat prope Superiorem viam: febris ipsum corripuit ardens, acuta. Vomitus ab initio multorum biliosorum, siticulosa, multa molestia. Urinæ tenues, nigræ: id quod in medio ipsarum pendebat, sublime erat aliquando, quandoque non, noctem dolorose transegit. Febris alias aliter exacerbescerebat, plerumque inordinate. Circa decimamquartam, surditas: febres augebantur. Urinæ per eadem. Vigesima multum mente motus est, itemque sequentibus. Quadragesima, multus sanguis ex naribus erupit: & magis intelligebat. Surditas aderat quidem, sed minor: febres remiserunt. Sequentibus diebus sanguis erupebat frequenter & paulatim. Circa sexagesimam sanguinis eruptiones cessarunt. Coxæ autem dextræ dolor fortis: & febres augebantur. Non longo tempore postea dolores omnium infernarum partium. Contigitque aut febres esse majores, & surditatem multam: aut hæc quidem remittere & leviora fieri, infernarum autem partium circa coxas, dolores esse majores. Jam vero circa octogessimam omnia remiserunt. Nihil tamen defecit. Urinæ enim boni coloris, & plures subsidentias habentes prodibant, & deliria minora erant. Circa centesimam alvus multis biliosis turbata est, & tempore

pore non modico multa talia prodibant, & rursus dysenterica cum dolore. Reliquorum vero quies erat. In summa & febres defecerunt, & surditas cessavit. In centesima vigesima perfecte iudicatus est: febris ardens.

Ægrotus decimus. In Abderis Nicodemum ex venere & potu febris corripuit. Initio autem erat anxius: & cordis dolore vexabatur: siticulosus, lingua combusta fuit. Urinæ tenues: nigræ. Secunda, febris exacerbata est: horridus: anxius: non dormivit, vomuit biliosa, flava. Urinæ similes. Nox quieta: dormivit. Tertia die, remiserunt omnia: & quies erat: circa solis occasus rursus moleste ferebat: noctem laboriose tulit. Quarta, rigor: febris multa: dolores omnium. Urinæ tenues, & quid in medio ipsarum pendens. Sexta, mente multum motus est. Septima, quies. Octava, alia remiserunt omnia. Decima & sequentibus diebus aderant quidem dolores, verum omnes minores. Exacerbationes autem & dolores huic ad finem usque in diebus paribus magis erant. Vigesima, minxit urinam albam, quæ crassitudinem habebat, & deposita non subsidebat. Sudavit multum: visus est sibi a febre liber esse. Vespero vero rursus incaluit: & dolores iidem: horror: sitis: parum mente motus est. Vigesimaquarta, multum urinam albam, multam subsidentiam habentem minxit. Sudorem multum calidum per totum exudavit: a febre liber: iudicatus est.

Ægrotus undecimus. In Thaso mulier morosa, ex mœrore cum occasione, erecte obambulans, insomnis facta est, & cibi fastidians: & erat siticulosa, & anxia: habitabat autem prope Pyladæ ædes in Leio. Prima die, sub initium noctis timores, sermones

multi, tristitia: febricula tenuis. Mane convulsiones multæ. Quum autem intermisissent convulsiones illæ multæ, delirabat: turpia loquebatur. Dolores multi, magni, continui. Secunda, per eadem: nihil dormiebat: febris acutior. Tertia, convulsiones defecerunt. Sopor autem & in somnum graviolem delatio aderat, & rursus vigiliæ: exiliit: continere se non potuit: multum deliravit: febris acuta. Ad hanc noctem multum sudorem calidum per totum corpus exclusit: a febre libera: dormivit. Penitus resipuit: iudicata est. Circa tertiam autem diem urinæ nigræ, tenues: quod in medio ipsarum pendebat aliquandiu rotundum, non subsidebat. Circa iudicationem menses multi prodierunt.

Ægrotus duodecimus. In Larissa virginem febris corripuit ardens, acuta: insomnis, siticulosa, lingua fuliginosa, arida. Urinæ boni quidem coloris, sed tenues. Secunda die, laboriose degebat, non dormivit. Tertia, ab alvo multa prodierunt aquosa cum virore pallida, itemque sequentibus diebus prodierunt ejusmodi tolerabiliter. Quarta, urinam egressit tenuem, paucam: habebat in medio pendens illud sublime, non subsidebat: mente mota est ad noctem. Sexta, per nares sanguis multus large fluxit, quumque in horruisset, sudorem multum calidum per totum effudit: a febre libera, iudicata est. In febris autem & jam iudicatæ, menses tunc primum prodierunt. Erat enim virgo. Perpetuo vero anxia erat, horrida, faciei rubor, oculorum dolor, capitis gravitas. Huic non rediit, sed iudicata est. Dolores diebus paribus.

Ægrotus decimustertius. Apollonius in Abderis erecte titubans obambu-

bulabat multo tempore . Erat autem magnis visceribus præditus , & circa hepatis dolor multo tempore familiaris ipsum comitabatur , & sane tunc etiam morbo regio tenebatur , flatuosus , coloris subalbi . Quum autem edisset ac bibisset intempestivius carnem bubulam , incaluit parum primum : decubuit . Lacte vero usus cocto & crudo , multo , caprino ac ovillo , & victu malo , omnium læsiones magnæ sequutæ sunt . Nam & febres exacerbatae sunt , & alvus nihil memorabile de ingestis egeffit . Urinae tenues & paucae prodibant . Somni non aderant , inflatio mala , sitis multa , soporosa , præcordii dextri elevatio cum dolore , extremitates undique subfrigidae , parum delirabat . Oblivio omnium quæ loquebatur : mente movebatur . Circa decimam quartam , ex qua quum riguisset incaluit , decubuit , & insanit : clamor , turbatio , sermones multi , & rursus quies , & tunc sopor accessit , postea vero alvus turbata , multis , biliosis , meris , crudis . Urinae nigrae , paucae , tenues . Multa molestia . Secessus varie habebant . Aut enim nigri , & pauci , ac æruginosi erant : aut pingues , crudi , & mordaces . Per tempora vero videbatur etiam lactosa egerere . Circa vigesimam quartam lenitas erat : & reliqua quidem iisdem perseverabant , parum autem resipiscebant : ex quo vero decubuit , nullius meminuit : rursus autem brevi desipiebat . Omnia in pejus procedebant . Circa trigesimam febris acuta . Secessus multi , tenues : delirus , extremitates frigidae , voce destitutus . Trigesima quarta mortuus est . Huic perpetuo ex quo ego novi , alvus turbata . Urinae tenues , nigrae : soporosus , insomnis extremitates frigidae , delirus perpetuo , phreniticus .

Ægrotus decimus quartus . In Cy-

zico mulierem , quæ gemellas filias magna difficultate peperit , & non valde purgata est , primum invasit febris horrida , acuta . Capitis & colli gravitas cum dolore . Insomnis ab initio , taciturna ac tetrica , & non obsecundans . Urinae tenues & decolores : siticulosa , anxiosa plerumque , alvus erroneo modo turbata , & rursus adstricta . Sexta , ad noctem multum delirabat , nihil dormivit . Circa undecimam insanit , & rursus resipuit . Urinae nigrae , tenues : & rursus tempore interposito oleosae . Et alvus multis tenuibus turbata . Decima quarta convulsiones multae , extremæ partes frigidae , nihil amplius intelligebat . Urinae suppressae sunt . Decima sexta , voce destituta est . Decima septima mortua est : phrenitis .

Ægrotus decimus quintus . In Thaso Dealcis uxorem , quæ decumbebat in Leio , febris horrida , acuta , ex mœrore corripuit . Ab initio contegebatur , & ad finem perpetuo , semper tacita manibus palpabat , vellebat , scalpebat , pilos legebat . Lachrymae , & rursus risus : non dormiebat : ab alvo irrationes , nihil prodibat , parum communita bibebat . Urinae paucae , tenues . Febres ad manum tenues : extremarum partium frigiditas . Nona , multum delirabat . Et rursus sedata est : tacita . Decima quarta , spiritus rarus , magnus , per tempus . Et rursus brevispira . Decima septima ab alvo irritatio turbulenta : postea vero ipsi potus percurrebant , neque consistebant : omnino nihil sentiebat . Cutis arida circumtensio . Vigesima sermones multi , & rursus sedata est : voce destituta : brevispira . Vigesima prima mortua . Huic perpetuo ad finem usque erat spiritus rarus magnus . Omnino nihil sentiebat : semper contegebatur : aut sermones multi , aut

taci-

tacita perpetuo : phrenitis.

Ægrotus decimus sextus . Adolescens in Melibœa , ex potationibus & venere multo tempore calefactus decubuit . Horridus autem & anxius erat : insomnis : & non siticulosus . Ab alvo prima die , stercora multa prodibant , cum multa defluxione : & sequentibus multa aquosa cum virore pallida prodibant . Urinæ tenues , paucæ , decolores . Spiritus rarus , magnus , per tempus . Præcordii intentio submollis , ob-

longa , ex utrisque . Cordis palpitatio perpetuo continua . Urinam minxit oleosam . Decima , sensim mente motus est : moderatusque erat ac quietus . Cutis arida , & circumdistenta . Secessus multri & tenues , aut biliosi & pingues . Decima quarta , omnia exacerbata sunt : mente motus est : multum deliravit . Vigesima insanit : jactatio : nihil minagebat : paucos potus continebat . Vigesima quarta mortuus est : phrenitis .

H I P P O C R A T I S

P O P U L A R I U M

Liber quartus .



DOST æquinoctium & post pleiada , qualia sunt erodentia & mucosa , quæ caput aperuerunt , supra aurem prodierunt : ei qui apud Leocydes ædes habitabat , in pede , Phnodico digiti in pede , in pectore . Qui tibiam secus est , hac parte etiam nigrefactus est . Erat ulcus magnum in externa tibiæ parte , & retro prodibat . Quum parum factum esset , lateris dolor & pectoris sinistri e directo , & febres . Mortuus est a febre . Biliosum restiario abunde coloratum , & ustoria adhibenti circa æquinoctium , sanguis multus deorsum prodiit . Seni valde vehementer abscessit , non ultra quatuordecim dies .

Vulnerato ab Antiphilo , usto , judicatio facta est die septima , bilioso , stupido . Tertia , post judicationem sanguinem sput : superstes manebat , & recidiva facta est postea . Judicatus est velut par erat , circa pleiadum occasum

primum . Post pleiadum autem occasum , biliosus ad insaniam usque : judicatio facta est , supervixit , circa nonam diem , absque sudore .

Circa æquinoctium Chalcidionius a portis delatus ad forum , ex ruptione circa mammam dextram dolens , spuebat alias atque alias pallens subviride . Venter egerebat . Sudor auspiciatus septima , tenuit plerumque usque ad octavam : judicatus est decima quarta . Circa quadragesimam tubercula exorta ipsi circa utrasque aures , haud immerito putabatur suppuratus fore : non factum est . Pectus Aristodemo ustum est .

2. Philidis filio quum abscessus factus esset ex casu , & ipsi pectus ustum est . Erat autem dolor quidam etiam antea : post æquinoctium autumnale recidivæ : & alias usque ad solstitium hyemale .

Et cum sole æstivo Acheloi uxor sexta die abortivit , quum esset sanguinea , & horrida : & sudores . Judi-

catio facta est decimaquarta: quot mensium fuerit fœtus, haud scio. Masculum autem etiam alium ad dies viginti se abortivisse dixit, an vera dixerit non scio.

Circa solstitium hybernum aquilonares venti erant. Morbo regio corripiebantur abunde colorati, & partim horridi, partim non. Linguae combustae tertia die. Et turbationes circa sextam, & septimam, atque hæ diu durantes. Decimaquarta ventres resistentes, & in medicationibus non obedientes. Pro ratione febrium etiam nulli sudores.

3. Splenes quibusdam parvi ad præcordia dextra extenti, & ad manum submurmurantes. Sanguinis fluxiones, & urinis purgatio ac judicatio. Multo autem magis infra nitebantur. Nam & hoc sub illud tempus corripiebat. Quibus non sic erat, splenes vero etiam elevati, his sanguis ex sinistra nare. Solstitium præterierat, hyberna hyberno modo in Aquilonaribus, paulo vero post austrina erant, ad quindecim dies: postea vero nives quatuordecim diebus. Circa hanc anni constitutionem, morbi regii abunde colorati vigeant: qui non sincere judicabantur, recidivabant. Post nives, austrina succedebant, & pluviae: gravedines eruperunt, & cum febribus & sine febribus. Cuidam vero etiam ad dentes, qui antea ex medio doluerat: ad dextra, supercilium, & oculos. Erant autem & raucofi, & fauces inflammatae: & glandulae isthic spongiæ appellatae intumescebant: & tubercula circa aures, & maxillam mollia, & cum febre sedabantur. Incipientibus febricitare, fiebant superne, & in utrasque partes pleraque horum: & spongiæ quibusdam sub autumnum & hyemem. Sed & por-

rigines. Et multæ omnibus modis abortiebant, & difficulter pariebant. Sexta die, virgini judicata, sexta reverterunt: judicata vero sunt per sextam. Omnia in his temporibus sexta & octava judicabantur, circa pleiadum occasus.

Meandrii cæci uxor statim cum pallore viride, & statim purulentum spuit circa sextam: & hepatis fervor, & deorsum secessus modicus: carnopurulenta sursum pauca, alba, lata exspuebat: cibum fastidians. Mortua est prope vigesimam diem.

Ex vicinis Thestoris famula, ex ustoriis: secessu bilioso, multo: præcordio intenso. Sexta die, ex suppressione alvus tenuia, multa, una vice egeffit: & statim sudavit, & judicata est: & alvus substitit; eadem autem hora quum riguisset febricitavit: & rursus eadem hora.

Thersandri uxor, quum pituita alba prædita non valde esset, lactans acuta febre correpta est. Huic lingua combusta est, dum alia comburerentur, sub hoc tempus: linguaque exasperabatur, velut grandine multa. Et lumbrici per os. Circa vigesimam autem non perfecte judicata est.

4. Circa pleiadum occasus Metrophanti filius, caput percussus ab alio puero, per testam: quum pervenisset ad duodecimam diem, febricitavit. Occasus autem erat quod quum detergeret partes circa ulcus perfricuit, & perfrigeratus est: & labia statim sunt elevata. Attenuata est autem cutis, multis locis ulterius ab ulcere: quum autem sectus esset non tarde, neque pus effluxit, neque allevatus est. Juxta aurem vero videbatur suppurari, in maxilla ad dextram. Hac enim parte etiam ulcus erat. Postea & hoc non suppuratum est, & humerus dexter suppuratus.

puratus est cito. Mortuus est circa vigesimam quartam.

Post pleiadum occasum is qui aurem doluit, circa vigesimam diem, postea voce destitutus est, & dextrarum partium impotens: sine febre sudavit: dextra auris, dexter oculus, consistebant non valde, & attrahebat quid ex inferna parte. A sinistris autem distortus est oculus graviter dolens, collum durum factum est, tertia hora posteaquam doluit.

5. Post pleiadum occasum, servus Attici a quartana correptus, stupidus sedatus est. Alius eodem tempore vera stupida insania ex phrenitide, ac lethargo mixta, correptus est. Ad coxas & crura venit dolor, quievit: quoto die, haud scio. Eodem tempore horridi, vomentes, & post judicationem cibum averfantes, & biliosi, & splenes magni, duri, dolorosi, & sanguinis eruptiones. Quibusdam vero eodem tempore, post pleiadum occasum, ex naribus sanguis biliosus ob splenes.

6. In Cranone uxorem Nicolstrati correptam decima quarta die, statim occupavit impotentia colli, & aliarum partium, & cibus inclusus fuit usque ad decimam. Spiritus densus parvus, impotentia, palpans digitis, delirans: sudores: distracta sunt ad dexteram partem, collum, os, oculus, nasus. Urinarum subsidentia alba, ervum referens, alia alba, alia ramentosa, cum pallore subviridis, farinam lentium referens. Huic quandoque velut adiposum quiddam superstabat, atque hoc acervatum, non multum dispersum, velut quod in medio ipsarum pendere solet disparatum, velut extrinsecus ex ovicula, postea vero etiam non subsidens mingebatur: & alia quidem talis erat, alia subsidens, alia talis modice ad la-

titudinem dispersa, alia conturbata, alia talis. Quod in medio vehi solet, nubeculae subnigrae simile, quae putaretur crassitudinem habere. Laxum autem aliud tenue, aliud tenue tale, aliud velut equi, aliud velut sunt caliginosa.

7. Qui primus delatus est adolescens, huic urina pura tenuis. Omnium secessus tenuis, multus, sine bile: lingua valde aspera. Febris adurens, insomnis, alvus gibbosa. Hic mente motus est octava arbitror die, protervum in modum, exurgebat, pugnabat, turpia fortiter loquebatur, quum talis non esset. Huic quum urinae multae tenues prodiissent ex suppressione, somnus obortus est continuus, & sudor, qui iudicatorius esse putabatur, ex quo talis erat forte circa decimam diem. Verum postea rursus insanit, & brevi mortuus est undecima die. Occasionem fuisse puto quod meracum multum bibisset, priusquam insaniret. Paucos habebat annos, propemodum viginti.

8. Eumenis uxor autumnno vomuit bilem atram. Sed & odores manifesti erant, & febres horridae, & cordis, si-ve osculi ventris dolores, biliosa pauca vomebat, & lumbricum. Secessus tenues per omne tempus. Ante pleiadum occasum desinebant statim sanguinis eruptiones, & breviores erant febres, ac statim revertentes brevibus recidivis, & cibum averfantes, & velut excocti, & anxii, & cor dolentes, & ferini in iudicationibus, & rigore affecti & biliosi.

Adolescens peregrinus erat, cui tertia die, sanguis ex naribus multus fluxit, itemque quarta, ac quinta. Sexta, compositae consistebat, mente motus est. Septima die, alvus substitit: soporosus erat. Recidiva tertia die, alvus eniti cessavit. Urinam non vi-

di. Circa judicationem, velut debebat. At vero circa pleiadum occasum, austrina, & pluviae erant: & tunc adulescens mucosa, subbiliosa, viscosa, multa recrementa egerebat: febris vehemens continua, lingua arida. Sexta judicatus est. Septima rursus invasit, dimisit eadem die, cum tremore: auris sinistrae fluxio viscosa, crassa die sexta.

9. Pueri ab ulcere phagedæna eroso, dentes inferni, & ex supernis ac infernis anteriores emergebant, cavitatem habebant. Quibus os ex palato discedit, his medius confidet nasus. Quibus vero superni dentes anteriores, his latus est summus nasus. Qui quintus dens ab anterioribus numeratur, quatuor radices habet, singulis paribus ad utrumque vicinum dentem connexis, extremitatibus omnibus ad internam partem reflexis. Circa tertium dentem supurationes plures quam juxta alios omnes. Et ex naribus fluxiones crassae, & a temporibus dolores, ex hoc maxime fiunt. Corroditur hic maxime quintus, ex medio quidem nodum habebat unum, duos autem anterieus. Parvus primus, intrinsecus juxta duos corrodebatur. Septimus, radicem unam crassam, acutam habebat.

10. Athenadæ puero masculino doluit a sinistra parte infernus dens, a dextra supernus. Hujus auris dextra suppurata est, dum non amplius doleret.

Post pleiada clemens cœlum, nubilosum, & caligines: judicationes quintanæ, & sextanæ, ac septimanæ. Jam vero etiam diuturniores: febres recidivantes, & quandoque, erroneæ, & cibum averfantes, & biliosæ: & dysenteriae cibum fastidientes, febriculosæ. Circa pleiadum occasum, austrina fortiter erant: sanguinis eruptiones, &

febres tertianæ naturam referentes, & lenes.

Qui in futrina decumbebat, sanguinem abunde biliosum e naribus effudit. Secessus modicus: judicatus est septima cum rigore.

Servus in extrema caupona, quarta die sanguinem e naribus effudit: multa statim nugabatur, alvus renitebatur. Præcordium dolorosum, durum. Ad subditam glandem sexta die, subierunt mala, cum pallore viridia. Septima, mane jaectatio: clamor multus: venarum pulsationes circa umbilicum. In acutissimis febribus pulsus densissimi, & maximi.

II. Quale est ad vesperam exacerbari, tale erat in omni morbo. Cæterum ad principia, considerandæ sunt etiam exacerbationes, & an citius redeant, & continuitas, & anni tempus. Post pleiadum occasum, austrina. Quæ quinta die judicabantur, intermissa una repetebant. At vero laxa, pustulosa erant, velut Acanthio Lapyto. Circa pleiadum occasum, subscabra, & aspera erant pruriginosa, nullas lachrymas emittentia: & magis quidem hoc tempore. Sed & impetiginosa turgentia. Hæc erant in Pythodori uxore, & Capelio, cum febre: sub cujus initium fere Pythodori uxori coxæ impotentes. Post pleiadum occasum horrores: sanguinis e naribus eruptiones. Sutor quidam septima judicatus est, una intermissa, altera rediit. Rursus quarta, judicatus est. Alius ex his qui a Leocyde venerant, septima judicatus est: alius quarta.

Moschus nona. Largus sanguis ex sinistra, modicus e dextra nare. Ad decimamquartam, ad judicationem, si quatenus debebant ab initio exacerbarentur. Delinquentes circa edulia de-

cima septima fiebant. Circa aurem in dextra parte tuberculum, parvum intus durum, foris parvum laxum, dolorosum, nihil remittens, decimanona.

12. Noctu factum est. Valde biliosis suppuratis, purgatio sepiæ atramento maxime similis. Qui cucurbitam affixit, quum in coxa esset dolor, huic ad crus deorsum venit, & melius habuit.

Qui in Ceramico ab equo lapsus est, cui non statim cucurbita affixa est: ustus est intro, & vigesima die recruduit malum: sanguinis eruptiones feculentæ, & erodentes.

Tenedia quarta die abortivit masculinum triginta dierum: alvus liquida, tenuia egressit, lingua combusta fuit, judicatio quarta die.

Post pleiadum occasum lienosa, usque ad quintum diem, fluebant, judicata sunt. Cuidam septima die, urina velut ervi lotura, similis ipsa sibi ipsi, postea pura recidiva. Intermissit etiam Megaris filio, verum sanguis non fluxit. Urina velut Antigenis alba, crassa, similis.

Circa solstitium hybernium, sydus non parvum, quinta & sexta, postea terræ motus.

Quæ in Perintho morabatur anhelosa, Antigenis uxor, quæ non sciebat an prægnans esset, menses comparentes rubri. Venter alias atque alias parvus, alias magnus. Tussiens semper, velut si celerius iter perfecisset. Mensis erat octavus, sedata est prius febricitans.

13. Apemanti fratris uxor, septima die abortivit fœmellam, velut dixit, sexaginta dierum. Circa nonam, turbata est: post judicationem, dexteram partes dolebat, velut a recidiva. Hæc & concipiebat cito, & perdebat. Alia

quædam in albis mensibus filiam peperit. Alia in rubris, velut conveniebat. Horridi, anxii, cibum averfantes, recidivantes, biliosi, sanguine manantes, subsplenici, doloroso modo plurimi ex sinistris affecti.

Apemanti uxori hac parte oculus distortus est dexter, ad alteram vero partem lateris mollitudo.

Aristophontis filia tertia & quinta, febricitavit, sicca plerumque perseveravit. Venter tamen huic turbatus, ægre judicatio fiebat: ultra triginta dies, cessavit. Pustulæ ex lasitudinibus non valde fortibus, perveniunt ad septimam lividæ. Rigor ancillæ retro Heroum obortus est. At vero albæ magnæ, neque ipsæ valde bonæ, gravi sopore pressorum, & somnolentorum, & non confidentium, & bile renitente: & sive lubrica, sive dura fuerit alvus, non confidentes.

Zoili fabri pulsus tremuli tardi: urina & alvi secessus moderate decolor: pectinis distentio utrinque in directum, usque ad umbilicum, cum febre acuta, cibum averfans, siticulosus.

14. Filiæ ædilis apud Tecomæum, quum obscurum esset ipsi quod uterum gestaret, secundi mensis initio erupit vomitus pituitosus, aliquando vero biliosus: difficulter peperit, perfecte purgata est. Vomitus similiter usque ad trigessimam diem perseveravit: postea venter turbatus est, & vomitus cessavit. Lienteria, menses non prodibant: per duos annos hyeme habuit hæmorrhoidas.

Duo fratres, Cecropis familiares, quibus nigra ab initio prodibant, subfeculenta, edulia ex sanguine confecta colore referentia, ea ex spumosis bile abunde coloratis viridia erant.

Qui asinum ex pacto elevavit, sta-

statim febricitavit. Tertia, & quarta, & quinta, & septima, & octava, sanguis erupit: judicatus est: alvus lubrica.

Vir metallicus, præcordium dextrum intentum, splen magnus, alvus intenta, subdura, spirituosus, decolor. Huic ad genu sinistrum, recidiva: per totum judicatus est.

15. Temenæ filius habebat quid spiritus, ut viridantis palloris esset, ad dorsum: ad manus viridantis palloris.

Maritus Lechus puerperæ apud Sitodochum arquato morbo infestatus, ad quem septima die ingressus sum, octava moriebatur, neque mingens, neque egerens. Præcordia magna & dura, & spiritus densus. Hic moriens ne frontem quidem sudore humectavit præ dolore.

Hujus uxor ejecit fœmellam septimestrem, septima die. Apparuit autem quarta die. Hanc a principio quidem pedum dolor tenebat. Desinente vero febre, spiritus non est solutus, sed intus relictus: dolor ad manus & brachium. Recidiva per longissimum tempus, corripuit eos quibus urinæ ante judicationem suppressæ fuerant.

16. Quæ erat apud Temenen ipsius soror, cum rigore judicata est. Quum autem viridans pallor cito desineret, manus & humeri doluerunt: horum autem cessante dolore, caput: oculorum palpebræ supernæ elevatæ sunt, & lachrymæ profluebant: reliqua non novi: judicata est primum, septima die.

Menandri vinitor similiter, verum alvus ab initio tenuia egerebat: postea suppressa est, itemque urina judicata est, non riguit, septima die: quoniam alvus antea turbata fuit.

Potamonis filio alvus non egerebat septima die: duobus diebus ante judicationem non riguit, quapropter

neque urina supprimebatur.

Dens Hegesistratio, cui suppuratio juxta oculum, suppuratus est juxta extremum, & rursus sanatus est oculus, & secundum nares pus descendit crassum. Juxta gingivam carunculæ parvæ rotundæ abscesserunt. Huic circa tertiam diem, suppuratio affutura putabatur, postea avertebatur. Derepente vero intumuit maxilla & oculi.

17. Quibus abscessus ad oculos in febribus ardentibus, hi maxillas rubent, & sanguinem ex naribus fundunt. Sed & quibus ad aures fiunt. Fortassis autem & abscessus ad articulos magis, non tamen clare novi. Rigores tremulis, præcordii intentio. Menses apparuerunt decimasextima, judicatio fiebat ita perpetuo. Si tamen non sic intus permansissent, judicabantur tertia, quædam quinta, quædam septima.

Hegesistratio postremi duo dentes parte inter se contigua corrodebantur, postremus habebat supra gingivam duos nodos, unum juxta cavernam, alterum ex altera parte: qua vero parte duo nodi erant, ibi radices latæ similes singulis paribus coincidebant, ad alteram partem medietas una rotunda.

Mulier cui sanguis e naribus erupit quarta & sexta: septima judicata est: rubicunda erat. Mulieri ex capite fortiter gravatæ, judicatio facta est circa vigesimam: vigesima, præcordia æstuosa. Septima die, non valde sanguis e naribus erupit. Secessus tenues, ad oculum dextrum circa octavam.

Viro eadem, verum septima judicatus est. Sublienofus e sinistra parte. Huic octogesima die, & diuturniores oculi affectiones: fortassis quoniam post judicationem, & quia multæ.

18. Uxor Temenæ spirituosæ præcordia, & intenta. Menses per tempus appa-

apparuerunt. An vero etiam infantem aliquem habuerit, haud scio: alvus primum suppressa, & tunc vomebat, postea non amplius: alvus enim multa viscosa ac biliosa egerebat: praecordium non impediabat. Undecima ad magnum dextrae digitum inflammatio, alvi egestio etiam penitus procedebat. Quibus contingentibus, melius habebat. Nam & in somnum delatio minor erat, & febris: & quodammodo facilius spirabat, quoniam supra malum vomitum, vomuerat. Decimasexta sensim factus est spiritus densus, & febris: mortua est. Haec febricitavit ante abscessum. Septima, post abscessum periit. Erat & haec rubicunda.

Filius mulieris ipsius Apemanti sororis: praecordia magna & splen, spiritus, secessus amaræ bilis, aliquantulo stercore ammixto, lassus ex operibus. Vigesima die, ad pedes, & iudicatio certe lassus ad articulos, non ad oculum: praecordia vero erant intenta, & sane erat etiam tussicula quaedam modice sicca. Quæ relinquuntur post iudicationem recidivam faciunt: & in ipsis morbis quæ excernuntur, sputum praematurum, alvus, vita intemperans, & similia.

19. Apemantus cui dolores in fede, in dextri lateris mollitudine, & juxta umbilicum paulo inferius, & e dextra parte: ante dolorem urinam cruentam mingebat, desitit tertia die. Et faber in altera parte, ex eadem in directum, & hic quoque urinam cruentam ejiciebat. Quæ ubi cessasset, ambo subsidentias in urinis habebant, & hoc tertia die. Apemantus autem plurimum fovebatur. Alter vero non sentiebat, nisi in dextra parte. Et Nicostrato accidit aliquid juxta ultimas partes a dextris, inferius quam quibus in sinistris: lon-

ge vero subter lateris mollitudinem, utque ad umbilicum utrisque.

Anicula apud Sofileum alba pituita referta. Tibiæ duris tumoribus, albis, laxis: itemque pedes, verum minus. Erant autem & in partibus infra femora, etiam si plerisque difficilis huc exitus patet: imo & in lumbis: & venter tenuis erat, praecordia submollia, spiritiosa non valde. Erat autem desinentibus plurimis, etiam alia cura.

Ubi glauci facti erant oculi. Atque oculorum quidem cura paulo moderatior erat. Coxæ vero ac cruris affectiones uterinæ erant, quum dolores esse putarentur. Apposito enim ac subditio medicamento odorato, ex farina & unguento, contigit ut brevi discuterentur ac desinerent. Tempus autem abscessus ad oculum, annus. Circumcirca durus fuit, cui etiam pustulae non perfecte contabuerunt. Sunt autem & a disquammatis talia.

20. Servus in Hippolochi villa, cui in praecordiis utrinque quid collectum erat durum, & fulgorem aliquantulum habens inferne, qualis erat in fabri ferrarii uxore hydropica: cui tenuia recrementa progressa partem aliquam evacuaverunt. Erat autem & hoc ipsum ad dextrum, planum quiddam, supra ea quæ circumferentiam habent elevatum. Huic umbilicus ex nativitate denigratus erat, & ulcus profundum fiebat, & umbilicus non valde cicatricem contrahebat: & pudendum summa parte denudatum erat, quum non statim tale fuisset, neque connatum, & adhuc magis fiebat. Hic plurimum vomebat: febris, cibi fastidium: sanatus est. Verum circa septimam a decubitu diem (nam & antea aegrotarat) aquam multam bibens, & fortassis aliter contemnens, jactabatur & aliquantulum convellebat.

tur. Desinente autem convulsione, circa animadversionem extinctus est. Ante hoc vero urinam acervatam minxit, & flatus cum crepitu prodierunt, & supernæ partes minime sunt evacuatae. Quum autem mortuus esset, statim etiam & illæ fortiter emollitæ sunt, & reliquæ rubefactæ sunt, velut a flagris per totum corpus, excepta ea parte ubi tumor ille maxime elevatus erat & multum quoque calidus erat. Cuidam vero in Abderis deorsum erupit. Cuidam autem anteriore parte intumescibat sine febre. Tumor ad contactum suppurato similis erat.

21. Famulæ anhelosæ, quum vasa menstruum sanguinem funderent, anhelationes illæ cessabant: febris fiebat: mamma sinistra superne suppurata est: & ab initio etiam auris.

Olympiodori famulæ sanguis ex sinistra nare: & iudicata est ad vigesimam, quemadmodum etiam febricitantibus: & secessus quales etiam æstate populariter grassati sunt, & quales Hipponactis.

Hyle famula Aristidis, octava die, in pharmacorum purgatione, inferne signa habuit, qualia facile ferunt: & si non præter rationem debilitantur, & neque spumosa, neque subsanguinolenta, sed qualia sunt ova, velut Heraclidæ uxor purgata est multum, & facile tulit.

Quæ in Bulagoræ villa depurgata erat, cœpit febricitare ex splene. (Qui vero dextrum præcordium habent, non quidem sublime, verum intentum, hi etiam magis rubicundi fiunt; Rubicunda quum esset: alvum in principio turbatam habuit: exspectabam ad oculum decubitum. Huic septima die, sanguinolenta lachryma mordax ex oculis prodiit, & secundum nasum, & fauces, & au-

rem sinistram. Decimaquinta, sudavit cum rigore, non iudicabatur ante rigorem, pallida facta est valde, & faciei circumtensio ac contractio. Aures e directo splenis ac lateris dolebat. Pueris ventres turbati, & tusses sicca: quandoque ad humerum suppuratio fiebat in tussibus, posterioribus diebus.

22. Fullo collum, caput, septima manus torpida. Nona, crus torpidum, tussis cessavit.

Cui maxilla distracta fuit, in quinto mense in ventre distracta erat ad sinistram partem.

In Cranone Lycino Grammatico, ex febre biliosa ex splene, capitis gravitas: stridebat secundum pulmonem, in labiis utrisque ulcera, intus rotunda, parva: postea etiam sanguinis quid ex nare e directo manavit.

Famulæ, quam recens emptam vidi, cui durities in dextris erat magna, non valde dolorosa, & venter magnus ac circumtensus: non similis hydropicæ, & alias pinguis ac mollis, & non valde difficulter spirans, verum decolor. Mentes septem annis non prodierant, facta est dysenteria, & non tenesmo tentata. Et sub hæc durities in dextra dolorosa erat: & febres tenues: & non ultra septem dies, etiam alvus turbata est, secessus electrum referens, subviscosus, multus ad aliquot dies. Sanata est, & menses postea prodierunt: & partes secundum ventrem molles fiebant, & corpus boni coloris ac crassum ipsi erat.

23. Minois uxor ex sectione, pressa ab eam administrantibus durius, in marcorem ac corruptionem incidit, malo ad pulmonem deveniente, brevi significationem de se dedit quotquot diebus supererat: erat & aliud quiddam intrinsecus. Quæ induntur in nares si febricitata-

citarint, siquidem solutus fuerit dolor, crassa per nares effluunt. Si vero neque dolor, neque febris, tenuia: & fortassis fervida. Veluti tenuis quidem Hegesippo, quum ad noctem quid indidisset. Crassum vero illi in Corintho eunucho simili, Celeuris filio erat. Maturi in morbis abscessus an judicent, signum est, si dum fervida sunt mala, non febricitarint: & dum molesta sunt, facile portarint. Velut quæ in sede acciderunt Charoni. Leambio vero quum intestinum ulcerosum esse putaretur, in dysenteria pharmacis curato, humerus & sedes ulcerata sunt in sinistra parte, citra febrem.

Cui a flatibus laterum mollitudo elevabatur, & aliquantulum dolebat, huic, quum lac uberius & meracius bibisset, & insuper dormiisset, statim nausea & calor accedebat: deinde ignem incendenti, & pro cibis farinam crassiore in craticula coctam comedenti, alvus substitit: & purulentum tamen quiddam egressit. Quum autem sedes esset inflammata, sine febre, & sine dolore sufficienter erat, hoc assero.

24. Senex in lapideis vestibulis, lumbos doluit, & ambo crura, & utriusque dolores descendebant ad femora, & quandoque tibias, & aliquando ad genua: & quum diutissime durarent, recursiones multæ fiebant: tumor in pedibus, lumbis, tibia: breves inguinum tumores, venter durus, & totus pectus intensus ac dolorosus. Plerumque comperitus est etiam vesicam duram habere ac dolorosam: & papularum eruptiones, & calores oculis, auribus, naribus, manu. Judicationes, & alia per quæ cognoscimus de ipso ægro, an sudet, aut tangat, aut aliquid olfecerit, aut gustaverit, itemque alia cognoscuntur. Pili, color, cutis, venæ, nervi, mu-

sculi, carnes, ossa, medulla, cerebrum, & a sanguine viscera, venter, bilis, alii humores, articuli: & postea an doluerit juxta aurem, juxta ipsum collectum tuberculum, glandulam non attingens, os non suppurans, & hoc dispartit, & tunc statim febricitavit. Pulsus, tremores, convulsiones, singultus, circumspiratio, secessus, per quæ cognoscimus. Suppuratis oculis, & dum erumpunt, ulcera magna fiunt, & dum secantur, profunda: & utroque modo oculi ulcerantur.

Aristeas ex pago Amphilocho quarta die, mente motus est: alvus subviridia egerebat, & somni salubres, albicantis coloris.

25. Quibusdam ab initio subtremuli digiti, & labia ubi loquerentur, itidemque aliæ partes: & proterve lingua citiore ac volubiliore præditi: his rubor in facie maxime erat. Hi ebriosi erant, aut vomitu commode usi intumescebant.

Qui juxta Medosadæ ædes habitabat, cui tenuia, non biliosa, aquosa, multa, per secessum prodibant: præcordium cedens & gibbosum: soporosus fiebat. Circa decimamquartam, ad judicationem maxime progresso, rigor sine tremore, dissolutio, resolutio, contractio, secessus & egestionis: soporosus, mente motus, ex somno non insaniit, judicatus est circa decimamquartam, nihil e judicantibus contrarium.

Alius, similiter in principiis secessus subviscosi, ex quibus quod crassum est judicatorium est, insomnis, postea subviscosi, subbiliosi, maturi, biliosi, non tenues: qui ubi compacta fieri cœpissent, judicationes celeres. Præcordium intentum apparuit inflammati, aut venarum intentarum modo,

circa sextam. Postea dormivit septima, judicatus est circa nonam, albicantis coloris ambo, non fulvi. Quum secessus aquosi sub dio expositi essent, superne leves, tenues, isatidi valde similes fuerunt: inferne vero subsidentiam habebant.

26. Quibus in dextris distentio submollis, phrenitici sunt: si non solvatur febre desinente. Quibus autem a mollitudine ventris in hac ipsa febre, quiddam collectum aut durum dolorosum fit, & valde malignum diffundi non potest, ex talibus fortassis suppurantur. In dextris tumores elevati, si quidem si quis plurimum ac maxime premat, submurmuravit, non valde maligni putandi sunt. Velut in dextris illi qui ex Amphilocho pago erat, & ei qui juxta Medosadæ ædes habitabat. Hi soporosi erant, & in somnis mente moti.

27. Constitutiones quales in quibus temporibus ac regionibus magis & quibus in minus fiunt. Vigores morborum, & ad judicationem, & quotidie: & ancitius fiunt, aut serius, tertia, quarta, circuitu: & in quibus circuitibus judicantia, tumentia, cruenta, & non. Quibus abscessibus recidivæ, fiunt, venæ temporum, & contractiones, & colorum mutationes ante judicationes, ex rubro ad viridem ac pallidum, si non judicent: & cutis circumtensiones absque judicatione, & oculorum contractio, corporis duritia sicca. Qui quidem volentes lachrymantur, non malum est. Quibus autem invitis lachrymæ profluunt, malum. Quibus in dentibus circumcirca viscosa fiunt, malum est subhiare ac fixis oculis intendere.

Qui in tibia ulcus habebat, & atico usus est, huic pustulæ elevatæ, rubræ, magnæ: atque hoc pro tussi quæ

postea accessit: prius enim non tussit. In Æno quicumque capite vulnerati horridi erant, maligni, & suppurati ex tennesmo: ex peregrinatione ac itinere dolor pedum, & in turbationibus lassitudines. Clinia cibum averfans, colliquescens, purulentum, aliquando parum cruentum, purulentum tumidum ejecit.

Hippeæ uxor hydropica, quæ etiam per tres annos vere incipiente tussit, amplius autem suppurata est, ad hyemem aquosa facta est, ab illis autem pharmacis curata melius habuit. Mortua est ancilla.

28. Ex tussientibus qui manibus laborabant, velut servus ille qui sarmen-ta obtorquebat, & Amyntæ filius, ambo sola dextra resoluti cessaverunt, quandoquidem perpeffi sunt hoc tussientes. Qui vero aut equitarunt, aut iter fecerunt, in lumbis ac femoribus resoluti sunt. Plurimæ vero tusses siccæ erant: sin minus, violentæ sane.

Uxor Emmyris modo non morbofo, absque febre, stupida esse videbatur. Postea ad tremorem totius corporis res ipsi devenit, & ad colliquationem, & cibi fastidium ac sitim, & frigida erat.

Nyctalopes, qui plurimum minxissent, postea parum quiddam mingebant. Verum tussientes & insuper febrientes tubercula ad aures habebant, erumpentia circa septimam aut octavam diem.

Emmyris filia febricitabat, & ex aure purulentum fluebat, circa octavam haud pro comperto habeo. Quibusdam vero etiam dens corrosus fuit: tertius maxime ex supernis. Præ omnibus autem hic reperitur corrosus: ad hunc dolor, & quibusdam etiam circumsuppuratio. Quibus vero ad aures, hi magis tussiebant quam illi. Quibus autem cum

cum febris ad suppurationem, septima recedit. Cuidam postquam exacerbatus fuit, præcordium solutum non est: alvo autem emollita, inerant pauca subviscosa, compacta: non bona urina, cruenti coloris: spuebat autem spiritum spumofum.

Ille ad quem Cynicus me induxit, septima exacerbatus est, circa decimam quartam iudicatus est. Disparentia, mala sunt: purus fauces: pauca, lata, matura exspuens: ex naribus parum sanguinis stillavit, capite gravatus erat. Manuum ac pedum dissolutio: alvus soluta profuit, pedes semper calidi, somni aderant ipsi, & juxta aurem non extuberabat, quoniam matura spuiisset.

29. Demarati uxor, pedes etiam in horroribus calidi: sive ad suppurationem, sive non tendebat, periit.

Senex qui e vita decessit, agrotabat, simul cum uxore sua, furiosum quiddam in se habebat. Postea vero ubi prodisset ab ipso lumbricus subcrassus, & modicus cibus, statim sedatus est, & dormivit, & sanus erat hic senex: & corporis cutis circumtentio: extremæ partes frigida, mollis, tremulus ab initio & labiis, & manibus, & voce, mente motus est moderate: hiabat, ac fixis oculis intendebat: non valde difficulter spirabat: diebus haud scio quot ultra viginti mortuus est.

Quibusdam præcordia & alvus subegesserunt compressa, acervatim, non cum murmuratione, velut in Abderis vermium speciem præ se ferentia. Quicquid contingit priore iudicatorios dies præcedente die, & mala, & bona signa fiunt in diebus, quibus qui exacerbantur

diuturniores fiunt: & quibus desinentes remorantur. Quædam non fideliter allevabant, & quædam per seipsa exacerbabantur.

30. Sputa peripneumonicis quibusdam biliosa, quum desinere volunt. Valde flava brevia fiunt. Si qualia sunt quæ in principiis adsunt, talia postea appareant, hæc non valde concoqui puto: sed iudicare, velut ei qui apud præceptorem erat, & velut alias quoque vidi.

Nicippus in febris per somnum semen effudit: & nihil ad pejus processit: & hoc ipsum sæpe ipsi factum est, & nihil læsit. Prædictum est ipsi id desitutum, postquam febres iudicatæ forent, & sic factum est.

Critias in febris ab insomniis vexabatur quæ novimus, & cessavit etiam ipse eadem somniare una cum iudicatione.

31. Alcippus quum haberet hæmorrhoidas, a curatione prohibebatur. Curatus insaniit, febre acuta succedente cessavit.

In febris acutis siticulosi, a medicis potu interdicto, aut etiam a seipsis abstinentes, multum sibi bibere posse videntur: his aqua frigida data ut revomant, prædest. Biliola enim aderunt. Quod nervi ipsi in seipsos trahunt, signum est. Siquidem enim nervi in supernis manus fauciati fuerint, manus deorsum nutabit, dum ab infernis nervis trahitur. Si vero contra, vice versa. Tussient siccam tussim, qui testes affectos habent: & ex tussi vena secta, ad testem solutio fit: & inflammati tussunt: & in febris ex inguinum tumoribus insuper tussunt.

H I P P O C R A T I S

P O P U L A R I U M

Liber quintus.



IN Helide olitoris uxor, febris corripuit ipsam acuta: & medicamenta bibens nihil sentiebat opis. In ventre infra umbilicum erat quid durum, & altius altero, & dolores exhibebat fortes. Hoc enim manibus cum oleo fortiter compressum ac emollitum est: & postea sanguis frequens ipsi deorsum processit, & sanata est, & vixit.

In Helide Timocrates amplius bibit. Insaniens autem ab atra bile, bibit pharmacum: hic purgatus est, purgatio multam pituitam ac bilem atram egerat per diem: & ad vesperam purgatio cessavit, & dolorem pertulit in purgatione multum: & quum polentam bibisset, somnus ipsum corripuit, & tenuit per noctem, donec sol oriretut. In somno autem praesentibus nihil respirare videbatur, sed mortuus esse: & neque quid diceretur, neque quid fieret, sentiebat. Extentum autem fuit corpus & rigidum. Verum vivebat, & excitatus est.

Scomphus in Oeniadis pleuritide correptus, mortuus est septima delirus. Pharmacum autem bibit infra purgans: priore ante potionem die mentis compos erat, & purgatus est non multum: quum autem purgaretur, deliravit.

Phoenici in Oeniadis & Andreae fratribus maxilla altera intumuit, & labium quod est ante maxillam & oculum: & neque intrinsecus quicquam spectanti apparebat, neque forinsecus

suppurabat: sed tumens arida putredine putrescebat. Et alter eadem perpeffus est. Mortuus est autem alter septima die, & pharmacum bibit, & nihil profuit: Verum Phoenici circulus putridus exsectus est: & ulcus purgatum est magna ex parte priusquam moreretur. Mortuus est autem & hic, ubi diutius vixisset.

2. Euridamus in Oeniadis, in peripneumonia decima die, incepit delirare: curatus ad mentem rediit, & sputa erant puriora, & morbus ad melius procedebat, & somno multo perusus est: & oculi morbum regium contrahebant, & mortuus est ad viginti dies.

In Oeniadis vir quidam morbo tenebatur, quum sine cibo esset, fortiter in ventre ipsius fugebat, & dolebat: & quum edisset ac cibi contriti essent, tempusque post cibi esum accessisset, non longe postea idem hoc patiebatur: & tabescebat corpus ac consumebatur: & alimentum ipsi non contingebat a ciborum esu: & per alvum secedebat cibus pravus & combustus. Quum vero recens cibum accepisset, eo ipso tempore minime fugebat, neque dolor aderat. Hic omnis generis pharmaca bibens sursum ac deorsum purgantia, nihil opis sentiebat. Ubi vero vena ipsi secta esset in utraque manu, donec exanguis redderetur, postea utilitatem percepit, & a malo liberatus est.

3. Eupolemus in Oeniadis, dole-

lebat coxam dexteram, & inguen, & commissuram propinquam ad coxam, ab inguine & coxa in anteriore parte. Huic sanguis detractus est a malleolo, multus valde, & niger, ac crassus: & pharmacum bibit alvum deorsum purgans, & multum purgatus est: & melius quidem habebat, dolores autem non remittebant. Sed suppuratam habebat & coxam, & commissuram in ipsa ad sedem, & partem circa inguen, quibus locis etiam amplius dolebat. Pus autem ad os magis fiebat, quam ad carnem, in profundo: & per tempus sic habens negligebat, donec valde debilis fiebat: postea crustæ ipsi inustæ sunt, valde multæ & magnæ, ac inter se propinquæ: & pus effluxit multum ac crassum: & mortuus est postea paucis diebus, tum præ magnitudine ac multitudine ulcerum, tum ex corporis debilitate. Huic si una ampla sectio incisa fuisset, & per sectionem pus emissum esset, & si opus fuisset, etiam altera sectio facta esset. Hæc sane in tempore si facta fuissent, mihi quidem videtur quod sanatus esset.

Lycon in Oeniadis, reliqua quidem eadem patiebatur: verum dolores etiam ad crus non ita valde progrediebantur, & non factus est suppuratus, sed sanus multo tempore. Bibebat autem pharmaca: & cucurbitas adhibebat: & venam secabat. Atque his factis melius habere videbatur.

4. Homo quidam Athenis prurigine toto corpore vexabatur, maxime autem testibus ac fronte, vexabatur autem valde vehementer: & cutis crassa erat per totum corpus, & velut lepra aspectu, & ex nulla parte cutem apprehendere potuisset, præ crassitudine. Huic nemo opitulari potuit. Transgressus autem ad Meltem, ubi sunt calidæ

balneæ, a pruritu quidem & cutis crassitudine liberatus est, verum hydropicus factus mortuus est.

Athenis virum cholera corripuit, vomebatque, & deorsum egerebat, & dolebat: & neque vomitus, neque per alvum secessus sisti poterat: & vox ipsum destituebat: & ex lecto moveri non poterat: & oculi caliginosi accaverant: & convulsiones tenebant ab alvo & intestino, & singultus. Verum secessus multo copiosior erat quam vomitus. Hic veratrum in lentium succo bibit, & alterum lentium succum insuper bibit, quantum potuit, & postea vomuit, & coacta sunt ac adstricta ipsi ambo: frigidus autem factus est, & lavabat inferne usque ad pudenda, calida valde multa, donec etiam supernæ partes calefactæ sunt, & vivebat: postera vero die, polentam bibit ex aqua.

5. In Larissa uxori Gorgiæ menses suppressi erant per annos quatuor, præter valde modicos. Verum in utero, ad quamcunque partem se inclinasset, pulsus exhibebant ac gravitatem. Hæc mulier concepit, & peperit, & puella viva nona mense edita est, ulcus habens in coxa: & secundæ consequentes, ac sanguinis fluxus valde multus, successerunt: postridie, & tertia die, ac quarta, etiam grumi sanguinis concreti: & febris tenebat usque ad decem primos dies, & de cætero prodiit ipsi sanguis ruber: & facies fortiter intumescerebat, itemque tibiæ, ac pedes ambo, & alterum femur: & cibos non admittebat. Sitim autem habebat vehementem, & frigidissima aqua conferebat: vinum autem nequaquam. At venter post primum puerum modice emollitus est, valde autem non confidit, sed durior erat: dolor autem non adebat. Quadragesima vero die, a prima,

superfoetatio excidit, caruncula quædam, & venter confidit omnesque tumores: & fluxio tenuis, ac sanguis olens prodiit, & sana evasit.

6. Mulier in Pheris caput circumcirca dolebat multo tempore, & nemo poterat illi quicquam opis conferre, neque dum caput purgaretur. Melius autem habebat, quum menses ipsi facile prodibant. Hæc quum caput dole-ret, ex subdititiis odoratis ad uterum appositis opem sentiebat, & modice depurgata est: & quum concepisset, dolores caput relinquebant.

Mulier in Larissa prægnans erat. Huic decimo mense sanguis prodiit multus per quatuordecim dies: plurimus autem tribus diebus ante pueri editionem. Decimaquarta, excidit ex utero puer mortuus, habens dextrum brachium lateri adnatum: & tertia die, noctu eadem hora qua puer, prodiit secunda, & purgamenta alba, deinde post hæc per tres dies, ac noctes multa moderate prodierunt. Postea febris corripuit, per duos dies, totidemque noctes, & dolebat omnem ventrem, & coxas, maxime vero pectinem.

In Larissa Hippotheses peripneumonia apprehensus esse medicis videbatur, erat autem nequaquam. Verum principio luctans in duro loco cecidit supinus, adversario ipsi illapso: & lavatus est frigida, & cœnavit, & gravior factus esse sibi videbatur. Sequenti autem febricitavit, & tussis apprehendit sicciior, & spiritus densus. Quinta die, cruentum exscreavit, non multum, & delirare incipiebat. Quando tussiebat, dolebat pectus & dorsum. Sexta autem ubi sternutasset, sanguis fluxit e naribus, quatuor heminarum mensura. Ad vesperam neque loquebatur, neque sentiebat, neque quid fieret, neque quid

diceretur. Undecima, mortuus est. Per quinque vero dies, modo sapiens erat, modo non. Erat & sine febre. Sputum autem nullum procedebat, neque stertorem habebat. Non enim erat sputum.

7. Scamandrus in Larissa, & in coxa marcorem habuit, & in osse diu disparato. Ipse vero sectus est sectione magna, etiam ad os ipsum, & postea ustus est, & tunc die duodecima post sectionem cœpit convulsio, & valde obtinuit: convellebatur autem crus hoc usque ad costas, & ad aliam quoque partem convulsio progrediebatur: fletebatur autem crus, & extendebatur: & alia membra movebat, & maxillæ compactæ riguerunt. Hic mortuus est convullus octava die, post convulsio-nis invasionem. Curabatur autem tepefactoriis utriculis, & fomentis ervi, per totum corpus: & infusum per clysterem immissum est, & tunc modicum stercoris prodiit: & pharmacum bilem abunde purgans bibit, ac insuper catapotium deglutivit, & secessit quidem, nihil autem a catapotio opis sensit: & somnus modicus venit: & rursus pharmacum idem forte ad vesperam bibit, ac sole emergente mortuus est. Videbatur autem multo tempore morbum ferre potuisse, nisi ex pharmaci vi periisset.

8. Equiso Palamedis in Larissa undecim annorum, percussus est in frontem supra oculum dextrum, ab equo: & videbatur os non sanum esse, & exiliebat ex ipso modicus sanguis, & sectus est sectione magna usque ad secundam laminam, & curabatur sic habens ipsum os, quod etiam antea statim os peperit. Vigesima tumor cœpit circa aurem, & febris & rigor, & in die magis intumescibat ac dolebat tumor: & ab initio febricitavit ex rigo-

rigore: & oculi intumuerunt, & frons, & tota facies. Patiebatur autem hæc in dextra magis capitis parte. Progressus est autem tumor etiam ad sinistram: nihil tamen hic læsit. Demum febris continua corripiebat. Atque hæc minora erant, usque ad octavam diem. Vixit autem ustus, & per catapotium purgatus, & cataplasmate tumori imposito. At vero ulcus nullius mali causa erat.

In Larissa Theophorbi filius vesicam scabiosam habebat, & viscosam urinam mingebat: & dolebat dum & inciperet mingere, & dum desineret: & confricabat pudendum. Hic quum bibisset pharmacum urinam ciens acre, in vesicam quidem nihil processit, verum multum purulentum & bilem evomit, & deorsum alia hujuscemodi egerebat: & ventrem dolebat, & intrinsecus ardebat, reliquum vero corpus frigidum erat, & totus resolutus est: & nihil assumere volebat. Huic exulceratus est venter fortiter valde, a vi medicamenti: & mortuus est tertia post potionem die.

9. Uxor Antimachi in Larissa, prægnans erat diebus circiter quinquaginta, & reliquo tempore præ fastidio a cibo abstinebat, & per septem dies uterum dolebat, & cor: & febris corripiebat: eo tempore nihil per alvum egerebat. Huic datum est catapotium deorsum purgans fortius quam conveniebat, & evomit bilem combustam, præ cibi abstinence & febre. Nam neque ullo potu utebatur: evomit autem paucam violenter, & grumosa: & ubi concitata fuisset, ac ipsam emisisset, debilis esse videbatur: & non volebat aquam bibens evomere. Postea vero dolor fortis tenebat infernum ventrem (exulceratus enim erat a medicamento, &

prodibat ipsi statim post stercus, subcruentum ramentosum). Semper autem amplior fiebat: & debilitas, & cibi fastidium: & purgamenti erant heminae quinque. Siscebatur autem alvus, aqua multa super ventrem affusa, aliud autem nihil potuit admittere. Mortua est circa mediam noctem. Videbatur vivere potuisse, si aquam bibere potuisset, ac statim vomere priusquam deglutivisset.

10. Famula Onesidemi in Larissa, ulcerata est alvum & intestinum, a bile sponte commota: & prodibat sursum ac deorsum bilis & sanguis: & febris tenebat. Huic debili datum est pharmacum deorsum purgans in potu, debile, aquosum, ac modicum, & vomit ab ipso multum: & infra amplius subiit: & vesperi rediit. Postridie febris erat, sed debilis. Alvus autem ulcerabatur, & adhuc eadem egerebat. Tertia die, ad vesperam mortua est, quum febris valde fortis ipsam corripuisset. Quapropter omnino mortura esse videbatur. Minime vero ideo quod aquam frigidam biberat, donec vomitus tenebat. Postquam autem perfrigeratus est supernus venter, depurgatus per aquam, succo frigido postea potu, sic postea infusum per clysterem immisum est.

Eudemus in Larissa, hæmorrhoidas habens fortes, ac diuturnas, quum exanguis esset, bilis commota est, sed leniter in corpore: & alvus turbata deorsum biliosa egerebat, & hæmorrhoides intumescebant. Pharmaco deorsum purgante potu, probe depurgatus est: & rursus bibit succum, & amplius alvus turbata est: & dolor ad præcordia consistebat. Huic quum venter non probe haberet, sed adhuc curatione indigeret, manus hæmorrhoidibus

bus admotæ sunt, & vomuit. Postquam cancer successisset, febris irruit, & non dimisit antequam occideret. Quandoque etiam cum rigor subrepens dimississet, febris venit, & prodiit ipsibilis & flatus, & partim prodibat, partim intus erat, & dolor in ventre. Hæmorrhoides autem extra intestinum rectum erant, reliquo tempore a purgationibus auspiciatæ: & flatus per ipsas prodibat: & ad sternutationem principium fiebat.

11. In Larissa vir quidam fauciatuſ est cominus ex manu per hastam latam a tergo, & summum ejus penetravit infra umbilicum per multum spatium, quod lividum erat & tumidum: postquam autem vulneratus fuit, dolor obtinebat primum fortis, & venter intumescebat. Huic postridie datum est pharmacum deorsum purgans, & egesit modicum cruentum, & mortuus est. Videbantur intestina hujus non esse sana, & venter sanguine plenus esse.

Apellæus Larissæus ætatem habebat annorum circiter triginta, aut parum aberat. Corripiebatur autem morbo, a quo vexabatur noctu magis in somno, quam interdium. Ægrotabat autem ad duos annos ante mortem. Vomebat bilem fulvam aliquando ubi excitatus esset. Vomebat etiam nigram. Hic purgatione a capite forti valde ad multum tempus purgabatur: & quum pharmacum bis bibisset, sex menses ipsum penetravit. Erat valde vorax multi cibi: & quum corpus haberet biliosum, multum luctatus, valde riguit: & febris corripuit, ac morbus ad noctem: postridie sanus esse sibi videbatur, & rursus altera die. Sequenti vero nocte morbus invasit cœnatum a primo somno, & per noctem ac diem, & usque ad cœnam tenebat.

Mortuus est priusquam resipisceret. Convellebatur primum circa dextras partes, faciemque ac reliquum corpus, postea in sinistris: & quum videretur quietus esse, soporem habebat, ac stertebat, & rursus succedebat morbus.

12. Eumelus Larissæus rigida habuit crura, & manus, & maxillas, & non poterat neque extendere, neque flectere, si non alius flecteret ac extendere. Et neque maxillas diducere poterat, si non alius diduceret. Aliud vero nihil neque dolebat, neque edebat, nisi mazam, & aquam mulsam bibebat. Vigesima die sedens cadit supinus, & caput ad lapidem vehementer offendit, & vertigo ipsi caliginosa offusa est: & paulo post surgens, sanus erat: & soluta erant omnia, præterquam post somnum ubi excitaretur, articuli modice ligati erant. Erat autem duodecim aut tredecim jam annorum, & ægrotavit mensibus tribus aut quatuor.

In Larissa virgo, quæ sanguinem vomuit, non multum, suppurata facta febribus corripientibus, non liberabatur priusquam moreretur. Mortua est tertio mense. Ante mortem vero obsurduerunt ei aures, & non audiebat, nisi quis valde exclamasset. Verum ante sanguinis vomitum debilis erat.

Famula Dyseridis in Larissa, quum juvenula esset, ubi Venere uteretur, fortiter circumcirca dolebat: alias autem sine dolore erat. Concepit autem nunquam. Et quum sexaginta esset annorum, dolebat a meridie, velut ex partu vehementer laboraret. Hæc quum ante meridiem porrum edisset multum, postquam dolor ipsam corripuit vehementissimus, & priores omnes excedens, exurgens asperum quiddam in ore uteri deprehendit. Postea quum ipsa animi deliquium incideret, aliamu-

mulier immissa manu, expressit lapidem asperum, magnitudine verticilli fusi. Et sana tunc statim, & postea erat.

13. Maliensi currus onustus inductus est supra costas, & costas confregit: & per tempus substitit ipsi pus infra costas. Ustus sub splenem penicillis ac linamentis utebatur, & pervenit ad decem menses. Resecta vero cute, caverna apparuit ad tenue intestinum utrinque procedens, & ad renem, & ad ossa procedebat putrida. In hoc non animadvertum est, quod & corporis habitus biliosus erat, & in corpore putredo sicca tenuis intestini multa, & aliarum carniarum, quas statim eicere oportebat, si quis potuisset sicco pharmaco, dum robur aliquod homo habebat. Nam ab humidis nihil remittebant, sed putrescebant: a linamentis vero inditis quum humor listeretur, rigor corripiebat & febris, & magis putrescebat: affluebat autem isthic putridum quiddam, subnigrum, graveolens. Priusquam vero curationis aggressio fieret, quotidie multum foras penetrabat. Erat autem non probe fluidum. Cognitum est naturam morbi esse magis remotam quam subter cutem. Quod si vero etiam omnia recte facta essent, tamen non videbatur servari posse, etiamsi ventris profluvium ipsum corripuisset.

14. Autonomus in Omilo, ex capitis vulnere mortuus est die decimasexta, in media æstate lapide ex manu iectus, in futuras in medio sincipite. Quare non animadverti ipsum secari opus habere: deceperunt enim me futuræ habentes in seipsis jaculi læsionem, postea enim conspicuum id fiebat. Primum quidem ad claviculam, postea ad latus dolor fortis valde, & convulsio ad ambas manus venit. In

Tom. I.

medio enim capitis ac sincipitis ulcus habebat. Sectus est autem die decimaquinta, & pus prodiit non multum. Membrana vero cerebri imputrefacta apparebat.

Famula in Omilo ex capitis vulnere, duodecimi annos nata, moritur in media æstate, decimaquarta die. Januam quidam ipsi impegerat, & os contuderat ac ruperat. Suturae vero in ulcere erant. Quare cognitum est recte sectione opus habere. Secta est autem non velut oportebat: sed quantum relictum est, pus in ipso factum est. Octava, rigor, febris invasit: habebat autem non velut oportebat, sed quantum etiam prioribus diebus quando febris non tenebat. Nona vero die reliquum resectum est, & valde modicum pus cum sanguine subter apparuit, & membrana cerebri pura erat: & somnus quidem occupabat: febris autem non dimittebat. Convulsio vero manum sinistram invadebat. Nam in dextris magis ulcus habebat.

15. Cyrenius in Omilo suppuratus factus, infernum ventrem ustus est, triginta diebus serius quam oportebat: & mansuete se habebat: & resiccatus est pus in ventre. Verum in calidissimo tempore edens fructus pomorum, & alios cibos non conferentes, a febre correptus est, & a ventris profluvio, & mortuus est.

Hecalon in Omilo, velut etiam alter serius ustus est, atramen resiccatus est venter, modico excepto. Dysenteria vero arripiebat ipsum, quam ubi effugisset, omnia edebat donec totus intumuit, & erupit ipsi pus deorsum, & ventris profluvio mortuus est.

Hecalon in Omilo, ab immunditia non purgata, & a prava purgatione, dolorem acutum in coxa habebat:

Y y

& hic

& hic quidem discessit, successerunt autem ipsi febres: & multo tempore in lecto decumbebat, neque bibens quicquam, neque sitiens: & debilis, & horridus. Huic commode quidem ablati sunt morbi velut conveniebat. Opem autem percipiebat ex his quæ offerebantur. Tandem vero erupit morbus deorsum, & totus secessit præ multâ bile: & mente motus est, & mortuus. Videbatur autem morbum evasurus esse.

16. Qui in Salamine in anchoram incidit, in ventrem fauciatus est, & circumcirca dolebat. Bibit autem pharmacum, & non egressus deorsum, neque revomuit.

Mulier, quæ jugulavit seipsam, suffocabatur: & datum est ipsi longe postea pharmacum deorsum purgans, & per secessum ipsi exiit.

Qui ex Eubœa venit adolescens, quum multum esset deorsum purgatus, intermissione facta quietus febricitavit: deinde quum putaret se purgatione sursum versus opus habere, non validam radicem veratri bibit, & post potionem quarta die, mortuus est, nihil expurgatus. Verum somnus ipsum tenebat, & sitis sedari non poterat.

Serva illa cui a catapotio sursum quidem pauca prodibant, ac suffocabant: deorsum vero multa, nocte mortua est. Erat autem barbara.

Quidam homo Eubœus potio pharmaco deorsum purgante, per tres dies purgabatur, & mortuus est. Habebat autem manum suppuratam usque ad cubitum.

17. Symmachi filius a bile suffocabatur, noctu quum dormiret, & febris eum teneret. Pharmacum autem ubi bibisset, non continuit, neque purgatus est diebus sex antequam moreretur.

Qui juxta carriculum habitabat, quum noctu sanguinem vomuisset, postridie mortuus est, sanguinem vomens multum, & strangulatus. Ad splenem vero, & deorsum multus sanguis ipsi prodibat.

Puer a mulo percussus ventrem & hepar, mortuus est quarta die. Spiritum autem densum habebat, & non intelligebat quicquam, & febris tenebat.

Hermophili filius aegrotabat diebus undecim. Febris autem tenebat, & cibi non deorsum prodibant: & primum quidem deliravit, nocte vero cessavit. Sequenti autem die voce destitutus jacebat stertens, distortos habens oculos, febricitans. Penna vero immissa vomuit bilem atram, & quum infusum per clysterem immissum esset, stercus prodit multum.

18. Servæ Aristionis pes sua sponte marcore corruptus obtorpuit, juxta medium pedis intrinsecus ex obliquo: & ossa putrida facta abscesserunt, & prodibant paulatim fistulosa: & ventris profluvium succedebat, & mortua est.

Mulier sana, crassa, a catapotio conceptus gratia accepto, dolorem habebat ventris, & tormen in intestino, & intumuit. Spiritus autem fistebatur: & desperatio erat cum dolore: & sanguinem vomuit non multum, & emortua est quinquies, ut vita decessisse putaretur: & neque vomitu facto ab aqua frigida laxabatur: neque dolor præsens, neque spiratio. Superfusæ vero sunt ipsi aquæ frigidæ amphoræ circiter triginta super corpus, & sane hoc solum prodesse videbatur: & postea deorsum processit bilis multa. Quum autem dolor obtineret, nihil poterat secedere, & vixit.

19. Antander a catapotio accepto, cætera sanus erat. Verum circa vesicam do-

dolorem habere videbatur : purgavit ipsam celeriter multo purgamento : & a meridie dolor tenebat fortis valde : & in posteram diem strangulatio, & desperatio, & jactatio : & vomebat, & nihil per secessum egerebat : & noctu patiebatur : & somnus non accedebat : postridie vero egerebat multum, & postea sanguinem : & mortuus est.

Athenadæ puero masculino a phagedæna ulcere corroso, doluit a sinistra parte dens infernus, a dextra supernus. Hujus auris dextera suppurata est, dum non amplius doleret.

Sutor in Pityo dum soleas veteramentaria fueret, pupugit seipsum supra genu in femur : & ferme longum digitum immerfit. Huic sanguis quidem nullus effluxit. Vulnus autem cito clausum est : femur autem totum in tumorem elevabatur, & procedebat hic tumor usque ad inguen & lateris mollicitudinem. Hic tertia die mortuus est.

20. Quidam juxta inguen sagitta percussus, quem nos vidimus, maxime præter omnem opinionem servatus est. Neque enim cuspis exempta est, erat enim valde in profundo : neque sanguinis eruptio ulla memorabilis fiebat : neque inflammatio : neque claudicavit. Cæterum cuspidem invenimus nos, ipsamque exemimus, quum sex jam essent anni, ex quo sauciatus erat. Suspicio autem erat hæc, inter sedios nervos, cuspidem occultatam fuisse, nullamque venam aut arteriam dissectam esse.

Qui percussus est spiculo acuto retrorsum paulo infra collum, vulnus quidem habebat non memorabile aspectu, neque enim in altum ferebatur, verum non multo tempore postea exempto spiculo, distendebatur in posteriorem partem tractus, velut opisthoto-

nici, & maxillæ ligatæ erant, & si liquorem aliquem in os sumeret, eumque deglutire conaretur, rursus relidebatur ad nares. Cæteraque statim pejora fiebant : & secunda die mortuus est.

21. Adolescens per asperam viam cursu facto, dolebat pernam, maxime inferna parte. Abscessum autem locus accepit nullum, velut qui colligeret humorem. Verum tertia die totus locus nigrescebat, usque ad talum, astragalum appellatum, & usque ad cavitatem, quæ est ad pectus pedis : & quod denigratum erat, non diffringebatur, sed prius moriebatur. Viginti vero dies ex toto a cursu vixit.

Qui ad oculum percussus est, percussus quidem est in palpebram, descenderat autem cuspis alte satis, barbæ vero summum supereminebat. Secta palpebra, sublata sunt omnia. Nihil erat mali. Oculus enim permansit, & compendio sanus factus est. Sanguis autem effluxit large, & multa copia.

Virgo illa pulchra Nestii filia, erat quidem annorum viginti, verum a muliercula amica ludente, lata manu percussa est in sinciput : & tunc quidem vertigine capta est, & sine spiritu erat, & quum ad domum venisset, statim febris vehemens corripiebat, & caput dolebat, & rubor circa faciem erat. Septima die, circa aurem dextram pus processit graveolens, subrubrum, amplius cyatho : & videbatur sibi melius habere, & allevata est. Rursus augebatur febris, & in soporem deferebatur, & loqui non poterat : & faciei pars dextera trahebatur, & difficulter spirabat : & convulsio ac tremor aderat : & lingua detinebatur : & oculus stupidus erat. Nonna, mortua est.

22. Cleomenis filius hyeme initio facto cibum averfabatur, & ejus fastidio citra febrem vexabatur: & vomebat cibos ac pituitam: & per duos menses cibi fastidium durabat.

Coco in spina gibbositas facta est ex phrenitide. Huic nulla medicamenti potio conferebat. Verum vinum nigrum, & panis esus, & balneorum abstinencia, & frictio, & lenis fots non cum multo fomento, sed placide.

Cuidam, quæ circa vigesimum ætatis annum biberat pharmacum ad fœtum perdendum, accidit dolor, vomitus biliosorum, multorum, pallidorum ac prasinorum. Quum bibisset, convulsio tenebat, linguam commandebat. Ad quartam diem ad ipsam ingressus sum, & erat ei lingua magna, nigra. Oculorum autem alba, erant rubra: insomnis. Quarta, mortua est ad noctem.

Origanum potum, oculis, & dentibus malum est.

Puella, quæ de rupe cecidit, voce destituta: jactatio aderat: & vomuit ad noctem sanguinem multum: quum ad sinistram aurem imegisset, amplius inde fluebat. Aquam mulsam difficulter deglutiebat: stertor: spiritus densus, velut morientium. Venæ circa faciem distentæ: decubitus supinus: pedes repidi: febris debilis: vocis interceptio. Septima vocem rupit: calores tenuiores tenebant: superstes mansit.

23. Pythocles ægrotantibus aquam, & lac multa aqua ammixta dabat. Perniones pertundendi, & calefaciendi sunt pedes, sic ut maxime excalefacias igne & aqua. Oculis incommoda sunt, lenticula, fructus pomorum dulces, & olera. Doloribus circa lumbos, & crura; & coxam, ex laboribus abortis, aquæ marinæ, acetique calidum fomentum confert, ita ut vel aspergas, vel

spongiam his imbutam adhibeas. Deligare vero oportet lanis succidis, & pellibus agninis.

Fullonibus inguina extuberabant dura; & sine dolore: & circa pubem, & in collo, similia erant tubercula magna: febris ante decimum diem. Tussi vexabantur a ruptionibus. Tertio mense aut quarto venter colliquivit. Calores successerunt: lingua sicca: sitis: egestionis deorsum malignæ: mortui sunt.

24. Qui lapide in caput percussus est a Macedone, & corruit. Tertia die voce destitus erat: anxietas: febris tenuis: pulsus non valde in temporibus. Nihil omnino audiebat, neque sapiebat: non quietus, sed quarta movebatur: humiditas circa frontem, & sub nasum, & usque ad mentum: & mortuus est.

Eniates in Delo jaculo ietus retro in latus, in sinistra parte, ulcus quidem sine dolore habuit. Tertia vero ventris dolor vehemens: non egebat. Infuso vero per clysterem immisso, stercus prodiit ad noctem: afflictio intermittebat. Sedes ad scrotum extabat. Quarta & ad pubem, & ventrem, dolor irruebat: quiescere non poterat: biliosa vomuit abunde colorata. Oculi quales animi deliquium incidentium. Post quintum diem mortuus est. Calor quidam tenuis inerat.

Ei qui hepâr percussus est jaculo, statim color qualis est mortuorum per corpus diffusus est: oculi ravi, anxietas, molestia. Mortuus est priusquam concio solveretur, quum sub diei exordium percussus fuisset.

25. Polemarchi uxori hyeme anginosæ, tumor sub guttur, febris multa, vena secta est, cessavit suffocatio ex faucibus, febris comitabatur. Circa quin-

quintam genu dolor ac tumor sinistri, & circa cor videbatur ipsi aliquid colligi, & respirabat velut hi, qui submersi fuerunt, respirant: & ex pectore substrepebat, velut qui concluso ore loquuntur: Engastrimythi, quasi ex ventre loquentes, Græcis appellati. Tale quiddam contingebat. Circa septimam aut nonam ad noctem alvus deorsum prorupit, & multa liquida quæ mala putantur egressit. Ipsa vero voce intercepta mortua est.

Ventres subpurgare oportet in morbis, quum matura fuerint, infra quidem, ubi confidisse videris. Signum habes, si neque anxii, aut capite gravati fuerint, & quum calores mitissimi fuerint, aut quum post exacerbationes cessarint. Sursum vero, in exacerbationibus. Tunc enim etiam sua sponte elevantur, quum anxii, & capite gravati fuerint ac se jactant.

26. Ex casu vulnerato cubito, ob corruptionem cubitus suppuratur. Quum autem jam maturus est, viscosa sanies exprimitur. Velut etiam Leogenisco, & Demarcho Aglaotelis filio. Similiter autem & valde ex iisdem pus nullum: velut Æschyli filio contigit. Suppuratis autem plurimis horror & febris succedebat.

Parmenisci filio surditas accidit. Contulit clysterem auricularium non adhibere, verum lana solum indita per-purgare: & oleum infundere, aut nepotum. Præcipere vero ut deambulet, mane surgeret, & vinum biberet album.

Aspasia uxori dolor dentis vehemens, & maxillæ in tumorem elevatae sunt. Quum vero castorium & piper collueret, opem sentiebat.

Callimedontis puero contulit ad tuberculum, quod habebat in collo du-

rum & magnum, & crudum ac dolorosum, sectio venæ brachii: & lini torrefacti cataplasma imponere subactum vino albo, & oleo imbutum, ita ut deligetur neque calidum, neque valde coctum. Aut cum aqua mulsa coquatur fœni græci, aut ordeï, aut tritici farina.

27. Melissandro quum gingiva dolore corripere, & vehementer intumesceret, sectio venæ brachii, & alumen ægyptium in principio sedabat.

Hydropicum laboribus fatigari oportet, sudare, panem edere calidum, in oleo bibere, non multum lavari, & caput tepide. Vinum autem album & tenue, & somnus auxiliatur.

Bianti pugili quum natura vorax esset, contigit ut in affectiones cholericas, bilis sursum ac deorsum exeuntis, delaberetur, ex carnis esu. Maxime vero ex porcinis carnibus crudioribus, & ex ebrietate vini odorati, & placentis ac dulciariis ex melle, & cucumere, pepone, & lacte, & polenta recenti. In æstate vero affectiones cholericæ, & febres intermittentes.

Timochari hyeme destillatio, maxime in nares: quum Venere usus esset, resiccata sunt omnia: lassitudo, calor successit: caput grave, sudor a capite multus: defluebat autem & per totum corpus. Erat autem etiam sanus sudare adsuetus. Tertia die evasit sanus.

28. Post canem febres fiebant sudorosa: & non perfrigebantur omnino post sudorem, sed rursus amplius incallescant: & longæ, & leniter sine judicatione, & non valde siticulosa: paucis in septem & novem diebus cessabant. Undecima & decimaquarta, & decima-septima, & vigesima judicabantur.

Polycratem febris invadebat, & sudor qualis præscriptus est. Purgatio
a phar-

a pharmaco deorsum facta est, & febris erat lenis. Rursus in temporibus sudores parvi, & circa collum, ad vesperam: deinde in totum, & rursus incaluit. Circa duodecimam, & decimamquartam diem febris augebat, & secessus pauci: post purgationem prohibitionibus usus est. Circa decimamquintam ventris dolor circa splenem, & lateris mollitudinem sinistram. Calidorum adhibitiones minus profuerunt, quam frigidorum. Quum autem leni ac molli per clysterem infuso usus esset, dolor cessavit.

Magnæ navis gubernatori anchora digitum indicem, & infernum os dextræ manus confregit, inflammatio successit, & marcor, & febris. Subpurgatus est moderate. Calores lenes, & dolores: de digito quid decidit. Post septimum diem, sanies exibat lenis: postea per linguam dixit se non omnia posse enunciare. Prædictum est opisthotonum adventare. Ad hoc conferebant maxillæ confertæ, & ad collum rigidæ. Tertia vero die totus convellebatur in posteriorem partem cum sudore. Sexta a prædictione mortuus est.

29. Harpali filius ex liberta Telephane, luxationem infra in pede magni digiti accepit: inflammatus est, & dolorosus erat: & ubi repositus est, & dolor remisit, proficiscebatur ad agrum: rediens lumbos doluit, lavit: maxillæ ad noctem conferebantur, & opisthotonus aderat. Saliva spumosa vix per dentes foras prodibat. Tertia die mortuus est.

Thrinon Damonis filius, habebat circa tibiæ malleolum ulcus, juxta nervum sane jam purum. Huic a Pharmaco corrosivo contigit, ut opisthotono moreretur.

Profecto in omnibus suppurationi-

bus, & his quæ circa oculum sunt, dolores ad noctem. Tusses hyeme, maxime in austrinis, crassa & multo alba exscreantibus: & febres succedebant leniter, & quinta die cessabant. Tusses autem circa quadraginta, velut Hege-sipoli.

Eutychides ex cholericis affectionibus, in cruribus ad nervorum distentionem desivit, una cum secessu deorsum. Bilem multam abunde coloratam vomuit ad tres dies ac noctes, valdeque rubram: & impotens erat, & anxius. Nihil autem continere poterat, neque ex cibis: & urinæ ac transitus deorsum suppressio multa: per vomitum fex mollis prodit, & deorsum quoque erupit.

30. Androphani vocis interceptio, ignorantia, delirium. His solutis supererat adhuc diu multis annis, & recidivæ fiebant. Lingua vero per totum tempus permanebat sicca: & si non colutione uteretur, loqui non poterat, & plerumque erat valde amara. Aliquando etiam dolor ad cor, quem venæ sectio solvit. Huic aquæ potus, aut aqua mulsa contulit. Veratrum nigrum bibit: neque biliosum prodibat, sed modicum. Tandem hyeme decubuit, & mente motus est: & linguæ affectiones similes: calor tenuis sine dolore, lingua decolor. Vox peripneumonica: de pectore stragulam rejiciebat, & se educi jubebat. Nihil autem poterat clare loqui. Ad noctem mortuus est.

Nicanoris affectio erat, quum ad convivium progredieretur, timor tibiæ: quum sub initium vocis tibiæ, in convivio tibia canere audivisset, præ timoribus turbationes. Vix se sufferre posse dixit, quum nox esset. Interdium vero audiens, nihil commovebatur. Talia comitabantur ipsum multo tempore.

31. Damocles qui cum illo erat, cæcutite, & corpore exoluto esse sibi videbatur: & non accessisset sane ad præruptum locum, neque trans pontem: neque minimi scrobis altitudinem transgredi poterat: sed per ipsum scrobem. Hæc per tempus aliquod ipsi affuerunt.

Phœnicis affectio ex oculo dextro talis quædam erat, plerumque velut fulgur elucere putabat. Quum autem non diu ipsum continuisset, dolor ad tempus dextrum instabat, & per totum caput ac collum. Caput intumescerebatur retro ad verticula: & distentio, & durities circum tendines: & ubi caput commovere, aut dentes diducere conabatur, non poterat, ut qui valde distendebatur. Vomitus ubi facti fuissent, prædictos dolores avertabant, & leniores faciebant. Sed & venæ sectio proderat, & veratri potio, eduxit autem varia & omnigena, maxime vero prasina.

Parmenisco etiam prius incidebant tristitiæ, & decedendi e vita cupiditas: Quandoque vero rursus lætitia.

32. Cononis serva ex capitis dolore incipiente, mente mota est: clamor, querelæ multæ, raro quies. Circa quadragesimum diem mortua est. Decem autem diebus ante mortem voce destituta, & convulsa fuit. Timocharis servus, ex atrabiliaris esse putatus, & talibus ac tot viris, similiter mortuus est circa eandem dies.

Adolescens quidam multo meracopoto, supinus in habitaculo quodam dormiebat. Huic serpens Arges appellatus in os ingressus est: & sane quum sensisset, & loqui non posset, dentibus stridit, & serpentem devoravit, & dolore magno tenebatur, & manus prætenfas adhibebat, velut qui strangularetur: & jactabat seipsum: & convulsus mortuus est.

Nicolai filius circa solstitium hybernium ex potationibus horruit: ad noctem febres: postridie vomitus biliosus, merus, modicus. Tertia die quum concio fori adhuc plena esset, sudor totius corporis cessavit.

Diopithis sorori in semitertiana, circa accessionem etiam cor graviter dolens, & concomitabatur etiam is dolor tota die: & hujusmodi cordis dolor etiam aliis similiter aderat. Verum tamen sub pleiadis occasum, viris talia rariora fiebant.

33. Epicharmi uxori antequam pareret, dysenteria erat, & dolor vehemens, secessus recrementa, subcruenta, mucosa. Ubi peperisset, statim sanata est.

Polemarchi uxori in morbo articulari, coxæ dolor quidam vehemens: causa erat quod menses non prodirent. Vox interceptabatur, per totam noctem usque ad meridiem. Audiebat autem & sapiebat, & per manum significabat quod circa coxam esset dolor.

Epicharmo circa pleiadum occasum, dolor humeri, & gravitas in brachium: anxietas, vomitus multi, aquæ potus.

Euprhanoris filio pustulæ velut cullicum morsus, verum modico tempore, postridie febricitavit.

Siccitatis multæ post favonium factæ sunt, usque ad æquinoctium autumnale. Sub canem æstus magni, calidi venti: febres sudorificæ. Tubercula juxta aurem multis oborta sunt.

34. Tychon in obsidione circa Datum, a catapultâ percussus est in petus, & paulo post risus erat circa ipsum tumultuosus. Videbatur autem mihi medicus eximens lignum, reliquisse aliquid de spiculo in septo transverso. Et quum ipsi videretur, ad vespertinam

miu-

infusum per clysterem adhibuit, & pharmacum deorsum purgans dedit. Noctem primam transegit moleste. Statim vero ubi dies illuxisset, & medico, & aliis, melius habere videbatur: (erat enim quietus:) prædictio facta est, quod ubi convulsio fieret, brevi esset moriturus. Sequenti itaque nocte moleste habens, infomnis, plerumque in ventrem decumbens, tertia exoriente die convellebatur, & tunc mortuus est.

Billo percusso in dorsum, spiritus multus per vulnus cum strepitu processit: sanguis erumpebat. Ubi vero medicamentum cruentis vulneribus destinatum adhibitum ac deligatum esset, sanatus est.

35. Contigit & infelicissimo Philes filio, denudatione in fronte facta, nona die febris: deinde os livefactum est: mortuus est.

Et Phaniæ & Euergetæ filio, livefactis ossibus, & febricitantibus, cutis ab osse discessit, & pus non comparuit.

Aristippus in supernum ventrem violenter ac graviter sagittæ ictu petitus est, ventris dolor vehemens, & brevi ardebat, deorsum vero non egerat: anxius erat, biliosa abunde colorata quum vomuisset, melius habere videbatur: paulo post rursus dolores vehementes, & venter velut in volvulis: calores, fitis: & in septem diebus mortuus est.

Neapolis similiter percussus, eadem passus est: acri infuso per clysterem immisso, alvus deorsum erupit:

color per corpus diffusus est, tenuis; pallidus, niger: oculi ficci, stupore rigidi, intus conversi, intuentes in corde.

Metrodori filio ex dentis dolore, maxillæ marcor, & gingivarum carnis superexcrescentia. Moderate suppuratus est: exciderunt dentes molares & ipsa maxilla.

36. Mulieri in Abderis, carcinoma obortum est circa pectus: & per mammam fluebat sanies subcruenta: obturata vero fluxione, mortua est.

Plerique ex destillatione secundum dimidiam capitis partem dolebant: & humore secundum nares procedente febricitabant leniter, & in quinque diebus perfrigerabantur.

Ei quæ in partu concussa fuit, dolor circa pectus & latus factus est, excreationes purulentæ. Tabes constitit, febres per sex dies. Rursus alvi profluvium, quies, febris, alvus adstricta est, & circa septimam diem mortua est.

Anginosa quædam dextram manum & crus doluit: febris tenebat debilis: strangulatio tertia die remisit: quarta convulsa, voce destituta, stertor, dentium contritio, maxillarum rubor. Mortua est quinta, aut sexta die. Signum circa manum sublividum.

Alia quoque in palato stertorosa: lingua ficca, peripneumonica, non desipiens mortua est.


Et in Olyntho hydropicus, repente voce destitutus, desipiens per noctem ac diem, mortuus est.

H I P P O C R A T I S ³⁶¹

P O P U L A R I U M

Liber sextus.

S E C T I O P R I M A:



QUIBUSCUNQUE ex abortu circa uterum, & tumoribus, ad capitis gravitatem convertitur, & juxta sinciput maxime dolores, & quicumque alii ab uteris: his in octo aut decem mensibus ad coxam morbus desinit. Acutum habentes caput, qui quidem validam habent cervicem, robusti sunt tum alias, tum ossibus. Qui vero caput dolent, & aures fluentes habent: his palatum cavum est, & dentes inter se non e directo respondentes. Quibuscunque os de palato discessit, his medius confidet nasus. Quibus vero inde unde dentes prodeunt, his summus nasus simus fit. Puerorum elucescentiæ simul cum pubertate, in quibusdam mutationes habent, etiam alias. In renem dolor gravis, quum impletur cibo, vomunt pituitam: quum vero redundarint dolores, æruginosa: & melius quidem habent. Solvuntur autem, quum cibus evacuati fuerint, arenulæque fulvæ subsident, & cruentum mingunt, torpor femoris e directo, quiescere non conducit. Sed exercitia, non impleri, juvenes veratro purgare, poplitem secare, urinam cientibus purgare, attenuare, & mollire. Menses aquosis diu permanent. Quum vero non brevi prodierint, intumescunt. In Cranone antiqui dolores frigidi, recentes autem calidi, ex sanguine vero pluri: & quæ ex coxa, frigida sunt. Quæ

Tom. I.

ad rigores fortes progressa sunt; non valde mitigantur, nisi prope vigorem. Ante rigorem urinarum suppressiones, si ex bonis fuerint, & alvus egerat, & somni adsint: fortassis autem & febris modus: fortassis etiam quæ ex lassitudinibus. Abscessus non valde, quibus rigores. Crurum effœmationes, veluti si aut ante morbum iter fecisset, aut statim ex morbo: eo quod fortassis ex lassitudinibus in articulos abscessit, ex quo crurum effœmationes. Tubercula extra extuberantia, & acuta, & fastigiata, & æqualiter maturescencia, & non obdura, & deorsum vergentia, & non bifida, meliora: contraria vero, mala: & quanto plus contraria, pessima. Ferinum autumno, & oris ventriculi dolores, & horrores, & atra bilis. Circa iniitia exacerbationes considera, & in omni morbo, quale est ad vesperam exacerbari, & annus ad vesperam, & ascarides. Infantibus tussicula cum ventris turbatione, ac febre continua, significat post judicationem bimestri, in totum vigesima die, etiam tumores ad articulos. Si quidem infra umbilicum constiterint, in infernis articulis superna, bonum: si vero supra, non similiter morbum solvunt, nisi suppurata fuerint. Quæ vero in humeris suppurantur tantillis, mustellæ cubito præditos, parvumquo ac macilentum brachium habentes faciunt. Solverit autem & ulcusculorum

Zz

inse-

inferne eruptio, si non rotunda & profunda fuerint. Talia enim perniciofa etiam alias sunt pueris. Solverit itidem sanguis fluens. Magis autem in perfectioribus is apparet. Lachrymæ in acutis male habentibus, ultroneæ quidem bonæ: involuntarie vero defluentes, malæ. Quibus circumtenditur palpebra, malum: malus est etiam oculus inarescens, velut spuma, & obscuratio oculorum mala est. Et squalliditas mala, & qui intrinsecus corrugantur, & rigentes, & qui vix convertuntur, & qui intus conversi sunt, & quæcunque alia omittuntur. Febres aliæ quidem mordaces sunt manui, aliæ lenes. Aliæ vero non quidem mordaces, verum augescentes. Aliæ autem acutæ quidem, sed quæ a manu vincantur. Aliæ statim adurentes, aliæ semper debiles, siccæ. Aliæ saluginosæ. Aliæ inflatæ, horrendi aspectus. Aliæ ad manum humectæ. Aliæ rubicundæ valde: aliæ valde pallidæ. Aliæ lividæ, & alia id genus. Distentiones corporis, & articulorum duritiæ, malum: & ipse dissolutus, & confractiones articulorum, malum. Oculi audacia, delirii signum est: & oculorum dejectiones ac perversiones, malum.

SECTIO SECUNDA.

Dilatare, constringere, alia quidem, alia vero non. Humores alios quidem expellere, alios vero ficcare, alios autem indere, & alia quidem parte, alia vero non. Attenuare, crassificare, corpus, cutem, carnes, & alia: & aliqua quidem, aliqua vero non. Levigare, exasperare, indurare, molliare, alia quidem, alia non. Excitare, torpescere: & quæcunque alia huiusmodi. Derivare, subcedentia statim

revellere, renitentibus concedere. Alium humorem non prodeuntem ducere: prodeuntem vero simul effundere: operari simile, velut dolor dolorem sedat. Diffimilia, si vergant sursum elevata, inferne solvere, & contraria per eadem: velut est capitis purgatio, venæ sectio, quando non temere detrahitur. Abscessus velut glandularum tumores, signum quidem sunt earum partium quæ germina habent, sed & aliarum: maxime vero circa viscera. Maligni autem hi sunt. Spiritus parvi densi, magni rari, parvi rari, magni densi: extra magni, intus parvi: intus magni, extra parvi: alius extendens, alius urgens: dupla intro revocatio, velut superinspirantibus, calidus, frigidus. Medela assiduorum oscitationum, spiratio longa. In non potantibus, & vix, spiratio brevis. E directo & laterum, & præcordiorum intentiones, & splenis elevationes: & e naribus eruptiones, & aures e directo. Horum plurima etiam ad oculos. Utrum igitur omnia? aut quæ quidem ex infernis sursum, e directo: qualia sunt quæ juxta maxillas, aut circa oculum aut aurem? quæ vero ex supernis deorsum, non e directo? Atqui & anginosi rubores, & laterum dolores e directo. Aut etiam quæ infra hepar sunt ex supernis distributa, velut in testes ac varices. Consideranda sunt hæc quo, & unde, & propter quid. Venæ temporum non confidentes, neque viriditas splendida, si spiritus intus relinquatur, aut tussis sicca, non ferina: ut in articulos decumbat expectare oportet, e directo distentionum secundum ventrem ut plurimum. Habent autem horum plurimi, & facies rubicundas, & ex natura sunt modi albidioris, & de naribus sanguis non erumpit, aut parum erum-

erumpit: & si quidem ex affusis intus relinquatur, paratus est abscessus. Sitis intus relicta, & oris resiccatio, & injucunditas, & cibi fastidium, eodem modo. Febres autem non acutæ, ejusmodi sunt, verum revertentes. Quæ relinquuntur post judicationem, recidivas facere solent. Primum itaque splenis elevationes, si non ad articulos finierint, aut sanguinis e naribus eruptio fit, aut dextra præcordii intensio: si non penetraverint urinæ. Hæc enim est interceptio utrorumque, recidivæ horum merito fiant. Abscessus igitur horum facere oportet, si non fiant: eos vero qui jam sunt, declinare: eos autem incipere, si prodierint jam, & qualia oportet, & qua parte oportet. Qui vero non valde, eos coadjuvare. Eos vero avertere, si omnino incommodi fuerint, maxime si hi affuturi sunt: sin minus, si jam incipiunt. Quartanæ sanguinis e naribus eruptiones ægre judicant. Febres quæ una die intermittentes, altera superrigent una cum judicatione, ex quinque ad septem circuitus durant. Quæcunque tertianæ naturam habent, his nox molesta ante exacerbationem: quæ vero sequitur, tolerabilior plerumque est. Tusses siccæ parum irritantes a febre adurente, non pro ratione siticulosæ, neque linguæ torrefactæ, nor feritate, sed spiritu. Constat id inde. Quum enim loquuntur, aut stant, tunc tussunt: quum vero non, minime. Hoc autem in febribus: ex lassitudinibus obortis maxime contingit. Nihil temere affirmandum, nihil contemnendum. Contraria paulatim facta accessione adhibenda sunt, & interquiescendum. Dolenti capitis partem posteriorem, recta vena in fronte secta profuit. Successiones præcordiorum ex qualibus qualia alterant, & visce-

rum inflammationum qualia possunt, sive ex hepate spleni, & vice versa: & quæcunque hujusmodi. Revellere oportet, si non qua oportet repant: si vero qua oportet, his oscula aperire oportet, qualiter singula repunt. Latæ pustulæ non valde pruriginosæ sunt: quales Simon habebat hyeme, qui ubi ad ignem inungeretur, aut calida lavaretur, opem sentiebat. Vomitus non proderant. Arbitror si quis calida fomenta adhibuisset, opem ferre potuisset. Quæcunque concoqui oportet, conclusa esse convenit: contraria vero siccare, & aperta esse. Oculorum fluxiones, si alias conducere videtur, revellere ad fauces convenit. Et ubi eructatio conducit, & quæcunque alia hujusmodi. Transitus apertos esse oportet, veluti nares, & alia quibus opus est, & velut opus est, & qualia, & qua parte, & quando, & quantum opus est: velut sudores, & alia sane omnia. In magnis malis facies si fuerit bona, bonum signum est. In parvis autem, contraria significans bonæ significationi, malum. Apud magnum Theatrum ubi mulier retro heroum, morbo regio superveniente, permansit ipsi. Apud Temenæ neptim ille nigricantis erat coloris. In Perintho genituræ similis urinæ talis, quæ esset judicatoria, etiam pectinis affectionum. Nam hujusmodi urinæ talia sanant: quoniam neque flatu multo, neque stercore multo egrosso evacuabantur. Non enim profecto magnum erat præcordium. Brassicam septima die quis comedit, quum adhuc difficulter spiraret: postquam pecten emollitus est, recte spirans factus est, alvus ipsi expulit. De sanguine seroso, quoniam in pavidis talis, aut in his qui vigilarunt: & sive malus, sive bonus. Quibus splen deorsum vergit,

pedes, & manus, & genua calida sunt: nasus & aures semper frigida. Num propter hoc quod tenuis sanguis? Num & natura talem hi habent? Suppuratio- nibus umbilicus, terminus: quibus sup- puraturis ventres turbantur. Splen du- rus non superne, inferne, rotundus, latus crassus, longus, tenuis longus, minus capitis gravedine laborantibus. Circa ægrotantem administratio, & de morbo interrogatio: quæ narrat qualia, quomodo accipiendi sermones: quæ ad ægrotantem, quæ ad præsentem, quæ ad externos. Quod in calidiore, solidio- re, in dextris: & nigri propterea, & venæ extrinsecus, & multo biliosiores. Concretum est, compactum est citius: ubi motum est, desinit, & tardius au- gescit, & ad amplius tempus: Quod solidum factum est, & biliosius, & sanguinolentius est. Hic calidior est lo- cus animali.

SECTIO TERTIA.

Cutis raritas, ventris densitas: cu- tis constrictio, carniū incrementum: ventris torpor, universorum confusio: nasorum immunditia, cerebri consum- ptio. Quapropter & calvities, instru- mentorum attritio. Detractio cursibus, luctis, quiete, multis celeribus deam- bulationibus, carne ovilla, maza co- cta plerumque, panis modicus. Detra- ctionis signum, eandem horam diei ser- vare, derepente enim trahitur. Remit- tito labores, aut defluet. Similiter enim totum concidit. Quum vero jam conciderint, carnes suillas affatas exhi- beto: Quum autem implentur, signum est, quod corpus rursus floridum fit. In exercitationibus signum, sudor fluens guttatim, qui exit velut ex canalibus: aut collapsio ex elevatione. Mulier

quam primum curavi in Cranone, splen ipsi magnus natura, febris ardens, ru- bicunda, spiritus, decima sudor plerum- que superne. Sed & inferne, decima- quarta. Minus his qui ex capite gra- vedine ac raucedine laborant, ubi fe- bre correpti fuerint recidivæ (velut pu- to) fiunt. Quicquid suppuratur, non revertitur. Ipsa enim maturatio, & ju- dicatio simul, & abscessus. Quibusdam ubi Venere utuntur, venter inflatur, velut Damagoræ: quibusdam vero in hoc strepitus: Arcesilao vero etiam in- tumescebat. Flatuositas simul causa est in his qui scapulas alarum modo emi- nentes habent. Sunt enim flatuosi. Fri- gidum valde, venas rumpit, & tussim movet, velut nix, glacies: & con- stringit, velut sunt eminentiæ oblon- gæ, & rotundæ: Pherea & Gongronæ, a satyrorum circa aures eminentiis, & arborum quarundam tuberculis appella- tæ. Simul causa sunt etiam durities. Post mictionem concretio, pueris ma- gis: num quod calidiores? Figuræ ma- gis allevantes, velut qui sarmenta ma- nu necitebat & obtorquebat, præ dolo- ribus decumbens, arrepta paxilli sum- ma parte supra seipsum infixæ, inhære- bat, & melius habuit. Quem ex mon- tano labore circa pontem ego vidi eru- ra jactantem, altera tibia minime ex- tenuabatur, femoribus autem valde. Urinæ & genitura non supprimebantur. Quæcunque laterum naturæ, scapulas alarum modo eminentes habent, pro- pter causæ debilitatem, in desillatio- nibus malignis, sive excretio fiat, sive non fiat, malum. Rigores incipiunt mulieribus quidem magis a lumbis, & per dorsum, & tunc ad caput. Sed & viris posteriore corporis parte magis quam anteriore. Horremus enim ma- gis exterioribus quam interioribus cor- poris

poris partibus , velut cubitis , femoribus . Sed & cutis rarior : indicat autem pilus : a quibus autem aliis rigent , fortassis ulceribus , incipiunt a vasis . Summa , ex nativitate , & causa , & plurimis rationibus , & paulatim in cognitionem venientibus colligentem ac addiscentem , an similia sint inter se , & an non similia sint inter se : quo ex dissimilitudinibus similitudo fiat una . Sic sane fuerit via . Sic etiam eorum quæ recte se habent probatio , & non recte se habentium redargutio . Sanguinis ex naribus eruptio , aut subpallide nigricantibus , aut rubicunde pallentibus , aut subpallidis . Parum dimittentem crassificare oportet sicco . Aliis vero minus crassificatione opus est . Sicco autem opus est albo , velut galla ; alumen . Postquam Venere uti inceperint , aut hircire , sanguis ipsis e naribus erumpit . In accessibus alii quidem strepitum edunt , velut Arcesilaus . Alii vero accessuri , horridi fiunt ac rugosi . Alii postquam accesserint , ventre inflantur , velut Damnagoras . Mutationes cavendæ . Cibus modicus , non delassari , non sitire . Omnis attenuatio laxat cutem : deinde circumtenditur . Renutritio vice versa . Cutis confidentis corrugatio , renutritæ extensio . Rugosum , læve , utriusque signum , itemque subbiliofum & subrubrum : sic etiam detractas esse mammas , graciles autem sursum tractas esse & circumtensas , etiamsi quis non propterea putaverit id fieri , sed in carnositas . Claviculæ conspicuæ , venæ pellucidæ . Herodicus febricitantes interficiebat circuitibus , luctis , multis fomentis . Mala est febriculositas , inimica fami , luctis , circuitibus , cursibus , frictioni : laborem labore . Ipsius venarum rubor , livor , pallor , laterum dolores molles . Non

sitire faciunt , continere os , tacere , ventum cum potu frigidum inducere . Occasiones unde ægrotare cœperint , considerare oportet , sive capitis fuerit dolor , sive auris , sive lateris . Signum sunt dentes , & in quibusdam inguinum tumores . Ulcera orientia ac tubercula judicantia febres . Quibus hæc non fiunt , judicatio sublata est . Quibus intus relinquuntur , certissimæ recidivæ ac celerissimæ . Sputa rotunda delirium significant , velut in Pleno . Qui hæmorrhoidas habent , neque pleuritide , neque peripneumonia , neque phagedæna , neque furunculis , neque tuberculis terebinthi figuram habentibus corripuntur , fortassis autem neque lepris , fortassis neque vitiliginibus . Multi tamen intempestive curati , talibus non tarde correpti sunt , & sic perniciosæ fuerunt : & quicumque alii abscessus , velut fistulæ , aliorum medela sunt . Decubitus humorum ad aliquem locum , in quibus factos affectus liberat , in his prius ipse factus , illos impedit . Alterius loci morbos loca excipientia , aut ob dolorem , aut ob gravitatem , aut propter aliud quiddam liberant , aut quod aliis sunt communicationes . Propter inclinationem non amplius sanguis prodit , sed juxta humoris cognationem talia spuunt . Convenit quibusdam sanguinem detrahere , tempestive in talibus . In aliis autem velut in his , non convenit . Impedimentum in spuentibus cruenta , tempus anni , pleuritis , bilis .

SECTIO QUARTA.

Tubercula circa aurem quibus circa judicationem exorta , non suppurata fuerint , his disparentibus recidiva fit , pro ratione recidivarum . Recidiva

VERO

vero contingente, rursus intumescunt, & permanent, velut febrium recidivæ in simili circuitu: his spes est ad articulos abscedere. Urina crassa, alba, qualis Archigenis familiari erat, in lassitudinis febribus quarta die aliquando prodit, & liberat ab abscessu. Si vero ultra hoc, etiam sanguis e naribus large eruperit, etiam valde. Cui intestinum in dextra parte dolebat, & articulari morbo correptus est: erat quietior. Postquam autem hic curatus fuit, magis dolebat. Agasis filia quum esset puella, densum spiritum habebat. Mulier autem facta, a partu non diu dolore correpta leviter, magnum onus sustulit: & statim quidem in pectore aliquid crepuisse visum fuit. Postera die & anhelationem habebat, & coxam dextram dolebat: & quum hæc dole-ret, tunc etiam anhelatio habebat: coxæ vero dolore cessante, etiam anhelatio cessabat. Spuebat spumosa, ab initio vero florida. Ubi vero confidisset sputum, vomitui bilioso tenui simile erat. Dolores maxime erant quum manu laboraret. Hanc ab allio arcere visum fuit, porcoque, ac ovicula, & bove: in rebus autem agendis, a clamore, & excandescencia. Cui in capite tumor depascendo proserpebat, ei primum, alumen ustum profuit. Habuit alium abscessum, forte quod os abscessurum esset. Abscessit sexagesima die supra aurem: sursum ad verticem vulnus erat. Intestina crassa habet, qualia sunt canis, verum majora. Dependunt autem ex medianis membranis: mesocolis hac parte appellatis. Hæ vero ex nervis, de spina, sub ventrem. Ægrotantibus gratificationes, velut est pure præparare potus ac cibos, & ea quæ videt: molliter ea quæ contingit. Aliæ gratificationes,

quæ non magnopere lædunt, aut facile reparari possunt, velut frigida, ubi hac opus est. Aliæ gratificationes sunt, introitus, sermones, habitus, vestitus ægrotanti, tonsura, ungues, odores. Aqua decocta partim ut aërem admit-tat, partim ut vas non plenum sit, & operculum habeat. Quod ex sanguinis eruptionibus, aqua inter cutem corripuntur. Si qualia oportet purgari, purgentur, facile ferunt. In Æno legumina comedentes assidue, fœminæ, mares, crurum impotentes facti sunt, & permanserunt. Sed & ervum comedentes, genuum dolores habebant. Palam vigilans, calidior externis partibus: frigidior autem, internis: dormiens, vice versa. Calidæ naturæ frigiditas, potus aqua, quiescere, somnus in frigore, contacto, somnus sedentium, erectorum niectatio. Debilis victus, frigidi: robusti vero, calidi. Aquarum arte non præparatarum, quæ quidem ab æthere excreta est; aut cum tonitruo, æstiva: procellosa vero, mala. Aqua vorax, vigilia vorax. Percalidam naturam calido tempore, in frigore cubile crassificat: in calido attenuat. Exercitatio sanitatis, est vesci citra saturitatem, & non refugere laborem. Inter vigilandum siti levi somnus medela est: siti vero ex somno, vigilia in quibusdam. Quibus plurimus calor est, maxima voce præditi sunt. Nam & plurimus est frigidus aër. Ex duobus autem magnis, magna etiam quæ generantur existunt. Ventriculo calidi, carne frigidi & tenues, hi eminentes venas habent, & iracundiores sunt. Terra siccitatibus squallida, volucrum genus abundat. Hircire incipiens, uter testis extra apparuerit, si quidem dexter, masculum: si vero sinister, fœmellam portendit. Oculi prout

prout validi fuerint , ita etiam corpus : sed & color in pejus aut melius vergit . Justum est autem , prout se habuerit alimentum , ita & quod forinsecus est sequi . Signa lethalia , per cutem , nares , calidus vapor : ubi prius nares frigidum spiritum emiserunt . Signa vero vitalia , contraria sunt . Labores cibos præcedant .

SECTIO QUINTA.

Morborum naturæ medici . Invenit natura ipsa sibi ipsi aggressiones , non ex præmeditato : partim velut est nictare , partim vero & ea quæ lingua subministrat : & quæcunque alia hujuscemodi , non edocta natura , & nullo magistro usa , ea quibus opus est facit . Lachrymæ , narium humiditas , sternutationes , auris sordes , oris salivæ eductio , spiritus introitus , exitus , oscitatio , tussis , singultus , non ejusdem omnino modi . Urinæ secessus , & flatus , & hujus alterius alimenti , & transpirationis , & ea quæ scæminis solis adsunt , & in reliquo corpore sudores , pruritus , corporis distentiones cum oscitatione , & quæcunque hujuscemodi . Hominis anima semper producitur usque ad mortem . Si vero efferbuerit , una cum morbo etiam anima corpus depascitur . Morbi connutriti , in senectâ , & per concoctionem , & per solutionem , & per rarefactionem desinunt . Sanatio , contra sentientem non consentire affectioni . Frigidum & auxiliatur , & occidit quæcunque ex calido sunt . Excandescencia retrahit cor & pulmonem in seipsa : & ad caput calida ac humidum . Latitia vero relaxat cor . Labor articulis & carnibus : cibus , somnus , visceribus . Animæ deambulatio est cura hominibus . In vulne-

ribus sanguis concurrat , opitulandum igitur ut vacuum expleatur . Si auris doleat , lana digito obvoluta oleum calidum instillato : deinde lanam intus involam manus positam , sub aurem subdito , ut aliquid ipsi exiisse videatur : postea in ignem immittito : dolus . Lingua urinam significat . Linguae virides cum pallore , biliosæ . Biliosum autem a pingui . Rubicundæ vero a sanguine . Nigræ ab atra bile . Siccæ a fuliginoso ardore , & uterina parte . Albæ vero a pituita . Urina concolor cibo , & potui , & qualis intus est humidi colliquatio . Lingua concolor attingentibus ipsam humoribus : quapropter per hanc humores cognoscimus . Si falsæ carnes gustanti , redundantia signum . Si mammaram pupillæ , & rubor pallidus fuerit , morbosum uteri vas est . Hominibus sordes in auribus , dulcis quidem lethalis , amara vero non . Terram mutare commodum est in longis morbis . Debiliores cibi brevem vitam habent . In fluxionibus ad coxam , venas retro aures secato . Coitus morbis ex pituita commodus . Calido ventriculo præditos , fortes potus ac cibi perturbant . Atræ bilis velut similis est hæmorrhoids . Augescentes morbos coitus . Frigiditas ea quæ in ventre sunt indurat . Coitus ea quæ in ventre sunt indurat . Eum qui veratrum bibit , si citius purgare volueris , lavare oportet aut comedere . Sanguis in somno intro magis fugit . Rigor a superiore ventre , febris ab inferiore magis . Attractio , pulmo , siccus ardor : supervacuam siccatur & somnus multus . Frigidissimus cibus , lentes , milium , cucurbitæ . Ulcera exoriuntur si quis dum impurgatus est laboraverit . Mulier , capra , elaterium aut cucumerem sylvestrem comedentes , pueris purgatio . Calido corpori,

pori, id quod comedit, intrinsecus frigiditas est: forinsecus autem dolor a sole, igne, vestitu, in tempore æstivo. Contrario vero contrario modo. Cibi partim celeriter superantur, partim tarde.

SECTIO SEXTA.

Carnes attractrices, & ex ventre, & extrinsecus. Indicio est sensus ipse, quod exspirabile ac inspirabile est totum corpus. Calidissima venula sanguinis multitudine, id quod fuliginosum est exerit, & statim secernit. Et quibus quidem pingue, bilis flava: quibus autem sanguis, atra. Mentis, memoria, olfactus, aliorum etiam famis instrumentorum exercitatio. Labores, cibi, potus, somnus, res venereæ, omnia mediocria. Frigidior in frigido tempore ac regione calidior erit. In doloribus proximum ventrem purgato, sanguinis autem ventrem secato. Ustio, sectio, calefactio, perfrigeratio, sternutationes, plantarum succi: in quibus vim habent, & cyceonis mixtura. Maleficorum autem lac, allium, vinum fervefactum, acetum. Homo ex lassitudinibus ex itinere, imbecillus, gravatus, exspuit. Tussivit enim ex vertice: febris acuta, ad manum submordens. Secunda die, capitis gravitas, lingua combusta fuit, naris unguibus conscalpta sanguinem non effudit. Sinister splen magnus & durus dolebat. A quartana correpti, a magno morbo non corripiuntur: si vero corripiantur prius, & succedat quartana, liberantur. Pro qualibus qui morbi. Bilis fit, velut de vulneribus dixi, quod sint biliosæ. Caliditas acrimoniæ signum est. Turbationes, transitus. Nam mente motis dolores laterum desinunt: quibusdam & febres, quibusdam non. Sed

cum sudoribus, quibusdam autem cum turbatione, quibusdam vero cutis arida & circumtensa ac falsuginosa. Torpefactiones quales ex qualibus, & quales illi cui coxa. Per aures, ex auribus, plerumque tertio die moriuntur. Quibus cutes circumtenduntur aridæ ac duræ, sine sudore: quibus laxæ sunt ac raræ, cum sudore moriuntur. In recidivis mutationes profunt. His transmutare oportet ad ea, quæ conveniunt, antea quam male afficiantur, velut Cherioni. Quæ irritantur ex qualibus, stridulæ faucium asperitates terminum præcipient. Quibus quidem id quod sanum est relinquitur, causa deorsum submissa, eos aut purgato, aut deligato, aut ejcito, aut refecato, aut exurito: quibus vero non, non. Quibus sanguis multus fluit ex naribus, qui quidem decolores mero modo sunt, his parum prodest. Quibus vero colores rubicundi, non similiter. Et quibus capita sunt quæ facile tolerant, prodest. Quibus secus, non. Quibus nares natura humidiores, & genitura humidior ac copiosior, hi morbosius sani sunt. Plurimis autem quibus ex morbo, vice versa. Sputa rotunda, mentem emovent, velut illi in Plinthio. Huic sanguis ex sinistra nare erupit, & solutus est quinto die. Urina multam subsidentiam habens, a mentis emotione liberat, qualis erat Dexippi. Post pilorum defluvium, quartana febris non ultra annum. Aurium eruptiones æstate quinta die fiunt: quandoque vero etiam diutius durant. Ita & circa gingivas, & circa nares suppurationes. Quibus indentium dolore, de supercilio tenuia descendunt, his a pipere probe affricto postridie crassiora descendunt, si etiam alia non obtinuerint. Nam Hegesippo soporiferum inditum non obtinuit, sed ma-

magis & violentius insuper provocavit. Offium naturam ex capite colligere oportet: deinde nervorum, & venarum, & carniū, & aliorum humorum, & supernorum, ac infernorum ventriculorum, & mentis, & morum, & eorum quæ per annum fiunt, tempore quodam anni præcociore, velut pustulæ & hujuscemodi. Simile enim est his quæ quotidie citius aut serius accipiuntur. Similiter & biliosum, & sanguineum corpus atrabiliarium fit, si non habet evacuationes. Lycino postremum splen magnus dolorosus, in quarta, aut quinta.

SECTIO SEPTIMA.

Tusses cœperunt circa solstitia hyberna, decimaquinta aut vigesima die, ex frequenti australium & aquilonarium ac nivolorum transmutatione. Ex his aliæ breviores, aliæ diuturniores fiebant, & post has multæ peripneumonice affectiones. Ante æquinoctium rursus plerisque revertebantur, quadragesima ut plurimum ab initio die: & aliquibus sane valde breves ac judicatu faciles erant, aliquibus autem fauces inflammatae sunt, quibusdam anginae obortæ: quibusdam leves syderationes, aliis nyctalopes, atque hi magis pueris. Verum peripneumonice affectiones valde breves erant. Faucium vero inflammationes post tussim, aut omnino parum pro tussi fiebant, atque hæ breves, magis autem nyctalopes. Anginae vero & leves syderationes, aut duræ & siccae, aut parvæ & raro matura educentes: quibusdam vero etiam valde. Qui igitur aut vocibus amplius se fatigarunt, aut riguerunt, in anginas magis desierunt. Qui vero manibus laborarunt, manibus tantum syderati ac resoluti sunt. Qui vero equitaverunt, aut amplius

Tom. I.

iter fecerunt, aut alios labores cruribus perfecerunt, his ad lumbos aut crura impotentiaë resolutoriae obortæ sunt, & ad femora ac tibias lassitudo ac dolor. Durissimæ autem & violentissimæ tusses erant quæ ad levem syderationem ac resolutionem perducebant. Verum omnia hæc in recidivis fiebant. In principiis vero non ita valde. Plerisque autem horum tusses in medio remiserunt, sed perfecte non defecerunt, verum cum recidiva affuerunt. Quibus voces frangebantur ad tussim, horum plurimi ne febricitarunt quidem: quidam vero parum. Sed neque peripneumonice affectiones ulli horum fiebant, neque leves syderationes, neque ullus alius morbus de se significationem præbuit, sed in sola voce judicabantur. At vero nyctalopice affectiones firmabantur, ut quæ etiam ex aliis causis fiebant. Fiebant autem pueris maxime. Oculorum autem nigrae partes aliquantum variegabantur, quæ pupillas parvas habebant. In summa oculus niger ut plurimum erat. Et magnos magis quam parvos oculos habebant, & plurimi rectos capillos ac nigros. Cæterum mulieres non similiter a tussi afflictæ sunt. Verum pauca febricitarunt, & ex his valde pauca ad peripneumonice affectionem devenerunt, atque hæ seniores, & omnes superstites evaserunt. Causabar autem hoc fieri, eo quod non similiter velut viri prodirent, & quod nequaquam similiter viri morbis corripuntur. At anginae liberis duabus oboriebantur, atque hæ mansuetissimi moris erant: abundantius autem famulas corripiebant, quibus & violentissimæ fiebant, ipsaque celerrime perimebant. Viris vero multis fiebant, qui partim evaserunt, partim perierunt. In summa, qui solum

A a a

de-

deglutire non poterant, his valde mi-
tes ac toleratu faciles erant. Qui vero
etiam insuper obscure loquebantur, his
molestiores ac diuturniores. Quibus
vero etiam venæ circa tempora & cer-
vicem attollebantur, his aliquantum
malæ erant. Pessimæ vero his quibus
& spiritus sublimis coelevabatur. Hi
enim etiam incalescebant. Nam sicut
scriptum est, ita consortia affectionum
habebant. Et quæ quidem primum
scripta sunt, etiam sine posterioribus
fiebant: quæ vero posterius, non sine
prioribus. Celerrime autem morieban-
tur, ubi febrili rigore insuper riguis-
sent. His ita pressis nihil memorabile
proderat, non ventris turbatio, non
venæ sectio, neque quæcunque alia ten-
tavi. Secui etiam venam sub lingua:
quosdam & sursum purgavi: Hæc igitur
omnino in æstate fiebant, sicut et-
iam eruptiones omnino multæ, & po-
tissimum in siccitatibus lippitudines do-
lorosæ populariter grassabantur. Sanguis
venarum suppressiones faciunt ani-
mi deliquium, figura alterata, inter-
ceptio, linamentum intortum, apposi-
tio, deligatio. Inguinum glandularum-
que tumores plurimi fiebant, eo quod
hepatitis affecta esset. Erat autem &
ab arteria male affecta malum signum,
veluti Posidonix. Quibus sanguis erum-
pebat, morientes fronte non exuda-
runt, sed velut contracti præ siccitate
erant. Et anhelosi, ac cum sudoribus
pereuntes, male habebant. Ventrui
abundantiæ turbationem ferunt, velut
Posidonix: & quæ animalcula in alvo
inducunt. In attenuatione circumtensio
ante obitum, & umbilicus oblongus
ipsi protractus est: & gingivarum den-
tes ambientium exulcerationes. Multa
de uno quoque recte præcipi possunt,
quæ partim eadem possunt, partim non-

velut est talia diffundi, exolvi, & edu-
ci, & indurari, & maturari, &, ubi
mutatione opus est, de lecto propelle-
re timidos, & torpentes excitare ad ea
quæ relinquunt. Hydropicos citius se-
care oportet, tabescentes statim urere,
caput secare, & huiusmodi. Hydropi-
corum peccinam ne contingito, neque
internas partes. Simile est enim mul-
tis genibus. Affectiones circa cor, sive
ventriculi osculum Xenarcho, & cali-
dum acervatim exspirare, & ulcus per
evacuationem ab initio fovere. Vox
qualis est irascentibus, si talis fuerit
non irato, ex natura fuerit: & oculi
tales fuerint ex natura turbulenti, qua-
les sunt ubi irascuntur hi qui tales non
sunt. Et alia juxta morborum ratio-
nem, velut verbi causa. Morbus ta-
bidam speciem inducit, si talis ex na-
tura æger fuerit, ex tali morbo super-
stes evadet: & alia eodem modo. Tus-
ses laboriosæ contingunt locos læsos,
& maxime articulos. Sed & in febri-
bus lassitudinem inducentibus, tusses
siccæ ad articulos decumbunt cum fe-
bre, si intus relinquuntur. Spiritus ta-
bescentibus obscuri mali, & non pa-
rientibus, & quicumque alii tales ab
eadem constitutione. Tabescentibus au-
tumnus malus. Malum item ver, quum
fici folia cornicis pedibus similia fue-
rint. In Perintho vere plurimi agro-
tarunt. Simul causa fuit tuffis per hye-
mem populariter vagata, & aliis qui-
cunque diuturni sunt morbi. Nam &
in ambiguis confirmati sunt. Quibus-
dam vero diuturni non sunt oborti,
velut his qui dolores renales habent.
Sed & aliis, velut homo ille ad quem
Cyniscus me adduxit. Dolorum in la-
teribus, & pectore, & aliis partibus,
tempora an multum differant confide-
randum est. Nam quum melius habue-
rint

rint, rursus deterius habebunt, non delinquentes.

SECTIO OCTAVA.

In longis dysenteriis cibi fastidia mala, tum alias, tum si insuper febrerint. Ulcera circumglabra maligna sunt. Lumbos dolenti recursus ad latus, & pustulæ, quæ seps vocantur. Renum affectiones non vidi sanatas supra quinquagesimum annum. Quæ in somnis exacerbantur, & quibus extremæ partes perfrigerantur, & mens turbatur, & alia quæ circa somnum fiunt ejusmodi: & quibus contraria. Quibus nihil intra constitutum tempus accidit, singulis partus vitales fiunt. Apparentia in quibus mensibus fiunt. Labores in circuitibus, quicquid in septuaginta movetur, in triplicitate perficitur. Post menses, dextera & sinistra hiant. Humiditas per prodeuntia, diæta sicca opus habet. Quod citius discretum ac motum est, rursus augetur tardius, & ad longius tempus. Labores tertio, quinto, septimo, nono mense: & secundo ac quarto. Hæc ex parva tabula consideranda sunt: victus ratio fit repletionem, vacuationem, ciborum, potuum. Mutationes horum qualia ex qualibus, prout se habent. Odores delectantes, offendentes, implentes, placantes. Mutationes ex qualibus, prout se habent. Illabentes, ingressos aut egressos spiritus, aut etiam corpora. Sermones qui audiuntur, alii meliores, alii offendentes. Et a lingua ex qualibus qualia alliciuntur. Spiritus, tanta caliditas, frigiditas, crassities, tenuitas, siccitas, humiditas: plenus, imminutus, & copiosior: a quibus mutationes, quales ex qualibus, prout se habent. Continentia, aut contenta,

aut intus permeantia corpora. Sermonibus, silentio, dicere quæ vult, sermonibus quibus dicit, an magni aut multi, veri aut conficti. Prodeuntia & egressa nosse oportet, unde cœperunt, aut ubi desiverunt, aut quantum divulsa sunt: itemque colores, in quibus aut caliditatem, aut falluginem, aut dulcedinem, aut tenuitatem, aut crassitiam, æqualiter aut inæqualiter: corpus, tempus: mutationes quales ex qualibus habent. Incœpit eructationem, non obtinuit. Lachrymæ volenti, nolenti, multæ, paucæ, calidæ, frigidæ: crassities, sapor. Sputum an per se excreet, aut tussiendo rejiciat, itemque vomitum. Solis calor, frigus, humiditas, siccitas: mutatio per qualia, ex qualibus, ad qualia se habet. Labores, otia, somni, vigiliæ. Quæ in somno fiunt, insomnia, cubilia, & in quibus, & ex quibus. Mentis intelligentia ipsa per seipsam, citra instrumenta ac negotia, tristatur, lætatur, timet, confidit, sperat, desperat: velut Hippothoi domestica famula mentis suæ per seipsam gnara erat, & quæ in morbo acciderant sciebat. Ætatem ab ætate discernere oportet, & an prius aut posterius quam convenit, quid fiat: veluti si resolutus est hyeme, & seni ætate, aut infanti, & ætate aut prius, aut posterius quam convenit. Dentium emissiones, pilorum productiones, genitura magis & minus, pilorum augmentum, crassitudo, robur, imminutio: quod cognatum est, & quod per seipsum, quanto magis & minus. Anni tempus, in quo & citius aut serius. Tempus in quo factum est, pluviosum aut siccum, frigidum aut calidum, sine ventis aut cum ventis, & quibus ventis. Temporis in principio, aut medio, aut fine, aut semper, præterito

aut præfente . Morbi tempus & hora , accidentia , circuitus , & ex circuitibus majores , & per amplius tempus : incrementa , & totius morbi incrementum , remiffio , vigor : & magis & minus perficiens , & quando , & qualiter , & in quali hora ac ætate . Populariter graffantium morborum modi , & fi quis ex incipientibus incæperit fine vomitu , veluti aut ubi biberunt quid continentes , aut parum purgati . Febriculofi fortaffis valde candidi , quorum etiam labia , qualis modus , tempora . Corpus , actio , in considerationem ducatur . Visus , auditus , nafus , tactus , lingua , cogitatio confideretur . Tumores in fupernis palpebris relictæ , dum alia circumcirca gracilefcunt , recidivas faciunt : in extremitate vero fubrubiundi , duri , & valde vifcofi , & infurgentes ac inhærentes in his funt , velut Pharfalio Polymedi . Erumpentes tumores aut livores , in lippitudinibus aut ulceribus . Sed & quæ deferruntur ex tuberculis ac fuppurationibus , quia figna funt . Circa mellefæ tormina circa umbilicum , & dolores , quandoque a porro : fed & ab alio his poftæa . Sacri ignes quibusdam a collo , & circa has partes , in facie judicabantur . Nigri etiam quibus a collo , mali erant : & fi puftulæ effent , malæ erant : & quibus alvus turbata effet . Adamantus atrabiliaris a peplis pluribus vomuit aliquando nigra , quandoque a cepis . Febres in quibus ulcerantur labia , fortaffis intermittentes : & tertianis perfrigerationes . At ambulantes ftatim ad manum folvuntur femper . Quale ineft in articulis confiderandum , an non fuppurantur . Confuetudo autem , ex qualibus fanæ digimus , victus modis , tegumentis , laboribus , fomnis , rebus Venereis , mentis affe-

ctionibus . Quomodo morbos ferant , a quibus quæ figuræ , ad quos locos converfi funt , quando cæperunt , affuerunt , defiverunt . In quibus intemperans horrendus . Contrariæ in morbo victus rationes , qui facile , qui ægre toleratur . Victus rationes quantum fieri poteft cognofcendæ . Nam non noffe , multarum calamitatum res eff . Bonis autem medicis fimilitudines pariunt errores ac difficultates . Verum contraria facit caufa & occasio . Scio quod difficile eff ratiocinari ac cognofcere vias , veluti fi fit acuto capite , fimus , fubaridus , biliofus , ægre vomens , facile vomens , niger , juvenis qui temere vitam degit . Hæc fimul inter fe confentire difficile eff . Cui fiftula refringebatur , tufticulæ permanere impediabant . Cui apex hepatis complicatus erat , eum concuffi , derepente dolor fedatus eff . Satyrus in Thafco cognomento Grypalopex vocabatur , hic quum annorum viginti quinque effet , sæpe per fomnum semen effudit : & interdium quoque frequenter ipfi prodibat . Quum autem ad annum trigefimum perveniffet , tabidus fiebat , & mortuus eff . In Abderis palæftræ cuftos , qui Stheneus dicebatur , multum luctatus adverfus fortiorem , & in caput lapfus , digreffus multam bibit frigidam aquam . Poftæa illa nocte vigiliæ abortæ funt , anguftiæ , & extremarum partium frigiditates . Poftredie ingreffus ad domum , & glandula alvo fubdita , non fubiit , verum parum minxit , prius autem nihil minxerat : ad noctem lavit , nihilo minus vigiliæ & anguftiæ aderant : deliravit . Tertia die , frigiditas extremarum partium , excaleftus fudavit : pota autem aqua multa tertia die mortuus eff . Atrabiliaris , etiam comitiali morbo corripitur plerumque

que solent, & vicissim comitiales fieri solent atrabiliarii. Uterque vero morbus magis fit, prout ad alteram partem inclinarit. Siquidem enim ad corpus inclinarit, comitiales fiunt: si vero ad animum, atrabiliarii melancholici dicti. In Abderis Phaethusa Pythææ uxor, priore quidem tempore fœcunda erat: quum autem maritus ipsius in exilium abiisset, menses multo tempore suppressi sunt: postea dolores & rubores ad articulos oborti sunt. Hæc autem ubi contigissent, & corpus virile factum est, & hirsuta pe-

nitus evasit: & barbam produxit, & vox aspera facta est. Et quum nos omnia tentassemus, quæ ad menses detrahendos conferre visa essent, non prodierunt, sed mortua est, quum non ita multo tempore postea vixisset. Idem hoc contigit etiam Namysæ Gorgippi uxori in Thaso. Visum est autem omnibus medicis, in quos sane ego incidi, unam spem esse, si menses secundum naturam prodirent. Verum & huic prolici non potuerunt, omnia nobis molientibus: sed paulo postea mortua est.

H I P P O C R A T I S

P O P U L A R I U M

Liber septimus.



POST canem febres fiebant sudorificæ, & non perfrigerabantur penitus post sudorem, sed rursus incalescebant: & leniter longæ & iudicatu difficiles, & non valde fiticulosæ: paucis in septimo & nono desinebant, aliis undecimo, & decimo quarto, & decimosextimo.

Polycrati febris, & sudor, qualis descriptus est: a medicamento purgatio deorsum vehementer: & febris adeo lenis facta est, ut obscura consisteret, præterquam in temporibus: & sudores ad velperam, circa caput, collum, petus: deinde rursus etiam per totum ventrem, & rursus incalescebat. At circa duodecimum & decimumquartum febris aucta est, & modicæ alvi subegestiones: post purgationem usus est sorbitionibus. Circa decimumquintum dolores ventris juxta splenem, & sinistra

lateris mollitudinem. Calidiorum appositio minus profuit quam frigidorum. Quum infuso per clysterem molli usus esset, cessavit dolor. Idem quoque Cleocydi profuit, ad dolorem similiter habentem, itemque febrem. Circa decimam sextam calores leniores esse videbantur, & egestiones bilis meracæ, & animus audacior, spiritus autem moderatus. Quandoque vero acervatim attractum, rursus acervatim expirabat, velut præ animi deliquio, aut velut in umbra desidens respirare solet is, qui per æstum iter fecit. Decimasextima itaque die vesperi desidens in sellam, animi deliquium incidit, & multo tempore sine voce ac sensu jacebat, & vix aquam mulsam suscipiebat, fibras in collo distendens, utpote faucibus reliccatis, ac omni virium exolutione præsentente. Vix itaque intra seipsum erat, & calores leniores fiebant. Postea vero de-

desiit morbus vigesima secunda die.

2. Pythodoro eodem tempore febris continua: octava die, sudor obortus est, & rursus incalescebat. Decima rursus sudor, duodecima sorbuit succum, & usque ad decimamquartam obscura erat: in temporibus autem comparebat, & sine siti erat, & ipse sibiipsum sanus esse videbatur. Sudores fiebant omni die. Decimaquinta iusculum pulli sorbens vomuit bilem, & alvus infra exturbata est: & febris exacerbata est: rursus desiit: & sudores fiebant multi: & corpus totum perfrigeratum erat, exceptis temporibus. Pullus non defecit. Videbatur quievissse modico tempore ut incalescere se putaret. Vigesimaquarta, quum jam gustaret cibos multis diebus, & pransus esset, multa erat febris, & ad vesperam delirium, accedente simul etiam somno. Detinebat itaque jam continua & vehemens, & quandoque duas noctes vigilabat: reliquo vero tempore somnus abunde contingebat, ut operosum esset excitare: & delirium in somno: & si quando ex somno excitatus esset, vix ipse suiipsum erat. Sitis exors. Spiritus moderatus, talis aliquando, qualis Poly-crati. Lingua non decolor. Post septimam recidivæ diem succi exhibebantur: post decimamquartam cibus. Circa primos septem eructabat, ac revomebat: quandoque cum potu subbiliosum, citra anxietatem, donec alvus deorsum soluta est. Sudores post recidivam defecerunt, nisi quis circa frontem esset tantillus ut vix significationem de se præberet: lingua ex somno si non collueretur, subalba præ siccitate: & ruptiones ulcerum circa ipsam, & in labio inferno: & circa dentes: alvi egestiones paucæ: circa decimamquintam ut recidiva facta est, frequentio-

res & viscosæ. Decoctum malicorii sedavit ipsas. Urinæ quales sunt diuturnæ. Sub ultimum tempus dolor pectoris deglutienti potum: & manus in pectore. Cuminum & ovum absorbenti sedatus est: linguæ raritas profuit. Quinquagesima a prima circa arcturum, sudores breves juxta lumbos & pectus: & corpus perfrigerabatur, exceptis temporibus, valde modico tempore. Prima & quinquagesima remisit: nec iterum apprehendit.

3. Eratolai filius circa æquinoctium autumnale dysentericus fiebat, & febris tenebat. Egestiones alvi erant biliosæ, tenues, multæ, & moderate subcruentæ. Dolor autem ventris vehemens. Ubi serum & lac bibisset, filice candefacta immissa, dolores, & subcruentæ egestiones moderatiores fiebant, sed biliosæ comitabantur: & sæpe ad exonerandam alvum surgebat, sed minore dolore. Febricula vero & ægroto, & multis, omnino non adesse videbatur per omne tempus, post primos sex dies, adeo obscura erat. Verum juxta tempora pulsus erat: & lingua præ siccitate subalba: & moderate siticulosus, & sine somno. Sorbitionibus autem jam utebatur & vinis. Quum jam ad decimumquartum diem pervenisset, tubercula circa aurem oborta sunt, tum alteram, tum utranque, dura ac cruda: omnia disparuerunt, moderate autem dolorosa erant. Quum autem non desinerent egestiones, & semper biliosæ essent, absorbenti herbam in farina, biliosæ egestiones & dolores ad tempus aliquod mitiores facti sunt: liquidas vero multas sæpe egerbat, & cibos valde aversabatur, & omni necessitate coactus admittebat. Calor autem, & lingua, & sitis tales sequebatur, quales dicti sunt, & sudores nulli. Oblivio ve-

ro hujusmodi quædam. Ubi interrogasset de eo quod paulo antea audivisset, modico interposito tempore rursus interrogabat: & rursus reperebat, velut qui non dixisset: & se desiderare oblivisceretur, nisi quis ipsum commonefecisset: & ipse sibiipsum conscius erat hujus affectionis, neque ignorabat. Spiritus qualis sano. Ultra trigessimum vero usque ad quadragesimum diem, & dolor ventris multum aufercebat, & supinus decumbebat, & se convertere ne tantillum quidem poterat: & quia dolor vehemens erat, aliis qui cibum exhiberent opus habebat. Alvi egestio erat multa, & discreta, tenuis, & colores vinosi, quæcunque tandem ingessisset, & quandoque subruenti: & corporis dolor, colliquatio extrema, & impotentia: & ne alio quidem sublevante, surgere amplius poterat. In medio vero umbilici, ac ossis pectoris, circa hanc sedem adhibita manu, talis palpitatio erat, qualis neque a cursu, neque a timore circa cor generari possit. Bibenti lac asininum coctum, novem heminarum Atticarum mensura ad duos dies, biliosa purgatio vehemens oborta est, & cessaverunt dolores, & ciborum appetentia accessit. Postea vero bubuli lactis crudi quatuor heminas Atticas bibit, pro vice una cyathos duos, in diem, primum sextam aquæ partem ammiscens, & vini nigri austeri parum. Semel autem in die cibum capiebat ad vesperam. Panis erat ad mensuram dimidiæ chænicis subcineritius, & pisciculus petrosus simplex, aut caruncula capræ aut oviculæ. Potus lactis post primos decem dies, ad quadraginta usque sine aqua cum vini nigri modica parte. Post septuagesimum jam a primo diem, a balneo ad noctem, sudor exiguus obortus est. Ute-

batur autem modico potu, & post cibum potu austeriore.

4. Ctesicrati lac in farina magis quam serum caprinum contulit, quum dolor esset circa totum ventrem, & dolores cum multa ad egerendum surrectione, ac subruenta egestione, & tumor circa pedes, fere jam ad dies vigintiquinque esset. Et Adriano eadem contulerunt: Verum Cæneæ filio lac asininum coctum.

5. Cydis filio circa solstitium hybernium rigor & febris, & auris dextræ dolor, & capitis dolor. Talis autem auris dolor statim a parvo puero ipsum comitabatur, fluidus, fistulosus, & gravis odoris. Quum autem ita se haberet, plerumque doloris exors erat. Tunc autem dolor erat vehemens, & capitis dolor: secunda aut tertia die bilis vomitus: desidenti exonerandi ventris gratia, prodiit excrementum subbiliosum viscosum, velut ex ovo subpallidum. Quarta & quinta ad noctem aliquantum delirabat: dolor capitis ac auris vehemens, & febris. Sexta alvi egestio a mercuriali, & calor, & dolor cessasse videbatur. Septima, velut sanus. In temporibus autem dolor non defecit: sudor nullus obortus est. Octava, succum sorbuit, ad vesperam autem betæ succum, & in noctem somnus: & valde doloris exors, & nona lætabatur ad solis occasum. Verum ad noctem capitis & auris vehemens dolor. Contigit quoque aurem pure manare circa hoc tempus, quum maxime doleret statim a principio. Totam vero noctem nonam, & sequentem diem, ac noctis magnam partem, neminem noscebat. Verum suspirans perseverabat, in die vero intra seipsum erat: & dolores cessabant, & calor moderatior erat. Quum autem sorbuisset mercurialem, undecima egestit per alvum

pituitosa, mucosa, maleolentia: duodecima & decimatertia moderate habebat. Decimaquarta initio mane facta, usque ad meridiem per totum corpus sudabat, cum somno & sopore multo, ut operosum esset ipsum excitare: ad vesperam experrectus est, & corpus quidem moderate perfrigeratum est, in temporibus autem pulsus perseverabat: decimaquinta & decimasexta succis usus est. Decimasseptima venit rursus dolor eorundem ad noctem, & delirium: & pus fluebat. Decimaoctava & decimanona ac vigesima, insani modo degebat. Vociferabatur autem attollere seipsum nitens, sed capiti dominari non potens, manibus protentis semper aliquid frustra venabatur. Prima & vigesima sudor exiguus circa latus dexterum, & pectus, & caput. Vigimassecunda sudor circa faciem plurimus erat. Voce autem hoc tempore, si quidem valde conaretur, quæ volebat perfecte loquebatur: si vero ex tempore citra conatum, semiperfecta: & os exolutum: & maxillæ, & labia semper in motu, velut qui loqui vellet: & oculorum frequens motus ac intuitus: & color in dextro oculo (velut dictum est) subcruentus: & palpebra superna intumuit: & juxta maxillam rubor in fine: & venæ omnes in facie manifestæ, adeoque contractæ: & oculis non amplius niestabat, sed intente intuebatur, & palpebras diducebat ad supernam partem, velut fieri solet ubi quid in oculum incidit: & quum biberet, descendens potus in pectora & ventrem strepitus audiebatur, qualis & Chartadi. Spiritus leniter semper moderatus: lingua qualis est peripneumonicis cum pallore albicans: ab initio & semper capitis dolor. Collum semper immobile, ut una cum capite circumageretur opus

habebat: & pars secundum spinam ex collo recta ac inflexibilis: decubitus quales dicti sunt, & non semper supinus decumbebat. At pus jam serosum album, multum negotii ad detergendum cum spongiis exhibebat: odor ejus valde excellens: circa postremum tempus pedum contactum non valde percipiebat.

6. Harpalidæ sorori prægnanti circa quartum aut quintum mensem, tumores circa pedes aquosi fiebant: & oculorum cavæ partes intumescebant: & totum corpus in tumorem elevatum erat, velut in pituita alba affectis: tussis sicca: rectæ cervicis spiratio, & ejusmodi anhelatio: & quandoque strangulationes a spiritu, ut sedens in lecto perseveraret: decumbere autem non poterat, sed etiam si qua somni expectatio esset, desidebat. Sine febre erat leniter: & foetus ad plurimum tempus immobilis erat, veluti corruptus, & translabebatur. Comitabatur autem anhelatio fere ad duos menses. At quum fabis melle ammixto, & eclegmate mellis usa esset, & Æthiopicum cuminum in vino bibisset, melius habuit. Postea tussiendo eduxit multa, matura, pituitosa, alba, & spiratio illa cessavit: peperit autem foemellam.

7. Polycratis uxori æstate circa caniculæ sydus febris. Spiritus matutinus minor, a meridie magis, & paulo densior spiritus. Tussis & excretio statim ab initio, similis purulentis. Intus circa arteriam & fauces subsibilabat stridula asperitate: facies boni coloris: in maxillis rubor, non abunde coloratus, sed leniter floridus. Progressu vero temporis & vox rauca, & corporis colliquatio: & circa lumbos eruptiones: & alvus circa postremum tempus liquidior. Septuagesima die febris ex-

trin-

trinsecus valde frigit : in temporibus autem quies . Spiritus vero frequentior fiebat . Verum post hanc quietem spiritus densior , adeo ut sedens perseveraret , donec mortua est . In arteria strepitus multus inerat : & sudores pravi : & intuitus valde modesti , usque ad extremum tempus . Dies accesserunt ipsi perfrigeratæ plures quam quinque : Post primos autem purulentum excreare perseverabat .

Mulieri supra portas habitanti jam seniori febricula oborta est : quæ quum jam desineret , colli dolor usque ad spinam & lumbos : & harum partium non valde potens erat . Maxillæ erant compactæ , & dentes in seipsos , plus quam ut specillum admitterent : & vox balbutiens , eo quod resolutum , & immobile ac debile esset corpus . Prudens tamen erat . Calefactoriis & aqua multa tepida , tertia fere die hæc laxavit , & postea succis , & jusculis sana evasit , id quod ad finem autumnalis temporis contigit .

8. Apud Harpalidem unctor , crurum ac manuum impotentior circa autumnum factus , bibit temere medicamentum sursum ac deorsum purgans : ex purgatione febris : & ad arteriam defluebat fluor , qui loquentem impediret , & faceret ut inter loquendum anhelaret , similiter ut anginosus raucofus . Strangulatio deglutienti , & alia quæ in angina . Verum tumor non erat . Febris autem & tussis augetur , & excreatio liquidæ ac multæ pituitæ . Progressu temporis & dolor circa pectus ac mammam sinistram . Quum autem exurgeret , aut commoveretur , anhelatio multa , & sudor a fronte & capite : & faucium affectio mollior erat , dolore ad pectus descendente . Ab initio igitur fabis melle ammixto

Tom. I.

utebatur . Postquam autem febres detinebant , magis aceto mulso calido , & mellis delinctu multo . Ubi præterissent dies quatuordecim , omnia desiverunt : & manuum ac crurum non longe postea potens factus est .

9. Chartadi febris ardens , vomitus bilis multus , & infra alvi egestio , vigiliæ , & juxta splenem tumor rotundus . Tertia die mane surrexit , strepitu circa ventrem citra dolorem percepto . Ubi vero alvum exoneraret , sanguinis recentis plus quam congi mensura subiit : & ubi iterum atque iterum cohibuisset , grumi concreti : anxietas circa cor & os ventriculi , & sudor per totum fere corpus , & febricula frigescere videbatur : & primum prudens erat , progrediente vero die , & inquietudo major , & anxietas , & spiritus paulo densior : & confidentius ac benignius quam pro tempore homines compellabat , ac excipiebat : & quædam animi deliquia accedere videbantur . Quum autem exhiberent aliqui succos , & aquam de farina crassa in ipsa macerata , non cessavit : sed spiritus ad vesperam valde multus erat , & jactatio multa : & ad dextera , & ad sinistra transmovens se ipsum nullo tempore quiescere poterat , pedes frigidi . In temporibus & capite calor magis propinqua jam morte : & sudores multi . Et bibenti strepitus audiebatur , circa pectus & ventrem descendens potus . Quod vero pessimum erat , ubi dixisset sibi aliquid infra sibi velle , & oculis intente intuitus esset , non diu se cohibens mortuus est .

10. Hermoptolemi uxori hyemis tempore febris : & capitis dolores : & quum bibisset , ut quæ difficulter deglutiret , surrexit , & cor se sanasse dixit : lingua livida ab initio . Occasio

B b b

vi-

videbatur ex horrore post balneum facta esse. Vigilabat & nocte, & die. Post primos dies interrogata, non adhuc solum caput, sed & totum corpus se dolere dixit. Sitis quandoque vehemens, quandoque moderata. Quinta & sexta & usque ad nonam ferme delirium: & rursus ad seipsam loquebatur semiperfecta cum sopore: & aliquando manum ad dealbatum parietem protendebat, & pulvinum quendam frigidum ad caput situm, etiam pectoribus adhibebat: & stragula quandoque rejiciebat: & in oculo dextro subcruentum quid erat: & lachrymabatur. Urina autem erat quæ in pueris semper pessima est. Ex alvo egerebat ab initio quidem subfulva: postea vero aquosa valde, & hujuscemodi coloris. Undecima moderatius calida esse videbatur: & quandoque sitis exors fiebat, adeo ut nisi quis dedisset, non peteret. Somni post primum tempus contingebant moderate interdium: ad noctem vigil erat: & ad noctem magis dolebat. Nona, venter exturbatus est aquosis excrementis. Similiter etiam undecima. Sequentibus vero moderate: multum ad egerendum surgebat, & talis egestio erat. Erant autem in prioribus diebus indignationes & ejulationes, velut pueri, & vociferatio, & timores, & circumspeditiones, ubi sopore excitata esset. Verum decimaquarta operosum erat ipsam continere exilientem ac clamantem deridente & pertinaciter, velut ex plaga, & vehementi dolore ac timore, velut si quis ipsam apprehensam modico tempore detineret: deinde rursus quietem habebat, & sopore pressa dormiens perseverabat omnino non videns, quandoque neque audiens: & totam hanc diem ad utrumque modo ad tumultum, modo ad quietem transmutabat. Sequenti

nocte per alvum subiit quid cruenti, velut mucosum: & rursus velut limosum: postea prasina valde ac nigra. Decimaquinta repentinæ jactationes, & timores, & vociferatio lenis fiebat. Sequebatur autem efferatio, & indignatio, & ejulatio, nisi ipsi cito quod vellet porrectum esset: & cognoscebat quidem omnes & omnia statim jam post primos dies: & oculi subcruentum illud sedatum est. Verum insania juxta temporis occasionem, & vociferatio, & mutatio prædicta sequebatur ad soporem: audiebat inæqualiter, aliqua valde, etsi submisse quis loqueretur: aliqua vero clarius eloqui oportebat. Pedes semper æqualiter cum reliquo corpore calidi, usque ad extremos dies. Verum decimasexta minus. Decimasextima moderatius quam aliis diebus habens: ad noctem horrore ipsi oborto, se contrahens magis febricitabat: & sitis multa erat, reliqua similia sequebantur. Tremores autem circa manus fiebant: & aliquantum concutiebat caput: & oculorum intuitus pravi: & sitis vehemens, ubi bibisset rursus postulabat, & rapiebat ac large bibebat: neque avellere ipsi poterant: lingua sicca, valde rubicunda: & os totum ac labia ulcerata erant ac sicca: & ambas manus ad os admovens manducabat quum tremula esset: & si quis aliquid ad manducandum aut sorbendum obtulisset, large ac furiose deglutiebat ac sorbebat: & signa circa oculos mala. Diebus autem tribus aut quatuor ante obitum, horrores quandoque incidebant ipsi, adeo ut contraheret corpus, & contegeretur, & anhelaret: crura distendebantur, & pedes frigidi erant. Sitis similis: & mentis affectiones similes: & surrectiones ad egerendum aut inanes, aut paucis & tenuibus

bus prodeuntibus, cum modica quadam tensione. Postrema tertia & vigesima, oculus magnus mane erat, & circumspectio brevis: & quietem agebat, quandoque etiam absque confectione ac sopore. Ad vesperam vero dextri oculi motus, qualis videntis, aut aliquid volentis, ab externo angulo ad nasum, cognoscebatque & interroganti respondebat. Vox post multa sublata, & præ vociferatione fracta ac rauca.

11. Amphiphradis filio æstate lateris sinistri dolor, & tussis: & alvi egestiones multæ, aquosæ, & subbiliosæ: & febris cessasse videbatur circa septimam. Tussis aderat. Color subalbidus ac subpallidus. Circa duodecimam cum virore subpallidum spuebat. Spiritus progressu morbi semper densior, & anhelatio, & stridula asperitas circa pectus & arteriam. Sorbitionibus utebatur: prudens per omne tempus: circa vigesimam octavam mortuus est. Sudores quandoque fiebant foras.

Caupo peripneumonicus: alvus statim subibat. Circa quartam sudor multus: febricula cessasse videbatur: tussicula nulla, ut ita dicam. Quinta, sexta, & septima detinebat febris, sudor octava. Nona exscreavit pallidum: decima subibat alvus acervatim non sæpe: circa undecimam mitius habebat. Decimaquarta, sanus.

Hermoptolemo post pleiadis occasum febris accessit. Tussis non valde: lingua peripneumonica: nona exudavit: totus frigidus est, velut videbatur: obtulerunt ipsi succum: circa meridiem calefcebat: undecima sudor: & alvus erupit biliosis egestionibus. Tussicula accessit: decimaquarta pallidum exscreavit, & stertebat. Decimaquinta quum per totum tempus prudens mansisset, mortuus est.

12. Alius quidam in palato stertens: lingua sicca, peripneumonica: prudens mortuus est.

Et Posidonius adhuc æstate instante, juxta pectus, & præcordia, & latus, multo tempore dolebat, citra febres. Multis autem annis antea suppuratus fuerat: hyeme vero quum inhorruisset, dolor augetur: & febricula tenuis: & excreatio purulenta: tussis cum stridula asperitate circa fauces: & stertens, quum prudens esset mortuus est.

Balis filius quum ex monte penitus aberrasset, sexta lingua prava, subrubra: & vocem læterat inter aberrandum: oculi colorati, natantes velut dormitantium: color reliqui corporis non valde velut in morbo regio, sed subpallidus, lividus: vox prava: lingua obscura, peripneumonica: non prudens. Spiritus ad manum malus, non densus, neque magnus: frigidi pedes lapidosi. Circa nonam mortuus est.

13. Quædam apud Metronem anginosa, dexteram manum ac crus doluit. Febricula tenebat debilis: suffocatio die tertia remisit. Septima convulsa: vox intercepta: stertor: dentium collisio ac confectio, maxillarum rubor. Hæc non longe vitam protraxit, quinta aut sexta mortua est. Signum circa manum sublividum.

Bion ex hydropico diuturno cibum averfabatur ad multos dies: & urinæ stillicidio vexabatur. In sinistro genu abscessus fiebat: suppuratus est: mortuus est.

Ctesiphon hydropicus ex febre ardente multa: & prius hydropicus ac splenicus, valde repletus est & scrotum, & crura, & peritonæum membranam alvum ac intestina ambientem. Ad finem tussis & suffocationes fiebant ad noctem, magis a pulmone, velut pulmonicis ac

tabescentibus. Tribus aut quatuor diebus ante diem obitus, rigor, febris: circa femur dextrum intus ad venam mediam ab inguine collectio velut ignis fieri, sublividum habens ruborem: ad noctem cordis ac oris ventriculi dolor: & non longe postea vocis interceptio: strangulatio cum stertore: & mortuus est.

Et in Olyntho hydropicus, repente voce privatus, noctem & diem desipiens, mortuus est.

Prodromi filius, æstate subblæsus, æstuosus: lingua ipsi subarida, obscura: egestio alvi deorsum multa. Superstes evasit.

14. Leophorbidæ febris acuta post solstitium hybernium: præcordiorum & ventris dolor: alvi egestiones liquidæ, biliosæ, multæ: & interdium soporosus: lingua peripneumonica: tussis non inerat. Duodecima, nigra pauca & præsina egestit. Decimaquarta, febricula cessasse videbatur. Postea vero sorbitionibus utebatur. Decimasexta os valde saluginosum siccum fiebat: ad summam vesperam horror, febris. Vigesima prima circa meridiem rigor, & sudor: febris desit: verum calor adhuc suberat tenuis: ad noctem rursus sudor: & vigesima secunda ad noctem sudor, & calor remisit. At prioribus diebus omnibus sine sudore erat. Alvus autem humecta fuit, etiam in putata postea recidiva.

Quæ superne habitabat Theoclis cognata, sub pleiadas febris acuta: sexta videbatur cessasse: lavit velut febre sedata; septima mane maxilla valde rubicunda, utra non memini. In vespera febris venit multa: & animi deliquium, & vocis interceptio erat: non longe vero postea sudor, & quies cessante morbo septima die.

15. Theodori uxori in febre vehementi sanguinis eruptio facta est, hyeme: ubi febris desisset circa nonam, non longe postea, lateris dextri velut ab utero gravitas. Sed & primum, & sequentibus diebus, obortus est dolor vehemens juxta pectus: & fomento ad latus dextrum adhibito, remiserunt dolores quarta die, spiritus densior: arteria vix respirans subsibilabat: & supina difficulter se vertere poterat: ad noctem febris acutior, & delirium breve fiebat. Quinta mane mitior esse videbatur: sudor de facie diffundebatur primum modicus: deinde multo tempore per totum corpus ac pedes. Postea vero videbatur ipsi febris remisisse. Erat autem ad manum frigidius corpus arteriarum. Quæ vero in temporibus sunt, etiam magis saliebant: & spiritus densior: & alias atque alias delirabat: & omnia ad deterius: lingua perpetuo alba valde: & tussis non inerat, nisi tertia ac quinta die ad breve tempus. Sitis non erat. Sputatio erat. Præcordium dexterum valde elevabatur circa quintam: verum postea mollius: egestio tertia die a balneo stercoreis modici: quinta rursus liquidi modici: venter autem mollis: urinæ acerbæ, cineris speciem referentes: oculi velut delassatæ, difficulter suspiciebat ac circumferebat oculos. Quinta ad noctem ægre affecta fuit: & delirium sequebatur. Sexta rursus eadem hora, qua plenum solet esse forum, multus sudor diffundebatur, incipiebat a fronte ad totum corpus: ad multum tempus prudenter res suas disponebat: ad meridiem vero valde delirabat: & perfrigeratio similis erat: omnia vero circa corpus graviora. Ad vesperam tibia ipsius ex cubili decidit, & puero præter rationem minabatur, & rursus silebat:

bat: & ad quietem convertebatur. Circa primum somnum sitis multa, & infania: & erecta sedebat, & presentibus conviciabatur: & rursus conticuit, ac in quiete erat: & videbatur reliquum noctis sopore pressa esse. Verum oculos non clausit. Ad diem indicabat pleraque nutibus, corpore quiescens, & moderate intelligens. Sudor rursus eadem hora: similiter oculi demissi, ad infernam palpebram magis incumbentes, rigide ac stupide intuentes: albæ oculorum partes pallidæ & mortiferæ: & totum corpus pallidum ac nigrum: manum plerumque ad parietem, aut ad stragula habebat: strepitus autem bibenti magni fiebant, respuebat, & sursum ad nasum absorbebat: & floccos legebat: & faciem obvelabat. Post sudorem manus velut in glaciem congelatæ: sudor sequebatur frigidus: corpus ad manum frigidum: exsiliabat, vociferabatur, insaniebat: spiritus multus, manus tremulæ fiebant, sub mortem progressæ jam etiam convulsæ: septima die mortua est. Sexta die, in nocte stratum modice perminxit, quod minxerat de festucis detrahebatur, viscosum, genituræ simile. Vigilabat per omnes dies: post sextam urina subcruenta.

16. Antiphani filio hyeme, lateris dextri dolor, tussis, febris: edebat, deambulabat etiam febriens. Videbatur ruptio facta esse: nona, remisit: febris non reliquit: tussis multa: & crassa ac spumosa spuebat: latus dolebat. Circa decimam quartam & rursus vigesimam febres desinere videbantur, & rursus corripiebant: erat autem calor tenuis, & parum quid relinquebat. Tussis quandoque deficiebat, quandoque abundabat, cum multa suffocatione. Tunc vero remittebat: & exscrea-

tio post hos dies multa, cum strangulatoria tussi, & purulenta supra vas efferventia ac spumantia prodibant, & in faucibus plerumque stridula asperitas subsibilabat, anhelatio semper detinebat, & spiritus densior: raro bene spirabat. Ultra quadragesimum diem, prope sexagesimum opinor, oculus sinister excæcatus est, cum tumore, sine dolore: nec longe postea etiam dexter, & pupillæ valde albæ ac siccæ fiebant, & mortuus est post excæcationem, non progressus ultra septem dies, cum stercore ac multa deliratione.

Similia & ex similibus eodem tempore contigerunt etiam Thessalioni: ferventia, & spumantia, & purulenta: & tusses, & stridulæ asperitates.

17. Polemarchi uxori hyeme anginosæ tumor sub gutture: febris multa, vena secta est, cessavit strangulatio ex faucibus: febris comitabatur. Circa quintam genu dolor & tumor sinistri, & circa cor dixit sibi videri aliquid colligi, & respirabat velut respirant hi qui sub aquam mersi fuerunt, & ex pectore substrepebat, velut qui concluso ore loquuntur, engastrimythi, quasi ex ventre loquentes appellati: Tale quid contingebat. Circa octavam aut nonam ad noctem abusus prorupit, ac liquida multa, acervata & graveolentia egerit, vox intercipiebatur. Mortua est.

Aristippus in supernum ventrem violenter ac graviter sagittæ ictu petitus est, ventris dolor vehemens, & brevi ardebat, doerium vero nihil egerat, anxius erat, biliosa abunde colorata quum vomisset, melius habere videbatur. Paulo post dolores rursus vehementes, & venter similiter ardebat, velut in volvulis, calores & sitis, in septem diebus mortuus est.

Neo.

Neopolis percussus similiter, eadem passus est, acri infuso per clysterem immisso, alvus deorsum erupit, color per corpus diffusus est tenuis, pallidus; niger: oculi squallidi, stupore rigidi, intus conversi, intente inruentes.

18. Ei qui in hepar percussus est jaculo, statim color qualis est mortuorum per corpus diffusus est, oculi cavi, anxietas, molestia. Mortuus est prius quam concio solveretur, in qua die percussus est.

Qui caput percussus est lapide a Macedone, supra tempus dextrum, ita ut fissura saltem facta dissectio contigisset, vertigine affectus est & cecidit. Tertia die voce destitutus erat: anxietas: febris non valde vehemens, pulsus in temporibus velut tenuis caloris, nihil audiebat, neque sapiebat, neque quiescebat, humiditas circa frontem, & sub nasum, usque ad mentum. Quinta mortuus est.

Eniates in Delo jaculo percussus est retrorsum in latus, juxta sinistram partem, ulcus quidem sine dolore. Verum tertia die ventris dolor parvus, non egerebat: infuso per clysterem immisso, stercus prodibat: & dolor deficiebat, sedes extra ad scrotum extabat, quarta die etiam ad pubem, & totum ventrem, dolor vehementer irruebat, quiescere non poterat, biliosa vomuit abunde colorata, oculi cum virore pallidi, quales in animi deliquiis. Post quintam mortuus est. Erat autem calor quidam tenuis in ipso.

Billo percusso in dorsum, spiritus multus per vulnus cum strepitu prodibat, & sanguinem fundebat. Verum deligatus emplastro cruentis vulneribus commodo, sanus evasit.

19. Contigit & infelicissimo Philes

filio, denudatione in fronte facta, nona die febris, deinde livefactum est os: mortuus est.

Et Phaniæ & Evergetæ filio, livefactis ossibus, & febricitantibus, cutis ab osse discessit, & pus subter depascebatur. His dum perforarentur, ex ipso osse egressa est sanies tenuis, serosa, subpallida, graveolens, lethalis. Contingit autem talibus etiam vomitus accedere, & ad finem convulsiones: & ut clangorosam vocem edant, ac impotentes fiant, & si in dextris fuerit vulnus, in sinistra parte: si vero in sinistris, in dextra.

Theodori filio nona die in sole versato, febris accessit decima die, ex denudatione juxta os nullius momenti. In febre vero denudatum est, discessit cutis, multum clangorosus erat. Vigesima secunda venter elevatus est maxime circa præcordia. Vigesima tertia mortuus est.

Quibus ossa fracta fuerint, his septima die febres. Si vero calidius fuerit tempus, etiam citius. At si magis fracta fuerint, etiam e vestigio.

Et Exarmodi famulus similiter dolorem habebat ad femur, non e directo vulneris, & factus est clangorosus, & colli erat dolor.

Et Posidocreon, tertia convulsio, calor non relinquebat, mortuus est die decimoctavo.

20. Isagoræ filius percussus est retro in caput, contuso osse ac nigrefacto: quinta die superstes evasit, os autem non discessit.

Magnæ navis gubernatori anchora digitum medium, & os dextræ manus confregit: inflammatio successit, & marcor, & febris: subpurgatus est, quinta calores moderate remiserunt, itemque dolores, de digito quid decidit. Post septi-

septimum diem sanies exibat leniter. Postea per linguam dixit se non omnia posse enunciare. Prædictio facta est opisthotonum adventare. Ad hoc conferebant maxillæ confertæ, & ad collum rigidæ. Tertia die totus convellebatur in posteriorem partem, cum sudore. Sed a prædictione mortuus est.

Harpali filius ex libera Telephanæ, luxationem infra in pede magni digiti accepit, inflammatus est, & valde dolorosus erat: & ubi repositus est, & dolor remisit, proficiscebatur ad agrum: rediens lumbos doluit, lavit, maxillæ ad noctem conferebantur, & opisthotonus aderat, saliva spumosa vix per dentes foras prodibat. Tertia die mortuus est.

Thrinon Damonis filius habebat circa tibiam aut malleolum ulcus, juxta nervum jam purum. Huic a pharmaco corroso contigit, ut opisthotono moreretur.

21. Menoni sub arcturum & prius, ex febre æstiva, & alvi profluvio ægre affecto, & ex itinere delassato, dolor lateris sinistri: & tussis, quæ ex destillatione quidem etiam prius aderat, verum tunc valde intenta erat, & vigilabat: & febrem statim ab initio ægre ferebat, & erectus sedens tertia die spuebat pallidum: arteria ex stertore subsibilabat. Circa quartam spiritus moderate densus, pedes, tibiæ, extremæ partes plerumque frigidæ, & extra stragula: alvi egestio ab initio fiebat biliosa, neque valde modica, neque multa: septima, octava, & nona, levius ferre videbatur, & somni aliqui contingebant: & quæ exscreabat crudiora erant: decima, & usque ad decimam tertiam, alba & pura: & præcordium mollius fiebat: sinistrum tamen distentum: & melius spirabat. Subdita glan-

de moderate alvus subiit. Decimatertia rursus pallidum spuebat. Decimaquarta magis. Decimaquinta prasinum. Alvus autem maleolentia, biliosa, liquida, multa demisit. Sinistrum præcordium elevabatur. Decimasexta autem etiam valde intumuit, & spiritus jam stertorosus, sudor circa frontem & cervicem, raro ad pectus: extremæ partes, & frons, leniter permanebant frigidæ. Saltatio vero venarum circa tempora detinebat. Somni soporosi noctem ac diem postremo tempore. Urina ab initio cruda, cineris speciem referens. Circa decimam, & usque ad decimam tertiam tenues, & non decolores. Verum a decimatertia quales ab initio.

Cleocho lateris dolor & febris: remisit febris: sudavit per totum corpus. In urina multa erant quæ ferebantur ac innatabant: postea turbata est.

22. Circa pleiadum occasum Olympiadæ uxorem, foetum octimestrem gestantem, ex casu febris acuta corripuit: lingua æstuosa, sicca, aspera, pallida: oculi pallidi: & corpus mortiferum, foetum corripuit quinta die: facile liberata est, & somnus ut videbatur soporosus, vesperi excitantes non sensit: sternutatorium adhibitum percepit: potionem suscepit & succum, deglutiens potionem aliquantum tussivit: vox non solvebatur, neque ipsa quicquam allevabatur ex morbo: oculi tristes ac submissi. Spiritus sublimis per nasum trahabatur: color pravus, sudor circa pedes, & crura, ubi jam morti propinqua esset, mortua est.

23. Nicolai concubinæ ex febre ardenti, abscessus juxta aurem fiebant ab utraque parte, paulo posterius alter, quum jam febris remittere videretur, velut tumor laxus. Circa decimum-

quar-

quartum magni citra signa sedati sunt: recidiva facta est. Color qualis mortuorum: lingua aspera, valde densa, subalbida. Siticulosa: alvi egestio deorsum multa, liquida, male olens per omne tempus. Ante finem corruptum est corpus, præ multitudine egestionis. Mortua est circa vigesimum diem.

Andreas ante pleiadem horror, febris, vomitus. Ab initio semitertiana apparebat: verum tertiana erat. Quum rursus in foro versaretur, inhorruit: febris acuta: vomitus bilis meracæ: delirium ad noctem. Quarta rursus melius habebat. Quinta difficulter. Sexta a mercuriali probe egestit alvus. Septima difficiliter: & sequentibus jam diebus febris magis continenter affligebat, & sine sudore ab initio, & siticulosus. Maxime vero os resiccabatur, & positionem nullam libenter admittebat, quum multa injucunditas circa os esset: lingua sicca, inarticulata, asperitas efflorescebat, cum pallore albicans. Vigil, anxius, exolutus, fractus, lingua præ siccitate quandoque subblæsa, donec madefecisset, succum maxime admittebat. Nona aut decima circa aurem sinistram, atque etiam alteram, tumores parvi citra signa apparuerunt. Urinæ semper non decolores, verum sine subsidentia. Decimaquarta sudor circa supernas partes non multus, sed moderatior. Calor circa decimamseptimam evanuit. Alvus post decimam sicca, citra glandem subditam non egerens. Circa vigesimam quintam pustulæ per totum corpus pruriginosæ calidæ, velut igne ambustæ. Dolor autem erat circa locos sub alis, & latera: transiit ad crura citra signa, & desivit. Balneum proderat & unguenti illitio cum aceto. Mense vero secundo aut tertio fortassis, ad renes dolor, qui

etiam antea quandoque fuerat, sedatus est.

24. Aristocrati circa solstitium hybernum lassitudo, & horror, & calor. Postea tertia die incepit lateris dolor, itemque lumborum, & tumor sub alis initium sumens, per totum dextrum latus durus, rubicundus, lividus, velut ab igne calefactus & inustus, anxius, omnia moleste ferens, valde siticulosus, lingua subalbida. Urinæ non procedebant, crura subfrigida, alvi egestio a mercuriali modica, liquida, subalbida spumosa: ad noctem spiritus elevabatur, sudor circa frontem, partes internæ frigidæ, collum inflabatur, tussis non inerat: mortuus est prudens.

Onesianaeti circa autumnum lippitudo, postea vero febris quartana. Incipiente quartana cibos valde averfabatur, in progressu vero libenter accipiebat. Sed & Polychari in quartana, similia circa cibum accidebant.

25. Mnesianaeti alvi egestio ante febrem, & postea ad multum tempus sequebatur, multis albis mucosis prodeuntibus: & quandoque pauco sanguine, citra dolorem. Strepitus autem in ventre. Post febrem abcessit circa sedem tuberculum durum, quod multo tempore inconcoctum comitabatur: erupit ad intestinum, & foris fistulosum fiebat. Deambulante vero ipso in foro, splendores præ oculis obversabantur, & solem non valde ferebat. Quum autem parum discessisset, extra seipsum erat, & collum convulsus est. Postquam autem domum deportatus est, vix suspexit, & ipse vix sui ipsius erat. Primum autem collustrabat circumstantes, & corpus perfrigeratum est, vix vero recalfectus est utriculis & fomentis adhibitis. Postquam autem ipse intra seipsum esset, & exurgeret, non volebat

bat exire, sed timere dixit. Si vero quis de gravibus morbis differeret, subducebat se præ timore. Quandoque etiam caliditatem sibi ad præcordia allabi dixit, & oculorum splendores comitari: & alvi egestio multa, & sæpe, & similitis hyeme contigit: facta est venæ sectio, datum est veratrum, bibit lac bubulum, prius autem asininum: contulit, & alvi egestiones sedavit. Aquæ potus ab initio, deambulationes quoque & capitis purgationes.

26. Anecheti filio hæc contigerunt: hyeme in balneo dum ungeretur ad ignem, calefactus est, & statim in comitiales convulsiones incidit. Postquam vero multæ factæ essent convulsiones, circumspexit: non apud sese erat: quum autem intra seipsum esset, rursus postridie mane correptus est ac convulsus: spuma non valde. Tertia lingua inarticulata. Quarta per linguam significabat. Quinta loqui non poterat, sed in principiis nominum hærebat lingua valde: & convulsio fiebat: & extra sese erat. Quum vero hæc remitterent, lingua vix in suum statum restituebatur. Sexta abstinebat ab omnibus, & sorbitione, & potu: & à nulla amplius affectione corripiebatur.

Cleocho ex lassitudinibus ac exercitiis melle per dies aliquot utenti, tumor ad genu dextrum obortum est: imo potius ad infernam partem circa tendines sub genu: circumibat subclaudicans: & sura intumescebat, ac dura erat, & ad pedem, & ad malleolum dexterum: & tubercula ad gingivas circa dentes magna, velut uvæ acini, livida, nigrescens, doloris exortia, ubi cibum non caperet. Sed & crura doloris exortia erant, si non exurgeret. Venit enim & ad sinistrum tumor, verum minus livescebat. In tumoribus

circa genua ac pedes velut suppurationes erant. Tandem vero fieri non poterat, ut staret, aut calcaneis insistere, sed in lecto decumbebat. Calores manifesti: quandoque cibum averfatur: non valde siticulosus: neque ad sedem surgebat, anxius: & quandoque etiam pusillanimitas tenebat: veratrum exhibitum est, & capitis purgationes. Ad os pharmacum ex manna thuris, cum aliis ammixtis profuit. Ad ulcera in ore, sorbitio lenticulæ commoda erat. Circa sexagesimam sedati sunt tumores a secundo veratro: dolores tantum ad genua decumbenti venerunt. Humor autem & bilis abscessit ad genua, etiam pluribus diebus ante veratrum.

27. Pisistrato humeri dolor, & gravitas diuturna deambulanti & alias sano, hyeme vero incidit multus lateris dolor, & calor, & tussis, & excretio sanguinis spumosi, & in faucibus stertebat. Verum facile ferebat, & apud seipsum erat, & calor remisit, simulque & excretio, & stridula asperitas & circa quartam aut quintam diem sanus.

Simonis uxori in partu concussæ dolor circa pectus & latus, tussis, febres, excreationes purulentæ, tabes, ad sex menses febres, & alvi profluvia semper. Ad finem febres cessaverunt, post cessationem substitit alvus, & post septem dies mortua est.

Euxeni uxorem ex fomentis, ut videbatur, calores nullo tempore relinquerebant, magis tamen ad vesperam augescebant, sudores fiebant per totum corpus. Febre ad augmentum tendente frigiditas pedum, quandoque etiam tibiarum & genuum fiebat, tussicula sicca ad modicum tempus, febre exacerbanti incipiente, deinde cessabat, per

multum autem tempus etiam totius corporis rigor fiebat. Sitis exors semper. Ubi medicamentum bibisset, & serum, magis læsa est. Ab initio omnino sine dolore erat, & bene spirabat. Medio vero tempore lateris dextri dolor fiebat, & tussis commota est, & anhelatio, & excreationes parvæ albæ ac subtenuēs, & horror non amplius ex pedibus, sed de collo & dorso, & alvus liquidior: remisit febris cum multo sudore, & perfrigerata est. Anhelatio vero erat varia, mortua est post remissionem septima die quum esset mente prudens.

28. Polemarchi uxor æstate incepit febrile, dimisit autem ipsam febris sexta die: titubans obambulabat, ad noctem calores. Rursus interposito tempore corripuit febris, & non demisit tribus fere mensibus, tussis multa, excreatio pituitæ. Postquam vero viginti durasset diebus, spiritus semper densus, in pectore strepitus, plerumque sudor, mane febris mitior: & horrores quandoque corripiebant, somni fiebant, & alvus aliquando humectabatur, & rursus restitabat, moderate cibum gustabat. At medio tempore ad genua & tibias dolor, & ad flectendum ac extendendum alio opus habebat. Perseverabant crurum affectiones usque ad finem jam propinquum, & intumuerunt pedes usque ad tibias, & ad contactum dolebat, & sudores ac rigores desierunt. Febris autem semper intendebatur. Ante obitum alvus erupit, prudens permanebat. Tribus ante obitum diebus, in faucibus stertebat, & spiritus revertebatur. Mortua est.

Hegesipolis filiulus quatuor fere mensibus dolorem circa umbilicum corrodentem habebat. Progressu temporis augebatur dolor. Percutiebat ventrem,

vellicabat, calores corripiebant, contabescebat, ossa reliqua erant, pedes tumebant. Testes, venter, partes circa umbilicum inflata. Num & quibus futurum est ut alvus exturbetur? cibum averfabatur, lac solum admittebat recens, & alvus liquida erat, & subcruenta sanies subibat, male olens: alvus ardebat, mortuus est ubi vomisset modicum pituitosum, adeo ut quis genituram putasset.

29. Plateæ filio ubi mortuus esset, futura capitis valde cavata est. Quum autem ægrotaret, semper manu sinciput contingebat: maxime morti propinquus. Non dolebat autem caput, & in femore sinistro sub inguen partes inferiores lividæ. Testes autem graciles erant. Similia etiam Hegetoridae filio: mortuus est. Præterquam quod vomitus plures sub obitum contigerunt.

Hippiæ soror hyeme phrenitica, mente aberrans, manibus negotium exhibens, lancinans seipsam. Quinta & sexta ad noctem voce destituta, soporosa, inflans in maxillas & labia, velut dormientes: septima mortua est.

Asander ubi inhorruit, lateris dolor, & ad genua dolor, itemque ad femur, ubi comedisset, delirabat, brevi mortuus est.

30. Cleotimo sutori alvo liquefacta multo tempore, & calore oborto, juxta hepar tumor tuberculofus ad imum ventrem descendit, & alvus liquida fiebat, & aliud ipsi tuberculum juxta hepar sursum ad præcordium: mortuus est.

Quibusdam capitis dolor vehemens cum calore: quibusdam quidem ad dimidiam capitis partem, & secundum nares humor quidam decedit tenuis, aut maturus: aut ad aures: aut ad fauces ex capite securius. Quibusdam vero

vero hæc sicca. At marcor vehemens periculosus est. Si vero affuerit anxiosus aut biliosus vomitus, aut stupor oculorum, aut vocis interceptio, & raro quid loquutus, aut delirium, lethalia hæc sunt & convulsoria. Quicumque vero ex destillatione dimidiam capitis partem dolent, & humore secundum nares decedente insuper febrient leniter, in quinta aut sexta perfrigerantur.

Echecrati cæco capitis dolor vehemens magis ad posteriorem partem, & colli quo loco connexio est, & ad verticem procedebat. Progrediente tempore & ad aurem sinistram: & dimidia capitis pars dolorosa erat, mucosa semper procedebant leniter combusta, & calor comitabatur tenuis, & cibum averfabatur, in die melius habebat, ad noctem vero dolebat. Postquam autem pus per aurem erupit, cessaverunt omnia, erupit autem circa hyemem. Num & omnibus suppurationibus, & affectionibus circa oculum, dolores ad noctem?

31. Quibus tusses hyeme maxime austro spirante crassæ & multa exscreantibus, febres accedunt: leniter autem quinta die sedantur. Tusses vero circa quadragesimam, velut Hegesipoli. Quibus calores multi quandoque sedantur, hi non per totum corpus, sed aut circa cervicem, aut sub alis, aut capite sudantes liberantur.

Chariti hyeme ex tussicula populariter grassante febris adventans acuta corripuit, stragula rejiciebat: sopor cum dolore. Urinæ erant rubræ velut ervi lotura, subsidencia statim ab initio multa, alba: postea etiam subrubra. Septima a glande subdita pauca prodierunt, sopor detinuit sine dolore, humiditas in fronte, somnus ad no-

ctem, & calor mitior, octava succum admisit, soporosus permanit usque ad undecimam. Hac autem die etiam calor maxime cessavit. Postquam vero tussis erat, exscretio perseverabat semper multa, facilis, primum viscosa, alba, crassa: postquam autem concocta esset, similis purulentis. Urinæ ab undecima die puriores, subsidencia aspera, decimatertia dolor ad dextera, usque ad lateris mollitudinem, ad imum ventrem. Urina supprimebatur. Potus callyphylli contulit. Decimaquinta, rursus dolor, decimasexta, ad noctem magis dolor præcordii incipiebat ad ventrem. Mercurialis aqua subduxit. Calor intra vigesimum evanuit, & exscreationes sequutæ sunt crassæ. Melius habuit ad quadragesimum.

32. Subpurgandi sunt ventres in morbis, ubi purganda matura fuerint: inferni quidem, ubi confidisse videris, signum habes si non anxii fuerint, neque capite gravati, & quum calores mitissimi, & quum post exacerbationes cessarint. Superni vero, in ipsis exacerbationibus. Tunc enim & hi elevantur, quum anxii, & gravati supernis partibus fuerint, propterea vero in principiis purgandum non est, quoniam sua sponte in his temporibus expurgantur.

In cubiti processu ex casu fauciatto, cubitus marcore corruptus suppuratur: maturatione vero contingente, viscosa sanies ac glutinosa exprimitur, & brevi supprimitur: velut & Cleogenisco, & Demarcho Aglaotelis filio. Similiter autem & valde ex iisdem pus nullum: velut Æschyli filio contigit. At ubi suppuratur, plurimis horrores & febres accedunt.

33. Alemani ex renum affectionibus se recolligenti, & sanguine deorsum

detraeto, sursum ad hepar conversus est morbus, & ad cor dolor vehemens, & spiritus præ dolore detinebatur, & alvus difficulter egerebat parva caprini stercoreis pilulis similia: anxietas non inerat. Verum rigor quandoque & febris corripiebat, & sudor, & vomitus, & in dolore non conferebat aqua marina per clysterem infusa. Verum furfurum decoctum infusum contulit, a cibo abstinuit ad dies septem, aquam mulsam meraciorem bibit, postea lentis succum, quandoque vero ex lenticula fresca decoctum. Inde bibit aquam, postea catulum coctum: & mazæ parum, quæ potissimum diu antea confecta esset, progressu vero temporis, aut cervices bubulas, aut extremas partes suillas coctas, una cum priore aquæ potu: quies, tegmen, ad renum affectionem infusum per clysterem ex cucumere sylvestri.

34. Parmenisci filio surditas: contulit clysterem auricularium non adhibere. Verum lana expurgare, & solum oleum, aut netopum infundere, deambulare, mane surgere, vinum album bibere, oleribus abstinere, pane & piscibus petrosi nutriri.

Aspasi uxori dentis & maxillæ dolor vehemens. Castorium & piper colluens, ac in ore tenens, remisit. Et stillicidii urinæ affectionem ipsi sedavit farina cum rosaceo. Capitis dolores ex utero sedat castorium. Plurimas uteri affectiones flatus faciunt. Signum sunt ructus, & strepitus circa ventrem, & lumborum tumores, & dolores circa renes ac coxas. Ad hos autem confert, aromatum tertiam partem, farinæ duas, in vino odorato albo coquere, & linteolo illita cataplastatis modo imponere, qua parte ventris dolores ab utero affligunt.

Callimedontis filio contulit ad tuberculum, quod habebat in collo durum, & magnum, & crudum ac dolorosum, venæ brachii sectio: & seminis lini torrefacti cataplasma, vino albo ac oleo subactum ac imbutum, ita ut neque calidum, neque valde coctum deligatur. Aut cum aqua mulsâ coquatur fœni græci, aut hordei aut tritici farina.

35. Melissandro quum gingiva dolore corriperebatur, & vehementer intumesceret, sectio venæ brachii, & alumen Ægyptium in principio sedabat.

Eutychedi ex cholericis affectionibus, ad nervorum in cruribus distentionem desivit, una cum secessu deorsum. Bilem multam abunde coloratam vomuit ad tres dies ac noctes valde subrubram, sub vomitum bibit, & impotens erat, & anxius. Nihil autem continere poterat, neque ex potibus, neque ex cibis: & urinæ ac transitus deorsum suppressio, per vomitus fex mollis prodiit, & deorsum quoque erupit.

Regio morbo correpto prodest laborare, sudare, panem edere, bibere non multum, lavare caput calida multa, sed potius tepida, vinum album, somno non multo uti.

36. Calligeni circa vigesimum quintum ætatis annum destillatio, tussis multa, quod defluebat per vim educabat, nihil infra persistebat, annos quatuor perseverabat. Ab initio calores tenues fiebant. Veratrum non profuit, sed modicus cibus, & comprimari corpus, edere panem, bibere vinum nigrum, obsoniorum quorumcunque esus, abstinentia ab acribus, salis, pinguis, succo silphii, oleribus crudis, multa deambulatio. Lactis potus non contulit, sed sesamum purum, crudum, acetabuli mensura bibere, cum vino molli.

Timochari hyeme destillatio, maxime in nares. Quum Venere usus esset, resiccata sunt omnia: lassitudo, calor successit, caput grave, sudor a capite multus, defluebat autem & per totum corpus. Erat autem etiam sanus sudare adsuetus, tertia die sanatus est.

Cleomenis filius hyeme initio factio cibum averfabatur, & ejus fastidio citra febrem vexabatur, & vomebat cibos ac pituitam. Duobus autem mensibus cibi fastidium durabat.

37. Coco in spina gibbositas facta est ex phrenitide. Huic nulla medicamenti potio contulit. Verum vinum nigrum, & panis esus, & balneorum abstinentia, & unctio, & frictio ab unctio, & fovere non valde, neque multo fomento, sed leni.

Quibus fluxiones in oculis tenues ac diurnæ, si maturæ in nares processerint, profunt.

Quibus prægnantibus ex casu, aut convulsione, aut plaga, dolores leviter fiunt, his in tribus diebus manifestum fit, an fœtum corrumpent. Cui-dam quæ circa vigesimum ætatis annum biberat ultro pharmacum ad fœtum perdendum, accidit dolor, vomitus biliosorum, multorum, pallidorum, prasinosorum, nigrorum. Quum bibisset, tertia die convulsio corripiebat, linguam commandebat. Ad quartam diem ad ipsam ingressus sum: lingua nigra, magna: oculorum albæ partes, erant rubræ: vigilabat, quarta mortua est ad noctem.

38. Pythocles ægrotantibus aquam, & lac multa aqua ammixta dabat, & renutriebat. Perniones pertundere oportet, & calefacere, ita ut quam maxime excalefacias igne & aqua.

Oculis incommoda sunt lenticula,

fructus pomorum dulces, & olera. Doloribus circa lumbos, aut coxam, aut crura, ex laboribus abortis, aquæ marinæ, aceticque calidum fomentum confert, ita ut vel aspergas, vel spongiam his imbutam adhibeas. Deligare vero lanis oportet. Origanum potum, oculis & dentibus malum est.

Puella, quæ de rupe cecidit, voce destituta, jactatio ipsam tenebat, vomuit ad noctem sanguinem. Quum ad sinistram aurem impegisset, amplius inde fluebat, & aquam mulsam difficulter deglutiebat, stertor habebat. Spiritus densus velut morientium. Venæ circa frontem intentæ, decubitus supinus, pedes tepidi, febris multa, aliquando acuta: maxime expavescebat, septima vocem rupit, calores tenuiores erant, superstes evasit.

Nisantides humeri dolorem habebat, in æstate abortum ex abscessu, profuit ipsi corpus & humerum in aqua marina madefacere, ad multum tempus: & per tres dies vinum album aquosum bibere, simul ut in aqua marina decumberet, ita ut ipsa urinam ejiceret.

39. Fullo in Syro phreniticus: quum ureretur, cruribus tremulis: corpus velut a culicibus compunctum: oculus magnus, motus brevis, vox fracta, sed clara tamen: urina pura subsidentiam non habens. Nam propter alvi ex thapsia egestionem, decimo-ætava die morbus remisit, evanescens, citra sudorem.

Nicoxenus in Olyntho similiter septima die videbatur a morbo liber esse cum sudore. Sorbitiones assumebat, vinum, botrum ex sole. Decimo-septima die ingressus sum ad ipsum: lingua ardebat, calor forinsecus non valde fortis, exolutio corporis vehemens:

vox fracta, ut operosum esset exaudire, clara tamen: tempora collapsa, oculi cavi, pedes molles ac tepidi, juxta splenem distentio. Infusum per clysterem non valde suscipiebat, sed resiliebat: prodiit stercus compactum modicum, & aliquid sanguinis, arbitrator ab infuso. Urina clara, pura, decubitus supinus, crura diducta ac disparata, ob exolutionem, penitus vigil. Intra viginti dies calor evanuit. Potus erat aqua de farina crassa in ipsa macerata: Sed & de pomis simulque mali punici succus: & lentis torrefactæ, & farinæ lotura cocta, frigida, tenuis sorbitio. Superstes evasit.

40. Fullonum inguina extuberabant dura & sine dolore, & circa pubem ac collum similia erant tubercula magna: febris ante diem decimum. Tussi vexabantur a ruptionibus. Tertio mense aut quarto venter colliquivit. Calores successerunt, lingua sicca, sitis, egestionis deorsum malignæ: mortui sunt.

Cholericæ bilis sursum ac deorsum eruptiones ex carnis esu, maxime fuisse crudioris, & ex cicere, & ebrietate vini odorati veteris, & insolatione, & ex sepiis, & locustis, & gammaris: & ex olerum esu, maxime porri & ceparum. Insuper & a lactucis coctis, & brassica, & ramicibus crudioribus: & a placentis ac dulciariis & mellitis libis, & a fructibus pomorum, & cucumere pepone, & vino lactei teporis, & ervo, & polenta recenti. Cholericæ affectiones magis in ætate fiunt, & febres intermittentes, & quibus horrores accedunt. Hæ quandoque malignæ fiunt, & ad morbos acutos perveniunt. Verum cavere oportet. Judicat autem tales morbos maxime quinta, & septima, & nona dies. Melius

tamen est cavere usque ad decimam quartam.

41. Pherecydæ post solstitium hybernum, noctu lateris dextri dolor etiam prius fieri solitus cessavit, pransus est: & egressus horruit: febris ad noctem, doloris exors, tussicula quædam sicca. Urina non multa, subsidentia multa. Ab initio ramentosa, glabra, divulsa: post dies quatuor turbulenta, subsidebant: & urina non decolor, subsidentiam habens, & collectio non apparebat in matula, ubi perfriguisset. Tertia die alvus sua sponte egressit. Quarta subdita glande, stercorea & biliosa prodierunt: fluxus erat liquidus. Somnus ad noctem non valde. Verum interdium aliquantum dormiebat. Sitis non vehemens. Quarta ad noctem maxime cutis circa frontem, & reliquum corpus mollis, semper superexcedens: febris vincebatur ad manum, & sub ea humescebat: pulsus in fronte valde obscurus, venarum gravitas in conversionibus, & in omnibus egestionibus ad modicum tempus, semper doloris exors, ab initio anxius, & paulatim vomiebat. Septima a glande subdita, egressit ter bilioium ac stercoreum, liquidum valde ac pallidum: & jam aliquantum delirabat: & humiditas modice quandoque circa frontem: stragula in faciem ducebat: oculos frustra velut si quis videret contrahebat, & rursus nictabat: & stragula rejiciebat. Nona die sudor mane obortus ad pectus, perseverabat donec moreretur: & febris, & deliratio augebatur. Circa frontem sudor plurimus graveolens, color valde albus, cutis sub pilis interpuncta: præcordium dextrum elevatum: demisit a seipso biliosa. Octava apparebant velut culicum morsus: ante mortem tussiendo rejecit velut ex

mucos fungos, compacta quædam, alba pituita circumdata. Exscreerat autem & antea parva, alba, lactea.

42. Quidam post cœnam in somno horruit, mane surrexit, capite gravatus horruit, vomuit: capite gravabatur, ad noctem remisit: usque ad meridiem leniter horruit: rursus noctem graviter tulit. Sequenti die febris acuta, capitis torpor, vomitus multæ bilis, quæ plurimam prasina erat: cessaverunt omnia, somnus ad noctem, mane perfrigerabatur, sudor & humiditas per plurimam corporis partem: juxta splenem manu indicabat ad modicum tempus collectionem doloris exortem, statim evanuit; ad noctem vigil: circa fori tempus exacerbabatur febris, anxietas, vertigo, tormen, capitis dolor: vomitus pralinus, levis, viscosus velut pituita: circa solis occasum cessaverunt omnia, sudor capitis, colli: post vomitum egressit per alvum stercoracea, liquida, biliosa, neque nigra, neque inconvenientia. Noctem moderate habebat, itemque sequentem diem ad noctem rursus vigil. Vomitus mane similiter & sequenti die, citra anxietatem dolores capitis post sudorem cessarunt, ad vesperam omnia remiserunt. Nona, non amplius vomuit, magis calefactus est. Reliquis non videbatur febrere. Venæ in temporibus saliebant: doloris omnino exors, sitis semper erat. Nona quum ad sellam surrexisset, valde animo linquebatur: a glande subdita egressit ramenta nigra & biliosa colore, quantum stercoracei destillabat: vox fracta, in conversionibus gravis, oculi cavi, cutis frontis circumtensa, alioqui bene spirabat, moderatus erat, ad parietem plerumque conversus: flexibilis in decubitu, incurvatus quiescens, lingua alba, lævis. Circa Decimam &

postea, urinæ rubræ in circuitu, in medio exiguum quid album: duodecima ad glandem subditam, similia destillabant biliosa & ramentosa: post glandem animi deliquium, postea os reficcabatur. Colluebat semper, etsi non valde frigida esset aqua, calidam esse dicebat: nivem leniter gustabat, sitis non inerat, stragula semper de pectore repellebat. Chlamydem calefieri non sinebat, ignis procul, isque parvus: utriusque maxillæ rubor, postea lingua inarticulata, recalescebat unum aut duos dies, cessavit.

43. Androphani vocis interceptio, ignorantia, delirium. His sedatis supererat multis annis, & recidivæ fiebant: lingua permanebat per totum tempus sicca, & si collutione non uteretur, loqui non poterat: & plerumque erat valde amara. Aliquando etiam dolor ad cor. Venæ sectio solvit hæc: aquæ potus, aqua mulsa. Veratrum quoque bibit nigrum, biliosum non prodibat, sed modicum. Tandem hyeme decubuit, & extra se positus mente motus est, & linguæ affectiones similes, calor tenuis, lingua decolor. Vox peripneumonica, de pectore stragula rejiciebat, & se educi jubebat, velut micturum, quum nihil clare loqui posset, neque apud seipsum esset; educabant ipsum: ad noctem mortuus est, duobus aut tribus diebus decubuit.

Nicanoris affectio erat, quum ad convivium progredederetur, timor tibicinnæ: quum sub initium vocis tibicinnæ, in convivio tibia canere audivisset: præ timoribus turbationes, vix se sufferre posse dixit, quum nox esset. Interdium vero audiens nihil commovebatur, & hæc multo tempore ipsum comitabantur.

44. Damocles, qui cum illo erat, cæcutire, & corpore exoluto esse si-

bi videbatur : & sane præruptum locum non accessisset , neque trans pontem , aut minimæ altitudinis scrobem ausus fuisset transgredi , præ timore ne eaderet , sed per ipsum scrobem ibat : hoc ad tempus quoddam ipsi aderat .

Phœnicis affectio erat , ex oculo dextro plerumque velut fulgur elucere putabat . Ubi vero non diu ipsum clausisset , dolor ad tempus dextrum vehemens oriebatur : postea etiam ad totum caput , & collum : caput intumescibat retro ad verticula : & distentio ac duritia erat circum tendines . Si itaque conaretur commovere caput , aut aperire dentes , non poterat , utpote valde distentus . Vomitus si quando oborti essent , relatos dolores avertabant , ac mitiores faciebant : & venæ sectio profuit : & veratrum duxit omnigena , & non minime prasina .

45. Parmenisco etiam prius incidebant tristitiæ , & desiderium excedendi e vita : quandoque vero rursus lætus erat . At in Olyntho aliquando autumnis tempore , voce privatus decumbebat , quietem agens , ita ut parum saltem loqui conaretur , ac inciperet . Imo etiam si quid loquutus esset , rursus voce destituebatur : somni aderant : quandoque vero vigiliæ : & jactatio cum silentio , & anxietas : & manus ad præcordia velut dolenti . Aliquando aversus jacebat quietem agens , febris perpetuo , & facile spirabat . Postea dixit se cognoscere ingressos . Bibere quandoque tota die ac nocte , etiam si potus exhiberetur , non valebat : quandoque vero urna derepente correpta , omnem aquam ebibeat . Urina crassa velut jumentis . Circa decimam quartam remisit .

Cononis serva ex dolore capitis incipiente , extra se mente mota erat :

& clamor , & querelæ multæ , raro autem quies . Circa quadragesimum diem mortua est . Decem vero diebus ante mortem , voce destituta & convulsa fuit .

Timocharis servus ex atrabiliaris esse quum putaretur a tot ac talibus viris , mortuus est similiter circa eodem dies .

46. Nicolai filius circa solstitium hybernium ex potationibus horruit : ad noctem febres : postridie vomitus biliosus , merus , modicus . Tertia die quum concio adhuc fori plena esset , sudor totius corporis ; cessavit , & statim rursus calefactus est : (ad mediam noctem rigor , febris acuta ; die vero eadem hora sudor : rursus statim recaluit ,) vomitus similis . Quarta ab aqua mercurialis , egestit stercoræa & liquida . Urina ei netus specie , qualis est aqua mercurialis , non dissimilis , subsidentia non erat , neque urina multa , pauca quædam in medio vehebantur innatantia : dolores præcordii sinistri & lumborum . Putabat se ex vomitu insuper respirare , & insuper respirabat , quandoque dupla respiratione : lingua alba , habens ex dextra parte concretionem adnatam instar lupini . Parum siticulosus erat , vigil , prudens . Sexta dexter oculus major dum videret . Septima mortuus est . Verum alvus ante mortem elevata fuit : & mortuo posteriores partes rubefactæ sunt .

47. Metoni circa pleiadum occasum febris : lateris sinistri dolor usque ad claviculam , atque is adeo vehemens ut quiescere non posset : & inflammatio tenebat , alvi egestio multa , biliosa . In tribus fere diebus cessavit dolor . Calor autem circa septimum aut nonum . Tussis inerat , excreationes neque biliosæ , neque multæ fiebant , verum

rum pituitosæ, tusses comitabantur, cibos gustabat, quandoque velut sanus exhibat. Corripiebant autem aliquando calores tenues modico tempore, sudores fiebant ad noctem. Spiritus in calore densior, maxillarum rubor, circa latus gravitas, & sub alas, & ad humerum, tusses tenebant, medicamentum per superna eduxit biliosa. Tertia a medicamento erupit pus, verum ab initio morbi quadragesima, repurgabatur circa triginta quinque alios dies, & sanus evasit.

Uxori Theotimi in semitertiana anxietas, & vomitus, & simul horror incipiente febre, & sitis: progrediente tempore incipiente febre calor ingens. Ubi aquam mulsam bibisset, & vomisset, & horror, & anxietas sedata sunt, & mali punici succum postea accepit.

Diopithis sorori in semitertiana, cordis dolor gravis circa accessionem, & comitabatur is totam diem: & hujusmodi cordis sive oris ventriculi dolor etiam aliis similiter aderat. Veruntamen sub pleiadis occasum viris talia rariora fiebant.

48. Uxori Apomoti in semitertiana circa arcturum, vehemens cordis dolor circa accessionem, & vomitus, & strangulationes ab utero simul instabant, & ad dorsum dolores juxta spinam. Quum autem huc ipsi pervenirent, cordis dolores cessabant.

Terpidæ matri a Dorisco, quum abortus factus esset mense quinto gemellorum, ex casu, ab altero quidem statim, velut in tunica quadam liberata est: ab altero vero prius aut posterius quadraginta diebus. Postea autem concepit in ventre. At anno nono dolores vehementes circa ventrem ad multum tempus, quandoque incipiebant ex collo ac spina, confidebant autem ad imum ventrem & inguina: quandoque

ex genu dextro, confidebant autem ad eundem locum. Et quum quidem juxta ventrem dolores essent, alvus elevabatur, quum vero sedarentur, cordis dolor coincidebat. Verum strangulationes non aderant. Sed frigiditas corporis, velut in aqua jacentis. Tempore quo dolor fiebat, per totum corpus dolores spargebantur, mitiores his qui ab initio erant: allium, silphium, acria omnia non conferebant, neque dulcia, neque acida: neque vina alba: Verum nigra, & balnea rara. Ab initio quoque vomitus vehementes fiebant, & ciborum exclusiones, & circa dolores menses non apparebant.

49. Cleomenis uxori circa favonii flatus, ex nausea & lassitudine, lateris sinistri dolor, ex collo ac humero aspiciatus: febris & horror, & sudor. Incipit autem febris, & non desit, sed augescebat, & dolor vehemens, tussis, excretio subcruenta, pallida, multa, lingua alba, alvi egestionis moderatæ, liquidæ, urinæ biliosæ. Quarta ad noctem menses prodierunt multi: cessavit & tussis, & excretio, & dolor: calor autem tenuis.

Epicharmi uxori ante partum dysenteria, dolor, alvi egestionis subcruentæ, mucosæ. Ubi peperisset, statim sana erat.

Polemarchi uxori in morbo articulari coxæ dolor derepente, mensibus non prodeuntibus. Ubi betæ succum bibisset, vox supprimebatur per noctem, & usque ad meridiem: attamen audiebat, & sapiebat, & manu significabat, dolorem esse circa coxam.

50. Clinix sorori seniori vomitus, quicquid accepisset per quatuordecim dies, citra febrem, cruentorum vomitionum rejections: & contracta strangulatio ad cor procedebat. Castorium, sceli, mali punici succus, sedaverunt

omnia : abcessit autem dolor moderatus ad lateris mollitudinem : bulbi succus, & vinum lactei teporis, austerum, & panes quam paucissimi cum oleo.

Pausaniæ filiam ex fungi crudi esu, anxietas tenebat, strangulatio, dolor ventris. Aquam mulsam calidam bibere ac vomere profuit, & balneum. In balneo fungum evomit, & ubi illa cessatura essent, exsudavit.

51. Epicharmo circa pleiadum occasum, humeri dolor, & gravitas vehemens ad brachium, anxietas, vomitus multi, aquæ potus.

Euphranoris filio pustulæ velut a culicum morfu.

Post favonium siccitates fiebant, usque ad æquinoctium autumnale. Sub canem æstus vehementes, & venti calidi, & febres sudorificæ, & statim aliquantum recalescebant. Tubercula vero juxta aurem multis fiebant. Aniculæ a tussi vexatæ circa nonam diem. Adolescenti splenico ancillæ filio, alvo liquefacta, circa idem tempus. Ctesiphonti sub arcturum, fere circa septimam. Adolescenti solum suppurata sunt. Eratylli filio evanuerunt. Circa utraque tempora, nullæ exudationes, lingua præ siccitate blæsi.

Recti venti spiraverunt multi ac frigidi : & nives ex clementi cælo quandoque fiebant, & post æquinoctium, austrina aquilonaribus permixta, aquæ multæ, populariter grassatæ sunt tusses multæ, magis autem in pueros. Circa aures multis talia, qualia Satyri habent. Quandoque vero ante hoc tempus hyems valde hyberna erat, cum nive & pluviis aquilonaribus.

52. Timonactis filio ferme bimestri pustulæ in cruribus, & in coxis, & lumbis ac imo ventre, & tumores valde rubicundi. His autem sedatis, convulsiones & comitiales fiebant, sine febr-

bus, multis diebus : & mortuus est.

Polemarchi filio contigit quidem ut priore tempore suppuratus esset, & exscrearet : postea vero calores ipsi erant : & hydropicus erat, & splenicus, & anhelosus : ad locum acclivem si quando accederet, impotens, & siticulosus : quandoque etiam cibum leniter averfabatur, & siccæ tufficulæ ad multum tempus ita fiebant : titubans obambulabat : & si non facile solubilis esset alvus deorsum, plena reddebatur, & anhelatio ac strangulatio magis fiebant. Tandem autem defluxus & excretio supervenit, ac tussis. Excretio crassa, pallida, purulenta : & febris vehemens cessasse videbatur : & tussis mitior, & excretio pura. Rediit rursus febris acuta, spiritus densus : mortuus est. Verum antea riguerunt pedes, & postea perfrigeratus est. Spiritus magis interclusus est. Urina substitit, extremæ partes perfrigeratæ sunt : prudens mortuus est, tertia die a recidiva.

53. Thyni filio in febre ardente inedia macerato, alvi egestio multa. Verum cum bile, & animi deliquio, & sudore multo fiebat : perfrigeratus est valde : & voce destitutus erat totam diem ac noctem. Instillatum prisanæ succum continuit : sapiebat, bene spirabat.

Epicharmi filio accidit ex via & potu cruditas. Postridie mane anxietate oborta, ubi aquam, acetum, sallem bibisset, evomit pituitam. Postea rigor apprehendit, lavit febricitans. Pectus dolebat. Tertia mane statim sopor modico tempore tenebat, & delirabat, & febris acuta : graviter morbum tulit. Quarta vigil, mortuus est.

Aristoni ulcerato pedis digito, cum febre loquelæ obscuritas. Carcinoma ascendit usque ad genu : periit. Erat autem nigrum, subaridum, graveolens.

Cui carcinoma in faucibus ustum est,

est, sanus evasit a nobis.

54. Polyphantus in Abderis caput dolebat in febre vehementi. Urinæ tenues, multæ. Subsidentia densæ & conturbatæ. Quum autem non cessaret dolor capitis, sternutatoria decima adhibita sunt. Postea ad collum dolor vehemens. Urina prodiit rubicunda conturbata velut jumenti: mente motus est phrenitico modo. Mortuus est in vehementibus convulsionibus.

Consimiliter etiam Eualcidæ famula, quum multo tempore densæ urinæ prodissent, & capitis dolores adessent, phrenitica facta mortua est, eodem modo ex vehementibus doloribus. Nam urinæ densæ ac conturbatæ, certum signum sunt doloris capitis, & convulsionis, ac mortis.

Halicarnassensis qui in domo Xanthippi diversabatur, aurem hyeme dolebat, & caput non mediocriter. Erat autem annorum circiter quinquaginta. Vena secta est juxta Mnesimachum: læsum est caput evacuatum ac perfrigeratum. Non enim facta est suppuratio. Phreniticus factus est, & mortuus. Urinæ erant & huic densæ.

55. In Cardia Metrodori filio ex dentium dolore corruptio maxillæ, & gingivarum vehemens carnis excrescentia, mediocriter suppuratio facta est, exciderunt dentes molares, & maxilla.

Anaxenor in Abderis, erat quidem splenicus, & vitiati coloris. Contigit autem ipsi ut tumor circa femur sinistrum obortus, derepente evanesceret. Non multis vero postea diebus oborta est ipsi circa splenem velut pustula nocturna ab initio, insuperque tumor ac rubor durus. Post diem quartum febris ardens oborta est, & livida facta sunt omnia circumcirca, & putrida videbantur: mortuus est. Verum prius subpurgatus est, & intelligentiam habebat.

Clonigus in Abderis, erat quidem nephriticus, mingebat autem sanguinem paulatim plerumque difficulter. Vexabat etiam alvus dysenterica. Huic mane quidem dabatur lac caprinum, & aquæ quinta pars, ita ut ex ambobus compositum totum essent heminae tres: Ad vesperam autem, panis valde affatus, obsonia, beta aut cucumis, vinum nigrum tenue. Dabatur etiam cucumis pepo. Hæc vero victus ratione quum uteretur, & alvus substitit, & urinæ puræ prodibant. Bibit autem lac donec urinæ restitutæ sunt.

56. Mulieri in Abderis carcinoma factum est circa pectus, erat autem tale: per papillam sanies subcruenta fluebat, intercepta autem fluxione, mortua est.

Dinii filio in Abderis umbilicum mediocriter sauciato, fistula parva relicta est, & quandoque etiam lumbricus per seipsum satis crassus penetravit: & quum febreret, vomebat biliosa: quandoque vero & hæc ipsa per fistulam prodibant. Allapsum est & intestinum ipsi ad fistulam, & velut fistula corrodebatur, & rursus refringebatur: & tusses permanere prohibebant.

Pythonis filio in Pella febris statim incepta multa: & in somnum collapsio: & cum vocis interceptione somni fiebant, & alvus dura per omne tempus. At glande ex felle subdita, multa egerebat, & statim remittebat. Verum brevi alvus rursus elevabatur: & febris exacerbabatur, & collapsio in somnum per eadem. Quum autem idem ductus esset, datum est medicamentum quoddam ex his quæ cnico, & cucumere sylvestri, & peplo constant: & biliosa egestio erupit, & statim sopor sedatus est, & febris mitigabatur & omnia leviora facta sunt, & judicatus est die decimaquarta.

57. Eudemus splenem vehementer do-

dolebat: imperarunt ipsi medici ut multum ederet, & vinum biberet modicum, tenue, & multum deambulet: non mutatum est quicquam. Vena secta est, cibos ac potus parce sumpsit: deambulationes fecit, sensim augmento facto. Vinum bibit nigrum, tenue: sanatus est.

Philistidi Heraclidæ uxori cœpit febris acuta, rubor faciei, ex nulla manifesta causa: paulo post in die rigorem habuit: quum non recalesceret, convulsio facta est in digitis manuum ac pedum, paulo post recalescens: minxit urinas compactis quibusdam innatantibus, nubeculosas, divulsas: noctem dormivit. Secunda die rursus riguit, paulo magis calefacta est, & rubor minor, & convulsiones fiebant moderatiores. Urinæ consimiles: noctem dormivit, parum vigilavit, quum nulla molestia premeretur. Tertia die minxit coloratiora, modicam subsidentiam habentia: eadem hora rigor apprehendit. Febris acuta, sudor ad noctem per totum corpus. Verum vesperi color ad morbi regii modum permutatus est, noctu dormivit, ac per totum corpus sudavit. Quarta sanguis ex sinistra nare probe fluxit, & menses pauci comparuerunt ordinate. Rursus autem eadem hora febris exarcebata est. Urinæ compactis quibusdam innatantibus paucæ. Alvus natura quidem dura, verum multo magis substitit, neque quicquam prodibat, si non glandem subdidisset: noctem dormivit. Quinta, febris mitior: & ad vesperam per totum corpus sudabat, & menses prodierunt, & noctem dormivit. Sexta minxit acervatam multam urinam, compactis quibusdam innatantibus, modicam subsi-

dentiam habentem, concolorem. Circa meridiem vero parum rigore tenebatur: aliquantum incaluit: sudavit per totum: noctem dormivit. Septima parum calefacta est: facile tulit: sudavit per totum: urinæ boni coloris. Judicata sunt omnia.

58. Tychon in obsidione circa Datum, ictus est catapulta in pectus, & paulo post risus erat circa ipsum tumultuosus. Videbatur autem mihi medicus eximens lignum, reliquisse ferrum in septo transverso: & quum ipsi ita videretur, ad vesperam infusum per clysterem adhibuit, & pharmacum deorsum purgans dedit. Noctem primam moleste transegit. Statim vero ubi dies illuxisset, & medico, & aliis, melius habere videbatur, erat enim quietus. Prædictio facta est, quod ubi convulsio fieret, non tarde moriturus esset. Sequentem noctem moleste ferens, insomnis, plerumque in ventrem decumbens. Tertia mane convellebatur. Circa meridiem mortuus est.

Eunuchus ex venatione & discursu hydropicus factus est. Quidam circa Elealcis fontem, ad sex annos habuit ex equitatione, inguinum tumorem, varices, & coxendicum dolores. Qui lateris mollitudine tabuit, septima die mortuus est. Præpotent crudi salsa cum melle. Scottatio turpis, dysenterix medela est.

Leonidæ filiæ natura concitata, averfa est: averfa in iram excanduit: ubi ira excanduit, reconciliata est. Medicus non intellexit: puella mortua est.

Philotimi filius puber venit ad me in Jechina, calvariæ os habens medicina destitutum: in quo videbam occultas ratiocinationes non esse constantes.

